

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部  
第八三冊



責任編輯：孫言誠 賀 偉

ISBN 7-5333-0535-3



9 787533 305352 >

21389/13

四庫全書存目叢書·史部八三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 50.25 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

# 史部第八三冊目次

## 史部·傳記類

薛文清公行實錄五卷

〔明〕王鴻輯  
私藏明萬曆十六年吳達可刻崇禎重修本

商文毅公遺行集一卷

〔明〕商汝頤輯  
天一閣文物保管所藏明正德十六年刻本

明三元太傅商文毅公年譜四卷

〔明〕商振倫撰  
北京圖書館藏明萬曆元始堂刻清初增修本

夏忠靖公遺事一卷

〔明〕夏崇文撰  
上海圖書館藏明弘治十四年馬炳然刻本

岳集五卷

〔明〕徐階輯  
南京圖書館藏明嘉靖十五年焦煜刻本

吳疎山先生遺集十二卷

〔明〕吳悌撰  
湖南圖書館藏清咸豐二年頤園刻本

胡公行實不分卷

〔明〕胡桂奇撰  
北京圖書館藏清鈔本

..... 一

..... 五九

..... 八四

..... 一七二

..... 二〇四

..... 二九〇

..... 四三五

鄭端簡公年譜九卷附錄一卷

〔明〕鄭履淳撰

上海圖書館藏明嘉靖萬曆間刻鄭端簡公全集本

..... 五〇五

濂溪志九卷

〔明〕李楨撰

福建省圖書館藏明萬曆刻本

..... 七〇五



無愧乎平生所著述若讀書錄續讀書錄諸書咸明白簡易力挽末學詞章之陋蓋其踐履精純言與行相顧匪若立異術奇高遠無實者所可倫也或曰從祀闕庭凡立言行道有功於聖門者皆取之若靜脩與先生篤志聖賢之學終其身而不變可謂有儒者之實矣而弗獲預非缺典與予應之曰歷代從祀之議有定於一時者有閱歷數十年與百年之後而始定者要其極秉彛好德之公烏能泯哉今議者輒以著述少之謂劉靜脩明道之功不如吳草廬薛文清講道之實不如考亭諸弟子殆共一節而遺其全體非天下之定論也夫生乎百世之下而奮乎百世之上不由師

傳專心正學所謂豪傑之士問世之才其有功於名教也不為小矣以之侑食廟庭復何忝乎

聖朝文運聿興崇儒重道激勸風化之事以漸舉行然則二先生之從祀恐終有不可廢者矣予故併著其說以備論世者之采粹是編者河津王生鴻娶於先生之孫烏石灰山關大使

云

正德六年歲在辛未六月既望

賜進士出身資善大夫南京禮部尚書

太原喬宇序

皇明文清公薛先生行實錄總目

第一卷

文清公像贊

俞時

文清公行狀

閻禹錫

文清公神道碑銘

李賢

文清公事實

附錄給事疏  
祭物品物祭田

楊庶

第二卷

附錄祀  
及疏

裨補名教疏

張九功

崇真儒以隆聖治疏

許讚

從祀真儒以光聖治疏

楊瞻

表章真儒以勵世風疏

尚維持

崇祀真儒以成昭代曠典疏

韓楫

特錄儒臣從祀孔廟以全聖美端世風疏

維遵

崇祀真儒以昭聖化以振士風疏

馬三樂

第三卷 記類

文清公祠堂記

呂紳

文清公從祀孔庭記

張四維

文清公書院記

王盛

重脩文清公祠記

李承華

重脩文清公林墓饗堂記

相世芳

重脩文清公瑩宇記

樊得仁

祭文類

祭文清公文

陳斐

祭文清公文

張四維

祭文清公文

李天植

第四卷 序類

讀書錄序

閻禹錫

文集序

張鼎

重刊讀書錄序

鄭維新

讀書錄要語序

張吉

從政名言序

胡纘宗

詩類

贈敬軒先生致仕

李賢

又贈

纂文清先生

朱祚

調文清先生祠二首

石玠

調文清公二首

王諤

營建文清祠聯句

韓相

謁文清夫子祠

謝良材

文清正學書院三首

李思進



行實錄

周德恭

讀書錄

周德恭

河汾集

周德恭

第五卷

諸公叙述文

門人叙述文

遺事

祠堂柱聯

薛氏歷世科貢傳芳圖

奏請先生從祀人姓名

欽差巡按山西等處

監察御史宜興吳達可重刊

河津縣知縣延慶張紹文

縣丞濟寧韓之臣

主簿祁州王東明

典史九江饒文燁監脩

儒學署教諭邵陽王三策

訓導河州王從直督校

河津生員周德恭纂校

萬曆十六年戊子中秋望日正學書院識

行實錄一卷

明贈禮部尚書謚文清敬軒薛先生像贊

乾坤匪端道在渾淪乾坤分形道在聖賢

叶聖人胚胚元氣之津賢人踴躍元氣之

源義圖邈焉唐虞系之為疇往焉殷周繼

之不有鄒魯孰崇吾軌不有濂洛孰窺吾

補叶考亭載揚魯齋載釐已而大迷趨而

多岐臨鴉之嗜正味罔思徧徂之交正色

罔知比我

明興得聖之統萬生嫩人往哲是踵厥稟既靈

厥養既重象焉尚凡而潛於穆象焉尚撓

而并於獨遠權忤勢其氣維烈退虜平蠻

其才維傑刺奸執法其衷桓桓洗冤嬰禍

其衷安安治行在國七要論政理學服世

一源言性曰慈曰良孝心涓涓曰敬曰恭

德氣淵淵俗學易泥時汝之格異學易附

時汝之斥鳴者維華而道則真鳴者維奮

而道則循萬里以兼一靜以馴振綺南省

與制罔乖宜設東閣與時罔諧匪究厥施

匪愴厥懷世論已定終譽爾滙朝議已協

從祀爾待我生維晚慕公之醇我後維遜  
觀公之神望之我我伴人如遠就之溫溫  
伴人如覺散馬光風韞馬良璞可師與與  
可親煌煌可光後裔可格後學聖者之從  
賢者之殼于斯萬年元氣未剝

嘉靖乙巳夏

勅巡按山西等處監察御史汝南後學喻時撰  
文清公有遺像藏其家五世矣甲辰秋今  
察院汝南吳臯喻老先生按河津祇謁祠  
下薛氏諸生捧像求題辭先生諾明年夏

命吏齋辭至日令焯書置其端予惟文清

公  
今代大儒世之人皆知公而得見公之言議教  
旨者甚少見公之言議教旨而得睹公之  
遺像雖其鄉人或寡矣吳臯先生有題辭  
其子孫世寶之歲時拜其容瞻其辭誦公  
之道德不忘也而邑里後生有欲誦而觀  
之者非造請其家則不能至於世之人其  
又何能夫公之名在當世公之像又幸而  
僅存其齋公之學乃饒之以先生之宏章

鉅辭天下之人其願見者固不直於學士  
縉紳而然也焯小子不敏官公之鄉從先  
生之下吏是用僭石鐫像繫辭而申之以  
小言摹刻出世之人將或謂焯能億度人  
心之同好也

嘉靖乙巳秋七月吉河津縣知縣臨洮雍  
焯謹頓首拜書

禮部左侍郎兼翰林院學士薛先生行狀

閻禹錫

先生諱瑄字德溫世為河津人隋唐間薛

行實錄卷

三

姓最顯所謂河東三風是也但語牒不存  
無以為徵祖仲義通經史值元亂教授鄉  
里不求仕進父貞洪武初領鄉薦為真定  
元氏教諭娶邑人女齊氏調玉田縣教諭  
齊氏一夕夢一莪冠紫衣人謁見已而生  
先生於學舍誕夕肌膚如水晶貌五臟皆  
露家人以為怪欲棄之祖仲義聞其啼聲  
洪大力止之曰體清而聲洪必異人也祖  
素善卜遂以生字推之曰此兒必振吾宗  
矣洪武己巳八月初十日子時也六七歲

祖教以小學四書千言過目即成誦不  
爲兒戲端坐儼如老成人姊妹見其坐皆  
不敢過其前自與天性即能作詩賦人皆  
以薛天才目之時永嘉徐懷王高密魏希  
文濟南王素亨海寧李大亨范汝舟皆元  
者儒爲御史等官誦成玉田先生禮延於  
家與之講論五經四書子史百家泛及釋  
老天文地理之學諸老儒退謂人曰此子  
聰敏力行可畏聖門有人矣皆不敢以師  
自居而結爲交比及十三四五經諸書皆  
○ 行實錄卷一  
畧通大義洪武三十二年例停止北方學  
校父貞改除四川馬湖府平夷長官司吏  
日以地遠夷獠難治土官子弟喜先生幼  
能詩咸背負其家請與作詩句教讀書至  
晚輒以小豚爲禮送之日以爲常作平雲  
南賦上沐國公大奇其才父貞因得有所  
依倚無虞永樂元年父貞詔回復除河南  
榮陽教諭時先生年十五矣諸生咸慕爲  
師參議陳宗問行部至榮開先生名請見  
先生因辭不往宗問異之就學舍相見既

而索先生詩藁觀之及視其動靜不苟謂  
異日必爲大儒欲以奇童薦諸  
朝先生以年未至學不就固辭乃止先生遂  
厭科舉之學慨然有求道之志精思力踐  
一言一動必質諸書一有不合終夜反側  
不寐永樂十七年父貞改除鄢陵教諭時  
例教官乏科貢者充戊父貞固欲先生且  
應科舉先生遂遵父命中河南庚子解元  
明年登辛丑會鶴齡榜進士第學士楊士  
奇聞先生名邀致館下以訓諸子先生固  
○ 行實錄卷一  
辭卻之時父貞任懷慶府河內教諭病故  
先生丁憂回葬祭一遵家禮行哀毀人所  
不堪四方遠邇咸來弔海寧李大亨諸公  
皆自吳越來弔人以郭林宗徐孺子之事稱  
之服闋赴  
闕上章願就教職以卒所學宣德三年  
宜廟思振風紀擢爲廣東道監察御史三楊當  
國令人屢邀先生欲識面先生曰某忝糾  
効之任無相識之理一日三楊於班行中  
尋識之曰薛公見且不可得况得而屈乎

稱嘆不已會差往監湖廣銀場同列以爲  
賀先生舉古詩云此鄉多寶玉慎莫厭清  
貧至則黜貪墨玉風俗手錄性理大全一  
書潛心讀誦每至夜分方寢值冬夜雪飄  
盈几讀誦不輟或思有所得即起而焚燭  
記之或通宵不寐味而樂之有不知手舞  
而足蹈者遂積爲讀書錄宣德七年丁繼  
母許氏憂服闋復除雲南道監察御史正  
統元年有言學政不舉者由提督不得其  
人

行實錄卷

本

詔選碩儒吏部尚書郭進首薦先生學行發  
歷之詳陞僉事提調山東學政首以朱子  
白鹿洞規開示學者俾先致知而後力行  
居敬以窮理由經以求道按臨所至必先  
詢其力行而後及於文藝親爲諸生講解  
懇懇告以爲人爲己之學誨人必隨其才  
器成就之或以行步或以字畫或以講誦  
或以詩賦各因其所長取之不求全而責  
備數者皆無然後不得已必使以儒冠拜  
祖宗而後去之諸生感慕不已至今談及

輒皆下泣無老少賢愚皆以道學薛夫子  
目之正統六年

朝廷差辦事官張鳳召先生諸生一聞啼泣遠  
送徘徊不舍爲牌位生祀之初吏部尚書  
何文淵辭職去言於學士楊士奇曰薛某  
學行無愧往哲某不能進盍舉之以代已  
耶侍郎中有不悅先生者曰溺古不知變  
通

召至遂爲大理少卿掌印未及五閱月辯白錦  
衣衛已成案大獄十餘起指揮馬順滋不

行實錄卷

七

悅屢譖於大監王振時振權傾一時自三  
公以下莫不行跪禮學士楊士奇曹鼐知  
振憾先生恐其獲罪屢論先生以時勢所  
在且曰先生此

召雖某薦之彼亦素聞其名蓋同已往謝其門  
先生正色拒之曰安有受爵公朝謝恩私  
室耶會有百戶實病死二年其妾私通行  
事校尉遂欲娶之妻賀氏執以服未滿不  
從校尉唆其妾誣妻麗魁夫死錦衣衛成  
案送都察院審先生教辯其冤改問者八

道仍依其舊先生奏調刑部再問郎中潘  
洪躬察其事果寃先生遂劾奏堂上官及  
經該官吏時都御史王文素憾先生遂與  
馬順諧於王振振大怒嗾諫臣劾先生是  
古非今輒辯已成大獄

詔下刑部獄擬先生大臣巧言諫免時邀人心  
律大辟待決時秋後復奏有工部侍郎王  
偉素與振善亦聞公論不愜乃謂振曰人  
言薛某徵實寃若決此人皆謂不能容賢  
振默然遂調先生錦衣衛獄時學士劉球

○ 布衣錄卷

上章因忤振下錦衣衛獄以死及先生赴  
獄人皆危之先生怡然曰死生命也手持  
周易讀誦不輟通政使李錫聞之曰真鐵  
漢也大臣為申救於中遂放回為民正統  
八年正月也家居七年閉門不出雖鄰里  
罕得窺其面江西陝西諸省弟子來學者  
百有餘人先生拳拳誨以從事小學以及  
大學由洒掃應對以至於精義入神居敬  
以立其本由經以求其道不事語言文字  
而必責諸躬行之實問及科舉之學則默

然不對終日正衣冠危坐如對神明洛陽  
閩禹錫徒步來學及別先生送至里門告  
之曰程門教人以居敬窮理為要正統十  
四年科道等官陳信等上言曰薛某學究  
性理

召為大理寺丞時虜騎薄都城先生上講學章  
以勘定禍亂時欲取

諸王入議先生上疏擇取其賢者既而命先  
生分守北門都帥見虜勢猖獗欲避其鋒  
先生曰虜懸軍深入勢必不久既而果然

○ 行實錄卷

九

北奔貴州苗叛

命將征之委先生督運餉且贊畫軍事先生  
謂都帥曰欲勵威武以服其外不若先布  
恩信以服其心都帥然其計先為檄布諭  
諸苗示以禍福順逆然後耀武以懼之貴  
州途平先生上疏謂番州遠夷當羈縻之  
不當責以貢賦不報先生嘆曰民力竭矣  
吾忍重急之耶上章懇乞致仕戶部左侍  
郎兼翰林院學士江淵上疏曰薛某躬行  
實踐深明理學宜留

內閣近地以資啓沃景泰二年陞南京大理  
寺卿有富豪殘虐人命者獄久不決執法  
欲貸之先生曰死者何辜竟抵於法周氏  
冤獄積年不明先生爲洗雪其冤人皆稱  
快其他平反多類此不能悉記時大監興  
安袁誠鎮守南京例該各部每月赴彼議  
事都御史張純先生同年也謂先生曰初  
見大監盍加禮焉先生至興安降階與分  
庭抗禮興安退謂人曰此人曾與王振作  
對頭肯爲吾屈耶遇端午節令人餽扇先  
生獨不受曰此

行書錄卷十

十

朝廷之禮不敢受刑部尚書楊寧少卿廖莊俱  
以才學相尚及見先生嘆曰先生當於古  
人中求之何敢與之輩行耶大監金英出  
差南京諸司多迎送出郭先生獨不往英  
謂衆曰南京好官惟薛卿耳彼無不吾送  
吾不怪也至京言於

上  
上素聞先生名遣使召先生景泰四年九月也  
欲大用之中官有不悅先生者沮止之敗

大理寺卿草場火患

上怒欲盡誅典守者先生爲辯其冤蘇松有饑  
民乞粟富家吝不與遂火其屋蹈海以避  
罪

遣太子太保王文往蕭之文以謀叛籍其五百  
餘家解京衆畏文勢莫敢言先生首上章  
力辯其冤文謂人曰薛某舊性不改當有  
以報之先生聞而笑曰辯冤獲咎死何憾  
焉辯之愈力既而科道互上章辯之但誅  
魁首三四人餘皆從戎其平反極多人有

行書錄卷十

十一

錄成帙者天順元年正月十九日

英廟復登寶位夜

召先生轉禮部侍郎兼翰林院學士入

內閣侍郎李賢喜曰正先生行道之時也先  
生曰某外臣驟進誠意未孚一日召入  
便殿

上服短服小帽先生不入

上遽易服入見語及半時皆正心誠意之言左

右曰此正薛夫子也太監曹吉祥用事一  
日生日同列約相賀先生遽稱腹痛而出

同列有矜其迎復之功者先生曰許魯齋不陳伐宋之謀何耶凡事取必於智謀之末而不循天理之正非聖賢之學也尋命為會試考官先生為首序以正學復性為言同考曰此數字久不言恐非時文請易之先生曰某平生所學惟此數字而已

上即位初每日接見禮遇甚厚後連日不召見及大監曹吉祥國公石亨等竊弄威權先生謂同列曰穆生云醴酒不設王之意愈矣盍去諸同列曰

○行實錄卷

十一

上或有事先生曰君子見幾而作寧俟終日耶即以疾連章懇辭石亨素敬先生來視疾因謂先生曰如即不留我為先生啓

上請勅書卿家為塾以訓子弟且以資其養生先生曰昔魯齋去元世祖賜勅書以教人先生懸於梁終身不以示人及卒發而視之乃勅書也某若資其養局若不辭官之為愈也亨嘆息而去未幾學士徐有貞李賢許彬皆下錦衣衛獄是年六月初六日也居閣纔五月耳家居八年閉門不出四方

從學者日衆至市館不能容先生慷慨以復性為教曰此程朱與紫為人處而歐陽永叔言性非所先大誤矣又曰學者讀書窮理渾實見得然後驗於身心體而行之不然無異買櫝而還珠也南陽李先生當國每以書寄先生始終不答門人問之曰昔溫公退居於洛呂申公當國屢以書問起居溫公不答某亦此意也積為讀書續錄平日奏疏削其稿皆不存一夕檢閱舊書及讀書錄文集細成束置於架上為詩曰七十六年無一事此心惟覺性天通粘壁間忽遘疾彌留正衣冠危坐而逝迅雷振屋白氣上升天順八年六月十五日也

○行實錄卷

十二

有司為之具奏於

朝

詔贈禮部尚書謚文清遣官葬祭國子監丞李紳知府陳銓學官張表等前後上章乞先生入從祀當道者未遑行之嗚呼自七十字喪而仁義之道不明於天下迨至戰國之時各售功利之說而不知仁義之道為

何事孟子起而正救之論性善論仁義蓋所以過人欲於橫流存天理於既滅也孟子既沒而仁義之道為之一蝕至唐韓愈獨能原性以示學者天下仰之如泰山北斗韓愈有功於名教也有宋五星聚奎真儒輩出周子者繪太極一圖以明性理之源淵程子謂性即理也之一言乃窮本極源之至論張子謂形而後有氣質之性所以輔翼孟子性善之言朱子集群賢之大成而折衷之然後仁義之道大明於世後學豈容再贊一辭但至宋末文弊為之一極間有叛朱子之心學而逐於異說者許魯齋獨能沿流求源而專致力於躬行踐履之間尊小學為入德之門蓋祖朱子之心學也及宋末詞章枝葉之學競起先生懼其末流遠而本源晦也敬錄

御製性理大全書晝夜讀誦不輟然後約之於心身性理之間謂太極即吾仁義禮知之性也謂五經四書一性字括盡謂今之學者不知性之至不踐性之至非學也著讀

書一錄載發明性理之旨非徒言也而又能踐其藪翹集數千言皆祖述聖賢之格言非徒辭也而能根乎理若於性大本大源無所見而徒馳騁乎辭章之工著述之富以為道學則可馬遷劉向之博極群書賢於魯參之一唯王安石王雱之著書萬言踰於顏回之四勿矣善乎程子有曰荷楊不識性更說甚道龜山楊氏亦曰歐陽修言性非所先可謂誤矣觀二儒之言則堯舜文武之道統孔魯思孟周程張朱之道學豈有外於此性哉蓋天下無性外之物而性無不在舍性而論道有何道之可論舍性而著書又何書之可著乎世間先生著述必者豈足知先生之志哉後之求先生者當於此考之

薛文清公神道碑 李賢

予惟吾道正脉實由近世周程張朱有以倡明之也至於我朝乃始表章諸儒之言頒行天下由是天下士習一歸於正嗚呼盛哉然今之君子能



欣悅愛慕而篤信之者未有過於薛公也  
 今也云亡可勝悼耶乃按其徒前國子監  
 丞閻禹錫狀為公神道碑銘公諱瑄字德  
 溫世為山西河津人其先自奚仲封為薛  
 侯若河東子孫遂以國為氏曾祖常祖仲  
 義皆通經教授鄉里不求仕進父貞洪武  
 初領鄉荐為真定元氏教諭仲義貞俱以  
 瑄貴贈通議大夫大理寺卿妣皆為淑人  
 初齊淑人廢一紫衣人謁見而生公祖以  
 生時卜之太吉曰此子必大吾門矣童時  
 教之讀書輒成誦日記千百言為榮陽  
 教諭公隨侍時年十二以所作詩呈 監  
 司監司大奇之公聞魏范二老先生深於  
 理學乃禮延於家供弟子職日與講習周  
 程朱張性理諸書久之嘆曰此道學之正  
 脉也遂焚其所作詩賦專心於是至忘寢  
 食永樂己亥貞改任河南鄆陵公慮任將  
 滿尚乏科貢乃充邑庠生赴鄉闈遂中解  
 魁貞大喜以為得子之助明年登進士第  
 名動縉紳間是歲秋貞有疾公親嘗湯藥不離

左右居父喪一遵古禮服闋願就教職會  
 宣廟思振風紀選擢雲南道監察御史差監  
 湖廣銀場公聞前監者多致富舉古詩云  
 此鄉多寶玉慎莫厭清貧至則黜貪墨正  
 風俗手錄性理大全一書潛心讀誦每至  
 夜分方寢或思有所得即起而焚燭記之  
 或通宵不寐味而樂之不知手舞而足蹈  
 也丁繼母憂服闋會有言學政不舉者吏  
 部尚書郭進首薦公提調山東學校公欣  
 然就之曰此吾事也每臨諸生必親為講  
 解不事檟楚皆呼之曰薛夫子未幾用楊  
 文貞公薦召為大理寺右少卿明日轉為  
 左少卿公作大理寺箴以自警時中官王  
 振權傾一時欲邀公拜其門公正色曰安  
 有受爵公朝拜官私門邪已而遇諸塗衆  
 行跪禮公獨不屈振由是不悅會有獄夫  
 實病死其妾私於人欲嫁之妻弗聽遂誣  
 妻壓寇夫死公為辯其寃都御史王文誥  
 事振乃誣公出入人罪繫待決人皆危之  
 公怡然曰辯寃獲咎死何愧焉手持周易

讀誦不輟將決大臣有申救之者得免官  
放歸田里公居家六年閉門不出留心理  
學造詣益深正統己巳以言官論薦起公  
為大理寺丞時虜騎薄都城公分守北門  
都帥初疑其迂及聞言論遂訪策焉公曰  
以天時人事驗之此虜必宵遁既而果然  
貴州苗寇猖獗

朝廷命將征之委公督運餉事竣而還景泰  
初公懇乞致仕學士江淵上疏留之明年  
陞南京大理寺卿有富豪殘虐人命者獄  
久不決執法者欲貸之公曰死者何辜竟  
抵於法時有謠語頌公明斷刑部尚書楊  
寧都御史張純初以才力相尚及與公同  
事嘆曰如公當於古人中求之守備中官  
袁誠無與抗禮者唯公至以賓主相待又  
中官金英過南京公卿俱餞於江上公獨  
不往英至京言於衆曰南京好官惟薛卿  
耳壬申秋復召為大理寺卿時草場災  
朝廷欲置典守者於法公力辯之獲免蘇松  
有饑民乞粟富家吝而不與遂火其屋蹈

海以避罪時遣太子太保王文往廉之文  
以謀叛籍其家衆皆畏勢莫敢辯公抗章  
辯之文亦悟其非待公益加敬焉是歲公  
年近七十復乞致仕不允天順改元

英廟復位素知公學行遷禮部右侍郎兼翰林  
院學士召入內閣知

### 制誥尋

命為會試官事竣為左侍郎居數月公見奸臣  
石亨等竊弄威權嘆曰君子見幾而作豈  
俟終日乎遂引疾懇乞致仕居家八年四

方學者從之其衆公懷德以復性為教者  
曰此程朱矣紫為人處歐陽公言性非并  
先誤矣又曰學者讀書窮理演實見得然  
後驗於身心體而行之不然無異於買櫝  
而還珠也忽遭疾彌留衣冠危坐於正寢  
精神不亂悠然而逝時風雷大作有白氣  
上升天順甲申六月十五日也距生洪武  
己巳八月初十日享年七十有六配麻氏  
贈淑人生子四人長曰溥次曰溥次曰溥  
為邑庠生早卒次曰治亦卒孫男四人謀

登天順甲申進士第孫友六人夫公之學  
踐履篤實之學也嘗曰格物只是格箇性  
吾於日用之間必體察之何事是仁之發  
見何事是義之發見至於萬物各具一理  
萬理同出一原是其貫通處也每以聖賢  
為師隨其所寓圖書箴規常在左右手不  
釋卷一言一動於理稍有違失便覺身心  
不安凡辭受取予必揆諸義一毫不苟晚  
年玩心高明默契其妙有不言而悟者矣  
其出處大節光明峻潔於富貴利達泊如

律書卷

平

也接人無大小衆寡一以誠待之教人有  
序而其言平易簡切不為穿鑿奇僻之說  
為文必根於理辭旨條暢詩則古淡出於  
自然所著讀書錄行於世河汾集藏於家  
嗚呼宣德甲寅秋予始識公於河津乃知  
造詣之深自後仕途參商弗獲相從有時同  
朝亦各守職務或有所疑但以簡質問而已  
天順初公入  
內閣予亦濫與其間幸得相從曾未數月公  
致仕去矣有道者之難遇也如此公之沒

也四方之士聞之莫不嗟悼計聞

朝廷贈禮部尚書謚文清遣官諭祭令有司

營葬可謂生榮而死哀矣烏之銘曰

昔有王氏鳴道河汾流風餘韻以放後聞

乃若薛公不以自足濂洛闕闕意向甚篤

稽其出仕實始為親剔歷中外進學日新

學既日新道亦有得身體力行志無少息

操履堅定外物不移中心自固夫豈有私

富貴利達患難貧賤隨寓而安局有欲羨

成就後學大小不遺由粗而精以隨其資

差今之人無公所好公今已矣誰臻其奧

勒銘於石以詔鄉人千載而下庶獲其真

薛文清公事實

平陽府為表章名臣以風勵後學事承奉

山西等處承宣布政使司劉付承雅禮部

致字八百九十九號勘合祠祭清吏司案呈

奉本部送該本司案呈奉本部連送於禮

科抄出刑科給事中楊庶題臣竊見已故

禮部左侍郎兼翰林院學士薛瑄學識純

明操守完固早歲聞講性理諸書即謂吾

道正脉在是遂焚其所為詩文一意於宋諸儒之學其於微詞與義靡不精究嘗言聖賢相傳之道不越乎盡性而已故其脩已教人惟惓惓以復性為務晚年造詣益高其進退之際大節尤偉平生所著讀書錄皆積年致思之所得有益學者其詩文存者亦皆造理平正然非其所好也

國朝自瑄以前知經學古及以文章名家者固有其人求其一於理學識者謂瑄一人而已瑄在當時學者稱為薛夫子固已尊

行實錄卷

十一

信之矣自是而後此學寔加冷落求其人者不過止於詞藻固已厭其枯淡至於讀書錄見者甚少而所以求瑄者又不知在乎此豈不為可惜哉昔程熙有言千載無真儒則天下貿貿焉莫知所之人欲肆而天理滅矣為世道計可不加之意乎瑄山西平陽府蒲州河津縣人臣聞其鄉亦嘗建祠祀之然非出於

朝命自今乞

勅有司改創一祠於每歲春秋丁祭之後即以

祀瑄著為令典永遠遵行庶幾為稱如其縣小不足於建祠之費或僻左無以昭示遠近於郡於省擇地尤便然立祠祀瑄各有意義不許推及本處人物若鄉賢祠然雖後有為瑄之學者舉以配食可也臣聞其讀書錄嘗鈔梓於山東章丘縣乞勅有司取其板本於國子監俾陸館諸生皆得摹印觀覽蓋自

京師而達之天下尤易矧南京國子監

國初收藏書板極富自諸經十七史外未易

行實錄卷

十一

悉教令

京師監學止有王安石呂祖謙輩文集祖謙議論固在朱熹張栻之間若安石不過文人之文置瑄之書於其間夫何慊乎哉此外仍以印本發下福建書坊翻刻市鬻務使天下之士皆得見之夫既祀瑄而又廣布其書則人皆知

本朝亦有為此學者豈不有所興起者乎又

安知不有由瑄上泝宋儒者乎伏望

聖明以臣芻蕘之言付之儒臣禮官博議然後

斷自宸衷賜之施行豈非今日斯文之幸與臣陛下萬幾之暇游心經史之餘間及

本朝儒臣之書當無先於瑄之讀書錄者儻

令得備

乙亥之覽則於

海嶽之高深亦不無消埃之補矣綠條表章

名臣以風勵後學事理未敢擅便等因具

題奏奉

聖旨禮部看了來諭欽此欽遵抄出送司查得

少保李賢撰薛瑄墓碑稱瑄每以聖賢為師

行書錄卷一

十四

隨其所寓圖書箴規恒在左右一言一動

於理稍有違礙便覺身心不安允辭受取

予必擬諸義一毫不苟晚年玩心高明默

契其妙有不言而悟者矣其出處大節光

明峻潔於富貴利達泊如也接人無大小

衆寡一以誠待之教人有序而其言平易

簡切不為穿鑿奇僻之說為文必根於理

詩則古淡出於自然及查得先該浙江按

察司僉事辛訪奏要將金華府宋儒何基

王栢元儒金履祥許謙封爵從祀該翰林

院議得止可照龜山楊時事例立祠祭

春秋祭祀已經本部題

准定擬祠額撰造祭文施行外今該前因案呈

到部查得先年禮部左侍郎兼翰林院學

士薛瑄學道有得晚而益深是以言行篤

實出處峻潔作文以明理為主教人以復

性為先究其所就無忝古人表章以風勵

後學誠有如給事中楊庶所言者合無准

其所奏類行山西布政司轉行平陽府照

例建立祠宇春秋祭祀行移翰林院定擬

行書錄卷一

十五

祠額撰造祭文仍行都察院轉行山東按

察司提學官員將讀書錄裝印二部進呈

御覽一部啟進

東宮殿下仍將一部并板本差人送本部轉

發福建書坊翻刻國子監收貯施行錄係

表章名臣以風勵後學及奉

欽依禮部看了來說事理未敢擅便弘治九年

十二月初四日本部尚書徐瓊等於

奉天門題奏初六日奉

聖旨是欽此欽遵擬合通行除外合就連送仰

付該司類行山西布政司備行平陽府  
 為措置木料建立祠宇及轉屬支給官錢  
 照依開去品物置辦如遇春秋致祭如儀  
 就遣本府掌印官行禮毋得因而科擾不  
 便承此合付該房徑自施行備承移付准  
 此擬合就行為此劄仰本府着落當該官  
 吏照依劄付備承勘合內事理措置木料  
 建立祠宇及支給官錢照依開去品物置  
 辦如遇春秋致祭如儀就遣本府掌印官  
 行禮毋得因而科擾及支給過官錢數目  
 申來查考施行奉此合付該房徑自施行  
 等因備奉合行帖仰本縣着落當該官吏  
 照依劄帖備奉勘合內事理措置木料建  
 立祠宇及支給官錢照依開去品物置辦  
 并建立祠宇完日差人赴府申稟掌印官  
 親詣祠宇致祭行禮毋得因而科擾及支  
 給過官錢數目備開申來以憑轉報施行  
 先具建立祠宇買辦品物日期不違依準  
 繳來查考毋得違悞不便  
 計開

一祠額名文清

一祭文

維弘治十年歲次丁巳月日平陽府知府基  
 欽奉朝命致祭于

禮部左侍郎兼翰林院學士謚文清薛公  
 曰惟公學道精深守官清介死生不二出

處無疵名重 先朝澤遺後學禮宜稱祀  
 用致優崇茲惟仲秋式陳常薦公靈如在

尚克享之

一品物

猪一口

羊一腔

魚醢

菹菜

時果五品

米麩食共五品

香一炷 燭一對

帛一段 酒二瓶

行三獻禮如儀

恩賜祭田三畝與下子夏大史公文申子

平陽府蒲州河津縣爲出巡事萬曆十  
五年五月三十日蒙巡按山西監察御史  
王憲牌前事看得河津縣前宦

文清公薛一代大儒夙欽仰止除另行文  
致祭外仍應置立公田少佐歲時洒掃之  
需爲此仰本縣官吏即動本院贖銀三十  
兩買田若干畝地段四至立一石碣暨祠  
壁間可垂永久等因備行到縣依蒙照數  
動銀買地二段共二十五畝遵將地段四  
至勒石懸壁祠壁以識不朽須至牌者

計開

買王進牛南北餘白地一段一十二畝東  
至業西至王養性南至道北至王邦儒  
又買王四知南北餘白地一段一十三畝  
東至業西至王三友南至道北至王廷柱

萬曆四十五年夏六月吉旦

河津縣知縣文煒立石

薛文清行實錄卷一終

安邑後學 薛文清

薛文清公行實錄二卷

請從祀孔庭疏

禮科右給事中臣張九功謹題爲禋補名  
教事臣惟孔子之道與天地相爲悠久刪  
述六經以教萬世其功無窮是以有國者  
莫不尊崇而奉祀之以報其功於萬一當  
時及門弟子得正派而分餘波者皆得與  
焉後世儒者有能踐履真實學術純正希  
蹤前哲有功來學者亦得從祀於廟庶用  
表當時崇儒重道之意此典於名教所關

甚大豈可苟哉臣嘗觀

國學及郡縣從祀儒先有當黜者而今之真  
儒有當入者若蘭陵伯荀况言或近於黃  
老術實雜於申韓身託黃歇不羞悖亂之  
人學傳李斯遂基坑焚之禍以性爲惡以  
禮爲僞以堯舜爲矯飾以子思孟子爲亂  
天下者是以程子譏其甚偏駁而朱子書  
爲蘭陵令乃係之以楚以深鄙之也扶風  
伯馬融髡徒穢士糟粕陋儒黨附梁冀害  
忠良而不顧自比毛遂非輕賤而不羞既

失於西第之作頌何補東觀之校書高堂  
 絳帳沉酣女樂逞豪門驕奢之風破純儒  
 莊雅之矩是以當非正直羞稱而深見斤  
 於趙岐也偃師伯王弼唱和何鄧祖述老  
 莊遺落世事以萬物為天下之粗迹崇尚  
 虛無謂六經為聖人之糟粕清淡之弊流  
 蕩人心傷敗風俗卒使國家隨以淪喪而  
 不可救者此輩也咸都伯楊雄以善惡混  
 論性學識舛錯以安漢公比伊周志向昏  
 諛雕蟲之技於道何闕覆轡之物於世何  
 補貪生畏死寧免投閣之潮臣事新室難  
 逃逆節之黨是亦朱子養大夫之筆大書  
 為綱昭垂後世也之教子學失大本身虧  
 大節有玷名教得罪聖門昔龜山楊時建  
 議斥王安石不使配享孔廟而今儒臣亦  
 有欲黜楊雄輩者夫如是則此教子豈宜  
 列諸從祀哉臣觀今之儒臣禮部左侍郎  
 兼翰林院學士文清公河東薛瑄為志好  
 學於道有見實真知實踐之益黜矯偽浮  
 靡之病入仕與人同而為國則不同講學

與人同而為已則不同述文與人同而  
 道則不同接人處事與人同而忠信嚴正  
 則不同河汾文集固其英華讀書一錄實  
 為根本立德立言考諸此錄神有明驗是  
 蓋濂洛之流波覃懷之步武人所共知者  
 也昔洪武宣德年間嘗  
 詔董仲舒吳澄入從祀矣今薛瑄無愧二子可  
 不列諸從祀哉恭惟  
 皇帝陛下講求聖學以孔子之道治天下必於  
 此辯其真偽別其純駁而使諸人知所向  
 背取舍庶有以正人心明道化而無失如  
 蒙乞  
 勃禮部進與內閣大臣定議於可黜者黜之可  
 入者入之則孔廟清各教正而斯文幸甚  
 冒干  
 天聽不勝悚懼之至謹題請  
 旨奉  
 聖旨着五府六部并都察院通政司大理寺翰  
 林院國子監一同議會了來說  
 弘治二年



四川等處承宣布政使司右叅政臣許讚謹  
奏為崇真儒以隆

聖治事臣聞有一代聖神之君必有一代聖神之業帝王之事業欲宜昭光著於天下發揚動盪乎遠近則崇尚之端作尚之始不可忽也崇向作尚之舉莫大於扶正道明正學崇真儒使天下曉然知吾之所崇向作尚者專在於是則內外遠近翕然從風而一切詭道邪說之人咸知改革而惟正是從矣况乎此舉上有以繼往聖之統緒

行書卷三  
下有以啓來學之習傳此正今日

聖明所首濼而不可後者也臣竊見故禮部左侍郎兼翰林院學士謚文清河津薛瑄天稟高明學識醇正年少讀書即知踐履履壯至老不怠躬行以聖賢為依歸以道德為己任權勢利達無以動其心死生利害無以移其志蓋見之既明故守之自固然且剛強不折和易有節至於著述之功布之集錄者性命道德中正仁義之言皆有以發明聖賢之秘奧陰陽動靜剛柔太極

之論又有以闡揚造化之幾微誠文行一  
致學業大成之真儒也稽之敬軒集讀書  
錄等書及大學士所撰碑銘等作有可證  
者弘治初年該禮科右給事中張九功題  
為裨補名教事備述薛瑄文行履歷乞要  
將瑄從祀孔子廟庭奉

聖旨着五府六部并都察院通政司大理寺翰  
林院國子監一同會議了來說欽此則

孝宗皇帝崇重薛瑄之意可見矣又該刑科給  
事中楊廉題為表名臣以風勵後學事備

行書卷三

五

言瑄讀書錄一出理學於宋諸儒微詞與  
義靡不精究且謂

本朝儒書無先於此乞將讀書錄進備  
乙覽奉

聖旨禮部看了來說欽此該本部覆奏亦備言  
瑄學行之美要將讀書錄裝印一部

進呈

御覽奉

聖旨是欽此則

孝宗皇帝崇重薛瑄之意益可見矣臣嘗詳讀

張九功楊蕪及禮部之奏張九功之於道則曰篤志好學於道有見貴真知實踐之益黜矯偽浮靡之病入仕與人同而為國則不同講學與人同而為己則不同述文與人同而為道則不同接人處事與人同而忠信嚴正則不同河汾文集固其為讀一錄乃其本根立德立言綽有明驗

洪武宣德年間嘗

詔董仲舒吳澄入從祀矣今薛瑄無愧二千可不列諸從祀哉楊蕪之於瑄則曰學識純

行實錄卷三

六

明操守完固早歲聞講性理諸書即謂吾道正脉在是嘗言聖賢相傳之道不越乎盡性而已故其脩己教人惟惓惓以復性為務晚年造詣益深其進退之際大節尤偉禮部之於瑄則曰學道有得晚而益深是以其言行篤實出處峻潔作文以明理為主教人以復性為先究其所就無忝古人由是觀之瑄之為聖人之徒亦明矣

皇上嗣登寶位大運乾綱百度鼎新萬方歡頌

而於此道學重典尚未舉行如蒙伏望

皇上體

孝宗皇帝崇儒重道之心念

祖宗列聖作育之久乞

勅該部并內閣大臣多集廷臣會議具奏將

薛瑄再加封號從祀孔子廟庭則天下臣

民昭然知

陛下御極之始首崇大儒將見道德仁義之化

成禮樂文章之俗著皆本於

聖人崇向作尚之功相臣弼亮敬承之業邁越

古今豈偶然哉不然

行實錄卷三

四

祖宗以來設學校餘千百區養士餘百五十年豈無一人可與遊聖人之門者乎且元以胡人主中國未百年而從祀孔庭有二

人焉

本朝治化追唐虞德業邁放周教學如其多

也涵養如其其父也顧謂無一人以繼斯

道之傳不亦誣乎欲求其人必瑄無疑夫

道以綱常倫理為重以言語文字為末揚

雄馬融得於言而壞其實尚從孔子之祀

瑄文行並著德言兼優者而可或置乎臣

聞之或人曰文天祥岳飛皆可從祀孔子而馬融揚雄皆在可斥正以重綱常倫理之實而輕言語文字之習也或人之舉錯姑舍之特以祀瑄之舉係

陛下紀綱新政之大端繼述

祖宗之首務維持道統之重典不可緩者臣昔年承乏提調學校歷遊恒霍河汾之間稽之載籍詢之學士叅之耆老知瑄最深故不揣踈賤干冒進言不勝惶悚之至然非臣一人之見天下共見者也惟

陛下留神採納天下幸甚士類幸甚緣係崇在儒以隆

聖治事理為此具本順差承差智騰霄親齋謹

聞伏候

勅旨

右 謹 奏

聞

嘉靖元年十一月十七日四川華處承宣布政使司右參政許贊  
本年十二月 日奏奉  
聖旨該部知道欽此

巡按直隸監察御史臣楊瞻為乞

恩從祀真儒以光

聖治事臣聞有一代之興必有一代之真儒以

鳴一代之盛漢有董仲舒唐有韓愈至宋

真儒輩出而周惇頤程顥程頤邵雍張載

相繼而生講明斯道迥出董韓之右而理

宗親收五臣以從祀孔庭歿後得謚為理

良以此也臣伏見前禮部左侍郎贈尚書

謚文清薛瑄及躬好古真知實踐以誠敬

為入門以復性為實地所以倡明道學維

持世教者具載於讀書錄并續讀書錄二

書可考其在生時提學山東諸生稱曰今夫

子通政使李錫稱曰真鐵漢太監金英稱

曰好官一人吏部尚書何文淵稱曰不愧

往哲學士江淵稱曰躬行實踐大學士李

賢稱曰

本朝理學一人都御史張鼎稱曰學已至乎樂

地觀感而興起者尤多其在歿後給事中張

九功稱曰今之真儒工部侍郎姚謨稱曰

明體適用比元大儒當入從祀臣政許贊

稱曰潛心理學可祀廟庭吏部尚書喬宇

稱曰有功名教脩食廟庭無忝仰止而私

淑者尤多臣參之衆論約之卽見我

朝真儒上追往哲下開來學惟瑄一人而已宋

有天下未及三百年得八祀孔庭者周惇

頤程顥程頤司馬光邵雍張載楊時胡安

國朱熹張栻呂祖謙蔡沈真德秀九一十

三人我

國家興道致治百七十年於茲矣未有一人

從祀者恭惟

皇上主敬一之學演四勿之箴其心德之妙發

而倡天下之道學至矣宋之理宗得此失

彼掛一漏萬其躬收五臣以從祀者特一

節耳安能望

皇上之大成哉且瑄理學之臣也

皇上理學之主也伏望

宸斷賜瑄從祀孔庭使後世知

本朝理學之有人又知表章理學自

皇上理學之主始如蒙乞

勅內閣重臣并詹事府翰林院五府六部都察

院通政司大理寺六科十三道會議查前

後諸臣張九功等奏章果無違碍特

賜俞允則

列聖陶鑄天下之士庶乎有徵而我

皇上制禮作樂之治亦有光矣斯文幸甚斯道

幸甚緣係乞

恩從祀真儒以光

聖治事理謹題請

奉  
聖旨禮部看了來說  
嘉靖十八年九月

巡按山西監察御史臣尚維持謹

題為懇乞

聖明表章真儒以勵世風事竊惟孔子之道與

天地相為悠久而天下萬世報德報功之

無盡焉當時七十二子親炙聖門於道有

所發明者也漢唐宋以來諸儒蒐輯著明

羽翼聖經者也自漢延光祀孔子及七十

二弟子於闕里雖朴禮畧文而聖道以尊

唐貞觀以左丘明二十二人從祀孔子廟

庭雖拘泥訓詁而聖經有光宋度宗又以

顏曾思孟入配享理宗時並以周程張朱  
入從祀崇儒重道雖無可疵之人而承舛  
襲訛容有可刪之祀昔我

太祖應運統天以孔子之道治天下洪武二十

九年以行人楊砥建議乃進董仲舒黜揚

雄使莽大夫不穢聖門而學究天人者受

知千百世下矣偽學免欺世之名賢者受

專門之祀非若漢唐宋之濶畧無稽也建義

皇上中興禮樂麗洽嘉靖九年以禮臣程敏政

議祀后蒼王通胡瑗三人而罷公伯寮等

十三人考據先儒之論一洗相沿之陋孔

子之道如日中固亦

聖祖進舒黜雄之意也蓋已祀而黜者前代未

定之論也未祀而進者後世衆論之公也

然所祀皆唐宋以上諸儒

本朝教化幾二百年豈無一人可分孔氏半

席者乎此愚臣之所惑也臣待罪山西年

餘觀風聞諸故老為照禮部左侍郎兼翰

林院學士薛瑄生而神異七歲通乎論孟

鄰於上智十五學乎聖賢師友皆為之難

而嘆聖門之有人賢愚爭識其面而知異

同之大儒篤信好古鄉人有薛天才之號

真知實踐魯士有吾夫子之稱立

朝大節炳如日星平生所為膾炙人口讀書

諸錄今之理憲敬軒等集學者指南為布

帛菽粟之文性理正脉守車輪力牖之志

孔氏家法雖非七十子諸賢之親炙而默

契乎道體者為多雖無漢唐宋諸儒之註

疏而體驗乎身心者尤大

英廟易服以見而其道上達

孝宗貯書成均而其學大行晉秩宗伯

勅賜梓里瑄固無負於

國家而

本朝之優禮乎瑄者亦至矣獨從祀之說屢經

旨覆議旋復中止豈瑄之學不逮宋元諸儒而

建議諸臣豈盡瑄之陵革者乎三人成虎

十夫操權臣據

本朝祀董仲舒止以一行人之建白而成化

元年議祀楊時僅以樂縣何生之請

皇上考正祀典亦以監生詹啓為通論未有如

瑄之至數十人而不

允其請者也大率以著述少之不知雕蟲之技

徒晦聖經宋儒胡瑗亦無述作元之許衡

所著何書而學者宗之蓋身體力行之功

不在乎言語文字之末否則大玄楊雄新

經王安石又可攘臂孔子之庭矣伏望

陛下以維繫道統為綱紀以脩明理學為治教

以興起斯文為已任以培植人才為元氣

特勅禮部并翰林院國子監諸臣進與

內閣大臣集議如瑄果無非疵俯從衆論升

瑄孔子廟庭與宋元諸儒一體從祀允愜

人心之公議用昭

國家之盛典臣見理學明而黃茅白葦之習

變多士濟濟將去其不如瑄以就其如瑄

而誦法孔子有取秉矣朱熹之所謂鸚鵡

其言者一變至道是故歐陽出而大昆之

體詘蘇學行而衲被之議息學術正矣學

術正而素絲羔羊之風興百僚師師以瑄

為觀法以不瑄為忸怩而砥礪多節有憲

老矣賈誼之所謂簞簋不飭者不賞而勸

是故楊綰入而敦觀捐從程頤在而經明

行脩士習振矣然又有大焉儒臣進退夷

狄輕重非臣之臆說也寇準知天雄而契

丹使嘆曰何故不在中書司馬光為僕射

而遼人勅邊吏曰中國相司馬矣龜山先

生安在高麗知名朱先生安在金人以為

問然則瑄之進祀豈徒激勵後學亦柔服

醜虜之一機也詩云在泮獻馘斯之謂矣

昔秉禮却萊脩教勝楚皆是物也孔子之

道愈尊而名教誠非小補管蠡冒昧仰塵

天聽隕越無任緣條懇乞

聖明表章真儒以勵世風事理未敢擅便為此

具本謹題請

旨 嘉靖三年

禮部 題為懇乞

聖明崇祀真儒以成

昭代曠典事祠祭清吏司案呈奉本部送禮科

抄出吏科等科都給事中韓楫等題臣聞

之昌隆之世必有名儒聖哲之君務脩正

祀竊見前禮部左侍郎兼翰林院學士贈

禮部尚書謚文清薛瑄篤生

明時獨契正學踐履純粹行合聖賢造詣高明

心同造化讀書二錄垂體驗之格言河汾

一集據性情之自得法姦直柱風裁由定

見彌真却虜平夷事業自學問表樹非誠

意正心不以告事

上一恭敬之忱即死生貧賤不能移律已悉剛

大之氣誠得濂洛之真傳上紹孔孟之正

脈故當時稱為

本朝理學一人而後世俱欲比元大儒從祀

顧盛典之有待致輿望之日殷仰惟

皇上登極之初適當中興文明之會故言官有

連疏之請而該部有集議之章誠以自

漢唐而至宋元尚各有俎豆文廟之士迨

明興二百餘載顧獨無侑食孔庭之人觀之今

茲大屬缺典傳之後代殊非美談乃銜奇

者務異其端而飾偽者更紛其舉執筆之

彥心多不然應祀之臣議亦旋罷此非所

以光鉅典而彰

聖化持公道而厭衆心也臣等聞之名儒必乎

衆而後真公論必積年而後定瑄之生也

則名公鉅卿靡不稱服瑄之歿也則端人

正士靡不頌思彭韶大書於名臣而楊濂

首紀於理學直請從祀者不下累十餘奏

獻議從祀者亦有累十餘札即論列之不

同實誦法之無間臣等嘗謂

聖世固多振起之士薛瑄尤為論定之儒從祀

之典匪輕非真人不可輒與真儒併係甚

大當其時亦難稽延伏請

勅下禮部刻期廷議果臣等所奏實可舉行

薛瑄特賜從祀孔廟俾天下萬世咸知

昭代固有真儒而學士經生亦皆進脩之有定

志斯文之幸無疆之聞也且

皇上臨御以來褒表名德崇禮逸遺徵任耆賢延

納忠謹

天心助順雨暘應期萬國綏寧蒸黎樂業四夷

懷畏獻捷貢琛興道致治之功考之今古

斯為烈矣則崇儒右文之典酌之時勢可

獨後耶此臣等所以惓惓再以瑄請也惟

皇上留神聽察焉臣等不勝悚息懇乞之至等

因奉

聖旨禮部知道欽此又該禮科左給事中維遵

題為懇乞

聖明特錄儒臣從祀孔廟以全

聖美以端世風事近於本月初七日早該

駕侍議時天方大雨伏觀

皇上早御宸極傳制遣官祀先師孔子不以雨

阻舉朝臣工莫不欣欣然頌

皇上之盛美能急大禮如此哉臣愚竊謂欲全

德意之美當補未備之儀如贈禮部尚書已

行實錄卷三

十八

故左侍郎兼翰林院學士謚文清薛瑄者

從祀孔廟一節誠不容久缺而不舉也

謹按孔廟禮制并從祀諸賢得與之故敬應

睿覽幸採擇焉粵昔孔子備聖神之全德為萬

代之宗師國學建廟春秋二祭徧及兩直

各省府州縣今古不易此其脩殿禮遵師

道也至配享殿庭者多及門之哲士從祀

兩廡者皆歷代之碩儒此其榮先達廣教

術也然得從祀之賢惟取懿行真可以激

世著述真可以訓俗而徒尚奇騁詞者不

與焉自漢及唐及宋下至於元每代必有  
其人庸顯文教之盛况我

皇明政治教化遠過漢唐宋至從祀孔廟不令  
一人與之是示後世以我

朝果無真儒也誠有之何以不與從祀也洪  
武迄今二百餘年道化成士以大儒名

臣稱者固多其人然極純不雜公議又定  
者獨薛瑄其最焉初生已具清姿稍長即

知正學耻譚佛老專師孔顏孝親敬長居  
家之休風率易而難及愛國忠君立朝之

行實錄卷三

十九

偉節時久而愈彰志在繼往開來行能師

世範俗所著讀書一錄帙分上下二卷不

尚繁文惟存實理發四書之奧旨闡六經

之微辭體之可以修身推之可以弘化細

玩其錄遐想其人真躬行有得之君子匪

飾言炫俗之偽儒也擬諸孔門沈潛似顏

子篤實似曾子與周程張朱可相伯仲其

視許衡則誠過焉諸賢均得侑食於孔廟

惟瑄不得分俎互於諸賢也且先今諸臣

頌德請祀者不為不多



皇上崇儒重道之意又為切至若猶延緩不使薛瑄早與從祀其何以宣

聖明之美意而備

昭代之大禮哉况表章先儒於既往即可以激

勸臣庶於將來此典一行傳之遠邇載之

史冊誠為盛事可寧久稽而不舉也如蒙

勅下禮部採久定之公議酌久闕之鉅典覆請

上裁決意擇吉日特將薛瑄錄入孔廟得與從

祀之列則

德意昭宣而士紳增輝矣臣下情無任敬仰

之至等因奉

聖旨禮部知道欽此又該湖廣等道掌道事貴

州道監察御史馬三樂等題為懇乞

聖明崇祀真儒以昭

聖化以振士風事臣等聞之帝王之治本於道

帝王之道本於學古先聖王之所以興道

致治者未有不尊尚儒術崇祀賢哲以倡

道學而端治源也先師孔子固當世享不易

矣雖漢唐宋元莫不有從祀諸賢亦各有

以鳴一代之盛恭惟

太祖高皇帝闢乾坤於再造復日月於重光上接堯舜之傳我

成祖文皇帝統一聖真昭明理學頒布性理諸

書於天下人文宣朗道化益新

列聖相承有隆無替二百載之間治熙教洽獨

無一真儒足以從祀孔庭者豈非盛世之

缺典臣等查得前故禮部左侍郎薛瑄鍾

河汾之靈秀契泚泗之真傳學以復性為

本以主敬為要窮理以括其知力行以踐

其實潛心孔孟寤寐程朱此許衡而下造

詰未有或之先者也而夷考平生則剛方

正直不畏強禦清修苦節可贊神明惓惓

乎致君堯舜而不隨世以就功名侃侃乎

許身稷契而不因難以移厥志知行兼全

表裏無間誠

昭代理學之首出純然而無議者也視先儒董

仲舒王通胡瑗殆相伯仲使在孔門當不

在四科下而祀典未舉表章未至雖屢經

言官連章上請而議者或謂其少著述之

功竟從罷議臣等竊惜之夫儒者之術顯

躬行心得何如耳今觀薛瑄所著讀書錄  
體驗真切發明精確足以羽翼六經與衛  
四子視枝言無當徒切虛名者何啻天淵  
然則瑄之實學賢於著述亦已多矣矧今  
士習漸流道真日晦講良知者以頓悟為  
妙而畧居敬窮理之功論道體者以幻空  
為言而昧理一分殊之實非惟不足以衛  
道而實所以病道也茲欲挽之於正惟在  
表章真儒使卓然知所崇嚮庶乎昭懿行  
於將來振儒宗於百代誠計之得也恭惟

行書卷五

十一

行書卷五

十一

皇上懋建皇極作民君師治道之隆有光千古  
顧鉅典豈宜久曠臣等愚昧伏望  
聖明勅下禮部集議特將薛瑄從祀先師孔子  
廟庭列於諸儒之內使萬世之後咸知我  
明有真儒無愧朱程可以配享聖廟且使世之  
為儒者知所儀刑軌範不蹈於異端曲學  
之弊庶大道昭明而儒風丕振其於世教  
非小補云臣等無任恐懼懇乞之至等因  
聖旨禮部知道欽此欽遵抄出到部送司查得  
隆慶元年六月內該禮科給事中趙軌直

隸監察御史周弘祖等諸臣累疏乞要將  
禮部左侍郎薛瑄從祀孔廟俱該本部覆奏  
欽依行翰林院等衙門撰議奏進仍候會官集  
議外今該前因通查案呈到部看得吏科  
等科都給事中韓楫等禮科左給中雒遵  
湖廣等道掌道事貴州道監察御史馬三  
樂等俱各具題乞將禮部左侍郎薛瑄從  
祀孔廟一節臣等竊惟孔廟從祀之典  
國家所以崇德報功垂世立教其所關至重  
也故非其人而得與則為贖祀如其人而

不得與則為缺典邇稽往昔代不乏人以我  
明興二百餘年道久化成名賢輩出乃至今未  
有一人沽俎豆之輝者豈真無其人哉蓋  
公議必持久而後定曠典必待時而後行  
誠慎之也臣等謹按先臣禮部左侍郎兼  
翰林院學士贈禮部尚書謚文清薛瑄岷  
起河汾遠宗濂洛進脩極其沈潛造詣底  
於純粹居敬以窮理學探性命之源篤行  
以成身動合聖賢之矩究其精神心術之  
微即暗室屋漏鮮有或惰其行考其立朝

臨事之節至死生榮辱累無少動其心迹  
雖未湏於事功而或出或處咸有裨於名  
教志雖不專於著述而一言一字悉有功  
於聖門稽之我

朝理學諸臣固多卓然接迹而起而求其不由  
師傳獨契正學上接孔門不絕之續以爲  
百世後學之依歸則實薛瑄爲之首倡矣  
是以當時心誠惟服者既衆口一詞而後  
來疏入從祀者亦累牘不置在嘉靖年間  
曾下儒臣詳議各自

○  
奏進其與瑄者十居八九即有一二未協者  
亦以禮宜慎重姑俟將來至於瑄之人品  
未有或訾之者也自我

皇上登極以來言官累

請部議累下至今尚未有定者蓋緣疏中所  
及者衆輿論難同至於瑄之應祀則未有  
間然者也今都給事中韓楫等監察御史  
馬三樂等復交章以請且欲刻期廷議  
無非欲及時舉行以光昭

聖治之意若復仍拘徃例再行各衙門議議誠

恐作舍道傍久延歲月至使一朝盛典  
又徒託諸空言矣合無俯從諸臣所請通  
行九卿科道及翰林院詹事府左右春坊國  
子監等衙門文學諸臣廷集會議各要虛  
已秉公悉抒所見如有意見未同者不妨  
面相質難詳列是非務求至當之歸俾成  
畫一之議議成會疏上請恭惟

聖明裁斷勅下施行庶衆謀既得於畢集而大  
禮適觀於有成矣緣係懇乞  
聖明崇祀真儒以成昭代曠典等因俱奉

○  
欽依禮部知道事理未敢擅便謹題請

旨九月初二日奉

聖旨是欽此

禮部等衙門尚書燕翰林院學士等官臣  
潘晟等謹題爲懇乞

聖明崇祀真儒以成

昭代曠典事該禮部題祠祭清吏司案呈奉本  
部送禮科抄出吏科等科都給事中韓楫  
等禮科左給事中韓遵湖廣等道掌道事  
貴州道監察御史馬三樂等各具題乞將

先禮部左侍郎薛瑄從祀孔廟緣由該禮部覆題稱竊惟孔廟從祀之典

國家所以崇德報功垂世立教其所關至重也同前疏等因奉

聖旨是欽此續該禮科抄出廣西道監察御史

李純朴題為懇乞

聖明廣祀典以彰

聖化事乞早將薛瑄從祀孔庭緣由奉

聖旨該部知道欽此臣等謹欽遵前議會同六部都察院通政司大理寺詹事府左右春

坊翰林院國子監科道等官少傅兼太子

太傅吏部尚書管理兵部事楊博等恭於

關左門集議臣等同議得學尚理學聖盛美之圖秩祀名儒國家隆重之典在昔先師孔子

道全德備刪述六經其垂教萬世者無窮

故廟食萬世者亦無窮宜矣乃如四科之

哲配享廟庭七十子之徒從祀兩廡蓋以

親炙聖門光大聖教一體崇報亦禮所當

然也其後自漢以迄宋元名儒碩彥得與

從祀之列者代不乏人以今考之雖造詣

有淺深學問有醇駁然或究極性命之原

或發明經傳之旨或懿行足以範俗或流

風足以感人均之羽翼斯文興起來學有

不容執一論者矣逮於我

朝治化休明德教淪浹名賢輩出輝映後先

乃其力任斯道卓然為一代理學之冠者

則惟故禮部侍郎薛瑄為最焉謹按薛瑄

山西河津縣人方幼年一見濂洛諸書即

嘆曰此學道大脉也遂棄去詞賦專心於

是其學以復性為的以居敬窮理為功以

反躬踐履為實潛心體玩至老彌精充養

之純超然自得此其學問之大原可考也

平生言動舉止悉合於矩辭受取與一揆

諸義居家則孝友無間與人則樂易可親

中正足以矯枉律偏剛直足以蕪頑立懦

此其行履之大畧可稽也所著有讀書錄

有河汾集雖不專以述作為事而隻簡片

言皆可師法微詞與義悉合聖謨至今學

者莫不尊信而誦習之此其著述之大旨

可窺也至於立朝行己之際不折節於權

門不謝恩於私室不居法於貴近不攝心於臨刑榮辱不以關其心死生無以易其操此其樹立之大節可紀也故一時信從者有河東夫子之稱而後之追尊者有一代真儒之許此豈可以偶獲而倖致者哉以瑄從祀真儒可以接聖門統緒之傳而開後學向往之路者前後建議及此者蓋累十餘疏而盛典久虛群情日切今言官有文章之陳而禮臣有會議之請及時舉行誠有所不容後者查得先年間

有異同之論或以瑄少所著述不知學貴心得道在躬行矧瑄所著書且十餘萬言不為不多誠未可以是而少之又或以宋

時如羅從彥李侗諸儒尚未遍祀即我朝理學諸臣亦多有應祀者不知講求於大明之後者為功易興起於絕學之後者為

力難而國朝倡明此學者則惟瑄為首是又未可因是而泥之也臣等竊昧惟是重大之典何敢輕議謹據采瑄之遺事炳然在人親聞

者質之輿論考之祭法及參詳諸臣奏進與該部覆議始末竊以舉瑄從祀為當仰惟皇上道備明聖天作君師酌古今禮法之中為網常仁義之主乞俯賜裁斷

特勅該部進瑄從祀孔子廟庭使二百年之曠典肇稱而千萬人之積仰斯慰其與世教士風信非小補天下不勝幸甚臣等不勝幸甚緣係懇乞

聖明崇祀真儒以成昭代曠典及奉欽依是事理未敢擅便謹題請

隆慶五年九月初七日會題初九日奉聖旨薛瑄公論既定在從祀欽此

禮部題為懇乞聖明崇祀真儒以成昭代曠典事該科道等官韓楫等具題乞將先禮部侍郎薛瑄從祀孔廟該本部會同九卿並科道官會議覆奉

卿並科道官會議覆奉



案驗准山西布政司照會承准

禮部照會前事該本部題該科道等官韓

楫等具題乞將先禮部左侍郎薛瑄從祀孔廟

本部會同九卿并科道官會議覆奉

聖旨薛瑄公論既定准從祀欽此欽遵等因案

行到府蒙此案照前事先奉

布政司扎付已經通行去後今蒙前因擬

合再行為此仰本縣照帖備蒙案驗及先

行事理即便轉行屬縣學校各一體遵奉

施行具行過日期緣由申府查考毋得違

錯未便擬合再行為此仰各縣官吏照帖

備蒙案驗內事理即便轉行該縣學校各

一體遵奉施行

祭文同前

安邑後學張致

清公行實錄三卷

記類

重建薛文清公祠堂記

賜進士及第解州判官前翰林院修撰 經筵

講官同修國史高陵呂柟撰

文清公薛先生祠在其縣南街東面粵自

弘治九年之夏給事有奏楊廉禮部具題

勅下省邑鼎建祠宇兼賜名額崇儒重道日照

月臨爾乃草創之初規制隘陋久且傾頽

嘉靖五年三月山西按察副史王公燾武

按部河津奮然興懷欲於本道賦罰米石量

除百金為增修具遂告諸巡撫都御史江

公燾巡按御史馬公信陽儲公良林初

公果江咸嘉所舉有褒揚辭馬公又發金

六十改建舊坊坊書初公亦為祠事先降

十金於是王公委平陽同知許君琦猗氏

知縣張翼董其事乃買民地僧院增拓厥

基建廟五稔廊廡三門鳥革翬飛謂柟嘗

從儲初二公至河津謁先生也請記其事

嗟乎先生今代儒之道學其一人乎先生

之生也紫衣兆母齋之夢母將就館聲動祖義之卜此生有異家人欲五  
 臟露如水晶其清透骨七歲通乎論孟其  
 知鄰神方垂髻鬢恭議欲請見而不往謂  
 問既嬰法豸師保求識面而不得揚文貞  
 道若可行雖卑官不屈後為大理少卿義  
 如難從於權勢奚顧謂抗時貴玉田謫成皆元  
 之者儒也不敢以師自居稱聖門之有人先生十  
 父在王田時諸御史補若林嘉徐懷玉諸  
 君皆以友處金陵鎮皆時之巨擘也不敢  
 行實錄卷三  
 以勢自處雖却扇而不怒大監與安表誠  
 先生事曰乃疏講學以禦侮虜既入  
 而遽退之已布恩信以撫首級方馳而  
 平師貴辨冤獲咎逆官保而不悔後松  
 右亦罔赦大或嘗夜以抄經雖獄院  
 而誦易文辨王志在作人一磬士之  
 必錄其法若可伸於軍  
 妻之必辨其既受爵  
 於公朝不知私室之謝恩為

公卿皆係事之欲傳道於來學對科  
 舉之旁問稱疾出閉寧犯乎吉祥拜賀吉  
 慷慨就獄思比於劉球死先王  
 與廟易服以見若昔汲黯之必冠小短服  
 長服石亨請  
 與歸則比許衡之懸梁時亨敬請勅與先生  
 舉魯齊見幾而行於醴酒不設之時見石  
 福得書而比於居洛不答之老謂得李賢  
 守車輪戶牖之志監銀場而出食墨一時軒  
 取諸公不足以方其清也謂和御史  
 行實錄卷三  
 為殺粟布帛之文錄讀書而究性理一時  
 劉李諸公不足以並其文也謂文安公  
 賢故襄夏三楊勳矣人或議其節忠定公  
 靖公夏公揚士奇文敏公張許  
 劉周節矣人或議其幾現李士  
 身同國之勇畫精敏恐不達意  
 明道為修辭清而不說異而且同若



顏氏志程朱老不殊壯困未改通許魯齋  
 之後去有見其能比者也故當其存時或  
 曰今夫子山東及解或曰真鐵漢通政李錫言  
 或曰好官一人太監金或曰不愧往哲家  
 或曰已時方提李或曰躬行實踐李士江洲  
 或曰本朝理學一人李麟或曰學已至  
 乎樂地御史張其不平者止權貴耳及  
 其既歿或曰今之真儒當入孔廟禮科給事中張九功奏  
 或曰明體適用比元大儒當入從祀工部侍郎魏  
 或曰潛心理學可祀廟庭布政評議或曰有  
 功名行實錄卷三備食廟庭無忝孫序其未祀者  
 蓋有待耳然則今日之舉振頹風而警後  
 學學廣  
 德意而顯前哲豈為泰乎且是祠王公之文高  
 丞河津時受委上司所督修者也丞嘗言  
 當事則制於掌印程期則逼於尊官使建  
 置之未稱雖棄官而猶悔豈期冢祠憲副  
 思先而志繼修遺續夙雖徵於王氏今實兆  
 於有薛謂先生之匪神胡前知之如親既哲靈之  
 不沒庶寢成之孔密先生諱瑄字德温號敬軒諡文清

薛文清公從祀孔庭記  
 隆慶五年六月十六日書  
 賜進士出身嘉議大夫詹事府掌府事吏  
 部左侍郎兼翰林院學士東宮侍班兼教  
 庶吉士前總裁實錄經筵日講官蒲阪張  
 四維撰 孔子之道根本人性麗於倫理  
 敷為禮樂刑政民生日用之則其詳具在  
 六經古今天下不可一日離者故萬世之  
 崇祀無窮然自禮垂釋奠先聖先師之文  
 後世協義起禮於是乎有配享從祀之典  
 蓋時及門之士無不與焉其自漢而下諸  
 儒必其言不詭於聖經行克由於彛訓足  
 以發明斯道扶翼人絕者然後得以俎豆  
 其間非是族也則不在祀典爾矣蓋嘗觀  
 庭廡所列自七十子外漢世儒者彬彬矣  
 而宋為盛若隋唐若元各一其人而已  
 雖代異人殊妻皆後先相望使孔子之道  
 歷千載而常新者人極不廢則諸儒之從  
 祀亦無窮也國朝文清公敬軒薛先生當  
 正統天順間講道河汾慨然自任斯文之

重其學以復性為主嘗曰六經語孟一言以蔽之曰性又曰道不明者性不明也聖賢傳授不越明此性行此性焉爾嗚呼盡矣其踐履篤實造詣崇邃自一話一言推而至於終身大節靡不曲中矩夙晚年玩心高明超然自得今其遺書存者若讀書二錄精切簡正鑿鑿皆實際語讀之使人檢束身心躁妄於焉盡遣堅定志氣昏懦以之有立卓矣孔門性學之真傳考亭魯齋而後一人而已先生既歿學者仰之不

行實錄卷三

六

帝泰山北斗議者咸謂宜從祀孔子廟

庭迄今且百年前後以疏請者無慮數十上亦可以見人心之公理矣邇者性學漸晦士失所從早者溺詞章徇功利高者則假借禪幻亂性與天道之真有識者慮焉求所以力挽頽風屏詘道使殊方異指不得為孔道病者莫先於表章正學誠恐示天下知所當趨於是言者以先生從祀孔庭蓋亟詔禮臣集廷臣議罔不協者帝乃祭告先聖命司空造先生主命禮臣

擇置大學廟庭春秋從享遂詔天下郡邑如大學例祀焉時隆慶辛未冬也先生蒲之河津人河津張侯汝乾謂百年曠典遂舉於是時也雖公祀徧宇內乃其故里不可以無述爰問記於余碑諸大成門左因誌始事云其諸奏請章疏及禮臣會議之詳文多不載刻在別碑中

薛文清公書院記

賜進士大中大夫山西等處承宣布政使司左叅政前南京戶科給事中門生韓

城王盛撰

行實錄卷三

七

河津縣城內大街西有文清薛先生舊宅一區乃先生退休講學明理之處歷年既久舍宇傾頽弘治戊申春盛以先生弟子由科第諫議擢今官巡歷至此不忍觀視遂捐俸金二十八兩責成蒲州同知潘林邑簿胡唐修之題其門曰文清書院既而巡按繡衣汝陽劉宗敬巡守河東道寅長同門右方伯益都陳廉夫暨大叅壽城王尚忠上虞王盡臣少叅壽昌徐敬夫等刊

蓋山胡源梁成與贊助以故大厦三層臨  
街五間中三間後祠堂三間壬子春二月  
落成先生家孫秋官元吉以弟子能知師  
託為記其事竊惟道之大原出於天而全  
盡於聖賢大聖孔子集堯舜禹湯文武君  
臣之道統而折衷之刪述六經垂憲萬世  
有見而知之者亦有聞而知之者若顏魯  
思孟之師弟授受於當時此道也周程張  
朱之師弟授受於後世亦此道也道學之  
真朱子之後許公繼之我朝百餘年來應  
天相斯文之寄接朱許道統之傳其宗師  
文清先生者乎先生明聖賢性理之學致  
知力行交修並進由風憲進廷尉直不見  
容安命而歸克理學以淑諸人於書院者  
數年若固有之英廟復御皇極閣先生道  
學之宗特起禮部左侍郎兼翰林院學士  
知制誥處元老經綸之地以行其道於天  
下幾半載見幾明次連上三疏得明農之  
請喜語人曰讀書事今日才了四方樂昔  
雲集盛之從遊適際其時先生慷慨以復性

正學為教書院之授受又孰有出於此道  
耶天順甲申先生享年七十有六為書院之  
際尚有此心惟覺性天通之句乃曰古聖  
賢所不免從容而卒人見其白氣冲天此  
闕世運之隆替豈偶然而已哉朝廷嘉其  
正學傳後贈禮部尚書謚文清遣進士修  
墳塋弟子皆為之心喪而治任焉豪傑有  
據其事蹟而累荐者命下入鄉賢祀之吁  
道之顯晦有時愚觀先生所著讀書錄續  
錄文集無非發揮性理之淵源辨異端扶  
正學以闡明前聖之道於後世終當從祀  
孔子廟庶而列朱許諸賢之後然天理民  
彝不能泯滅後之人觀此書院必有心領  
神會而興起斯道者則此之書院其杏壇  
丹山之所乎因併記其弟子及從遊答問  
者姓名於後云

尚友	高舉	田真	邵瑾	楊瀾	楊志學	高輔	張聰	郭震	辛英	孟琳	衛述	閻禹錫	薛璘	白良輔	張睿	秦絃	沈潛	士贈
沁水縣人訓導	澤州人訓導	河南人登天	河南人登天	河南人登天	河南人登天	河南人登天	河南人登天	河南人登天	山西人知府	山西人知府	山西人知府	河南人知府	河南人知府	河南人知府	河南人知府	河南人知府	河南人知府	河南人知府
鄭俊	張澤	袁輝	賈玟	孫翰	張澤	孫翰	張澤	孫翰	孫翰	孫翰	孫翰	孫翰	孫翰	孫翰	孫翰	孫翰	孫翰	孫翰
訓導	知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣

梁博	劉琛	段盛	黃英	黃傑	馮純	馮純	馮純	馮純	馮純	馮純	馮純	馮純	馮純	馮純	馮純	馮純	馮純	馮純	馮純
河南人	河南人	河南人	河南人	河南人	河南人	河南人	河南人	河南人	河南人	河南人	河南人	河南人	河南人	河南人	河南人	河南人	河南人	河南人	河南人
訓導	訓導	訓導	訓導	訓導	訓導	訓導	訓導	訓導	訓導	訓導	訓導	訓導	訓導	訓導	訓導	訓導	訓導	訓導	訓導
知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣	知縣

吉節未仕縣人 李鑑工部縣人

王瑛按邑縣人 李傑主簿縣人

李侃主簿縣人 許佐河南汝寧府杜玄山東長清縣人

張驥長清縣人 杜聰翼城縣人

李麟訓導

王藩訓導江人一

王璋主簿縣人

明經士

張敏韓城縣人 趙彬韓城縣人

楊謀蒲州人 由潤蒲州人

韓贊蒲州人

重脩文清薛敬軒先生祠記

賜進士第文林郎浙江道監察御史曲沃後學

李承華撰

余嘗謂士之享榮名垂不朽為天下後世

之所宗祀者代有其人然求其學足以究

天人功足以扶世教道足以紹絕統為人

人之所共崇雖愚夫愚婦罔弗賢焉則固

難其人矣我

朝文清薛先生鍾河山之靈秉剛粹之氣由

內達外邇始至終言動進退一以體認天

理為心而洙泗濂洛之傳得先生為益明

先正推其為

昭代理學一人信非厚誣非天下後世之所共

崇且賢者哉宗而祀之宜矣先是儒臣累

疏請從祀孔子時為私議所沮迺

勅於先生故里講學處而祠之堂廡門垣巍

如翬如厥度宏如歲二車祀焉所以闡先

生之學碩厥功而弘厥道也祠創迄今六

十餘年其間尊慕德教者間嘗脩葺然歲

久湮鬱風雨剝落不無蠹蝕迨嘉靖癸丑

侍御尚君過先生祠謁焉曰

國有先哲祀事弗嚴惟吾職羞遂發金若干

檄邑高侯督葺之侯愍歲歉甲寅秋成始

鳩工飾材量程度費剔蠹以完易腐以新

官靡妨務民不匱力再閱月而祠告成棟

宇仍舊絢墜奕如視昔若有增焉其裔孫

惟傑惟慶輩持狀徵余記夫先生道德淑

人心忠貞載大史聞望在天下後世行將  
正祀典從孔庭廟享無斃與天壤相為悠  
久茲一鄉之祀一字之葺豈足為先生記  
哉雖然觀侍御之崇尚邑尹之駿奔俾四  
方士式崇間而覩德輝如親炙焉則樂德  
公善之誠仰止風教之義於是乎可徵也  
已余後先生生殆百年且學未聞道不以  
不文辭者亦曠世之感而竊私淑焉者也  
借為之記尚君諱維持進士河南羅山人  
風猷素著茲其崇正學之一端云

行實錄卷三

十四

重脩薛文清公林墓饗堂記 時嘉清十  
七年戊戌

賜進士第刑部郎中安邑後學相世芳撰

於惟我薛文清公夫子山川鍾秀天與斯

文道統上接程朱相業遠宗周孔實我

聖朝真儒之首也然久而後彰彰而未大維也

祀有祠而未通於天下林墓雖有堂而未

稱乎典禮故君子皆歎焉戊戌春陳南岷

先生來尹河津下車之初既肅謁夫子之

祠矣復登拜夫子之堂陋其制也將圖改

作臨未久也及夏政事漸成乃請於大巡

黃巖何先生先生聖賢之徒也樂觀厥成  
焉時不雨民未有孚或慮其弗果有知者  
曰南岷前判均州實多異政持蕙秉公獲  
盜理冤皆感乎神明而神明嘗默相之於  
是乎有夢格之碑今擢河津未期而六事  
脩百廢舉禱雨即應逋稅自完而神明亦  
默相之於是乎有神燈之謠皆循良之異  
也其於斯細也何有未幾卜吉命工相地  
料用遂撤其舊物新以美材大其制度華  
其棟宇為堂也構楹惟四作架惟五前軒

行實錄卷三

十五

後牖既弘以嚴由是堂高宮廣巍然偉觀

足以妥夫子之靈慰四方之瞻仰也嗚呼

宜哉是役也始於五月七日成於九月六

日官無所出人不知勞役不妨農時不稽

久南岷其賢矣乎夫子之四世孫朝五世

孫葵為尚寶司少卿癸未進士華判官芝

艾散官蘭茂蔓萊蕃生員芬及其六世孫

教諭惟謙生員惟寬惟明惟聰惟慶惟傑

惟良徵余為記圖功不朽余作而嘆曰敬

軒夫子之道其大明與先時張給事疏請

從祀孔聖廟庭楊左侍進讀書錄頒行國  
子監今南岷效力夫子宮墻同一尊尚也  
夫人心尊尚大同公議無間崇入祀典其  
在今日矣敬軒夫子之道豈不大明也耶  
余不佞不可穢辭林墓唯命與賢不能違  
也南岷名大策字于朝河南登封縣人家  
乘江西泰和柳溪陳氏以文名鄉貢起家  
是宜記

重脩薛文清公先生學宇記

河津縣知縣朝邑樊得仁撰

行書錄卷

其

大凡前人之業非有後嗣之賢則亦莫能  
闡而揚之也蓋前者後之倡後者前之推  
故崇德者必象賢則夫孝者在乎善繼人  
之志善述人之事者也故禮部左侍郎兼  
翰林院學士謚文清公薛敬軒先生我  
國家真儒也其道德文章政事與夫出處大  
節光明峻潔蘊迹前脩備載於敬軒集讀  
書行實二錄歷歷可攷所謂瀟洛之流波  
覃懷之步武世所共仰者也董仲舒吳添  
之流今皆從祀者以先生方之殆無愧焉

成化弘治時國子監丞李君紳給事中張  
君九功嘉靖首歲參政許君瓚諸君子屢  
奏請從祀孔廟未幾然而第宅坐祠索然萎  
蕭無所增益嗚呼先生之賢益於是乎見  
矣其五世孫大理寺寺副蔡暨其兄癸未  
進士華弟國學生芝艾邑庠生芬輩每以脩

葺為念顧其力有弗能者既而華以葉縣  
令卒蔡惟單子是懼益用殷憂乃屢謀諸  
山西巡按監察御史諸君乃正德甲戌張  
君士隆始於墓陵之地既勤垣墉肯構肯

行書錄卷

其

堂明年乙亥朱君寔昌惟其塗墍茨焉嘉  
靖丙戌馬君錄建尚書坊又二年戊子王  
君宜建大學士坊至癸巳歲仁承乏於此  
乃得而重新焉夫命工營繕者仁也而董  
督勞來者蔡也從更區畫者仁也而綜理  
密維者蔡也躬親落成者仁也而光大先  
業者蔡也仁不敢有其功而蔡實能殫其  
力是乎微矣先生之業庶幾乎不墜蔡之賢於  
朝曰蔓曰葉曰芬曰芝曰國曰士曰生曰  
繼振家聲人謂蔡華孝思所格是或一道而先  
生與之賢始不止此也嗚呼先生之賢於是一

祭文類

維嘉靖二十八年歲次己酉冬十一月三十日鄢陵後學知澤州事前戶科左給事中陳棐謹以剛鬣柔毛清醑庶品之儀來奠于文清薛公之墓曰吁嗟乎世之人人知公名有重於今人學不媿於古人而不知公之理學為我

朝第一人流品為百代殊絕人人知公講道龍門可繼文中軌轍為河汾之偉人而不知公天資粹美造詣精到每希體乎聖人

行實錄卷三十一

十一

故公之類悟類顏淵篤實似曾子高並乎孔子之門人人知公家於晉方卒於晉地祇以為晉人而不知先學論公鳴鐸鄢邑司樸械以作人模範教端陶鎔德厚留夫惠於鄢人而公亦名奇泮鬻聲馳梁汴首冠乎豫省之人况公氣秉扶輿靈鍾海嶽直可為斗南海內之奇人而今逝矣必耀而為星辰潤而為雨露流峙而為山澤神氣擬充滿於宇宙而豈止於一方之人棐素承家學為鄢野之裔人叨登甲第列侍

從乎

一人而近歲以進言見忌流落下邑為遷謫之旅人今幸移澤郡過公之里一拜公之祠下矣仍致瓣香之敬來謁公之隧墓並訪公之後人棐從此讀公之書學公之學求少異乎俗人而公靈不昧如肯潛迪默契苟不棄乎愚人則棐雖不敏亦當向往奮發思不負乎天地之全人梁木顏父兮孰起哲人生芻一束兮德比玉人嗚呼尚饗

行實錄卷三十一

十九

維隆慶六年歲次壬申三月丙戌朔二日丁亥吏部左侍郎兼翰林院學士張四維謹以剛鬣束帛庶羞之儀告奠于先正薛文清公之神曰嗚呼惟公契道以心體道以身斥遠異說不作空言正學一脈昭代一人

朝著表儀釋子聞名

皇運聿昌僉論載明特表真儒從祀孔庭一時曠典萬世公心四維州里小子百年後生仰止每切寡過未能讀書有錄示我規箴



遵彼汾曲脩謁祠宮琴鳥瞻德黍稷薦馨  
流風穆若山高水清尚 製

維

大明萬曆四年丙子仲春乙丑朔越二十日甲  
申平陽府推官廣德李天植以職事來於  
河津祇用釋奠于

文清公薛先生之祠爰集先生之裔舉人  
薛應麟生員薛惟允等一十五人邑之舉  
人暢孟樂高拱宸與庠之髦士邵世勳等  
一百五十人及縣令盧重華教官馮賜徐

九功等邇先生之學而告之曰嗚呼斯道  
之在天地也流行不息師世立極代有哲  
人惟茲平陽蒲坂之間三聖肇興首闢渾  
淪龍門之下河汾交匯三賢繼作往轍可  
遵自卜子夏而後王仲淹崛起其微言超  
詣殆涉涯津厥後沒於金元遂汨汨而泯泯

天啓

皇明載闢青旻荷維先生生有異質方髫髻而  
振振於

開創之初弗由師授獨奮遐志慨任斯道於

一身學宗主敬惟惕惟寅內省峻潔履蹈  
貞純由登第而立

朝直氣謹論正色垂紳知幾勇退簞瓢屢空  
樂以安貧巋然師表蓋伊川晦庵之倫晉  
魏秦楚燕趙齊魯之士從遊者衆絃誦彬彬  
彬閑家式俗穆乎風淳馴至易簣之際曰  
無一事覺性天通信真積之久契道合真  
泝

皇明之道源者先生其洵先生之學愈久愈新  
先生之後禮讓循循先生之鄉習尚猶醇  
百七八十年之後尚洋洋如挹先生之神  
植甫有知識景慕先生竊嚮斯道擾擾遂  
巡司理茲郡四載以還計揚懿範有志未  
伸今詣祠下偕我後生敬宣往訓薦此藻  
藟先生有知鑒我明裡

文清公行實錄三卷

維

萬曆二十六年歲次戊戌十月癸丑朔越  
初五日丁巳巡按山西監察御史涂宗濬  
謹以剛鬣柔毛庶饜之儀致祭于

文清薛先生之靈曰嗚呼乾坤之所以不毀  
日月之所以常明中國之不渝於夷人類  
之不入於禽獸者果何所持哉恃此道以  
為之綱維也開闢至今道之明晦或殊而  
世之污隆亦因以異前事之明効亦可睹  
已

明興再造乾坤治教休明篤生

夫子自濂洛之說以溯洙泗之淵源其為學  
以復性為宗以無欲為要清風大節凜凜  
天地間嗣是倡學諸賢相繼輩出而此道  
遂大明於世擬於宋儒開闢啓鑰

夫子則濂溪其人而諸賢則程張以下皆聞  
風而興起者也顧不偉與夫

先生之學四海之內百世之下尤將仰而思  
奮矧生於其鄉又矧為其子孫者乎夫文  
章氣節世不乏人然語於斯道未也變其

文章為道德變其氣節為聖賢豈非

夫子所望於三晉之後賢者乎濬觀風茲土

不勝仰止之思乃所望於

夫子之鄉之後賢紹明

夫子之志以共光此學則惟

夫子之靈有以默啓之也謹為文以

告尚

饗

薛文清公行實錄四卷

序類

讀書錄序

讀書錄者先師河東薛文清公手筆前後二十四卷也當先師著述時中心有得至忘寢食隨筆劄記未暇倫類已板行於世矣先師歿之二年愚反復讀之深有感焉乃倣近思錄分門別類去其重複釐為二十四卷嗚呼書誠未易讀人誠未易知夫六經四書之在宇宙如天地之無窮江海之不竭然而漢儒讀之則為訓詁之學唐儒讀之則為詞章之學伐根而沃葉埋珠而絢綵於是口耳枝葉之學盛而吾道隱矣及乎宋儒讀之然後如麗日當空瑤琴出匣而吾道始大明焉然程子未遠而有淫於佛老之說朱子未遠而有易為無極之論是蓋不待七十子喪而大義已乖矣惟我先師崛起數百年之後心印灑洛神會洙泗學以復性為本言以明性為先其言曰六經四書性之一字括盡又曰孟子

之後道不明只是性不明至論所傳之事曰明此性行此性而已嗚呼至矣盡矣若夫風雲之樂鳶魚之詠每曰道理舉目可見其獨智為詰何如哉真可與黜爾同遊周程共吟也韓子曰世無孔子不當任弟子之列愚於先師亦云故曰書誠未易讀夫以武王之聖而不知夷齊以晏嬰之智而不知仲尼雖王遠之舉周子蔡襄之薦明道亦豈盡知二公者哉若先師之處世自功名者視之則以為偏自富貴者視之則以為迂尚綺麗者則病其枯淡尚博洽者則病其拘束抑孰知先師貌象大極心遊天真而無所待於外哉先師嘗曰楊雄言後世苟有楊子雲者必好之矣某之自信亦然故曰人誠未易知若夫先師仕止久速充實輝光許魯齋之後僅見而已其飄然脫洒無所顧慮雖劉靜脩鳳凰翔於千仞之氣象又何尚焉是宜行已立朝磊落潔白終始無虧而立德立言與天壤俱存也歟嗚呼深哉愚以無似蚤遊門牆

老大無成心喪之餘手類遺編借書於首  
後之君子幸垂鑑焉其詩號為河汾集者  
亦僭為序以傳其文若干卷仍如其舊書  
成友人山東章丘尹鈞州張慶景祥考績  
至京師見而嘆曰此吾道正脉也願捐俸  
銀梓以廣其傳况山東乃先師持節提調  
學校舊歷之地遂書以歸之先師諱瑄字  
德温官至禮部左侍郎兼翰林學士謚文清云  
成化二年丙戌夏六月丁酉門人伊洛閻  
禹錫頓首謹識

敬軒薛先生文集序

布帛之文菽粟之味朱子嘗以是而贊程  
子矣布帛可以常衣菽粟可以常食聖賢  
著述立言亦猶是也舍此則奇怪隱僻不  
經於世若左氏浮誇莊周荒唐是已君子  
所不與焉先師敬軒薛先生有見於此故  
其著述立言淺近平易使人易知豈奇怪  
隱僻不經於世者所可擬哉先生名瑄字  
德温別號敬軒世為山西河津人自幼篤  
信好古博學善記所著有續書錄續讀書

錄河汾詩集行於世惟文集則先生孫前

刑部員外郎祺魯托前常州同知謝庭桂  
板刊未就今年夏四月前監察御史暢亨  
先生同鄉謫官陝右道過鎮陽予因訪前  
集暢曰某於毘陵朱氏得之矣予喜而閱  
之但舛訛非原本矣因倣唐昌黎集校正  
編輯總千七百篇分為二十四卷凡三易  
藁始克成編於戲先生文集流落江南二十  
餘年今傳於世豈非其數有所待與先生  
永樂庚子河南鄉試第一登辛丑進士宣

德丁未初授廣東道監察御史正統丙辰

擢山東按察司提學僉事陞大理寺左右  
少卿以獄事誣誤開居七年正統己巳用  
言官薦左遷大理寺丞景泰庚午奉  
勅總督松藩糧餉事竣陞南京大理寺卿未幾  
改北京大理寺天順丁丑陞禮部右侍郎  
兼翰林院學士入  
內閣轉左侍郎越五月以疾在告懇乞休致  
通前章三上方得  
俞命時年六十九矣天順甲申夏六月終於家

朝廷遣官諭祭為出葬事贈禮部尚書謚文  
清予嘗記先生設教泮汾一時及門之士  
雲集川匯鼎方十五六先生格言至論耳  
濡目染猶能憶其一二惜乎少年不及向  
學大抵先生剛方正大以聖賢為師處已  
接物不詭隨不屈撓講論經書窮究義理  
自一身一心推之至於萬事萬物然後約  
之以歸於一其餘子史百家靡不淹貫究  
竟至極尤邃於性理之學周易太極圖西  
銘近思錄未嘗釋手常瞑目端坐思索有  
得欣然見於頰面其學蓋已至於樂之之  
地矣言動舉止悉合規度可為人法辭受  
取予一決於義終日衣冠危坐望之儼然  
可畏雖燕閒亦然居家孝弟忠信對妻子  
如嚴賓及至接人和氣可掬不語人以其  
所未至嘗以程門教人居敬窮理接引後  
學晚年造詣高明踐履篤實益至純熟其  
詩平易冲澹渾成不假雕刻讀者自當得  
之予早侍几席壯歷宦途老無所得追思  
誨諭不可及也先生歷官政蹟載在

行書卷五

五

國史其風節道德自有天下後世公論在不致私  
弘治己酉夏五月端陽門人閔西張鼎序  
重刻讀書錄序

此敬軒薛先生讀書錄也先生博綜墳典  
究極要領嘗慕橫渠之為學精思不舍晝  
夜驗之於心體之於身有得則筆之於紙  
日積月累以就此編其言近其指遠其論  
事核而有中其教人約而有序誠療饑之  
菽粟伐病之藥石也慨自科舉之法既興  
而詞章之習寔盛世之所謂讀書者競逐  
末而遺其本買櫝還珠之弊譬諸江河日  
趨日下滔滔乎而不反也是故古之讀書  
也以明心今之讀書也以喪志古之讀書  
也以窮理今之讀書也以干利明心者誠  
喪志者惑窮理者達干利者鄙書一也讀  
者異焉人才之邪正世道之污隆風俗之  
盛衰政治之得失胥繫之焉爾矣嘗試語  
於衆曰如之何讀書而可以工文詞取科  
第也靡有不悅聞而欲從者又嘗語於衆  
曰如之何讀書而可以變氣質成德性也

行書卷六

六

聞者艷然雖弗之非而竟弗之信矣此無他勢使之然也故有識之君子恒以為憂而欲亟反之顧予寡昧亦竊有志焉而力未能也間嘗得是錄而伏讀之反覆玩味有感於心謂可以救學者逐末遺本之弊而歎夫傳者鮮焉今年秋巡視河東念茲為先生之邦君子之澤殆未泯也安知無信而好之者乎予將表而行之庶幾由茲以及夫天下也偶安運使奎持此告予以舊本漫漶殊不便緝閱欲重刻之於書院

行書錄卷七

七

以待來者適與予意會也因取而手校之釐為十卷付之銀梓既訖工固請予一言以為序予曰先生之遺言非俟予言而後傳也所以表而行之寔欲夫人之傳之也於是乎識

正德庚辰九月癸未歸善鄭維新序

讀書錄要語序

河東薛文清公讀書錄及續錄舊嘗講而讀之竊見先生察理之密造道之深與夫立言之精切的確未嘗不掩卷深遙戚戚

然以不得一及其門為恨既而廢書奔走四方事與心違蓋已十忘八九尤切病之至是復得是編於成都少府蒼梧吳君獻臣乃錯舉錄內若干條萃為一帙名曰要語姑即是而觀之多累數十言少止一二句高不淪於空虛卑不溺於形器無非切於學者心身日用之實然則書雖約讀者固不得而少之粵自孔孟既歿道喪無傳千有餘年至宋程朱諸儒輩作真見允蹈毫分秒折而後斯道粲然復明於世自時厥後咸謂理學大明苟志於道無難矣愚竊以為不然三代而後義理之學固莫甚於宋而未學異學之盛亦無踰於宋者姑舉一二言之如六一東坡之文元城了翁之禪皆可娛悅性情使人終身慕而不厭者也市多綺縠則布帛不售庖有梁肉則粳稔不炊然則士生宋後孜孜義理之學者宜亦不多見矣故後世聞而知之篤信不變者在元有許魯齋在

國朝有先生二人而已夫以上下二百餘年

僅見一二乃謂苟志於道無難者豈其然歟今先生格言具在學者由此以求程朱之旨趣上溯孔孟之精微正猶泛舟長江因風舉帆直趨於海鳥有不至之理而往往沉溺他途雖有豪傑之材不能自拔其亦弗思甚矣夫末學非道猶不朱為君子多能之資若夫元城了翁諸賢豈後學所敢輕議徒以禪氏宗旨終不得與於斯而近世名儒有負天下重望者即而叩之不過竊其遺緒以自珍秘至者且死莫覺其

行實錄卷九

九

非其如先生何哉然則從事末學異學者舉非先生之徒而充為矛盾可斥者其惟異學也夫

弘治癸亥春三月壬午後學古餘張吉序  
吳公延舉曰予非敢借有所取也其  
中語氣習之病者世醫投防風活諸草之  
劑先焉若夫空青水碧世外奇寶非不  
也將以待別科也

從政名言序

序曰學非聖非學也政非王非政也學不自孔子非聖也政不自周公非王也蓋有

河圖洛書之旨而後可以言學有闕雖麟趾之意而後可以言政後世學者顛顛於辭章規規於智力者皆是也而可以言學與政哉而可以言聖與王哉續宗嘗讀敬軒集而見其學與政也由程朱而孔子者也由司馬而周公者也夫周公孔子其學與政豈與人異哉亦曰誠而已矣亦曰純而已矣然先生之至德要道學者內聖外王之本不外是也苟舍是焉吾不知其學與政矣續宗守郡嘗以敬軒讀書要語錄

行實錄卷十

十

而刻之以與學聖者共及參藩又錄其為政名言以與學王者共非敢言入室亦竊欲升堂而未能也頃見古今論為政者若呂氏之官箴胡氏之緒論非不當於事理至敬軒之語不獨本於王道而實切於日用固今時居官者之藥石也蓋敬軒

國朝碩儒也名臣也故所聞所見非古不通於今異代不通於當時者比譬之同室之人人悉其聲同里之人人悉其容故一言一動無不益吾身心者無不中吾膏肓者

是可不取以爲階梯也哉於戲不欲學孔  
則已如欲學孔舍程朱奚以哉不欲學周  
則已如欲學周舍司馬奚以哉不欲學司  
馬程朱則已如欲學司馬程朱舍薛文清  
奚以哉

嘉靖十有四年冬十月五日河南布政使  
司右布政使天水胡纘宗序

詩類

行書卷

士

贈敬軒先生致仕 李賢華蓋殿太學

自許孤忠結主知居官寧肯論安危平反

不愧張廷尉三黜何慙柳士師已向一身

中道立更看千古大名垂到家莫廢常編

業伊洛高踪尚可追

又贈

朱祚尚寶司少卿

名利場中一夢醒如君端不負蒼冥村醜  
且去隨時飲澗水重來洗耳聽俗取任他  
終日白山光還似舊時青從教門外塵如

海坐向空齋閱聖經

慕薛文清

石玠山西提學副使正德三年

未能椒酒奠文清塵迹匆匆意自縈以女  
守身端有法遺經訓子亦成名成均尚守  
蘇湖式天下應傳涑水聲自愧晚生膠耳  
目仰瞻無力致誠明

謁文清先生祠二首

王諤邑令西安人建士正德五年

道在身何詘心安死亦寧江山餘故宅天  
地並佳名灑洛功堪恃春秋祀有成幾年  
仰重不盡辨香情

行書卷

士

躋顯心如水衰年道益尊清開徹

帝座德望重台垣去就終同許科名繼有

孫春秋嚴祀事今古在乾坤

謁文清公詩二首

韓相邑令東魯人正德十年

山川鍾秀氣夫子出河東晚績讀書錄裁

成天地功春秋宜享祀道統繼無窮草木

不同朽芳名萬古隆

文清、當代望千載仰高風道大如天濶

心平似鑑空生前無間議沒後有奇功著

述同灑洛乾坤萬古崇



營建文清祠聯句

內濱初果谷泉餅  
良材野呂鼎

特特河津謁故祠

內濱蕭蕭環堵動予悲

谷泉拓基聊買屋邊寺

涇野騰勅重鑄廡

下碑內濱當代孫公崇正學

谷泉百年今

日觀威儀涇野桂旌恍惚來雲雨

內濱肯

惠斯文慰我私谷泉

謁文清薛夫子祠

李思進咸陽丞祀

理學

皇朝第一人功夫主敬最爲真如何謚者不詳

議只向文清二字論

行實錄卷四

十三

文清正學書院

侯封邑人教授

誰構新梁棟重門禮敬翁登堂思道範入

室儼音容灼灼河汾化遙遙洙泗風幸親

君子澤好約步芳踪

其二

河汾琴鼓尚餘鑑環牴當年藹儁英答問

遠從河洛外冠裳彙進陞庭行遙追子夏

文學跡再舉王淹教授程異世同聲鳴孔

澤斯文興起共良盟

其三

先生鐵漢擅時評布帛機上繭絲功百折

精從性裏做萬言饒自敬中生讀書一錄

皆心學文獻諸集是正情闕里遺澤曾幾

世憑誰振振再文明

行實錄

周德恭

道德表當年聲名揚後世遺編耿耿垂後

學當思繼

讀書錄

渾爾真實語非爲奇異言千年延道脉萬

代共心源

行實錄卷四

十四

河汾集

鳶魚皆道理妙契樂情多隨筆成吟者依

俚四始歌

謁

文清公祠有感

後學楊正芳

吾盟誰狎主當代首鴻儒正氣昭王報微  
言入帝圖荒苔封石碣古木隱城閣把酒  
頻相問玄珠定有無

獨結空明腑重關混沌天諸儒歸領袖靈  
氣付山川俎豆當年定衣冠覺後傳憐予  
岐路哭何日跨飛鳶

知縣崔麟刊

薛文清公行實錄五卷

諸公敘述文

大學士彭時銘曰心契乎性理之淵源行  
蹈乎聖賢之軌轍窮達一心夷險一節此  
其所以有異乎今人而無愧乎往哲也

侍郎周宣都御史林聰李秉以文弔之曰  
先生學究先天而不以言語文字之為工  
道歸皇極而惟以躬行允蹈之是崇讀書

一錄皆布帛菽粟之切於日用詩文千卷  
咸體道形容之出於心曾文德兩著實感

行實錄卷

鳳瑞麟之翥乎霄漢權奸頓挫見泰山喬  
嶽之屹乎蒼穹挺追先賢之逸駕蔚然

當代之儒宗嗚呼道在天地混一含三孟軻  
既沒孰示指南洛閣實繫義以明歷元

及今罕至於道猗歟我公終期遠到匪我  
之藏亦行於用始擢御史朝陽鳴鳳繼食

外臺造士達材學政斯舉聞譽聿來  
帝曰汝弼進卿大理疏滌寃滯乃眷毗倚中更  
拂鬱吾道之厄積久彌彰

寵命斯赫遠位南畿再遷

中朝益熙厥績德邵年高乃登黃閣秉化之軌道大光顯功及斯氏夫何掌

制曾未及期為鬼為蜮萋兮斐兮不俟終日

抗章西還左圖右書悠然南山伯起獨清

疏廣知幾優游卒老俛仰化機嗚呼渾坏

日喪勢利交馳道日以乖俗日以瀉砥柱

中流能幾何人景行行止不屈其身中貴

弄權人罕不趨公獨屹屹行與道俱厚位

盛祿多士縻之公獨勇退屯膏弗施直全

厥道遑恤其他高風凜凜千載不磨

行實錄卷二布政使丘陵以文弔之曰先生道學可以

接響乎伊洛文章可以繼美乎昌黎任風

紀而宇內澄清掌大理而鑑空無私及貳

春官夙夜惟寅

內閣秉鈞邦政以平士大夫莫不慕其德而

仰其名也先生所造既明且哲年踰耳順

致仕全節士大夫又孰不美其進可師而

退可則也誠急流中之勇退鷄群中之野

鶴可謂儒林增光而斯道有托也

學士劉定之曰直躬慕古談道淑徒進無

附麗退不慕戀

南海霍韜曰原其精神心術無頃刻不師

孔子之教自童丱至歿齒無頃刻忘聖經

之言出處不改其操禍患不易其節貧賤

不移其介身為世師言為世訓動為世式

晦而彌彰抑而彌光非真誠積累之素不

能也故曰我

聖朝從祀之儒惟薛瑄無愧自瑄而下或篤行

高蹈而識度淺隘或高明超邁而淫於佛

老陰翊邪說明叛聖執天資愈高陷溺愈

行實錄卷三深皆孔子中正之道未有闡故也

知縣沈維藩曰先生學本六經行高一世

道續千載文垂萬言又曰書則一方莫傳

者何哉厭古樂而樂鄭衛者固人之情也

門人叙述文

門人白良輔哀之曰太極之實不過乎中

正仁義而已欲知先生之道當觀之太極可也

門人王英哀之曰先生之學造乎無極太

極之妙先生之行謹乎難進易退之操

門人李杲曰先生之怒也如雷迅風烈其

過也如雲消霧釋剛毅絕肖伊川其氣象亦類之

門人王復曰先生氣貌莊嚴鬚甚脩美望之儼然可畏及聽其言溫然可挹侍坐其傍不覺邪念之屏伏

### 遺事

先生一日在內閣同列忽不在先生問左右曰何往左右曰適往謁中貴會至先生曰學者多說道不知出門一步已錯了既而曰狐趨狗媚吾所深耻

行實錄卷五

天順元年正月內法司擬少保干譙太子太保王文等謀危

社稷凌遲處死一日同列皆衣紫先生問之同列曰不知耶欲刑某等耳先生曰此事人所共知各有子孫忠國公石亨奮然曰事已定不必多言會

上召諸公議之先生曰

陛下復登寶位天也今三陽發生不可用重刑諸公皆不言遂

詔減一等先生退而嘆曰殺人以爲功仁者不

爲也即有去志

一日同列將進閣有一達官趨而扼同列衣以踰闔者先生鄙之曰昔有拂鬚參政今有扼衣侍郎後人問之終不言其姓名一日李學士賢與同列嘯山西人鄙吝戲譎爲笑先生正色曰儉乃人之美德且此地非戲笑之所衆遂凜然會

召見入一便殿先生侍立久不覺以手拂鬚李退謂先生曰此何地也而以手拂鬚乎同列曰此報前日之讐也遂大笑

行實錄卷五

五

一日學士徐有貞李賢許彬退朝謂耿都御史曰上不悅石亨所爲盍令御史劾之耶先生謂諸公曰易云君不密則失臣臣不密則失身春秋譏漏言旣而嘆曰競端從此始矣後果以此致敗

先生辭允岳正入閣來請教先生曰凡事且緩又曰英氣大露害事會正不久得賤正曰某先生之罪人也

先生辭允三日即出城行至直沽中道遇風雨舟不能行猴糧俱乏至日中猶未食

先生吟詠作詩不輟子淳私愠言曰人家好好做官他便要退受困誰怨先生開知以杖擊之曰我雖困而道則亨也

閻禹錫問李賢何如先生曰道理儘說得經學最熟只少立於義有少富貴氣象

或問閻禹錫白良輔先生曰洛陽似此兩人也難得但恐後來立脚不定往別處走學士許彬與徐有貞草誥辭有曰治水東郡鑽禹成功先生曰擬人必以其倫彼何人而擬之禹也

上果不悅卒以此致敗眾以先生為知言云

門人問近時人稱楊榮有王佐之才先生曰要有王佐之事業須有聖賢之學問

先生幼時亦尚豪氣數首詩立就在山東憲使黃翰善書能詩一日以詩請和先生援筆答之少刻益以數首至先生即以十餘首答之翰不復能乃謂眾曰薛先生書厨隨取隨有翰乞兒也旋去尋討

先生書似晦翁體甚是道勁  
先生山東提學時有一生員實聰敏因貧

欲退故試不中生員豫與教官關節同言曰生員果不堪先生曰生員二祭掌何事僉曰擊磬耳先生曰磬在八音難和也彼能和之亦可用也卒不聽其去後其人登科自言其事

祠堂柱聯

承祀儀而竭精意欽崇無已

拱遺像而仰德輝景慕胡志

文章羽翼六經高風出班馬韓歐之格命史

道義渾淪三代元氣回關閩濂洛之波命史

河汾鍾秀真儒迺出義文周孔之緒端不墜

洙泗衍淑正學以傳濂洛關閩之命脉常存

一代綱常盟主

千年道統嫡傳

學宗洙泗源頭遠

道啟河汾流派長

薛氏歷世科貢傳芳圖

薛貞洪武甲子舉人任元氏王田樂陽

同吏目以子瑄實賈通議大夫大理寺

薛瑄中河南永樂縣人解元辛丑進士廣

內閣轉左符郎贈禮部尚書諡文清公二世

薛溥生員三世

薛祺天順甲申進士任刑部主事陞本部

薛韶世生任深州判官陞東鹿縣知縣五

薛葵司以中書舍人又大理寺副陞尚寶

薛艾貢士任陝西寧州判六世

薛華正德庚午舉人嘉靖癸未進士任河

薛芝貢士任南畿宿州判官六世

薛惟謙順州學士任河南陝州訓導陞陝西乾

薛惟傑貢士任北畿河開府通判陞陝西

薛應麟監生八世

薛應開貢士任山西沁州訓導八世

薛士弘陽縣知縣又轉陝西真寧縣知縣

薛士燦監生任北京神策衛經歷司經歷

薛繼巖州陞陝西延安府同知十世

薛昌胤青州府安丘縣知縣十世

奏請先生從祀人姓名

劉定之南辰部侍郎贈尚書諡文安公王統

姚謨工部侍郎

李紳國子監丞

陳銓成化二年

張寧蒲州同知

張表成化十四年

張九功弘治科右給事中

楊蕪刑科給事中累官南京禮部侍郎

許讚吏部尚書文淵閣大學士

霍韜正德甲戌會元廣東南海縣人

楊瞻嘉靖十三年

尚維持嘉靖十四年

趙軼隆慶元年

李純朴廣西道監

韓楫隆慶五年

維導隆慶五年

安邑後學張致重校

薛文清公行實錄五卷畢

薛文清行實錄五卷

江蘇巡撫  
採進本

明王鴻撰鴻河津人官石灰山關稅大使薛瑄之  
曾孫婿也是編第一卷爲瑄像贊行狀神道碑事  
實二卷爲請從祀疏七篇三卷爲祠堂書院諸記  
六篇祭文三篇四卷爲讀書錄文集諸序四篇詩  
五首第五卷則雜錄柱聯之類而附以薛氏歷世  
科貢傳芳圖前有喬宇序作於正德辛未而奏疏  
有隆慶五年祭文有萬曆二十六年所記科貢有  
崇禎壬午癸未則瑄後人以次續入非鴻之舊也

商文毅公遺行集一卷

〔明〕商汝頤輯

天一閣文物保管所藏明正德十六年刻本

附《四庫全書總目·商文毅公  
行實一卷》提要

商文毅公

榮祿大夫

謹身殿大學士

贈特進光祿大夫太師諡文毅商公行實

公諱輅字弘載別號素庵姓商氏其先汴人

始祖諱瑗寓西夏官至都知兵馬使宋嘉祐

間因奉使歸宋奏獻密事宋嘉其義賜地于

浙之淳安芝山子孫因家焉以蔭補官者三

世至祖諱敬中父諱仲瑄俱以公貴贈資政

大夫兵部尚書兼翰林院學士祖妣胡氏妣

解氏贈夫人公自幼穎敏早有成入志目書

一過水不遺忘宣德四年甫十六補庠生

從字敬雲聞望端先生游見即奇之受書經

晝夜淬礪貫通經史下筆千餘言雄健有奇

氣儻筆仰壯宣德十年中鄉試第一名正統

紀元上分官辭乙榜歸禮仲瑄府君疾篤祈

天願以才茂竟弗起居喪盡禮哀毀幾殞正

統七年復會試仍辭乙榜年業太學祭酒安

成李忠文公深見器重隱然自負台輔之望

弟子從遊者數十年乙丑會試



廷試俱第一賜冠服銀帶授翰林院修撰階承

務郎十二年春

命選翰林文學老成者十人進學東閣務期大

用公預焉未幾

上諭學士曹德等言商略着他展書選一箇與他

對初選王玉弗稱旨再選編脩陳文未逾月

後

諭罷曰商略這一對展書官着他講書十三年

進階儒林郎十四年陞翰林院侍讀

召入

內閣恭預機務時胡虜犯順

英廟北狩國勢危疑羣臣勸

邨王進議未決公偕衆詣

文華殿懇請事遂定又有倡議南遷者中外洵

洵公言如此

宗廟社稷將誰與守况

聖駕一移大勢去矣宜急出榜曉諭人心稍安十

月虜人舉進逼京城衆論戰守不一公言兵

賊之餘只宜固守且賊乘勝遠來勢必難久

宜伏兵歸路擊之時京師戒嚴公內與二三

大臣謀計設策至忘履食外諭諸將與

義之心操練軍馬整飾器械為戰守之具

議令進官分投安輯畿甸投降夷人以防不

虞嚴督邊關固守要害既而賊勢益熾總兵

官石亨折弓矢厲言曰宰臣不出計策我兵

能支矣公上疏發

救宣府遼東令總兵官楊洪曹義各選勁騎刻

期以進與京軍內外夾擊又為張榜虜營有

能擒斬也先者加大賞厚賞後寫書作喜字

與司禮監太監興安云約賊野先令不入寇

宜乘其孤軍合兵剿殺

救與書悉為野先運卒所獲未幾洪義亦果統

所部兵來我軍大振賊聞一夕遁去京師遂

定時闕浙兩廣察貴諸處盜賊竊發有詔

緝奏贖填委公悉心參佐效勞為多景泰元

年三月蒙

賜敕命以前任修撰贈父如其官母封太夫人

妻盧氏封夫人八月陞翰林院學士疏辭

上諭今開經筵正資顧問爾尚懋稱毋使

朝廷聞

英廟回鑾十三日

命公迎候居庸關請

旨發行十四日

駕至上關鴻臚卿楊善引見進呈

詔書

英廟覽畢諭旨便發去我昨日在宣府已着許彬

寫一道敕書發去了還與我寫兩封書一封

奉

娘娘一封與我兄弟說我今日到此明日進城教

娘娘們喜歡寫書進呈當蒙

賜酒果馮匹明日虜使至求議先一日於

奉天門賜宴次日就

南內賜宴公曰虜人此舉實仗大義若令進

南內宴彼見另居一處未免退有後言不若兩

宴俱就

文華殿示以彼此無間之意庶可服其心十月

教同尚書陳公循等日侍

經筵講論公講論經史教行義理援引古今切

要之言委曲規諫詞旨簡明語音洪暢

聖心悅澤聞者稱善累有冠帶衣服之賜錦衣指

揮塵世妄言

南內事申官既派等被重刑捕欲窮治不已公

與同禮太監王誠等言盧忠是箇風子如何

聽信他壞了大體傷了骨肉之情急須止之

後追問盧忠眾謂供卷真武得其通報由是

盧忠得罪眾皆無罪三年三月一日早朝退

後內臣將本來閣下議乃廣而逆賊黃坊所

言移易

儲位事公言這是

朝廷大事有

上聖皇太后在上為臣子的誰敢議這事若依這

本豈不傷了

母后的心當時內臣打本收去意為此事必經次

日禮部尚書胡濙來言今日會多官東閣議

事公隨同到彼是未及門已聞眾有合議所

言之語時在廷大臣有陞職一品二品者甚

眾初亦欲加公保傅之職公固辭六月陞

部左侍郎兼翰林院學士左春坊大學士

嘉議大夫未幾

賜誥命其祖父母如其官母封太淑人

淑人命有司治策崇文... 居馬時河南  
 直隸鳳陽等處水患居民流移山東其間有  
 正統十四年以後山西并北直隸真保定等  
 民被達賊驚散者所至有司一切驅逐不容  
 在境潛位公言招撫流移填實京師事  
 云采能驅令復業固是美事但恐前項艱難  
 地方及素無產業之家有寧死道路不願復  
 業者若驅逐嚴迫必致大所乞  
 赦以畿內順天八府所屬空閑田酌量多寡  
 四散安插及時勸課三五年後生計成立有  
 家可戀有土可懷然後計及定差度田出賦  
 庶流移得所京師填實又言邊備屯田守關  
 隘革冗員放民壯以全恩信公舉薦以求異  
 才累千餘言多見采納蘇州寇許良時議以  
 圖謀不軌治之公執言不可止以盜論釋無  
 辜數千百人禮部主事章綸建言欲復儲位  
 下獄禍在不測一日朝退召公至  
 文華殿問曰章綸這厮無禮輕議朝廷大事公  
 對曰章綸所言亦無別意不必深罪若害了  
 他命是成就他好名損了朝廷體面綸遂釋

生未幾奉  
 敕纂備宋元二代史書做朱文公例編纂上接  
 資治通鑑綱目兵為一書應用編纂官屬許  
 自簡舉吏科都給事中林聰任司直郎公家  
 薦於  
 上言以有用之才置之閑散之地宜加甄用命後  
 前職後聰忤宰執意會臺臣劾之欲加重辟  
 公力為申辯乃得降京職聰始終莫知為公  
 所知公亦不言天順元年正月十四日  
 王不豫太監與安石公等至  
 右順門內言  
 上病重萬幾大事付託何人你每與文武大臣  
 悉計議來說公曰付託何人事屬含糊不如  
 明言請立  
 東駕使入心有所歸向倘有不諱請  
 東駕往  
 南內迎請父子之間自有處置豈不是順事與  
 安喜云你也說得是且說得宛轉此終要這  
 等行公即令報禮部當有侍郎姚文敏公變  
 鄒公綸至陳公循等未敢明言但云今日要

安河速報各衙門知公恐展轉遲悞即馳  
言曰今日不是問安要請立

東駕文敏公躍然喜曰這却好胡尚書病在家  
我便令人扶他進來及各衙門到議定寫本  
封進批出不准十六日三鼓往禮部朝房的  
復寫二本伏闕投進有云

陛下為

宣宗章皇帝之子當復立

宣宗章皇帝之孫正位

東宮助理庶政等語文敏公躍然稱善已而入

遂遂延至十七日早變作芥果進

英廟應天順人復正大位退御

文華殿首名公與高毅至前再三慰諭

上曰我在南宮你兩箇有忠義無偏向的心我都

知道如今正要你用你好生用心辦事又曰與

你一對講書的今在何處高毅對曰是侍講

陳文臣你他做雲南布政朝覲未去未遠

上又曰今改年號不改高毅曰周雖舊邦其命維

新宜改維新元年公曰年號多與前代同者

臣等具數年號請

上自擇

上稱善又曰陳循等不用它公曰陳循歷事累朝  
老成練達

陛下初復大位宜新天下耳目不宜遽有此議

上曰先生說的是遂召循等至前令草詔諭百官

公受命而退自此權奸妬忌無由得觀

天顏平九日石亨同張觀張帆楊善稱有旨來閣

下看詔草欲以己意增減公直拒之不從時

石亨輩竊美威權勢綏可畏公視之如常亨

英廟察終不聽信亨等計不待行遂諷言官再

行彈劾次早亨囑法司云若問那罪不成你

每自家承當法司畏懼勢綏煖煉成獄本進

上諭亨等曰商輅無罪見說前日立

東宮它與姚變好生用心宜從寬典後

上覽公所訴本遣太監陳鼎召學士高毅等議毅

懼亨等勢綏但對曰商輅為人

上所素知初無他意臣等與同事不敢言

英廟降旨吏部取用時鴻臚卿楊善在傍進言曰

陛下豈可親令夕改昨日纔有

旨着它回今日如何又取

上命遂寢復遣陳鼎諭毅等曰商輅可惜不知曾

去未揚善復應聲曰已去了

上曰到那里善曰已過濟寧時公尚在潞河守凍

未行自後

聖心惓惓屢賜垂問公於是年五月抵家時太夫

六在堂奉養備極其孝故十一月太夫人選

疾公夙夜侍側不少懈湯藥必嘗而後進况

殯毀踰禮喪葬一事諸禮天順三年位歲

於多有盡於政者必致書有司咸新之鄉邑

賴以安生八年

無廟公為表記抵縣公聞之哀號慟哭若喪考妣

自舍抵縣幾百里徒步奔往車從莫及哀毀

尤甚鄉人見者莫不為之流涕數年之間社

門欽跡以禮義率鄉里以忠孝訓子孫成化

改元

皇上即位有詔自天順年間被誣解官者悉令冠

帶客有告者公曰冠帶之禁人孰不欲但其

以非罪去官心獨無愧雖草衣木食優游間

里心曠神怡無遣不可况受知

去廟雖屈猶憐烏用是為仍葛巾布袍日以開啓

後學遠近雲集多所造就丙戌年十二月荷

蒙 皇上日月之明洞鑑其枉特降

香旨遣使馳驛復召起公於次年二月到京評

後原任仍舊

內閣參預家務公具疏辭謝

上曰況帝已知有枉朕今擢用爾然慮忠辦事不

辭乃就職知無不言言無不盡是年四月

首疏八事謂勸聖政納諫言諸養持才整飾

遺倘革冗濫之弊設社倉之法崇先聖之號

以配天開入德之基以造士皆切時弊

上深加采納六月以四川宣府等處地震上疏辭

職

上曰卿等職居輔道朕方倚託調燮遽乞退閑不

允所辭以天意未回災異未弭復上疏辭

上曰朕知卿往年以非罪罷官特加簡用今何嫌

疑輒求退休宜勉副倚毗所辭不允戊子季

夏

慈皇太后崩召廷臣議葬事衆莫敢言彭文憲

公與公答曰仰惟

大行慈懿皇太后作

英宗睿皇帝正位中宮及

上嗣居宸極尊為

慈懿皇太后蓋

孝帝全夫婦大倫

皇上念母子深慈天下後世無容議矣命壽終之

禮官當合葬

裕陵

萬世不易之理古今通行之道又引漢文

帝合葬昌后宋仁宗合葬劉后故事乞念綱

常大體

上未允復上疏言綱常典理萬一有失安能使

天下後世終無所議夫有出妻之理于無業

母之道

上猶重違

母后之意未允公乃與彭文憲公率廷臣伏

闕以請咸嗚咽泣下

上感之遂從所請九月彗星見公上疏言輔道失

職之罷歸不允時御史林誠誣劾

上曰商輅自居內閣累有諍言非外人所知朕以

此任用之不疑違言的過其實罷公復具疏

辭

上曰往事朝廷已明再不必辭所辭不允又具疏

乞歸

上曰朕用卿不疑何恤人言卿勿再辭又諭言官

曰若唐太宗則王廷詔罷朕用商輅有何不

可官或有可譴謂於皇上疏言臣昔事

陛下以開廣言路為吉

皇上不棄窮老如加採納言事之臣如格撰羅倫

等獲得收用今一旦因論臣事而言者忠責

是臣徒供以正道勸

陛下不能以正道自處如公論何方今天蒙示譴

臣多言與正求言如渴之時將來以言為

詳則國政得闕條尤有大於此者孰肯為

陛下言哉伏望

皇上廣天地之量俯賜優容曲加保全非詐言者

之幸實天下之幸以此言官得免其職時公

奏請數日不朝

上遣中使賜瓜菜酒米遣當加官宣召公扶病

左順門太監許世等傳

旨令入內閣辦事公以疾未痊復上疏辭

上曰朝廷修舉政務雖有第卿宜速出效用不

許故違公起視事復

召至

奉天門飽慰至百十

公上疏辭

上曰朕以卿補遺有勞特茲陞用不准辭平涼土

賊逆不臣官軍夫利者

上命都御史顧憲往征之時物議沸騰人懷危

懼存遠之慮咸欲再命將帥公曰其必勝

執不從姚文敏公曰先生此意必有所見但

時論危切不可不慮公曰保無虞也未幾捷

至學議頓際

上喜賜公侍奴一人已丑冬無雪公具疏力陳時

政之弊

上先直言辛卯冬彗星見公疏辭輔導天職除陳

八事其一曰崇正道留心聖學母信異端二

曰謹命令斟酌事體慎其水納三日親接見

日御便殿親接大臣別直有識者面議政事

而可否之或論軍民之休戚或訪人才之賢

否覽聽日熟未以無補四曰慎賞罰節賞慎

罰舊典是則使士無偏私之實人無枉濫之

刑如此則公道彰治法常矣五曰納諫諍之

以古之聖主明君為法虛心屈已聽受羣言

勿惡其直勿忽其迂則下情得以上通久安

長治之道在是矣六曰勵官守戒勵各官慎

職厥職任股肱者毋率意妄行司耳目者毋

濫言察然各盡厥職與起事功政善民安在

茲矣至於軍民為邦國之本乞

命該部清理三營草場使官軍便於牧放減退

豪莊田使百姓便於耕作它如各處衙門府

州縣官巧立名色科歛倍賠軍民者重治以

法如此則軍民安生邦國永固矣

上曰然卿等宜益勉佐理壬辰秋公患疾

上賜小藥甚富冬已春盧夫人以疾卒于官

上遣太監齎寶銀萬緡香帛往慰

命有司給喪具營葬還營致祭兵部備辦力以

鄭時天下水旱初仍公上疏言人民艱食乞  
省科歛減力役寬夏秋之稅勿徵彌山澤之  
利勿禁庶幾民困少甦天意少回

上允其言夏五月改戶部尚書兼職如故冬十一  
月奉

敕脩通鑑綱目甲午春京城內外盜賊遂起公  
疏陳弭盜之方

上深然之乙未夏四月

命孫文淵開大學士冬十一月  
詔

景皇帝初下羣臣議又遣太監懷恩等至內閣  
問公等公力陳所以當復之故言甚剴切左

右皆泣公亦泣

上聞為之感動疏入遂允其請公舉手加額曰  
皇上與舉堯舜之聖德也丙申春陞太子少保改

吏部尚書

賜冠帶金織麒麟服夏四月

皇子誕生

欽賞白金表裏五月

皇子命道中賜綵旆表裏秋七月

上建玉皇閣於宮北公上疏畧言

皇上為此非存他故無非上為

母后祝釐下為生民祈福用圖保安宗社於萬世  
年之久

聖上敬天勤民之盛心人所共知但稽之於古

未合理昔傳說之告高宗曰實于祭祀時講  
弗歛禮煩則亂事神則難伏乞

聖明將前項神祠停罷神像送宮觀侍奉祭服祭

器樂舞之具送太常寺收貯九內廷一應廢  
毀之設悉且停止今後

聖節各項修齋悉照舊例施行勿為輕瀆庶幾天

心昭鑒可以變災為祥

宗社萬萬年無疆之慶瑞在矣

上是於其即嚴之宮門災工部蓋造缺松杉等木

奏若內外官員請

較前未及江湖廣等處起運抽分未植前未應

停止內外不必差官候各殿抽積敗多建新

少寧令彼差人起運况官罰稅火漆加考者

不惠之務一切能去營造之費而宜少緩



正元之未幾請立

東宮進表稱賀

賜白金綵段時妖物出人心恐感公上疏言

天心仁愛我

皇上之至故屢屢假此謹告警示實欲躋斯世於

平康之域也往日災變文武羣臣嘗舉政事

之當興革者上達矣

皇上克納心行之者有之暫從而復寢者有之令

妖物之出寧不在茲乎後具八事內言財用

給軍國之仰給不可不節近來

朝廷貨財多為下人侵耗如哈衣等處番人帶

來玉石寶石之類計囑鋪行人等多估價值

賣官規取庫藏銀兩番僧授職在彼土管事

者例該給與印信如遇事故製替止用先降

印信不許重請如此則事體得宜財無妄費

玩弊為伐德之斧斤不可不慎乞明降

詔旨今後除常例歲貢外其內外之臣敢有以

玩好之物上進者治罪不宥言路之開為而

達下情也蘇軾有曰天下之治亂出於下情

之通塞也

明詔是臣九致災之由罪之策悉陳以聞

之善者俯賜聽允言不善者亦不加罪如

則言路開矣刑罰之誅有罪也準陶曰惟

惟允乞選請練刑名老成官屬照例請

救分發各處會官重加詳審務使情真罪當輕

重造均則刑罰當矣役不以時則民不堪生

而怨讟之聲於廷乎與乞仰體先王仁心審

今日興作緩急除城撥城垣所當建外其餘

不急之務即下

德音悉令停止糧餉不足則軍無所恃而戰陣

之勇於是乎隳乞

教戶部查其各處糧草實數每處可勾幾時之

用設有不虞可贍多少人馬如果不敷作何

措置務令邊備充實不致臨期誤事關口之

設為禦外侮也必嚴督官軍將各邊口子塹

垣逐一檢視備務務令堅固不許虛糜故事

以致臨期有悞地方之重不可任用久也

彼如兩廣四川貴州俱有巡撫官而雲南

宜獨無乞推選剛直有為智識超卓大臣一

負請

於前去撫鎮地方凡利有當興弊有當革悉  
處置施行此皆時政之弊

上是其言丁酉夏四月

命燕謹身殿大學士時近侍汪直權傾中外設

西殿行事公具疏乞照

祖宗成規語極切直

上可其議遂罷西殿秋七月公因疾作疏辭懇切

上曰卿歷練老成朕方倚任但自陳衰朽力求退

休特茲命允以遂優閒陞少保仍寫勅給譯

與他回去公復具疏辭少保職

上曰卿輔導有年今乞休致特陞前職不允所辭

於臨行之際

上遣中貴齎勅并白金寶銀金織製衣往送其第

在建文武祖錢都門公於是年十月抵家畫

錦光榮優游閭里日以歌咏太平為事去家

百步命工建樓屋數椽以為藏儲之所凡

上所賜寶書畫服飾之類咸皮其中日具尊祖

以延親朋奇茗異草雜映庭戶引水為池種

蓮數本每遇盛開攜子孫往賞之馨香可愛

家居十年每春過

萬壽聖節必詣縣祝頌外此足跡未嘗一至城郭

雖久處林下瞻仰

聖德之心拳拳匪懈癸卯春值公七十旬遠近親朋

注慶者衆是年秋僮長子侍講君南畿主考

便慈歸省稱觴庭下鄉人榮之甲辰年春雲

甚染寒弗利有司諫綃甚急公致書有司志

令免貧民得少甦丙午年春次子良輔主事

公差歸省時公尚無恙至六月疾作公平首

起居最慎忽自前歲冬日漸瘦雖疾甚而

不少廢未嘗一日以卧與人言論從容如

時七月一日偶顧其子良輔曰疾甚不復

也良輔曰大人壽且高遠何為言此公曰

余幸得汝歸送我猶好行能蓋由我平昔

嘗敢有違事或致况我少介書生官至茲

品年過七十有子有孫人生至此足矣况生

死盡夜常理雖死何憾焉但

朝廷莫大之恩未盡補報萬一為歎幸爾兄弟

叨沐祿位日近

清光常竭友勉圖報稱即我之所以事君也哉可

瞑目於地下更無一言及私但云我明日常

不言至期果然一晝夜睡息如雷至次早才  
 醒復起坐談笑自若良輔又請平生所行履  
 歷公曰我平生不犯行事之蹟汝必欲問  
 於姚文敏彭文憲二公行事大節求之可見  
 又曰我死後履歷一本文公家禮切勿用泮  
 屠母違我言言訖而逝時七月十八日也  
 生永樂甲午二月二十五日卒七十有三娶  
 盧氏封夫人先歿子男三長恢早卒次良巨  
 由丙戌進士歷官翰林庶吉士編脩侍講及  
 良輔由國子生授禮部精膳司主事女四長  
 遠鄉貢進士周作次遠在都主事吳誠次  
 早卒次遠中書舍人姚璽孫男四長汝謙國  
 子生次汝順也厚生汝恭汝賢孫女四曾孫  
 男四曾孫女四  
 上聞公卒悼惜不已贈公特進光祿大夫太傅諡  
 文懿遣官致祭仍命有司如制營塋墓在漢  
 縣南樓上坂公風儀俊偉器宇凝肅忠孝  
 仁厚出於天性自幼至老敬慎如一  
 嚴肅無情容無疾言雖閒居無事常若侍  
 父側與人談論必令事理得失

董弘大休休有容有害人者未嘗留怨其人  
 服其德益加感愧先後蒙  
 朝廷賞賚金銀綵幣寶鉞冠帶衣服書  
 飲食之類有加而公處之泊然於物尤愛惜  
 雖於始及字未嘗輕棄非其義一介不取廉  
 介之操始終如一接人恭而有禮交朋友  
 誠必信人有善稱之惟恐不及論薦人才  
 嘗以語人至於  
 朝廷之上論大事決大疑從容數語切中事體  
 簡者悚服文牘盈案剖決如流畧無阻滯而  
 於義之所在必力為論辨毅然不可拔嘗一  
 主考會試五為廷試讀卷官皆稱得人於  
 無所不讀為文章渾厚典實一主於理為詩  
 陶寫性情雅容雅澹不為尖新可喜之言以  
 徇俗好有素庵集若干卷藏于家獻與公  
 甚必辱愛最深故知公履歷為詳謹述其  
 軀行已之大節如右用乞銘  
 當代名筆李垂棟揮馬  
 賜進士通議大夫太常寺卿兼翰林院侍讀  
 士善怡 國史 經筵講官 明主 錢 進 士 善 怡

明故少保吏部尚書

諡身殿大學士贈特進光祿大夫太傅諡文毅商

公墓誌銘

成化丙戌冬

詔起籍兵部左侍郎兼翰林院學士商公於淳

安山中至則復職仍察密務公辭不允乃感

激就任累遷太子少保吏部尚書兼

謹身殿大學士丁酉以疾懇休

上察其誠從之陞少保兼職如故賜璽書命

衣寶緞給驛以歸抵家十載始卒丙午七月

十八日也沂生永繼甲午二月二十五日壽

七十有三計

聞深見悼惜贈特進光祿大夫太傅諡文毅遣官

諭祭者四

命有司營葬如制嗚呼始終榮哀至矣公諱輅

字弘載號素庵姓商氏始祖諱瓊宋嘉祐間

自西夏都知兵馬使來歸賜地于邑芝山子

孫因家焉三世俱以蔭補官至祖父中丞仲

瑄咸因公貴累贈資政大夫兵部尚書兼翰

林院學士祖妣胡氏妣解氏俱夫人公自幼

穎敏卓越宣德乙卯以壁經發解授翰林

乙丑會試廷試俱第一授翰林修撰尋

進學東閣務期大用繼遷

愈展書遂

進諫已巳陞侍讀擢入

閣參預機務時

北狩國勢危疑并有倡議南遷者公力沮之

屬逼京城公與文武元僚經畧戰守遣官撫

輯向居降虜敵各違師選兵入授揭榜賊營

賊虜首為喜寧報說擒也先書故遺千慮

得榜與書來自相疑遁明年景泰紀元之秋

往迎

英廟回鑾於居庸關草詔稱

音賜酒果為匹既而錦衣盧指揮兵言南內事

窮治不已公言此不足信獄遂不竟壬申初

議易儲公謂此國大事有

皇太后在上臣下誰敢議此明日有

旨會多官議附和者衆公爭不可踰歲鍾同意

給相繼請復儲下獄禍不測公因

召對力救論竟得免丁丑春

帝不允繼與疏公授筆增二語

下為

示章皇帝之子當接立

進至期變作正月十七

日也

後辟首召慈諭且問政元公對當具請我定

又明日權奸嘆言官掃撫再勅坐免

又明日權奸嘆言官掃撫再勅坐免

又明日權奸嘆言官掃撫再勅坐免

或亦以地應乞罷

謂以託謝變宜去是愛詔議

皇太后是禮公同彭文憲公力言附陵附廟

理不可易至率廷臣伏闕泣請卒從之尋因

見言官有所誣訟公力求退

曰朕謂卿不疑何恆人言又詰責言者曰唐六

宗用至親朕用商輅有何不可欲加譴調公

言臣等勸德容言官已荷嘉納如備推舉倫

復得召凡今因論臣而反責之如公論何

乞于言召公坐榻慰再尋陞尚書仍

學士善苗滿四叛官軍往討未下廷臣規再  
出師邀功有危語公與同官執不從未幾捷

至

上喜賜公停奴二人已丑冬煥公陳時政之弊辛

卯冬慧見復疏八事壬辰以天下水旱相仍

請省科歛減力役寬兩稅弛利禁悉從之是

冬奉

勅修續通鑑綱目乙未夏進燕

文淵閣大學士丙申加太子少保改吏部

賜冠帶一品服時禁中建玉皇閣公論毀之又

請建儲尋因黑背見極陳時弊丁酉燕

謹身殿學士時內臣汪直創西廠輯事權傾中外

公指斥激切即為革罷公亦決於去遂得辭

公配廬氏封夫人先卒

教養邑南山之原子男三長良臣仕至翰林侍

講究公兩月卒于京次良輔禮部主事女四

長逢鄉進士周忭次遠兵部主事吳誠次早

世季逢中書舍人姚重孫男四汝謙國子生

汝順邑庠生汝泰汝晉女四曾孫男四良輔

將以卒之明年 月 日奉公報啟廬夫

人之封而莖馬前事以大常卿兼學士王惟  
原所建事狀屬銘直公門生兼承愛重方開  
計悲不勝銘何敢辭惟公羊儀山丘燕度  
淵澄詞氣溫徐平居放慎不懈接人恭遜早  
擅三元旋登

內閣以經濟為己任以薦賢為首務川論古今  
治亂事機得失賢否盡不倦文以盈案裁  
映如流中道誣問夷然不殺權奸既敗事自  
復起倚昆益切建明良多一時儉士搆傾奉  
無能為卒之身逃名元德業著於當時風聲

登萊後世視古名相碩簡如勃之重厚崇之  
應變且之沉靜亦何忝哉先復家

當卷金幣冠服書籍鞍馬飲食之類頭映而自  
處泊然嘗一主考會試五為廷試讀卷官嘗  
稱得士於書無所不讀為文渾厚雅贍詩主  
平淡不雕刻有集若干卷傳于家蓋一代偉  
人宗上銘以昭之宜矣銘曰

天佑皇朝川岳鍾靈萬生冠傑為時偉人有偉  
文毅登擅三元荐登內閣參秉衡鈞展志行  
道克齊中興尋遭變故東歸川山坦懷泊慮

訓子奉親雖到自白

寵命更窮匪躬匪懈弼亮經綸因天仁愛謹言

慶陳

宸衷享壽海宇又寧明良魚水今昔美類群比

醜正九辯以貞松栢挺秀陰靈廓清倚昆方

切其如切城辭榮成滿奉身完名涼風曝日

洛社耆英慶延哲嗣澤在斯民諸福克備始

終哀榮流芳百世視此銘文

資善大夫太子少保兵部尚書兼翰林院學

士知

制誥兼備

國史

經筵官泰和尹直撰

大明故少保吏部尚書燕

謹身殿大學士

贈特進光祿大夫太傅諡文毅商公神道碑銘

宋王沂公少負重望以三元位至宰相能而

復起肅清其後鄂州之罷竟弗起君子惜之

嗚呼大臣之進退誠係天下之重柱然其機

則固有所以主之者而人力不與焉亦惟盡

其在我而已哉

朝文毅商公文章功業實與沂公不相上下而

君亦不能無遺憾焉昔以公事與心違未

究素抱云爾公初領宣德乙卯鄉薦第一上

春官宋偶卒業太學公清李忠文公深加器

重人即以台輔期之正統乙丑會試

廷對俱第一授翰林修撰尋

命宋閣進學

經筵展書還

命進賢已陞侍讀彭文憲公同被

命入

內閣恭預機務定

英廟北狩國步方艱南徙之議雜然沸騰公以身

任安危寅恭匪懈凡絞輯戰守咸遠緩急之

宜既而勤王兵集虜勢稍逼人心始定公之

力居多明年景泰紀元秋陞學士奉

命迎

英廟回鑾於居庸關周旋曲當錦衣指揮盧忠妾

言

南內事公請上治卒全大體士申春議易儲

皇太后在上敢輕議乎翌日廷臣衷和力不能

既而預議者皆被賞擢公固辭六月陞兵部

左侍郎兼翰林院學士在春坊大學士知北

及畿輔自惟寇變民多流徙失業公請不有

司度曠土安輯之又陳邊備屯田守關隘革

冗負釋民壯公薦舉六事

上納之主事章綸給事中林聰以建言觸忤先後

下獄恭危公力救之丁丑春正月

京皇帝不豫公即與大學士陳公循首倡復儲不

允再疏益懇云

為

宣宗皇帝之子當復立

宣宗皇帝之孫復之一字定公心語也詰且

未及進而變作矣

英廟復辟首召公對曲加慰諭隨問政元公對曰

請

裁定又謂日權奸欲預草

詔事弗遂誠言官巧詆遂下法曹嚴煉成獄荷

英廟素知公獲從寬典坐免尋欲召用為忌者所

沮公歸間十年無毫髮怒尤惟杜門省過而

已

憲廟即位之明年追念舊學遣使驛召之次年春

至京以野服

陛見懇辭不允乃復舊任兵部左侍郎兼翰林

學士直宿疏八事勤政納諫儲將材飾造備革

冗貪議柱舍崇先聖之節以配天開入德之

基以造士

上嘉納之為子地震再上疏乞罷不允夏

慈懿皇太后崩

詔議建禮公與文憲公力言附葬祔廟所以體

先皇馬夫婦之義昭

皇上全母子之情斷不可有異議至率建臣伏

關泣請

上為感動卒從之秋彗見且言官誣詆公求退甚

力

上溫旨慰賜至欲罪言者公復懇救得免肯公偶

微疾在告

上遣中使問遺稠疊稍削

召至榻前勉慰至再尋陞尚書仍兼學士言善

酋滿四叛官軍往征未利衆議紛紜公力主

之未幾果捷至費省百倍

上喜賜停數一人已丑冬煥辛卯冬彗再見壬辰

至癸巳四方多水旱公俱引咎繼手疏言政

之弊言皆切直夏五月改戶部仍兼學士冬

十一月奉

勅脩續鑿鑑綱目乙未夏四月進燕

文淵閣大學士丙申春陞太子少保改吏部賜

一品服秋禁中建玉皇閣公力請毀之官門

災公疏免採木又疏請建儲尋因黑眚見極

論皆弊

上深然之丁酉夏進燕



謹身殿大學士肯內臣汪直創西... 重足莫敢言公抗疏革罷於是... 亦於於求去秋七月以疾懇辭得請陞少保... 仍給傳還鄉濱行後遣中官齎

勅至第并白金寶劍綺幣之賜優禮勅至錦旋... 後日親親朋觴咏自適足跡未嘗入城府然... 天祐純德康強無恙故十餘年間得遂優游... 林壑之樂

憲廟開... 公數則其起居... 聖意不... 公亦不... 辭世矣惜哉公

神守... 整德器重厚忠... 性出於天成與... 物接不妄言天至論大政決大疑則剖新詳... 明聽者疎然其因事納忠聞廣

聖聽天下陰被其賜者甚多用是愛知... 三聖雖中... 誣問而

眷注特... 海內仰之不少替豈... 自裁公諱... 字弘載別號素菴其先汗入始祖諱瑗西... 郡知... 馬使奉使婦宋賜地浙淳安... 山因... 大厥... 以陰補官者三世祖諱毅中父諱仲... 瑄俱... 資政大夫兵部尚書兼翰林院學士

祖妣胡氏妣解氏俱贈夫人配盧氏封夫人... 公生永樂甲午二月二十有五日卒歲化丙... 午七月十有八日享年七十有三計聞... 上為震悼綴視朝

詔贈特進光祿大夫太傅諡文毅遣官諭祭... 即先... 癸巳春盧夫人卒... 勅莖也南山之麓至是復

勅工部遣官林瑛合莖馬子男三... 瑛早世... 臣

... 吳誠知府姚堂其婿也孫男... 汝謙尚賓司卿汝順吏部奇務汝泰汝晉... 禮舍人汝升監生汝復汝恒汝孚汝觀曾孫

男十一... 承慶中書舍人承德承翰監生承... 康膳生承濬承學貢士承芳監生承... 承祐... 孫五振宗振祖振英振玉振綱... 憶初... 科第時公在

內閣... 辱不鄙後進惓惓接引及公休致... 特枉... 顧握手敦勉言猶在耳迨茲逾四紀公之... 汝順... 碑銘見屬若有待者感念... 昨... 知已... 矣執筆之後安可辭哉銘曰

...

芝山集維嶽嶽鍾靈毓秀昌期逢偉哉文  
殺產其中翻翻彩鳳鳴高桐胸腋星斗氣吐  
虹三元及第王曾同祥雲五色映瞳隴川舟  
歲霖望已隆

經性簡在迥

重腫絲絲紫閣地位崇按艱遺大協寅恭乾坤  
旋幹伊誰功匪躬直犯奸邪鋒掛冠自幸歸  
併蒙天為蒼生啓

帝衷

聖書遠下徵卧龍北向感法心忡忡巨心上與

先皇通

嗣皇亦念孤忠披肝瀝膽歸囊封丹宸金鑑徹  
宏廟立朝正色無阿從穆清高拱亮天工坐令

宇縣樂推雍奉身願作漸遠鴻邁遙綠野醉

春風江湖廊廟情無窮公之進退何從容典

刑遊矣百世宗我銘後勒斯碑穹國有信史

徵予公

賜進士及第光祿大夫柱國少傅兼太子太傅

禮部尚書

武英殿大學士致仕餘姚謝遷撰

商文毅公傳

成化丙午七月甲子榮祿大魁少保吏部尚  
書

謹身殿大學士商公卒訃聞于

朝贈進光祿大夫太傅謚文毅遣禮部諭祭

工部營葬晉如制仍敕吏部官其孫汝謙為

尚寶丞實異數也公諱輅字弘載別號素庵

姓商氏其先汴梁人始祖瑗流寓西夏住都

知兵馬使家嘉祐中歸正得賜宅于今淳安

芝山以蔭補官者三世遂為淳安世家諱敬

中者公之祖諱仲瑄者公之父俱以公貴累

贈資政大夫兵部尚書兼翰林院學士祖母

胡氏母解氏並贈二品夫人公自幼穎敏書

過目成誦始成童遊邑庠時學論王端最名

有緣學試以舉業下筆千餘言立就即以狀

元憲相期之宣德乙卯發解浙江第一明年

正統丙辰舉禮部弗利乃入太學李忠文公

時為祭酒見而異之特設館來廂之後俾卒

業及己丑會試廷試果後舉第一入為翰林

翰與海內翕然號稱三元學者仰若星鳳丁

卯春

詔選翰林老成文學士人供奉文字公預選無何

上諭經筵曾學士鶴曰商修撰可充展書官但莫與對者尋選充日講官已已陞侍讀

召入內閣備顧問預機密時值車駕北狩人心惶惶公力主群議請

邸王即真以安反側聞有議南遷者去而序之

總兵石亨通於虜懼無援兵公請撤揚洪費義刻期入援且以計殺石亨之為虜向導者

虜勢大綱閣浙雲貴兩廣叛賊蜂起公運籌決勝以次剿滅景泰收元陞學士奉迎

回鑾於居庸關對御草詔無不稱

上旨意慮置虜使周旋得宜是年進階加勳與大學士

刑及院監將蔓延于衷公身自保明置忠于獄烈禍遂銷壬申三月

正衙方器大監王澄舒良托廣西軍頭黃瑛言助儲事公不可異日胡尚書浚復執是會議公力不能奪竟易

沂王自是預議者皆蒙峻雅被重賞公獨固辭

後始以年勞陞兵部侍郎兼春坊大學士

賜居第於崇文門內仍刻戒慎自持銀印章褒賞之江北自經已已變故居民太平轉徙失

業公前下有司度所在閒田隨處安輯發旬生聚歛後發感至於飾邊務清屯田汰冗

用賢才等條件凡有益於天下者歷歷為上言之蘇州獲妖寇許良連坐數百人議者欲盡

徙蘇民公曰此特妖寇斬僧首足矣餘無知悉放之 中貴被

有往... 虎可假

川廣湖廣苦於饋餉即請命勤歸已已徵發

畿甸諸郡民兵無寧京城有司遂為常例民

倍怨公請悉放歸農以全大信刺刺馬

白羊諸關隘每歲遣將軍更番守備而巡關

之軍却赴京操公請兩易之便臨清總兵易州參贊及兩直隸屯田官凡增置者漸次裁

抑舊時教職多用資緣薦舉者乃請止之自是校職盡用科貢人充選禮部主事並公以

直言下獄公力拯之得釋

詔脩宋元通鑑執事官屬得自簡拔乃特舉刑科

部給事林聰為春坊司直已而復舉為吏科  
後聰以忠直觸權臣怒罪當論死公力拯得

海真道丁丑正月

景皇帝不豫而儲貳未定太監與妾以言詰重臣

公奮曰

宣宗章皇帝之子但當復立

宣宗章皇帝之孫亡非所當立者言未及進而奉

門之兵啓矣

人遺集

英廟復辟即日以迎立事置于少保等極刑却

召公與高學士穀入便殿慰諭再三計議改元

年號草詔頒赦石亨等密語公曰舊制執事

須一抔光不須別具條款公曰舊制執事

改享新不悅遂騰詆諶欲附致于少保元案

與黨和解

上愈怒興安曰當時此輩附和南遷不省將置

朝廷何地今有奪門功即復爾耳

上怒稍解草復批法司羅織鍛鍊獄久不成

坐前稱為民去後

上旬念曰商學士朕所取三不普與魏變効力東

言最多可借其去忌者從榜排擠竟不復召

唐開十年閉門省過開門授徒無幾微怨无

見於言動

德宗即位之明年追念舊勞復召入閣公趨召以

庶民衣冠

陸見已乃公服謝恩復懇乞避讓

上溫旨慰勉乃入供職九時政闕失靡不披心張

膽敷陳剴切以劾徵陸贄程順范祖禹張九

齡諸古人自期

上益加敬重戊子

憲慈皇太后升仙合葬祔廟之議滿朝莫敢舉

公與彭文憲執曰合葬則是不合葬則非祔

廟則是不祔廟則非相率羣臣伏

闕堅請號愾之聲徹于

宸御兩宮感動竟從所請有欲攘公位者揣

上意諷御史以景泰中事舉劾

上曰輅居閣下累有諫諍非外人與知朕自知爾

亡且御史後論及此

上曰朕用輅可也唐太宗川王既何言之謬矣欲

貶竄御史公亦抗疏陳其免公偶嬰末病  
在告

上遣中使扶御醫診視候問頗且多饋遺稍間  
即

詔諭出視事尋陞兵部尚書涼屬叛官軍敗

績項都御史忠往督戰功者張皇撼惑將

發禁兵征之公勿聽姚文敏公私相語曰唐

迫勢危不可不深長慮公曰保無虞也不數

日捷至人服其料量明決而  
上亦甚喜賜之俸奴

仁壽太后莊佃與民相競欲徙其民塞外公曰豈

有細民敢與

朝廷抗耶竟從寬貸辛卯冬彗出天田入太微

垣公去致自劾復條陳弭災事宜以聞一曰

崇正道二曰謹命令三曰親賢臣四曰慎賞

罰五曰納諫諍六曰勵官守七曰恤軍民言

極懇到多見稱納癸巳四方疊奏水旱公請

蠲夏秋一稅有差且廣賑濟全活者無算五

月改職兼戶部尚書十一月奉  
續編通鑑綱目明年乙未書成

詔兼文淵閣大學士一日議及

郡王監國公觀縷言有社稷功當復帝位號左

右聞者皆泣下

上聞之亦下泣遂復  
皇帝號丙申春陞太子少保吏部尚書四月

皇子其能

上方以嗣續為憂左右知西宮儲貳已長但懼  
無敢語公獨婉轉探引東宮延立復以善辭

安慰

昭德始終保其以遠猜嫌逾月

東宮母紀貴妃薨公舉宋李宸妃故事殯斂葬  
如禮七月

上建玉皇閣於禁內別創禮儀樂章將有事焉  
力沮之閣遂廢

乾清宮內夾繕部擬遣使綱運木植公沮以  
勞不宜重役是年黑肯見公因條陳弭災

事曰番僧國師不得重給符券曰四方常貢  
外勿受玩好曰諸色人許直言自達曰分遣

部使者慮因以理究抑曰停不急營造曰實  
三邊軍儲曰守緣邊關隘曰增置雲南巡撫

上督嘉納丁酉四月

謹身殿大學士時汪直新出西廠立威擬奪尊

內外官則不離席公雖下罪以聞且二月此

人實繫天下安危

上喜曰用一內臣焉得然夫下憂危大憚懷恩博

旨詰責甚厲公正色曰朝宜燕大小有罪皆請

旨收問渠敢擅抄扎三品以上京官大同宣慰

北門鎖鑰一日不可缺太守者樂一日擒賊

數人南京

祖宗根本重地留守大臣渠敢擅自長捕

渠敢擅自換易此人不知國家危乎安乎

恩聞之咋舌而退即日撤去西廠然

朝廷雖安而公位始不安矣七月屢上疏乞休

上特命允加少保致仕公鄉餞送載道談者比之

漢疏廣歆弟春公壽七十旬長子良臣以待講

歸為壽至丙午次子良輔以主事歸省公喜

曰事得汝歸為我送終吾官至一品壽踰七

旬有子有孫此足矣但

主上思不能盡報在汝兄弟在汝兄弟就枕野

一晝夜不眠

談笑如平時乃嘆曰吾拜舉十年始行舉進

士四年即入閣後被讒去位又後十年後起

復入閣又後十年乃休致余休致又已十年

數盡于此良輔泣請曰大人平生不喜自表

傑絕輩它日將何稱述公笑曰何必有聞必

欲有聞當於姚文敏彭文憲二公大畧求之

官訖而卒公生永樂申午二月十五日午

十有三娶盧氏累封至夫人先歿墓在淳安

南鄉橋子男二良臣居長官至翰林侍講

良輔居次官至太僕少卿女四李中世進士

周忭兵部郎中吳誠掩安知府姚璽皆婿也

孫男九汝謙以陰補任尚寶卿汝順吏部司

務汝泰汝晉汝升監生汝恒汝孚汝曾孫

承慶中書舍人承德承翰監生承美承榮承

芳監生六在內閣與萬文康公不協及請贈

諡蔭補萬多方沮撓

憲宗曰朕素知汝為人忠義可嘉朕特為此箇小

事乃開了他十年好官相應恩典悉予勿吝

故凡所賜予皆出望外致仕歸日北劉先生

見其子孫多賢乃嘆曰其與公同處若干年

未嘗見公筆下妻殺一人宜爾子孫若是公  
應之曰實不敢使

朝廷安殺一人也公仁恕清慎有長者風飲酒

終日不醉尤錄財貨未嘗蓄聚為賢為國

心恒切暗披明引不使人知公著述頗多兩

遺回祿解有存者予常聞馬少師曰我

朝賢佐商公第一文貞文達莫或先也今得見

王詹事獻所撰公行狀及讀公奏疏畧知公

之令猷盛德人或不及知者故復為細次

如右若其日月獻納便宜施行者具于

國史

正德戊辰冬十二月吉日

賜同進士出身奉訓大夫吏部驗封清吏司首

外郎寧波揚子器謹撰

成化丙午秋七月既望大父病少間因

請平生行蹟曰貽汝父恨予以皆臣子

職分內事何自暴為竟違其言越信宿

捐館時翰郎訃來先君棄背六旬有六

日矣翰長王先生述所聞見參考部咨

力疾撰行實脫藁匝月亦卒噫遺集兩

盡於回祿而遺行僅成於衰憊之餘豈

造物者忌故為是番邪汝願生也晚幾

無所於考心思一及背汗為淚厥後滄

揚柳塘傳率多行實所未備又竊慰嘉

言善行之在天下有終不能泯滅者博

雅如柳塘夫豈無其人但交接寡而聞

見孤以成大戾耳不吝誨勤以足始終

之職業不孝之罪庶其贖焉一云

正德十年歲次乙亥秋八月既望孫汝順

謹識

商文毅先生以三元起我

皇明德業文章昭布海內雖窮荒絕域庸人孺子咸知其名而慕其風矧生於其後出於其鄉者仰止何如哉先生平日制作甚富而行蹟甚偉然中多散逸而遠漸湮沒若奏疏行實二冊則其孫今夏官汝頤所彙集成錄者言竊得讀之而先生之志謨懿範大畧具見所謂老成典刑是矣爰用鈔梓使百世之下欲知先生者尚有所考焉

正德十六年歲次辛巳秋九月望日  
廣東右布政使晚學王子言謹書

商文毅公遺行集

商文毅公行實一卷

浙江范懋柱家天一閣藏本

明商汝頤編汝頤商輅孫也以輅遺集兩燬於火恐先德不傳乃哀為是書凡王獻所作行實一篇尹直所作墓誌銘一篇楊子器所作神道碑一篇末有正德十年汝頤自跋正德十六年刊板王子言又為之跋



明三元太傅商文毅公年譜  
四卷

〔明〕商振倫撰

北京圖書館藏明萬曆元始堂刻清初  
增修本

附《四庫全書總目·商文毅年

譜四卷》提要

商文毅公年譜序



國朝自省試南宮以迄

廷對皆第一者止二人其一曰

許公觀以身殉難名在削

除籍中故湮沒不載其

一為商文毅公年譜

崇廟

景皇

憲廟經涉禍變瀕死者屢

乞而平以功名壽考終享

天祿則非人之所能為也  
嗟乎願老之際此夫失色廢  
與之代義士淪西而公兩介  
于其間在河慶去非枯其宛  
姓於之孫則云黃窮厄之

秋膏育之在醫不可攻也  
而公不為苟之倉平之安  
雖不及旋也而公不為苟免  
醉有烈馬與烈玉霜  
靈此質可也嗟乎使易儲之

謀公以則可以無子五  
之寬使法儲之議造公以  
決則可以無舊石之禍而卒  
使忠臣告實首之恨先驗  
抹震主之功毀而完之而成

毀而後類公以終之惟天祿  
社稷當公身於極前棟折  
之時而公智以貫白之忠  
在之言送法率居親俱在  
猜非猜謫也健象是再

賤撥略備極紫氣豈非至  
哉豈北天哉峯雲移福  
公之風節乃之章水陸敬  
典歐陽永林氏經濟膠累  
則水司馬文正韓魏國公

名者香傳游林望則子水  
晉潞西公其視許貴地科  
名忠義慷慨相類而功業  
隆吉何啻倍乃公之曾孫  
振備得公年譜彙列生公

侯讀之者水揖公於黃函  
之六叩鐘鏗而瞻神藉也  
因敬為叙于簡端以授備  
之子南平令和之異維漢之  
愚陋不足測公萬一石乃

附姓名于公之譜則亦可為  
幸矣

萬曆戊午仲夏之吉  
後學山陰周洪謨書



明三元太傅商文公年譜目錄

卷之一小像 計八圖

贊辭 計一十三首

總述 計二段

分紀 自一歲至三十六歲

卷之二分紀 自三十七歲至五十五歲

卷之三分紀 自五十六歲至六十九歲

卷之四分紀 自七十歲止七十三歲

目錄

十六

元始堂板

附紀

賜嚴州府卿賢祠終

賜淳安縣令朱文公

父母 圖贊 夫人 圖贊 二子 圖贊

三兄 二姪 三女

諸孫 曾孫

目錄終

皇明

元太傅

商文公

小像

年譜


八卷

元始堂板

歲旂徵單歷浙江鄉試第一小像



歲旂徵夫復書禮州會試第一小像



小像 卷一 元始堂板

歲旂徵夫復書 廷試 賜狀元以第授翰林脩撰階承務郎小像



歲旂徵夫復書翰林學士階奉議大夫小像



小像 卷一 元始堂板

歲乘北困敵為兵部左侍郎太常寺卿翰林院學士兼左春坊大學士階通議大夫小像



小像

二卷

四

元好堂

歲春雍困敵為兵部尚書兼翰林院學士階議大夫小像



歲乘北困敵為太子少保吏部尚書兼文淵閣大學士階欽德大夫小像



小像

三卷

五

元好堂

歲彊圍危臨陞少保吏部尚書兼謹身殿大學士小像



贊辭

○徐溥拜贊 大學士

藹然而可親者其氣之春溫凝然  
不動者其身之山立其操履之謹畏  
者淵之臨其舉動之舒徐者王之執  
故王曾之試科場而名已冠乎三宋  
庠之知制誥而歲不踰乎十比固石  
人之所同其非後世之可及者不在  
乎時名之轟轟而在乎相業之汲汲  
也

○秦和尹直 大學士

肅肅元老德 昭鐘清氣於闕世  
瑞麟鳳於

治朝名占三元志不在於温飽官躋一  
品功允著於燮調其襟度之澄洪也  
湛秋淵之止水其千來之凝峻也挺

贊詞

卷

元始堂校

贊詞

卷

二

元始堂校

華嶽於青霄蓋惟服詩書以啓後學  
躬道義以式百僚通敏足以應變故  
沉重足以鎮浮澆忠誠簡知於  
列聖德澤覃被於荒要從容出處遇急流  
而勇退葆養冲和躡山水以逍遙邈  
乎鴻鵠之高翔蒼然松栢之後凋方  
於古之名相賢臣豈惟與之並駕而  
不有所超也耶

○博陵劉吉 大學士

其儀儼然如山之峙其氣充然如日  
之煦其中之所存人固莫窺其外之  
所見炳然於世蓋名高天下而有其  
實行配古人而無或愧進退繫時運  
之所關壽祉任自天而錫備吁嗟  
先生伊孰與儷其垂於後寧非同穹壤  
而不敵者耶

○瓊山丘濬

大學士

心正而平神清而潤仕匪身謀已無  
色愠名位之顯福壽之全有科目來  
未之或先

○蜀人周洪謨

禮部尚書

德茂而崇學邃而豐三元及第二紀  
顯庸股肱心膂塩梅霖雨樹績熒煌  
求歸容與

贊詞

卷一

三

元始堂板

○關西楊鼎

戶部尚書

德秉純篤行尚高潔文章韓後科名  
王列

盛世滋培山川鍾結用舍兩忘窮通一

節

治倚裨補氣資調燮志望周召勳期稷

契乃

國之瑞寔人之傑

○廣陵蔣琬

定西侯

始儒冠而終  
朝簪人皆見其畫錦之榮冠鄉書而歷  
魁

廷對世咸知其詞賦之工由釋褐而薦

登

台鼎時方稱其遭際之隆畫師徒能肖  
形似之外而不能寫方寸之中噫此

贊詞

卷一

四

元始堂板

其所以為大學士元老大司馬之商

公也歟

○濟南尹旻

吏部尚書

肅然其容浩然其氣志不在於温飽  
心惟存乎仁義位隆三孤功高一世  
知進知休志利忘勢豈徒如二疏之  
見幾殆將與文潞公為伉儷也

○鳳陽趙輔

武靖侯



三元發軔一品致身德兼體用學究

天人功銘彛鼎澤及生民

師保之任

社稷之臣全泥世

誥玉帶朝紳夔龍作侶伊傳為隣文章

模範垂百千春

○江浦張渲

著於外也雖嚴存諸中也則易三元

贊詞

一卷

五

元始堂板

今祇一人再起嘗備三事富經術聿

昭乎人文主代言有光於

帝制功成名遂不待老而引年任重

春隆乃急流而勇退綠野足樂乎身心

黃扉已絕乎夢寐觀其進以禮退以義

可謂俯不忤仰不愧者歟

○莆田翁世資 兵部尚書

生稟六合之精出冠四海之英擢三

元之高第蜚百世之芳聲仕則官居

師保隱則遠意林垌嗚呼斯人進亦榮

退亦榮允矣君子展也大成

○黃鎬 南京戶部尚書

瓊林錫宴負三元之大名

王署承

思秉春秋之史筆其所存也隱然涵四

海之深憂其所履也蔚然立萬尋之

贊詞

一卷

六

元始堂板

青壁調元氣以濟蒼生體詩書以成

道德屈伸隨時進退有節惟其操執

剛方學問該博故能急流勇退懸玉

帶解金章挹詩社之清風肆遨遊於

八極於以保養天和享遐福於仁壽

之域者歟

○豫章謝一夔 工部尚書

生

聖明亨泰之時鍾乾坤清淑之氣二紀顯

榮三元及第歷

翰苑而為儒之宗進

秘閣而掌

帝之制休休然其德之足以有容恢恢乎

其才之足以兼濟是宜稱

一人康四海而建莫人之奇勳銘彝鼎紀

太常而垂無窮之令譽茲懸車以供

贊詞

卷一

七

元始堂

老得怡情而遂志若先生誠可謂出

處有道而聳後學山斗之瞻俯仰無

媿而享

上天福壽之全備者也

贊辭畢

明三元太傅商文毅公年譜卷之一

元孫振倫編 來孫之彞之旬校

總述

正德丙子孫汝順輯公遺行集云公諱輅字弘載號

素菴姓商氏先世汴人始祖諱瑗僑寓西夏官都知

兵馬使念元昊猖狂諒祚繼廷二仁宗嘉祐六年

因奉使挈家歸宋奏陳容事仁宗嘉其義賜擇淳安

芝山以居子孫因家焉以蔭補官者三世至祖諱敬

年譜

卷一

乙

元始堂

中父諱仲瑄以公貴贈二品祖妣胡氏妣解氏贈夫

人公自幼穎敏目書一過求不遺忘宣德四年己酉

甫十六補邑庠生學諭王端最名有經學見輒以狀

元宰相期之十年乙卯果鄉試一名正統十年會試

廷試復俱第一名授翰林備撰海內翕然號稱三元學

者仰若星鳳不五年入相

景廟幾十年運謀設策殫盡心力天順元年丁丑為權奸

所陷歸閑十年省過授徒無幾微愆尤見於言詞成

化二年丙戌

憲廟追念舊學召取復入

內閣十年披心張膽知無不言言無不盡

益加敬禮十三年丁酉因病疏辭懇切告歸

其誠允其辭特陞少保給驛以還優卹十年二十

年丙午七月卒於正寢享年七十有三

二閣訃悼惜不已輟視朝一日

詔贈特進光祿大夫太傅謚文毅進官諭祭者四先是

平譜

一

二

元始堂林

成化九年癸巳春公配廬夫人卒

勅葬邑南山之麓

勅工部遣官合葬忠於成公之始終榮於以公立

朝居家方剛與自幼至老敬慎如一日主僕從偉器

宇凝重忠孝之性出於天成勳止罷肅無愆容無疾

言即閑居無事常若侍君父側與人譚論古今事理

得失壹置不倦度量弘大休休有容有容公者未嘗

留懸人服止者五加賜也後二十餘年

朝廷賚予有加而處之泊然於物尤愛惜雖片楮隻字

未見輕棄非其義一介不取接人恭遜交友必誠人

有善稱之惟恐不及掄薦人才未嘗私以語人至論

大事決大疑從容數語切中事體聞者悚然文牘盈

案裁決如流其因事納忠開廣

聖聽天下陰受其賜而不知者甚多平生初不責備於人

不喜言人過失飲酒終日不醉尤疎財化譽一主考

會試五為廷試讀卷官皆稱得人於書無所不讀

平譜

一

三

元始堂林

文章渾厚典實一主公理為詩陶寫性情雍容雅澹

不為尖新可喜之言以徇俗好嘗聞少師馬鈞陽

升益  
端甫曰我

朝賢佐商公第一文貞揚公文達李公莫或先也信哉

又

弘治十年丁巳孫汝泰著公言行錄云公先世居汴

梁宋嘉祐六年辛丑始祖瑗蒙仁宗賜勅來淳安淳

安商氏寔肇於此勅詞畧曰納款獻幣懷德慕義投

節歸明奏陳密事實有功於朝廷特賜山產以代世

祿蠲免其租賦丁役因是三代襲蔭終宋之世稱歸

明官戶不與編氓伍寧宗嘉定十三年鄉人意思拊

結商氏應役商氏詣闕進狀符下仍舊免役重給朱

年譜

十一卷

四

元始堂板

書公據一通家藏尚新一代三朝議四朝議大夫兄

弟二人垂老遭方臘作亂避地仰天池率焉家業悉

為煨燼二代宣義即六府君三朝議大夫所遺孤子

也甫六歲為朱氏者育教以書配之女生五子咸克

肖故商氏復興而能以蔭補官第三子諱如璋正諱

闕進狀者又補敦武校尉第五子諱如珪生時億屢

辭徵辟以隱德為郡邑重時億生希容性極嚴毅常

以門第自負鄉人敬憚希容生正新即文毅公之高

祖善詩文仁慈孝友族黨愛敬之曾祖諱邦昌字

甫元初辟提舉杭州路玄學以曾仕元故不蒙贈封

隆甫第六子諱尚字敬中公之大父也博通經史能

詩賦善草書元時累徵弗就洪武四年郡邑以耆儒

薦入觀

太祖高皇帝欲用之懇辭曰臣愚魯一無所能惟知力田

桑以供賦稅爾

上悅顧謂尚書詹公同曰此良民也宜歸教中生三

年譜

一卷

五

元始堂板

子仲瑄公居季即公之父也仕寧德掌史五十二歲

方誕生公蓋永樂十二年甲午歲也宣德十年乙卯

公發解浙闈仲瑄公則已七十三歲甫三載仲瑄公

壽終夫自宋嘉祐六年辛丑迄我

明永樂十二年甲午商姓既歷一十一世歲更四百七十

四年文毅公始生再自永樂甲午至宣德乙卯又二

十二年始復中解元孟子所謂五百年必有名世者

斯亦一驗歟公同胞兄弟五人第四兄陽七公居五

學自以論語二十卷取為行次期子孫孫子以二十

世也長兄行學一生二侄大名良顯遷居壽昌官醫

學訓科子孫富盛萬曆乙酉進士商之相即其玄孫

次名良佐創居源口仕灤州州判子孫蕃衍書香迭

繼次兄學二再次兄學三今並無嗣公行學四娶夫

人盧氏生三子長未冠而卒仲諱良臣天順壬午鄉

薦十六名成化丙戌會試九十八名

殿試賜進士第入翰林庶吉士丁亥除編脩己亥進講

年譜

不十卷

六

元始堂板

經筵辛丑陞侍講二同考會試一主考應天鄉試皆稱

得人隱然負公輔之望丙午五月卒于官朔野悼憾

季諱良輔成化丁亥十三歲 補國子生乙巳

欽授禮部精膳司主事弘治庚戌改福建司甲寅陞廣

東司員外郎戊午改工部虞衡司壬戌陞都水司郎

中正德丁卯陞太僕寺少卿致政歸卒歷官九任有

守有為誠為世臣賢嗣焉

分紀

成祖文皇帝永樂十二年甲午公年一歲

二月二十五日酉時公生

○按樂稟公言行錄云永樂甲午年二月丁卯月建

二十五日巳巳日主癸酉時公主於嚴州府內東

首縣舍綠封君仲瑄公由郡庠生丁外艱輟學日

久有司援例拘充本府司吏故舉太夫人解氏并

居公廨未妨燒前一夕太府尊奉公與忽夢天上

喧哄熱鬧絲旗鼓樂迎一巨星送于廨內既覺心

甚驚異及次日薄暮紛燒天色晚矣太府尊退息

倚中又忽見火光盛燭于天不勝惶怖出訊之非

火也僉以惟有商某方生一兒子對別無事也而

紅光則尚熾熾未之散盡李公大異之待旦升堂

族喚抱視適當紅日東升命覆以華蓋觀者一見

知非凡器囑曰此子他日必有好處可用心撫育

輒命賜火肘雞蛋白金白粳等物是以至今傳

公一出世便張華蓋食俸糧云云

年譜

不十卷

七

元始堂板

十三年乙未公年二歲

十四年丙申公年三歲

十五年丁酉公年四歲

十六年戊戌公年五歲

五月十四日公夫人盧氏生于潯州府四府衙中

○按大學士彭公時慈表云公夫人在邑南過清溪

教習官山尋州府衙前地宜公諱恩字天澤號三其

秩滿正賀家盈門而生再次之女固以滿命名賜  
永樂十六年五月十四日亥時也

十七年己亥公年六歲

七月太夫人授公孝經論語諸書教之倣字習禮讓

○按大學士高公穀墓誌云公母太夫人解氏生子  
五人而公最幼太夫人尤加愛六歲七月上澆之  
吉親授以孝經論語諸書教之倣字習禮讓此就  
外傳已疑然如成人焉

十八年庚子公年七歲

三月患痘疹

十九年辛丑公年八歲

生譜

卷一

元名堂板

二十年壬寅公年九歲

六月初四日太夫人解氏五十歲

十二月二十日封君仲瑄公六十歲

○按家譜畧云封君仲瑄公生前元癸卯十二月二  
十日太夫人解氏生洪武癸丑六月初四日少封

君公十歲十八  
歲歸封君公

二十一年癸卯公年十歲

二月卓有成人志

○按言行錄云永樂癸卯年二月封君公赴京馳選  
止携再次兄學三公同行公亦欲隨之封君公曰

法尚年幼不能行待吾做官之日同爾到任公  
然曰你做官我也做官你到我任我不到你任  
君公閉口無應私謂太夫人曰此子實有志氣可  
取昔日奉府尊會說他決有好處爾宜諦視之

二十二年甲辰公年十一歲

仁宗昭皇帝改元洪熙乙巳公年十二歲

宣宗章皇帝改元宣德丙午公年十三歲

三月能行文

十月穎敏出人

○按言行錄云公十三歲三月在外傳便能作文成  
理凡所授學府論孟四書不徒熟誦無遺悉能通

生譜

卷一

九

元始堂板

其意義聰明就已於焉十月封君公以選建寧德  
縣掌史致政從燕京歸猶存還鄉序文自見後  
公與家人及同里洪汝和在武林候發應御史新  
出榜文告諭通浙錢糧數目約萬餘言皆已覽過  
既回館舍洪鄉里取筆驗往錄公止之曰我誦汝  
試書之書畢恐有差訛往對竟不殊  
悟敏捷往往  
出人類如此

○送商仲瑄還鄉序

淳安商仲瑄以材辟泊掌公績春官印局滿考擢  
宰德典史一旦以老疾謝政來京與歸鄉里將行  
本局大使盧均茂副使劉淑義念舊交感惜其去  
來微予言以壯其行余惟人之出處去就何常惟  
義之歸夫義合乎時措之宜當富強時神氣固完  
涵養本原積學以從仕效一官使下之人蒙惠澤  
行其善政宜也迨年日益衰老病孱弱雖有廉政

及民而筋力衰微辭歸亦宜也仲瑄為人溫雅謙厚行藏安所遇豈固祿而不去乎抑亦知去就之分而宜於退乎方之古陶令揚巨源輩功蹟雖不作其歸休則無異焉仲瑄行矣下潦河過青徐而涉浙西桑梓在目鄉人載酒殺以暢所懷子孫衣綵踴躍而承權膝下或行嘯東臬或偃仰樓運其樂為何如哉故為序以貽之且以是復盧劉二友也

宣德元年歲在丙午  
賜進士文林郎大理寺評事錢塘湛禮書

二年丁未公年十四歲

三年戊申公年十五歲

四年己酉公年十六歲

年譜

八卷

十

元始堂板

春選補邑庠生

○按言行錄云宣德己酉春邑庠魁星樓火掌教雲間王瑞先生欲重建募錄芝山見公處疑不几大奇之及回庠邑令曰此行錄募幾何王先生曰為國家募得一奇才耳錄不足道也遠乘里奉例報名公即強補邑庠生  
從掌教王先生游

五年庚戌公年十七歲

讀書校房

○按言行錄云公自補邑庠生從王先生遊受書經晝夜淬勵一日故舊招飲有書在席間取閱之筋夫于地初不知也其專心每如此又同邑錦溪洪公與為主事傾道歸過市見邑父母帶有策畧二

照公既似錄洪公以明日遂行為辭公固請得之  
一女覽畢而還掌教王先生月試驚曰此作何過  
異乎昔公以實對王先生曰已錄之即對曰未也退  
即筆之以呈自後經史貫通下筆千餘言輒維健  
有奇氣故每試常居首選王先生亦每每以狀元  
宰相期之

六年辛亥公年十八歲

讀書校房

秋御史沈... 批補增廣生

七年壬子公年十九歲

六月初四日太夫人六十初度

年譜

十一卷

十一

元始堂板

八月應試浙闈不第

十二月二十日封君公七十初度

八年癸丑公年二十歲

讀書校房

矢心開闢道途

○按少參黃公華行狀後略云公一日自文源芝山抵淳安縣相去二舍許因為山峻水急不惟時難行且又時常清湧寒洄艱涉嘗在途致誓曰年若能使此路平坦夷庶為不負吾平生也

九年甲寅公年二十一歲

七月二十三日大侄良顯公生

○按譜畧云良顯公學一公長子十六歲喪父與  
良佐公同侍于季父後任壽昌醫學訓科因徙居  
壽昌十都田園開拓甲第命與壽邑始遷祖也生  
六子長汝節次汝蒙由淳庠生入太學除授刑部  
檢校改都察院陞九江德化縣令次汝臨襲醫學  
訓科次汝乾汝坤汝需良顯公卒於正德六年辛  
未壽七十八

十月娶夫人盧氏

○按大學高安墓誌云邑南過清溪數里官山  
鎮遠致推盧公天澤有孫少女尚幼推公病  
亟謂何氏曰此女雖幼將來必貴慎勿輕許凡  
子必得何氏方與及推公逝何孺人聞公在庠未  
年譜 娶又 士至是夫人年亦十七遂治裝奩嫁  
焉 元始堂板

○按言 公既娶盧夫人仍留業邑庠校房夜  
則必 於盧何孺人固買願以代公勞道傍有  
吳姓者亦 家也望其來即以騎驢秀才指之至  
後入 經其家公戲之曰騎驢秀才又來矣  
鄉人至  
以為笑談

十年乙卯公年二十二歲

八月領浙江鄉薦第一名

○按大學士謝公遷碑記云宣德乙卯秋公赴浙江  
鄉試中式第一名縉紳士夫無不欽服且感贊何  
鄉人盡擇東床而盧夫人貴徵即已見矣公以

十一月初八日長子廷廣舍人生

英宗睿皇帝改元正統丙辰公年二十三歲

二月會試春闈不第

○按言行錄云正統丙辰春公赴春官會試不第先  
是同考試官脩撰周公叙將公卷擬會元主考少  
詹事王公直侍講學士陳公循則已先得劉文安  
公定之取作會元矣欲置公亞卷周公叙曰此會  
元才也安得亞強之王陳二公詰之曰必是你親  
舊故如此留意乎周公袖其卷遂不復言後拆卷  
閱見其為公衆相與嘆息久之公以親老家貧欲  
就教職周公力勸勿就俟來科會元終少不得因  
作文贈別家藏迄今焉跡其詞雖若引咎自責而  
譏諷主司之意溢于言表後公果擢會元狀元周  
年譜 入春 元始堂板

公誠可謂知人而文毅公可謂不負公矣及公  
入相周公已致政還家公上疏特徵之弗就但曰  
得見商生聯捷三元吾亦且瞑目也何必更仕因  
錄其文于左  
○送商貢士序  
古之君子不言命要其極未始不歸諸命焉蓋其  
生也有其資其遇也有其時一命之所為也君子  
于此則唯盡吾在已者而已彼進退得失之係諸  
命者尚容計耶貢士商生絡以書經擢浙右鄉闈  
第一今年會試春官名先乙榜予時叨預揆文得  
生之文讀之愛其詞浩瀚宏博燦乎可觀擬置諸  
甲榜已而殿焉再欲等而上之而不能得折榜見  
其為生也同事諸公相語嘆息久之蓋予明不能  
早鑑生之文于初決不能力達生之名于終實  
愧焉亦豈非生之命哉夫司文衡者不可以命  
然于生則似有之生淳安人年逾弱冠



應賦成出之所稟者厚矣學優名顯而固蹟不  
傷時之所遇者得有所待耶斯固命之為也雖  
然命係諸天學木諾已在已若既盡則在天者可  
必生其勉乎哉故事乙榜俱授職生自顧未可  
淑人欲勵所業以造遠大授例所司歸學于家  
而介禮部即中宋君原仁造予言別子固愧于生  
而必不以然予予予生既嘉其志又期其成焉夫  
射必百步中鵠為至使不習且熱欲求一至于  
難矣况望其發命中而能較力於百步之外耶生  
由此益進之以不怠吾見芽揚之捷人將驚心駭  
囑之不暇矣生其勉乎哉嗟乎造物者之司命未  
嘗無意也否窮而泰臻力勤而藝熟他日生之所  
就未可量也高科云乎哉  
正統元年歲在丙辰暮春之月翰林脩撰廬陵周  
叙序

年譜

卷一

十四

元始堂板

資于人商生不求予文而予獨序此贈之且不  
俟終日者蓋深有所期于生欲俾之大其成也工  
部主事洪君宗器亦淳安人予獲同事  
經筵問道生意欲求予親書公退少暇遂託姑蘇  
徐瑛書之而題其後云是  
月二十二日叙識

三月初九日再次兄學三公卒

○按諸畧云學三公性極聰警及隨父宦遊愈加  
易禮號一時縉紳士夫推重生洪武三十年丁  
八月十六日今卒  
壽四十歲無嗣

二年丁巳公年二十四歲

七月初六日仲子良臣公生

三年戊午公年二十五歲

二月初九日封君仲瑄公卒

○按墓誌云正統戊午正月封君公疾篤藥餌不效  
公折天頤以身代二月初九日竟弗起壽七十六  
公哀毀之甚頤而復蘇且痛父兄繼歿感憤成疾  
太夫人諭之曰爾志聖賢之訓耶君子不以  
生况老身所託又在爾乎公聞命強起服重劑  
愈封君公天資厚重雅好恬澹年十三補郡庠生  
受易經遭父喪念母老歸養較業求樂間有司以  
例強起仕宰德掌史一年即歸故號退隱又號東  
泉若人方公遊邑庠時則戒之曰立心行事當  
聖賢不則文辭雖工抑末也及公會試辭乙榜歸  
書曰立志固宜如此年及至學未足可為人師乎  
斯言皆可為後世法其若君家惟以恒患難

年譜

卷一

十五

元始堂板

貧乏於憫無告為急嘗結于芝山之麓日與耆舊  
往來觴咏味士夫過者必禮于其廬故奉之日遠近  
赴弔至門無所容景泰成化間以公貴連受三  
贈教詞見後太子少保吏部尚書桐江姚公慶孫碑  
銘銘曰中州名族時稱商氏其遷淳安垂五列祀  
衣冠輝煌於此戶富詩書人懷禮義學資政  
公克充前賢活于進取耳于隱退積厚發宏慶澤  
汪濊有子登席掌

帝之制

聖眷益隆厚恩先世  
詰錦龍章日新炫麗八座之榮極品之貴何以致之  
口惟報施子孫繩繩引而弗替盛福榮名其東未  
已泉溪之原宰碑鼎頤稽行著錦昭示  
後裔

四年巳未公年二十六歲

居憂

三月初四日長女生

○按譜畧云長女造邑中周憲副弘璧公季子周汴卿貢進士不逾年汴守制四十餘年正德初以

淮表門閭至今坊牌雖則朽壞而猶有存焉者

五年庚申公年二十七歲

十二月二十九日次侄良佐公生

○按譜畧云良佐公學一公次子也充壽昌儒學生負由壽昌大學仕濠州州判卒于宦即壽六十三生三子良佐隨以邑庠生入大學任常熟丞汝汝

年譜

一卷

卷六

元始堂板

按尚書胡公拱辰碑文云良佐公穎敏異人十歲而父季叔父文毅公携至宦即育之與兄良臣公弟良輔公自相師友比壯遣從壽昌林典教學為文章新奇可變留館下弟子員五舉于鄉非利賄貢游大學名益重嘗以族盛基隆乃于源口創別業構大厦二百餘楹市良田三百餘畝置業及居官則不厭卑凡與利華弊扶危濟困力為之賢名愈著率之日民無老少皆呼為良公弟良輔公巡督河道遣人護樞以歸以手推君清德謙重勤儉操持見義必為慎終如始以故有力以成其家有勞以益於國有惠以及于民可謂光前耀後不失為相門佳子弟也

六年辛酉公年二十八歲

八月啓行赴京

七年壬戌公年二十九歲

二月復會試春闈不第奉業太學

○按言行錄云正統壬戌之春公復會試三場畢友人桐江姚公夔各呈所作愛見公文喜起賦言曰徧訪舉子無過予者今閱先生作思又披先生奔矣公曰不然予夜昨夢至通衢中為一麒麟所隔不得步竟莫識其謂不知主何吉凶言思愛竊私喜曰予乃春秋即麒麟也會元還可得也及揭榜愛果第一而公又不第公遂卒業太學會教角藝常居首列祭酒安成李忠文公時勉深加器重特俾設館東廂之後以卒其業電勉奮勵寢食頓忘自是弟子從游者日衆雖燕居當感若凡進見者必衣冠接之一時諸生吏卒咸敬憚而無敢或苟者

年譜

一卷

卷七

元始堂板

六月初四日太夫人七十歲

○按少恭黃公華行實後跋云正統壬戌癸亥兩年公身在太學而心念太夫人年邁兢兢焉恒恐祿弗逮養往往南望悵然每遇秋深草木凋零思念之心尤切固不止於西山白雲之望而已

八年癸亥公年三十歲

十二月自監歸省太夫人

九年甲子公年三十一歲

秋九月復啓行赴京

○按清溪野史記云正統八年冬商文毅公自太學歸至次年秋九月重九日又將戒裝趨赴燕京明春會試心以兩科落第不勝惆悵徐聞邑西賀公蔭護極有靈應乃先期沐浴齋戒特請求詩一律詩云馮王以後續功名二帝當陽第一人黃閣尊崇遺石奔綠堂閣散謁金門温公而起調鼎得宛相重來東莞衛抗論刑臣鞭血池浩然歸去青松迎初得此詩固未有信及公歸休之後緬悟句字不錯蓋曰馮王者馮京王會皆三元也曰二帝者

英皇帝也石奔明指石亨綠堂閣散明言歸閣矣抗論刑臣鞭斥汪直十罪隨告老歸青松迎想主壽而言然亦惟七十三耳而其靈應則既多也故至成化四年邑之人民新賀公之祠公特致其願末而記之詳焉又一術士善于數公就問之士曰先生書一字來數便可起公書一本字與看乃作兩截

年譜 元始堂

寫先大字而後十字士不覺驚駭大嘆曰可惜一個好擎天柱中間怎麼斷了這一下先姓名位去然高顯只是其中有起倒也公果中年原籍十年此術亦可言精奇云

十年乙丑公年三十二歲

會試春官選第一名

殿試復蒙

英廟親權第一甲第一名

賜冠服銀帶

授翰林院脩撰階承務郎

○按言行錄云正統乙丑二月公在翰林院時大監王振王高二人極標子奪勢傾中外一時士夫莫不趨附惟公守正不阿振謂姚文敏公聚日新狀先是先生嚴州人要做好官須來見我因以告公公終不屈高則每執已見以議朝廷大事公常以理直之一口高道人迎公相見公曰朝廷大事當於

英廟親賜狀先及第而所云功名續馮王以後若微矣時大監王振王高二人極標子奪勢傾中外一時士夫莫不趨附惟公守正不阿振謂姚文敏公聚日新狀先是先生嚴州人要做好官須來見我因以告公公終不屈高則每執已見以議朝廷大事公常以理直之一口高道人迎公相見公曰朝廷大事當於

年譜 元始堂

閣下會議私居弗往 高亦服公無私 ○贈商三元授翰林脩撰序 進士始于隋而盛于唐而極盛于宋大備于元而最重于

今日唐初有秀才進士二科秀才常列進士之前其後罷秀才進士之名始貴重于時而簡未得即得禍故有三試吏部無成之嘆至宋進士一登第即轉復入仕然狀元止擢司理參軍或與諸進士將作監丞諸州通判節察推官而已且其制一

賢之意也自元以來始三年一設科取士其二為文試皆有定制慎重格故文物之盛有足稱者但其授官多即幕縣佐之職循襲前代之弊為可惜也

國朝取士之途甚廣惟進士之科為最重其資才者

教養之於學校三歲大比郡縣貢其學之成者于方岳方岳考試之擇其文之高者以其名上之禮部禮部合天下所貢士群試之擇其文之高者以其名上之

天子天子親策之于廷第其高下為三甲臚傳于丹陛揭榜于通衢一時名動京師第一甲第一人唐

宋以來謂之狀元者與第二第三人皆授翰林清職諸進士觀政於諸司以次增秩命以官不與他

等其待士之意比之前代可謂厚也已淳安商輅私載始由縣庠生試于浙江鄉闈第一人曾試于

禮部又第一一人對策大廷列名黃榜又第一一人趙宋時由省元而部元而

狀元者獨見于時而名後世然三百餘年之間其十人而以功名特顯者不過三數人耳

國朝自設科以來六十餘年狀元一人其中以道德行義學問文章得

年譜 元始堂板

君得名得行其志而能以勤業始終者皆曰文穆胡先生云若夫以三元擅名一時而冠絕乎前者則

始見吾私載一人耳私載聰明篤厚溫雅而簡靜雖處貧居約而不妄取於人資用匱乏而無憂見

人急難傾囊濟之而不撓其在成均篤志于學不以遊情摩其業與朋友議論必極其當每試必在

首選及為會元為狀元人皆稱譽之方且自視歎然畧無自矜意其為人如此吾知其他日得其時

濟於用必能建諸其事業表表偉偉是以追配乎前閣人也無疑矣私載既授翰林備撰秋官主事

周君弘璧相率賀之而來徵予文予老矣姑述此以贈且為後日徵云

正統十年乙丑夏四月朔日朝列大夫園子祭酒前翰林學士金陵李時勉序

吏科給事中姚燮 主事俞鑑 姚燮 光緒著正王彦才 兵部郎中項文服 行人郎勝

河南命事徐朝宗 進士應顯 國子助教李繼 傳宗 中府經歷胡志和 序班何宗 司禮院 忠 訓導邵昆 監察御史章存德 胡拱辰 汪澄 柴文頭 大學士 郭文直 詹好信 方輔 周時雍 洪景德 何 環 何陞 洪 弼 余 被 何 環 醫士周廷暉 全贈

○按湛山泉曰商輅浙江嚴州淳安人鄉試亦第一

宋朝舉三元者凡三人而我朝取三元者惟商輅况官至內閣秩一品事為一時

名臣豈非浙省山川氣運之盛致然歟蓋國初文運惟江西獨盛故有翰林多吉水朝內半江西之

語此後浙省遂盛于天下江西稍不及矣

五月二十五日次女生

年譜 元始堂板

○按譜畧云公次女遺雲程承事郎吳大濟長子刑部郎中吳誠誠係成化乙未進士

十一年丙寅公年三十三歲

三月太夫人解氏岳母何孺人夫人盧氏並京以就

祿養

○按大學士高公毅誌云公自及第後即遣人迎接太夫人何孺人盧夫人以就祿養長兄學一公奉

行至次年丙寅三月方纔抵京師太夫人對公言曰吾年七十又四堂宜速出所以來者欲母子一

見耳吾能忠于所事則我雖老死隨下夫復何憾蓋已隱然即有款歸之意矣

十二年丁卯公年三十四歲

二月初七日

上命公進東閣務期大用未幾

論學士曹芻等白商輅着他展書選一箇與他對初選

王王弗稱

旨再選編脩陳文未逾月復

論輅曰商輅這一對展書官就着他講書

○按王公獻行狀云正統丁卯春至秋九月時常被命侍直進講公能講貫如流詞理條達音吐洪亮在廷諸臣莫不驚異

年譜

一卷

廿二

元始堂棟

五月十四日盧夫人三十歲

七月太夫人恩歸長兄學一公奉還

○按言行錄云太夫人到京祿養未及兩週每每欲歸故鄉次年七月公知弗可再留更不復強遂煩長兄學一公奉還比行餞送都門者冠蓋相望如翰林學士吉水周公叙給事中桐江姚公護等所贈詩文甚盛

十月太夫人還家

十三年戊辰公年三十五歲

四月進階儒林郎

十四年巳巳公年三十六歲

正月懇迎太夫人

○按高公毅墓誌云公自丁卯秋遠太夫人慈顏而思念之心未嘗頃刻或置至巳巳正月乃謀於盧夫人曰仕以為親親在遠仕何為故遣人懇迎

七月胡虜也先犯順太監王振挾

天子帥師親征

十七日甲午

駕行文武大臣皆匆匆失措隨之

年譜

一卷

廿三

元始堂棟

八月十四日辛酉師次土木敗績

十七日甲子

英廟北狩國勢危疑公偕群臣具本伏

文華門懇請

郕王即皇帝位固辭不許

二十日丁卯

皇太后英廟景廟母孫氏也誥立

皇長子英廟長子即成化御為皇太子命

行 政制之然臣殺馬順族謀去廢朝綱不肅法令不

二十九日丙子

皇太后令旨召公與彭時入

內閣參預機務遣太監金英傳旨

太子幼冲未能踐祚

王年長宜早正大位以安國家

王乃許以九月初六日癸未即

皇帝位遙尊

上為太上皇帝改明年為景泰元年由是天下始知有

君時又有倡議南遷者中外洶洶公上疏言遷都則

宗廟社稷將誰與守况

而一駕一移大勢去矣會于謙亦上疏抗言京師天下根本

若一動宋南渡之事可鑒也一步不得離此太監

英傳

旨如再有敢言遷都者

上命必誅之乃出榜曉諭人心稍安

○謹按公慮

皇太后命讓立

皇太子諱文曰朕荷 天地眷佑承 祖宗付託嗣守神靈祇懷永圖重惟隆國家之本

兆之心必建元良以為儲副長子某天潢鐘鼎 武登祥爰疑之資夙成中外之心攸屬今特授

冊寶立為 子正位東宮惟孝以立德惟仁以廣愛惟誠惟 克篤始終惟親正人務正學克日新全聞而

逸臻于宏遠用先紹我 世宗大業于億萬年爾其欽哉

○又按身濟史記云倡議南遷者侍講徐理也為太 監金英所劾因以王帶殿陳公循疎公教之曰

速更名庶釋前議而薦或 可允也遂更名徐有貞云

十三日進公與彭時善侍講彭以受制去

二十三日長兄學一公卒于張家灣

○按譜畧云學一公存心忠厚與物無忤知隣有 得其一言即悅服而去生洪武二十四年辛未八

月二十四日今奉太夫人至張家灣而卒壽五十 九歲耳携二子長良顯時十六歲次良佐時十歲

二十六日太夫人到公衙館

○按言行錄云正統己巳秋太夫人進京即一見公 固不勝喜而思及長子又不勝悲然而夕則亦

安馬第胡虜出沒靡定 實不能不無恐懼心也

十月初一日胡虜以送還

上皇為名入冠紫荆關

初九日胡虜長驅進逼京城下公悉心贊佐

○按行狀云自

上皇北狩胡虜進退不常衆論戰守不一公言兵敗之  
節但宜固守且虜乘勝遠來勢必難久宜伏兵於  
路擊之此為上策於是固守之議始決時京師  
嚴公內與三大臣運謀設策至忘寢食外諭諸  
將為戰守之具又遣官安戰技降夷人以防不測  
既而賊勢益熾總兵官石亨折衝大虜言曰宰臣  
不出計策吾力莫能支矣公極上疏請發  
救宣府總兵官楊洪曹義各選勁騎刻期以  
進與京師內外夾擊又請

六一志

元始堂

言張則虜有能擒斬也先首級來獻者賞黃金計  
四公又復寫書作春寧典司禮太監與安云約

也先今果入寇宜乘其孤軍合兵勤殺  
教并書悉為也先選卒所獲未幾楊洪曹義亦各統  
所部兵來賊遠一夕遁去京師始定時閩浙兩廣  
雲貴盜賊又相為竊發羽報絡繹奏請填委公悉  
心贊佐內外老稚無不知公之効勞居多也

○按粵漢史記云土木之禍初以也先遣使二千餘  
人進馬求貢報作三千人蓋欲多得夫價耳王根  
怒其詐顧反滅去該與馬價遂失和好及發兵寇  
邊根又不與大臣計議而行促

上皇親征百官懇留不從至八月十四日師次土木之  
地又無水泉人馬渴極延及十七日胡虜四面薄

擊

上皇不得出遂被擁去自英國公張公輔學士曹公厚  
而下以者凡數百人王振亦必幸免若跪足蓬首

而

而

○又云巴已之變  
與北狩狂虜又復捲土重來一時文臣武將魄喪  
君以選將練兵委任于謙石亨輩以戰守之務卒之  
亂幾危而復安雖謂之有人亦不可不謂之有  
帝心於內則外雖有千讎數百輩亦無如之何而宋  
慶之禍立至矣

○按王曼恪公整論曰  
英翻北狩旋奉 聖諭此巨古所無之事亦人筆六以

中其機會也蓋值我  
國家氣運之盛而胡虜初無大志故無意於迎者乃  
所以迎之不致急君者實所以急之有今於勤公  
孫申之謀耳不然遇五胡劉石阿骨打奇渥溫等  
爭中國為帝國豈但如斯而已乎我

朝福社之隆超出前代萬萬於此見矣  
○又華亭陳繼儒著狂夫之言曰項羽劫烹漢太公  
漢高帝曰吾翁即若翁若欲烹而翁願分我一杯  
羹太公以此歸漢我

朝正統土木之變  
英宗臨虜虜人挾之以激我如欲故事于忠肅曰社  
稷為重君為輕失一君復立一君矣

英宗以此歸國今人既知奇于忠肅之  
功則不得不

大傳商文毅公年譜卷之一終

明三元太傅商文公年譜卷之二

元孫振倫編 來孫之纂 之向校

分紀

景皇帝改元景泰庚午年三十七歲

正月十六日

上命公兼

經筵官進講

景泰元年正月十六日

年譜

元始堂

聖上極是無切多事重賞釋家  
賜宴及衣服楮幣等物

三月初四日

賜公敕命以前修撰賜父如其官母封太安人妻盧

氏封安人

○謹按

敕曰國朝文學之士列職于翰林而備撰編脩檢  
討謂之史官固以備紀載之公而傳信于天下後  
世其預論思于有密者所係尤為甚重茲惟選  
不輕畀人爾翰林院備撰編儒林即商格後身賢科  
早魁廷選授以新職克効勞勳願三

元始堂

年譜

元始堂

職務者則必榮及其親所以示  
爾翰林院備撰編商翰母解氏德善  
表於宗族克生賢子為國近臣推  
典茲特封爾為太安人服此榮恩永  
八月初六日陞翰林院學士公具疏辭

上諭曰今開經筵正資顧問爾尚懋稱母徒謙讓

初八日也先率頭目五百騎護送

上皇回鑾

十三日

命公迎候居庸關



古發行公亦具有回文說

十四日

上皇至關鴻臚卿楊善引公見進呈

詔書回鑾

上皇覽畢諭旨曰商賈是我取的狀元我昨日在宣所已

看許彬寫一遺物發去了你今還與我寫兩封書一

封奉

娘娘一封與我兄弟說我今日到此明日進城教

年譜

本二卷

三

元始堂板

娘娘們喜歡今還寫書進呈稱

上旨意蒙賜酒果馬匹

十五日隨

上皇駐驛唐家嶺

十六日

上皇自東安門進

上迎拜

上皇各拜各送授受之意惟遜良久送

上皇至南宮群臣就見而退大赦天下

○按上所述皆王公獻所狀行實仍言行錄備載之

鑾輿既還護送使同至衆議先一日于

奉天門賜宴次日於

南內宴彼見另居一處未免退有後言不若兩宮俱

文華殿示以彼此無間之意庶可服其心太監與安

景廟大怒急召公等赴

皇帝衆人勸我做如今又要怎麼麼衆皆不知俱不敢言

年譜

本三卷

四

元始堂板

天威始霽賜群臣酒飯陳公術高公毅與公臨坐嘆曰

這頓酒飯從卷梁上墮下去意在因公言險些

被累也殊不知爲人臣子當言則言畢竟兩宮俱

九月十三日奉

勅侍講

經筵

○謹按

勅曰朕以渺躬祗膺天命嗣承祖宗大統臨御兆民願維負荷之可勝必由問學之能

欽定以九月十六日御經筵命太保寧陽侯陳煥  
知經筵事戶部尚書兼翰林院學士陳循工部尚  
書兼翰林院學士高穀同知經筵事戶部右侍郎  
兼翰林院學士江淵與兩輔并侍讀學士劉炫吏  
部右侍郎俞山禮部左侍郎儀銘兵部右侍郎俞  
綱國子監祭酒蕭鏊左春坊左諭德趙琬兼經筵  
侍讀夫六經載帝王之道而萬古仰治教之則以  
我

祖宗之聖尚猶銳精于斯况朕安所務而不然卿等其  
務端心竭誠相與講論臻其極至毋隱且徇徒事  
虛名必二帝三王之蘊奧得于心而施于行俾四  
方萬國之廣遠象其德而被其澤斯足以副朕之  
素志欽哉故諭  
○按言行錄云  
景皇帝方在收戈之暇而乃留心文學今年正月報已

牛講  
元始堂板  
五  
開講矣至是復欲收分直侍講其志于法古為何  
如耶九月十六日公講尚書五子之教第一章予  
視天下一節句向敷析明顯字字訓釋的確至末  
援引堯舜禹湯友覆規喻委曲諷諫不惟詞旨簡  
明而且語旨洪暢  
聖心悅懌聞者稱善蒙 賜白金別帶襲衣而退

二年辛未公年三十八歲

三月奉

上命廷試吳匯等二百人

○按行狀云公仕於  
朝二十年餘皆清嚴密勿之地嘗主考會試者一  
命廷試者五讀卷官皆稱得人此蓋其被

五月直禮盧忠非

○按言行錄云景泰辛未夏錦衣衛指揮盧忠妄言  
南內事  
上怒殺中官陳浪等欲窮治不已公與太監王誠等  
有禮忠是簡風子如何聽信他壞了大體傷了骨  
肉之情急須止之為是誠等入奏後追問忠果為  
供養真武香大蔭蔭得其通報由是盧忠以妄言  
伏誅  
悉無累

十月奉

勅同尚書陳循日侍

經筵講論

牛講

元始堂板

元始堂板

○按行狀云公每遇  
經筵講論詞語切當敷奏詳明及末後必於書意之  
外罕譬古今事理真以感動  
上心故得往往稱善屢沐襲衣綈帶之賜  
三年壬申公年三十九歲

三月初一日長子廷廣舍人卒

○按譜畧云景泰庚午冬為冢嗣廷廣舍人聘嘉興  
少保于宗立公之女今未娶而卒壽十八

力挽易

儲不從

○按言行錄云景泰壬申三月初一日早朝罷公以  
長子病篤先出殿閣

內廷宜召公急趨

闕下則見大監王誠等與學士陳公循等同坐有一本在案梓上王誠等見公一到即起身說通政司進這本

上特着來計議衆先生都看過了只等先生來公乃展跪一閱係廣西逆賊黃玠所官移易

儲位事聞畢王誠慌忙說如何主張公拱手言曰這

朝廷大事有朝廷大事有上聖皇太后在上爲臣子的誰敢議這大事若依道一

本起來豈不傷了母后的心王誠等遂將本收拾去嘆言此果實是公意謂此本必寢不行也次日禮部尚書胡公浚

言今委聖上批出一本會多官東閣計議公隨同到足未及

門已開衆有合准所言之語公心悵悵即與二三

大臣彭文憲公時姚文敏公凌等力主其事登時

寫本封奏批出不准仍議寫本再進後數日內臣馮讓出與公

言曰前日王官人拿來計議那一本說道止有休

一人不肯南城爺爺也聞得這語喜歡延至五月初二日

上竟易之時廷臣大都林于利害無敢異詞間有一二

底柱中流亦無如之何故一時陞職者甚衆致有

滿朝皆太保一節兩尚書之謔已而亦欲權公保

傳之職公固辭不受

○按粵濱史記并吾學編云正統十四年八月十七

上皇北狩二十日

皇太后即已誥立

上皇長子爲皇太子至景泰三年四月廣西都指揮黃

其子領數千人破府城城塌家支解嗣父子

寔中憲後圖時罔僕福童織城子脫走憲司訴

子狀巡撫李公崇發玠罪置徵玠懼遣千戶表洪

奏請易太子疏疏畧曰

太祖百戰而有天下期傳之萬世

上皇輕身禦虜幾喪社稷不有

皇儲未建臣惟人心易搖多言難定

皇上即全天叙之倫誠恐事機叵測語曰天與不取反

受其咎願早留意萬一委愛子於他人寄空名於

大寶極之晚矣

景泰大喜曰萬里外有此忠臣丞下廷臣議且令釋玠

罪陞都督廷臣唯唯皆是黃玠奏遂命禮部消吉

詔立己子御諸見濟焉

皇太子改

上皇皇太子爲沂王先是惟恐大臣不從各

賜金銀圓寶陳公術感

上惠之不可虛遂秉筆草詔有天佑下民作之君實貽

安於四海父有天下傳之子斯本國於萬年句惟

王公直得所賜寶扣案頓足嘆曰此何等大事乃

出鑿夷耶及

上皇復位玠飲藥成齶棺鞭屍子皆伏誅焉

四月獨石馬營等處遇虜失守

朝廷命孫安鎮撫萊威協贊安盛度龍門關且戰且守

入城完復如舊公因上疏言邊務事

上即命下該司行之

○按言行錄云景泰三年四月山西獨石馬營等處

遇虜失守議者欲棄之于公謙曰棄之則不但一

失

失

失

失

失

失

失

失

失

失

失

失

失

府懷來難守京師... 鎮守右叅政葉成... 且戰且守入城... 牛千餘頭... 千官比官中... 務事大... 等官將... 被彼處... 以致軍士... 漢趙充國... 今日守邊... 城充實... 歲月久遠... 上甚偉之... 又按王氏... 家邊費最大... 元始堂板

年譜  
法取敵一鐘... 十石漢趙... 唐韓重華... 百萬緡此... 人以為不可... 行者何試  
元始堂板

六月初四日太夫人解氏八十壽且公偕盧夫人暨  
良臣公稱觴慶下

四年癸酉公年四十歲

六月初六日

上特賜戒慎自持銀印一顆

○按黃公華行實後跋云公立  
朝言動舉止謹重如一所謂即僕射竊視之不失尺  
寸者矣知臣者莫若  
君故特命製戒慎自持銀印以賜禮意何優渥哉

七月十三日再次女生

○按清畧云... 七墓在泉溪

十一月初三日仕公兵部左侍郎翰林院學士兼左

春坊大學士... 嘉議大夫復

贈祖父父各如公官祖母贈淑人母封太淑人妻封淑

人時

年譜  
上知商學士有八表... 故特此以寵異之

○謹按  
制曰國家選用文學侍從之臣必預經筵館閣論思  
之務既昇之以重秩復加之以官僚非徒寵任夫  
賢才實欲有實于裨益此

祖宗以來之令典而有國有家所故同自非心術醇正  
之良學則優長之士曷足以膺是選咨兩兵部左  
侍郎翰林院學士兼左春坊大學士商翰學問既  
通題識明備素著嘉譽為國近臣發跡賢科以至  
事朕成濟顯顯駉駉歷侍從豐遷亞卿並領機要論  
思獻納克展布于才猷講讀訓誨每盡心于格沃  
况嘗除于艱危之務克贊佐于弘濟之功夷險不  
易其心夙夜匪懈其力宜特伸於眷注用弘錫以  
寵綏可特授嘉議大夫兵部左侍郎翰林院學士  
兼左春坊大學士兼經筵官如故於職守始終

元始堂板

一節尚屬賢勞忠教之小心豈願能自以職我命辭

制曰婦人之德如玉在璞人雖見璞而不見玉而其

含輝光離山不能秘故有令德秘行而不得聞於

人然能助相於夫自不容以不著兵部左侍郎即

林院學士兼左春坊大學士商輅之妻安人盧氏

出自名門續于賢士既克勤于相助可無進于顯

榮若命之頌宜從夫貴茲特加封為淑人命服之

制曰夫君子有德思以及其親疎遠之人故使其

世有賢者以任我職朕心膺之職天既降祥以報

其德朕宜推恩以酬乎天烈為大臣之先可無增

秩之寵爾商歌中乃兵部左侍郎翰林院學士兼

左春坊大學士商輅之妻德累仁既盛而弗耀始

謙道慶乃久而益彰天祚于厥家俾世著於其

美致朕承嗣得爾今宜有寵章以酬其德茲特

增秩為大夫左侍郎翰林院學士兼左

春坊大學士服茲恩賜于永也

制曰古者婦人之貴與其夫或因其子與孫蓋非

夫與子孫雖有過德之德首俗之行無所託以表

見于世今朕輔臣有賢祖母育德勵行以成其孫

追貢幽靈可無寵命爾胡氏乃兵部左侍郎翰林

院學士兼左春坊大學士商輅之祖母積德既深

流慶亦遠致朕承嗣爾令孫宜有寵章以旌所

本今特贈爾為淑人命服之榮茲特加封為淑人

制曰朝廷有賢賢之政必能大臣必能親親之心

以嘉孝子故親雖有疾而禮可無贈封夫凡加

恩之無窮故親雖有疾而禮可無贈封夫凡加

近為德義之光爾贈爾即翰林院學士兼左春坊

乃兵部左侍郎翰林院學士兼左春坊大學士商

之父母有四方之志出處千載之展布才

宜政理懷乃德慶及後人後人後人後人後人

年譜

二卷

十一

元始堂板

年譜

二卷

十二

元始堂板

制曰婦人之德如玉在璞人雖見璞而不見玉而其含輝光離山不能秘故有令德秘行而不得聞於人然能助相於夫自不容以不著兵部左侍郎即林院學士兼左春坊大學士商輅之妻安人盧氏出自名門續于賢士既克勤于相助可無進于顯榮若命之頌宜從夫貴茲特加封為淑人命服之

制曰夫君子有德思以及其親疎遠之人故使其世有賢者以任我職朕心膺之職天既降祥以報其德朕宜推恩以酬乎天烈為大臣之先可無增秩之寵爾商歌中乃兵部左侍郎翰林院學士兼左春坊大學士商輅之妻德累仁既盛而弗耀始謙道慶乃久而益彰天祚于厥家俾世著於其美致朕承嗣得爾今宜有寵章以酬其德茲特增秩為大夫左侍郎翰林院學士兼左春坊大學士服茲恩賜于永也

制曰古者婦人之貴與其夫或因其子與孫蓋非夫與子孫雖有過德之德首俗之行無所託以表見于世今朕輔臣有賢祖母育德勵行以成其孫追貢幽靈可無寵命爾胡氏乃兵部左侍郎翰林院學士兼左春坊大學士商輅之祖母積德既深流慶亦遠致朕承嗣爾令孫宜有寵章以旌所本今特贈爾為淑人命服之榮茲特加封為淑人命服之

制曰朝廷有賢賢之政必能大臣必能親親之心以嘉孝子故親雖有疾而禮可無贈封夫凡加恩之無窮故親雖有疾而禮可無贈封夫凡加近為德義之光爾贈爾即翰林院學士兼左春坊乃兵部左侍郎翰林院學士兼左春坊大學士商之父母有四方之志出處千載之展布才宜政理懷乃德慶及後人後人後人後人後人

上從之下戶部施行  
被疏畧云果能令復業豈為不美但恐前項地方及素無產業之家有寧必遺路不願復業者若驅逐嚴迫致失所乞  
勅以畿內順天等八府計一百三十餘州縣併屬空闕地方酌量多寡口散安插及時勸課三五年後生計成立有家可歸有土可懷然後計戶完差度田出賦庶幾得所京師填實豫本安邦善哉於此

又疏言保定伯梁瑤宿師征苗蠻川廣湖貴苦於饋餉乞

命勸歸

又已徵發畿甸諸郡民兵暫禦京城有司遂為必

初民信怨者請悉放歸以全大信

又紫金山馬白洋諸關隘每歲遣探軍更番守備而

近關之軍却赴京操請兩易之便

又臨清總兵楊州參贊及兩直隸屯田官凡增置者

請漸次裁抑

又舊時各學教職多用舊緣薦舉者內多學問膚淺

禮貌雜疎不堪為人師範乞

年譜

元三

元三

元始堂

勅該部將見保來儒士發回本處鄉試照例出身自

教官俱於副榜舉人三十歲以上者選除

上悉來納發該部行之

○按行狀云所疏備邊防守湖監華冗員放民兵以

全德情公舉選以來異才累千餘言俱關

上皆隨之舉道可見一時之君臣相與以有為矣

五年甲戌年四十一歲

二月奉

上命主考會試天下舉人遵

上命中式彭華等三百五十名

○按會試錄序畧云

聖朝做成周廣賢能之典斟酌隋唐以來進士明經

之制三歲一開科取士之法更意行之愈久而益

精以故得人之盛越隋唐而比隆成周焉景泰

五年春復當大比禮部前朝以考試官

上命臣輅往蒞其事及內外執事書選其人充臣

等受命兢惕誠恐智慮弗逮有負

年譜

元三

元三

元始堂

朝廷求賢之盛心誓殫公忠力求報稱而惟我

國家酌古準今羅詩賦之制以經義論策試士必歌

造理精純立言簡切而弗及于經于道者始充中

選崇雅黜浮於斷簡矣今諸士子以科目進其造

理固已精純立言固已簡切于經于道固已弗矣

然所見者官行將奉

三月復奉

上命廷試彭華等三百五十人

五月力救建言禮部郎中童綸監察御史鍾同免

上皇君臨天下十四年是天下之父也

下善受冊封是

上皇之臣也宜率群臣朝見

南宮以敦同氣之至情復

沂王于儲位以定天下之大本云云

上大怒會鍾同亦手疏請朝

南宮復

沂王為皇太子俱縛下錦衣衛獄拷訊不伏復加

格之刑體無完膚俱在瀕死一日朝退

上召公至

文華殿屏去左右問曰章綸這所禮輕議朝廷大

事公對曰章綸所言只是要朝廷依着古先帝王

的道理行恐無別意不必深罪若害了他性命損

了

朝廷體面

上即分付鎮撫司謝通曰將章綸好生問來不許害他

性命公亦謂謝通曰章綸鍾同所言是五理

年譜

二卷

十五

元始堂板

朝廷亦無怪意須善視之於是監守者日敲瓦片

棋子與二人對下常以溫語寬解之是以得免

史之

灰

十八日得一長孫命名汝謙

八月活無辜數千百人

禁柳內侍不得縱勢

○按行狀誌記俱云蘇州寇許良倡白蓮會聚眾

婦比數千百人有司捕之坐以謀為不軌議盡

其地公言所犯雖衆不持寸鐵安為謀逆況之

罰及無辜儼然不可乃白于

上曰止當以盜論斬倡首者足矣餘黨無知宜悉放之

從之因得釋無辜者凡數千百人又一中費被

吉性河南句容復請以錦衣衛旗校若干名從

曰虎可復彰之以翼乎豈不得允而行

十月仲子良臣公考補邑庠生

○按言行錄云景泰甲戌冬十月公仲子良臣公

補邑庠生時年一十八歲

六年乙亥公年四十二歲

八月力救建言南京大理寺少卿廖莊死

○按言行錄云景泰乙亥秋廖莊以上年春雪凍直

諸位事留中今以內艱赴

關給勘合

陛見

上忽念往日疏事命錦衣衛拿午門前杖八十并拿章

綸鍾同各杖一百仍究不已公與監官王誠言曰

天理若該死這等棍不須十下且自古殺諫官者

為不祥

朝廷如此行事我等何願在此王誠入奏

上意乃釋論莊定羗驛丞同收獄中無敢

收斂年三十二綸不灰乃禁錮焉

年譜

二卷

十六

元始堂板

十月十五日季子良輔公生

十九日奉

勅諭編纂宋元通鑑綱目

○謹按

勅曰朕惟古昔帝王盛德大功載諸典謨訓誥誓

之文與夫春秋二百四十二年之事著于九

疇之書足為鑒者不可尚矣朕既夙夜留

然惟惡不情則或鑿成不周顧自周歲一  
于梁唐晉漢周之五代事書于宋文公通鑑綱目  
亦天下後世公論所在不可泯也服當三復有得  
于心獨以宋元所紀未及預茲痛有燕馬等其  
以二代史書參酌備文公通鑑綱目上校通鑑綱目  
共為一書以備觀覽應用編纂官屬仍推勤敏有  
學識者悉具官職姓名以聞夫稽古右文實朕心  
所欲駐命卿等為之其尚精審毋忽故茲

冬不雨雪

上詔春官徧諭群工齋戒卜日祈禱

上即日御齋宮至期招薦翼日彤雲蔽空郊野盡白公譟

瑞雪倡和歌序以紀一時

年譜

卷一

十七

元祐堂板

聖心與天相通焉

○瑞雪倡和歌序

皇上嗣位奉天安民一以誠乃已歲歲冬不雨雪慶形

於言曰農所望者三白一降如吾民何爰  
詔春官徧諭群工齋戒卜日發請天地風雲雷雨暨

山川百神之在祀典者

命太常備置祠具牲牢饗饗香帛以俟

上即日御齋宮引牲自省存誠于念慮致敬于淵默而

命惟謹奔走俯伏昭薦祀事越莫日彤雲蔽空雪大  
降郊野盡白遠近一色

上心悅懌臣民惟慶太常博士高閭信為瑞雪歌一章

皇上以誠格天之盛於時若詔寺若詞林若其官憲若  
門諸法從之臣屬而和之者益衆固亦於時

皇上心與天通見於歲時之際者屢矣姑以乙亥歲言

之先是夏四月其雨至五月  
皇上以早禱地翼日大雨四郊沾足至秋七月雨甚傷

皇上獲禱與晴地翼日雲陰四歛陽光昭晰至是時也

而雪應來豐年之祥慰三農之望自非  
皇上一念之誠通于天地何以致感召之速如是之弗

爽也輅竊以謂天之于君猶父之于子提撕警誨  
常寓於仁愛之中君之于天猶子之于父敬畏祗

栗益嚴于謹呵之日然後天不棄于君君不失愛  
于天而國祚有永壽祿無疆若唐虞三代有道之

世或以風雷或以水旱因天變以省躬益劊身而  
循德者其期效可驗也

皇上中興大業今年平虜東明年平湖南又明年而北  
虜滅又明年而西戎殲凡所以為治轉禍為

福者  
天實佑之亦由  
皇上奉天安民之誠有以致之也

皇上之誠不息  
上天之眷愈厚自今以往兩賜時若年穀屢豐中國

又安四夷賓服太平之瑞莫大于此輅請洗筆大  
書特書為天下  
賀先序此以俟

七年丙子公年四十三歲

四月正色掄薦王翺林聰

○按行狀并言行錄云戶部尚書金濂為事調工部

上命太監與安問公誰可代戶部尚書公舉遼東鎮守

都察院總督兩廣軍務



言會象舉吏部大臣有言王翱等二三人者衆未

應聲給事中徐正曰衆人不應必是做得不得公

色曰王翱等入做不得更有誰人做得衆皆然

之遂定名以進吏科都給事中林聰先因言

皇太子無過不當更易奏請不肯署名改右春坊司直

即公密疏薦於

上言以有用之才置之閑散之地宜加甄別遂得復

都給事中職後聰又忤宰執王公文意會基臣

之本下閣議欲坐聰必辭公曰這等官若害了

後誰肯做好人王公文怒曰先生指要人心公曰

你乃左使殺人王公文怒曰先生批去公

乘筆不辭乃得左遷國子學正而聰則始終莫知

為公所知公亦

絕口不形於言

五月着無太常寺卿侍郎學士兼職如故

年譜 本表 元始堂板

七月疏

請奉還老母

上不允

○按高公毅墓誌云景泰丙子太夫人解氏年已八

十四公與盧夫人孝養雖備極

朝廷恩禮固甚渥然老病日侵思歸愈切公重違母

意具疏請奉以還詞極懇切不減于李密陳茂烈

二公陳情表語

上不許遣中貴諭旨曰母在此豈不好異日若老自當

遣人護送蓋

謂終為老云

上特命有司為治宅第於南薰里

崇文門右

○按彭公時舉為公安墓誌云景泰丙子秋公以

太夫人年益高恩歸之念益切乞假奉還弗得心

每歸不樂盧夫人曰奉姑歸養妻責也君何患

焉今來寒暄不必言矣俟一交春即便啓行公聞

言心緒安未幾

上亦心知公厚重剛介又有八袞老母在堂乃於八月

特命有司為公營造宅第于南薰里

崇文門右居焉蓋不惟聖公仕意且以慰其老母安

養心也又譜畧云景泰七年八月二十六日恭

景廟賜公宅第而家婦蔣氏遂卒於此特業已

知其非吉兆也次年正月果即被經去位

年譜 本表 元始堂板

英宗廢皇帝改元天順丁丑公年四十四歲

正月十四日

景皇帝不豫公具疏同文武百官請立

東宮不允

十七日

上皇復正大位

○按行狀并言行錄備載云景泰八年正月十四日

景廟不豫太監興安請公至

右順門內言曰

上面病重萬幾大事付託何人你與文武大臣急計議

東駕使人心有所歸而億萬一有不諱請  
東駕往南內迎請父子之間自有慶置豈不是願布  
與安喜曰你也說得是且說得婉轉終要這事  
行公即令禮部當有侍即姚公慶及卿公幹陳  
公循等至未敢明言但云今日要問安可速報各  
衙門知道公恐展轉遲悞即馳言曰今日不是問  
安要請立

東駕公慶罔然喜曰這却好胡尚書病在家我便  
令人扶他進來及各衙門到議定寫本封進  
批出不准十六日三鼓在禮部朝房復駕二本議定  
伏

關接進有云  
陛下為  
宣宗章皇帝之子當復立  
宣宗章皇帝之孫即位

東宮助  
元始堂板  
廿一  
羅不及理至十七早石亨章奪門迎請  
進不及理至十七早石亨章奪門迎請

文舉殿首  
召公與高公殿至前再三慰諭曰我在南宮你兩箇  
有忠義無偏倚的心我都知道好生用心辦事我  
要用你又口與你一對講舊的今在何處穀對曰  
是侍講陳之係他做雲南布政朝親來去未遠  
改維新元年公曰年號多恐與前代同者臣等具  
數年號請

陛下自擇  
上曰又曰陳循等不用他公曰陳循歷事  
累朝老成練達

陛下初復大位宜新天下耳目不宜遽有此議

上曰先生說的是遂  
召循等至前令章詔諭百官公隨具數年號以進因  
改景泰八年為天順元年各受命而退自是權姦  
妬忌無繇得觀

天順十九日石亨同張軼張軻揚善口稱有  
旨來閣下看乃是命革故免天下詔陳公循將寫摺  
帖付看亨等欲以已意增減大言曰這次赦書不  
許開條款都要一抹光假如軍職為事充軍等項  
有赦的不赦的都被那款纏住了十分不便公曰  
不開條款前無此例有司亦難以奉行亨又曰文  
職有犯一錢銀子賊的都發充軍我要將天下衛  
所盡行補滿了公曰文職要錢本也可怪但枉法  
賊充軍如需索等則為民已有舊制若要改亦須  
請過

旨來時石亨章編弄成權勢端可畏公視如常辨論  
不已亨佛然不悅遂同徐有貞將揭帖去進行至  
東閣門前亨厲聲云這厮何還這等膽大不依我  
門說除是殺了幾箇總怕他云商略說話雖強還  
也有理執曰前日事見說是他與姚侍即做的亨  
等感公不肯附己即肆詆陷類

上明察終不聽信亨等計不得行乃諷言官再行彈劾  
二十二早亨囑法司云若問那罪不成你們自家  
承當法司畏懼遂煅煉成獄公曰前日請立  
東宮之本是我寫的緣何又有別意御史蕭維禎曰  
你那本寫得好可惜不寫得公曰本在禮部你  
也簽名在上不是今日寫的吊來便見禎曰今日  
之罪有主之者我們也無奈何及問決本進  
上諭亨等曰商賈無罪見說前日請立

東宮也與姚慶好生用心宜從公即日斬少保于  
公謙王公文及者督范公廣太監王誠等于市陰  
以謀迎襄王之坐之也陳公循江公淵俞公士  
悅項公文曜發口外充軍蕭公鐵商公翰王公偉

東宮也與姚慶好生用心宜從公即日斬少保于  
公謙王公文及者督范公廣太監王誠等于市陰  
以謀迎襄王之坐之也陳公循江公淵俞公士  
悅項公文曜發口外充軍蕭公鐵商公翰王公偉

東宮也與姚慶好生用心宜從公即日斬少保于  
公謙王公文及者督范公廣太監王誠等于市陰  
以謀迎襄王之坐之也陳公循江公淵俞公士  
悅項公文曜發口外充軍蕭公鐵商公翰王公偉

等原籍為民陰以知謀故繼坐之也初

上覽公訴本遣太監陳昂

召學士高穀等議穀懼其勢煥但對云商裕為人

公有害之之意幸

上明諭一則曰無罪再則曰宜從寬與故不得已乃於

二月原籍還家

○按行狀云公以除名即爾戒行

上特降旨著吏部取用楊善在旁進言曰

陛下豈可朝令夕改昨日終有

旨着他回今日如何又取

上命逐復遣陳昂論穀等曰商裕可惜不知曾去未

揚善復應聲曰已去了

上曰不知去到那里善曰已過濟寧時公尚在潞河守

皇止知在尚可以辨公曰我歸田里有何不可日又自

明與用辨為

○按彭公時墓表萬公安墓誌俱云初公被誣之時

人多為公危之以為禍在不測獨盧夫人自信曰

吾家未嘗為逆理事天道若無則已有則是非自

明及公去位之日盧夫人不以為戚且以為賀曰

上賜也

十九日

景皇帝崩

○按言行錄云天順丁丑二月朔日

皇太后即已誥諭廢景泰帝仍為初王歸西內至十九

日方薨公在塗聞訃不勝痛悼哀

感飲食哽咽不能下者幾月餘

五月初十日公侍太夫人何孺人及盧夫人抵家

十四日盧夫人四十歲遠近親舊且憫且賀

○按言行錄云自公失位去國還家之後天下災異

屢見在廷大臣咸議

詔取起公惟李文達公賢在東閣多議之以致物論

沸騰及李公賢病亟

皇上帝崩

聖心惓惓雖不見用屢賜重問至成化二年十二月李

公賢卒公即于是月見

召孟夫子所謂行或使之止或尼之豈不信哉

十一月十五日太夫人解氏卒

○按高公毅墓誌楊公守陳執詩序云太夫人抵家

猶在康強入十一月一旦疾作公夙夜侍側不少

手未訣曰我垂暮尚得出享

恩榮及區故廬又得爾夫婦兩人一同在側必且曠

目矣言訖而逝壽八十五公哀毀幾殞又驚又疑

以為吾母適方得歸也而胡遽爾而逝也太夫人

極有賢行仁慈孝敬樂善好施隣之嬰孺孤兒仰

朝廷宮中所賦必曰宜當力圖報稱不然無功而心豈安乎雖少封君公十歲亦後十九年而卒

結封由太安人進太淑人一受

勅贈夫人勅詞見後謹身殿大學士高公教撰碑銘銘曰名公之女德門哲婦篤生賢子為時碩輔位望既崇功業亦著何以致之教由慈母壽過八旬

賜給推恩天之祐受天之祐永錫胤祚詩書承傳雲霄步武福澤瀾漫光昭慶緒

天順二年戊寅公年四十五歲

正月元旦奉太夫人柩于本里泉溪之原與封君仲

壇公合葬焉

卷五

元始堂棟

二月二十二日第四女生

按請畧云公第四女適同郡桐廬姚家宰公贊仲子韶郡守姚璽

四月命工造屋數楹于深洞嶺畔曰仙居書屋

按成化壬寅良臣公書求仙居書屋詩云仙居書屋在淳安縣治東南四十里自此至寒家尚三十餘里其地舊有嶺名深洞嶺之畔路形屈曲若至賜然去村尚遠行人所經頗為冷寂曩者天順二年家宰贊仲中峯構屋數楹以為往來憩息之所命息生三四讀書其中有客過之扁曰仙居書屋致不揣頌

大人先生吟一借重焉邦拒幸甚

仙居之山環抱重疊書屋之上峯益奇壁壘峭潤益深路益險近山頂有一洞居人呼為深洞嶺之

待名以此旁如王笥洞湖讀書之暇攀蘿一登或不知此生之在人世也書屋之側澗泉湧出鑿可受鐘大旱不竭書屋下距溪數丈時聞水聲潺湲書屋前屏幃秀麗四時如展圖畫其間奇藤木多此特大畧耳伏惟覽之嗟夫觀此書曲盡此地形狀當時名公鉅卿或詩或賦至今貽有刊而屋之內立有文教公父子三人儀像奉侍焉

二年己卯公年四十六歲

開闢道途一百里

整飭橋梁二十渡

按黃公舉行實後跋云公知之三年以家居出入途路險峻屈曲崎嶇難行且由清溪進逾文嶺之麓古稱七十二渡水實有四十四渡徒涉之苦公自弱冠即已盟之誓矣今編編開乃究心募工鑿山開道去險就夷其募緣簿悉公自製整飭橋梁出人意表工費甚鉅除士夫捐貲喜助外慮夫

卷六

元始堂棟

人盡出平日所貽佐其費三載績用以成由是文源流無復往昔兼後病涉之艱辛矣至今居民及金衢商賈臨岐輿思寧有極耶

按公手錄文源脩路記云文源在淳安縣南去縣治二十里過港鎮渡安溪又自文洲迤南沂流而進至予家所居芝山四十里又沂流而進至文嶺三十里外四十里溪頭瀾而深經涉者三十里有四內二十五里溪漸狹而淺經涉者三十里對峙而出人行東西麓東行數百步過石崖陡險則折而西行數百步遇石崖如前則又折而東以是級步數多每盛夏驟雨洪水奔至東西相阻往往步莫前行旅病之予少時游邑庠往來之際備

召命承乏

內閣即守朱公暇二守張公界通守劉公永寬先後

經過歸而誠口文源橋路肇修之功固為甚難然

由今觀之高而險者莫若悉改之就甲橋而木者

冒若膏湯之以石此誠利民之事有司之務也遂

募工重加脩治予子良臣時以翰林編脩丁內職

家居作興勸率如霍濼如深渡如石胡梯諸處崖

石壁立巖而未盡者焚之擊之悉底于平文嶺迤

北巖巖石堪推外之青山平水二橋長湖莫支乃

鑄巨石其兩旁中用堅木縱橫架之而屋於其

上以蔽風雨以圖經久於時贊相之者淳邑令張

君純汪君貴也惟文嶺仍舊成化丁酉予蒙

恩致仕復召區通加脩改造二守張恭過訪謂予曰

文嶺之功未畢實吾儕欠事恐可以獨勞因出俸

資非論奇邑諸冠帶義士各以工食來助逾年而

嘗其事及切甲第職侍從故鄉道路未始暫忘下

諒天賜丁丑解官歸田首指背糧命借淨圃召匠

氏量遠近計工備易新脩砌突者去之窪者填之

跌者補之石崖陡峻者鑿而通之關之使寬楚之

使平外四十里或涉十有二內二十五里或涉過

半勢所不能免者悉取巨木架其上以濟文嶺一

山勢極高峻嶺之巔分淳壽二邑界自南嶺而下

地名新橋又十餘里皆壽昌境脩砌之功無異於

前嶺之南橋亭一曰雁生取古人民勞則思思則

慈心生之義也嶺之巔橋亭一曰皆喜謂行旅至

此舍高之難而就下之易皆憂心釋而喜心生也

外四十里有嶺曰深洞林木蔽障山行冷寂樵屋

數椽題曰仙居草亭容過更曰仙居書屋俾淨園

借其使居之以辨時算而屢省也匠以數計者三

十有奇凡三閱寒暑而後訖工所費甚鉅半出勸

募于時樂助者淳壽二邑令劉君廷璜張君瓊義

士翁志常其尤者也已而予蒙

成於是自新橋至港口八十餘里坦然大道嚙卡

之所盟誓於心者庶乎其少酌云爾用書以記

四年庚辰公年四十七歲

六月賑濟貧困

○按行實錄云公自丁丑歸闕與辰歲及六月偶

值大饑公在疾不寧無尤密寐不忘鄉人艱食

之憂且生平不務蓄積病中命長子良臣公出所

遺俸贖不足又剖分酒器若干散惠宗族及鄉隣

之尤近者因而貧困得以全活者甚眾又致書有

司具陳時政是以卸邑成爲之一新而民莫不安焉

八月初九日得第二孫命名汝順

五年辛巳公年四十八歲

四月初六日次兄學二公卒

○按譜畧云學二公為人敦厚不華言不妄談晚年

郡邑每延致飲士夫雅重之生洪武二十七年

甲戌三月十七日

今卒壽六十八

六年壬午公年四十九歲

八月仲子良臣公以書經中式浙江鄉闈第十六名

特年二十六歲

○按言行錄云天順壬午科良臣公以書經應試浙

江鄉闈中式第十六名捷至公與夫人何孺人舉

家不勝

權作

十月二十六日得第三孫命名汝泰

年癸未二月二十五日公逢五十華誕

○按言行錄云公自被誣歸闕數年之內杜門飲  
惟以禮義率鄉人以忠孝訓子孫銀田營產以  
生計慮夫人亦盡出其首飾餘物相成之外此其  
無干涉若將終身焉至於未春遇五十壽且賀送  
詩文者甚盛惟本序訓導羅先生鋪張獨悉錄後  
以誌觀者云

○伏以

天開壽域瓊璣運稟翰之功地產英賢河洛肇權  
衡之化士林胥慶海宇添籌恭惟

元老高大人珪璋令器瑚璉奇才三汲浪一聲雷曾向

禹門而露角五色獅九苞鳳直從翰苑以呈祥作  
聯元作會元作狀元文魁今古為貢士為進士為

元始堂板

元始堂板

學士策策貫天人挺鸞博鶴峙之標懸玉鑑水壺之

質花簪烏帽醉瓊林宴上之春鞭控紫駟搖金水

橋邊之柳錦心鑲口瀉三峽之波濤義膽忠肝此

中流之砥柱簡而無傲寬以有容十年身到鳳皇

池現泓動龍蛇之影幾回晚直金鸞殿班行磁甃

鷲之齊 誥錦迴鸞禁干祖崇平父而禁于母軒

堦窺鶴得其位得其祿而得其名漸以東漸以西

冠蓋仰詩書之族京之南京之比維紳推文辭之

拜心醉群經身通六藝日星鑄袍金孔雀亦應變

殿陛王麒麟才超班馬持衡留蘇鑑開公道之門

落筆起雲煙驚破鬼神之膽贊羨萬化綱紀四方

兼職六卿坐廟堂而論道傳宣萬里使夷虜以來王

龍樓鳳閣九重城令聞如山之重黃金白壁千萬億

○至者何其盛哉層紀五旬鐘扶輿之間氣時

二月慶萬歲之生申冀願十葉之香桃結千年

寶風生孤左星現其南騰彩騰輝瑞色遙臨千

島匪辰雁斗祥光高照于薇垣門迎朱履之三

座列金釵之十二顏似玉鬢似漆道遺物外之神

仙棗如瓜藕如船笑傲壺中之景物紫駝峯出於

翠釜鮮鯉鯉切為銀絲渭北樹江東雲望切下風

之拜南山壽東海福恭懷仰斗之私及取清泉自

愧薄乎云爾叱來白石無言鳥用是哉日月大運

山林小隱鳳翻翩以遠逝精根振而誰知白鹿梓

里之歸為注

楓宸之念謀焉則就白駒重向谷中求浴爾有為用

皇覽撥于初兮祝景福于未艾太公望子久矣載後

車之有期洋水微詞容清阿衡之位海隅斷梗獲

依侍說之舟致竭魯才再拜唐句

元始堂板

林杏枝頭春幾許東風楊柳綠金線竟莫驚香十

葉飛不傳伊呂長庚昂宿森呈祥芝山瑞映

殺垣充股肱元首際明時坐令四海如唐虞憶昔

香爇透千人曉是時英氣摩天地水質風安了

聖聖靈靈凍凍寒騰寒妙選龍頭權高第茫茫宇宙

元始堂板

元始堂板

元始堂板

元始堂板

元始堂板

元始堂板

元始堂板

元始堂板

元始堂板

元始堂板

元始堂板

元始堂板

元始堂板

元始堂板

元始堂板

元始堂板

元始堂板

元始堂板

元始堂板

元始堂板

淳安訓導吉水羅明

八年甲申公年五十一歲

正月十七日

光廟晏駕

二月十八日公聞

遺詔哭賦

太宗睿皇帝詩一律

○按行狀并言行錄云天  
英廟晏駕及遺詔抵縣則二月十八矣公聞知悲

年譜

不卷

三十一

元始堂板

惻哭若喪考此自舍至縣幾百里徒步奔往與從  
莫及哀毀尤甚鄉里見者莫不流涕行次港口已

離舍四十餘里遇邑令賈騰  
黃至遂列香案俯伏溪澗哭臨行禮長號失聲時

友迎候者凡數十人皆感泣揮淚至晚抵縣齋  
學宮因賦哭

英廟詩一律錄示同志以見公之進用實  
上之大恩罷歸山林非

上之本意君臣相得之情於此可見焉耳  
詩云

臨軒策士受  
恩先史館 經筵總纂

復正音承  
天語獎

賜歸無荷  
聖情輝

大恩自愧曾無補

龍取登開已

上德慈望  
禹湖何處是哀號徒有淚如泉

憲宗純皇帝改元成化乙酉公年五十二歲

安守名分

開啓後人

○按言行錄并行狀云  
憲廟即位有詔自天順年間被誣解官者悉令冠帶容

有告於公者公曰冠帶之禁人孰不敬但其以非  
罪去官心獨無愧雖草衣木食任游閭里心暢神

年譜

不卷

三十一

元始堂板

怡無遠不可况受知  
英廟雖屈猶神鳥用是為仍葛巾布袍日惟以開啓後

樂為事於是遠近  
雲集多所造就焉

成化二年丙戌公年五十三歲

三月仲子良臣公登進士第

授翰林院庶吉士

○按言行錄云成化元年乙酉秋良臣公啓行赴春

官會試廬夫人曰爾此行領勉勿進取家事我  
自任併不以勞爾父良臣公領命及今果得登第

中會試九十八名

廷試賜二甲七十六名且選為庶吉士公與廬夫人  
何福人喜甚父子往還書信至今存稿不覺喜私

于形之詞  
 官云父致書男良臣三月初五日得爾會試信  
 報家喜慰自後四月十四日始得  
 廷試會知中二甲預備官士到何其幸也蓋費  
 費四力始得入翰林得從先達而進德業此殆  
 希也  
 新此作是  
 貴飲可也  
 五月初四日書報

七月初六日盧夫人養母何孺人卒  
 ○按言行錄云盧化而戊戌七月六之日盧夫人養  
 母何孺人卒年七十二歲夫人家世傷悼不已  
 本公養母何孺人德性純厚至官山與天津  
 公舍居何孺人德性純厚至官山與天津  
 公舍居何孺人德性純厚至官山與天津  
 公舍居何孺人德性純厚至官山與天津

十二月書報  
 皇上特降旨遣使賜  
 召令復起公隨  
 命赴京  
 ○按言行錄云成化二年丙戌冬十二月荷蒙  
 召公復起前公歸閣會創業於文廟之麓方在安門  
 忽有馬嘶從南來奔入正堂月餘  
 詔至詢其

命下之日乃正馬嘶之時也兆之先見如此又一  
 公江關坐見梅花盛放乃吟詩二首其一云  
 新歲青雲開江南此種號花魁天公有意憐幽  
 將遠傷和到早梅其二云玉骨冰肌不染塵雲霧  
 深處倍精神莫言歲晚無生意南北枝頭總是春  
 二詩詞意隱然自寓果蒙  
 宣召公被  
 命遂辭郡邑起行大小官員各具果酒餞別其中一官  
 敬謹之至誤開陳醋奉飲三杯公醉飲一杯彼始  
 覺是醋隨伏地請罪公曰也喚得何妨量之寬洪  
 多如此及至武林出北關三司文武亦各携果酒  
 送行公立餞約三百餘杯而神色不動禮節愈謹

三年丁亥公年五十四歲  
 正月仲子良臣公  
 除編脩  
 二月公偕盧夫人至京公以野服  
 陸見蒙  
 賜玉帶麒麟服仍復舊職兵部左侍郎太常寺卿兼翰林院學士  
 內閣參預機務公具疏懇辭  
 上不允乃就職  
 ○按言行錄云公初奉  
 詔再起未有倦職之



命至日衆皆謂其難稱職名也及  
陸見公乃方巾綵纒青布圓領自稱原籍為民臣

上曰先生所服何冠帶也公對曰臣為民此乃民服也  
上曰何以言此即命賜王帶一條朝服一襲俾服原

內閣參預密務公具疏謝  
恩懇辭三月初四日奉

聖旨先帝已知有枉朕今擢用爾益懃忠辦事不准所  
辭公乃就職夫以野服入

朝而自稱原籍為民聞  
者皆復謂其妄也

上深嘉采納

年譜 卷三 元始堂板

○按行狀云公應  
召首蹕入事曰勤聖政曰納諫言曰儲養將才曰整

飭邊備曰革冗濫之弊曰設社倉之法曰崇先聖  
之體以配天曰關入德之基以造士皆切時政皆

見采納其崇聖道一欵內言洪武中增董仲舒後  
祀正統中增胡安國蔡沈真德秀等即贈謚俱未

有編乞如前伏勝等封以伯爵則儒道增充斯文  
幸甚即下禮部議封仲舒廣川伯安國建寧伯蔡

沈崇安伯真德  
秀浦城伯馮

賀

五月十四日廬夫人五十歲良臣公良輔公稱觴且  
六月地震公連疏辭職

上皆不允

○按行狀云成化丁亥六月公以四川等處地震上  
疏辭職

上曰卿職居輔導朕方倚托調燮遽乞退閑不允所辭  
公復以天意未回災異未弭再上疏辭

上曰朕知卿性年以非罪罷官特加簡用今何遽疑輒  
求退休宜勉副倚畀所辭不允

七月季子良輔公十三歲奉

旨廢補國子生

四年戊子公年五十五歲

六月二十八日

年譜 卷三 元始堂板

慈懿皇太后崩

詔議葬禮公同二三大臣反覆極言當合葬

裕陵附食

英廟

上從之

○按行狀云  
皇太后錢氏

上嫡母也  
周太后

上生母也時因  
錢太后崩中官更呼亂言錢氏無子不可入陵寢

諸論其言也公隨具辨誣辭職疏言輔導失職乞罷

大行皇帝正位中宮及

美宗廟皇帝正位中宮及

皇太后蓋

先帝全夫婦大倫

皇上念母子深恩天下後世無容議矣今壽終之日

以官當公葬

經護神王當公葬

奏而此萬世不易之理古今通行之通又引漢文帝

上不免後上既言則常與禮節一有失安能使天下後

世無所議夫有出妻之理子無棄母之道詞極

上備重寢

年譜 卷二十七 元好問

母后之志乃不允乃與彭文憲公時姚文敏公奏

奉旨官伏

關以第幾哭不處離繼性內

上必聽其言也公隨具辨誣辭職疏言輔導失職乞罷

聖旨 姓事再不必辨所辭不允又

論 臣曰商輪自居內閣緊有諍言非外人所知朕

以此任用不疑這言的却過其實公再具辭職疏

言精神衰憊才識荒落致來今日之言乞遂平生

之願十七日奉

聖旨 朕用卿不疑何恤人言卿勿再辭二十日又三具

聖諭 不得其實然謂災異由臣所致未必非是况臣哀

乞之辭自知甚明切胃

寵榮實所不忍伏乞即 賜罷歸以應除舊布新之

象然復與在廷大臣講求政務者行之必力不

庸若改之勿吝則庶事備明災變自息萬萬年太

平之機端在於此令義男親齋具奏以

年譜 卷二十八 元好問

周二十三日奉

聖旨 朝廷備舉政務自有次第卿宜速出効用不許故

史 83-125

藥文雅處張黃門與羅一峯倫之議已謝之  
且抑之終南陽之世而後起焉愚謂商文毅之  
舉忘人我曲直休休有容李  
南陽此之無乃有愧多乎

下浣公體失調數日不朝

上遣中使挾御醫診視候問頻頻且多

賜酒果未菜肴當駕官

宣召公扶病至

左順門太監許安等傳

旨入內閣辦事公以前疾未痊復上疏辭

年譜

木表

三九

元始堂

上曰朝廷政事正賴備舉卿宜速出効用不許故違公

視事復

召至

奉天門勉慰至再

十月二十七日

勅兵部左侍郎商輅陞本部尚書兼職如故公上疏

上曰朕以卿輔導有勞特茲陞用不准辭

十一月平涼土賊滿四叛逆

上命都御史項忠往征三月不下咸思再

命將出師公堅不從表幾捷至生擒滿四赴京

上喜甚賜公俘奴一人馬一匹

○按言行錄云平涼土賊滿四叛逆不臣官軍

上命都御史項忠往征三月猶不下物議遂入

形空意不從乃結營營皆危言而兩軍相

心新一二要然後發之去若不殺兩軍相

何時得靜公言曰先生為公言曰先生為公

見但持論危切不可不慮公曰觀項御其公

置保無虞也不出五日當有報者公言曰

口項而來表級安由詳悉賊不足憂表等

日而捷報至又生擒滿四到京群議斬服

敵明審錄得錄云

上尤甚喜賜公成衣八時傳之各一人再各一

奴名馬書送

公曰我

辨此

傳商文毅公

明三元太傅商文毅公年譜卷之三

元孫振倫編 求孫之孫 之旬校

分紀

憲宗純皇帝成化五年己丑公年五十六歲

三月奉

上命廷試費閻等二百五十人

九月詔乞仲子良臣展祭丘隴奉

音可

年譜

卷三

乙

元始堂校

賜楮幣銀寶以歸

○按尚書薛公遠曰兵部尚書兼翰林院學士淳安商公以宏才碩德匡輔治化退食之暇恒念故鄉先隴父違第職在近密未敢言歸乃封章乞以子編甫良臣代行得

允其請戒行有日予惟上之所以待公公之所以忠

上咸盡其道而內翰又能將君父之命歸展桑梓以樹孝思君臣父子之間可謂各

全其美矣予不揣鄙陋庸賦近體一律以贈云

九重天歸謁松楸路幾千征袂暫違清禁直行裝適上

載書船斗南夜靜文星燦雲際秋深鴈影聯好慰相君忠孝念故鄉莫遣父留連

京師

送尚編脩祭祖歸漳安詩  
昭代敷文教名家發俊賢  
君臣千載遇父子一經傳道合魚遊水謨明楫濟川

帝載致治履豐年 經幄陳時政 台階贊化權身依  
紅日近心繫白雲邊 瘳察情徒切論 思任益專貳卽堪

接步萬事足分有石室編磨暇  
金門乞請堅榮膺 丹陛詔暫別 玉堂僊仰荷

重瞳寵深懷具慶憐黃花京國酒白露故鄉船送人  
分袂遷遷馬怯鞭潞河蘭棹疾揚子桂帆懸佩雜

嚴灘雨衣侵繡領煙蘆馨昭孝敬錫福及曾玄子  
弟桃天會門庭鵲駕聯一時惟好集百世慶流延

早整歸  
朝旆何須近郭田人生貴忠孝羨子兩能全

成化五年秋九月九日資德大夫吏部尚書姚夔

年譜

卷三

二

元始堂校

○又  
嚴親若渴采釣衡四望松楸隔九京有子先承歸  
展志無人羨畫遊榮選辭金馬玉堂侶獨上瑣  
雲紅樹 棠蔭春風花正好都門携酒遠相迎

○又  
橋林下 在玉堂故園違別幾星霜心關楸隴蒸  
露遠流 楓浪雨露香南去鴈鴻詩各舉北來  
鴈鷗看同翔春風桂棹還須疾 主春親情孰可  
忘 河東那讓

冬不雪具疏力陳時政之弊

上是其言

○資德大夫尚書兼翰林院學士素庵商公復起序  
天生間世之才本為治平之輔然時用藏固於分

定無所繫其於人心世道實所繫也豈偶然哉  
皆發說方其未遇築巖自如高宗求置左右納  
翰德克底紹綴之休延作數百年書曰天惟統  
命則商實詩曰天命多辟斯之謂也肆我

皇上肇承大統祇保佑命惟圖任舊人惟胥用俊又特  
一起素養商公私載于淳安山中復授兵部左侍郎  
翰林院學士入

內閣同知 經建事公職懸辭至再至三

上命勿或倚生日隆歲餘陞兵部尚書兼職如枋  
命一下自顧之歸紳暨中外士庶凡有知識者莫不

胥慶視悅而樂之如一口蓋公之為人望也久  
矣公世有令德間生賢才天資粹美學行風成當  
矣聖廟精之初公角藝浙屬魁多士再試禮闈魁天下

廷試第一賜進士及第我 朝崇重科目百餘年之  
久三元始公一人遂授翰林脩撰從容館閣事皆

年譜

三

三

毛始堂

老練時攝文穆先生當座未嘗以後進待公繼而  
游涉學精如前侍御學士加燕左春坊大學士更  
量奉至天順紀元公退處于鄉恬寂林壑間聲跡  
屏絕於城府雖故舊貴勢過其地弗獲而將終身  
公今簡自 宸衷遠與殷宗夢賚良弼同一揆實

皇明德萬年無疆之休也當殷君臣惟以相遇為難更  
喻至福而期至於聖教千載之下尚能使人興起

今公感遇不已式欽承匪懈尚期  
聖德符應世治紹興碑此有塔變萬跡發傳此子之

所以望于公迺與論之攸同也刑科都給事中毛  
士庸時所知析余為文以賀余衰朽無似目視感

美矣不以不文辭書為

聖主得賢臣之賀云  
龍飛成化五年歲在己丑夏五月上浣之吉正治上  
卿刑部尚書明陸瑜拜撰

六年庚寅年五十七歲

春禁抑管庄內史侵佔民地免從蘇民之過者

餘家

○按言行錄弄揚公子罷傳云成化庚寅春  
周太后管庄內史侵佔民間地產衆民曰無地亦地

內史亦死因各執罷械逐之內史幾不免悉知  
太后太后大怒欲盡徙蘇民之過者計八十餘家同

太監將本下東閣議公曰自古及今未有凍餒  
太后天子以天下為家何以庄為只有內史侵佔

未行平民百姓敢侵佔官地  
者索還得停而免被邊庭

三月仲子良臣公展祭丘墓還

年譜

三

四

毛始堂

朝復

命

夏屢卻萬貴妃物色

○按言行錄云萬貴妃處昭德宮甚慕公名望一日  
出父像求公贊詞帝帛酒禮以贈公固辭不

不為之贊時又  
再封其弟萬二賚彩段羊酒圖寶賜公公拒不受

二曰  
娘娘慈吉公曰必

聖旨而後可受竟卻之  
萬貴妃意甚不悅

秋深為

皇子遠慮 即弘治 孝廟皇帝也

一○按言行錄云成化庚寅七月初三日巳卯

皇子誕生在廷群臣咸思酬賀公獨以為

方若楚幸而胎竟不墮乃避居安樂堂託病瘖

始得相安全雖既產若或言安知無日後之悔

遂止不行賀禮然而心不能以不慶幸也因賦詩

三章

○其一

聖祖 神宗慶有餘祥開掖掖誕

帝居

○其二

朝來瑞氣滿彤庭宮掖傳宣

年譜

○其三

聖德巍巍契上蒼紅流華渚降祥祥本支繁衍

天潢盛共祝

鴻圖萬世昌

冬譟六元文會詩序

○按序云

六元皆浙士皆浙開辟皆仕於

朝寓於

京師成化庚寅仲冬二日亦會於洗馬橋公從新所

六元謂亞卿范公 家宰姚公從維新楊守 陸先足維

新折簡相招謂恭遇

萬壽聖節行 慶賀禮當得暇至期退自

內閣皆如約而至維新設席具酒殺侍御守隨及陸

進進甚恭至既就坐次序以陸司寇陸公翰維新

鄉舊也主其席遠望豐潔勸酬款洽司寇言曰

六元文會也盛事難逢不可無述家宰遂口占

絕有四十年來六解元之句諸公皆分韻賦詩

俾予序亞卿舉宣德己酉鄉薦至是已四十年故

家宰詩云云然四十年當十四舉解元十四人故

六元者以一時聚會言之其他或外任或家居弗

舉及也夫所為元非必學盡優于人以一時偶然

舉首人或謂為難故異之維新此會非異之也以

名之同也名同而道同道同則文會之設豈徒宴

飲之樂而已哉士君子讀書求道將以行之也科

目行道之階耳焉道之不行科日何賴焉予輩皆

仕有官職二上舍行將聯甲科升朝者六人幸相

與以道自勉為上為德為下為民隨事盡誠力圖

報稱以期無負

國家教育之恩無負科目揀選之功審如是則維新

此會與司寇之所稱謂庶乎無愧矣六人出四卿

亞卿天台家宰與子嚴陵維新守陸守波虞則金

華兄弟解元前此兩浙未有有之自楊氏始人尤

以為

七年辛卯公年五十八歲

冬彗出天田公疏辭職因條時政七事以上

上深然之論曰卿等宜益勉佐理

○按行狀并言行錄俱云成化辛卯十月彗星見于

天田西掃太極北近紫宮上天譴告警懼之意至

夫公具疏辭職因條時政七事上之一曰崇正

道留心聖學毋信異端此條德之本也二曰謹令

必無補四曰慎賞罰則公道昭而治法立五曰

諫諍則下情得以上達而可為長治久安之道  
曰兩官守則事功興起而政可善民可安至於

民為邦國之本七  
命該部清理三營草場使官軍便於收放減退勢

庄田使百姓便於耕作他如各處衛所府州縣官  
巧立名色科歛培壯軍民者重治以法如此則軍

民安生和國永固矣此六者皆儲德之助也凡此  
七事實出輿論言之切若違忤行之必有裨益蓋

天之視聽在民民心感悅然後天意可回吳嬰曰  
君無遠德何患於聖此之謂也凡二千餘言深切

時宜  
上覽深信然之後諭旨曰卿等宜益勉佐理

○嗟夫倫觀我文毅公此一疏其盡心于職業何如  
者乃因此天變

召見於文華殿致有萬歲閣老之訕嗟夫幸吳川樓  
為之言曰尹直云予在內閣時欲請見

三卷  
元始堂

上萬倍吉止之曰往年彭可齋每面見一語不合即  
叩頭爭萬歲不敢盡言今我輩有言托太監轉聞

無不允從勝于面對是謂有理則謂上下交而  
德業成此正理也忠臣所深願也下度而議而托

中官轉聞則人臣之不得已矣乃以為勝于面對  
此豈中正有識之言哉而尹憲齋以為有理何耶

當時萬歲之呼萬實先為之以阿諛者而彭商  
輩弗獲已從之夫豈其本心為阿諛者而彭商

致之再不召見實與宦官相為之而彭商  
坐為所困耳馴致注直用事彭商去而萬安權

寵愈固極內閣重二十年則以附官者而為  
之表裏之效也成化之治所以純萬安注直二

人之罪乎  
斯城名書

八年壬辰公年五十九歲

二月仲子良臣公同考禮部會試天下舉人遵

上命選吳寬等二百五十名南平登第者二人吳珙曾拱辰

三月公奉

上命廷試吳寬等二百五十人復奉

命讓進士題名記

○按記畧曰  
天生賢才以資世用固貴于取之有道尤貴于教之

有素成周三載宿興賢能之制此後世科目之兆  
也然而六德六行六藝已預教于未進用之先是

以賢才之出濟濟其盛風俗之美治道之隆不可  
及已下逮漢唐宋科目無定名人才無定業或以

年譜  
三卷  
元始堂

孝弟賢良舉或以詩賦經義進教之取之之道雖  
未能比美成周而所得豪傑之士亦足以輔成當

世之業功光信史有足徵也洪惟我

列聖相承誕敷文德學校之設偏于天下科目取士一

以經術夫經術者致治之本也古昔聖賢嘉言善  
行具載于經學者誦而求之固將體之于身心而

驗之于事為一旦出由科目舉而措之所以致君  
澤民者在是所以建功立業者在是此我

朝作興人才之道所為有合于成周而非漢唐宋所  
及也

皇上克篤前烈益敷文教求賢圖治宵旰孜孜諸士既

親承簡拔進下顯榮得不自思所以報稱之哉報稱

之道無他亦惟反之于身而加夫踐履篤實之功  
使聖賢言行不徒見于誦說而已如是人將指而

解之曰經術果足以成賢也科目果足以得士也

此則  
邦家之光斯文之慶不然詞雖工而實行無取何心

仰副

聖明求賢之盛心乎宋儒有云通經之士固當終身踐  
言始為不負所學謹誦  
此以記其尚勉之哉

四月十二日

賜公誥命階資政大夫兵部尚書兼翰林院學士又

誥進贈公祖父各如公官祖妣胡氏妣解氏各贈夫

人妻盧氏封夫人仲子良臣公

賜勅階文林郎

年譜

大正卷

九

元始堂板

○繼按

謂曰國家慎簡賢才置諸內閣匪徒代言輔德之是  
任抑亦經治贊化之所資故自學士以進于六卿  
職愈加而任愈篤苟非宏材碩學卓識偉度之士  
曷克副予之屬望哉咨爾兵部尚書兼翰林院學  
士商榷文學優深才麗宏遠早膺魁選歷事

先朝史局詞林聲猷傳著經緯閣勞勩彰彰既被

於獎誼久退安於田里賴朕簡知有素召用弗疑

遂仍長翰之清資特加司馬之重秩而能竭誠匡

弼式副予懷歷歲滋多寅恭匪懈茲懋績可無

異思是用進爾階資政大夫錫之誥命以示旌

於戲陳仁義于前予惟汝望告謀猷于內爾無我

違尚篤爾誥登于至治欽哉

制曰朕聞任舊人與之共政思數所及既為其祖考

之華禮秩攸加必增乃閣門之責所以厚人倫而

出於道教世教而著恩典也爾兵部尚書兼翰林

學士商榷妻封夫人盧氏  
相良人忠以弱勝中恩典以旌爾賢茲特加封

制曰

自古積德之深者必昌其後為國之切者必顯  
其先輝朝延既寵用其子孫因追賚其祖若所以  
廣勸忠之道而弘致治之規也贈嘉議大夫兵部

左侍郎翰林院學士兼左春坊大學士商榷中乃

兵部尚書兼翰林院學士商榷之祖學究諸古德積乃

躬延譽卿和聖慶後商榷為子近爾乃爾賢孫攸厥

所從宜隆恩典茲特贈爾高資政大夫兵部尚

書兼翰林院學士於感積厚發宏理之常也位隆

恩渥朕豈私乎爾此光榮永綏厥胤

制曰

人臣事君以忠國重祿之有源人君使臣以禮  
宜道樂之可本忠厚之道故存激勸之典斯在爾  
贈淑人胡氏乃兵部尚書兼翰林院學士商榷之  
祖母夙膺懿範配君子慶澤弘衍鍾于令孫切

慶勳以見下無慕慕之心上有激勸之道也爾嘉

士商榷乃兵部尚書兼翰林院學士商榷之父脩

德于已施惠及民忠厚表於鄉邦恩義固於姻族

篤生賢子爾用予朝宜勳露恩以彰善處茲特

贈爾高資政大夫兵部尚書兼翰林院學士於

制曰賢才為國家典辭命兼職務講經史以躬成

治功者亦惟承世澤派家訓所致肆慶嘉之命必

及其親所以隆恩典而昭勸教也爾封太淑人解

氏乃兵部尚書兼翰林院學士商榷之母賢明淑

慎虛相成之道子家恭儉慈仁施教訓之德于子

年譜

大正卷

十

元始堂板



肆朕得圖治之佐而爾庸衰特之禁在重本原

間存後茲特進爾爾為夫人故予寵章福爾賢嗣

勅曰翰林居禁密之地始備預國史之司所以備纂

述而公紀微明得失而示勸懲自非博學之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

學之富易克以勝是爾爾翰林館閣之端文

例誤西洋駒詩一章以進

天生駿骨真奇哉貢之遠自西洋來西洋神駒

所致雲霧晦冥初降胎身簇丹砂蹄削玉月鏡

瞳耳批竹追風掣電氣如紅裔夷得此那敢畜當

皇祖御宸極德化覆肩西南國海不揚波風不鳴重譯

聖情怡振驚駭如有意天開自此識龍種駕駘一見

即覺有事備威儀錦繡寶絡光陸離和

營前道恣容與凡馬不許爭馳驅

三月初二日亥時廬夫人以疾卒于官邸

上遣太監費鑰寶香帛往慰

命有司治喪具

遣禮官致祭

十三日疏救民困

上是其言

○按行狀及言行錄傳記具載云遼夫人賓天之時

正天下水旱相仍之日公雖在制中不忘

國事上雖極言人民艱食餓莩在自乞省科歛減力

役寬夏秋之稅弗徵他山澤之利弗禁庶民困

天意前回

天意前回

天意前回

上納其言發戶部  
即便施行

五月二十一日

勅兵部尚書改戶部尚書兼職如初

七月十九日

勅兵部備脚力廢廬夫人喪以歸

勅工部進士何鍾隨二子扶柩至浙江營葬于本縣港

口鎮對河大鳳凰山麓

○按故老父云廬夫人喪柩到杭州北新關布按三  
司大小官員盡皆衣白出武林門行吊禮輒隨二

年譜

孝子過南關至錢塘江  
頭各各致祭一時異之

元始堂

遣浙江等處承宣布政使司右布政使審良

諭祭

○遺檢  
御祭文詞

皇帝遣浙江等處承宣布政使司右布政使審良  
諭祭于兵部尚書兼翰林院學士商輅妻夫人盧氏

曰爾以淑婦歸於賢哲柔儀有光閨闈是則永  
蘋蕪之誠滿難為城之德協相夫子為州  
爾不百於遠處七段卦音東閣良用慎慎厚加  
典用示殊恩錫將給棺歸喪管噴特慈惠祭爾其  
飲取

太子少保吏部尚書彭公時撰墓表

禮部尚書萬公安撰墓誌

翰林院侍講學士尹公直撰詩序

○按墓表畧云廬夫人天資高明識量遠大事舅姑  
以孝相夫子始終一以致治家有法呵叱不聞而  
人咸樂于用命貴而能動儉而好施念外家衰替  
迎養母何孺人終其身喪壘以禮享年五十六六  
初封安人再封淑人三封夫人每歲入覲

兩宮總十有五次皆受彩幣寶塔之賜人尤以為榮  
○按墓誌銘云淑哉夫人來嬪宜城究諸所履曰德  
匪他為婦斯孝為妻斯恒為母克教德局靡成肆  
天監茲錫多胤社生發哀榮無承有幾恬壤之原  
蔚然起墳文以揚之用示後昆

○按言行錄云廬夫人卒于京師將柩歸公亦為  
文榮之文曰爾長名門垂開內訓識趣高明德性  
純粹年方十七來嬪于吾下和妯娌上奉舅姑勤

儉孝教人皆稱賢我逾一載知邑於時不幸遭家  
榜削除職職辭之弗就歸學知邑於時不幸遭家  
中表父兄繼致舉室與我遊危疾屢轉弗率爾  
於是時憂苦易勝再試南宮仍辭一科榮進太學  
三載已過爾奉老姑居寂寥二子一女撫育甚  
勞紡績織維內給食北望天涯奉朝夕我既  
登第拜官翰林爾老姑及母北行數年之間食  
息寢安爾執劬勞異于前已而被誣解官南歸  
重新家業心勞神疲及承

召命借以京我復舊職子亦名成滿期與爾偕老  
百年異日歸老同樂田園云胡一旦棄我而遊肝  
腸摧裂此恨局休嗟爾生存三受

年譜

木主春

元始堂

恩封命服在躬亦既顯榮茲爾云歿  
九重輿輿印便蕃恩尤殊特爾之二子各率婦孫  
扶爾之柩歸壘故林爾柩既還爾依我持我助  
我庇我覆我保爾子孫有隆弗替庶爾之福延于

世世重車石行承跌千春嗚咽流涕情非筆盡  
魂如在豎此哀詞夢寐之間庶或見之 差夫  
公祭夫人此文雖只述一生相與履歷事體而步  
人之賢德畢見矣况重九則祭冬初冬至則祭歲  
暮祥禪則祭其文皆有可述此不能具載夫人之  
賢德畢見矣是以終公之世不復再娶即媵妾亦  
未有置公之為於夫  
婦之誼又何如哉

十一月二十一日奉

勅編纂宋元二代通鑑綱目

○謹按  
勅曰朕惟經史有資於世尚矣雖立言垂訓不  
植綱常淑人心一也我  
皇高祖太宗文皇帝留心經籍嘗表章易書詩春秋

年譜

卷

十五

元始堂板

記及孔曾思孟之書名曰五經四書大全真萬世  
不刊之典未遑及史若有特焉且歷代史書惟生  
文公通鑑綱目詳畧得中可以輔經而行其傳  
有異同差訛者朕已命卿等校正入梓矣願宋元  
二代至今未備卿等宜遵依朱子凡例編纂宋元  
二史俾上接通鑑綱目共為一書以副朕稽古  
文繼述

祖宗之意務求精當毋冗毋畧應用編纂官屬仍推  
成有學識者數員先具職名以聞故諭  
按言行錄云宋元二代史書公於崇泰六年曾  
承

命濟箕因未成書故於成化九年復奉  
勅編之歷四寒暑至  
成化十三年方成

十年甲午公年六十一歲

春三月疏陳弭盜之方

上然之

○按行狀并傳云成化甲午春京城內外盜賊  
公上疏陳弭盜之方乞降  
聖旨榜文一道發都察院遵依榜文各處張掛曉諭令  
賊黨中有能指稱同類姓名并打劫實跡越通政  
司或兵馬司或巡捕官處先行容者即免本身  
罪犯仍給各犯贓物一半充當出首之人官可不  
許生事拘留即放自便  
上深然之依擬及榜文一出而盜果頓息

夏六月仲子良臣公勸發賑濟嚴民

年譜

卷

十六

元始堂板

○按倪公岳誌云成化甲午夏月浙苦於澇而嚴州  
尤甚仲子良臣公適丁內艱在家不忍坐視乃抵  
書安守勸發以食飢者守從之民多全活未幾有  
司以給且亟後抵書巡撫都御史俾得以銀折納  
而民困少甦一時士夫人民莫  
不感激羨賞會謂其有父風焉

冬十一月賈復

聖徽號

○按言行錄并傳誌吾學編云成化甲午冬十一月  
上一日與公在

文華殿議及  
御王監國事公言  
即王實有社稷功當復其帝號  
上心於是不能怒然者矣故未幾遣懷恩至  
內閣會議象莫敢言亦莫能言公獨以為當日學  
其事身履其艱今承

上極而不言何時當言乃備陳其所以當從帝說之  
故詞極切至於決下左右皆泣懷思入奏

勅旨告諭文武百官曰曩者朕叔卿王踐祚難保  
邦莫安宗社亦既有年屬疾彌留之際奸臣貪  
功生事妄與朕議請去

帝覽  
先帝身如柱石深懷悔恨以火抵奸於法不幸上賓未  
及朕正朕嗣大統一紀于茲朕念親親用成先志  
其卿王可仍舊

皇帝之聖謚曰恭仁康定景皇帝 公乃舉手加額贊  
揚曰

皇上此舉真克禘之盛德也  
○羅縉洲曰景康廢易

惡廟不以為憾而乃追成先志復其位號加以美謚即  
年譜 本三卷 元始堂校

二帝三王之盛德無過於此彼藏怒宿怨而志親  
親之恩者不為我  
惡廟之罪  
人哉

十一年乙未公年六十二歲

三月奉

上命廷試王鑿等三百人

○按言行錄云公在當時以三元居相位剛正果決  
名望之隆重朝野注仰非朝夕矣故如天順年間  
不在其位則已一再秉鈞

朝廷必命以廷試斯蓋其第五次焉

四月奉

勅進兼文淵閣大學士

五月委曲疏陳

皇子弘治及

皇太子母紀皇妃

上始召見

皇子命

皇子名

賜公彩緞表裏

年譜 本三卷 元始堂校

皇子母紀皇妃居西內永壽宮

○按言行錄云初  
皇子母紀皇妃每為萬貴妃所忌故雖懷孕託言瘡塊  
另居安樂堂是以既產而

上與萬貴妃皆不及知紀皇妃因而抑鬱成病迨今年  
四月所立萬貴妃所生

皇太子御名祐極患痘疹薨已謚為悼恭太子

皇上方以嗣續為憂而紀皇妃子至是則亦已六齡故  
禁中漸傳西宮有一

皇子然皆憚萬貴妃之忌無敢語者公獨婉轉委曲上  
疏言之疏畧云

皇子聰明斐然

國本攸繫天下歸心重以  
昭德宮殿下保育恩愛喻于已出凡內外群臣以及  
御城士庶之家莫不交口稱贊此誠

宗社無疆之福也但外議皆謂  
皇子之母因病別居久不得見候之人情事體誠為不

願伏望  
勅令就近居住俾得朝夕接見以遂母子之至情愜

朝野之公論雖進萬貴妃口雖書有何不令其早  
知而心實不憚不憚於是遂乃啓

上召見

皇子召見

皇太子召見

皇上無之大喜萬貴妃亦隨具服進賀因未有名  
上手稱內閣禮部會同翰林院具擬不稱

上親名之曰赫權賜公等綉表裏召  
皇太子母紀皇妃亦厚賜之使居西內永壽宮禮數一視

皇妃中外聞之大悅既而文武大臣請立為  
東宮

上命待稍長  
行之

六月二十八日

紀皇妃祖公上疏請以禮贖葬

上從之追封為淑妃

○按言行錄云成化乙未五月  
紀皇妃從居永壽宮六月二十八日遷居永壽宮

謂受萬貴妃勅即有疾是覺於也公居後必有  
言者乃復堪家室實妃故事身雖上書是以得免

封為淑妃此據存焉如禮焉及至

孝廟登極之年母紀氏為

孝穆皇太后別建宮殿安奉一歲五享四時薦新果

一舉為餘項者上無請免

紀皇妃薨逝之由以復不共戴天之讐當時診視太醫  
院使方賢治中吳德等俱直達治下禮部議禮部

覆本請拘萬家親戚眷屬曾經出入宮闈者究問  
萬公安劉公吉皆與萬家通好非一朝夕至是懼

甚私謂尹公直曰我與萬家久不相往來矣直慰  
之曰此事只宜寬宥株連蔓引共與大獄豈

先帝意哉安等喜曰此言是也乃擬占以為外面浮議  
竟已之嗟夫文毅公舉宋李宸妃上疏誠恐其有

此議耳梁非先見之明耶  
○按吾學編曰李文達公賢過曹石巽以行權商文

毅公駱履承壽昭德兩宮順  
以濟險斯實難也誠為至言

七月蒙

上賜御製四季聯環詩及

大明一統志貞觀政要等書公隨讀四季詩四章以進

○按春季詩云  
聖皇御極仁政新幹旋造化回陽春淑氣先從大地至

和風被物資陶鈞不須羯鼓催花發上林已覺生  
意津千紅萬紫匪離刻群芳庶類隨天真四刻遊

樂足歌舞擊壤豈獨稱堯民

○按夏季詩云  
祝融南來日初長火輪迸熾紅旗張暑氣蒸人如

坐無纖絳翻汗誰能當  
聖情孜孜重惻惻仁風及物咸阜昌憶昔武王隆獨著

至今千載名猶彰殿閣生涼爽燭遠清陰灑施巧

四方  
○按秋季詩云

桐槽金井天下秋... 色皎對此可以忘百憂... 腹開誦誦風雲慶會良不偶... 君光壽萬千古功烈豈肯平微休

○按李詩云

往開天氣當嚴久... 欲折小民無... 聖主崇和... 溫詔數下... 逐春轉坐... 八月十三日得第一... 九月奉

上命議重建南京朝天宮

九月奉

上命議重建南京朝天宮

元始宮

元始宮

○勅重建南京朝天宮

太祖高皇帝受... 天明命定與金陵辨... 諸侯奉... 上帝若朝天宮者... 他處觀制度... 太祖所賜者也... 列聖相承... 盡成化... 義李... 吉日告... 上命南京工部... 等項... 九百四十餘... 天

上命南京工部... 等項... 九百四十餘... 天

上命南京工部... 等項... 九百四十餘... 天

上命南京工部... 等項... 九百四十餘... 天

上命南京工部... 等項... 九百四十餘... 天

上命南京工部... 等項... 九百四十餘... 天

上命南京工部... 等項... 九百四十餘... 天

前丹腰之施金碧之飾靡不... 觀等復具疏請紀述

制可命詞林... 事神治民尤莫大於繼志述事我

太祖高皇帝撥亂反正立綱陳紀治民之道固已... 靡不崇飾豈非事神之誠無所往而不存乎恭惟

皇上嗣大歷服燮隆繼述謂南京做王之地位根本所... 百官有司之治

宗社神靈之奉一循舊制朝朝天為宮大禮伊始... 庶具賤可使鞠為元礫而弗加與建乎書曰靈

于旅克越用德惟典神天中膺曰夫孝者善... 之志善述人之事於我

列聖見之矣臣... 太祖實天生德執符御曆肇建都邑都邑翼異四方取

則官有恒所民有定室紀綱法度... 亦廟乃崇

社稷祀事孔嚴誠敬靡敢... 所依朝儀是習鬱攸肆... 皇上善繼善述爰詔春官與俊... 式工蘇村良人樂起伎... 丹暖問以金碧美哉命... 上帝居歆人心悅懌祚我

皇明永永

十月仲子良臣公服闋赴

編脩

十一月疏請立

十一月疏請立

十一月疏請立

十一月疏請立

十一月疏請立

東宮

上命讓誥文一道立

皇子為

皇太子隨進表稱賀象

賜白金彩緞

○謹按

誥曰若昔大猷繼天垂統必立儲貳以隆萬世之業以繫四維之心朕丕緒全緒寅奉神器遵

祖宗之成法帝王之弘用建元良以正國本咨爾皇子恭天寶粹美日表冠奇體備温良性全仁孝幼儀可象主

年譜

本主卷

廿三

元始堂

宜歸今時授以勅寶立為皇太子正位東宮慎乃德惟忠惟孝致汝止惟幾惟廉惟誠與敬足以昭

民惟儉惟勤克以廣學惟親正直遠諛佞斯禁可大惟戒逸慈崇節儉則福愈久用服膺我明訓以

宗廟社稷延國家萬萬年之慶爾惟欽哉

十二年丙申公年六十三歲

二月十二日

勅戶部尚書翰林院學士兼文淵閣大學士商輅陞

太子少保改吏部尚書兼職如故復

賜冠帶金織麒麟一品服

七月黑青見公跪時政八事以奏

上悉嘉納

○按言行錄行狀并載云黑青者一物黑而小速速

黑氣一片而來金睛脣尾其疾如風雖窗室亦無不至至則人皆昏迷被傷出黃水徧城驚擾公

因上疏言天仁愛人君莫大於朕災變以謹告之尤莫大於

出妖孽以警懼之今妖物頻興豈非天心仁愛我

皇上之至故屢屢假此謹告示警實欲濟斯世於平康

之域也往因災變文武群臣嘗舉政事當與當幸者上達矣荷蒙

允納而行之者有之暫從而後寢者有之茲妖物之

見寧不有在乎

皇上帝洞知此異以為上天示警恐懼備省不違自寧誠可謂謹於事天者

矣復條具時政八事以獻一謂財用為軍國之仰給不可不節如番僧國師不得重給符券則財不

妄耗矣二謂玩好為伐德之斧斤不可不慎如四方常貢外不受異物則遠人自格矣三謂官路之

關為通達下情也諸色人等許直言自違者聽

允不議者亦不加罪四謂刑罰之設以誅有罪也

分遣部使審囚以理冤抑務使情真罪當而輕重

適中五謂停不急營造役不以時則民不堪生一

怨讟之聲于是乎興除城樓垣域所當建外餘事

停止六謂實三邊軍儲糧餉不足則軍無所恃而

戰陳之勇于是乎墜務充實邊備不致臨期候事

七謂守沿邊關隘益開口之立所以禦外侮也逐

無越撫必增置大臣一員為之鎮守凡此八條

聖明承納施行則妖孽無不殄滅人心無不安靜矣凡

上是其言悉嘉納焉

復疏毀玉皇祠

○按行狀言行錄并載云成化丙申秋七月

皇上為此無非上為 母后祝暨下為生民祈福用

皇保安 安社于萬壽年之久

皇上敬天動民之盛心人所共知但稽之于古未為今

年譜

卷五

元始堂探

元始堂探

欲頌頌則擾亂皆非所以交神明之道也况曰

天者至尊無對尤非若他神明也而王皇即天神也

聖明特前項神祠傳運神像通官觀瞻奉祭服祭祀樂

聖節等項備齋悉照舊例施行勿為變賣

天心昭監可以受災為祥而

宗社為萬年無疆之慶端在是矣

又跪停取起運松杉等木

○按言行錄云成化丙申秋七月工部以蓋造

內外官員前往浙江湖廣等處起運抽分前

十一月二十五日得第二曾孫命名承德

成化十三年丁酉公年六十四歲

三月跪拜汪直罷西廠刺事

○按言行錄云成化丁酉正月

年譜

卷六

元始堂探

元始堂探

禮部直年小便點乃命選錦衣衛官百餘人

至三月積怨無比大肆羅織權傾中外無敢言者

公獨上疏斥之獲條其十罪上之界曰近日同察

太繁政令太急刑網太密蓋緣委職斷於汪直之

一人而直又寄耳目於群小如常瑛者自言親承

密旨得專手奪之柄擅作威福張聲勢其間同惡

致人心洶洶各懷疑畏使大小臣工不安於職商

世宗之成憲勿屑屑于改易



杜濫受於他門責政事於府部付刑獄於法司收  
回伺察之人誅逐奸邪之輩其有謀逆奸細貪  
壞法重情悉依舊規委任歷練老成之人管理則  
諛言不入于耳足以順情而養神苛政不加於下  
足以安邦而定國延

聖壽於萬年保  
皇圖於不拔其端皆在於此不然此風日長衆口嗷嗷  
國之安危未可知矣因條直十罪以聞

上覽疏惠曰用一內臣馬得繫國安危令太監懷恩傳  
旨詰責甚厲公正色曰朝臣無大小有罪皆請  
旨收問渠敢擅抄札三品以上京官大同宣府北門  
鎖鑰不可一日缺人守者渠敢一日捨械數人南

京  
祖宗根本重地留守大臣渠敢擅自收捕諸近侍渠敢  
擅自換易此人不黜國家危乎安乎懷恩聞之咋  
舌而退入奏

年譜

三卷

廿七

元始堂板

上立命撤去西殿尋後常英亦坐誣緝妖言斬于市人  
咸快之然

○朝廷雖安而公位始不安矣

○按劉翊亦言云西殿者以別東殿也東殿之設實  
自建立北京之初專為緝訪謀逆妖言大姦大惡  
等事一時權宜因而未革今增西殿原非舊制伏  
乞革罷以  
安人心

四月編纂宋元通鑑綱目書成謹表以進

○進續宋元資治通鑑綱目表

臣結誠惶誠恐稽首頓首上言伏以經以載道關  
萬世之文明史以輔經昭累朝之鑒戒東魯至聖  
刪述于前考亭大儒祖述于後此春秋為經中之  
史而綱目實史中之經嗣是以來諸家並作著宋  
史者訖無定論撰元書者罔有折衷或難於遼金

而昧正統之歸或成於草率而失繁簡之制或  
善惡惡之靡實或是非非之弗公况其前後  
語于奪筆張家說紛紜卒未有能會于一者是誠  
有待于今日也 天啓

皇明 景運我  
太宗文皇帝 崇儒重道稽古右文既表章乎經書術士

皇 聖神文武 重華協  
帝於 五福錫民建用惟皇之極 咨詢

帝 經筵謂經史重訓雖殊道並行而不  
悖綱目備傳而作詞愈約而益精爰因書法圖異

命 賜諸廷臣 嘉惠及于萬年 文命

命 九重之詔俾續二代之編  
之疑嘗有儒臣校讎之

年譜

三卷

廿八

元始堂板

尚方稱備一家史官公於遴選搜羅剔抉存其信而  
傳其疑論討研詳其大而畧其細惟趙宋自建  
隆之創業積而為慶曆之昇平迨熙寧之紛更馴  
以致靖康之禍亂比偏安于江左竟訖錄于海南

其中命令之施紀綱之布國體安危之繫民生休  
戚之關大書特書咸據往牒正例變例悉本成規

被契丹自鮮卑女直起于渤海皆以禁黠之勇  
割據于隣壤亦為棟據其事附見乎當日若胡元

之主中華九世運之丁極否冠履倒置天地應宜  
三綱既淪九法亦散第已成混一之勢矧復衍七

八之傳故不得已大書其年亦未嘗無外夷之意  
末紀

天兵之征討實彰 帝 崇之輝煌泯掃腥羶之風  
禮樂之俗禮 三年見方之伐虜加六月備化之

太祖高皇帝再開乾坤肇脩人紀巍巍功德高五帝而

此

冠百王者也臣等才不足以致細楷之宜學不足以致古今之變仰承 隆命愧乏良史之三長俯竭微勞已見星霜之再易總以四百餘年之事萃成七十二卷之書上徹 經緯少塵 睿覽伏望 正大綱舉萬日隆世道于亨嘉 興教化淑人心保 鴻圖于悠久臣等無任瞻 天仰 聖激切屏營 之至

初八日奉

勅着兼謹身殿大學士

五月十四日廬夫人六秩陰壽

年譜

三卷

廿九

元祐堂板

○按言行錄云成化丁酉五月十四日適廬夫人六十陰壽公為文以祭祭畢而悼惜撫恤者久之因感決意休致矣二子則皆衣癩不已

六月疾作至二十一日上疏願乞休致

○按疏畧曰臣以遭此廢棄之人類 皇上察臣非辜起臣於獄獄之中仍置臣於宥容之地 臣雖至愚豈不知感是以朝夕思念寢食不安誓 殫犬馬之勞與効涓埃之報奈才力淺薄學識荒 疏在每十年曾無寸補每自循省不覺汗顏邇來 年紀寔加筋力愈衰眼目昏花肌體羸瘦兼以右 手先因閃挫不時痛發雖在日逐力疾朝參勉強 供職譬之嬰兒學走終非自然深自維念不可久 冒寵榮妨礙賢路伏望 皇上俯賜矜憫容臣歸保餘年則

皇上俯賜矜憫容臣歸保餘年則

君臣始終水 義至矣

二十二日欽奉

聖旨卿歷練老成朕方倚任但自陳衰朽力求退休特茲 俞允以遂優閑陞少保還寓勅給驛與他回去該衙 門知道欽此

門知道欽此

二十四日復上疏辭少保職

○按疏畧曰日本以庸愚退處山林自分與草木同朽屬 皇上斷自 宸衷召臣擔任重視 日月之光再霽雨 露之恩

皇上生感實報于萬分之一奈老病侵尋自 聖明容臣歸老已為萬幸獲蒙陞 少保豈堪滋瀆伏 望 聖旨命臣仍舊官致仕將日與田夫野老歸 太平以終餘年則 皇恩未死之日皆 陛下所 恩報 恩何能已乎

二十五日奉

二十七

聖旨卿輔導有年今乞休致特陞前職不允所辭

上遣中貴齎勅書一道并白金寶鏡金織製衣等物往送

于第

○謹按  
少保兼史部尚書護身殿大學士商翰卿始以

文學才識歷事  
先朝綸閣經懽成著勞劬後被累退居十有餘年連

致非召復舊任賴以啓沃資以佐理顧委託之方

崇階仍燕兩秩弄賜白金楮幣金織製衣及給驛

舟以暇躬歸厥古君人優老之禮也惟古老臣去

國倦倦不忘志報之義卿歸豈徒日與親戚故舊

務樂樂叙契濶而已嘗為卿講子弟師法陶成人

才為郡邑有司諮慮長養黎庶斯亦忠報之大端

其于依老成不忘之義夫何愧焉故勒

七月朔二日入

年譜  
入卷  
三  
元始堂棟

朝謝  
恩

陛辭

上復錫宴于文華殿出即戒行公侯伯卿大夫士祖饗

門外宿城南崇恩觀

上遣中使問安者二

○按言行錄云公蒙  
朝廷容令致仕仲子良臣公亦欲辭官歸養公不暇

曰子將老矣故歸以終吾餘年爾正在強仕之  
宜竭力以圖報稱亦可言歸於是良臣公惟道三

子汝德時二十四歲汝順時十八歲汝恭時十  
歲隨公歸且勉以奉養之誠公心始安濟行在  
文武百官莫不奔走祖餞都門外車馬塞衢行者  
莫能過市非小人亦謂罕見漢美不已館閣僚屬  
次第賦詩道別咸欲絕其榮名感福非人所及比  
之漢疏席焉是夕宿城南崇恩觀復出問安者絡  
繹不絕

上遣中使問安者二次內閣萬公安西劉公古東劉公  
羽俱至即留飲各命子孫巡勸萬公拱手曰先生  
歸矣生等無所宗願留一言以教公曰吾平生不  
喜妄殺人耳別無他能諸公立朝當言則言當行  
則行毋似區區因循過日也劉公言辭酒於地曰  
吉侍先生日久果未曾見先生筆下安殺一人子  
孫濟濟多賢此其報乎酒殘燈起各各揮淚而別  
○送少保商先生致仕還淳安詩序  
天生一代非常之士其于出處進退屈伸顯晦常

若有意嘿相其間使名完志遂其忠可以貫乎金  
石而弗渝其心可以質諸鬼神而無愧其功業足  
以昭乎簡冊而無窮若今少保吏部尚書兼謹身  
殿大學士素養商先生是已先生以僚邁之才博  
厚之德純正之學自發解解關已負公輔之望而  
困于太學者十年非抑之也養吾道也已而會武  
致試皆第一益自  
國朝設科以來三登首選先生一人而已入翰林為  
脩撰不三四載召居內閣預察密務非用之驟也  
顯吾道也凡所以啓沃

君心彌縫時政有外人不及知而  
朝廷獨知之者先生之功居多蓋自承樂以後翰林  
儒臣黑頭柄用一人而已尋為權奸所誣養恬林  
下者又十年先生處之泰然無復用世意  
先帝洞知其枉欽用之弗果  
上即位首膺召用先生忠義之始大白於天下

聖人力哉天相之也先生感涕知遇誓以身報知無不言而禍福利鈍有所不計今年上疏

老辭 上眷留之弗可特從其請加陞少保

錫之寶書賞賚優渥給驛以行 朝士大夫咸有眷戀之意山林常布之士聞之莫不

高其節去之日送者塞途無間老雅疎戚皆嘆息其賢蓋自宰執大臣以老致仕始終全節如先生

者古今天下一人而已先生有丈夫子二長懋衡由進士擢官編脩文學罷職綽有父風孫魯滿前

森然玉樹桑榆晚景何樂如之先生後何求于世哉而天之厚于先生者又未可量也獻從先生最

久辱愛最深因其行特述其得于天者以叙于諸贈言之首而因嘆夫天下之士固有抱忠義而弗

獲見知于天人以自沉晦于寂寞之濱者何可勝數於乎其亦有可感也夫其將有以自慰也夫

上諸 元始堂 成化十三年丁酉孟秋朔旦 中順大夫詹事府少詹事兼翰林院學士門生王獻書

○詩 垂展經綸佐 聖猷 德隆望重古伊周三元名譽誰能並一代文章世罕倚玉帶緋袍歸故里黃麻紫誥出神州古來疏傳今重見名遂功成羨退休 鳳陽趙輔

○又 父登黃閣佐 飛龍 華夏咸瞻翊戴功八柱擎天一變足三元冠世萬人雄引羊解組辭 中禁 優詔榮歸賜上公只恐蒼生要霖雨不容閑臥越山東 維揚蔣琬

○又 紅日中天萬國興功成一旦奉身歸三元及第今世

似一品選卿古亦稀松栢巖寒舍晚翠桑榆兩散晴暉門庭桃李知多少臨別依依不忍竟 瓊山丘濬

○又 聖朝科第百年中三魁魁倫獨見公金鼎調元春似海

玉堂揮翰氣如虹成功花叢身還退謝事桓榮爵倍隆多少都門送行者仰看家廟一冥鴻 西明楊守世

○又 先生 當代濟川舟勇退如何自急流黃閣

兩朝匡主績赤心一片為民憂若邦伴使還相問洛社若英謨共遊最是鳳毛傳世美翩翩又在 王埠頭

○又 重扶 日執上晴空仕路成瞻位望崇九有人歸梅鼎內幾

多才入藥籠中賢科况著三元譽詞苑真成一代雄池鳳輝輝毛五色傑時瓊傳未能同 太原周經

○又 半世衣冠秘殿東累 朝憂國此心同科名事業王丞相壽考兒孫亦令公 優老有 恩備玉帶到家無處不晴風芝山回首 紅雲近 徵召還應在眼中 新喻傅淦

八月十四日得第四孫命名汝晉

○按譜畧云汝晉公良輔公之長子公之第四孫正德十年乙亥授興府引禮舍人兄弟共六人升庠生入國學新城縣簿汝恒益府典膳汝孚汝澂俱即卒生汝

○又

○又

○又

十月公携諸孫抵家畫錦光榮優游閨里

○按言行錄云成化丁酉十月五日公與三孫汝  
謙汝順汝泰方纔抵家日以誦詠太平為事得遊  
林壑之樂鄉人族象有相迎者至期輒赴無俟再  
請有慕公名求詩文者援筆遂書不俟終日公之  
平易近人  
類如此

十四年戊戌公年六十五歲

建造

御書樓

開鑿養蓮池

年譜

三卷

三五

元始堂

○按行狀云公歸次年春二月去家百步外命工  
樓屋數楹扁曰怡老堂以為藏備之所其樓則名

御書樓此

三朝所錫聖書誥勅圖籍畫鈔之類咸度其中日具  
酒蔬飯以延親友故舊或至夜分連且不寐並無  
惰容倦色又引水為池植蓮數本遇盛開則携孫  
曾往賞之

按良臣公書求怡老堂詩云寒家居淳安芝山下  
數百年于茲先世啟廬具存家尊近于前溪狀之  
坊左建樓屋數楹以藏

景朝  
池邊蔬畦菊圃松竹交映客至相與觴咏廣和  
樂扁曰怡老堂蓋家尊荷 朝廷寵用又蒙  
賜詔歸老林下仰戴  
天子浩蕩之恩真發名言惟優許也景以歌求之

不肖敢求  
大人先生佳章寄歸倘沐 愷賜珠玉不勝至幸

十五年己亥公年六十六歲

三月仲子良臣公進講

經筵

○按倪公岳誌云良臣公由丙戌入翰林經今十餘  
年每遇瑞陽重九節等諸大臣於  
內廷宣賜牙扇虎符壽縷  
諸物良臣公皆預焉

七月長孫汝謙

旨許蔭補國子生

年譜

三卷

三六

元始堂

十六年庚子公年六十七歲

五月與新安黃生叙契闊

○按黃公華三生錄云新安黃生華字秀夫廷試後  
改實夫年十七慕公文章負笈相從晝夜汲汲能  
弗懈于功至二十二輒領應天鄉薦及成化庚子  
夏五月赴明年春開過公言別公留款與言曰士  
之仕也所以行其義也出處去就士君子立身大  
節不可不謹古昔聖賢用之則行舍之則藏學聖  
賢者舍此更學何事至夜分又思念盧夫人蚤  
歲若心勞志泰姑育子男女婚嫁具有節約惜乎  
今不在矣華對曰此榮顯念艱難意也今以華觀  
懋德先生與德霖先生兄弟怡愉居家不較尺寸  
此真足為世徵又孫曾種種學業文皆有成效  
矣非先生一念之積所致公雅然曰誠如法言所

事曰即今歲用始見後容無復日前之窘迫也  
曰先生每言家則不足嘗對人言人非之信今  
生幸為地言豈無謂耶公笑曰天順年來家居  
事性山雖水今幸其成耳特於相相道之古  
人云一年之計種穀十年之計種木百年之計種  
德豈不信然比黃生行因製五言近體一律贈之  
詩云

遠道相從日 雲梯穩步時 事成應有志  
天道復奚私 獻策登金榜 居官侍玉墀  
平生忠與孝 此去足施為

### 十七年辛丑公年六十八歲 二月致書上司擒捕大盜

年譜

三月

三七

元始堂板

○按書卷云歸田商輅再拜書奉  
分巡高大人 執事 嚴州地瘠民淳無難金匱如  
遠素無強盜雖住年節歲七乘宗留等機標已甚  
而此獨晏然不意去歲三次大盜寇劫本府所屬  
唐宋項三大家人心驚疑擬移避歷各數月不  
太平之世豈宜有此究其所以蓋因防之不豫而  
擒之不力唐宋之賊不盡擒捕致有宋家之禍定  
家之賊不盡擒捕致有項家之禍若項家之賊又  
不作速捕絕將來之禍何可勝言如謂姑且容  
待其改過則強盜無改過之理如謂慮有變則  
激變不係於此夫所謂激變者謂令不嚴統率非  
人官軍民快縱放真盜妄及平民需財物騷擾  
地方此乃激變耳近聞  
上司差委淳安主簿前往慶州等府擒捕強盜何異  
驅羊捕鼠不誠其否亦幸矣何者地方非  
其所屬人民不相統攝彼親管所司又未免有

言賊事者官卑力寡莫以屬之以此捕捕難矣  
果緝訪供招已得為

上司者可坐而致之何難之云蒙

恩致仕欽承

勅諭卿歸當為有司諮處長養黎庶欽此欽遵日

同寅諸公計度而行則  
軍民幸甚地方幸甚

仲子良臣公復同考禮部會試天下舉人遵

上命選趙寬等三司名新安黃萃亦預第

○按少參黃公華三生錄載公書稿云輅致書  
秀夫賢友是下聯得信知登名第甲不負所志誠  
可喜矣且歸堂網紀之司規矩森然觀政于此  
以廣智識行檢又可喜矣但世之科舉士多

年譜

三月

三七

元始堂板

口卑切章之習所誤而於存心養性之功忽焉  
以應政之書行背馳而無遠大之業蓋有由也  
足下聰明落素有遠志自今宜益求之于內以  
古賢人君子自期視榮華富貴一切身外之物無  
家心則則來所就詎可量乎區區守田園  
安食息無可言者固便姑七達意惟冀亮之  
成化十七年八  
月初六日書

七月仲子良臣公隆侍

講

○賀懋衡商先生隆侍講序

士君子講書抱用時志其所願在遠逢  
明拜美官居要地以展其所抱負以樹勳業以垂  
名于天下後世也然居中所不外補又人情所

朝... 天下後世大計諸制作論議皆出其手筆

經廷近... 天子道德之尤一切有司諸職務舉無所涉世稱其地

為玉堂謂居者曰登瀛洲皆貴之之意

得佔一足于其中莫不以為慶幸所以為人之

欲也非才行之出群輩問學之通古今人足

其也者不可得而一全其難矣哉予卿也懋

先生自少穎秀承家學繼甲科初被選翰林為

吉士雖編備今進秋侍... 禮閣

廷試皆第一擢翰林侍講累官至... 太子少保尚書兼學士掌

內閣... 二十載先生出而回朝居翰林

上載餘公未及引年乞退休

生進今秩人... 翰林欲慕未置諸口矣

朝諸大夫士咸以有光手卿即相率舉賀禮矣謂

亦卿人齒稍長以瞻言見囑先生所居何地予

人敢當此哉然命不容虛辱因試言之昔周家

山甫申伯之生本諸維... 歌歌至今

炙人口今先生父子相次而出豈無自耶予淳

為嚴之屬邑嚴居浙... 山重嶺後

環峙森聳起伏盤旋... 狀在在

真奇觀也每所夕大江之潮自東北上勢若奔... 峯聲撼天地抵嚴而止似有神司亦罕異哉

聖明... 化通... 不出于山川窮秀補父所鍾生此

奇才以濟世用也... 見其難哉公此出

列聖... 大... 大... 昭

天子... 文正先生... 約忠之地

又... 以... 之... 先生之... 所... 所... 所...

明... 化通... 不出于山川窮秀補父所鍾生此

奇才以濟世用也... 見其難哉公此出

列聖... 大... 大... 昭

天子... 文正先生... 約忠之地

又... 以... 之... 先生之... 所... 所... 所...

君心... 治化之原... 精神感物之機... 所在

君心... 治化之原... 精神感物之機... 所在

君心... 治化之原... 精神感物之機... 所在

君心... 治化之原... 精神感物之機... 所在

君心... 治化之原... 精神感物之機... 所在

君心... 治化之原... 精神感物之機... 所在

君心... 治化之原... 精神感物之機... 所在

君心... 治化之原... 精神感物之機... 所在

君心... 治化之原... 精神感物之機... 所在

君心... 治化之原... 精神感物之機... 所在

君心... 治化之原... 精神感物之機... 所在

君心... 治化之原... 精神感物之機... 所在

君心... 治化之原... 精神感物之機... 所在

又墓間有風也公得書消吉故墓... 多方構... 則有馬... 邑南進... 遣使進... 上復差... 日淋滿... 土色又... 我以拜... 聖節後... 勢正在... 花尖峯... 甲申搭... 壙三十... 入壙前... 衆口稱... 耕轉放... 深半尺... 鋤不能... 無可成... 田二畝... 吳鳳鳴... 却是姨... 我也初... 日書付... 解二女... 十八年... 正月仲... 命內館... 大傳商... 文毅公... 年譜卷... 之三終

多方構... 則有馬... 邑南進... 遣使進... 上復差... 日淋滿... 土色又... 我以拜... 聖節後... 勢正在... 花尖峯... 甲申搭... 壙三十... 入壙前... 衆口稱... 耕轉放... 深半尺... 鋤不能... 無可成... 田二畝... 吳鳳鳴... 却是姨... 我也初... 日書付... 解二女... 十八年... 正月仲... 命內館... 大傳商... 文毅公... 年譜卷... 之三終

聖節後... 勢正在... 花尖峯... 甲申搭... 壙三十... 入壙前... 衆口稱... 耕轉放... 深半尺... 鋤不能... 無可成... 田二畝... 吳鳳鳴... 却是姨... 我也初... 日書付... 解二女... 十八年... 正月仲... 命內館... 大傳商... 文毅公... 年譜卷... 之三終

勢正在... 花尖峯... 甲申搭... 壙三十... 入壙前... 衆口稱... 耕轉放... 深半尺... 鋤不能... 無可成... 田二畝... 吳鳳鳴... 却是姨... 我也初... 日書付... 解二女... 十八年... 正月仲... 命內館... 大傳商... 文毅公... 年譜卷... 之三終

花尖峯... 甲申搭... 壙三十... 入壙前... 衆口稱... 耕轉放... 深半尺... 鋤不能... 無可成... 田二畝... 吳鳳鳴... 却是姨... 我也初... 日書付... 解二女... 十八年... 正月仲... 命內館... 大傳商... 文毅公... 年譜卷... 之三終

甲申搭... 壙三十... 入壙前... 衆口稱... 耕轉放... 深半尺... 鋤不能... 無可成... 田二畝... 吳鳳鳴... 却是姨... 我也初... 日書付... 解二女... 十八年... 正月仲... 命內館... 大傳商... 文毅公... 年譜卷... 之三終

壙三十... 入壙前... 衆口稱... 耕轉放... 深半尺... 鋤不能... 無可成... 田二畝... 吳鳳鳴... 却是姨... 我也初... 日書付... 解二女... 十八年... 正月仲... 命內館... 大傳商... 文毅公... 年譜卷... 之三終

入壙前... 衆口稱... 耕轉放... 深半尺... 鋤不能... 無可成... 田二畝... 吳鳳鳴... 却是姨... 我也初... 日書付... 解二女... 十八年... 正月仲... 命內館... 大傳商... 文毅公... 年譜卷... 之三終

四月送門生黃蔭亭金魁

○贈黃進士出宰金魁亭... 新安黃生華實夫舉成化辛丑進士... 幾檢江右金魁亭... 科日之英也... 若甚易然... 敏敢不視... 重可也我... 國家取士... 才責以非... 至今百有... 聖聖相承... 令自常情... 天下之治... 行矣彼郡... 朝廷焉皆... 明甚矣乎... 治人之術... 法曰清慎... 之捷徑者... 養即達之... 為播政善... 以期造乎... 邑而佳聲... 良驥之足... 其行也不... 不風夜以... 成化十八... 謹身殿八... 大傳商文... 毅公年譜... 卷之三終

新安黃生... 幾檢江右... 科日之英... 若甚易然... 敏敢不視... 重可也我... 國家取士... 才責以非... 至今百有... 聖聖相承... 令自常情... 天下之治... 行矣彼郡... 朝廷焉皆... 明甚矣乎... 治人之術... 法曰清慎... 之捷徑者... 養即達之... 為播政善... 以期造乎... 邑而佳聲... 良驥之足... 其行也不... 不風夜以... 成化十八... 謹身殿八... 大傳商文... 毅公年譜... 卷之三終

幾檢江右... 科日之英... 若甚易然... 敏敢不視... 重可也我... 國家取士... 才責以非... 至今百有... 聖聖相承... 令自常情... 天下之治... 行矣彼郡... 朝廷焉皆... 明甚矣乎... 治人之術... 法曰清慎... 之捷徑者... 養即達之... 為播政善... 以期造乎... 邑而佳聲... 良驥之足... 其行也不... 不風夜以... 成化十八... 謹身殿八... 大傳商文... 毅公年譜... 卷之三終

科日之英... 若甚易然... 敏敢不視... 重可也我... 國家取士... 才責以非... 至今百有... 聖聖相承... 令自常情... 天下之治... 行矣彼郡... 朝廷焉皆... 明甚矣乎... 治人之術... 法曰清慎... 之捷徑者... 養即達之... 為播政善... 以期造乎... 邑而佳聲... 良驥之足... 其行也不... 不風夜以... 成化十八... 謹身殿八... 大傳商文... 毅公年譜... 卷之三終

若甚易然... 敏敢不視... 重可也我... 國家取士... 才責以非... 至今百有... 聖聖相承... 令自常情... 天下之治... 行矣彼郡... 朝廷焉皆... 明甚矣乎... 治人之術... 法曰清慎... 之捷徑者... 養即達之... 為播政善... 以期造乎... 邑而佳聲... 良驥之足... 其行也不... 不風夜以... 成化十八... 謹身殿八... 大傳商文... 毅公年譜... 卷之三終

敏敢不視... 重可也我... 國家取士... 才責以非... 至今百有... 聖聖相承... 令自常情... 天下之治... 行矣彼郡... 朝廷焉皆... 明甚矣乎... 治人之術... 法曰清慎... 之捷徑者... 養即達之... 為播政善... 以期造乎... 邑而佳聲... 良驥之足... 其行也不... 不風夜以... 成化十八... 謹身殿八... 大傳商文... 毅公年譜... 卷之三終

重可也我... 國家取士... 才責以非... 至今百有... 聖聖相承... 令自常情... 天下之治... 行矣彼郡... 朝廷焉皆... 明甚矣乎... 治人之術... 法曰清慎... 之捷徑者... 養即達之... 為播政善... 以期造乎... 邑而佳聲... 良驥之足... 其行也不... 不風夜以... 成化十八... 謹身殿八... 大傳商文... 毅公年譜... 卷之三終



明三元太傅商文毅公年譜卷之四

京師

元孫振倫編 來孫之彞 之句 校

分紀

憲宗純皇帝成化十九年癸卯二月二十五日公壽七十

初度三司郡邑族黨姻友契舊慶賀者甚衆

○慶少保商先生七十壽序 皇明天下百十年餘於茲矣士以明體登庸三試第一

者先生之外無入焉其以史局僚屬不三四年入 歸閣位宰執者先生之外不數人焉出入

兩朝輔導 列聖以一身繫天下之休戚倚托方專而乞身甚勇者

年譜 大 四 卷 乙 元始堂

先生之外又不數人焉有子焉以進士世其業以 太史世其官有孫焉益其秀以振厥芳倘得林

下而忘情物外先生之外又幾何人哉昔王沂公 呂許公相業成矣而歸休之樂未之有聞劉秘書

張龍圖著社樂矣而當時事業未之有究梁莊肅 洪忠宣父子同入翰林矣而其勲名與歸老之趣

或視數公為少以予觀先生何所得之多也又於 理勢而知先生之壽社日綿

國家優老之具日隆意者天子先生有所私也不然 則先生積之厚故報之殷譬之海馬為體也大故

所受者廣也譬之山馬為體也堅故所歷者遠也 則天之私之者其亦自為也耶先生嚴人也予

輩已極仰止于昔今又盡官其制則今日之事能 自己于情乎同寅諸公謂予當言故論其大者以

屬縣尹丁質純獻以為 先生壽

成化十九年春二月之吉浙江按察司副使表 勅提學江西李遜學序

○按謝賀七十壽稿云 舊交商輅再拜書奉 憲長 憲副 憲僉 列位大人 鈞座 區區蒙

恩歸老無補於時多荷 記存以賤誕特遣使賚 雄文親禮物光賁山居 以解意高古稱許過當登

受之際感便交集自非篤念斯文之舊能如是乎 銘刻銘刻致此仲謝餘不多及希 諒察幸幸

又 林下商輅再拜書復 憲副李大人 行臺 剛開 考校之公去取之當

衆心悅服刑威肅而師生警勵有加 提學如此誠有益于人才有裨于風化方茲款慕忽

承專使以禮物見賜 情意過厚感佩何量使曰 特此中 謝餘不克悉惟 亮之亮之

年譜 大 四 卷 乙 元始堂

三月 日得第三曾孫命名承翰

○按譜畧云承翰承芳俱良臣公孫汝聊公所生子 文毅公之曾孫也翰充邑庠生芳補郡庠生正德

四年己巳兄弟二人同入大學翰校中都留守司 經歷清白無怨家聲剛直不阿權貴芳授鴻臚寺

序班陸 內閣鳴贊

七月仲子良臣公奉

上命主考應天府鄉試隨員陳情疏乞

恩歸省

詔從之 賜寶鑑以行

○按陳情狀畧云翰林院侍講臣高良臣謹  
奏為陳情乞

恩事臣以一介草茅叨居近侍庶幾康祿茲者欽奉  
聖旨着臣南都校文臣校受

聖旨實切戰兢深懼非才末學無以仰副  
天子求賢之盛心然於去取之公則不敢不竭犬馬

之勞以圖報稱萬分之一臣父商翰先任太子少  
保吏部尚書無恙身歿大學士比因眼目昏花手

特除少保准令致仕及  
賜以重書來服等件榮幸無比緣臣定省久曠切思

南宮法駕不過千里之遠臣于科場事竣之日伏  
望

聖恩憐憫容令歸省即便依限前來供職庶得忠孝兩  
盡不勝感戴之至謹具本親齎 奏聞伏候

勅旨欽奉

年譜 四卷 三 未刻

聖旨可仍 賜資銀若干給為道里費

八月良臣公赴應天府主考鄉試人伏藻鑑之精

○按倪公岳端云良臣公赴應天府主考鄉試尤以  
廉謹自持雖所當得供用器物亦辭不取其所獲

第一人又復慰天下士是以一時士夫  
既仰其不取之廉尤服其藻鑑之精焉

○按應天府錄序云  
上天純佑我 國家茂生賢雋以隆億萬載太平之治

列聖一德相與天胞合純一不己故有不氣心之臣  
奔走職附為之用所謂心純則賢才輸是已然

賢才之進類非一途而得人之純莫過于科目蓋  
由純以經術取士故也豈前代漢以他藝此哉乃

成化癸卯秋適當大比

上以南畿根本重地賢才之多往往倍獲下國於三  
特切臣良臣臣昇往司文銜臣等受

命統攝雙百幾事莫不有矢誠忠理誠以仰副  
天子求賢之盛心三代之揀閱精嚴得其文之

純乎理者百三十五人選 制額也錄成咸謂良  
臣宜亦臣惟

天生賢才以為世用何代無之特在乎人君用之有  
道斯上下交而德業成若昔堯舜之純乎帝禹湯

文武之純乎王時則有若道遠契伊傅周召之  
情又皆佐理之純臣也而豈徒哉良由二帝三王

之心純乎道然後用人得其純用人得其純而  
上天純佑之命有勝勿替書曰天其申命用體殆以此

敷下道肅秦固不足言若漢之雜霸唐之雜夷宋  
之柔儒不齊正以其道之不純故用人有不能純

之所致耳尚冀望天之佑命之純哉洪惟我  
朝以

年譜 四卷 四 元始

聖德純佑之命與治道之純亘古莫加實天監純一  
之德以膺眷佑于無窮是以四方懷德之士咸有

帝臣之稱其已用者莫不彬彬然布列廊政而為佐  
理之純臣其或未用而有志于德行道藝者亦不

以取辭或殊知南畿為賢才淵藪被  
列聖道純一之化尤深者哉諸士子以純于德行道

藝舉於此然特舉之也爾行將驟要途天下  
之所屬目由此而奮迅焉則于皇委授契伊傅周

召敷烈之純孰謂不可致乎必思操履純正終始  
一德以永終譽使當世仰之後世慕之而益推科

目為得人願不俾致為徒藉是以操履純而實德  
則病則于科目有玷豈惟諸士之羞抑亦為主司

之羞可不懼哉

九月良臣公便道歸省稱觴庭下鄉人愈為榮之且

携

朝中諸名公年卿才大夫士祝壽詩文自閣老以下咸

有之

○壽嚴陵先生七十歲詩序

嚴陵先生以少保吏部尚書兼  
護身殺大學士致政家居之七年也遠歲在癸卯  
其始降之年蒼龍合甲午天運歷五紀而過之又  
將齊焉者也昔人謂稀之年是己夫人徒有是  
年而無德與位固已稀矣况又有德有位而得其  
年其為稀也豈不尤稀乎哉先期家嗣翰林侍  
講良臣得

朝中祝壽詩若干首即萃成帖將寫歸至先生初度  
之辰以為壽以壽老門生也特以序引見備嗟乎

年譜

本四卷

五

元始堂校

所以為先生壽者豈可苟同乎衆人乎哉夫衆人  
之所謂壽者以其身身止于百二十歲也先生之  
所謂壽者以其名名豈可以歲計哉蓋將期之以  
千萬世而無窮也雖然先生稟扶與清淑之氣生

文明極盛之時三光五嶽之氣完而所以培植保合  
之者又益加厚葆之以太和休之以元陽茹之以

菁華其氣清以厚其質厚以全身無恙而心無憂  
既以超下壽而駸駸夫中壽之域矣由是而抵夫  
百二十歲之上壽則固其所固有者也固無俟于  
祝矣祝不祝于先生何加損若夫壽先生之令名  
于千萬世而無窮則固先生平日之所志所謂不  
在溫飽者之所充而至于極焉者也先生少有大  
志弱冠試秋闈即第一他日試春闈又第一進

大廷又第一所謂三元者

皇朝百年以東僅于先生一見之甫入翰林即授于  
人中而進於清嚴每勿之地簡聞

朝廷大禮樂大政事大議論凡  
國家有大制作多出先生手自筮仕至于休致始終

不出  
禁門而名聞乎華夷功著于遠邇中間雖或暫為六

月之息然所以培其負大風之力而為九萬里扶  
植之地也蓋大以速故其再出也位極人臣治效

可稱迷而疑議不加焉始又得以未老之年而享  
其清閑之樂天錫之以全福人歸之以令名穆叔

所謂三不朽者先生皆兼而有之真足以傳之千  
萬世而無窮矣其為壽也蓋將與天壤相終始所

謂百年之期順百二十歲之上壽惡足為先生道  
哉

成化癸未壬寅八月既望  
賜進士第嘉議大夫禮部右侍郎門生瓊山丘濬序

年譜

本四卷

五

元始堂校

十一月良臣公主考南畿鄉試及歸省還

命

朝復

二十年甲辰公年七十一歲

為嚴民寬假夏稅秋糧兩徵

○按言行錄云夏稅秋糧二徵唐德宗朝劉晏創定  
後世因之成化甲辰春嚴陵蠶桑弗利而官府課  
編甚急又秋熟未收而徵糧併至民情大有不堪  
者公各致書有司乞為寬假焉及西成畢百姓咸  
爭輸完納公私  
實為之兩利矣

送御史劉君還

朝

○按駘馬行春詩序  
駘馬行春詩為御史劉君士元也士元於卯春

奉

上命

出巡兩浙編歷即邑問民瘼書會覽風俗錫好別  
處與利去害訴訟盈庭裁法如流廉潔之公深  
與論所至事府宿囊三宿出境無遺馬行春  
塞途噴噴編歷言臺憲之良如此歲一按歷以  
惠吾民間閣之下貴復有宛仰弗躬弗躬板  
乎兩浙士夫謝政家居若如御宗伯陸司寇項  
馬夏大理華國風之情取相與多整故事謂侍  
方春而來再春而代爰以駘馬行春命題各賦一  
詩屬于本朝前簡為侍御還

年譜

不中卷

七

元始堂板

朝之贈不書承之

內閣預開大政象始不以愛惜人才為首務今茲投  
閣林下雖見賢而不能舉然側視一才一蕭即其  
能已于言乎或若曰昔人嘗以秋筆地御史矣今  
云駘馬行春御史與主擢擊御史之職似之然  
擢擊之中仁愛存焉彼駘馬經行之處惡者去而  
善者立強者弱而弱者善變頃授之器為乘良化  
刻薄之風為醇厚使  
聖澤不至于下聖而民情皆得以上道譬之陰涯寒谷

一陽氣之發舒復何秋筆之足擬乎且  
因家設官分職皆以安養漸民顧三司勢位相等其

久也失于和同即患遠達  
闕廷其終也安于懈惰而御史歲一更焉所以警其

同而激其惰期于刑清政舉康濟吾民博擊乃止  
餘事耳士元世家山東之高唐早以明至

原缺第八葉

○按飲泉老方胡公榘反行狀云成化乙巳秋  
公以某拜禮部精膳司主事職掌  
朝廷宴享之儀  
分毫無失

二十二年丙午公年七十三歲

三月季子良輔公奉

欽差往南直隸等處催償牲口便道歸省

○按言行錄云良臣公良輔公二人同在京邸每念  
不得奉養老父遺承  
命良輔公于南直隸等處催償牲口不勝慶幸遂成  
行事竣後便道歸省時蓋春既盡夏正長兄弟  
思良輔公心甚樹怡

年譜

不中卷

九

元始堂板

五月初十日良臣公奉于京邸

○按倪公岳墓誌云良臣公病未旬日醫方環視議  
所當下  
臣公性極老友無之廉慎長  
往還  
步以行  
稱其有  
之福也

上聞計美日可惜好官亦有恩典否司禮太監蕭致香  
以無例乃止 倪公岳碑銘曰天昇 國家篤生

三朝德惠斯薄倚歟梅峯克起承之令聞令望顯顯于  
時相業敷遺以承以紹孰培其絕其能弗俾世漢  
法云子孫先若亡不亡其大人

弘治十二年己未正月二十四日以原副故

特贈高奉政大夫尚寶司卿

制曰教子以忠必使之勤勞于國勤臣以孝必為之

致寵于親某有能亢其宗恩則務從其厚爾翰林

院侍講高良臣乃尚寶司卿汝謙之父家學傳芳

甲科繼美列官史局克效純廉侍講經筵久勤

沃象方有公輔之望天不假壽考之期奄忽淪亡

至今悼愴願義方之訓素切于家庭致冢嗣之賢

繼登于朝著宜申恩典以示褒崇茲特贈爾為奉

政大夫尚寶司卿於戲光前之業雖未底于大成

裕後之休高益綿于有求昭哉神爽服此寵光

制曰母德之慈實無乎教育之恩之錫無間于存亡

肆綠報德之情誕示勉封之命爾贈孺人蔣氏出

自名門孺人奉族蔣嘉有則教慎且遠教媳夫陪

已荷建崇之命茲綠子貴戴申褒之思是特加

年譜 元始堂板

贈為宜人宜深有知敬承無敢

制曰繼母有教育之德不異幼勞朝廷有褒錫之

實均崇貴彝倫攸繫國典具存爾封孺人齊氏乃

尚賢司卿高及謙之繼母相夫勤恪教子嚴明願

茲濟用之才實爾育成之力慈齡既茂祿養方

載頒綸旨之慈用表閨門之懿茲特加封為太

人奉淑德之有徽

服榮光于天艾

六月公體不寧疾劇

七月十八日未時公卒于正寢

○按行狀言行錄云成化丙午六月公一旦疾作公

平昔起居最慎忽自前歲冬日漸瘦雖甚中

不少廢未嘗一日少卧若與人言論從容如平時

至七月一日偶顧其子良輔公曰吾疾甚不復起

也良輔公曰大人壽且高遠何為此言公曰我

幸得汝歸送我者託蓋由我性昔未嘗敢有違

所致况我以一介書生官至極品年逾七十有子

有孫人生至此足矣且生必晝夜常理雖必何憾

惟朝廷莫大之恩未盡補報萬一為歎幸爾兄弟叨冰

祿位日近清光竭力勉圖報稱是即我之事君也

我公曰公計音雖至不敢與聞故其言如此至十六

日乃曰我明日當不言屆期果然一晝夜鼻息如

雷次早方醒起坐談笑自若乃嘆曰吾鄉舉十年

始得登進上四年即象

召入閣後被誣歸閣十年及而起入閣又復十年乞

休致今致仕歸又已十年數盡于此矣因述正統

乙丑春在京會試所得賜王君之殿一夢良輔公

泣下請曰大人平生履歷使兒輩他日可得稱述

年譜 元始堂板

公曰我素不記行事之蹟汝必欲知當於姚文敏

彭文憲二公大畧求之可見又曰我必後喪葬一

本之文公家禮切勿用浮屠母違我言訖而逝

時七月十八日未時也先數月前去家里許水口立

有社廟在馬夜過之者分明聞廟中算盤聲小商

仍幾石幾斗大商仍幾石幾斗及今相樂而卒人

咸異之可見二人者實山

川鬼神之所孚佑者乎

十月訃聞至京

上深加悼惜輟視朝一日

諭廷臣曰朕素知商輅為人忠義可嘉朕特為此箇小

事乃開了他十年好官相應恩典悉與勿吝

誥贈特進光祿大夫太傅謚文毅

成化二十三年丁未四月

賜進爵贈謚命一道

○謹按 則曰自昔奇才碩儒得輔君行道以建功業于當時

誼有國者之所當重也故少卿兼吏部尚書謹身殿大學士商輅性資剛直權屬四方三榜魁名四海仰其文學

兩朝內閣庶政資以經綸雖暫罹變以顯光陰見顯忠而歸世謀敵入告裨益實多桑梓歸休寵光尤厚方期享遐齡之福詎意為委化之遊慨念往勞

元始堂棟 體命是膺 必累善而後克當貴卿二者之榮流芳千載之

五月六月

勅遣浙江等處承宣布政使司左叅政吳繹思

論祭者四

○謹按五月二十二日辛酉

皇帝遣浙江等處承宣布政使司左叅政吳繹思

賜祭于致仕少保兼吏部尚書謹身殿大學士商輅

事久而自白驛朕繼統即加召用卿盡瘁志

因開夕所演論著補綴之功補治多弱克之績

春遇之方渥乃引年而乞休朕既勉從所請俾遂

榮歸期享安恬以濟上壽胡為嬰病遽焉長終

音來聞良深悼惜爰念往勞特頒卹典贈卿特進

光祿大夫太傅謚文毅仍命有司如制祭葬并

以祭靈奠不昧尚敬承之

五月二十三日壬戌 悼傷首七卷臨特茲遣祭冥靈如在其故朕意

終七卷臨 六月十有六日甲申 寬宥奄臨 御祭文詞俱同首七

元始堂板 元始堂板

勅工部進士林壻蔡公子邑南黃壇嶺下樓上坂

○按言行錄云初公在內閣與萬文康公安不相協

公致仕即委政于萬公萬公居首相故凡請繼蔭

補萬公多方阻撓賴 憲廟聽察蔡蔡悉從令與其所 錫予皆出望外云

○通議大夫太常寺卿兼侍讀學士錢塘王公獻狀行

實 奉訓大夫吏部叅封清吏司員外率波楊公子器作

傳 寶善大夫 太子少保兵部尚書兼翰林院學士泰和尹公亢撰

皇明川嶽鍾靈篤生魁傑為時偉人有為文教委擅三

元薦登內閣參乘銜鈞辰志行道克濟中興尋遭

變故東歸角中坦懷泊慮訓子奉親繩玷自白

寵命更新匪躬匪懈躬亮經綸因天仁愛謙言屢陳

宸衷孚契海宇又寧明良魚水今昔奚煩群比配正力

辭榮戒滿奉身完名涼風曝日洛社簪英慶延哲

嗣澤在斯民謠克備始終哀榮流芳百世現此

○光祿大夫柱國少傅燕

太子太傅禮部尚書武英殿大學士餘姚謝公遷撰神

道碑銘銘曰芝山巖某維嶽高鍾靈毓秀昌期逢

偉哉文毅產其中翰翰彩鳳鳴高桐曾戴星斗氣

吐虹三元及第王曾同祥雲五色映瞻離川舟歲

重瞳絲綸紫閣地位崇技艱澁大協寅恭乾坤旋幹

伊誰功匪躬直犯奸邪鋒掛冠自幸歸悒悒天為

帝象 聖書遠下微臥觀北向感泣心忡忡臣心上與

先皇通 明皇亦念臣孤忠披肝瀝膽歸囊封丹宸金鑑微

宸德立朝正色無阿從穆清高拱亮天工坐令宇縣

樂熙雍雍奉身願作漸遠鴻道遠綠野醉春風江湖

廟廟情無窮公之進退何從容典刑邈矣百世宗

我銘後勒斯碑穿國有信史徵予公

○按少參黃公華行實後瑛云公生平光明正大見

義必為不計難處高位也而無謹如常雖負重任

害有所不計難處高位也而無謹如常雖負重任

也而安舒自得蓋由德量汪淫養之有素故千事

變之來能迎刃而解也致政家居十年之閒惟恭

萬壽聖節則必躬詣邑座祝頌外此足跡未嘗一至城

廟亦嘗念公數問其起居惜至下莫為之將順耳自

公同良臣公相繼謝世在朝在野皆追痛

重及至有比之宋儒仲淹純仁父子者

○按參政徐公楚文集叙云公生當

國朝全盛之日夙秉弘毅重達事信能託孤寄命

臨大節而不可奪者故三元之名聞天下

帝心眷之其朝夕咨以克舜三代望其

君是以天下翕然稱賢馬嘗得其遺文讀之日侍

講章與伊訓說命相表裏回

鑾一職與李綱胡邦彥對事照權後先議建

緒以順人心履與禮以全

聖孝天命民窮之論七事八事之陳雖三朝五規無以

過之其他入告親承經綸密勿朝野陰受其福而

不知者何限所謂不動聲色措天下于泰山之安

者公其人哉昔人稱宋三元及第者五惟三人不

然鄂州去後更不得一日安其身于朝廷之上焉

宋二公或猶識其晚節孰能如公從容進退于禮

義之中為特伊傳甫申之儔歟其生其出端有徵

于天人非偶然也

成化二十三年丁未春二月辛未朔越初十日庚辰

華蓋殿大學士萬安 謹身殿大學士劉吉

禮部尚書彭華 兵部尚書尹直

太常寺卿王鳳 少詹事楊守陳 劉健

左春坊左諭德傅翰 程敏政 吳希賢

右春坊右諭德謝遷 吳寬

翰林院侍讀學士李傑 侍讀董越 侍講王臣

脩撰會彥 王華 李昇 楊守陔 梁繼

編脩劉震 劉震 王華 楊守陔 梁繼

張深 楊傑 敖山 馬廷用 徐鴻

年譜

四卷

十五

元始堂校

江關 于村 白鐵 楊廷和 張蒞

孔目張翰 太常寺少卿王璠 寺丞沈達 張春

大理寺左寺副李通 王禮 右寺副于淵

光祿寺署正王文琮 中書舍人王哲 鴻臚寺主簿蔡振 序班何澤 劉學 李瑄

祭曰惟公偉傑之才 沉毅之資 發身賢科 三元特 第詞垣 綸閣 擢任 咸宜 尋以 閣學 十載 樓 遲 歲 寒 之 操 凜 然 不 沒 及 公 再 起 人 望 破 疑 簡 在 宸 衷 委 任 弗 疑 公 之 知 遇 有 猷 有 為 倍 加 保 傅 恩 寵 蕃 滋 乃 成 盛 薦 抗 章 懇 辭 急 流 勇 退 公 寔 以 之 怡 情 丘 壑 壽 徵 期 頤 云 胡 一 疾 天 不 憖 遺 訃 聞 里 之 悲 惟 公 有 靈 尚 格 于 斯

九重 卽興厚施 安等 忝同 事匪 朝夕 知 緘詞 致奠 千

元始堂 元始堂 元始堂

孝宗敬皇帝弘治二年己酉

正月十六日公得第六曾孫命名承學

二月公長孫汝謙公以蔭

欽授尚寶司丞

八月次孫汝順公以書經中式浙江鄉試

○按譜畧云汝順公良臣公仲子文毅公第一孫也 少極類敏以邑庠生中式弘治己酉鄉試七十二

名正德元年丙寅 欽授吏部司務以清謹聞時逆瑾擅政太宰少宰五

年之內凡十八劫皆見敬信優禮六年辛未養病 歸十四年己卯行取備刑部兩旬日諫止巡遊

朝廷賜勅嘉隆承德節

五年壬子良輔公三載考績吏部會籍三月二十二日

○按譜畧云汝順公良臣公仲子文毅公第一孫也 少極類敏以邑庠生中式弘治己酉鄉試七十二

名正德元年丙寅 欽授吏部司務以清謹聞時逆瑾擅政太宰少宰五

年之內凡十八劫皆見敬信優禮六年辛未養病 歸十四年己卯行取備刑部兩旬日諫止巡遊

○按譜畧云汝順公良臣公仲子文毅公第一孫也 少極類敏以邑庠生中式弘治己酉鄉試七十二

名正德元年丙寅 欽授吏部司務以清謹聞時逆瑾擅政太宰少宰五

年之內凡十八劫皆見敬信優禮六年辛未養病 歸十四年己卯行取備刑部兩旬日諫止巡遊

○按譜畧云汝順公良臣公仲子文毅公第一孫也 少極類敏以邑庠生中式弘治己酉鄉試七十二

名正德元年丙寅 欽授吏部司務以清謹聞時逆瑾擅政太宰少宰五

年之內凡十八劫皆見敬信優禮六年辛未養病 歸十四年己卯行取備刑部兩旬日諫止巡遊

○按譜畧云汝順公良臣公仲子文毅公第一孫也 少極類敏以邑庠生中式弘治己酉鄉試七十二

名正德元年丙寅 欽授吏部司務以清謹聞時逆瑾擅政太宰少宰五

年之內凡十八劫皆見敬信優禮六年辛未養病 歸十四年己卯行取備刑部兩旬日諫止巡遊

○按譜畧云汝順公良臣公仲子文毅公第一孫也 少極類敏以邑庠生中式弘治己酉鄉試七十二

名正德元年丙寅 欽授吏部司務以清謹聞時逆瑾擅政太宰少宰五

年之內凡十八劫皆見敬信優禮六年辛未養病 歸十四年己卯行取備刑部兩旬日諫止巡遊

○按譜畧云汝順公良臣公仲子文毅公第一孫也 少極類敏以邑庠生中式弘治己酉鄉試七十二



勅曰刑部即古秋官之任而必詳於置屬者蓋以明刑罰教為重也必得廉恕之士任之庶有濟焉爾刑部福建清吏司主事商良輔乃故少保吏部尚書孫身殿大學士贈太傅諡文毅輔之子養承其職嗣職述賢嗣初權為于春官繼更司于刑署明于折獄宜實廉章是用進爾階承德即錫之勅命以蓋爾勞爾尚益思奮于前人懇竭忠誠庶克成于後效欽哉

七月二十二日汝德公象

朝廷賜勅褒嘉階承德即

謹按

勅曰國家設尚書司以掌符璽職親地近非他官比

年譜

四卷

十八

元始堂按

必得端慎恭謹之士乃克稱焉爾尚書司永商汝謙乃故少保吏部尚書孫身殿大學士贈太傅諡文毅輔之孫養承其職嗣職述賢嗣初權為于春官繼更司于刑署明于折獄宜實廉章是用進爾階承德即錫之勅命以蓋爾勞爾尚益思奮于前人懇竭忠誠庶克成于後效欽哉

先朝韓鍾爾則官于禁近歷年滋久操履端詳宜有褒章以旌勞勩是用進爾階承德即錫之勅命以為爾榮於殿使臣以禮君道宜然事君以忠臣職當盡爾尚益存匪懈之誠用副褒嘉之命欽哉

六年癸丑秋良輔公奉

欽差往南直隸府衛處決重囚

○按行狀云弘治癸丑秋良輔公奉命于南直隸處決重囚各得其情尚書彭公器贈詩夏之有胸中清如無累筆下平波似有神之句公之賢明此可見矣

七年甲寅秋良輔公陞刑部廣東司員外郎即差往河

南

冊封伊王

○按行狀云弘治甲寅秋良輔公陞刑部廣東司員外郎即差往河南冊封伊王凡百餽贖一切不受名愈重焉

八年乙卯春良輔公以疾疏乞優養

詔可

十年丁巳汝德公陞尚書司卿

年譜

四卷

十九

元始堂按

○按諸畧云汝德公良臣公冢嗣文毅公長孫也治十年陞尚書司卿初吏部以無缺擬遷留都即上五日始得

昔今擬蓋

孝順心念文毅公性昔休日功故斷自震震有此特恩尚寶兩卿前所無也惜僅三年即卒于

官

制曰朕惟尚寶之官實居私府必置卿以總其事斯庶政可有其成前非儲經之人曷稱清華之任爾尚寶司卿商汝德乃故少保吏部尚書孫身殿大學士贈太傅諡文毅輔之孫儒宦名家賢嗣俊士佳節

先朝之寵權為務爾之司釋久著手賢勞遂超陞于今職節其持身清慎謹事動能學廉泰于家承恩克享于衰論不俟三年考類五品之褒茲特進

爾沿奉政大夫錫之諸命於威慶澤攸從勿  
家之盛美義方具在丕揚詩禮之遺風尚有崇  
以需來  
效欽哉

十一年戊午良輔公疾痊赴部改工部虞衡司管理在  
京內外街道并點札守門官軍及督造內承運庫

十三年庚申良輔公奉

欽差往直隸浙江江西福建催備拖欠銀疋

十四年辛酉第一曾孫承慶公以公蔭

授中書舍人階徵仕郎

年譜

四卷

十一

元始堂板

○按譜畧云承慶公乃汝謙公長子良臣公長孫也  
弘治十四年以文毅公蔭除授中書舍人正德十  
二年陞大理寺右寺副卒于官  
謹按

勅曰國家置中書之官典外制之務其事體為甚重  
而職業為其艱必才行之俱優斯委任之不負茲  
惟慎選務在得人爾中書舍人商承慶乃故少保  
吏部尚書孫謹身歿大學士贈太傅諡文毅輅之  
曾孫詩書世澤簪紱名家脫跡綺綺統蚤究心于儒  
業預勞給紳今列職于禁垣蓋爾祖輔躬於

先朝肆國恩錄用其後嗣賢勞浸漬美譽用彰屬茲慶  
典之行預示褒嘉之寵名非倖致恩豈徒施特維  
爾階徵仕郎錫之勅命於殿官居近侍惟清慎可  
以保令名國有崇階必勳能可以膺顯擢尚加崇  
懋以俟登  
庸欽哉

十五年壬戌春良輔公陞都水司郎中奉

勅督理河西務至德州河道

賜誥旌獎進階奉政大夫冬改虞衡司提督軍器鞍轡

二局匠作

○按行狀云弘治壬戌春良輔公  
授都水司郎中時河西務德州河道沮塞推公才  
能奉

勅并閱防委以便宜行事公如制奉行惟謹致使漕  
河無滯軍民便通前歷任大年考滿吏部奏最

賜誥旌獎進階奉政大夫冬得代回改虞衡司提督  
軍器鞍轡  
二局匠作

年譜

六卷

十一

元始堂板

謹按  
制曰卿分六曹惟工部為獨煩屬列諸司在正郎為  
甚重必才行之兼茂斯名績為有成匪慎簡求孰  
堪委任爾工部都水清吏司郎中商承慶乃故少  
保吏部尚書孫謹身歿大學士贈太傅諡文毅輅  
之子學本家傳美能世濟蚤登即署茂展才猷肆  
制歷于三曹官屬更于九任茲承給命專領川衛  
官河稱便于往來式動綜理銓部推賢于考覈  
懋操術屬屬履履之成預錫褒嘉之寵雖云異數  
實按彝章特進爾階奉政大夫錫之誥命於殿  
官在明揚簡拔為需于來效思當圖報賢  
勞勿替于初心勉副訓詞爾庸顯欽哉

弘治十八年乙丑秋良輔公復都水司仍奉

勅督理德州至沙河河道又奉

命挑潘彰德大憲廣平等處河道

○按行狀云彰德已丑秋長輔公復相上仍奉勅兼兩防代總河道自德州抵沙河又奉

命挑潘彰德大憲廣平等處河道先是六月

皇親至潘彰德大憲廣平等處河道先是六月

人皆驚異及

此能一列名無能阻德亦有誠心感格者其能之平

後至正德二年于南旺地方時

武宗毅皇帝正德二年丁卯良輔公陞

太僕寺少卿致政歸卒杭州北關

○按錄泉先友胡公拱辰行狀云良輔公文毅公季

子自幼聰敏長承庭訓後潘冬官栗夫遊授壁經

作文句法大有過人履潘公奇之年十三補國子

生輝反天下善士學業超群屢試京闈弟自成

在丁亥迄正德丁卯看仕途四十年餘歷官九任

上履乞休像

武毅公前勞特陞太僕寺少卿致仕

至正德人亦高之不意回至杭州北新關忽染痰

查竟病復起時十月初六日也距所生景泰乙亥

十月十五年有三十計開二司方伯卯公賈

以備衛合乎禮退以恬靜合乎義兩荷

以備衛合乎禮退以恬靜合乎義兩荷

友以誠信教諸子以義方持群下以慈惠不作偽

傲以導已甲人不為矯飾以阿世媚俗濟至顯榮

克全而歸果何如其人哉子男五長汝晉以邑庠

生為興府引禮舍人汝汝升以邑庠生仕江右新

成縣簿汝汝汝汝汝汝汝汝汝汝汝汝汝汝汝汝

次汝子汝汝汝汝汝汝汝汝汝汝汝汝汝汝汝汝

十一年丙子八月六曾孫承學公以春秋中式浙江

鄉試

○按譜畧云承學公文毅公第六曾孫汝泰公次子

以邑庠廩生領正德丙子鄉薦三十九名嘉靖乙

未授懷遠知縣已亥

欽取陞江西道監察御史巡視光祿有賢能名世

駕至承天一月未解衣帶充稱

肅皇帝意庚子正月十五日

賜勅褒嘉進階文林郎并

○謹按

勅曰君子抱潛德之先以開大其後教忠之績積累

休之命... 勅曰... 重慶典憲... 保公之士... 承學名臣... 能振起... 政卒之良... 庶幾弦... 聲者聞... 茲特進... 終席志... 階之法... 以繼爾... 前開人... 休欽哉

十四年已卯嚴州府太府王公雲申詳巡撫按言

文毅公宜奉入本府鄉賢祠致祭蒙撫按上奏奉

年譜

元始堂

聖旨可

○按嚴州府誌云正德十四年知嚴州府事太府尊王公雲以商文毅公功在

杜稷澤在生民宜奉入本府鄉賢祠享歲時之祭申言於本省巡撫御史及巡按御史荷蒙撫按即

行上奏朝廷允之是以至今得與漢之嚴子陵光唐之李德新相方... 廟于宋之江民表公重黃新之能方君錫遠及... 廟春秋二祭

世宗肅皇帝嘉靖四十年乙酉淳安縣大尹姚公鳴鑾申言

商文毅公禮宜配享朱文公商良臣商良輔並宜奉

入鄉賢祠歲時致祭蒙撫按轉奏

聖旨允之

○按淳安縣誌云淳安之有文公朱夫子祠乃前二仁宗延祐六年縣尉鄭君千齡所創也歲遠頽圯嘉靖四年姚公鳴鑾初知淳安縣事轉更新之因而申詳軍門察院言商文毅公以昭代三元兩朝元老其多典功固聖不朽者國家之報之亦宜永永也本縣朱文公禮合以之配享又其家嗣侍講商良臣次子太僕寺少卿商良輔各音効勞於國有在翰苑二十年者有歷官九任居仕途四十年者忠勤至今猶在人心宜奉入本縣鄉賢祠致祭蒙軍門察院依擬轉奏朝廷各從其請以故父子三人得並享春秋祭祀

兩朝元老其多典功固聖不朽者

國家之報之亦宜永永也本縣朱文公禮合以之配享又其家嗣侍講商良臣次子太僕寺少卿商良輔各音効勞於國有在翰苑二十年者有歷官九任居仕途四十年者忠勤至今猶在人心宜奉入本縣鄉賢祠致祭蒙軍門察院依擬轉奏朝廷各從其請以故父子三人得並享春秋祭祀

國有在翰苑二十年者有歷官九任居仕途四十年者忠勤至今猶在人心宜奉入本縣鄉賢祠致祭蒙軍門察院依擬轉奏朝廷各從其請以故父子三人得並享春秋祭祀

朝廷各從其請以故父子三人得並享春秋祭祀

年譜

聖旨

元始堂

今皇上萬曆二年甲戌春浙江分巡抗嚴道徐公批

官銀二十兩備葺文毅公墓垣

○按萬曆二年春二月文毅公曾孫承忠以御壘墳塋傾圮無力繕葺徑詣抗嚴道徐公臺下具呈蒙徐公准行即移文仰縣瑞勤回報甚感德也知縣事陳公若發即忠懇請止報費二十金遂得此數聊且築砌焉今則又敗壞傾圮之甚視甲戌以前殆大不相同矣

得此數聊且築砌焉今則又敗壞傾圮之甚視甲戌以前殆大不相同矣

十三年乙酉秋第六世孫商之相以易經中式浙江鄉

試

○按之相字朔時號調陽萬曆改元癸酉應宗師選補壽昌庠生乙酉領鄉薦五十一名丁未授福隄

建寧府節推庚戌奉

勅階大林即升

贈父母辛亥陸廣東羅定州知州乙卯奉

誥階奉直大夫升

贈父母丙辰陸廣

東雷州府同知

○謹按

勅曰朕惟德以勸教忠在父道不及其而提貽

指在初作室自始則德而式教之效也爾生員

商振印乃稱建寧府府判之度舉等施予汝

動乘儀程宅心附和府判之度舉等施予汝

南丹巨之權實關之府判之度舉等施予汝

贈佩為文林輝編理法府判之度舉等施予汝

尤原

勅曰理官之職守德以勸教忠在父道不及其而提貽

者肅察吏治守德以勸教忠在父道不及其而提貽

年譜

兩福建建寧府府判之度舉等施予汝

檢秀守德以勸教忠在父道不及其而提貽

榮翰守德以勸教忠在父道不及其而提貽

叔剛守德以勸教忠在父道不及其而提貽

檄檄海勇守德以勸教忠在父道不及其而提貽

教化之權實關之府判之度舉等施予汝

謹按

制曰昔者士有德而後立有官而後用

守德以勸教忠在父道不及其而提貽

守德以勸教忠在父道不及其而提貽

父在守德以勸教忠在父道不及其而提貽

康蕃養德以勸教忠在父道不及其而提貽

慎恐則守德以勸教忠在父道不及其而提貽

秦直夫夫德舉羅定州知州龍章存堪于九原

德流于千古也

制曰川牧分符館組狹亞二千石任亦重矣矧龍

控扼要地綏輯尤難非得卓犖長材焉能勝任而

愉快乎爾廣東羅定州知州高之相湖原家學琬

琰國華耀俊賢書明刑望即平反著譽師帥彼

而爾才益練于運斤操彌堅于茹蘗奮發清而一

庭秋肅藏澤溥而四境春溫窮簷與德博之臨

落化刀劍之俗所司以嚴績上聞茲特授爾

直大夫錫之誥命朕慕古賢主錄刺史姓名昇聞

與以對之蓋屬劄竹數千里外其治狀難于畢達

也爾無以爾州為違朕視之猶在階陛矣尚益展

鴻猷以收俊勳

嗣有顯序欽哉

十四年丙戌夏浙江巡撫都察院溫公純給毅五十石

○按萬曆十四年夏五月知淳安縣事父母鍾公文

瑞奉巡撫浙江都察院溫公純文給付商文毅

公商孫稱職五十石

以為備其同守之需

十九年辛卯夏浙江巡撫都察院常公居敬給毅十五

石

○按萬曆十九年夏五月署淳安縣事嚴州府二府

華危公以平奉巡撫浙江都察院常公居敬明文

給付商文毅公商孫稱職一十

五石以為同守歲時炷香之需

二十三年乙未冬嚴州府太府陳公經濟發禮銀五兩

致祭文毅公

○按萬曆二十三年冬十月知嚴州府事太府陳

公經濟心切仰止實款躬謁芝山元輔宗祠懇調

繁湖州府第及親造乃發銀五兩  
看知淳安縣事吳公天洪代祭焉

二十五年丁酉秋第六世孫商之彛以書經中式浙江

鄉試

○按之彛字彛冲號世原生隆慶戊辰十二月廿五日午時萬曆十二年庚申年十七警備林宗師選補淳安邑庠生二十五年丁酉與偕周祚同領浙江鄉薦第五十二名聯赴春闈七科四十四年丙辰以親老選授福建延平府南平縣正丁巳四月到任戊午本省同考冬因士民呈留撫按會

題免親養擇水口監運公司庚申考滿奉勅階文林郎并

封父商報倫如其官  
贈母徐氏為孀人

封妻徐氏孀人

元始堂教

封妻徐氏孀人  
題建遺本年十月陸四川蓬州知州壬戌三月到任庚申

題建遺階奉直大夫時值永安宣撫司致商奇榮明

衛等處務勸功院檢委總督新寨子年尼驛赤火

兩寅左遷湖廣沔陽同知仍管州事位 惠 桂 二

王之國經參看勤勞崇禎元年戊辰轉直隸松江府

同知管水利通判事八月到任已巳三月丁外職辛

未叙平素功即  
題以原官加服廉三級建遺起用本年限開請各庚辰

日戌時年  
頂治三年丙戌秋第八世孫商氏宗以書經中式浙江

鄉試

○按氏宗字岱瞻號長公係之彛第五子德協長子  
生天啟七年丙寅九月二十日戌時崇禎癸未年  
十八蒙宗師王諱應辛歲考取補淳安邑庠生順  
治三年丙戌秋年廿一領浙江鄉薦第五十七名

元始堂教

卷

七九

元始堂教

二十五年丁酉秋第七世孫商周祚以詩經中式浙

鄉試二十九年辛丑春中式會試

○按周祚原名國祚字明幾號等軒以紹興府會稽縣附學生與之舉同領浙江鄉薦二十八名辛丑會試第三名改名周祚廷試三甲乙百九十一名都察院觀政壬寅十月授御史縣正丙午本省同考戊申五月從禮部主政行取壬子十月授戶科參事癸丑巡視光祿甲寅冊封徽府乙卯巡視宣城丙辰巡視己未分考禮部十一月陞太僕寺少卿庚申陞都察院會都御史巡撫福建章思進階中議大夫贊治刑奏調南別衙門乙丑起南兵部右侍郎兼都察院右僉都御史提督兩廣驛務丙寅陞南工部尚書戊辰陞南兵部尚書本年特予終養丁丑起都察院左都御史戊寅陞吏部尚書

年譜

丁酉

丁酉

丁酉

丁酉

丁酉

丁酉

巳卯丁酉

年譜

丁酉

丁酉

丁酉

丁酉

丁酉

丁酉

四十六年秋第七世孫商周初以詩經中式南京鄉

崇禎元年戊辰中式會試

○按周初號諱軒行諱六以國李中式南京鄉試崇禎元年會試第... 名是武第三甲第... 名... 授河南商邱縣正... 考選擬戶科改任... 陞監修海南通惠輯瓊州府李... 廣東按察司僉事丁丑陞直隸常鎮兵備道湖... 布政司參議巳卯丁酉憂

年譜

丁酉

丁酉

丁酉

丁酉

丁酉

丁酉

原缺第二十九葉前半葉

贊辭

嘏嘏其貌氣充裕兮肅肅其容神鑿鑿  
 兮詩書旨味肆沉潜兮仁義膏腴惠厥  
 猷兮花封贊政沛惠澤兮松徑歸東嶽  
 幽蘭兮保合泰和臻壽考兮萬生內相  
 匡  
 盛代兮霖雨蒼生社稷臣兮  
 章煌煌承

寵光兮慶延孫子聯

玉署兮積叢之報斯昭昭兮丹青者誰得

其似兮陰隲冥冥匪天其孰知兮

資政大夫禮部尚書卿生姚夔拜贊

又

其神之清也凜乎雪嶺之長松其氣之

和也藹乎蘭谷之春風望之而可畏吾

見其容儀之盛即之而可親吾知其德

年譜

大書

三十

元祐黨人

性之冲壯則登仕以行其義老則歸休

以養其中惟德之豐後世之隆篤生賢

嗣寅亮

天工

鸞詒紀華恩荷

九重之錫朱衣象簡秩進二品之榮噫此


所謂積業有餘慶而垂裕於無窮者耶

太子少保無兵部尚書南宮白圭贊



商文毅公

母夫人解氏小像



年譜

四卷

三

元始

贊辭

於戲九原可招夫人之英百世不泯夫  
人之名悅懷素操月白霜清邈流慶源  
子貴孫榮嗟夫家人之義女治乎其內  
夫人豈幸而獲萃也耶蓋誠則形彰則  
著殆猶玉蘊山輝珠藏川媚柳又諱曰  
孟母卜隣俾母延賓允矣夫人同一慈  
仁

資政大夫都察院奉御御史嘉興項志書

又

猗歟商母劬躬有則柔靜而莊君子之  
特服勤於家閔惠悻娶是為女士福履  
康之其福維何子為內相祇事

三朝忠誠弼亮

國有令典地封其親以彰篤教以勸邦鄰

命服煌煌乃德之美胡曰遐年黃髮兒齒

年譜

四卷

三

元始

光榮壽考世鮮與儔歸全之日聞者涕  
流哀榮始終備膺休祉尚庇後來其永  
無已

中順大夫詹事府少詹事兼翰林院學士

經筵官同脩

國史莆田柯潛拜書

商文毅公  
夫人盧氏小像



年譜  
三  
元

資辭

通鑑高述書

戶部尚書

貞靜柔嘉得乎天賦之厚勤儉莊肅由  
廉潔之成作配君子垂範閭門虛翁  
富無欣戚之意遇窮晦有先見之明煥  
若絲繒屢出

兩宮之賜優其冠服式彰極品之榮福祚  
駢集時鮮與京懿美攸萃稱述難名是

宜昭布簡冊而垂耀無窮也

廣陵蔣琬贊

定西侯

與顏肅雍其德柔懷續

當代之偉人際

明遠之景運

周誥攸寵禮華以頌

帝幸之丹陛聽納美之雲韶君子象賢與

翁棲跡華列女之芳馨定閭門之於表

年譜

四

元

者元

杭郡初翰贊

禮部尚書

貞靜深志法德之嚴孝慈恭儉端道之  
敦德惠於宗黨謹禮則於閭門能樂  
資勤教子禮三長之譽維為警寐相夫  
登八座之尊

鳳詔龍章珠翟魚軒每朝謁於

宮壺累拜受手

天恩此其積慶之原而膺福之繁也備流  
像之在堂昭懿範以永存

鳳陽趙輔贊

武靖侯

性柔慧而端謹質婉婉而順從涉獵之  
書板逸大家之轍務勤女事師服太如  
之風其履隨祀有南國夫人之賢而始  
終一致朝暮夕奠則非人之所能供也  
其事勇姑有崔唐夫人之孝而間關萬  
里左扶右持則非人之所能同也堂堂  
夫子為

國名公致


君堯舜接武夔龍然內無所顧克濟厥艱  
而卒殫篤恭之忠者夫人贊襄之功也  
皎皎鳳毛學有所宗青雲趾美

玉署雍容然編摩詞館遠探近討而上追  
良史之蹤善夫人規立之隆也珠冠玉

東朝或謂

中官荷百朋之駢錫侈二品之棄封也  
人千載之逢也雖其壽不滿德為可恨  
而可憫抑彼蒼之靳其斤未既者將以  
啓其胤嗣於無窮姆儀未墜婦道攸崇  
載德懿像疇敢不恭

西文毅公仲子良臣公像



黃辭

質偉而柔以篤實成操屬而自以碩  
行才辯而明以謹默勝是以處盈滿而  
不見其盈蓋將致遠大而未當其情雖  
忠義之誠少憾於

經懽藻鑑之識小試於文衡然人方計其

寸絲之累而孰慮尼其萬里之程焉

斯人也豈其教胤之氣下厥清俗爾

十

六

廿

亦如

之性上歸列星然香又安得而騰諸冥

冥也耶

奉直大夫右春坊右諭

經筵官備

國史同年陸簡贊

又

氣和而端德寬而重學擅家傳才是世

用

經惟答漢翰苑侍從玄成于漢祖禹于

千里之駒九苞之鳳方進而止匪幻

事彼蒼弗弔斯文一慟噫

翰林院學士奉政大夫

經筵講官同備 國史纂

太子講讀友生倪岳贊

又

德量宏深氣稟凝重出本族而持已

年

六

元

元

謙登甲科而進學愈異譽言地館高才

迥配乎馬班

經筵大義教陳身周孔人養其世祿之傳

芳士望其相葉之德繼堯開一疾而遊

亡埋玉芝山之荒隴也

翰林院侍講備

國史纂

經筵官年未李傑贊

書

先太傳文毅公年譜後

倫不天一歲兩月輟失怙幸賴先世遺蔭惡知凍餒

苟延喘噫日惟忡忡若墜淵是懼既弱冠僅博一第

子員迫三十四頗知有玷於前人亦初何心往事

哉惟由五十將六十萬曆丁酉逾長即之暮得沐賢

書猶為不過士人分內事耳而邑父母郡太父母撫

按三司諸名公鉅卿咸各獎與羨賞以至閭閻之下

年譜

四卷

元始堂板

眷屬朋儕之家莫不相與走賀不置始一旦恍然

悟懣然悔曰有是哉然則吾仲父考侍御公捷于正

德丙子伯祖考藩恭公捷于弘治己酉曾祖考侍講

公聯捷于天順壬午高祖考文毅公聯捷于宣德乙

卯俱在九科之內定不出二十七年之外者不亦迥

異也耶自正德丙子至萬曆丁酉則又逾三九二十

七科之期九九八十一年之數不其尤異而異也耶

雖萬曆乙酉任之相亦既高捷而其身與藉則諱可

焉非淳安以脈絡言固若相流貫以封疆言不免於

界限更不覺無然太息以為是可以易言也與哉况

文毅公膺商氏來家五百年方發一魁是又可以易

言也與哉綠啓祖貽舊筭得我文毅公遺行集奏疏

畧寵嘉錄壽詩禁怡老堂集黃閣清風詩集家譜畧

諸刻及言行錄與夫詩文序記之未刊有反覆披閱

獨年譜缺焉若有待者迺徧質之香齋博詢之世戚

按其年考其事彙為四卷嗟夫實錄之藏於金匱石

年譜

四卷

元始堂板

室者無繇觀已撮拾嘉言善行之遺僅僅此爾且生

于百三十餘年之下敢妄擬乎百三十餘年以上耶

伏惟

英廟臨軒策士親權我文毅公第一未幾即

命進學東閣務期大用至遭土木之變

景廟嗣登寶位特召泰預機務又獨遣迎於居庸

英廟復識之曰商輅是我取的状元

命草詔稱旨頻賜酒果馬匹既而復

正大位又首召諭之曰好生用心辦事我要用你及

憲廟御極隨命召取復相十年而信任之篤春注之隆比

之

美

景二廟尤如是歷事雖更

三朝而得

君如出一致良以我文毅公忠誠體

國初不以勇勝易心所以

作書

元

羊

元始堂第

君之禮之亦初勿貳此其

君臣遇合照耀後先屹屹乎真無愧于古明良之契一德

之交者倫爰是不揣鄙陋輒成斯語自初生一歲以

迄終壽七十三歲上而父祖二代以公

封贈下而子孫孫子以公蔭

誥勅必錄

君恩也

錫予必錄存

君惠也士夫序賈記文間錄紀見知之真耳自製詩文

序間錄闡著作之勤耳論思之益入告之獻罔不畢

具表忠悃之寔也力救言官掄薦詞臣舉皆備書者

有容之度也贊復

景皇徽號之必詳非以謙則稱

君乎疏毀玉皇樓閣之必悉非以引

若當道乎屢卻

萬妃之餽則錄見無阿附之一節也

年譜

本四卷

元

元始堂板

紀妃以禮則錄見為慶後之一端也其

活無辜濟貧困禁抑內史不與旗校

從行年逐汪直不容專擅予奪不待轉寄耳目凡所

以福生靈而佑善類全黎庶而劬奸雄助勅治化佐

理泰平者不一而足何其偉歟蓋其直方剛果稟之

天者既厚而玉潔冰清操之已者尤堅是以遇當

重熙累洽之朝而能輔成正大光明之業進不失忠退

不失行是格之者天也際之者時也而成之者實

景

憲三皇知人之明不可誣也不有

三皇之能哲而任之不疑則我文毅公縱兼三不朽之

如當日丘文在公所稱亦終泯滅無以表見矣信矣

哉有一代之

君必有一代之臣

若不虛王臣不虛貴君子于此當為之三復願觀斯譜者

年譜

四卷

五

尤始堂

觀我文毅公始生于芝山之郡中闢于芝山之里終

卒于芝山之麓并其間二十年餘翊贊

列聖功在

社稷澤在生民者之大畧云爾若夫生平履歷備嘗則

遺佚於世遠人亡不可勝計字內

連觀君子儻遠心前俯於惻必味知我文毅公梗槩肯

勿吝教倫雖衰朽無似猶能下言匍匐以請倘耳拭目

以領焉

萬曆歲在丙辰冬十月中浣日玄孫根倫謹書

皇明三元太傅商文毅公年譜卷之四終

三

四

五

六

商文毅年譜四卷

清馬裕  
家藏本

明商振倫撰振倫輅之元孫也書前有小像八幅

自鄉試第一迨官至謹身殿大學士皆圖畫之殊

未能免俗其言行錄一卷則輅孫汝泰所作振倫

并刊之也



夏忠靖公遺事一卷

〔明〕夏崇文撰

上海圖書館藏明弘治十四年馬炳然刻本

附《四庫全書總目·夏忠靖遺

事一卷》提要

題故太師戶部尚書夏忠靖

公遺事序

昔孟子有言五百年必有王者興其間必有名世者予嘗歷考古昔聖賢之生皆本於氣化之盛故自堯舜至于湯五百有餘年自湯至于文武亦五百有餘年蓋天地清明渾厚之氣運於亭毒之表者久則有時而漓故必積之之久而後復盛盛則聖君賢相出焉蓋天地實生之也自文武之後七百餘年而始有漢高祖自高祖之後又七百餘

年而始有唐太宗高祖太宗雖不足比隆堯舜湯文當時佐命之臣雖不足以擬跡周召然君臣同心以成正大光明之業庸非天意乎自唐太宗之後更五季之亂重以契丹女直蒙古蹂躪中國而貞元之氣其漓也甚矣天醜其德而聖君賢相不出於其時至越千餘年而後我太祖高皇帝主馬復二帝三王之盛而掃契丹蒙古之腥穢當時佐命之臣固非一人若故太師戶部尚書夏忠靖公

尤其傑然者也非應期而生者乎喬新生也晚不及拜公之舄履而嘗聞先公言公為尚書時先公為御史永樂二十二年雷震奉天殿下詔求言言者多云建都北京非使而主事蕭儀言之尤峻太宗震怒加以極刑時六科十三道上言者多云朝廷不當輕去金陵建都於燕故有此變上曰方遷都時朕與大臣密議數月而後行非輕舉也言者

因劾大臣

上命言官與大臣俱跪在午門前對辨時都御史陳英等迎合

上意且懼昔日不諫有罪抗言御史給事中白面書生不知大計宜加重罪日將午

上命侍臣出至午門問大臣與言官對辨如何衆皆紛然呼罵言官妄言公獨從容奏曰御史職當言路給事中

朝廷耳目之官况應詔陳言所言皆當臣等備員大臣不能協贊大議臣等合當有罪侍

臣入後命

上仍命出再問公對如初天顏悅懌遂傳旨令各回衙

門辦事而言官無一人得罪者衆謂非公之言則又將有蕭儀之誅矣公心存忠孝無時忘之當洪武之末嘗巡撫

福建所至問民疾苦而惠鮮之詢吏治得失而進退之其瑣屑細事則悉付之有司官民皆安焉嘗出漳州北門見有舊塚將頽者問諸左右或對曰元達魯花赤送理弥實之墓守死不降民哀之故築

於此公曰忠臣也命有司伐石整其墳樹碑而表之他日往福寧見道傍一草庵敝陋殊甚而灑掃潔清問左右或對曰此元福寧尹王伯顏與其子相及子婦潘氏死節于此民既葬之又作草庵以祀焉公曰伯顏死於忠其子死於孝婦死於節無愧下壺家矣遂命知縣遷其主入佛寺空屋祀之且設祭焉公之惓惓忠義已見於此矣及自福寧建台還

太宗皇帝欲大用之忌者或沮

之曰彼建文用事之臣豈宜寘之高位上曰夏某父皇太祖之臣也彼忠於太祖故忠於建文又豈不盡心於朕哉歷事

太宗

仁宗

宣宗其盛德大烈有補於國家者尤多其詳已見於楊文貞公神道碑及國史有傳足以不朽矣喬新後生小子不敢贅一言以取不韙之罪謹述聞於先公者于簡端以

信孟子之言俾後世有考焉  
 先公又言蘇文忠有言國之  
 將興必有世德之臣厚施不  
 食其報然後子孫能與守文  
 之主共享太平之福公歷相  
 四朝其所施厚矣享其榮名盛  
 福者五十餘年而天之報公  
 亦不薄矣其子太常公有文  
 武才德宜與公世濟其美者  
 也然位不滿其德其孫象議  
 若好德而文其名位所就勛  
 業所建以名世者未可量也  
 他日躋大位建大勛而與伊  
 尹伊陟繼美有商者其在茲

乎喬新既頓首以為  
 皇明賀又拜手以為夏氏慶  
 弘治十三年庚申六月望  
 賜進士第資政大夫刑部尚書  
 盱江何喬新再拜謹識

夏忠靖公遺事

公姓夏氏諱原吉字維詰其先  
後徙開化唐中和間有諱膺者自開化  
遷于德興子孫蕃衍至千百計以文武  
顯于宋元者後先相望為德興名家曾  
大父諱復博學宏度多與名儒游才遠  
于時不樂仕訓諸子以義方躋松澗大  
父諱希政倜儻有氣節以鄉薦為元湖  
廣行省都事兵亂死之家寓沔岳

國初始占籍湘陰父諱特敏聰達力學不  
妄交洪武癸丑以布衣

召見有才學俱優之褒授湘陰儒學教諭  
間里榮之太夫人廖夢三閭大夫降其  
室生公年甫十三遭父喪棄筆執禮太  
夫人守節自誓任衣食訓諸孤公刻志  
苦學群籍靡不通尤精詩春秋以家貧  
勞母夫入心教里塾取束脩以資養而  
城愉恭侍甚得母夫人歡出入鄉閭其

老長皆忘年賓禮之時已負鉅入度喜

怒不形家居僻恒有戴大笠若土神者

登夜護公行公心無所動選克邑庠生

俗憚為儒見儒冠者輒傷之太夫人泣

請免教諭史九韶曰此子氣宇深沉有

公輔望寧知非老母榮耶弟毋忘吾言

耳先生慎許可而獨笑勵公贈公文有

麒麟鳳凰世不常有一出必為文明之

瑞世以為知言以詩經頌洪武庚午鄉

薦下第入太學被選禁庶寫誥

太祖幸書所見公儀開雅字又方正

特賜紗衣一襲復

命人至書所察諸書生所為或為談笑肆

放而獨公端坐正書儼然如在

上前上念之二十五年冬十月書滿有司奏

當署部職

上曰夏某端厚君子勿署特實授戶部四川

部主事初之任日同官龔即中有輕公

心令吏持數疑事請公判公辭弗獲乃  
為分處俱當咸驚伏尚書郁公與語大  
奇之謂所屬曰夏某才器老夫誠不及  
諸君亦能石乎凡諸曹事有未通者悉  
委裁之於元同官質疑者日環左右公  
雖紛冗必為之盡心人人德公如師惟  
劉即中恥以事質公又多所不稱為郁  
所責劉深許之歲正大朝有司刻其忘  
事者

上悉宥之郁請不已

上怒曰是必有故汝要勤者郁肢慄免冠謝

上意解且復請齒入謝劉出奏曰誠如

聖諭尚書有人教之欲陰中公

上問郁為誰對曰臣堂後書算生竇教臣為

臣愚過聽誤

上曰汝實無罪惟下諸書算生獄劉謂生等

曰何不引其以明生曰某多感其德

事非所預安忍累之劉他日復

奏曰夏某專尚書之柄前事預為

上曰聞夏某多辦部事甚有匡於尚書何謂

專柄汝欲陷之故為是言於是劉與諸

書算生皆伏誅公遭危諸數矣頓

上聖明不聽二十九年冬十一月三載滿當

陸引六面陳歸省母且曰臣路遠之僕乞

携與皂行寬程期

上特免之人以為殊典後公每誦及

上恩必泣下三十一年六月夏用僉舉陞戶

部右侍郎公益協心佐理未幾克採訪

使巡撫福建所過郡邑明公寬大人咸

悅服尤以表忠賢拔遺才為看務時楊

文敏公為邑庠生公一見器之賦詩期

冠秋試有莫使祥麟後馬牛以風司考

者文敏遂發解郡有明後樓多妖宿者

必死公愛其欲止焉或告之公曰邪

非君子所避獨宿竟夜妖遂息識者已

知公之雅量足以負重任矣已而出

新州二十五年秋

太宗入正大統有執公來獻者

上以公

太祖舊臣奉公守法轉戶部左侍郎公力以

疾辭弗允逾月進戶部尚書凡貢賦後

之制悉

命公詳定公酌古今之宜為經久計其所

議率從仁厚曰不可使後之難繼哉吾

民也永樂初兩浙諸郡大水民不聊生

國用告乏

上憂之二命公往治且

命命御史俞士吉齎水利集賜公公至

則奏罷竊民妨政數十事民大悅詢諸

故老先水之由庸其言而執中善則歸

人夫則疲已每躬先勞之布衣徒步晝

夜經營不遑寢食日為之赤或勸公少

休曰吾自安之不為倦雖盛暑不張蓋

或持蓋奎公曰衆赤體暴日吾忍豫求

涼乎時使兵民數萬曲盡撫卹之道以

是人人效用疏壅滯脩堤浦濬溝洫治

橋梁導滙水以入于海水患乃息又奏

發粟粟三十餘萬石以賑饑民躬行督

勸散給有方全活者衆分給牛具種子

播時百穀公私俱贍有欲干澤于

上者奏以水退淤肥宜召民佃耕以益國用

文移抵公所公嘆曰民疫極矣救死不

暇况重役乎即馳奏曰車庠則徒勞民

力裁種則已失時何益于國

上悟事遂寢吳人懷之太子少師姚公廣孝

遂自浙

上首詢公政姚公對曰夏某溫而不寵威而

不猛古之遺愛也三年秋八月

召還掌部事

上諭公曰向以部事付郁新以浙農務委卿

庶內外克濟今新死矣戶部事爾其盡



心毋怠公省請裁冗食以省浮費量有無以均出入平賦役以蘇民困又言盜法邊儲所係不許勢要開種以妨商賈錢鈔國用所資不許富室專利以沮貨易以至禁私攬戒侵欺清倉場廣屯種平價值皆請立定規以施諸天下

上嘉納之凡四方所上水旱災傷巨細必報僚屬所言雖寸長片善有益於政者皆採用不遺每量其才而使之故事集而

民不撓犯小失恒掩護之曰人才難得苟一加謹責則無心向善矣有郎中汚精微批者懼以白公公曰入奏曰此臣鈐束不嚴之罪也

上易批與之下問公嘗以倉庾府帑及丁戶田賦盈縮之數備書小帖置袖中題曰記心時時檢閱經畫有素以備

顧問一曰

上臨朝問公天下振儲數公言某處幾何某

處幾何不差升勺

上益親信之時推賞靖難功臣錫予無虛

日又大封

親藩屢討四夷創建

宮殿增置武衛添設百司財用費億萬計

悉取辦于公公經綸康濟生財以仁民

庶日殷而國用自足六年春公言江西

督責逋負鞭繫累歲加以官吏貪殘民

甚苦之請蠲其賦武年間追徵未完賦

視以解民困

上勅行之夏六月以初建比京

宮殿株木運餉者百萬千道

命公暫出巡視自龍山抵北京律治怠事

者給以錦衣官較四十人便宜行事公

恐犯者衆登車即榜諭官吏軍民俾各

共乃事勿罹刑憲於紳令中備矜恤意

人人感悅而事大集又以淮安為南北

之要衝尤宜撫恤之下檄養兵安民郡

邑帖然秋八月行次德州

上思大用公差錦衣官齋

勅召公回且諭曰行止卿自度之朕不中制也蓋

上將巡幸于北欲問公民情安否何如耳七年春二月

命兼掌行在戶禮二部都察院事扈從

軍駕巡幸北京公日督運餉以給軍國整朝儀以一會同振紀綱以齊百辟

上嘉之夏六月

命兼掌刑部事執法公平有二指揮冒支

倉糧

上款斬之公執奏曰前犯此者俱從律擬今

冒支者處斬恐有真盜者將何以加諸

上命從律八年春二月

上親征北虜命公輔導

皇太孫留守北京兼掌行在六部都察院

大理寺事

上諭公曰朕以房玄齡委卿卿宜盡心輔導

皇孫居守時初建京邑諸司草創公負重

托鞫躬盡瘁每旦入朝獨近

案前以參決機務退至政堂即官御史抱

案盈集庭下公口應手判頃刻而畢然

雍雍雅度每大事臨從容裁處不動聲

色凡銓選文武經理財賦備明禮樂調

遣軍馬詳審刑罰興止營造激揚風紀

所以北奏

行在南啓

東宮下令于天下者

皇太孫端拱惟公言是從百官總已以聽

庶政不舉京師肅然秋七月

車駕還北京納上行在吏兵刑工部都察

院大理寺印十七日

召見便殿諭曰卿輔

皇孫居守小心勤慎事安民安朕閱卿所

參決機務咸中理事甚悅朕心公頓首

曰皆

陛下聖訓

皇太孫遵行 位何功之有賜寶綵綵帶綾

馬羊酒翼

上臨朝論群臣 曰夏某輔導

皇孫雖古周 公不道如此時

仁宗為皇太子 監國南京間之喜命尚書金

忠至公第 諭太夫人曰問爾子在北京

輔導

皇孫有功所 祭次機務咸合

聖意是由賢母 平日教誨所致冬十一月毫

從

車駕還南京

今守戶部事 納上行在戶禮二部印以從

行勞

賜休假十日

命輔導

皇太孫周行 以親民俗仍便宜行事

至一村店公先取壘與乘嘗之進于

皇太孫曰臣

殿下味此將以知其艱

皇太孫乃為嘗壘一莖黍數匙又至一民

舍有犯筐者

皇太孫怒歎罪之公言臣親承

上命所至最極吾民罪之非

上意也

皇太孫從之召見鄉老長一一陳其風

俗疾苦者賜之帛義者未其間孤

獨者給其廩以復其後民皆首香稱嘆

駕後有免道左

皇太孫歎曰 禁之公言今豐草中多狐鼠

穴縱驥馴 御熱能保不測之蹶乎

皇太孫為之 止先時

上命指揮周 凡從卒有擾民者執以

聞時數卒 犯被執

皇太孫令 齊李英往諭釋之敬曰吾奉

命執卒而擅釋之是欺

上也英選言其微拒

皇太孫召繫敬公為之請

皇太孫曰彼恃

命善侮公言有

命而卒遠之不罪而又繫執者是重遠

命也不如釋之因而厚賜以勵其直

皇太孫立命出敬賜羊酒以勞之繼

命輔

皇太孫閱武于郊俾知兵事且諭曰此安

不忘危之意卿善導之九年秋九月九

載奏績

上親宴之便殿賜

勅獎諭復諭廷臣曰夏崇

太祖高皇帝養成賢德之士爾群臣歎觀古

名臣此其人矣又曰夏某君子中君子

也冬十月

命公同太子少師姚公廣孝監備

太祖實錄舊制非元勳不與監備益殊任也

後姚公沒公同總裁官楊公榮華七年

恭勤史事為書二百五十七卷

實訓十五卷上之十一年春二月扈從

車駕巡幸北京

命輔

皇太孫居上營之後俾日親啓沃存問優

至十四年秋九月

皇太孫自北還南京

命公輔行每駐

駕公必進陳所經山川險易民生休戚風

俗美惡數事而退忠愛懇到

皇太孫甚重之每呼先生而不名凡有

令必咨公而後下預禁所過郡邑遠出迎

送兵民晏然有不知

駕之至者十五年春三月扈從

車駕巡幸北京凡行在一應機密公多與

間十六年夏五月

命提調備纂大明大一統誌秋九月

命兼掌禮部事冬十一月罷之十八年秋

九月北京

宮殿成

上以公親臣命召

皇太子

皇太子于南京且命諭以授受之意

二聖喜公至宴賚有加冬十月公先馳奏

上復命公迎之諭曰

東宮未宜緩卿行公迎見

兩宮于鳳陽固鎮具道

上旨

東宮曰雖有

命吾其敢緩乎因留公隨輔手書付公同

楊公士奇詢訪沿途軍民利病政事得

失數陳以備

顧問十二月

兩宮至京

上問公速來意公對曰

東宮久遠侍膳一旦聞

命恩覲

天顏不復計行之緩急然臣仰見

陛下慈注之深故知

東宮孝思之情不得不切也

上善其對既而公言連年營造民疲轉輸逃

亡者多今

宮殿告成宜愛養民力凡各處流徙之民

請悉宥之復業蠲其該納之稅

詔行之十九年夏

三發災公言敬天者所以愛民也今民力已

竭宜將累歲所欠貢賦及被災該納蕩

撥揀辦金銀課程悉蠲之賑濟水旱缺

食之民優恤流移復業之衆則人心悅

而天意回矣

詔行之初府部院寺科道各言南北建都

刊便不同

上命面辨于廷

親御午門樓視之密

命中使問公言孰是公對曰臣等罪也科  
通言是

上兩省之或尤公背初議公曰不然

天威嚴重吾輩歷事久言雖失幸

上憐之若言官得罪所損不小衆始嘆伏秋

八月

命兼掌工部事時公雖居戶部實兼九卿

之任

上神武英明郡臣罕稱任使而獨眷注公凡

軍國要務必與公面議可否而後行之

召見便殿或闕門語移時左右莫知所議

公退則恂恂若無所與者

上以是益重公公感

上知過之厚思所以報

國者靡或不盡每承

上問即竭誠以對交吐平

上問公陞賞孰便公對曰賞費于一時有限

陞費于後日無窮臣愚多陞不若重賞

上從之惟陞元功餘皆班賚有差省軍職之

半西域法王來朝

上將親勞之公言彼慕聖化而來朝將以觀

光上國也宜視以君臣崇正之禮有以

易其不父子之俗所以夷入中國則中

國之道也且

上如是則下必有甚焉將有赴走死而不顧

者也禁之則解之有餘弗禁則恐禮義

從此而大壞也

上曰爾欲破韓愈耶竟止不勞他日法王見

便疑

上命公拜公長揖而已

上曰何卿木強之甚公對曰王微臣序諸侯

上况夷狄乎臣恐一屈膝有辱

天子之臣故惟死不敵奉

命

夫曰卿過待即揚勉之拜獮猴遠矣山東

解至唐賽兒妖黨三千餘人將誅之

上命公與李慶都御史同錄公審其枉欲生

之李有難色公曰

上所以

命吾等審者正恐其枉安可避嫌隘及無

辜即入奏曰臣所錄諸俘俱平人商于

彼者為賊所陷且左驗明非真反者

上可其奏皆原之象違公道曰公生我公叱

之曰爾罪當誅此

上恩也陝西有偽稱金輪王者報至

上亟召公議遣將討之公言亂止數人脅從

者衆若將士希功所殘必多而費不貲

矣莫若遣廷臣有謀而慎重者往擒其

首餘皆自定從之果無事谷戾人逆謀

既彰

上問公長沙居人通謀否公對曰謀自于彼

無預居人臣敢以家養保

上信之竟免究

上眷公之至雖勳舊元臣莫及

皇太孫行冠禮有司奏請大臣一人司之

以尚書龔彥方賓名進

上曰惟夏某相宜

特命公行冠禮上元禁節張燈許臣民同樂

公奉太夫人與觀

上知之及哺宴文武群臣于燈山下

顧問公曰適聞爾母來觀燈尚在此否公

對曰已歸矣

上曰爾以才賢為

國家用皆爾母賢淑訓育所致

命撤御案既實絲賜之公第原落至京

上召見賜酒饌頗歸

上命人送之舟中行李蕭然惟麥二石

上異日顧問公曰聞卿弟行案甚空盍少贈

之公對曰臣所遺俸資先已寄歸適無

所有地不及贈

上笑曰何不告朕助卿賜異布數匹十九年

秋

上議親征北虜群臣莫敢言公曰吾受

上厚恩不可不死諍之約方實尚書同諫謂

曰公但來吾自言之入免冠叩首言類

年師出無戎功馬儲積十幾八九又

聖體少安尚在調護遠濡風霜誠未便况今

災菁迭作內外俱疲民不堪命甚可慮

雖犬戎犯順請遣將勿煩六師

上即命公整邊儲于口北方尚書懼自縊死

遂獲罪併籍公家惟有

賜鈔千貫餘皆布衣瓦器而已

命錦衣官立限取公用錦衣至公方啓殿

理儲錦衣促公行公曰姑少俟畢此行

不然恐有侵漁患死吾安之不以累公

錦衣如其言至京稽限半日

上問之錦衣以公言對

上御門問公征虜得失公從容對千餘言謂

自古

帝王專備內治不事遠畧彼牛羊之虜叛逆

是其常惟固守邊疆詰爾戎兵來則拒

之去則勿追可也歷言周漢及魏

上命繫公內官監

皇太孫屢上詩宥公文之

上察公忠問以國事訪公公敷對如平時又

命中使覘公動靜因曰

上昔待公厚而今繫之峻寧無怨乎公曰風

雨霜露莫非教也何敢怨焉語

上聞寬之二十二年秋七月

車駕至榆木川不豫顧左右曰夏某誠有

忠愛朕心語未畢而

駕晏八月

凶聞至

仁宗為皇太子親臨公繫所有

旨急召公公禁繫殿不知外事且久不被

召驟聞



命拔衣急趨出見

皇太子在中庭泣謂公曰卿知否近得揚

榮報

父皇賓天公伏地痛哭不覺失聲

上益感慟命公起慰勞之曰卿可出視事公

叩首曰臣

先帝罪人未聞

遺詔敢希寵乎語良久

駕回命使賜御厨饌給紙筆次以國事

公即上言以用費於不急祿耗於官冗

情墜下言塞政急于少康積弊速今未

能遽革在任當其人而圖之以漸又曰

今民力竭于東南戎伍疲于漕運宜津

南京庶幾少蘇內外之困

上曰朕意亦然

上以初政認條訪公公請撫流移恤寡賑

饑民寬通負案賦役禁科斂罷下西洋

寶船及雲南交趾採辦金寶香料各處

剛辦金銀冰程數事皆見施行

上即位首復公戶部尚書賜官帶衣服靴襪

被褥帷帳器用咸備公以母喪未終辭

不受

命異日

上御西角門早朝額問輔臣曰不見夏尚書

說事塞尚書對曰夏某有母服未終乞

歸守制

上曰卿可勉留之俟令視事立

召公至便殿公涉言臣被繫時有母喪未

克成服乞歸故山終憂制臣事

陛下日未艾也

上曰卿老成人不幸國有大事正賴相與共

濟艱難安得遽去卿云有喪服我無喪

服乎如卿辭職朕亦不當在此卿必留

贊輔公固辭

上留益篤公退十餘疏

上終不允公哀毀骨立上下憐之哭聲夜徹

願外人不可聞

皇太子正位東宮

命公兼太子少傅公力辭不允時呂震為

太子少師班右公

上見之諭鴻臚曰夏某

先朝碩德舊臣宜右震

命引震次公即進公少保兼太子少傅戶

部尚書食三俸公固辭

上曰位以任賢祿以酬勞卿勿固辭公請不

已許辭太子少傅俸公感激知無不言

尚寶表忠微以風整得幸

太宗

上以其言嘗不遜首欲誅之公諫曰忠微言

誕罪固當誅然禮以親之所愛雖親凌

而子待之終身不孝况今

山陵未畢而刑遽加乎近侍之臣奈

先帝所愛何

上從輕罷忠微官冬十月

上御西角門視朝罷時風寒顧謂公等曰朕

與卿等居重城中猶覺凜凜如此守邊

將士晝夜嚴警殆不可勝遂

命書

勅遣使以鈔幣賜沿邊將士公進曰

朝廷待守邊將士厚矣既豫給禦寒之具

又蒙

恩如此昔楚子以寡回拊三軍皆如扶續

彼徒施溫言人尚感激况今受

實恩敢昧報效但願

陛下常推此心不忘耳

上曰人君視天下萬物為一體况將士為國

家躬勤勞瘁豈敢湏臾忘之朕所行或

有不及須卿等輔翼古人有言為君盡

君道為臣盡臣道朕與卿等各盡其道

可也十一月

上與公論及屯田事

上曰

先帝所立屯田法甚善蓋用心亦甚至但後來所司數以征徭擾之既失其時遂無其效所儲蓄十不及二三有事不免勞民轉輸其令天下衛所凡屯田軍士自今不許擅差妨其農務違者處以重法

公對曰

先帝經營天下二十餘年所立兵民法度俱盡善盡美陛下... 遵行天下幸甚

上以公志亮... 何重之每朝罷必親呼公等

二三大臣近

御案前或隨至

便殿面議政務畢方回

宮遇有急務

賜手勅訪公行凡內外諸司所進章疏多

命公先條進其旨而後從中批出或謂公

所條旨多云某部知道而不斷才何也

公曰予奪之柄非臣下所敢專故付之

六計定其可否而復取

上裁庶事有所分而權不下移也洪熙元年

春正月

上將郊祀徵下仁民之詔咨議于公公請命

風憲督勸農桑以充衣食之本所司廉

賤窮民以廣好生之仁增文武官吏俸

給以勸廉能弛山林湖冶之利以公民

用寬逋負賦役以安流徙之民補積欠

月報以養將士之勇屯田將卒不許差

占以妨農務四方災傷即令奏報以憑

寬恤皆施行之

上天不雨雪賜公憂民吟且

命賚之有交修之意兼賜玉帶未幾

命公同貴臣宴四夷呂尚書以位次請

上曰夏某朕之股肱曰夷所仰位宜居中翰

林進呈公等詰詞

上親增二語曰勿畏崇高而難入勿以有所

從違而或怠且諭曰此朕實心蓋望公

等匡輔之切也繼

召公之康前賜絕憇糾終銀印一諭曰卿

忠在國家朕聞

皇考賓天時嘆卿忠愛特茲眷倚繼自今朕

有過舉卿但具奏以此封識進來朕不

憚從也公頓首謝曰

上聖則臣直臣雖愚敢不仰承

休命自是屢有所陳

上嘉納之未期歲而仁政周於天下矣三月

上手勅公等欲除畿甸輟背連坐妖言誹謗

之刑公同二三大臣密議以

聞詔皆行之夏四月

命兼掌禮部事特賜象牙正直印押以

處分且以旌公秉心正直云公言今山

東及淮徐諸郡累歲旱潦無收民甚艱

食粟父母妻孥不相保請寬恤之

上即詔全免夏稅及秋糧之半一切科派收

買物料悉罷之未幾

手勅諭公曰古云斧斤以時入山林材木

不可勝用近西山樵採者將諸樹根伐

盡卿宜揭榜示眾犯者斬之以徇公言

樹根之伐固所當禁而人命為尤重也

是以王者之政先人而後物故孔子於

廐焚傷人乎不及馬今薪伐過當罪止

不應請從律議為宜

上從其言以公有匡輔功賜田五頃于八里

庄及建第二所于兩京以褒之五月李

時勉廷諍過激

上怒欲刑之晚諭公等曰李時勉當朝辱朕

論已

天顏大變公進曰時勉小臣之言豈能傷損

聖德願

陛下少霽天威下法司議定罪之未晚也從

之

仁宗賓天公受

顧命時

宣宗為皇太子監國南京中分洵洵有漢庭

人之憂

太后以公東宮輔九軍國事悉

命公裁處公文謀急迎

駕還京駕將不群臣出迎

太后密命公留佐

襄王監國

上見輔臣首問公安在塞少師等莫能對

上不悅駕至京公慰白近見

太后諭所以留公意朕方知之卿奉

皇祖命輔朕有年朕倚卿非他人比卿當以

事

皇祖者事朕加明初寶帶時喪禮及即位之儀

皆具皆公一人所豫定

諭衆勅草命公等刪削

詔救之議多主公言每

朝呼召面議政務及手勅答訪國事悉如

仁考初公同塞少師二楊少傅同心輔政塞

重厚多謀公舍宏能斷文貞博古守正

文敏明達有為中外稱為得人

上時與公等面議久

命坐賜茶或命退殿庶少休復至

辰前論議

上尤以心腹托公朝退之暇不特獨

召公密切顧問或袖中出小帖子親付公

手公亦或有所呈於

上凡中外所進詩疏

專命公批卷或批不及

命携出條旨註用小票墨書帖各疏而以

進中易紅書批出或未批多

命公傳旨處分公日孜孜惟謹所受

聖諭及納誨於

上者未嘗退以語人凡諸公謀猷之善者力

贊成之不自有其功先修

太宗寶錄命公監備至是復

命公監備

仁宗實錄國朝文臣三預監脩者惟公一人

而已宣德元年秋七月

上以山東無麥詔蠲其稅且諭公曰稷思天

下有饑者猶已饑之伊尹作相一夫失

所若捷于市卿國之大臣宜體此心公

叩首曰臣敢不仰承

聖訓八月漢庶人謀反移檄誣輔臣奸邪亂

政以公為心蓋惡公等得君贊治不利

于已也

上夜召公等入以公免冠頓首曰臣不才致

變親藩罪死

上曰卿何為是言彼蓋假卿以興兵耳休戚

與卿同之存分坐審議弄左右語揚文

敏公首勸

上親征上難之顧公公曰往幸可鑒不可失

也臣昨見公將而其色變遂語臣等而

泣在廷如此則其臨事可知又曰兵事

責速且有辭江泰甲誦戈而往一鼓而

平之所謂先人有奪人之心也揚榮言

是上意遂決即躬率六師征之晝夜兼程而往

帥臨城漢賊人懼欲降猶令人繞城上

詔公罪人既得大被

恩賞賜公閣者三人掖公朝參出入公固

辭曰

舊制非勲臣不參用

上曰卿輔導忠勲非勲而何公乃拜

賜尚書郭勲使武定州回為同使者諸于

上公言臣待罪尚書時敢為侍即深知其人

廉慎公直性公是執且能屏絕私囑以

是怨之者多懼

陛下察之

上曰朕今知之矣謝竟不行二年秋八月

上燕閑公侍側因語及古人信諛事

上曰諛惡小人真亦變白為黑誣正為邪聽

其言若患究其心則險是以帝舜聖諛

說孔子遠使入唐太宗以為國之賊朕  
於此等每切防閑若有其萌必杜絕之  
不使奸言得入枉害忠良齊殺斛律光  
國遂以弱朕常非之汲黯正直奸邪寔  
謀卿等所宜務也公頓首謝曰

陛下之明群臣之幸也臣敢不效愚直以仰  
答

聖心十月交趾呼叛屢遣將征之未利至是  
請降廷議其反覆更欲興兵

上以問公公對曰兵疲財竭不可再舉如瘡

伏於身未滅則憂不測已潰則可緩治  
宜進以平加資補俟血氣調和而  
自愈若不小忍而惟毒之攻侵淫不已  
心腹內虛恐患復生於他所不可不慮  
今莫若因彼上表謝罪許其復國自新  
吾人之在彼者令護之出境則  
恩結其心而亦無他虞又時二楊少傅亦  
有是言

上是之遂偃兵息武有寶綵上尊之賜十一

月

皇太子肇生

上命公等條陳仁政數事詔天下有銀器寶  
綵繅絲幣之賜三年春正月公同塞少師

奏對

便殿

上悅命留侍宴止論盡歡

上顧公醉笑曰卿能復飲乎公頓首曰臣飽

沃

天恩醉矣

上顧塞公猶醒酌巨觥三賜之公拜退

上顧公有歌言之色問曰卿有言乎公近

奏前密請登建

皇儲為

宗社之本

上曰然朕當奏

太后行之二月以議國本功召至

便殿獎諭賜苑金銀印八曰含宏貞靖

謙齋以褒公之德量曰後天下樂以表

公之忠勤曰傅保之臣以期公之寅亮

餘著公之名字世系鄉邑也尋加翠爐

銀甕玉鈎玉帶之賜三月命公等侍遊

西苑以騎隨公騎後

乘輿甚適諱之授公者私相問曰前龍衣

而尊者非

至尊乎

上聞而顧之公惶懼下馬謝曰

天成咫尺而臣不能肅下罪無所容

上笑曰朴實哉卿諫也人仍鈔十五貫復

命登御舟遊太液池

上顧公等曰以操以御群卿之力君臣之義

休戚是同

上射鳧獲之既烹躬割以啗公親酌玉觥以

爵公曰卿於朕啓沃良多而今老矣不

盡歡日哺而罷

上以苑多奇石可愛命內臣吳誠偕公往觀

且諭曰惟此所欲與之公但取尤小者

一二而已內臣曰苑奇石巨者以萬數

先生弗欲乎公曰某性鮮好奈

上恩不敢辭况欲其甚者乎內臣以

聞

上嘆其介者久之閏四月公言山西饑民流

徙南陽諸郡十餘萬有司軍衛各遣人

捕逐民死亡者多

上即遣官往同布政司及府縣官加意撫恤

發廩給之隨所至居性敢有捕逐者罪

之民賴得所秋八月復

命公等侍遊東苑

上指草舍一區諭曰此朕致齋之所雖不敢

比古人茅茨不剪之意然庶幾不忘乎

儉笑公頌告曰

陛下言及此天下蒼生之福書曰非知之艱

行之惟難



陛下知而行之堯舜之治亦不過是八月扈

從

車駕巡邊賜寶刀

上命取公素糗嘗之笑曰卿亦食此粗糲耶

公對曰臣食此足矣隨營將士尚多餒

者

上命中貴取上供者賜公遍加將士之犒勞

上還京念公等四人高年且師保之重以寅

亮為職不煩歲政

特賜勅諭部院務伴專論道左右共寧邦家

隱然拜相之意前此所未有也公益殫

忠諫以報

上知四年冬十月公奏封

便殿

上問公時政之弊言今內外諸司遇有公

務輒坐委掌印正官出辦取其事之易

集殊不知正官乃一同之長百責所萃

今不論事之重輕一舉委之致使護印

署事者苟簡于政吏肆其奸庶務妨廢

時弊莫甚于此

上曰非卿不聞是言即勅諸司禁約違者許

言官糾之未幾扈從

車駕閱武郊外至兔兒山

上怒諸將奉命之不度也命褫其衣以辱之

公言將帥國之爪牙

天威震怒罪且不測况時嚴寒倘致于斃是

因微罪而殺重臣

上不應起入帳內公隨之

上顧見公曰卿且休公對曰

陛下憐臣之恩至諸將瀕于死矣

陛下獨不為之念哉

上笑曰朕特為卿釋之還京公因奏對言今

天下雖稱承平民困未全蘇息各處買

辦備徵差官數多甚是擾民以致小民

怨咨罔知

朝廷優恤之意請

勅禁約諸司非急務不許差官如出差覘民

者許風憲糾察以

聞

上從之

上寵眷公日優使者日公日數十輩于道家

有御賜名馬性甚靈每

召臨馬必帶篋爾者報公具衣冠出而錦

衣入至矣

上嘗張燈宴群臣悅甚笑謂公等曰此朕禁

天柱也天下事付若等朕高枕無憂矣

賜紫英硯象牙翠花筆龍香墨水晶鎮紙

玉筆架以便條

旨用公誕辰

上親繪壽星圖及製詩賜之有獨主申甫氏

鴻運之衰每有憂喜及節序必賜公詩又

親繪秋香竹梅二圖以侑公之塊節文

禽非能春霽魚遊春水數回以彰公之

遭遇之盛云至服食器用銀幣日不虛

賜賞

命尚方取一翠甌賜公公拜賜訖

上笑曰卿夫人得無競乎後加賜一馬又

命製束髮小玉冠二枚

上用其一以一賜公諭曰使卿之子孫知吾

君臣一體也公寵愈優而心愈小恒懷

貧乘之憂朝回于家而色若有不懌然

者夫人問之公曰吾欲進諫適思所以

悟

上者未獲故惶惶耳又嘗撫案嘆息筆欲下

而止者再夫人問之公曰吾適所批者

歲終大辟奏也吾筆一下而死者決矣

苟有可生吾未嘗不欲生之恐悞焉則

彼啣無窮之冤而吾懷終身之恨矣以

是慘無筆不忍下也五年春正月

所制實錄成公同太師英國公等上之

賜宴資旦入謝落歸得未疾猶執筆條旨

以進夜盡未盡前三日有星墜庭之西

南陽光燭地者久之方白

上早朝聞計策悼遂撥朝垂涕山宮左右感

動莫能仰視朝自公卿大夫及郎官將

校下至闕巷小民莫不哀息咨嗟至有

泣然流涕者

上問輔臣議公封爵楊文貞公對曰

舊制文官不許封公侯恐因恭為例制不可

自今日始某輔導舊臣贈以太師亦尊

榮矣乃贈特進光祿大夫太師謚忠靖

賻祭殯葬有加常典官其子瑄為尚寶

司丞期以讀書大用切

勅戶部復其家

國朝輔臣贈太師及師葬之隆自公始也

公天性孝友公退未嘗離太夫人側每

早朝必候問起居而後去太夫人沒公

不忍正坐每故

寵賜必俸泣曰此

上恩也吾母不及見矣吾何敢私乎適分諸

弟姪及姻舊之貧者愛二弟彌篤李性

操使酒一日醉壞公釀器家人奔告曰

叔破缶而釐酒矣公笑曰弟又醉耶公

二律在南京者皆李所費然公恒以

賜物分寄之或曰俸悉被用而

賜又及之邪公曰手足情重俸何惜焉且

上恩之霑不可不均也其德量任洋人莫測

其際嘗使蘇才苞人烹肉過鹹公但噉

素飯而已無所問巡視淮陰憩于野馬

驚而逸從者逐未返公繼謂過客寄聲

尋馬者客不應且罵之從者執以見公

公笑釋之有隸盜公銀酒器數事為

者所獲械見公公命釋械語之曰爾非

艱甚寧念為此乎仍與所盜一杯遣之

隸感泣而去有進士戲乘公有與或告

公公曰有志者慚退祭酒胡公能屋居

公既賜第即以舊第讓之胡致士公齋

第以為禮故胡挽公詩有琴書琴去嘗

推宅尚書為子乞官

上以問公公對曰震

光朝有守城功宜量其六一官可也或語公曰

彼昔奏公公寧忘之乎公曰某自得罪

彼何與馬平江恭襄公靖難時嘗欲害

公後公薦恭襄總漕運又內贊其所請

以濟國事二公深自敬服

上嘗賜公銀酒器公留用于部堂或勸公私

之公曰以

上之寵賜而私之可乎且吾以布素起家亦

豈能勝此也時同事有性褊者嘗書公

姓于座右以自警少忘之性如舊嘆曰

夏公真不可及也或問公量可學乎公

曰某幼時有犯者未嘗不怒始恐不化

中忍下心久則自熟殊不與人較某何

曾不自學來入曰處有事當如無事處

大事當如小事若先有張惶則中便無

主矣故歷事

系朝秉節執義夷險一心其論大政決大疑

群議滿前公徐一言而定或有偏執已

見奮然沮衆議者公從容諭以義理曰

某所見當如此處是至

上前奏之果如公議沮之者莫能奪事賴以

濟尤樂薦引士類布滿中外皆稱其職

然思不已出有自布衣至公卿而不知

公之薦者

仁皇嘗欲用李榭為兵部侍郎問吏部不知

命問公人始知公之薦周文襄為長史

時廷臣有欲薦為郡守者公言于

上曰郡守不足以展其才

上于周名下注留看別用四字尋至大用至

薦李襄城公隆守備南京黃忠宣公贊

理漕運皆極一時之選其接人之急借

人之才惟恐不及都御史劉觀之女被

選將入內

皇親胡都督往駕馬

上問之欲誅觀惡共結托也公言觀昔事

先帝每稱其能偶因戚里之嫌遂加大辟非

罪疑惟輕之典

上意少解竟以他事罷觀職有禮部署堂郎

中某於

早朝奏云四夷之未賞不及用宜預措置

上不答某懼甚思以告公公曰以富有四海

而當疑云云可乎乃為於

午朝之間而陳之米得所請戶部李即

中選性絃急屬吏有悞者李欲置於法

吏懼而投匭首實

上特免之李怪吏之不先白已也叱曰

上雖宥爾於法終不可釋吏遂以其辭奏之

上怒其言涉不將刑之公言某素剛直偶

因吏之激言遂于暴若遽刑之恐長奸

吏風况今募人使遠若宥而任之必能

盡死贖愆如此則恩法兩盡而吏亦無

以長其奸

上從之李使于闐果不辱命刑部金尚書以

疾在告塞忠定公有命乃赴之

上聞之不樂曰以疾不朝而宴于私可乎

命繫之公言進退大臣當以禮可殺而不

可辱金某老矣而繫辱之非刑不上大

夫之意

上即宥之有短揚文貞于

上者

上以問公公力為辨之眷任彌篤故贈公誥

有推賢盡誠之褒每勸

朝廷行一善政用一善人或問公公曰此

天子之明群公之力某何與馬凡所上奏草

辭即焚之曰不可彰吾直也以是嘉謨

嘉猷所以左右

朝廷惠利斯民者泯然無迹不盡傳于天

下惟天惟

列聖知之豈敢誣哉黃忠宣公嘗贊公德足

以格君而不言其直量足以容物而不

言其善身足以任天下之重而不言其  
功休休惜遜有古良臣之風時以為確  
論焉

夏忠靖公遺事終



忠靖夏公遺事跋

國朝夏忠靖蹇忠定兩公立朝  
任事之槩甚稱于人然口耳  
傳嚴不無甲乙余自入官時  
以至今日雖常景仰忻慕然  
恨未能得其事蹟之真實者  
而持循之輒有無緣親炙其  
時之嘆弘治辛酉忠靖公乃  
孫通政少叅君廷章以其鄉  
侍御袁君大綸所刊遺事一  
帙見示閱之盡始得公事事  
之實而欽服公之厚德大烈  
果不侔于人人而有功于當  
時足範于後進也昔之聞者

特其一二而舛訛者多矣特  
循憑藉之具今無慮所擇矣  
且恐一板不足以遍天下而  
垂後世致有同志者如前日  
之恨乃謀于廬州郡守馬君  
汝礪曰是政某素心而缺然  
者請損俸再刊之於乎公之

精誠如日麗天如水行地發  
而為事功播而為譽望流而  
為潤澤者沛乎自與之俱奚  
俟復刊而後能有所周遍而  
永久哉雖然木主之喻固亦  
必有此依憑而後有所繫耳  
齊魯二大夫史失其名故無

傳也則遺事不得不然也因  
謂汝礪曰夏蹇並稱夏之事  
賴此賢子孫以有今日蹇則  
其子已懷沙矣我輩皆蹇鄉  
人也盍求其亦所謂遺事者  
而並刊之乎

弘治辛酉冬十月吉日

賜進士文林郎監察御史奉

勅清直諱軍政內江馬炳然

書

夏忠靖遺事一卷

浙江范懋柱家天一閣藏本

明夏崇文撰崇文字廷章湘陰人成化戊戌進士

官至南京太僕寺少卿蓋夏原吉之孫也是編追

述原吉慝官始末甚詳於世所傳慈感蚌珠事刪

之不載體例頗為謹嚴然原吉治水功在東南其

方略亦不備載殆以事具國史耶惟燕王篡立原

吉稱臣此所謂范質生平惟欠周世宗一死者也

而此云或執之以獻燕王是則子孫之詞矣



# 岳集五卷

〔明〕徐階輯

南京圖書館藏明嘉靖十五年焦煜刻本

附《四庫全書總目·岳廟集四

卷》提要

## 岳集序

階督學兩浙之三年始獲從黃山焦子請所輯武穆祠詩文而讀之蓋自宋以下作者數百家其於王忠義功業雖皆知所敬慕而迂儒曲士假經蘊之說以病朱仙之班師者亦間有焉則既不察王狗國之志與夫時勢之難處而其流弊或將啓人臣僥倖不可必成之功而誨之專也因不自量謀於五山張子而去取之得其正且純者論議記序二十七首辭樂府詩古今體六十二篇釐為六類而次以為二卷又取王本傳及其遺事以為傳類王前後所被制詔誥劄稍加刪次以為制類類各為卷並列議類之前而王遺文別為一卷以附

其後題之曰岳集云昔王嗣孫珂嘗作金  
佗粹編

國朝徐武功有貞嘗作精忠錄然粹編意  
在訟王之寃其詞率繁復而精忠錄則疎  
陋已甚今是編雖不敢自謂精要乃若發  
明君臣之義表仁人烈士之為心以詔於  
後之人則竊有志焉爾

嘉靖丙申孟冬朔日華亭徐階序

岳集序

岳王行履公有史私有集其紀述亦備矣  
迺復刊岳集何史闕略而集繁駁夫唯闕  
畧而繁駁也大者或不載細者不當載而  
載之至使王孤忠全節晦於輕靡黃山子  
為是懼謂少湖子與述曰王去今世未遠  
而死忠之地訖無完乘其何以標來者盍

校之我將刊焉因取汪氏所輯抄本與少  
湖子泚復參校第為五卷首傳類凡王遺  
事遺文皆附焉昭其始末也次制類凡一  
時詔誥書札皆附焉昭當時知王而不能  
用也又次議次序次記次辭而終以樂府  
雜詩昭古今好惡之無不同也制類以上  
則彙積故實刊落靡嫚取其峻潔而止議

類而下諸凡悖經病王之語則一切刪之  
 至乃有補大義雖零星小說亦必收焉其  
 辭哀其事核其義則備於舊是足以誅姦  
 雄於既往表忠義於將來矣嗟乎晚宋不  
 競久矣而崔姦竊命才賢為世大忌自渡  
 江以來已如此士生其時見幾而不為之  
 用可也食其祿竭其力而死之如王烏烏  
 可也乃復議而班師欲其僥幸成功而反  
 兵以逞是教之學晉人矣如春秋之法何  
 為人臣而不知春秋必蒙首惡之誅曾謂  
 天性忠孝學貫左氏之人而為之乎嗟乎  
 讀是編者可以勸矣

嘉靖丙申冬日五兀子張遼序

岳集目錄

卷一

傳類

卷二

制類

卷三

議類

序類

記類

卷四

辭類

樂府類

詩類

卷五

遺文

岳集目錄終

岳集卷之一

浙江按察僉事華亭徐階編

眉山張庭校

宛陵焦煜刊

傳類

岳飛字鵬舉相州湯陰人世力農父和能節食以濟饑者有耕侵其地割而與之賞其財者不責償飛生時有大禽若鵠飛鳴室上因以為名未彌月河決內黃水暴至母姚抱飛坐甕中衝

濤及岸得免人異之少負氣節沈厚寡言家貧力學尤好左氏春秋孫吳兵法生有神力未冠挽弓三百斤弩入石學射於周同盡其術能左右射同死朔望設祭於其家父義之曰汝為時用其狗國死義乎宣和四年真定宣撫劉鞫募敢戰士飛應募相有劇賊陶俊賈進和飛請百騎滅之遣卒偽為商入賊境賊掠以充部伍飛遣百人伏山下自領數十騎逼賊壘賊出戰飛佯北賊來追之伏兵起先所遣卒擒俊及進和

以歸康王至相飛因劉浩見命招賊吉倩倩以衆三百八十人降補承信郎以鐵騎三百往李固渡嘗敵敗之從浩解東京圍與敵相持於滑南領百騎習兵河上敵卒至飛麾其徒曰敵雖衆未知吾虛實當及其未定擊之乃獨馳迎敵有驍將舞刀而前飛斬之敵大敗遷秉義郎隸留守宗澤戰開德曹州皆有功澤大奇之曰爾勇智才藝古良將不能過然好野戰非萬全計因授以陣圖飛曰陣而後戰兵法之常運用之

妙存乎一心澤是其言康王即位飛上書數千言大畧謂陛下已登大寶社稷有主已足伐敵之謀而勤王之師日集彼方謂吾素弱宜乘其怠擊之黃潛善汪伯彥輩不能承聖意恢復奉車駕日益南恐不足繫中原之望臣願陛下乘敵穴未固親率六軍北渡則將士作氣中原可復書聞以越職奪官歸請河北招討使張所所待以國士借補修武郎充中軍統領所問曰汝能敵幾何飛曰勇不足恃用兵在先定謀樂枝

曳柴以敗荆莫敖采樵以致絞皆謀定也所矍然曰君殆非行伍中人飛因說之曰國家都汴恃河北以爲固苟馮據要衝峙列重鎮一城受圍則諸城或撓或救金人不能窺河南而京師根本之地固矣招撫誠能提兵壓境飛惟命是從所大喜借補武經郎命從王彥渡河至新鄉金兵盛彥不敢進飛獨引所部鏖戰奪其蘇而舞諸軍爭奮遂拔新鄉翌日戰侯兆川身被十餘創士皆死戰又敗之夜屯石門山下或傳金兵復至一軍皆驚飛堅卧不動金兵卒不來食盡走彥壁乞糧彥不許飛引兵益北戰于太行山擒金將拓跋耶烏居數日復遇敵飛單騎持丈八鐵鎗刺殺黑風大王敵衆敗走飛自知與彥有隙復歸宗澤爲留守司統制澤卒杜克代之飛居故職二年戰胙城又戰黑龍潭皆大捷從間勅保護陵寢大戰汜水關射殪金將大破其衆駐軍竹蘆渡與敵相持選精銳三百伏前山下令各以薪芻交縛兩束夜半焚四端而舉

之金人疑援兵至驚潰三年賊黃善曹成孔彥舟等合衆五十萬薄南薰門飛所部僅八百衆懼不敵飛曰吾爲諸君破之左挾弓右運矛橫衝其陣賊亂大敗之又擒賊杜叔五孫海於東明借補英州刺史黃善圍陳州飛戰于清河擒其將孫勝孫清以歸授真刺史杜克將還建康飛曰中原地尺寸不可棄今一舉足此地非我有他日欲復取之非數十萬衆不可克不聽遂與俱歸師次鐵路步遇賊張用至六合遇李成與戰皆敗之成遣輕騎劫憲臣犒軍銀帛飛進兵掩擊之成奔江西時命克守建康金人與成合寇烏江克閉門不出飛泣諫請視師克竟不出金人遂由馬家渡渡江克遣飛等迎戰王瓊先遁諸將皆潰獨飛力戰會克已降金諸將多行剽掠惟飛軍秋毫無犯元木趨杭州飛要擊至廣德境中六戰皆捷擒其將王權俘簽軍首領四十餘察其可用者結以恩遣還今夜斫營縱火飛乘亂縱擊大敗之駐軍鍾村軍無見糧

將士忍饑不敢擾民金所籍兵相謂曰此岳爺  
爺軍爭來降附四年兀朮攻常州宜興令迎飛  
移屯焉盜郭吉聞飛來遁入湖飛遣王貴傳慶  
追破之又遣辨士馬臯林聚盡降其衆有張威  
武者不從飛單騎入其營斬之避地者賴以免  
圖飛像祠之金人再攻常州飛四戰皆捷尾襲  
於鎮江東又捷戰于清水亭又大捷橫屍十五  
里兀朮趨建康飛設伏牛頭山待之夜令百人  
黑衣混金營中擾之金兵驚自相攻擊兀朮次  
龍灣飛以騎三百步兵二千馳至新城大破之  
兀朮奔淮西遂復建康飛奏建康爲要害之地  
宜選兵固守仍益兵守淮拱護腹心帝嘉納兀  
朮歸飛邀擊于靜安敗之詔討戚方飛以三千  
入營於苦嶺方遁俄益兵來飛自領兵千人戰  
數合皆捷會張俊兵至方遂降范宗尹言張俊  
自浙西來威種飛可用還通泰鎮撫使兼知泰  
州飛辭乞淮南東路一重難任使收復本路州  
郡乘機漸進使山東河北河東京畿等路次第

而復會金攻楚急詔張俊援之俊辭乃遣飛行  
而命劉光世出兵援飛屯三壑爲楚援尋抵  
承州三戰三捷高太保俘會長七十餘人光  
世等皆不敵楚師孤力寡楚遂陷詔飛還守  
通泰有旨可守即守如不可但於沙洲保護百  
姓伺便掩擊飛以泰無險可恃退保柴墟戰于  
南壩橋金大敗渡百姓於沙上飛以精騎二百  
殿金兵不敢近飛以泰州失守待罪紹興元年  
張俊請飛同討李成時成將馬進犯洪州連營  
西山飛曰賊貪而不慮後若以騎兵自上流絕  
生米渡出其不意破之必矣飛請自爲先鋒俊  
大喜飛重鎧躍馬潛出賊右突其陣所部從之  
進大敗走筠州飛抵城東賊出城布陣十五里  
飛設伏以紅羅爲幟上刺岳字選騎二百隨幟  
而前賊易其少薄之伏發賊敗走飛使人呼曰  
不從賊者坐吾不汝殺坐而降者八萬餘人進  
以餘卒奔成于南康飛夜引兵至朱家山又斬  
其將趙萬成聞進敗自引兵十餘萬來飛與遇

於樓子莊大破成軍追斬進成走蘄州降偽齊  
張用寇江西用亦相人飛以書諭之曰吾與汝  
同里南薰門鐵路步之戰皆汝所悉今吾在此  
欲戰則出不戰則降用得書曰果吾父也遂降  
江淮平俊奏飛功第一加神武右軍副統制留  
洪州彈壓盜賊授親衛大夫建州觀察使建寇  
范汝為陷邵武江西安撫李回檄飛分兵保建  
昌軍及撫州飛遣人以岳字幟植城門賊望見  
相戒勿犯賊黨姚達饒青逼建昌飛遣王萬徐

蕭蕭

七一

慶討擒之陞神武副軍都統制二年賊曹成擁  
衆十餘萬由江西歷湖湘據道賀二州命飛權  
知潭州兼權荆湖東路安撫都總管付金字牌  
黃旗招成成聞飛將至驚曰岳家軍來矣即分  
道而遁飛至茶陵奉詔招之成不從飛奏比年  
多命招安故盜力強則肆暴力屈則就招苟不  
畧加勦除蠶起之衆未可遽殄許之飛入賀州  
境得成謀者縛之帳下飛出帳調兵食吏曰糧  
盡矣柰何飛佯曰姑反茶陵已而顧謀若失意

狀頓足而入陰令逸之謀歸告成成大喜期翌  
日來追飛命士暮會潛趨遠嶺未明已至太平  
塲破其砦成據險拒飛飛麾兵掩擊賊大潰成  
走據北藏嶺上梧閣遣將迎戰飛不陣而鼓士  
爭奮奪二隘據之成又自桂嶺置砦至北藏嶺  
連控隘道親以衆十餘萬守蓬頭嶺飛部才八  
千一鼓登嶺破其衆成奔連州飛謂張憲等曰  
成黨散去追而殺之則脇從者可憫縱之則復  
聚為盜今遣若等誅其酋而撫其衆慎勿妄殺

蕭蕭

八一

累主上保民之仁於是憲自賀連徐慶自邵道  
王貴自郴桂招降者二萬與飛會連州進兵追  
成成走宣撫司降時以盛夏行師瘴地撫循有  
方士無一人死癘者嶺表平授武安軍承宣使  
屯江州甫入境安撫李回檄飛捕劇賊馬友郝  
通劉忠李通李宗亮張式皆平之三年春召赴  
行在江西宣諭劉大中奏飛兵有紀律人恃以  
安今赴行在恐盜復起不果行時處吉盜連兵  
寇掠循梅廣惠英韶南雄南安建昌汀邵武諸

郡帝乃專命飛平之飛至虔州固石洞賊彭友  
悉衆至雩都迎戰躍馬馳突飛麾兵即馬上擒  
之餘會退保固石洞洞高峻環水止一徑可入  
飛列騎山下令皆持滿黎明遣死士疾馳登山  
賊衆亂棄山而下騎兵圍之賊呼丐命飛令勿  
殺受其降授徐慶等方畧捕諸郡餘賊皆破降  
之初以隆祐震驚之故密旨令飛屠虔城飛請  
誅首惡而赦脇從不許請至三四帝乃曲赦人  
感其德繪像祠之餘寇高聚張成犯袁州飛遣

帝集卷一

九

王貴平之秋入見帝手書精忠岳飛字製旗以  
賜之授鎮南軍承宣使江南西路沿江制置使  
又改神武後軍都統制仍制置使李山吳全吳  
錫李橫牛臯皆隸焉偽齊遣李成挾金人入侵  
破襄陽唐鄧隨郢諸州及信陽軍湖寇楊么亦  
與偽齊通欲順流而下李成又欲自江西陸行  
趨兩浙與么會帝命飛爲之備四年除兼荆南  
鄂岳州制置使飛奏襄陽等六郡爲恢復中原  
基本今當先取六郡以除心膂之病李成遠遁

然後加兵湖湘以殄群盜帝以諭趙鼎曰知  
上流利害無如飛者遂授黃復州漢陽軍德安  
府制置使飛渡江中流顧幕屬曰飛不擒賊不  
涉此江抵郢州城下偽將京超號萬人敵乘城  
拒飛飛鼓衆而登超投岸死復郢州遣張憲徐  
慶復隨州飛趣襄陽李成迎戰左臨襄江飛笑  
曰步兵利險阻騎兵利平曠成左列騎江岸右  
列步平地雖衆十萬何能爲舉鞭指王貴曰爾  
以長鎗步卒擊其騎兵指牛臯曰爾以騎兵擊

帝集卷一

十

其步卒合戰馬應鎗而斃後騎皆擁入江步卒  
死者無數成夜遁復襄陽劉豫益成兵屯新野  
飛與王萬夾擊之連破其衆飛奏金賊所愛惟  
子女金帛志已驕惰劉豫僭爲人心終不忘宋  
如以精兵二十萬直搗中原恢復故疆誠易爲  
力襄陽隨郢地皆膏腴苟行營田其利爲厚臣  
候糧足即過江北勦戮敵兵時方重深入之舉  
而營田之議自是興矣進兵鄧州成與金將劉  
合孛董列若拒飛飛遣王貴張憲梅擊賊衆大



潰劉合李董僅以身免賊黨高仲退保鄧城飛引兵一鼓拔之擒高仲復鄧州帝聞之喜曰朕素聞岳飛行軍有紀律未知能破敵如此又復唐州信陽軍襄漢平飛辭制置使乞委重臣經畫荆襄不許趙鼎奏湖北鄂岳最為上流要害乞令飛屯鄂岳不惟江西藉其聲勢湖廣江浙亦獲安妥乃以隨郢唐鄧信陽軍並為襄陽府路隸飛移屯鄂授清遠軍節度使湖北路荆襄潭州制置使封武昌縣開國子元本劉豫合

岳飛傳

十一

十一

招諭之賊黨黃佐曰岳節使號令如山若與之敵萬無生理不如往降節使誠信必善遇我遂降飛表授佐武義大夫單騎按其部拊佐背曰子知逆順者果能立功封侯豈足道欲復遣子至湖中視其可乘者擒之可勸者招之如何佐感泣誓以死報時張浚以都督軍事至潭參政席益與浚語疑飛玩寇欲以聞浚曰岳侯忠孝人也兵有深機胡可易言益慙而止黃佐襲周倫若殺倫擒其統制陳貴等飛上其功遷武功大夫統制任士安不稟王瓌令軍以此無功飛鞭士安使餌賊曰三日賊不平斬汝士安宣言岳太尉兵二十萬至矣賊見止士安軍併力攻之飛設伏士安戰急伏兵四起擊賊賊走會召浚還防秋飛袖小圖示浚浚欲俟來年議之飛曰已有定畫都督能少留不八日可破賊浚曰何言之易飛曰王四廂以王師攻水寇則難飛以水寇攻水寇則易水戰我短彼長以所短攻所長所以難若因敵將用敵兵奪其手足之助

岳飛傳

十二

十二

離其腹心之託使孤立而後以王師乘之八日之內當俘諸酋浚許之飛遂如昂州黃佐招楊欽來降飛喜曰楊欽驍悍既降賊腹心潰矣表授欽武義大夫禮遇甚厚乃復遣歸湖中兩日欽說余端劉詵等降飛詭罵欽曰賊不盡降何來也杖之復令入湖是夜掩賊營降其衆數萬么負固不服方浮舟湖中以輪激水其行如飛旁置撞竿官舟迎之輒碎飛伐君山木爲巨筏塞諸港汊又以腐木亂草浮上流而下擇水淺

辛丑卷一

十三

處遣善罵者挑之且行且罵賊怒來追則草木墮積舟輪礙不行飛亟遣兵擊之賊奔港中爲筏所拒官軍乘筏張牛革以蔽矢石舉巨木撞其舟盡壞么投水牛臯擒斬之飛入賊壘餘酋驚曰何神也俱降飛親行諸砦慰撫之縱老弱歸田籍少壯爲軍果八日而賊平浚嘆曰岳侯神算也初賊恃其險曰欲犯我者除是飛來至是人以其言爲識獲賊舟千餘鄂渚水軍爲沿江之冠詔兼斬黃制置使飛以目疾乞辭軍事

不許加檢校少保進封公還軍鄂州除荆湖南北襄陽路招討使六年太行山忠義社梁興等百餘人慕飛義率衆來歸飛入覲面陳襄陽自收復後未置監司州縣無以按察帝從之以李若虛爲京西南路提舉兼轉運提刑又令湖北襄陽府路自知州通判以下賢否許飛得自黜陟張浚至江上會諸大帥獨稱飛與韓世忠可倚大事命飛屯襄陽以窺中原曰此君素志也飛移軍京西攻武勝定國軍節度使除宣撫副

辛丑卷一

十四

使置司襄陽命往武昌調軍居母憂降制起復飛扶櫬還廬山連表乞終喪不許累詔趣起乃就軍又命宣撫河東節制河北路首遣王貴等攻虢州下之獲糧十五萬石降其衆數萬張浚曰飛措畫甚大今已至伊洛則太行一帶山砦必有應者飛遣楊再興進兵至長水縣再戰皆捷中原響應又遣人焚蔡州糧九月劉豫遣子麟猊分道寇淮西劉光世欲舍廬州張俊欲棄盱眙同奏召飛以兵東下欲使飛當其鋒而已

得退保張浚謂岳飛一動則襄漢何所制力沮其議帝慮俊光世不足任命飛東下飛自破曹成平楊么凡六年皆盛夏行師致目疾至是甚聞詔即日啓行未至麟敗飛奏至帝語趙鼎曰劉麟敗北不足喜諸將知專朝廷爲可喜遂賜札言敵兵已去淮卿不須進發其或襄鄧陳蔡有機可乘從長措置飛乃還軍時僞齊屯兵窺唐州飛遣王貴董先等攻破之焚其營奏圖蔡以取中原不許飛召貴等還七年入見帝從容

卷一百一十五

五

問曰卿得良馬否飛曰臣有二馬日啖芻菹數斗飲泉一斛然非精潔則不受介而馳初不甚疾比行百里始奮迅自午至酉猶可二百里褫鞍甲而不息不汗若無事然此其受大而不苟取力裕而不求逞致遠之材也不幸相繼以死今所乘者日不過數升而秣不擇粟飲不擇泉攬轡未安踴躍疾驅甫百里力竭汗喘殆欲斃然此其寡取易盈好逞易窮駑鈍之材也帝稱善曰卿今議論極善進拜太尉繼除宣撫使兼

營田大使從幸建康以王德瑄瓊兵隸飛詔諭德等曰聽飛號令如朕親行飛數見帝論恢復之畧又手疏言金人所以立劉豫於江南蓋欲荼毒中原以中國攻中國粘罕自得休兵觀釁臣欲陛下假臣月日便則提兵趨京洛據河陽陝府潼關以號召五路叛將既還遣王師前進彼必棄汴而走河北京畿陝右可以盡復然後分兵濬滑經畧兩河如此則劉豫成擒金人可滅社稷長久之計實在此舉帝答曰有臣如此顧復何憂進止之機朕不中制又召至寢閣命之曰中興之事一以委卿命節制光州飛方圖大舉會秦檜主和遂不以德瑄兵隸飛詔詣都督府與張浚議事浚謂飛曰王德淮西軍所服浚欲以爲都統而命呂祉以督府參謀領之如何飛曰德與瓊素不相下一旦握之在上則必爭呂尚書不習軍旅恐不足服衆浚曰張宣撫如何飛曰暴而寡謀尤瓊所不服浚曰然則揚沂中爾飛曰沂中視德等爾豈能以此軍

卷一百一十六

六

浚艱然曰浚固知非大尉不可飛曰都督以正  
問飛不敢不盡其愚以得兵爲念耶即日上  
章乞解兵柄終喪服以張憲攝軍事步歸廬毋  
墓側浚怒奏以張宗元爲宣撫判官監其軍帝  
累詔趣飛還職飛力辭詔幕屬造廬以死請凡  
六日飛趨朝待罪帝慰遣之宗元還言將和士  
銳人懷忠孝皆飛訓養所致帝大悅飛奏比者  
寢閣之命咸謂聖斷已堅何至今尚未決臣願  
提兵進討順天道因人心以曲直爲老壯以逆

帝集卷一

七

順爲強弱萬全之効可必又奏錢塘僻在海隅  
非用武地願陛下建都上游用漢光武故事親  
率六軍往來督戰廢將士知聖意所向人人用  
命未報而酈瓊叛浚始悔飛復奏願進屯淮甸  
伺便擊瓊期於破滅不許詔駐師江州爲淮浙  
援飛知劉豫結粘罕而兀朮惡劉豫可以間而  
動會軍中得兀朮諜者飛佯責之曰汝非吾軍  
中人張斌耶吾向遣汝至齊約誘至四太子汝  
往不復來吾繼遣人問齊已許我今冬以會合

飛江爲名致四太子于清河汝所持書竟不至  
何背我耶諜冀緩死即詭服乃作蠟書言與劉  
豫同謀誅兀朮事曰謂諜曰吾今貸汝復遣至  
齊問舉兵期剗股納書戒勿泄諜歸以書示兀  
朮兀朮大驚馳白其主遂廢豫飛奏宜乘廢豫  
之際擣其不備長驅以取中原不報八年遣軍  
鄂州王庶視師江淮飛與庶書今歲若不舉兵  
當納節請開度甚壯之秋召赴行在命詣資善  
堂見皇太子飛退而喜曰社稷得人矣中興基

帝集卷一

六

業其在是乎會金遣使將歸河南地飛言金人  
不可信和好不可恃相臣謀國不誠恐貽後世  
譏檢銜之九年以復河南大赦飛表謝寓和議  
不便之意有唾手燕雲復讐報國之語授開府  
儀同三司飛力辭謂今日之事可危而不可安  
可憂而不可賀可訓兵飭士謹備不虞而不可  
論功行賞取笑敵人三詔不受帝溫言獎諭乃  
受會遣七儂謁諸陵飛請以輕騎從酒掃實欲  
觀祭以爲謀又奏金人無事請和此必有時服

之虞名以地歸我實寄之也檜白帝止其行十  
年金人攻拱毫劉錡告急命飛馳援飛遣張憲  
姚政赴之帝賜札曰設施之方一以委卿朕不  
遥度飛乃遣王貴牛皋董先楊再興孟邦傑李  
寶等分布經畧西京汝鄭穎昌陳曹光恭諸郡  
又命梁興渡河糾合忠義社取河東北州縣又  
遣兵東援劉錡西援郭浩自以其軍長驅以闕  
中原將發密奏信先正國本以安人心然後不  
常厥居以示無愆復誓之意帝得奏大褒其忠

岳集卷一

十一

布野初兀术有勁軍皆重鎧貫以韋索三人爲  
聯號拐子馬官軍不能當是役也以萬五千騎  
來飛戒步卒以麻札刀入陣勿仰視第斫馬足  
拐子馬相連一馬仆二馬不能行官軍奮擊遂  
大敗之兀术大慟曰自海上起兵皆以此勝今  
已矣兀术益兵來部將王剛以五十騎覘敵遇  
之奮斬其將飛時出視戰地望見黃塵蔽天自  
以四十騎突戰敗之方郾城再捷飛謂雲曰賊  
屢敗必還攻穎昌汝宜速援王貴饒而兀术果  
至貴將遊奕雲將背嵬戰于城西雲以其兵八  
百挺前決戰步軍張左右翼繼之殺兀术壻夏  
金吾副統軍粘罕索牽董兀术遁去梁興會太  
行忠義及兩河豪傑等累戰皆捷中原大震飛  
奏興等過河人心願歸朝廷金兵累敗兀术等  
皆令老小北去正中興之機飛進軍朱仙鎮距  
汴京四十五里與兀术對壘而陣遣驍將以背  
嵬騎五百奮擊大破之兀术遁還汴京飛檄陵  
臺令行視諸陵葺治之先是紹興五年飛遣梁

岳集卷一

十一

與等布德意招結兩河豪傑山砦韋鈴孫謀等  
欽兵固堡以待王師李通胡清李寶李興張恩  
孫琪等舉衆來歸金人動息山川險要一時皆  
得其實盡磁相開德澤潞晉絳汾隰之境皆期  
日興兵與官軍會其所揭旗以岳為號父老百  
姓爭挽車牽牛載糗糧以餽義軍頂盆焚香迎  
候者充滿道路自燕以南金號令不行兀術欲  
簽軍以抗飛河北無一人從者乃嘆曰自我起  
北方以來未有如今日之控劔金帥烏陵思謀

帝集卷一

五

素號桀黠亦不能制其下但論之曰毋輕動侯  
岳家軍來即降金統制王鎮統領崔慶將官李  
觀崔虎葉旺等皆率所部降以至禁衛龍虎大  
王下乞查千戶高勇之屬密受飛旗榜自北方  
來降金將軍韓常欲以五萬衆內附飛大喜語  
其下曰直抵黃龍府與諸君痛飲爾方指日渡  
河而檜欲盡淮以北棄之風臺臣請班師飛奏  
金人銳氣沮喪盡棄輜重疾走渡河豪傑向風  
士卒用命時不再來機難輕失檜知飛志銳不

可回乃先詔張俊揚沂中等歸而後言飛孤軍  
不可久留乞令班師一日奉十二金字牌飛憤  
惋泣下東向再拜曰十年之力廢於一旦飛班  
師民遮馬慟哭訴曰我等戴香盆運糧草以迎  
官軍金人悉知之相公去我輩無噍類矣飛亦  
悲泣取詔示之曰吾不得擅留哭聲震野飛留  
五日以待其徒從而南者如市亟奏以漢上六  
郡間田處之方兀術棄汴去有書生叩馬曰太  
子毋走岳少保且退矣兀術曰岳少保以五百

帝集卷一

五

騎破五十萬京城日夜望其來何謂可守生曰  
自古未有權臣在內而大將能立功於外者岳  
少保且不免况欲成功乎兀術遂留飛既歸  
所得州縣旋復失之飛力請解兵柄不許自廬  
入覲帝問之飛拜謝而已十一年謀報金分道  
渡淮飛請合諸帥之兵破敵兀術韓常與龍虎  
大王疾驅至廬帝趣飛應援凡十七札飛策金  
人舉國南來巢穴必虛若長驅京洛以擣之彼  
必奔命可坐而敵時飛方苦寒嗽力疾而行又

恐帝急於退敵乃奏臣如擣虛勢必得利若以爲敵方在近未暇遠圖欲乞親至斬黃以議攻却帝得奏大喜賜札曰卿苦寒疾乃爲朕行國爾忘身誰如卿者師至廬州金兵望風而遁飛還兵于舒以俟命帝又賜札以飛小心恭謹不專進退爲得體兀木破濠州張俊駐軍黃連鎮不敢進揚沂中遇伏而敗帝命飛救之金人聞飛至又遁時和議旣決檜患飛異已乃密奏召三大將論功行賞韓世忠張俊已至飛獨後檜又用參政王次翁計俟之六七日旣至授樞密副使位參知政事上飛固請還兵柄五月詔同俊往楚州措置邊防總韓世忠軍還駐鎮江初飛在諸將中年最少以列校拔起累立顯功世忠俊不能平飛屈已下之幕中輕銳教飛勿若降意金人攻淮西俊分地也俊始不敢行師卒無功飛聞命即行遂解廬州圍帝授飛兩鎮節俊益耻揚么平飛獻俊世忠樓船各一兵械畢備世忠大悅俊反忌之淮西之役俊以前途糧

乏誅飛飛不爲止帝賜札褒諭有曰轉餉艱阻卿不復顧俊疑飛漏言還朝反倡言飛逗遛不進以乏餉爲辭至視世忠軍俊知世忠忤檜欲與飛分其背嵬軍飛義不肯俊大不悅及同行楚州城俊欲修城爲備飛曰當戮力以圖恢復豈可爲退保計俊變色會世忠軍吏景著與總領胡紉言二樞密若分世忠軍恐至生事紉上之朝檜捕著下大理寺將以扇搖誣世忠飛馳書告以檜意世忠見帝自明俊於是大憾飛遂倡言飛議棄山陽且密以飛報世忠事告檜檜大怒初檜逐趙鼎飛每對客歎息又以恢復爲已任不肯附和議讀檜奏至德無常師主善爲師之語惡其欺罔恚曰君臣大倫根於天性大臣而忍面謾其主耶兀术遺檜書曰汝朝夕以和請而岳飛方爲河北圖必殺飛始可和檜亦以飛不死終梗和議已必及禍故力謀殺之以諫議大夫万俟卨與飛有怨風高劾飛又風中丞何鑄侍御史羅汝楫交章彈論大率謂今春

金人攻淮西飛畧至舒蘄而不進比與俊按兵  
淮上又欲棄山陽而不守飛畧請罷樞柄尋  
還兩鎮節充萬壽觀使奉朝請檜志未伸也又  
諭張俊令劫王貴誘王俊誣告張憲謀還飛兵  
檜遣使捕飛父子證張憲事使者至飛笑曰皇  
天后土可表此心初命何鑄鞫之飛裂裳以背  
示鑄有盡忠報國四大字深入膚理既而闕實  
無左驗鑄明其無辜改命方俟高高誣飛與憲  
書令虛申探報以動朝廷雲與憲書令措置使

帝集卷一

一

五

飛遠軍言其書已焚飛坐繫兩月無可證者或  
教高以臺章所指淮西事爲言高喜白檜簿錄  
飛家取當時御札藏之以滅迹又逼孫革等證  
飛受詔逗遛命評事元龜年取行軍時日雜定  
傳會其獄歲暮獄不成檜手書小紙付獄即報  
飛死時年三十九雲葉市籍家貧徙家嶺南幕  
屬于鵬等從坐者六人初飛在獄大理寺丞李  
若撲何彥猷大理卿薛仁輔並言飛無罪高俱  
劾去宗正卿士儂請以百口保飛高亦劾之竄

死建州布衣劉允升上書訟飛冤下棘寺以死  
凡傳成其獄者皆遷轉有差獄之將上也韓世  
忠不平詰檜詰其實檜曰飛子雲與張憲書雖  
不明其事體莫須有世忠曰莫須有三字何以  
服天下時洪皓在金國中蠟書馳奏以爲金人  
所畏服者惟飛至以父呼之諸酋聞其死酌酒  
相賀飛至孝母留河北遣人求訪迎歸母有痼  
疾藥餌必親母卒水漿不入口者三日家無姬  
侍吳玠素服飛願與交驩飾名姝遺之飛曰主

帝集卷一

一

五

上宵旰豈大將安樂時却不受玠益敬服少豪  
飲帝戒之曰卿異時到河朔乃可飲遂絕不飲  
帝初爲飛營第飛辭曰敵未滅何以家爲或問  
天下何時太平飛曰文臣不愛錢武臣不惜死  
天下平矣師每休舍課將士注坡跳壕皆重鎧  
習之子雲常習注坡馬躡怒而鞭之卒有取民  
蔴一縷以束芻者立斬以徇卒夜宿民開門願  
納無敢入者軍號凍死不拆屋餓死不鹵掠卒  
有疾躬爲調藥諸將遠戍遺妻問勞其家死事



者哭之而育其孤或以子婚其女凡有頒犒均給軍吏秋毫不私善以少擊衆欲有所舉盡召諸統制與謀謀定而後戰故有勝無敗猝遇敵不動故敵爲之語曰撼山易撼岳家軍難張俊嘗問用兵之術曰仁智信勇嚴關一不可調軍會必蹙額曰東南民力耗敝極矣荆湖平募民營田又爲屯田歲省漕運之半帝手書曹操諸葛亮羊祜三事賜之飛跋其後獨指操爲姦賊而鄙之尤槍所惡也張所死飛感舊恩鞠其子

宗本

宗本

宗本奏以官李寶自楚來歸韓世忠留之寶痛哭願歸飛世忠以書來諭飛後曰均爲國家何分彼此世忠歎服襄陽之役詔光世爲援六郡旣復光世始至飛奏先賞光世軍好賢禮士博覽經史雅歌投壺恂恂如書生每辭官必曰將士效力飛何功之有然忠憤激烈議論持正不挫於人卒以此得禍槍死議復飛官方侯高謂金方願和一旦錄故將疑天下心不可及紹興末金益猖獗太學生程宏圖上書訟飛冤詔飛

家自便初槍惡岳州同飛姓改爲純州至是仍舊中丞汪澈宣撫荆襄故部曲合辭訟之哭聲雷震孝宗詔復飛官以禮改葬賜錢百萬求其後悉官之建廟於鄂號忠烈淳熙六年謚武穆嘉定四年追封鄂王五子雲雷霖震霆

雲飛養子年十二從張憲戰多得其力軍中呼曰贏官人飛征伐未嘗不與數立奇功飛輒隱之每戰以手握兩鐵椎重八十斤先諸軍登城攻下隨州入攻破鄧州襄漢平功在第一飛不

言逾年

言逾年

言逾年餘曹辯之始遷武翼郎楊公平功亦第一又不上張浚廉得其實白岳侯避寵榮廉則廉矣未得爲公也奏乞推異數飛力辭不受嘗以特旨遷三資飛辭曰士卒冒矢石立奇功始沾一級男雲遽躡崇資何以服衆累表不受穎昌大戰無慮十數出入行陣體被百餘創甲裳爲赤以功遷忠州防禦使飛又辭命帶御器械飛又力辭之終左武大夫提舉醴泉觀死年二十三孝宗初與飛同復元官以禮附葬贈安遠

軍承宣使雷忠訓郎閣門祗候贈武畧郎霖朝  
散大夫敷文閣待制贈太中大夫初飛下獄檜  
令親黨王會搜其家得御札數篋東之左藏南  
庫霖請於孝宗還之霖子珂以淮西十五御札  
辯驗彙次凡出師應援之先後皆可考嘉定間  
爲額天辯誣集五卷天定錄二卷上之震朝奉  
大夫提舉江南東路茶鹽公事震修武郎閣門  
祗候

論曰西漢而下若韓彭絳灌之爲將代不乏人

新集卷一

三九

求其文武全器仁智並施如宋岳飛者一代豈  
多見哉史稱關雲長通春秋左氏學然未嘗見  
其文章飛北伐軍至汴梁之朱仙鎮有詔班師  
飛自爲表答詔忠義之言流出肺腑真有諸葛  
孔明之風而卒死於秦檜之手蓋飛與檜勢不  
兩立使飛得志則金甞可復宋耻可雪檜得志  
則飛有死而已昔劉宋殺檀道濟道濟下獄瞋  
目曰自壞汝萬里長城高宗忍自棄其中原故  
忍殺飛嗚呼冤哉嗚呼冤哉

宋史  
列傳

趙鼎謂韓張華特功自伐頗虧事上之禮惟岳  
飛親邇儒士稟命朝廷爲將之職理固當然第  
諸將不能而飛獨能行正宜獎異以成其善

州判官孫適  
編鄂王事

飛聞大駕所幸未嘗背其方而坐臨戎示衆言  
及國家之禍仰天橫涕士卒皆歛歎聽命虛心  
謀客所至常滿坐論究切直無所忤

揚么既死其衆乃降牛鼻曰此寇逋誅罪不容  
數不殺何以示威王曰彼皆田里匹夫耳始惑

新集卷一

三十一

於鍾相妖巫之術故相聚爲奸又沮於程吏部  
程昌禹 欲盡誅雪耻之意故懼而不降苟全  
性命而已今揚么已誅餘皆國家赤子苟徒殺  
之非主上好生之意也連呼謂官軍曰勿殺勿  
殺當時識者興嗟曰岳雖相可謂賢大將矣觀  
其答牛鼻之言則正合老氏所謂夫佳兵者不  
祥之器不得已而用之恬淡爲上其不戰而勝  
之功固已雍容於胷中彼區區甲冑之流豈足  
以識之哉

襄陽石刻文  
碑體

張所問曰主上以我招撫河北我惟職是思而莫得其要公嘗計之否飛曰昔人有言河北視天下猶珠璣天下視河北猶四肢言人之一身珠璣可無而四肢不可暫失之本朝之都汴非有秦關百二之險也平川曠野長河千里首尾絳直不相應援獨恃河北以爲固苟以精甲健馬馮據要衝峙列重鎮使敵入吾境一城受圍諸戎或撓或救卒不可犯如此則虜人不可窺而京師根本之地固矣大率河南之有河

主一

猶燕雲之有金坡諸關河北不歸則河南未可守諸關不獲則燕雲未可有間嘗思及童宣撫取燕雲事每發一笑何則國家用兵爭境土有尺寸之地則得其尺寸之用因糧以養其兵因民以實其地因其練習之人以爲嚮導然後擇其要害而守之今宣撫不務以兵勝而以賄求虜人既得重賄陽諾其請收其糧倉徙其人與其素習之士席卷而東付之以空虛無用之州國家以爲燕雲真我有矣則竭天下財力

以實之不知要害之地實彼所據彼俟吾安養之後一呼而入復陷腥羶故取燕雲而不取諸關是以虛名受實禍以中國資夷狄也河南河北正亦類此今朝廷河北之使而以招撫名越河以往半爲胡虜之區將何以爲招撫之地爲招撫職事計直有盡取河北之地以爲京師援耳不然天下之四肢絕根本危矣異時醜虜既得河北又侵河南險要既失莫可保守駸駸未已幸江幸淮皆未可知也招撫誠能許國以忠

主一

稟命天子提兵壓境使飛以偏師從麾下所嚮惟招撫命耳一死烏足道哉  
自北境紛擾母命以從戎報國輒不忍屢趣之不得已乃留妻養母獨從高宗渡河河北陷淪失盜區音問絕隔日夕求訪數年不獲俄有自母所來者謂之曰而母寄余言爲我語五郎勉事聖天子無以老嫗爲念也乃竊遣人迎之阻於寇攘往返者十有八然後歸母自歸有痼疾飛身服王事軍旅應酬無虛刻昏莫竊暇至親

所語欬行履未嘗有聲遇出師必嚴飭家人謹侍養微有不至詈罰自妻始及母薨自與男雲跣足扶櫬歸塋不避塗潦蒸暑刻木為像行溫清定省之禮如生時

刺繡為袍有誓作中興臣必殄金賊主之文

見夫人李氏御繒帛則曰吾聞后宮妃嬪在北方尚多窶乏汝既與吾同憂樂則不宜衣此命易以布素家人有搗練者聞聲歸即止

遇諸子尤嚴平居不得近酒為學之暇使探畚

鍾治農圃曰稼穡艱難不可不知也

奉身儉薄不貳哉居家惟御布素

卒之日王會極力搜刮家無餘貲秦檜猶疑之謂所藏不止是與大獄數年盡捕家吏逮治有死者而卒不得錙銖云

御軍之術大端有六一曰重蒐選貴精不貴多背蒐所向一皆當百上初以韓京吳錫二軍付

飛皆不習戰鬪且多老弱飛擇其可用者不滿千人餘皆罷歸不數月遂為精卒二曰謹訓習

上兵休舍輒課其藝暇日尤詳至過門不入視無事時如有事如注坡跳壕等藝皆被重鎧精

熟安習人望之以為神三曰公賞罰待千萬人

如待一人張憲之步卒郭進有功於莫耶闌頓

解金束帶及銀器以賞之其子雲嘗以重鎧習

注坡馬躡而踏飛怒曰前驅大敵亦如是耶遠

命斬之諸將懇求猶杖之百乃釋之四曰明號

令授兵指畫約束明簡使人易從違者必罰五

曰嚴紀律行師用衆秋毫無犯有踐民稼傷農

功市物售直不如民欲之類其死不貸卒有取

民麻一縷以束芻者詰其所自得立斬之民見

他將道亡滅影聞岳家軍過則相率共觀舉手

加額感慕至泣下六曰同甘苦待人以忌嘗與

士卒同食樽酒醬肉必均及其下酒少不能遍

則益之以水人受一啜出師野次士卒露宿雖

館舍甚備不獨入並岳珂編

上語趙鼎喜飛尊朝廷誦司馬光資治通鑑名

分之說以稱之

飛子霖帥廣州自道出章貢父老師其子弟迎之皆涕洟曰不圖今日復見相公之子

霖潯湖北武昌吏民設香案具酒牢哭而迎有一嫗尤哀曰相公今不復此來矣霖家人呼而遺之倉問其夫何在嫗含倉哭曰不善為人爲相公所斬矣問其子與壻皆然人以是知公之所感於人者深矣

霖淳熙陸對孝宗論之曰卿家紀律用兵之法張韓遠不及卿家冤枉朕悉知之天下共知其冤

初樞密行府受王俊告言暨俊與憲對辯王俊所告無一事實而棘寺始以淮西之事詰飛准西雖非飛分地飛時在鄂渚首抗章欲備先驅擊寇得御札褒許又飛乞乘虛入京洛皆未奉詔之先當時臺諫亦不深考其事淮西之役飛受御札亦有五時遙報踵至鄂渚去淮西千餘里上恐其後時故頒趣詔爲多然出師之命雖在正月而二月九日詔始至飛軍飛即力疾出

師實奉詔三日而行御札有曰得卿九日奏已擇定十一日起發往蘄黃舒州界則可見矣自鄂而蘄黃自黃而舒廬飛又恐大軍行遲乃親率背嵬爲先驅其至也虜方在廬望風自退飛還軍舒州則復來窺濠又次定遠虜聞飛踰淮而去雖無大功張俊揚沂中當任其責况俊總全師八萬遇敵自可制勝而駐兵黃連鎮距濠六十里而不見救俊與沂中不用劉錡之言墮虜計中遇伏而敗非無飛之助以致敗也時

有詔札付沂中曰兀術復窺濠州已降手詔與韓世忠張俊皆於濠州附近尅期同日出戰則是役也軍事專任世忠俊沂中而飛特助之耳况又非飛所分地分也臺諫至謂飛以糧乏爲辭則御札有曰卿聞命即往廬州轉餉艱阻卿不復顧必適其行非一意許國誰肯如此蓋謂糧乏者乃俊也俊貽書以乏糧告飛而詔旨及是俊已疑飛漏其言於上而深憾之謂糧乏乃俊語非飛意也而反以此誣之方虜寇河南詔

飛助劉錡凡兩月而飛拜御札二十有三多於淮西時矣先是紹興四年兀朮劉豫兵七十萬寇淮西亦詔飛自鄂州以兵來會虜追飛遣牛臯追擊大破之又六年飛屯襄漢劉豫遣子麟姪覘合吾叛將李成孔彥舟闕師古之兵七十萬分道犯淮西劉光世張俊同奏乞詔飛以兵東下飛至江州麟已敗詔止其行飛凡三赴淮西之急雖道里有遠近而未嘗踰期且十一年虜之入壽春也飛聞警即上奏乞出師繼又奏

奏集卷一

卷一

乞出京洛以制其散又恐是時欲急退虜乞出斬黃議攻却皆未始奉詔也其孫珂嘗以所藏御札并陛對月日及以被罪省劄下棘寺之文著辯誣五事謂建儲之議在軍前上奏而叅謀薛弼謂在陛對時且誣上有不樂語謂此非大將所宜言者弼之妄也弼本附檜所以言此者欲嫁怨於上而謂飛之死蓋自取非檜之罪王伯庠私記謂紹興辛酉虜入寇張俊韓世忠欲深入惟飛駐兵淮西不肯動御札促飛行凡十

有七最後有社稷存亡在卿此舉實未嘗有此詔又謂飛移軍三十里而止上始有誅飛意者亦弼說之類也且御札十有五言十有七亦非也十一年八月九日臣僚言謂楚州為不可守為沮士氣蓋飛嘗與張俊同登楚州城俊欲增築飛謂當進取中原不當僅守于此謂飛欲專保者亦誣也熊克中興小曆載宰執奏事聞聖語及飛棄山陽事以為附下要譽亦誣也諫議大夫方俟高論飛虜騎犯淮而飛因穉嚴詔至舒斬而還又謂飛執偏見欲棄山陽亦誣也建炎四年十月丙申兩浙安撫大使劉光世奏准御筆承州殘虜攻圍山陽諸鎮之師逗撓不進蓋光世以兵駐鎮江不進而以會合王林郭仲威之兵不至為解謂飛等遷延五十餘日遂失機會是時楚州趙立告急而張俊不肯行乃改命光世而今飛履背掩擊時飛屯宜興雖有泰州鎮撫之命未赴也飛有軍萬人合軍士之孥計七萬以上須舟以濟須糧以食州郡皆坐視

奏集卷一

卷一

必俟京朝命而後從九月二日始入秦州十二日飛始得九月六日之詔且光世益舟與飛等會而飛以狀至光世皆不報飛乃夜飲士卒以酒激厲而用之獨以一軍至承州轉戰彌月凡三大捷獻俘行在所在詔褒嘉而光世在鎮江雖承督詔無慮數十坐閱兩月未嘗渡江其事皆可考也如飛之寬孰敢言之並宗並類十特傳紹興和議初成金以河南歸我判宗正事士儂衛命道荆襄宛洛抵謁華襄原過南鄧岳飛止

岳飛傳

五

之曰金虜無信君宜少駐懷以命有程辭去不數舍烟塵四起軍聲囂然於是失色南奔忽遇大軍望之岳幟也遂馳就之飛笑曰固謂君勿行正恐此耳然已遣董帶御牛觀察在前與之交鋒矣兵勝敗無常君王人且近屬吾當以自巳兵衛送君行數里兩將捷書至蓋優未行前一日出師也其後飛得罪下獄極辯其無辜且以百口保之非惟感恩蓋親見其用兵神速故耳朝臣併論傷身為宗室不應交結將帥曰

指為飛黨遂罷宗司與祠云

岳鵬舉征群盜過廬陵託宿墨市質明為主人汛掃門宇洗滌盆盎而去郡守供帳餞別於郊師行將絕謁未得通問大將軍何在殿者曰已雜偏裨去矣其嚴肅如此真可謂中興諸將第一周洪道為追復制詞有云事上以忠至不嫌於辰告行師有律幾不犯於秋毫蓋實錄也辰告者謂岳嘗上疏請建儲云並齊東野語

岳飛傳

早

祭主具當日所收止九千緡物耳飛握重兵既久家無資可謂賢矣其斃於獄也實請其浴曰拉脇而殛獄卒隗順負其屍出踰城至九曲叢祠中故至今九曲五顯廟最靈舊在大理寺櫺下順乃葬之北山之濬身素佩一玉環順亦以殉於要間塚樹雙橘志焉順將死謂其子曰異時朝廷必求屍不獲汝乃告官曰棺上一鉛角有棘寺勒吾埋葬之符也後果購屍不得乃懸一班行為賞子始上告悉如所言時無珠玉為

飲容色如生可以更為浴歛禮服也朝野遺錄

紹興中金人遣秘書監劉洵來聘寓館中問岳

飛何罪至死館伴無以為對但云意欲謀反為

部將所告抵誅洵笑曰江南忠臣善用兵者無

如岳飛所至紀律甚嚴秋毫無犯所謂項羽有

一范增而不能用所以為我擒如飛者江南之

范增乎秦檜聞之約束不許奏聞仍以不職遠

貶館伴山樵雜錄

知鄂州羅願以父汝楫為御史時嘗附秦檜論

飛不敢入飛廟一日自念吾政善姑往祠之再

拜遽卒於像前人疑飛之憾不釋云鄂州志

岳集卷之一

岳集卷之二

浙江按察僉事華亭徐階 編

眉山張庭 校

宛陵焦煜 刊

制類

清遠軍節度使湖北路荆襄潭州制置

使特封武昌縣開國子食邑五百戶食

實封二百戶制

門下師直為壯正天討有罪之刑戰功曰多得

仁人無敵之勇羽奏屢勝於戎捷輿圖亟復於

圻封肆疇進律之庸亶告治朝之聽鎮南軍承

宣使神武後軍統制充江南西路舒蘄州兼荆

南鄂岳黃復州漢陽軍德安府制置使岳飛精

忠許國沈毅冠軍身先百戰之鋒氣蓋萬夫之

敵機權果達謀成而動則有功威信著明師行

而耕者不變久宣勞于邊圍實捍難於邦家有

公孫謙退不伐之風有叔子懷柔初附之畏屬

兇渠之嘯亂乘襄漢之弛兵竊揆一隅萃厥述



逃之藪旁連六郡鞠爲盜賊之區命以徂征迄  
茲戡定振王旅如飛之怒月三捷以奏功率寧  
人有指之疆日百里而關土慰我后雲霓之望  
拯斯民塗炭之中嘉乃成功懋茲信賞建旄融  
水以彰分閫之專授鉞齊壇以示元戎之重全  
付西南之寄外當屏翰之雄開茅社於新封錫  
圭腴於貞倉併加徽數式對異恩於戲我伐用  
張旣收無競維人之烈惟辟作福敢後有功見  
知之圖尚肩衛社之忠益勵幹方之績欽予特

訓其未有詞可特授清遠軍節度使湖北路荆  
襄潭州制置使依前神武後軍統制封武昌  
縣開國子食邑五百戶食實封二百戶主者施  
行

鎮寧崇信軍節度使進封武昌郡開國  
侯加食邑制

岳飛才全果毅資稟沉雄說禮樂而勵庶隅德  
遜有君子之操援枹鼓而先士卒忠義匪王臣  
之躬自奮武以專征屢摧堅而深入于疆于理

威行江漢之山川如飛如翰名動江淮之草木  
屬逆鷁之挺亂導戎羯以窺邊萬騎鼓行震天  
聲於不則千里轉戰奮勇氣于方張力捍孤城  
繫俘群醜逮潛師而犇潰茲振旅以遄歸載疇  
却敵之庸用錫相攸之祉齋壇授鉞節兼兩鎮  
之雄太社分茅爵列元侯之貴倍敦井賦衍倉  
畚租爰示寵光併昭物采於戲觀萬夫之政爾  
惟肇敏於戎公宅九有之師我其克艱于王業  
祇若予訓末肩乃心徃恢式辟之方勿替對揚  
之命

鎮寧崇信軍節度使度充湖南北襄陽府  
路制置使加食邑制

岳飛策慮靖深器資沉毅有冠三軍之勇而計  
然後戰有長萬夫之才而謙以自持麀兵無前  
邁燦姚之方畧襲敵知避竦飛將之威名治紀  
律以其嚴嘉師徒之逾整旣宣威於南紀亟奏  
凱於泥川載加齋鉞之崇增重元戎之寄方合  
宮之竣事乃大賚以䟽封增衍爰田益陪真倉

用作爾社庸示眷懷於戲良將以功名爲先期  
輔成於丕烈忠臣弼稷之衛宜勉卒於今圖朕  
方謹邊場之虞卿宜厲爪牙之用體茲訓告務  
克欽承

少保鎮寧崇信軍節度使充荆湖南北

襄陽府路蘄黃州制置使加倉邑制

岳飛忠力濟時忱誠狗國沉勇多算有馬燧制  
敵之機廉約小心得祭遵好禮之實自出陪於  
艱運久專總於戎軺鋒對無前以征必克師行

岳飛卷二

四

有紀所至孔安成績著于邦家威名震於夷貉  
比飭鷹揚之旅往臨鼠盜之區乎以惠心開其  
善意得好生於朕志新舊染於吾民支黨內構  
爭掀狡窟渠魁面縛自至和門箠矢弋盡散  
潢池之肅聚帶牛佩犢悉歸田里之流通清湖  
湘累歲蕩汨之苗<sup>增</sup>秦蜀千里貫通之勢時惟底  
績可後疇庸孤棘位朝其視儀於亞保戎驛導  
節仍疊組於中權肇開公社之封益衍非腴之  
賦於戲出車之勞還率所以知臣下之勤躬弓

之錫有功所以慶人君之賞往對揚於休命終  
克勵於壯猷尚弼一人永清四海

武勝定國軍節度使充河北京西路宣

撫副使置司襄陽加倉邑制

岳飛沉毅而閔中誠純而特立縱橫奇正謀足  
以應料敵之機險阻艱難器足以任扶危之重  
志狗國家之急身居矢石之先翦亂夷凶所當  
者破陳師鞠旅其衆無譁乃眷西南久勤經畧  
將窺恢於遠馭宜增重於使權草木知名諒威

岳飛卷一

五

聲之震警旌旗改色亦士勇之賈前矧茲塗炭  
之餘積有雲霓之望洛都甫邇王氣猶在於伊  
瀍陵寢俱存廟貌未移於鍾簾其共乃服以究  
爾庸惟一德以定功茲萬邦而爲憲往欽無斁  
其永有辭

內艱起復制

門下考禮則喪無二事心獨致杯圈之思命將  
而任重三軍義在先國家之急眷時閫制屬我  
傑才方膺易鎮之榮奄及終堂之恤肆揚出綽

敷告在廷持服前檢校少保武勝定國軍節度使充湖北京西路宣撫副使兼管田使襄陽府置司武昌郡開國公食邑二千五百戶食實封一千戶岳飛精深而善謀沉鷲而孔武被威名於草木昭勲績於旂常國爾忘家厲粟姚辭弟之志卑以自牧履馮異不伐之謙本忱恂之確誠形純篤之內行出從王事每切望雲之情入慰母心初無齧臂之誓期末就衣遽遭閔艱念乃情重罹于至憂軫予心良增于深惻屬此幹方之日豈曰居廬之時雖難忘顧復之厚恩可少怠憑陵之宿憤朕當饋而歎中夜以興思有指之土疆倚圖上之方畧斯拱而俟趣起勿遲仍視亞保之威儀載昇兩藩之旄鉞用昭隆眷佇奏膚公於戲魯侯即喪而誓師平徐夷之作難晉人始墨而變禮由殺嶺以從戎若功名克顯於君親則忠孝兼全於家國勉服成命益勵壯猷

少保兼河南府路陝西河東河北路招

討使加食邑制

岳飛智合韜鈴靈鍾河岳氣吞疆虜壯哉漢將之威稜志靖中原奮若晉臣之志槩師屢臨於京洛名遠震於荒夷念國步之方艱顧戎心之未革詭謀行詐以爲賊盜之計阻兵怙亂以重塗炭之災信義俱忘群情共惡殘虐不道神聖靡容其遂整于我師用奉行於天討默用萬全之計亟收九伐之功乃寵昇以使名斯示濯征之義仍進躋於孤棘特隆委寄之權於戲一弛

樞密副使加食邑制

岳飛果毅而明深沉以武奇謀秘計蚤推韜畧之高英槩雄姿凜有威名之盛自服勤於邊圉實修捍於邦家作鎮上流屹若金湯之勢宣威遐俗震於大羊之群功屢紀於旂常任實同於

一隅未究折衝消難之畧鬱維圖而弗展慨平  
世之何時是用蔽自朕心付以國柄參昇事樞  
之重仍班孤棘之榮近查發縱指示之奇詭輯  
摧暗廓清之績庶極用人之効亟成戡亂之圖  
於戲上下交而志同朕方深於注意將相和則  
士附爾益務於叶心其懋壯猷用服明訓

武勝定國軍節度使充萬壽觀使奉朝  
請制

門下聯樞筦而贊廟謨式重股肱之寄擁節旄

尚書卷二

八

八一

而奉朝請益隆體貌之恩乃眷勳臣方居密席  
遽瀝退身之懇蓋推從欲之仁爰告大廷用乎  
爾衆少保樞密副使武昌郡開國公食邑六千  
一百戶食實封二千六百戶岳飛稟資肅毅擬  
質沉雄方畧得古良將之風忠勇有烈丈夫之  
操奮身許國影趙王之旻纓勵志圖功撫臧官  
之鳴劔自總幹方之任久專制閫之權惟績用  
之殊尤亦恩褒之備至戎駢導節旣曩且組于大  
邦孤棘位朝遂進班于亞保茲圖茂圖俾翊洪

樞庶資籌帷之奇以輯平戎之畧歟煩言之荐  
至摘深纒以交攻有駭予聞良垂衆望朕方紀  
功掩過事將抑而不揚爾乃引咎自言章既卻  
而復上諒忱誠之已確雖敦諭而莫回是用崇  
使範于殊庭畀齋壇於舊服留以自近示不遐  
遣以全終始之宜以盡君臣之契於戲寵以寬  
科全祿光武所以保功臣之終曾無二色猜情  
鄧公所以得君子之致朕方監此而御下爾尚  
念茲而事君往哉惟欽服我明訓可特授武勝  
定國軍節度使依前少保充萬壽觀使仍奉朝  
請主者施行

尚書卷二

九

九一

不允辭免節度制置二使并食邑詔

勅具悉朕惟明主不吝賞所以未社稷之臣良  
將不言功所以恤國家之難上下相與古今一  
途卿稟雄勁之姿蘊深湛之慮識通機變忠貫  
神明鼓舞勇無前服勞先於士卒執謙不伐行事  
合于詩書比總偏師克平叛寇坐復六州之故  
地用蘇千里之疲氓嘉爾設施出于談笑既策

勳之甚茂宜班爵之特優建大將之鼓旗往臨  
二路受元戎之鈇鉞增重六師奚為遜牘之陳  
猶遊龍章之渥亟膺明命益勵遠圖庶見方隅  
綏靖之期乃稱朝廷崇獎之意所辭宜不允

不允再辭免詔

勅具悉卿忠義出於天資忱恂著于臣節志狗  
國家之急身先行陣之勞蓋嘗推功名而不居  
豈復私富貴以為意然賞國之典輕重取功師  
不淹時役不再籍連克六城之聚復還千里之  
驅振凱造歸策勲可後謙以自牧卿雖必欲執  
三命之恭賞或失勞朕將何以為萬夫之勸勉  
服成命母復費辭所辭宜不允

不允辭免使職并加會邑詔

勅具悉漢高帝一日得韓信齋戒築壇拜為大  
將授數萬之衆雖舉軍譙驚而高帝不以為過  
與待絳灌樊鄴輩計級受賞者蓋有間矣豈非  
用人傑之才固自有體邪卿智勇兼資忠義充  
篤計無遺策動必有成勲伐之盛焜燿一時

與淮陰侯物遇高帝為比哉朕之報功者褒顯  
已厚爵位已崇今復修大使名用增重于閭寄  
所以示優異之寵不為越而卿辭之何也往祇  
茂恩母復有請所辭宜不允

不允辭起復詔

勅具悉委質為臣義無有已要經服事禮有從  
權雖陟屺之思恩莫隆于子母而袍鼓之急身  
必先于國家矧三軍之耳目待其指縱一時之  
利害間不容髮豈可忽安危之大計謹苦塊之  
私哀爾其擇忠孝之宜審輕重之勢亟視軍政  
往赴事機所請宜不允

不允再辭起復太尉加會邑詔

勅具悉凡賞無常輕重取功周之制也太尉古  
官昔在三公之右今同二府之列艱難以來尤  
重茲任非有大功不以命之卿一時人傑董我  
戎旅百戰百勝厥功茂焉日者淮蔡之戰王命  
將通於洛邑商虢之役威聲已振於秦川我圖  
爾功宜有重賞是用建爾久虛之位崇以輔臣

之禮蓋將以勸天下之功者而非以為卿私也何為固辭殊嘒朕意其祇成命毋復重陳所辭宜不允

允辭男轉官詔

勅具悉朕以卿肅提師律進辟土疆功在必酬既舉策勲之典寵惟無斁用昭延賞之私卿乃力抗封章推先將士謂名器之虛授將磨礪以何繇朕思其言所見者遠蓋不特固執謙遜耻同漢將之爭功而使其自立動勞復見西平之

女集卷一

十一

有子載深嘉歎姑務勉從所請宜允

不允乞休就醫詔

勅具悉卿竭忠誠而衛社迪果毅以臨戎元勳既著於昂彝餘暇尚閑於俎豆蕃宣所賴體力方剛遽欲言歸殊非所望顧安危注意朕豈武備之可忘惟始終一心汝亦戎功之是念益敦此意勿復有云所請宜不允

金人叛盟兀朮再犯河南今諸路進計

詔

勅昨者金許歸河南諸路及還梓宮母兄朕為

人子弟當申孝悌之義為民父母當與拯救之

恩是以不憚屈已連遣信使禮意備厚雖未盡

復故疆已許每歲銀絹五十萬所遣信使有被

拘留有遭拒却皆忍耻不問相繼再遣不謂設

為詭計方接使人便復興兵河南百姓休息未

久又遭侵擾朕盡然痛傷何以為懷仰諸路大

帥各竭忠力以圖國家大計以慰遐邇不忘本

朝之心以副朕委任之意故茲詔諭想宜知悉

女集卷二

十三

不允再辭免少保招討使加食邑詔

勅具悉卿每拜官必力懇避誠知卿懷冲遜之實非但為禮文之虛也今復以將士方冒矢石當鋒鏑而不欲獨先被厚賞為言陳誼甚高朕所嘉歎第惟同時並拜二三大帥皆以次受命卿欲終辭異乎遠伯玉之用心矣尚體茲義勿復有云所請不允

鄆城大捷賜獎諭詔

勅自羯胡入寇今十五年我師臨陳何啻百萬

曾未聞遠以孤軍當茲巨孽抗犬羊並集之衆於平原曠野之中如今日之用命者也蓋卿忠義貫於神明威惠孚於士卒旣爾在行之旅咸懷盡敵之心陷陣摧堅計不反顧糜爛合醜類敗犇念茲鋒鏑之交重有傷痍之苦爾至此時予之辜惟虜勢之已窮而吾軍之方振尚效功名之志亟聞殄滅之期載想忠勤彌深嘉歎降闢子錢二十萬貫犒賞戰士故茲獎諭想宜知悉

帝集卷二

十一

不允穎昌捷後請解兵柄致仕詔

勅具悉勇畧冠時威名服衆分鎮一道使敵人無侵侮之虞盡節本朝致將士有忠誠之効方資長算助予遠圖未有息戈之期而有告老之請雖卿所志固常在於山林而臣之事君可遽忘於王室所請宜不允

勅以樞密本職按閱御前軍馬措置戰

守詔

勅卿勲在社稷名震華戎謙退踵征西之風廉

約蹈祭遵之節比從人望入贊樞庭方國步之多艱念冠蓋之尚肆未反采薇之戍將親細柳之軍諒匪忠賢孰膺寄委當今陣之習有素戰守之策無遺伐彼姦謀成茲善計尚體眷注無憚勤勞故茲昭示想宜知悉

不允辭免節度使充萬壽觀使詔

帝集卷三

十五

勅具悉卿登翊樞筦曾未淹時乃以人言遽求釋位惟去就之義卿之所敦顧終始之恩朕安敢廢茲用寵以節旄之舊畀以祠祿之優君臣之間庶幾無愧今弗惟反又何辭焉所請宜不允

追復元官詔

故岳飛起自行伍不踰數年位至將相而能事上以忠御衆有法屢立功効不自矜夸餘烈遺風至今本泯去冬出戍鄂渚之衆師行不擾動有紀律道路之人歸功於飛飛雖坐事以歿太上皇帝念之不忘今可仰承聖意與追復元官以禮改葬訪求其後特與錄用

鎮南軍承宣使充江南西路沿江制

使誥

勅全師懋賞必首正中權之謀功帥授方爰控  
制上流之重若時名將為國虎臣屢列上於戰  
多式載圖於臨遣併頒命渥增重戎昭中衛大  
夫武安軍承宣使神武副軍都統制岳飛秉誼  
忠純賦資沉毅自奮庸於行陣久宣力於方維  
料敵出奇洞識韜鈴之奧摧鋒決勝身先矢石  
之危荐率偏師徃平巨孽屬江西之竊發連嶺  
表之繹騷命以專征迄茲底定殲滅兇渠之惡  
蕩平狡窟之姦千里師行見秋毫之無犯百城  
按堵聞犬吠之不驚嘉爾凱還趣其入覲念夙  
殫於忠節尚辰告於壯猷宜䟽進律之恩俾正  
承流之任天設之險擇形勢於九江師克在和  
隱兵威於萬旅以作藩于屏輔以試遏於寇攘  
益申紀律之嚴用謹守攻之備徃服朕命無怠  
爾成

追復少保兩鎮誥

十六

十七

勅仁皇在位親明利用之勲神祖御邦首祭伏  
青之像蓋念舊者不忘於杖拭而勸功者當急  
於崇褒朕祗稟睿謀眷懷宿將茲仰承於素志  
肆盡洗於丹書故前少保武勝定國節度使武  
昌郡開國公食邑六千一百戶食實封二千六  
百戶岳飛拔自偏裨驟當方面志畧不專於古  
法泥雄殆得於天資事上以忠至無嫌於辰告  
行師有律幾不犯於秋毫外摧孔熾之狂胡內  
翦方張之劇盜名之難辨衆所共聞會中原方  
議於彘弓而當路力成於授杼坐急絳侯之繫  
莫然內史之灰遠更化之云初示褒忠之有漸  
思其姓氏既仍節制於岳陽念爾子孫又復孤  
俾於嶺表欲盡還其寵數乃下屬於眇躬是用  
峻升孤棘之班疊畀齋壇之組近畿禮葬少酬  
魏闕之心故邑追封更慰轅門之望豈獨發幽  
光於旣徃庶幾鼓義氣於方來嗟夫聞李牧之  
為人殆將撫髀關西乎而未錄敦緩旌賢如其  
可知可以無憾可特追復少保武勝定國軍節



度使武昌郡開國公食邑六千一百戶食實封二千六百戶奉勅如右牒到奉行

追封鄂王誥

勅人主無私予奪一歸萬世之公天下有真是非不待百年而定曠言名將夙號蓋臣雖勲業不究於生前而譽望益彰於身後緬懷英槩申昇愍章故追復少保武勝定國軍節度使武昌郡開國公食邑六千一百戶食實封二千六百

岳集卷一

十一

戶贈太師謚武穆岳飛蘊蓋世之材負冠軍之勇方畧如霍嫖姚志滅匈奴意氣如祖豫州誓清冀朔屢執訊而獲醜亦舍爵而策勲外憺威靈內殫謨畫屬時方講好將歸馬華山之陽而爾獨奮身欲撫劔伊吾之北遂致契繩之集寢成市虎之疑雖懷子儀貫日之忠曾無其福遂墮林甫偃月之計孰拯其寃建國論之既明果邦誣之自辯中興之主稔驗重華之君追褒特厚肆眚冲之在御想風烈以如存是用頒我恩

綸綬之王爵裂熊渠之故壤超敬德之舊封豈特慰九原之心蓋以作六軍之氣於戲修車備械適當閑暇之時顯忠遂良因刑幽冥之際諒惟泉窆歆此寵光可特追封鄂王餘如故

賜謚忠武誥

勅主爾忘身茲謂人臣之大節謚以表行必稽天下之公言申賜贊書追告幽宥故太師追封鄂王謚武穆岳飛威名震於夷狄智畧根乎詩

岳集卷一

十九

書結髮從戎前無堅敵枕戈勵志誓清中原謂恢復之義為必伸謂忠憤之氣為難遏上心密契詔札俱存夫何權臣力主和議未就凌烟之偉績先罹偃月之陰謀李將軍口不出辭聞者流涕蘭相如身雖已死凜然猶生宜高帝眷念之不忘肆孝廟矜哀之備至還故官而禮葬頒祠額以旌褒逮於先帝之時遂以真王之爵既辯誣於累聖可無憾於九京然而易名之典雖行議禮之言未一始為忠愍之號旋更武穆之

稱朕獲親中興之舊章灼知皇祖之本意爰取  
危身奉上之實仍采克定禍亂之文合此兩言  
節其一惠昔孔明之志興漢室若子儀之光復  
唐都雖計効以或殊在秉心而弗異垂之典策  
何嫌今古之同符賴及子孫將與山河而並久  
英靈如在茂渥其承可依前故太師追封鄂王  
特與賜謚忠武奉勅如右牒到奉行

承州三大捷賜札

勅岳飛節義忠勇無愧古人所至不擾民不知  
岳飛卷一  
有兵也所向必克冠始畏其威也朕甚嘉焉方  
今國步艱難非卿等數輩朕孰與圖復中土者  
耶柰何江表尚多餘寇卿可竭力措置擒獲必  
其淨盡無使越境為吾之憂姑賜卿金注一副  
盞十隻聊以示求懷也

破固石洞令赴行在賜札

具奏省卿殄滅群寇安靜一方應無遺類為異  
日之患也朕甚嘉之已詔卿赴行在可即日就  
道勿憚暑行紀律嚴明秋毫不犯卿之所能也

朕不多及

奏請圖中原賜札

勅岳飛卿忠義之心通於神明故兵不犯令民  
不厭兵可無愧於古人矣今朝廷從卿所請已  
降畫一令卿收復襄陽數郡惟是服者舍之拒  
者伐之追犇之際慎無出李橫所守舊界却致  
引惹有誤大計雖立奇功必加爾爵務在遵稟  
號令而已收復之後安輯百姓隨宜措畫使可  
守禦不致班師之後復有踈虞始可回軍依舊  
屯駐朕當重賞典以旌爾功故茲筆論無慢  
岳飛卷一  
我言

虜偽合兵入寇趣提兵賜札

近來淮上探報緊急朕甚憂之已降指揮督卿  
全軍東下卿夙有憂國愛君之心可即日引道  
兼程前來朕非卿到終不安心卿宜悉之

提兵趨合肥賜札

卿義勇之氣震怒無前長驅濟江威聲遠暢宜  
奮揚於我武務深得于敵情既見可乘之機即

為持虛之計春茲忠思豈俟訓言深念勤勞往  
加撫問

平湖寇楊公等賜札

比得張浚奏知湖湘之寇悉已肅清紆朕顧憂  
良用欣愜非卿威名冠世忠畧濟時先聲所臨  
人自信服則何以平積年嘯聚之黨於旬朝指  
顧之間不煩誅夷坐獲嘉靖使朕恩威並暢厥  
功茂焉腹心之患既除進取之圖可議綱想規  
畫嘉歎不忘然恐招撫之初人懷反側更宜綏  
輯以安眾情措置得宜彼自馴擾浚必已與卿  
計之熟矣或有陳請可具奏來

詔宰臣張浚出視師賜札

朕以寡昧之資屢難之運雖夙宵自勵冀恢  
復於丕基而茲究未銷尚憑陵於方夏始欲親  
蒙矢石身屬繁難報兩宮遷越之讐拯百姓流  
離之苦坐薪嘗膽疾首痛心十年于茲終全屢  
歎今委宰輔督護戎昭而卿以柱石之資總貔  
虎之衆居懷憤激期于盪平然念王者之師本

於伐叛天下之將專以靖民俾號令之申嚴慰  
雲霓之後望無窺近効有害成功必使部伍無  
譁田里不擾副我撫綏之意共成戡定之功舍  
爵策勳朕不敢忽故茲親筆卿宜悉之

張浚既出視師復賜札

朕以父兄蒙塵中原陷沒痛心嘗膽不敢皇寧  
已命相臣往專經畫正賴爾等深體此懷各奮  
精忠勉圖報效倘有機會可乘無或後時所冀  
二聖還歸故疆恢復用副朕平日眷待責成之  
意

丁母夫人憂起復賜札

比聞軍中奏知卿奄遭內艱倚注之深良用震  
恒然人臣大義國爾忘家移孝為忠斯為兩得  
已降制命趣卿起復卿宜體事機之重畧常禮  
之煩無用抗辭即祗舊服乘吏士銳氣念家國  
世簪建立殊勳以遂揚名顯親之美斯孝之至  
也故茲親筆諒悉至懷

得逆豫等書賜札

古之人見無禮於君者必思有以殺之今劉豫  
劉麟四出文榜指朕為孽庶首惡毀斥詬罵無  
所不至朕固不德有以招致此言卿蒙被國恩  
尚忍聞之不動心乎備錄全文密以示卿主辱  
臣死卿其念之

淮西寇遁提軍至九江賜札

聞卿目疾小愈即提兵東下委身徇國竭節事  
君於卿見之良用嘉歎今淮西既定別無他警  
卿更不須進發其或襄鄧陳蔡有機可乘即依

卷一

六

廿

張浚已行事理從長措置亦卿平日之志也故  
茲親詔卿宜知悉

師至襄漢賜札

卿志存憂國義專報君式總兵戎再臨襄漢顧  
霜露之冒犯想徒御之勤勞深副簡知自宜神  
相朕當食而歎終夜以思非我忠臣莫雪大耻  
所祈勉力用究遠圖卿目疾邇來更好安否故  
茲親諭想宜悉之

寢閣宣諭後賜札令侍王德等

朕惟兵家之事勢合則雄卿等又各宣勞朕所  
眷倚今委岳飛盡護卿等蓋將雪國家之耻拯  
海內之窮天意昭然時不可失所宜同心協力  
勉赴功名行賞答勲當從優厚聽飛號令如朕  
親行儻違斯言那有常憲

懇奏乞持餘服賜札

再覽來奏欲持餘服良用愕然卿忠勇冠世志  
在國家朕方倚卿以恢復之事近者探報賊討  
狂狡將窺我兩淮正賴日夕措置有以待之卿  
乃欲求開自便豈所望哉張浚已過淮西視師  
卿可亟往商議軍事勿復再有陳請今封還元  
奏故茲親筆宜體至懷

督府與張浚論不合連奏懇免賜札

比降親筆喻朕至意再覽卿奏以渾瑊自期正  
朕所望於卿者良深嘉嘆國家多事之際卿為  
大臣所當同恤見遣中使宣卿赴張浚處議軍  
事傳曰將相和則土豫附卿其勿事形迹以濟  
功勳今再封還來奏勿復有請

既奉詔復述前志以贊恢復賜札

覽卿近奏毅然以恢復為請豈天實啓之將以輔成朕志行遂中興邪嘉歎不忘至於數四自餘令相臣浚作書其道惟卿精忠有素朕所簡知謀議之間要須委曲協濟庶定禍亂卿目疾邇來必好安故茲親諭所宜悉之

奏宜及時攻取豫賊賜札

覽卿來奏備見忠誠深用嘉歎恢復之事朕未嘗一日敢忘于心正賴卿等乘機料敵力圖大功如卿一軍士馬精銳紀律嚴明鼓而用之可保全勝卿其勉之副朕注意

奏請建都上游賜札

覽卿來奏備見愛君忠義之誠朕懷國家之大耻竭盡民力以養兵訓戎恢復之事未嘗一日少忘于心但以近者張浚謀之不臧淮西兵叛事既異前未遑亟舉而議者謂朕當不常厥居使敵人莫測建康臨安以時往來固不害為恢復之圖也唯俟機會以決大策地遠不得與卿

面言卿其益勵壯猷副朕責成之意

虜人大舉入寇奏乞面陳機畚削賜札

覽卿來奏欲赴行在奏事深所嘉歎况以戎事之重極欲與卿相見但虜酋在近事機可乘已委卿發騎兵至陳許光蔡出奇制變因以應援劉錡及遣舟師至江州屯泊候卿出軍在近輕騎一來庶不廢事卿憂國康時謀深慮遠必有投機不可淹緩之策可親書密封急置來上朕所虛佇也遣此親札想宜體悉

奏請正國本以安人心賜札畧

覽卿親書密奏深用嘉歎非忱誠忠謹則言不及此卿識慮精深為一時智謀之將非他人比也

蔡州賜札

覽卿奏提兵已至蔡州暑行勞勩益見忠誠許國嘉歎無已朕意初欲擒取孽酋庶幾羣醜自潰兩國生民有息肩之期快賊情敵勢必已

卿目中遲速進退卿當審處所宜

復穎昌府賜札

覽卿奏克復穎昌已離蔡州向北措置大帥身先士卒忠義許國深所嘉歎然須過為計慮虜懷薑毒恐至秋高馬肥不測豕突當使許蔡遺民前期保聚大軍進退之宜輕重緩急盡以委卿朕不從中御也

復鄭州陳州捷聞賜札

覽卿奏知已遣兵下鄭州自許陳蔡一帶形勢

皆為我有又大軍去賊寨止百餘里想卿忠義許國之心必期殄滅殘虜嘉歎無已然賊計素挾狙詐雖其奸謀不能出卿所料更在明斥埃謹開謀乘機擇利必保萬全兵事難以踰度遲速進退朕專付之卿也已差中使勞卿一軍未到間卿有所欲前期奏來入覲無早晚但軍事可以委之僚屬即便就途遣此親札想宜體悉

郟城屢勝兀木捷至賜札

覽卿奏八日之戰虜以精騎衝堅自謂奇計卿

遣背鬼游奕迎破賊鋒戕其首領實為雋功然大敵在近卿以一軍獨與決戰忠義所奮神明助之再三嘉歎不忘于懷比已遣楊沂中全軍自宿泗前去韓世忠亦出兵東向卿料敵素無遺策進退緩急之間可隨機審處仍與劉錡相約同之屢已喻卿不從中御軍前凡有所須一奏來

奏不宜班師賜札

得卿十八日奏言措置班師機會誠為可惜卿忠義許國言詞激切朕心不忘卿且少駐近便得地利處報楊沂中劉錡同共相度如有機會可乘約期並進如且休止以觀敵釁亦須聲援相及楊沂中已於今月二十五日起發卿可照知道此親札諒宜體悉

奏乞合兵破敵身為先驅賜札

得卿奏欲合諸帥兵破敵備見忠誼許國之意嘉歎不已今虜犯淮西張俊楊沂中劉錡已併力與賊相拒卿若乘此機會亟提兵會合必成

大功以朕所見若卿兵從斬黃纒出其後腹背擊賊似為良策卿更審度兵貴神速不可失機會也再遣親札想宜體悉

朝廷得歸正人所報趣出兵賜札

比屢遣手札并面諭屬官仍遣中使趣卿提兵前來共破虜賊卿忠憤許國之心必當力踐所言以摠素志今據歸正人備說金賊築點頭首皆在淮西朕度破敵成功非卿不可若一舉奏功庶朕去年宥宥之詔不為虛言况朕素以社稷之計重倚于卿今機會在此曉夕以行出師之報再遣此札卿宜體悉

出師援淮奏至賜札

得卿九日奏已擇定十一日起發往斬黃舒州界聞卿見蹙嗽乃能勉為朕行國爾忘身誰如卿者覽奏再三嘉歎無斃春深寒暄不常卿宜慎疾以濟國事付此親札卿須體悉

舒州奏至賜札

得卿奏知卿屬官自張俊處歸報虜已渡淮卿

只在舒州聽候朝廷指揮此可見卿小心恭慎不敢專輒進退深為得體朕所嘉歎據報兀木用鄧瓊計復來窺伺濠州卿可星夜提精兵裹糧起發前來廬州就糧直趨壽春與韓世忠等夾擊可與擒殺兀木以定大功此一機會不可失也急遣親札卿切體悉

發舒州奏至賜札

得卿奏卿聞命即往廬州遵陸勤勞轉餉艱阻卿不復顧問必道其行非一意許國誰肯如此據探報兀木復窺濠州韓世忠八日乘捷至城下張俊楊沂中劉錡先兩日盡統所部前去會合更得卿一軍同力此賊不足平也中興勳業在此一舉卿之此行適中機會覽奏再三嘉歎不已遣此獎諭卿宜悉之

復李氏楚國夫人誥附

勅榮瘁有時而不同忠邪既久而自判昔飛以象車絺冕備大將之多儀而李以文駟雕軒正小君之顯號繁強宗之鼎盛何苦稿之驟興殆

茲天定之時宜爾邦誣之辯前楚國夫人李氏  
柔潔以為質儉勤而自修處安榮不聞驕妬之  
愆居患難不改幽閑之操闔門遠徙閱歲屢遷  
眷念前朝既下生還之命志伸今日再加甄叙  
之封錫以土田為其湯沐子孫並仕願惟晚歲  
以何憂門戶再興尚識大恩之所自可特復楚  
國夫人

追復岳雲左武大夫忠州防禦使誥附

勅漢李將軍耻對刀筆之吏寧就死焉未幾子

敢亦懼非命良將數竒自古固然朕未嘗不撫  
卷而興嗟也故左武大夫忠州防禦使岳雲慷  
慨忠勇頗有父風困於讒誣不究勲績茲懷遺  
烈盡復故官朕既白杜郵之冤爾或知輔氏報  
可特追復左武大夫忠州防禦使奉勅如右牒  
到奉行

追贈岳雲武康軍節度使誥附

勅絳侯左袒而為劉氏豈知書續背之威李廣  
結髮而戰匈奴不忍對刀筆之吏李廣之昭

白豈功令之愆忘故追復左武大夫忠州防禦  
使贈安遠軍承宣使岳雲忠本家傳才為世傑  
京名父之勝算折醜虜之天驕馬革裹尸忠肝  
可見蠅營集棘竒禍遂興早悲戰骨之零飛霜  
豈料戴盆而見白日慰忠魂於拱木新戎鉞於  
帥壇庶一節之不磨亦九原之可起噫引劍呼  
痛世已知杜郵之冤結草酬恩爾尚思輔氏之  
報勿以重泉之永隔而忘許國之初心可特贈  
武康軍節度使餘如故

武康軍節度使餘如故

古集卷之二



岳集卷之三

浙江按察僉事華亭徐階 編

眉山張庭 校

宛陵焦煜 刊

議類

嗚呼將相大臣動在王室德在人心身沒而名  
垂不朽與日月爭光而乃褒贈未舉信史未書  
萬口一詞以為闕典如是者凡二十餘年而聖  
天子一日赫然下明詔悼不辜崇恤典下之有

岳集卷之三

一

司始請易名以慰忠魂以詔萬世於是前日萬  
口一詞缺焉不滿者舉欣然相告曰信乎三十  
年後議論自定薦紳之倫介冑之衆方且喜聞  
而樂道之而况司議臣者敢不整冠肅容特書  
其事以著春秋之大旨乎故少保武勝定國軍  
節度使岳飛薨于紹興十一年至三十二年主  
上龍飛有詔故岳飛起自行伍不踰數年位至  
將相而能事上以忠御衆有法屢立功効不自  
矜誇餘烈遺風至今不泯去冬出戍鄂渚之衆

師行不擾動有紀律道路之人歸功於飛雖坐

事以沒而太上皇帝念之不忘今可仰承聖意

與追復元官以禮改葬訪求其後特與錄用已

而又更十有六載至淳熙四年禮官奏以公應

定謚乃下有司議其事嗚呼公之大名大節大

勳烈赫赫在人耳目青天白日其誰不知顧乃

閱歷三紀然後被哀榮之典其尤可憫也嗟乎

士患不遭時遇主既遇而復不得其死命與李

廣材氣天下無雙孝文見之曰惜廣不逢時令

岳集卷之三

二

當高帝世萬戶侯豈足道哉以公揆廣蚤遇太

上依乘風雲再造王室非不遇矣然卒斃於權

臣之手天下莫不冤之班固之贊李廣以為死

之日天下知與不知皆為流涕彼其忠誠信於

士大夫蓋公之遇主有李廣所不能及而死之

日天下為之流涕有甚於廣焉嗚呼命與茲主

上所以仰體太上皇帝聖意錄其後之象賢優

加寵擢意公生氣凜然尚存也按謚法危身奉

上曰忠使民悲傷曰愍公其有焉請謚以忠愍

謹議

紹興三十二年皇上嗣承大統緬想中興之盛將帥之臣如故岳飛褒崇未及貌諸孤猶在遠有畫上心廼下詔追復元官以禮改葬訪求其後特與錄用嗚呼身可歿而名不可朽是非感於一時而議論定於來世自非有大勲力著在人心何以上為聖天子追念如此抑可謂盛矣又十六年而禮官請定公謚制可之其在司議者所當大書特書垂諸簡策以詔天下後世廼

卷之三

三

三

上公謚公之勇畧忠蓋使得究盡其能北虜雖疆不足平也故土雖失不足復也方以川陝宣撫力圖進討而用事之臣力主和議公猶懇懇奏列以為非計終莫之聽公亦進位樞府而兵柄釋矣雋功未就偉志莫伸隨以殞憾焉嗚呼為將而顧望畏避保安富貴養寇以自豐者多矣公獨不然平居潔廉不殖貨產雖賜金已俸散予莫吝則不知有其家臨戰親冒矢石為士卒先摧精擊銳不勝不止則不知有其身忠義

殉國史冊所載何以尚茲按謚法折衝禦侮曰

武布德執義曰穆公內平群盜外扞醜虜宗社再安遠邇率服猛虎在山藜藿不采可謂折衝禦侮矣治軍甚嚴撫下有恩定亂安民秋毫無犯危身奉上確然不移可謂布德執義矣合茲二美以武穆謚公於是為稱謹議武穆謚

卷之四

四

四

虜萬人之軍又嘗於京城南薰門外以八九百人破黃善張用二十萬 衆威震夷夏去冬江上之戰將士蜂屯飛獨爭先奮擊迨官軍不勝它將皆烏奔鼠竄飛獨置寨蔣山孤軍轉戰且行且擊慮金人徘徊于建康京口之間勢必留軍江南控扼險阻大為東南之患飛能奮不顧身克復建康及境內縣鎮為國家奪取形勝咽喉之地使逆虜掃地而去無一騎留者江制平定其誰之力也緝謂如飛者朝廷宜優擢之假

以事權益責後來之効方今大將皆富貴盈  
不肯用命甚者握強兵以脅制上下有鷹揚跋  
扈之態此可復用也哉飛常與人言使飛得與  
諸將齒而進退稟命于朝何功不立一死焉足  
斬哉要使後世書策中知有岳飛之名與關張  
輩功烈相彷彿耳飛武人意氣如此豈易得哉  
亦古豹死留皮之意也伏望朝廷論飛之功加  
之爵賞使與韓劉輩持然成軍者勢力相抗相  
制以為用相激而成功此誠朝廷無窮之利也

五

五

緝巖穴枯槁之士自放於風煙寂寞之濱非有  
求於世者誠以國步艱難斯民嬰塗炭之禍苟  
耳目所聞有可以排難解紛僅若毫髮者不得  
不薦之於朝庶幾用之而天下有尺寸錙銖之  
補嗚呼婺不邱緯而宗周是憂懼將及焉而已

宋剛定官印  
上廟堂書畧

昨觀勝示以樞密行府見勘張憲累於岳飛遂  
逮繫連及妻子天下之人莫不顧盼相視徬徨  
不能去如病瘖之人終日茹苦而不敢吐何者

事出于疑似之間而聖人難知者也昔者漢高  
帝之治天下如日之高明矣蕭何為相國得罪  
下廷尉此何自處於幽暗隱蔽之間而其勢無  
以自白於高帝之前也王衛尉一言而高祖聽之  
斷然釋其疑似之嫌以全其高明之功孝文之  
治天下亦如天日之高明矣周勃為太尉得罪  
下廷尉此又勃自處於幽暗隱蔽之間而其勢  
無以自白於文帝之前也薄昭一言而文帝聽  
之斷然釋其疑似之嫌以全其高明之功高祖

六

六

孝文之於蕭何周勃既捕之於前又釋之於後  
世之人不以為過者疑似之嫌既釋聖哲之道  
愈明也今陛下捕繫岳飛是飛自處於幽暗隱  
蔽之間也是非陛下不臨而照之也夫以其自  
處於幽暗隱蔽之間而其勢不能自白於陛下  
之前而陛下孰得照臨之哉况方當迅雷震霆  
之怒勢不及於掩耳而天下之民踈賤無知不  
敢為陛下言宰輔之臣媚虜急和又決不為陛  
下言是陛下卒不得一臨照之此臣布衣之士

所不敢不為陛下言也大抵治軍者不能舉軍皆愛治獄者不能舉世皆平何哉寬仁者不足以得其死力而承風者不能無羅織之訊故得士卒之心者必得罪于偏裨有睚眦之隙者必煅煉以成獄者也煅煉之獄雖成而萬一有疑似之跡則臣不得而知然亦在陛下廣高明之見而以情察之可也夫岳飛未遇陛下十年之前一匹夫耳陛下下外而翼之以至成功去宣撫之權而典副樞之任陛下何負于飛而飛乃爾

岳集卷三

七

也議者以韓信之事為說是大不然彼韓信者是漢高不可無之人也是漢高祖許之以真王者也既定天下遂奪齊楚而侯之是信之所以怏怏也今宣撫之尊孰與樞密之重而陛下未嘗先許之以此也彼飛以匹夫之心十年之間取陛下三公于其志蓋亦足矣且身居陛下禁城之中去荆襄數千里之遠而又無權以制之彼偏裨者又豈能奉承其命如平昔者哉况胡虜未滅飛之力尚能戡定陛下方銳意于恢復

祖宗之業是豈可令將帥相屠自為逆賊報仇哉春秋之時子玉得罪於楚也屢矣成王殺之而後晉侯之喜可知也南北之時檀道濟有功于宋也亦屢矣文帝殺之而後魏人有飲馬長江之志也此皆前代之鑒戒不可不察故願陛下自尊其高明之德而照之又思漢高孝文之事而釋于疑似之嫌以全陛下高明之功此非獨臣私心之所言實天下公心之所言也臣之于飛素無半面之雅亦未嘗漫刺其門而受一

岳集卷三

八

飯之德獨為陛下重惜朝廷之體耳臣非不知陛下方震怒之初疑似未辨之際此言一聞必罰無赦大則身污鼎鑊小則竄跡遐荒而輒敢櫻逆鱗犯忌諱者誠懷愛君之心恐虧陛下之高明也伏望陛下重惜國體不憚改為斷自宸衷特垂赦宥使君臣之義復全於今日而飛之餘忠尚得效於後來天下幸甚幸甚

宋范滂之上高宗書

殺飛而後可和之言檜之心與虜合而張俊之心又與檜合媒孽橫生不置之死地不止万候

高以願備鍛鍊而得中丞王俊以希旨誣告而得廉車姚政傳選之徒亦以阿附並沐累遷之寵附會其事無所不至而莫須有三字世忠終以為無以服天下飛死世忠罷中外大權盡歸于檜于是盡逐君子盡用小人矣呂東萊讀史記莫須有三字強以傳會欲加之罪其無辭乎千載之下每念岳武穆之冤直欲顧天而無從也

呂東萊宋史龜鑑

岳飛不自晦作樞副便直要做然不做亦不免

岳飛卷三

九

忠勇故也

麻庵先生語錄

自建炎用兵以來我之諸將始皆精熟老者如百煉之鋼少者如發矟之刃縱橫捷出無不如意此正天人合一之機千載一時之會也其如和議之說行而班師之詔屢下何當諸將賀和而公表獨曰求暫安而解倒垂猶之可也欲長慮而尊中國豈其然乎又曰身居將閫蹟無補於涓埃口誦詔音面有慚於軍旅此亦不與虜俱存之名言也夫朝廷欲議和而有一大帥

問問然不肯和言必與之俱斃而後已是其可置而不問乎故為當時計不去公則議和不成一日召三大帥首相置酒迓之韓張已至而公以道遠差後飭堂厨必待公至而後飲至則並除樞密副使未幾言者至而祠命下矣外此何說哉余嘗聞永嘉陳止齋云往見石天民言其父嘗赴上江巡檢官夕投宿縣驛忽呵道岳少保來急急般疊而少保已至問此何官是問無旅館可只就門房駐巡檢如言迨夜堂張燭諸

岳飛卷三

十

將會坐巡檢從壁隙窺之諸將起稟事密語公正色而言曰只得前邁諸將退而起稟者三而公三答之如初言嗚呼豈不知此行之必死哉其昂昂數千里而來者非赴嘉召也直趨死如歸耳故曰白刃可蹈其在是歟近有士夫得楊武恭王之孫伯岳者言曰武恭一日蒙首相呼召至則不出見但直省官持一堂牒來云委逮岳飛赴大理又傳旨要活底岳飛來武恭袖牒往見公公呵呵大聲而出曰十哥汝來何為武

恭曰無事叫哥哥蓋當時諸將結為兄弟行自一至楊十也公曰我看汝今日來意思不好抽身入武恭亦以牒傳進頃之有小鬟出盃酒勸武恭意公必於內引決要我同死遂飲飲竟公出笑而言曰此酒無藥我今日方見汝是真兄弟我為汝往遂肩輿赴對嗚呼公不肯為兒女之死久矣大義明如天地大忠著於無窮則公之志也死生豈足為公道哉金作

武穆之冤史以為秦檜專殺而高宗不知也然

高宗

高宗豈不知哉迹其平日召至臥內有金盤之賜有精忠之書有中興專委之托有手書數十之與且在當時忠勳才傑如武穆者舉目能幾而其存其亡不知問耶蓋高宗寧偏安事虜而不願父兄之返者乃其素志也故其初立家族盡遷而止一親弟信王榛起於河北尚不肯援之為助而竟令馬擴譏察之以坐視其敗滅其樂使武穆復中原而奉迎欽宗以南還耶武穆初起偏校歷著忠勇之蹟高宗故所深契也及

其密疏請建宗室即以苗劉之事見疑而深忌之矣故後中興之事累請踐約而莫之許想當檜賊留身秦事之時探知此意建議迎合以為祖宗家法素抑武臣為社稷計也况才勇如飛天下無敵者使其縱兵滅金得奉淵聖而歸將置陛下於何地哉其或遂為劉裕滅秦歸篡之事陛下亦焉得而制之也且金人得中原必不能無故始以封楚繼以封齊而不以遂歸我國者恐我得中原而遂令飛得長驅也若飛戮則

彼無所忌必乎我事大之誠而中原母后必皆見歸矣就使中原終不可得而偏安江左亦不失為帝王宗廟血食也使飛而得志陛下可得安枕而帝江南哉飛不可留而帝心之所深合也故今殺飛而檜以為上意及後檜死而帝任和議之事以為已意檜特贊之者蓋皆道其實也言者乃獨罪檜而諉高宗於不知何耶胡

空同子曰岳武穆全人乎得其正而斃矣或曰

書世學甚  
庵遺稿

將在軍君命有所不受曰惡何言也不受命者  
其身猶將也周亞夫是也非召之使還也召之  
還者奪之也奪之而不受命是叛也以叛伐叛  
夫誰與之曰閻以外將軍不制之乎曰制之者  
其身將軍也言有位也汲黯發倉粟之類也非  
召而奪之也召之而不赴則騎劫代毅矣代之  
而不赴則陽周之獨鏐下矣嗚呼岳也得正而  
斃矣春秋之義也國朝李副使  
夢陽空同集

序類

額天辨誣通叙

宋岳珂

臣聞天下之不可泯沒者惟其理之正也藏於  
人心散於事情雖或晦而未彰抑而未揚曖昧  
而未白然是理之在人心自有隱然而不可厚  
誣者是故伸屈有時而不同榮辱既久而自判  
昔日之辱未必不為今日之榮而今日之屈未  
必不基後日之伸也臣先臣飛奮自單平宣政  
之間已著功於河朔高宗皇帝受密詔開霸府  
而先臣首波識擢蓋自是而歷官孤卿專制

外未嘗有蚍蜉蟻子之援獨以孤忠結知明主  
自信不疑勳名既高讒慧橫出而先臣之跡始  
危矣是時城狐負恃勢可炙手天下之士莫敢  
一撻其鋒而先臣之得罪也何鑄薛仁輔以不  
願推鞠而逐李若樸何彥猷以辯其非辜而能  
士優以百口保任而幽之閩韓世忠以莫須有  
三字何以服天下為問而奪之柄最後而劉光  
升以布衣扣闥而坐極典矣一時附會之徒如  
万侯高則以願備鍛鍊自諫議而得中丞王俊  
則以希旨誣告自遙防而得廉車姚政龐榮傳  
選之流亦以阿附而並沐累遷之寵矣夫賞者  
人之所甚慕而刑者人之所甚懼也豺狼榮順  
而當路顧乃相率而犯之至於軒冕在傍睨而  
不視是豈人之情哉其必有大不安於其心而  
後不敢為也蓋非特縉紳之流心知義理之所  
在乎怨之吏目擊冤抑之莫伸者之為也而異  
時同列之將不敢以嫌疑而不言衛茅之士不  
忍以非位而不言奪柄而未至於僂謂未足以

懲猶之可也朝上匭函暮拘天柱風旨之下凌  
虐可知訖不能遺寸草之命侈及其身為世大  
耻而先臣既歿之後復有程宏圖者大書直指  
以明先臣之冤幸而大明當天譏佞悉殄而宏  
圖之言適合聖意宏圖蓋未敢逆為此聖也然  
則是理之在人心蓋如何哉紹興更化逐讒賞  
復純州還諸孤之在嶺嶠者重以念先臣不忘  
之德意屬之孝宗皇帝嗣位之初首加昭雪既  
復其官爵又錫之冢地疏以寵命而祿其子孫  
予以縉錢而恤其家族給以元業而使之不餓  
口於四方旌以廟貌而俾有以慰部曲三軍之  
心日月照臨下燭幽隱雨露沾溉徧及死生聖  
恩洋洋屢出史牒蓋自漢魏以來功臣被誣誕  
謾無實未有如先臣之抑及其昭雪之際春渥  
有加亦未有如先臣之榮者也聖詔之下朝闕  
庭而慕四海老耄童穉不謀同辭咸曰此太上  
之本心而今皇所以奉承而行之者也忠憤之  
氣固有時而伸而殉國之臣亦非茲邪之所能

卷三

六

五

遇也蓋於是而三軍北首死敵之志益銳中原  
來蘇望霓之心益切天下抵掌撫足者亦遂少  
舒其鬱抑之氣此非臣私其祖之言天下之公  
言也先臣果何以得此於天下哉其必有不泯  
於人心者存而非可以智力使抑以其理之正  
而已何以明之汪澈宣諭荆襄周行舊壘見其  
萬竈鱗比寂無譁三軍雲屯動有紀律乃竦  
然嘆曰良將之遺烈蓋如此繼而列校造前捧  
牘訟先臣之冤澈遂喻之以當以奏知之意此  
語一出哭聲如雷咸願各效死力至有為岳公  
爭氣之語澈慰諭久之而啜泣者猶未止也故  
先臣復官之旨亦畧叙其歸功之意先臣御軍  
嚴整雖小犯不貫非直以姑息結之而使之然  
也即此以明先臣之事蓋有人心之所同而不  
待臣區區之辯然先臣之得罪天下皆知其冤  
而不知其所以為冤請叙先臣之所以冤而後  
他可言也蓋先臣之禍造端乎張俊而秦檜皆  
寔成之俊之怨先臣不一也而大者有三焉淮

卷三

六

十六



西俊之分地趙鼎命之怯敵不行迨先臣一戰而捷俊則耻之一也視韓世忠軍俊迎檜意欲分其背嵬先臣執義不可比行楚州城俊欲與版築先臣又曰吾曹當戮力圖克復豈可為退保計邪俊則怒之二也彊虜大寇俊等不能制而先臣談笑取之主上眷寵加厚逾於諸將先臣於俊為後輩不十數年爵位相埒俊則嫉之三也檜之怨先臣亦不一也而大者亦有全家南還已莫揜於捷辣縱歸之跡草檄辱國復汗覲於室撓寄聲之間以至二策之合不得輒易大臣之盟檜之私虜如此則主和之際豈容有異議然先臣一則曰恢復二則曰恢復犯其所甚諱一也昔先兄臣甫守鄞會稽文惠王史浩謂之曰方代邸侍燕間嘗一及時事檜怒之輒損一月之俸趙鼎以資善之議忤檜卒以貶死其謀危國本之意非一日矣然先臣誓衆出師乃首進建儲之議犯其所不欲二也韓世忠謀劫使者敗和議得罪於檜檜命先臣使山

岳集卷三

七

陽以摭據世忠軍事且戒令備反側托以上意先臣曰主上幸以世忠陞宥府楚之軍則朝廷軍也公相命飛以自衛果何為者若使飛摭庶同列之私尤非所望於公相者及與耿著獄將究分軍之說連及世忠先臣歎曰與世忠同王事而使之不辜被罪吾為負世忠乃馳書告以檜意世忠亟奏求見上驚諭之曰安有是既而以詰檜且促其著獄著得減死犯其所深惡三也夫俊以其憾先臣之心而諂事於檜檜之憾先臣者視俊為尤切唱和一辭遂啓大獄况當是時輔之以羅汝楫之迎合王鵬兒之告訐乃侯高挾故怨而助霍王貴劫於秋而強從則先臣固非以淮西之逗遛而先伯臣雲非以通書而致變張憲亦非以謀使先臣掌軍而得罪也雖然淮西之事御札可考也通書之迹書已焚矣惟鍛鍊之是從矣後掌軍之謀則又取信於仇人之說而必成於撻犴之內甚而陳首之事自甘軍法以實其言至行府與獄雖張俊極

岳集卷三

六

力以文致而其半亦自云妄矣明辯皆可復也  
嗚呼冤哉籲天莫聞洪皓嘗奉事而論及先臣  
不覺為慟以為虜中所大畏服不敢以名稱者  
惟先臣至號之為岳爺爺及先臣之死虜之諸  
酋莫不酌酒相賀以為和議自是可堅而查籬  
嘗謂人曰虜自叛河南之盟先臣深入不已檜  
私於金人勸上班師元末遺檜書曰爾朝夕以  
和請而岳飛方為河北圖且殺吾墳不可以不  
報必殺岳飛而後和可成也檜於是殺先臣以

岳集卷三

十一

為信即皓之所奏而觀之籬之言其不妄也臣  
故先述先臣之冤而後述所以為籲天辯誣之  
意蓋先臣自結髮從戎凡歷數百戰而其內剪  
外攘之尤彰大著見者雖三尺之童亦能言其  
事破張用牧曹成毆虔寇而歸之農賊叛將而  
降其衆擒楊么以清重湖戰李成以復六郡祕  
計成而劉豫廢忠信著而梁興來兩至淮堦而  
胡騎遁迹一至朱仙而虜將願降忠義百餘萬  
應於河北頽陳數十郡復於河南境土駸駸乎

返舊矣而姦臣誤國亟命班師使先臣之勲不  
克自究此又雖三尺之童亦能為先臣扼腕而  
太息也此皆不必備論獨以先臣受曖昧不根  
之謗于今幾七十載雖忠義之心昭昭乎天而  
山林之史疑以傳疑或者猶有以議先臣之未  
盡臣竊痛焉臣自紹興侍先父臣霖日聞先臣  
行事之大畧誠恨不及逮事以親其所聞惟先  
父臣霖易箆而命臣者言猶在耳不敢不卒厥  
志自束髮以來朝夕憂惕廣搜旁訪而訂正之

岳集卷三

十一

一言以上必有據依而參之以家藏之詔本月  
日不謬而後書蓋如是者累年而僅成誠懼無  
以終父志而使先臣之忠無所別白乃於行實  
之中摘其未明者自建儲而下凡五條條皆有  
辯辯必有據庶幾上附信史下答先命使先臣  
之誣得因是而暴白于天下臣死且不朽矣臣  
重惟先臣得罪於紹興十一年之十二月而秦  
檜死於紹興二十五年之十月其間相距凡十  
四載而檜是時兇焰烜赫威制上下蓋專元宰

之位而董筆削之柄當時日曆之官言於人曰  
自八年冬檜既監修國史岳飛每有捷奏檜輒  
欲沒其實至形於色其間如闕略其姓名隱匿  
其功狀者殆不可一二數大率欲薄先臣之功  
以欺後世使後世以爲不足多恨天下莫不哀  
先臣之不幸且惜千載之後何以傳信如臣前  
所陳致禍之六條後所陳辯誣之五條雖天下  
之人戶知之人誦之野老賤卒得於傳小夫庸  
俗騰於說按之詔旨而不謬驗之歲月而有稽

蕭蕭三

三

可謂不誣矣然臣竊意國史未之書也抑臣聞  
之檜之始罷相也上召當制學士恭崇禮出檜  
二策示以御札明著其罪日星焜耀垂戒萬古  
豈易磨滅哉暨檜再相深掩諱之公騰函章下  
台州於崇禮之壻謝伋家取之以滅迹煌煌奎  
畫尚敢舉而去之於先臣之事何恤哉嗚呼此  
豈特先臣之不幸廟謨神筭鬱而不彰檜之罪  
尤不勝誅矣金匱石室之書固匪臣所得而見  
然臣所以附其言于此者亦特見天下之所以

哀先臣不幸之意而痛直筆之無攷也嗚呼此  
額天辯誣之所以不得不作也司馬遷之言曰  
要之死日而後是非乃定是非定於既死此人  
心之公論也而先臣既死之後秦檜方秉國鈞  
天下噤不敢議稔惡而斃繼之者猶一時之黨  
中經更化嘗欲復先臣官而時宰以爲虜方顧  
和一旦無故而錄故將且召禍不可故還嶺嶠  
之諸孤復純州之舊號皆出一時之特斷而拳  
拳聖眷首發於揖遜面命之頃故先臣復官錄

蕭蕭三

三

孤之事皆高宗之所親見而先父臣霖欽州召  
還賜對便殿玉音宣諭謂卿家冤枉朕悉知之  
天下共知其冤則孝宗之所以得先臣誣枉於  
問安侍膳之餘者蓋詳矣故一時辯先臣之事  
如李若樸何彥猷或生拜郎曹之除或死沐褒  
贈之典而睿旨曲頒且有秦檜誣岳飛舉世莫  
敢言之語則先臣之事蓋可不辯而自明嗚呼  
聖恩厚矣而時宰之所以進言得非以先臣勦  
虜之功爲罪乎建炎初僞楚不兢北面一時肉

會者獻言曰張邦昌虜之所立宜有以尊顯之  
李綱虜之所惡宜散可也上歛容曰恐朕之立  
亦非金人所喜即聖謨而論之則先臣之事可  
明時宰之言可闢獨以古人之言所謂是非至  
死而後定者蓋已出於不幸而先臣之死餘二  
十年然後姦邪闢正論興九泉孤忠始遂昭雪  
此其不幸尤可哀也臣尚忍言之哉其他如以  
不附和議為懷姦以深入奮討為輕敵以恢復  
遠畧為不量彼已以不事家產為萌異志以不  
結權貴為妄自驕傲此臣又將哀檜之愚而以  
為不必辯謹叙

宜興縣生祠叙畧 錢謙

建炎庚戌仲春岳公觀察總熊羆之師以捍國  
保民為志爰自桐川次于陽羨時方夷狄盜賊  
交寇四境舉邑生靈幾死而復生者皆公之造  
也其德孰加焉人莫不曰父母之生我也易公  
之保我也難無以見其報稱不忘之意迺立生  
祠繪英雄卓絕之姿修沉水芬簋之奉子子孫

孫瞻事無數謀攝宰是邑式觀盛事然察人之  
情猶以為未至皆欲圖像于家晨昏欽仰如奉  
定省而後已予恐作繪者不能人給寫之或失  
其真又聞四方之人莫不願識荊州而未有得  
於是摹刻于石庶廣其傳

重刻金佗稗編序畧

元陳基 郎中

宋高宗承祖宗之緒間關播越退保江南然與  
漢光武不階尺土者異矣而靖康之敵又非新

室赤眉之比南渡將相爪牙之臣亦非曩時馮  
異仗劍而崛起者加以重熙累洽之仁漸磨浸  
漬淪膚浹髓垂二百年一旦兩宮蒙塵宗社為  
墟中原父老日夜欷歔思宋不滅三輔然光武  
弟兄徒步南陽左袒一呼盡復高皇帝舊物其  
故何哉蓋光武知人明見萬里高宗舉國聽於  
權臣故回溪之敗馮異之罪小朱仙鎮之捷岳  
飛之功大光武不以一挫之失忘遠圖故能卒  
以再造之功興漢室高宗不能因戰勝之鋒用

岳飛而徇主和之議任秦檜故以恢復自任者  
適足以媒忌嫉之口以忠貞許國者卒無以逃  
鍛鍊之禍夫所貴乎中興之主者不以其能雪  
父兄之耻光祖考之烈乎今舉垂成之業而棄  
之使馮異君臣專美於千載岳飛父子啣冤於  
地下此孝子忠臣所以讀金佗粹編者未嘗不  
為高宗惜也飛父子沒餘二十年孝宗受禪其  
孫珂實始以額天辯誣錄詣闕訴上由是詔賜  
墳廟復爵位頒封謚祿遺孤高宗為太上皇猶  
重一

褒忠錄序畧 國朝吳訥都御史海虞人

宋岳鄂武穆王者建紹中興之名將也王忠烈  
勇智為當時第一憤夷狄猾夏之禍志欲殄滅  
以雪其耻惜乎虜未滅而死權奸之手夷狄益  
橫不可復制陵夷百年胡元遂滅宋而主中國  
為開闢以來非常之大變王之耻竟莫之雪也  
天祚明德我

太祖高皇帝奮興淮右汛掃寰宇以奠安生民  
腥膻之羣率相夷滅其幸存者莫不震疊奔竄  
窮漢之北于是中國禮樂復得先王之舊而王  
之耻雪矣洪武初建歷代帝王廟於京師趙宋  
得祀者藝祖一帝而王獲與從享之列未幾杭  
守立王廟歲時致祭于是王忠烈益白于天下  
矣

精忠錄序畧 趙寬提學副使吳江人

愚嘗歷考史傳俯仰千古其間賢而詘辱不肖  
而尊顯罪而蒙賞功而受誅者不可勝紀至於  
宋岳武穆王之事則尤可恠駭痛惜每讀其書  
撫其遺迹未嘗不愴然咨嗟潛焉出涕不能喻  
之于懷夫亂思治危思安警思復耻思雪人之  
情也宋之南渡事勢極矣君父蒙逆虜之塵山  
河變左衽之俗正世主怒目切齒不遑寢食之  
秋也而豪傑之才出焉豈非所謂天授况武穆  
在當時文武全才忠孝大節布宣遐邇其君高  
宗初亦非不知而重之蓋嘗稱之曰節義忠勇

無愧古人曰有臣如此顧復何憂又嘗手書  
忠字製旗賜之矣又嘗召至寢閣命之曰中興  
之事一以委卿矣其知之不可謂不至望之不  
可謂不厚也謂當如桓公之於管仲先主之於  
武侯臣主一德人莫得而間之庶幾有為於天  
下夫何信用賊檜之謀忘父兄俘囚之耻棄恢  
復垂成之功殺忠義勇畧威加強虜之將所謂  
倚梟獍為腹心視孝子為仇敵倒持太阿以授  
人自撤藩籬以姦盜是果何為者哉豈非天之  
奪其梟乎不然不應若是之愚且惑也

跋高宗御批乞出師奏後

岳珂

右珂先大父維師忠烈鄂國忠武王手奏出師  
疏真蹟一卷高宗武皇帝御筆批其後於虞  
靖康元二之禍酷矣烈矣不勝說矣楚齊代妖  
王綱絕矣先王發憤古艱思凜思雪必欲挽河  
漢而決之一念既立高原對越驅馳忽儵叱咤  
隆缺障橫潰於既倒扶不周於將折此其立志

蓋霍去病所謂不立家於匈奴之未滅諸葛亮  
所謂鞠躬盡死以正祁山之伐裴度所謂賊未  
授首臣不還闕千載相望異世同轍勲名未究  
卒債權孽此額天之書所以俯伏天闈泣盡而  
繼之以血也手澤散軼百年驚閱寶慶乙酉王  
春二月恭獲墨寶仍暗奎札既以伸霜雪之痛  
逐可想風雲之節百拜茲襲庸附前哲

跋高宗邸城捷至賜札

元虞集 蜀士

文敏趙公孟頫懷古之詩曰南渡若臣輕社稷  
中原父老望旌旗集承乏國史嘗讀其詩而悲  
之以為當時遺臣志士區區海隅猶不忘其君  
父何敢有輕之之心也哉今見思陵賜岳飛親  
札則其奏功邸城時所被受者觀親札所謂揚  
沂中劉錡立功之事則紹興十年七月也是時  
秦檜方定和議而飛銳然以恢復自任所向有  
功飛之裨將楊再興則邦父之子也單騎入陣  
幾殲元术身被數十創猶殺數十人而還一時

聲勢可知矣是以郟城之役恢復之業繫焉飛師乘勢薄朱仙與兀朮戰破汴在頃刻而檜亟罷兵召飛赴行在而沂中劉光世錡皆以其兵南歸自是不復出師明年十二月檜遂殺飛父子而兀朮無復憂色洪皓區區蠟書雖至而中原無復餘望矣乃知文敏之詩其為斯時而發也與

蕭條三

元

跋高宗召援廬州賜札

國朝王禕翰林待制義烏人

右宋高宗手札賜岳鄂武穆飛召其以兵援廬州按新史本傳紹興四年飛既平襄漢趙鼎謂鄂岳最為上流要害乞飛屯兵其地使江西籍其聲勢湖廣江浙亦獲安妥飛乃以清遠軍節度使移屯于鄂會金人兀朮與劉豫合兵圍廬州手札命飛提兵解圍比至金人以甲騎逼城

飛與戰敗之六年九月豫復遣子麟猗分兵寇淮西劉光世欲舍廬州張俊欲棄盱眙時飛以武勝定國節度使開闔襄陽兼宣撫河東節制河北有旨召飛以兵東下當其鋒凌言飛一動則襄漢無所制乃還軍十一年金人復分道度淮迫廬州時飛以少保河南北諸路招討使駐兵中原請解兵柄自廬入覲詔即趣飛援之凡十五札飛策金人舉國南來巢穴必虛若長驅汴洛以擣之彼必奔命可坐而敝兵比至廬境金人望風遁去此札當是此三年中所遣以不署年月故莫得而詳然札中有張俊劉錡合力措置之語考之舊史本紀四年乃張俊視師江上而屯兵拒戰者韓世忠劉光世也六年乃劉光世駐廬州而張俊督師采石也惟十一年劉錡屯濡須合張俊河水之軍以却敵與札中語合則其為此年所遣不疑初武穆為秦檜所誣且置之死檜令搜其家得御札數篋束之左藏南庫淳熙中事既昭雪其子霖以為請孝宗還

蕭條三

羊

之此札固在其數中者也嗚呼君臣之際難矣方天下多故高宗之於武穆倚藉之如此使其不死中原豈有淪沒王室豈至於偏安乎惟高宗無復有志於中原故姦楡之計行而武穆死矣然則武穆之死天實爲之吾於其君何尤焉

記類

南昌武寧縣城隍祠岳忠武王遺像記

畧

宋章子仁

武寧縣尉建安人

天未厭宋王稟忠肝義膽以生天未亡胡王抱

辛集卷三

三

憤氣赤心而死天乎豐其才矣使不啻其用大其任矣使不狹其成雖九廟之耻立談可雪何但紆一邑之難雖河北二百州之版圖不崇朝而復何至悠悠歲月尚守江南十數道之疆域哉

全注

忠烈廟記畧

國朝王華

吏部尚書餘姚人

記曰聖人之制祭祀也法施於民則祀之以死勤事則祀之以勞定國則祀之能禦大災則祀之能捍大患則祀之夫古之人有一於是並皆

列諸祀典以食報於國極况兼而有之者則褒崇報嚮愈久而益隆豈爲過哉謹按宋岳鄂武穆王少負奇氣家貧力學通左氏春秋爲中興名將第一張俊嘗問用兵之術王曰仁智信勇嚴缺一不可即其所爲真可爲萬世行師之法非所謂法施於民者乎自金人構難汪黃賊楡之徒接踵先後王自結髮從戎即以身許國惓惓以興復爲己任大功垂成而竟冤死於獄非所謂以死勤事者乎自徽欽北狩高宗南渡天下大事十去八九宗社蓋岌岌矣當時君臣偏安一隅類皆愒日玩月以爲目前苟安之計惟王內平劇盜外抗強胡天下以其身進退占宗社安危非所謂以勞定國者乎自兀朮長驅中原生靈之患未有甚於此時者也惟王純強兵用神算倡義勇百戰以挫其威奪之氣而虜其魄故雖身死之後戎馬亦不敢深入南北講和彼此休息而一綫之祚得以綿延五十年者皆王捍禦之功也非所謂能禦大災捍大患者乎

辛集卷三

三



夫以王之功烈如此巍然與山嶽爭高煥然與銀漢爭輝而其剛大之氣殆將與乾坤同其悠久彼檜賊之徒萬古不容於天地雖犬彘亦臭穢其肉而不食豈直不齒於人而已哉

忠烈廟記畧

屠瀟

吏部尚書四明人

王之存亡係宋之興廢當時在廷之臣若能合辭面諍斥檜之奸暴王之忠脫有不從則至再至三高宗之意未必不回而王之寃未必不雪然何鑄周三畏韓世忠皆止與檜言而不達於君薛仁輔李若樸何彥猷士儂雖達於君亦一言而止此君子所以謂王之死乃人事未盡難委之於天誠確論也

岳鄂王廟記畧

崔銑

國子祭酒安陽人

太史氏曰學者每覽鄂王事未嘗不流涕焉夫功疑而戮握節而死者古有之矣鄂王忠而遇王者也人胡得而甘心焉昔高宗之既南也王內則剪寇外則遏虜請建儲以安人心還舊都以係民望收河北而擣中原厄於王彥危於杜

克而氣不挫甚於張俊沮於秦檜而節不奪誘以隆爵而弗回其庶亡好其仁不殺是故謀遠而中義明而信故能存宋不遂亡也夫道之所鄉命也命之所成勢也命有樞勢有幾善治者因之初高宗之南也金人亡主中國之志民毒於夷之虐而思宋之德金人以汴昇張邦昌以齊昇劉豫而還師于漠矣及平昌豫之習安慮易而後有之則既堅其據矣帝若擇建上宰昇王以征伐孰謂金之不亡哉故言和於帝之世者賊臣也言戰於孝宗之世者削臣也語曰同心之言其臭如蘭夫君人之道三志以決行才以施務知以明臣帝備於金人之威憂其復讐亡成且失其據哲臣英將懼亡以賞其功乃為苟安之計惟佞臣之交夫俊貪而王庶王忠而檜奸俊檜密君而王疏間言陷術豈一朝一夕之故哉夫無成者惡盈也括囊者辟譖也遜迹者消息也亡是三者其能免於彼人之難乎於乎以亡明之迹而賊元臣自古以來未有如檜

之政也奸臣之欲得國政也始則逐直諫以蔽其若中則誣人之行以淆其惡終則果賊哲輔以肆其威且夫莫須有者檜之游詞也檜欺天下其心不能欺故邪之賊正其心非不賢之也而棘於其欲忍而為之爾

刻滿江紅詞碑記 趙寬

鎮守麥公重修岳武穆王墳廟成得考功主事楊子器名父為崑山今時所刻王送張紫岩北伐之作嘆曰偉乎壯哉王之手書也殆天所護

卷之三

重

持以鎮茲丘哉遂刻而寘之東廡既又讀王所製滿江紅詞嘆曰思深哉王之忠憤激烈流出肺腑而不可遏者也盍表而出之以示人人哉因議刻石寘之西廡巡按御史夏公邢公高公方公聞之翕然忻贊以為有功於世教三司諸公咸樂觀厥成俾寬書之竊嘗考之王之著述有功於世教者數十篇皆根抵仁義扶植綱常之言如御書屯田三事跋反覆平君子小人之辯賈赦表懇款爭復雙壘耻之忠暇而出其緒

餘播諸篇什亦雄偉不常如此史稱王少負氣節家貧力學蓋雖天挺之才未有不資於學力者也故嘗謂王忠貞大節著於言論如諸葛武侯英邁超絕之風見於詞章如張睢陽奮平百世之上而警動乎百世之下高山仰止景行行止人孰無是心哉

刻送紫岩北伐詩碑記

桑悅通判常熟人

此武穆王岳公送紫岩張先生北伐詩也紫岩

卷之三

重

蓋張魏公浚別號是年宋高宗詔浚視師江上故云北伐觀其詞意雄偉激烈與班孟堅勒燕然山銘斬溫禺以曩鼓戮尸逐以膏鋒之句同可轟震千古蓋不必飲酒黃龍關踏破賀蘭山缺而已氣吞完顏氏無子遺矣惜乎紫岩恢復一念上通於天而將畧非其所長竟使公克復神州之句付之畫餅公有克復之具而為好槍所陷并神州而滅之不可痛哉紫岩佐助中興功業若責備之有可瑕疵者不能力援公死亦

其一事讀公之詩見公之所以聖紫岩者乃知紫岩之所以負公也嗚呼世變物改醜虜與公為不共戴天之讐當時王和賣國賊臣擠公于死者今皆腥臭漸盡而公一字一句無不馨香無極以此較彼人亦何憚而不為君子哉若評其詩則有唐人風致而氣韻過之字得二王三昧雖專門名家者亦未易及是武穆之為將又不可專以武名之也

刻盡忠報國碑記 徐階

岳集卷三

五

宋鄂國岳武穆王故有祠在其墓所嘉靖乙未春巡按浙江侍御張公墓王之烈率諸吏士造而謁焉既乃觀王遺像讀所作滿江紅詞送張紫岩北伐詩慨然想見王之為人又退而論王之世至所謂以背示何鑄有盡忠報國四大字深入膚理者顧謂布政使任君忠范君輅按察使李君崧祥曰嗚呼王信可謂無愧於茲矣盡碑之以表王之心胥曰諾於是復謂三君曰為我巖石謂叅政洪君珠曰為我書之謂贖曰為

我紀成事階昔讀明道先生書有言曰天下之士須才與至誠合一方能有濟才而不誠雖有忠義功業亦出於事為浮氣幾何時而不盡竊嘗執是評古之人物至武穆王事未嘗不歎王之才與至誠非尋常號有忠義功業者所能擬也王始起徒步在諸將中位最卑年最少然而百戰百勝為功最多鄜城之捷廬州之援雖驚鷲如元木猶悲啼竄避之不暇其才大率類漢淮陰侯高宗之始用王有精忠之褒有中興之委其為知遇亦大率類漢高之於信然信困楚之績拒徹之言雖有可稱而快快之私卒不免萌於奪爵之非其罪維王自破劉豫唐州之後銳意欲取中原于時高宗方感於姦檜以節制光州則不果以諫阻和議則不納以請洒掃諸陵則不從蓋高宗之用王者已大異於初而王援拱毫畧汝鄭經營穎蔡為之益力比進軍朱仙恢復之功且垂成矣而班師之詔遽下未幾王亦身及於戮以忠受禍至今論者猶共究之

岳集卷三

五

而王怡然就死畧無忿懟不平之意其視信失  
 王則不赴討豨之徵臨刑則追咎拒敵之誤者  
 固未可同年而語也然則王忠義功業非激於  
 高宗之知遇如信解衣推食之云非懾於天下  
 之議已如信悖人不祥之說特其殉國之心真  
 切懇至意以為幸不死於戰即歸死於獄苟初  
 心之不違斯隨寓而安耳非誠之至也奚能為  
 之故語王之純節惟漢諸葛忠武侯唐郭汾陽  
 王可謂儔匹而汾陽之才又似不及王蓋三代  
 以降才與至誠合一卓然炳然者王及諸葛兩  
 人而已侍御公以盡忠報國表王之心也其殆  
 觀王之深者歟公名景字光啓河南汝陽人其  
 為政所至崇孝義獎廉節扶植風教若此類者  
 甚多方今天下承平士幸生其時如王之忠義  
 功業固無由自見然而有官守言責者體王之  
 心以修其職以盡其忠則豈有異道乎是又公  
 微意也階故不辭而記之碑為石四以是歲  
 月日立於墓之南

岳集卷之四

浙江按察僉事華亭徐階 編

眉山張庭 校

宛陵焦煜 刊

辭類

元楊維禎倫學提舉 會稽人

予讀飛傳寃其父子死而陰報之事史不  
 書乃見於稗官之書張巡之死誓為厲鬼  
 以殺賊烏知飛死不為厲以殺檜乎吾不

敢以鬼死其英爽而些之以厲之辭曰

生兮人之英死兮厲之靈國有駟兮摧我國長  
 城善寡與兮惡好朋大霧蔽天兮天日不我明  
 嗟爾厲兮謁上帝以上征萬八千丈兮華之頂  
 叩帝命我兮司陰刑劔爾駟兮赫冥嗟爾厲兮  
 人之英

宇文子貞湖州人

褒忠寺者故宋所以報忠武岳鄂王之功  
 也維王事載信史勲蓋當世聲震天地忠

賈日月者也權奸賣國竟殞其首是豈惟王之不幸實時之不幸嗚呼尚忍言之哉墳在錢塘之西蕪穢日久廟既廢而枋田没入他姓寺亦且壞泰定丙寅以來主僧可觀世業儒知向慕賢大夫士若柯君敬仲鄭君明德既表章之而郡幕長李公全初又出貲經始為當道倡於是葺荒丘樹松檟埽枋田起廢祠新其寺而大之蓋十有三年而故物始完是又非獨王之幸也

節義為天下大關終古不泯使世為人臣者咸知所勸詎非是道之大幸歟子貞作詩以遺抗民俾歌以祀王其辭曰

嗟忠武兮時之雄乘風雲兮總元戎掃氛埃兮盪群兇扼疆宇兮歸故封挽成池兮洗腫膿蓋一代之功殊功時不利兮困讒庸人殺其軀兮天鑑厥忠雲松蒼蒼兮湖水瀟瀟故祠復新兮巋然山址是非久定兮凜乎不死春蘭兮秋菊挹湖光兮飲山綠靈胥可招兮逋仙可速嗟忠

武王來歸移忠誠兮錫吾民以為福

國朝劉基誠意伯青田人

木之顛兮其根必傷人之將死兮命偏以為不祥嗚呼將軍夫何為哉天地易位兮江河倒流鳳凰天殞兮豺狼冕旒臣不知有其君兮子不知有其父嗚呼將軍兮獨銜冤而懷苦讐何愛而可親兮忠何幸而可戮父兄且猶不顧兮何思良之能育臣竭心以為主兮又何可以為仇也天之所廢不可植兮亦將軍之尤也鳥傷弓

而欲殞兮群啞啞而拊翼猿狖糜于機檻兮羈悲鳴而不食相伊人之有心兮曾鳥獸之不如忘戴天之恥兮乃峻宇而高居信讒邪之矯枉兮委九廟于狐狸甘卑辭以臣妾兮苟殘喘以娛嬉焚舟楫于洪流兮烹驛驢于中路庸夫亦知其至愚兮羞獨迷而弗寤捐薄軀以報主兮乃忠臣之素心縱狂瞽之弗思兮又何必以之為禽屈原貞而見逐兮伍子忠而獲戾固將卑之不辰兮哀中原之蕪穢吊孤墳于湖濱兮

見思陵之牛羊寄情于悲歌兮識忘親之不滅  
樂府類

悲建紹

元張思廉 會稽人

張都督殺曲端關中斷右臂中興天子無相干  
秦丞相陷岳飛江左長城墮中興天子如不知  
鐵象馬精忠旗萎室望風走兀木搵淚歸旗折  
馬斃事可悲君不見竄李綱死宗澤可憐建紹  
同轍迹中興中興良可惜

銀瓶怨

楊維禎

岳家父國之楨秦家奴城之傾皇天弗靈嗟我  
父與兄生不贖父死不如無生千尺井一尺瓶  
瓶中之水精衛鳴

金字牌

國朝李東陽 少師大學士長沙人

金字牌從天來將軍慟哭班師迴士氣鬱怒聲  
如雷聲如雷震三陲幽薊已復無江淮警虜和  
壯士死天下事安有此國之亡嗟晚矣

三字獄

朋黨謫天下惜惜不惜貶李迪三字獄天下服

服不服殺武穆奸臣敗國不畏天區區物論真  
無權厓州一死差快意遺恨施歸馬前朝

金牌宣

邵寶 無錫人

繡旗揚揚出朱仙中原氣焰息復然胡兒萬騎  
消一鞭故宮遺廟在眼前如何忽有金牌宣金  
牌宣事甚迫將之南將之北南為吾君北社稷  
敢云君重社稷輕岳將軍決南行南行即就死  
死不愧臣子

三父子

汪子卿 昌化人

父昏德子重昏華夷此日何乾坤父德壽子重  
華美名鴻號應無加玉津從幸喜同樂五國窮  
愁看馬角精忠父繼忠子百戰甘心為君死

滿江紅

文徵明 翰林待詔長洲人

拂拭殘碑敕飛字依稀堪讀慨當初倚飛何重  
後來何酷果是功成身合死可憐事去言難贖  
最無辜堪恨更堪憐風波獄 豈不惜中原蹙  
豈不念徽欽辱但微欽既返此身何屬千載休  
談南渡錯當時自怕中原復區區一檣亦何能

逢其欲

詩類

四言古詩

國朝李東陽

苦霧四塞悲風橫來歲景縮地下沉蒿萊坤輿  
內折鼎足中頽大寔無聲枯槩槁麥羯虜騰突  
狼風崔嵬龍困沙漠鱗傷用摧齊魯九哲楚戶  
三懷奸先賣國忠臣受猜積毀銷骨遺禍成胎  
命迫十使功垂兩淮盟城不恥借寇終諧重器

五言古詩

六

六

同劇群兒共吟髮堅檀冠潮停伍骸氣奮胡醜  
殃流宋孩英雄已死大運成乖魂作唐厲形空  
漢臺天不祚國人胡為哉壯士擊劍歌聲殷雷  
日落風起山號海哀樹若可轉江為之回乾坤  
老矣歎息雄才

五言古詩

元崔宗仁 天台人

傑閣栖朝霞倚倚霜風清勝此一杯土石獸猶  
崢嶸烈士何多悲小人盡偷生國弊竟不察其

心割兩京殺忠天下寃殺身萬古名矧爾中興  
基始自荆湖平論功歸第一日月于今明魏魏  
千載樹上有白鵲鳴再拜長稽首重是神之英  
徘徊不能去感慨寧無情

陳政德 吳興人

炎作城中微衣冠渺南渡危構無崇基奸庸柄  
台輔腥羶徧河洛潛竊列齊楚桓桓岳武穆義  
登懾夷虜遺黎望旌麾大壑水奔赴用兵韓白  
倚廊張敢等伍功高衆所忌獄吏乃余侮忠魂

五言古詩

六

六

在青天寃血清碧土䟽封亦何榮憤氣終莫吐  
屈已事和戎西湖樂歌舞黃旗映青蓋遙遙赴  
征路江山忽已非荒阡舞狐兔吾聞忠烈士英  
靈所鍾聚孤昂感蕭張嵩岳降甲呂會復下人  
間功名更軒翥故國倘神游宮室悵木忝應同  
伍脊魂秋濤賈餘怒

鄭善夫 禮部主事 閩人

南瞻岳王墻拊心訟宣和四海既無虞樂事一  
何多帥師入帝側胡兵乃星羅誰時設諫議天

闕語非訛但見戶括金不見士荷戈回首靖康  
未志士悲如何

太尉出世姿用兵自神武懷中左氏傳羞與絳  
灌伍燕雲唾手得甲卒盡能虎北開玄冥天南  
靖朱光土國耻猶未雪百勝曷足數誓將與諸  
君痛飲黃龍府不觀穎昌旗氣已吞胡虜  
英雄無奈何氣數乘人事宋德但未光椒房生  
夢寐北狩不可返上天有成意壯士自苦心奸  
臣自長計蠟書晨到門將星夜墮地平生四字

符竟落氣數裏桓桓蜀武侯殺身志乃已

陳儒按察副使  
廣陽人

曉出吳山頭滄江有陵谷蒼翠發神奇稜層與  
天轟俯瞰湖海流洪濤驚起伏飄忽松風來幽  
響震林麓西望登高臺英爽浮天竺千秋藏者  
誰悠悠思武穆長驅向中原神州此恢復搖搖  
靖康間國是竟誰教曠茲烈丈夫乾坤為流馥  
浮生豈不長所嗟在沉陸於昭斧袞間終古有  
餘戮而我仰高風題詩薦明肅

七言古詩

元鄭明德遂昌人

棲霞嶺領南湖水陰墓木兩株高百尋鬼神為護  
霜雪幹日夜怒號風雨音山僧紙錢每自掛隴  
首金槌那得侵精忠既已塞天地英爽尚爾蟠  
山林根雖無血可化碧世固有人能範金可憐  
父子一抔土尚想君臣千載心萬松嶺前行殿  
湧五國城頭寒漏沉空令遺黎痛至骨荒墳一  
上一哀吟

廼賢南陽人

岳王烈烈真丈夫才兼文武唐漢無平生許國  
膽如斗誓清九廟迎鑾輿十萬精兵多意氣赴  
難勤王盡忠義將軍閭外圖中興丞相江南請  
和議東京百戰方解圍班師詔促事還非父老  
吞聲仰天哭兒郎含憤渡河歸感激英雄竟誅  
害萬里長城真自壞但將淮水作邊關不道中  
原屬蕃塞百年古廟近荒墳夜深石馬戰秋雲  
蕭鼓時來謁祠下遺民猶泣舊將軍君不見滅



金孟珙誇驍勇凱還兵薄秦家擁六軍涵穢積  
如山千古行人呼奠塚

國朝方質 鐵士

妖星流光射天裂女媧煉雲手纔蕤縷輿背哭  
洛水寒千萬降兵化為血鄂州將軍天下雄錦  
袍坐挽烏號弓大鵬南來作人語夜夜吐氣如  
長虹眼看九廟成焦土指日金戈破戎虜皇天  
不為蒼生憂空使人間望甘雨歸來叫閻訢上  
帝天門九重戟如蟻繁瓠齧人不得入一旦秋

岳集卷四

四

十一

郊泣新鬼漫漫長夜金井深萬古白日同丹心

丘濬 少保大學士瓊州人

我聞岳王之墳西湖上至今樹枝尚南向草木  
猶知表蓋臣君王乃爾崇奸相青衣行酒誰家  
親十年血戰為誰人忠勛翻見遭殺戮胡兒未  
必能亡秦嗚呼臣飛死臣俊喜臣浚無言世忠  
美檜書夜報四太子臣構每拜從此始

張景 巡按御史汝陽人

黑江分出鴨頭綠百萬犬羊向南蹙太師童貫

被驅逐夜渡大河何神速岳侯晚起圖恢復秋  
毫無犯倉無肉北盟龍關日夕哭禍機誰料蕭  
墻伏兀木未剪身遭戮錢江倒流吳山覆奸雄  
罪惡過天竺痛罵連聲猶瞋目

王綖 大理寺卿開州人

鄂王春塚草新綠中原過客眉頻蹙賀蘭山缺  
想馳逐班師徵詔降何速蒙塵發駕何時復劍  
鋒轉橫親骨肉英雄終古吞聲哭陰謀誤國罪  
未伏千箠萬笞非顯戮飲恨含愁空反覆聊從

岳集卷四

四

十一

知愛遊天竺俯仰廖廓空凝目

程嘉行 工部主事樂平人

精忠祠前湖水綠水聲哽咽山眉蹙金烏王兔  
相追逐往古來今誠迅速當年勢把中原復壯  
志饑滄胡虜肉忠肝義膽成慟哭只緣當道豺  
狼伏豺狼未死心先戮夷狄亂華天地覆我來  
吊古過三竺香火千年對天目

五言律詩

宋林景熙 禮部架閣平陽人

寥落一杯在英雄萬古冤孤忠懸白日遺恨寄  
中原樹老殘霞淡塵深斷碣昏東南天半壁往  
事泣寒猿

林弓寮

天意只如此將軍足可傷忠無身報主冤有骨  
封王苔雨樓墻暗花風廟路香沉思百年事揮  
淚灑斜陽

國朝張孚敬少師大學士永嘉人

今日西湖路猶存武穆祠虛堂森劍戟古壁動

卷四

十一

旌旗二帝終難復三朝盡可欺是非千古定遺  
恨在班師

許綸刑部員外錢塘人

板蕩憐諸將忠誠獨見君十年事金華匹馬破  
妖氛誰畫分淮策空領建節文丘原一登望斜  
日度陰雲

李夢陽提學副使閩中人

水店迴岡抱風湍滾白沙戰場猶傍柳遺廟只  
棲鴉萬古關河淚孤村日暮笳向來戎馬志辛

苦為中華

宋墓莽岑寂岳官今在茲風霜留檜栢陰雨見  
旌旗百戰回戈地中原左衽時土人獻伏臘偏  
護向南枝

程誥新安人

鄂王埋骨處雲木鬱參天獨灑南枝淚猶悲北  
伐年遲迴顧丘壠惆悵對山川惟見宮蕪碧風  
潮落鴈邊

彭年長洲人

卷四

十一

爵寵田橫葬功高諸葛祠江山留正氣天地有  
新悲北伐龍庭近南遷馬渡危英雄異時淚沾  
酒讀殘碑

國步分淮水將軍泣杜郵艱難百戰日忠憤一  
杯秋草木南枝怨衣冠北面羞只應燕市客同  
作九原遊

廖道南翰林侍講學士蒲圻人

武穆孤墳在英風尚宛然氣蒸山石烈精結嶺  
霞連痛恨南遷策悲歌北伐篇百年瞻氣象慷

慨靖康天

五言排律

岳珂 武穆孫

臣一介孱庸濫饗世祿每念沉寃未雪直  
筆久污一意纂修五年勤瘁上千宸覽誤  
簡淵衷萬死尚寬九殞莫報今因追感先  
臣飛事輒賦百韻詩一篇繕寫躬詣天庭  
投進伏望聖慈特賜睿察昭白而施行之  
干冒天威臣下情無任惶懼震越屏營之

宋史卷四

五

至

永祐當臨御重熙極泰亨物窮隍土復地大孽  
芽萌蠢爾戎真裔違吾海上盟腥羶盤九土氛  
霧塞三精於赫中興主初專九伯征赤符觀炳  
炳喜兆得庚庚四七膺休運三千協一誠乾坤  
恢闢闔日月洗明清天授睢壇筵風興渭水英  
維時臣大父韜迹聖塵壤寶匣鳴長劔雄冠影  
曼纓衣裘供拜射燈火近韓檠聖世方求駿明  
神豈舍辟始從魚鑰守小析羽林兵營虜無車

乘麾軍下雀折王師俱蓄縮胡騎愈縱橫馬渡

朝迎敵鍾山夜駐營狂瀾身砥柱大厦手支撐

虜燭猶繁熾吳都忽震驚東巡傳警蹕右袒半

公卿憤起宜興旅追收建業城大江誰飲馬五

嶽更刑牲一蕩西江李重斌固石彭利兵驅虎

豹傑觀築鯢鯨王悵旋平廣銅符遂帥荆皇靈

期濯濯王事分傍傍沙漠速封豕山林息聚蘇

神州宜亟復六郡乃先爭桀犬徒馮壘苗民敢

抗衡銳師掀狡窟高堞覆堅柵昂澧兵方進湖

湘寇輒平幾年兇禍結八日駿功成叛將因資

用降人豈畏坑開疆下商號結約到磁洛謀帥

難張俊還兵慮鄴瓊但虞遺後患初匪厭紛更

汙鄂重歸鎮齊劉尚據京且羞離楚饌未用渡

河壘細柳千屯灶柔桑萬瓦甍流民俱授敵戰

士亦從耕夫滄縈如帶原田畫若枰連雲登美

稼浙玉飯香秬芻輓從今省兵儲亦頻羸吏貪

無鼠碩民佚異魴頰姑定鴻溝約交馳絕域俘

鄰權新玉帛宴衍樂箏笙未幾邊播草惡知野

宋史卷四

五

倉革禮容方濟革乘忽軒轅斷昭雄赴天  
威震隱欲六師紛霧集四校成雷轟戎駕爰方  
啓神鋒莫敢攖童髻欣再見父老喜前迎義氣  
通諸夏謳聲沸八紘官兵颺隼鷲胡穴泣羆猩  
跬步臨京闕朝衣詣寢楹晉軍傳鶴唳楚幕聽  
烏鳴機會乘今日雌雄決此行幸成十載績歸  
捧萬年觥何事東來詔遙追北指旌撫膺皆壯  
士牽復有啼嬰業爰登樞極雍容儼佩珩身雖  
處廊廟志則在幽并豈意中原畧深遠時相情  
和戎徒効敬投几不聞整正爾先鞭着居然謗  
篋盈兇威搖吏牘風旨動臺梓梟虺饑吞噬鷹  
獒樂使令衆髮常忌冠同浴不譏程遠慮爲徼  
福先驅謂緩程一言鳴仗馬千丈下喬駕盡攷  
謝赦表兼觀賜劄評許身無少愧憂國甚於醒  
彼譖宜投虎能言不離鸚鳥翔身蚤箴免健足  
先烹有客悲周道何人歸魯祊同時惟切齒來  
者但懲羹長夜何時旦沉陰幾日晴是非從久  
定禍否待終傾先帝資神武深仇愴父兄每懷

岳陽

卷四

六一

得頗牧胡忍棄韓黥哲監何嘗惑孤忠果漸明  
岳陽還舊號嶺表返諸惇故壘營新祀畿封關  
賜筮用心傳舜予述事廣文聲甘雨興餘稿青  
天豁久盲先臣死不朽聖德浩浩難名陛下今湯  
禹王臣昔散閔令圖天廣大盛烈日鏗鉤心術  
參堯運規模紹漢宏遺形高閣繪良股盛朝賡  
故將幸非遠微臣矧敢輕傳訛稽史謬敗俗訂  
言諱日繁無虛筆雲章有滿籊竹書皆歷歷王  
訓尚鏗鏗願較清朝暇叨承乙夜呈作詩哀寺  
孟覽奏念綬紫恩錫茅封寵光昭衮宇榮誓懷  
如繳日忠報畢餘生

岳陽

卷四

七一

七言律詩

宋葉紹翁 龍泉人

萬古知心只老天英雄堪恨復堪憐如公更緩  
須更死此虜安能八十年漠漠疑塵空偃月堂  
堂遺像在凌煙早知埋骨西湖路學取鷓夷理  
釣船

胡銓 資政殿學士 廬陵人

疋馬吳江誰着鞭惟公攘臂獨爭先張皇貔虎  
三千士支柱乾坤十六年堪恨臨淄功未就不  
知鍾室事何緣石頭城下聽輿論萬姓顰眉亦  
可憐

元趙孟頫學士吳興人

岳王墳上草離離秋日荒涼石獸危南渡君臣  
輕社稷中原父老望旌旗英雄已死嗟何及天  
下中分遂不支莫向西湖歌此曲水光山色不  
勝悲

岳集卷四

文一

高明永嘉人

莫向中州嘆黍離英雄生死繫安危內廷不下  
班師詔絕漠全收大將旗父子一門甘伏節山  
河萬里竟分文孤臣尚有埋身地二帝遊魂更  
可悲

潘純

湖水春來自綠波空林人迹少經過夜寒石馬  
嘶風雨日落山精泣薜蘿江左長城真自壞鄴  
中明月竟誰歌惟餘滿地衰弘血草色年深碧

更多

林泉晉安人

誰收將骨葬西湖已卜他年必沼吳孤塚有人  
來下馬六陵無樹可棲烏廟堂短計慚嫠婦宇  
宙惟公是丈夫往事重觀如敗局一龕燈火屬  
浮屠

達兼善魏國公台州人

將軍有意拔天旌直取黃龍復漢京誰謂君王  
輕屈膝久知戎虜定渝盟屬車不返三關路埃  
火長連五國城獨使英雄含恨血中原何以望  
澄清

岳集卷四

文一

秀鷓杭人

英雄白骨葬錢塘汴水東流失舊疆漢業中興  
諸葛去吳讐未復子胥亡荒墳斷碣莓苔冷遺  
廟空山草木長欲采蘋花酌杯酒西湖烟浪正  
微茫

吳植嚴郡人

故國山河幾度秋英雄遺恨只荒丘兩宮寂寞

金根遠一詔蒼皇赤幟收有子同歸良將傳何  
人為斬佞臣頭至今遺廟西湖上石馬無聲水  
自流

國朝高啓 戶部侍郎吳人

大樹無枝向北風千年遺恨泣英雄班師詔已  
成三殿射虜書猶說兩宮每憶上方誰請劍空  
嗟高廟自藏弓栖霞嶺上今回首不見諸陵白  
露中

魏驥 吏部尚書 蕭山人

兩河疆土志全收堪恨權奸沮壯謀劇痛翠華  
淪絕塞殊慙神器客偏州堂堂生氣真容在歷  
歷精忠汗簡留自古英雄誰不死惟公千載有  
餘休

于謙 太傅尚書 錢塘人

匹馬南來渡浙河汴城宮闕遠差義中興諸將  
誰降虜負國奸臣主議和黃葉古祠寒雨積青  
山荒塚白雲多如何一別朱仙鎮不見將軍奏  
凱歌

萬里風塵火德微金戈直欲挽斜暉中原汗馬  
功雖異痛飲黃龍願竟違丞相和戎甘誤國書  
生留汴亦知幾可憐自壞長城後舉目山河事  
已非

左贊 布政使 江人

林俊 刑部尚書 莆田人

十二牌來馬便東郟城狼狽泣相從中原赤手  
經營外底事書生早料中大將幾省刑白馬諸  
公無分飲黃龍播遷竟沮奸臣計冷落崖山此  
夜風

三

楊一清 少師大學士 鎮江人

十二金牌出帝闕虜人猶避岳家軍奸臣佑賊  
心先死弱主忘家國遂分落日杜鵑啼恨血西  
風宰木結愁雲君臣義重誓當雪百戰非貪第  
一勳

邵寶 李贊 臨句

六橋行盡見玄宮 生氣如聞萬鬣風松檜有  
靈枝不北 贊 江湖無恙水猶東千年宋社孤墳

在寶百戰金兵寸鐵空時宰胡為竊天意贊野

雲愁絕夕陽中寶

棲霞嶺下共幽尋贊萬古精忠萬古心風靜平

湖天已定寶雲連高塚畫常陰戰袍破裂威容

奮贊華表淒涼歲月深磨盡南屏誰執筆寶兩

詩題罷欲霑襟贊

寢廟臨湖吊客多寶我來其奈暮秋何霜林葉

冷遊魂血贊風澗聲傳小隊呵畫壁丹青辛苦

地贊樓船簫鼓感傷歌不知槍骨今存否江落

胥潮月滿坡贊

指點中原次第收贊一門忠節竟何求舊家誰

幕銀瓶井寶新廟當銘鐵漢樓遊女亦知瞻拜

禮贊野人還抱燕安憂東風墓草年年綠贊千

古英雄恨未休

歐陽旦提學副使安福人

隔岸荒墟宋故宫蕭蕭黃葉落秋風英魂猶逐

雲驅北赤手難扶日上東百里青山環勝地一

湖碧水似晴空金鬢未雪心先死恨滿乾坤望

洛中

鮮宛按

勝日西湖曉霧開岳祠林表隔山隈忠魂元不

隨龍逝仙跡猶疑跨鶴來到處水聲聞哽咽

中山勢聳崔嵬英雄千古心相感幾欲臨風奠

一杯

吳一鵬南京吏部尚書長洲人

血誠無路達天關衆敵焉能撼我軍一旦長城

真自壞百年全壁竟中分寒聲忍聽悲湖水正

氣長看巨嶺雲向使城全成此志燕然奚數漢

奇勳

盛端明提學僉事湖州人

西湖秋色浩無涯岳廟頻來憶宋家十二金牌

功自廢兩三王匣事堪嗟委身盡瘁同諸葛謀

國全師異左車潮入錢塘聲更怒千年忠憤惡

奸邪

顧璘都御史吳郡人

水白雲青廟貌明墓門喬木盡南生天高竟吼

三人虎國破誰摧萬里城  
望斷白龍無死所敢  
殘黃鳥有餘情海波東去  
崖山遠精衛千年恨  
未平

陳察 浙江布政  
常熱人

拂石料泉拜若堂千崖秋氣  
鬱蒼蒼翩翩金字  
風霆迅聖聖黃龍道路長  
大節直摩天尺五精  
忠常與日爭光那堪立盡  
楸梧影又見新潮滿  
大江

夏鍤 大理寺評  
事天台人

金牌十二映斜暉唾手燕雲  
事已非天意似憐  
諸虜迫人間斷送此軍歸  
空教督府推神筭終  
遺書生識禍機他日誰將  
百口保忠肝義膽路  
人知

袁袞 兵部員外  
姑蘇人

朱仙當日恨班師地裂天崩  
宋室危百戰河山  
終左衽千年松栢尚南枝  
江湖夜月忠魂見禾  
黍秋風故國悲和議只談  
秦相失燕雲先已棄  
遼夷

報宋有心公不死殺公無罪  
宋何名家田自毀  
道濟壞天實為之仲達生華  
表不消仙鶴語東  
窻休怪牝鷄鳴長林高塚萬  
山裏風雨時時聞  
甲兵

沈周 姑蘇人

孫一元 關中人

誓死從來建大勳長驅虎旅  
破妖氛中原恢復  
非無策四海相看獨有君  
吾道千年元氣喪皇  
圖萬里一江分至今風斷黃  
龍府鐵馬猶嘶戰  
後雲

畫

絕句

元楊維禎

淮陰一死到岳鄂此事從來  
天所為敵國未聞  
城下破將軍已有固陵疑

國朝蔡宗充 提學僉事  
山陰人

千古來笑會之會之却恐笑  
今時若教似我  
當鈞軸未必相知岳少師

岳集卷之四



岳集卷之五

浙江按察僉事華亭徐階 編

眉山張庭 校

宛陵焦煜 刊

遺文附

南京上高宗書略

陛下已登大寶黎元有歸社稷有主已足以伐虜人之謀而勤王御營之師日集兵勢漸盛彼方謂吾素弱未必能敵正宜乘其怠而擊之而

岳集卷五

一

一

岳集卷五

二

二

黃潛善汪伯彥輩不能承陛下之意恢復故疆迎還二聖奉車駕日益南又令長安維揚襄陽准備巡幸有苟安之漸無遠大之畧恐不足以

係中原之望雖使將帥之臣戮力于外終亡成功為今之計莫若請車駕還京罷三州巡幸之詔乘二聖蒙塵未久虜穴未固之際親帥六軍迤邐北渡則天威所臨將帥一心士卒作氣中原之地指期可復

乞復襄陽劄

鎮南軍承宣使神武後軍統制江南西路舒蘄

州制置使臣岳飛劄奏臣竊惟善觀敵者當逆

知其所始善制敵者當先去其所恃今外有北

虜之寇攘內有楊么之竊發俱為大患上軫宸

襟然以臣觀之楊么雖近為腹心之憂其實外

假李成以為唇齒之援今日之計正當進兵襄

陽先取六郡李成不就繫縛則亦喪師遠逃於

是加兵湖湘以殄羣盜要不為難而况襄陽六

郡地為險要恢復中原此為基本臣今已厲兵

岳集卷五

二

二

飭士惟埃報可指期北向伏乞睿斷速賜施行

庶幾上流早見平定中興之功次第而致不勝

天下之幸取進止

乞出師劄

臣伏自國家變故以來起於白屋實懷捐軀報

國復讐雪耻之心幸憑社稷威靈前後粗立薄

効而陛下錄臣微勞擢自布衣曾未十年官至

太尉品秩比三公恩數視二府又增重使名宣

撫諸路臣一介賤微寵榮超躡有踰涯分今者

又蒙益臣軍馬使濟恢圖臣實何人誤辱神聖  
之知如此敢不晝度夜思以圖報稱臣揣敵情  
所以立劉豫於河南而付之齊秦之地蓋欲荼  
毒中原生靈以中國而攻中國粘罕因得休兵  
養馬觀釁乘隙包藏不淺臣不及此時稟陛下  
睿算妙畧以伐其謀使劉豫父子隔絕五路叛  
將還歸兩河故地漸復則金賊詭計日生他時  
浸益難圖臣愚欲望陛下假臣日月勿復拘臣  
淹速使敵莫測臣舉措萬一得便可入則提兵

古集卷三

四

三一

直趨京洛據河陽陝府潼關以號召五路叛將  
則劉豫必捨汴都而走河北京畿陝右可以盡  
復至於京東諸郡陛下付之韓世忠張俊亦可  
便下臣然後分兵濟滑經畧兩河劉豫父子斷  
可成擒如此則金賊有破滅之理為陛下社稷  
長久無窮之計實在此舉假令汝穎陳蔡堅壁  
清野商於虢洛分屯要害進或無糧可因攻或  
難於餽運臣須歛兵還保上流賊必追襲而南  
臣俟其來當率諸將或挫其銳或待其疲賊利

速戰不得所欲勢必復還臣當設伏邀其歸路  
小入則小勝大入則大勝然後徐謀再舉設若  
賊見上流進兵併力來侵淮上或分兵攻犯四  
川臣即長驅擣其巢穴賊困於奔命勢窮力殫  
縱今年未盡平殄來歲必得所欲亦不過三二  
年間可以盡復故地陛下還歸舊京或進都襄  
陽關中惟陛下所擇也臣聞興師十萬日費千  
金邦內騷動七十萬家此豈細事然古者命將  
出師民不再役糧不再籍蓋慮用足也今臣部

古集卷五

四

曲遠在上流去朝廷數千里平時每有糧食不  
足之憂是以去秋臣兵深入陝洛而在寨卒伍  
有饑餓閃走故臣急還不遂前功致使賊地陷  
偽忠義之人旋被屠殺皆臣之罪今日唯賴陛  
下戒勅有司廣為儲備俾臣得一意靜慮不為  
兵食亂其方寸則謀定計審仰遵陛下成筭必  
能濟此大事也異時迎還太上皇帝宣德皇后  
梓宮奉還天眷歸國使宗廟再安萬姓同懼陛  
下高枕無北顧憂臣之志願畢矣然後乞身還

田里此臣夙昔所許者伏惟陛下恕臣狂易臣無任戰汗取進止高宗批答云覽奏事理明甚概朕不中制惟將廣布寬恩無或輕殺朕至意

乞出師劄

逆豫逋誅尚穴中土陵寢乏祀皇圖偏安陛下六飛時巡越在海際天下之愚夫愚婦咸願伸鋤奮挺以致死于敵而陛下審重此舉累年于茲雖嘗分命將臣鼎峙江漢僅今自守以待敵不敢遠攻而求勝是以天下忠憤之氣日以沮

英集卷三

五

喪中原來蘇之望日以衰息歲月久汗染漸深趨向一背不復可以轉移此其利害誠為易見臣待罪闕外不能宣國威靈致神州隔於王化虜僞穴於宮闕死有餘罪敢逃司敗之誅陛下比者寢閣之命咸謂聖斷已堅何至今日尚未決策北向臣願因此時上稟陛下睿筭不煩濟師止以本軍進討庶少塞深官之咎以成陛下寤寐中興之志順天之道因民之情以曲直為壯老以逆順為強弱萬全之効茲焉可必惟

陛下力斷而行之

辭鎮南軍承宣使第三奏

竊念臣將天威而遠討致賊巢之一空妙策奇謀悉遵聖訓破堅却敵咸得士心臣實何能輒膺殊賞既慙過重復任重權是誠叨冒以踰勳非謂謙辭而避寵况九江乃控扼之重地連武昌為襟帶之要衝用得其人固瑜所以敗曹公於赤壁禦失其策險何所以取燕布於湓江難使非才濫膺此寄伏望聖慈矜憐之付以屬大

英集卷三

六一

臣俯從螻蟻之誠使安愚分所有上件恩命乞賜寢罷十冒天威死有餘罪謹錄奏聞伏候勅旨

乞侍親疾劄

鎮南軍承宣使神武後軍統制江南西路舒蘄州兼荆南鄧岳黃復州漢陽軍德安府制置使臣岳飛劄子奏臣輟具危懇仰瀆睿聰臣愚懇之跡奮身單微初無尺寸之先容獨賴聖明之特眷雖捐軀致命曾不足以酬恩遇之絲毫

恩報之心寧有窮已臣近者奉命復收襄漢去  
家遠涉六月餘日臣老母姚氏年幾七十侵染  
疾病連月未安近復腿脚注痛起止艱難別無  
兼侍以奉湯藥人子之心實難安處伏望聖慈  
察臣悃悞無他規避乞許臣在假以全侍奉  
之養將本軍人馬權暫令統制官王貴張憲主  
管候臣老母稍安依舊管幹職事恭聽驅策結  
草啣環誓圖報效冒犯雷霆之威臣無任戰懼  
激切之至取進止

岳集卷五

七

辭開府劄子貼黃

臣待罪二府理有當言不敢緘默犬虜情姦詐  
臣於面對已嘗奏陳切惟今日之事可危而不  
可安可憂而不可賀可以訓兵飭士謹備不虞  
而不可以行賞論功取笑夷狄事關國政不容  
不陳初非立異於衆人實欲盡忠於王室欲望  
速行追寢示四夷以不可測之意萬一臣冒昧  
而受將來虜寇叛盟則似傷朝廷之體仍望以  
此貼黃留中不出保全臣子臣不勝至情伏乞

唐照

辭開府第四劄

鎮寧崇信軍節度使神武後軍都統制荆湖南  
北襄陽府路蘄黃州制置使臣岳飛劄子奏臣  
已三貢辭章出于誠悃冒犯天威罪不容赦聖  
恩廣大一賜溫詔兩降劄命捫心揣分感極涕  
零伏念臣草莽固陋備數戎昭曾無尺寸之功  
仰報天地之德竊以亞保之位實預三孤之貴  
所以賞有功而進豪傑也如臣何人輒膺斯寵  
是以心不自安終難冒受不避譴誅再伸前懇  
非敢徒爲辭遜伏望聖慈矜察愚衷早還成命  
庶令臣少安分守臣不勝虔祈俟命之至取進  
止

岳集卷五

八

乞止班師詔奏畧

契勘金虜重兵盡聚東京屢經敗衄銳氣沮喪  
內外震駭聞之謀者虜欲棄其輜重疾走渡河  
況今豪傑嚮風士卒用命天時人事強弱已見  
功及垂成時不再來機難輕失臣日夜料之熟

矣惟陛下圖之

辭宣撫副使劄

檢校少保鎮寧崇信軍節度使湖北襄陽府路招討使兼本路營田使臣岳飛劄子奏臣近叨受招討使不容牢辭又蒙聖恩授以前件差遣切念臣一介寒賤誤膺器使顧土宇恢復之迹未見尺寸而厚恩醜賞涯分已踰且以宣撫之重名實寄專征之大事自非廊廟近臣勲伐高世者豈當冒躐而居異時付託失人或誤驅策

岳飛卷五

九一

雖粉臣骨曷足以謝陛下兼招討使權不為不重若更加以甚高非常之寵必起負乘斯奪之悔所有宣撫副使恩命實難祇受伏望追寢誤恩庶安愚分臣無任悚懼恭聽宸命之至取進止

乞終制劄

草土臣岳飛劄子奏臣今月十二日江州瑞昌縣界准樞密院奏勅會岳飛丁母憂已即降制起復緣目今人馬無人主管及見措置進兵渡

江不可等待奉聖旨先行下岳飛特起復仍

日下主管軍馬措置邊事不得辭免伏念臣孤

賤之迹幼失所怙鞠育訓導皆自臣母國家平

燕雲之初臣方束髮從事軍旅誓期盡瘁不知

有家自從陛下渡河以來而臣母淪陷河朔凡

遣人一十八次始能般挈得脫虜禍驚悸致疾

遂以纏綿臣以身服戎事未嘗一日復侍親側

躬致湯藥之奉今者遭此大難荼毒哀苦每加

追念報欲無生而陛下恩眷有加即命起復在

岳飛卷三

十一

臣么微固深銜戴然臣重念為人之子生不能

致救水之歡死不能終衰經之制面顏有靦天

地弗容且以孝移忠事有本末若內不克盡事

親之道外豈復有愛主之忠臣已般挈扶護前

來欲於江州或南康軍界營葬伏望聖慈矜憐

餘生許終服制取進止

辭男雲轉三官第二劄

起復檢校少保武勝定國軍節度使湖北京西路宣撫副使兼營田使臣岳飛劄子奏臣近具

奏辭免男雲特轉三官恩數今月二十日准尚書省劄子奏聖旨不允伏念臣本以凡材謏蒙陛下付以方面若臣不能與士卒一律則亦不能整齊其心昨者之戰士卒冒犯矢石有斬將陷陣立奇功者臣方列上事狀得霑一級而男雲何從超進崇資臣正恐士卒有無功之謗陛下致濫予之譏且陛下方謹惜名器以磨厲天下將昭復大業而乃因臣私恩廢公議臣不自安伏望聖慈特降睿旨收還上件恩命臣父子

岳雲奏

十一

幸甚取進止

辭男雲特轉恩命第四劄

臣岳飛劄子奏臣聞惟名與器不可以假人故循守資格自有常法必有非常之功而後有非常之賞如臣男雲始就義方尚存乳臭雖累經於行陣曾未見於事功比者伏蒙聖恩曲垂異眷超資躡等驟進官聯不惟雲志氣怠惰而臣益切滿盈之愧况臣既已仰竊國恩致身顯位固有僥冒之名矣今併與其子而僥冒其可乎

伏望陛下揭離照之明體乾健之斷特賜睿旨追還誥命庶使雲粗知官爵之難得勉力學業他日或能備效驅策受之未晚取進止

辭少保第三劄

臣岳飛劄子奏臣聞忠臣之事君計功而受賞量力而受官不為苟得以貪爵祿况師旅方興事功未著臣方同士卒之甘苦明將佐以恩威冀成尺寸之功仰報君父之德豈可身被厚寵而恣然不以當鋒刃冒矢石者為心哉所有少

岳雲奏

十二

保恩命臣實不敢祇受伏望陛下日月照臨乾坤覆載察臣肺腑追寢異恩臣懇憑陛下雷霆之威託宗廟山嶽之福罄竭駑鈍期効涓埃候將來功績有成臣將拜手稽首祇承休命矣誠懇迫切至於再三干冒天威臣不任戰悸恐懼之至取進止

辭少保第五劄

臣岳飛劄子奏臣伏蒙聖恩特降誥命除臣少保加食邑七百戶食實封三百戶臣已四具劄

子辭免八月三十日准尚書省劄子三省同奉  
聖旨不允今日下祇受仍依累降詔旨不得再  
有陳請者臣之事君義無有已若夫貪慕爵祿  
務榮一身而不以國家為念則非臣之所忍為  
也比者羯胡敗盟再犯河南之地肆為殘忍人  
神共憤巨方將策駑厲鈍董效尺寸以報陛下  
天地生成之德今則虜騎寇邊未見殄滅區區  
之志未效一二臣復以身為謀惟貪爵祿則誠  
恐不足為將士之勸而報恩無所萬誅何贖伏  
望睿慈追寢成命特賜俞音姑詔有司留以為  
臣異時消埃之賞取進止

岳飛奏三  
三  
辭男雲特轉恩命劄

臣岳飛劄子奏臣於今月二十六日准誥授臣  
男雲左武大夫忠州防禦使臣聞君之馭臣固  
不吝於厚賞父之教子豈可責以近功臣昨恭  
依詹算與虜賊決戰於陳穎之間雲隨行迎敵  
雖有薄効殊未曾立到大功遽超橫列仍領郡  
賞曲過優寵義不遑處所有誥命臣不敢令雲

祇受伏望聖慈俯垂天鑒追還異恩庶使雲激  
勵懦庸別圖報效取進止

乞叙立王次翁下第二劄

少保樞密副使臣岳飛劄子奏臣契勘叅政與  
樞副叙位朝廷自有定例豈可為臣忝竊孤卿  
叙位使在叅知政事之上不免再具誠懇仰瀆  
聖聽伏望睿慈曲垂昭鑒許臣只依近例叙位  
在叅知政事之下庶使庸愚不致僭越取進止

乞解樞柄第三劄

少保樞密副使臣岳飛劄子奏臣已累具劄子  
乞解罷樞密副使職事伏蒙聖恩降詔不允者  
露章待罪自驚寵數之過優溫詔示恩猶闕俞  
音之下逮再陳愚懇仰瀆淵聽伏念臣濫厠樞  
庭誤陪國論貪榮滋甚補報蔑然豈惟曠職之  
可虞抑亦妨賢之是懼冀保全於終始宜遠引  
於山林伏望聖慈察其誠心實非矯飾速降睿  
旨許罷機政取進止

辭除兩鎮乞在外宮觀第二劄

少保臣岳飛劄子奏臣今月十二日伏蒙聖恩賜臣少保武勝定國軍節度使充萬壽觀使誥一軸仍奉朝請臣已謝恩外緣臣見具劄子辭免已將誥命寄納臨安府今月十四日伏奉詔命不允竊以兩鎮節旄國朝盛典非有大勳豈容輕授臣前此叨據常懼弗稱自惟智術短淺坐糜歲月攷其績用初無絲毫安可更爾冒榮矧內祠之任得侍清光朝廷所以貴老尊專用昭異數在臣愚分非所宜處願待遇之愈隆夙

辛集卷三

六

五

夜以思雖粉身碎骨何以圖報萬一愧深汗溢感極涕橫重念臣才疎德薄人微望輕若不自列濫當優寵必致顛隲上辜宸眷欲望聖慈追寢成命除臣一在外宮觀差遣取進止

申劉光世乞進兵狀

武功大夫昌州防禦使通泰州鎮撫使兼知秦州岳飛狀甲竊念飛以行伍賤隸序知朝廷蒙被厚恩殞歿難報每以為國家之難雖非所命猶當戮力矧承楚之事危迫如許累准朝廷指

揮催督此正飛等捐身殉義之秋切緣王鎮撫林郭鎮撫仲威等並不見差撥軍馬前來使司王統制雖聞已起發即日尚未知屯駐去處據探虜人急攻楚州切恐萬一踈虞於淮南諸鎮利害不細飛已於今月十五日具申使司去訖飛一面起發前往承州措置勦殺外伏乞鈞慈特捐一二千之衆別差總統制官一員前來犄角庶不致上誤國事謹具申安撫相公使司伏候指揮

岳飛卷三

六

六

申劉光世乞兵馬糧食狀

武功大夫昌州防禦使通泰州鎮撫使兼知秦州岳飛狀申飛昨奉聖旨指揮差充前件差遣於八月十五日還至常州宜興縣於十八日起發前來祇赴新任二十二日至江陰軍歇泊據探報金人見圍楚州飛遂逐急差總統制王貴管押兵馬等船濟渡切慮遲滯有失事機不免親躬先入泰州於二十六日夜二更到泰州城外承准八月十九日指揮令飛與趙鎮撫立犄



角飛遂措置調發兵夫糧食并不住差人勾喚  
王貴等軍馬實緣舟船數少今月初九日方盡  
到泰州飛已差張憲權行守城見今大軍屯駐  
三光宗皇帝與金人大寨不遠惟是新復建康之  
後所有士馬瘡痍尚新羸弊方甚兼自到任未  
及一旬芻茭糗糧一一窘乏本未能即從王事  
重以承楚之急甚於倒垂不可以頃刻安居理  
宜前進欲望鈞慈捐一二千之衆假十餘日之  
糧令飛得激厲士卒徑赴賊壘解二州之圍掃  
大羊之迹下以裨相公之盛烈上以寬主上之  
深憂不勝幸甚謹具申安撫相公使司伏候指  
揮

謝講和赦表

武勝定國軍節度使開府儀同三司湖北京西  
宣撫使兼管田大使臣岳飛上表言今月十二  
日准進奏院遞到赦書一道臣已即躬率統制  
領將佐官屬等望闕宣讀觀時制變仰聖哲  
之宏規善勝不爭實帝王之妙算念此艱難之

岳飛卷三

十一

久姑從和好之宜睿澤誕敷輿情胥悅臣飛誠  
歡誠忭頓首頓首竊以婁欽獻言於漢帝魏絳  
發策於晉公皆盟墨未乾顧口血猶在俄驅南  
牧之馬旋興北伐之師蓋夷虜不情犬羊無信  
莫守金石之約難克谿壑之求圖整安而解倒  
垂猶之可也顧長慮而尊中國豈其然乎恭惟  
皇帝陛下大德有容神武不殺體乾之健行巽  
之權務和衆以安民廼講信而修睦已漸還於  
境土想喜見於威儀臣幸遇明時獲觀盛事身  
居將闔功無補於涓埃口誦詔書面有慚於軍  
旅尚作聰明而過慮徒懷猶豫而致疑謂無事  
而請和者謀恐卑辭而益幣者進臣願定謀於  
全勝期收地於兩河唾手燕雲終欲復讐而報  
國誓心天地當令稽顙以稱藩

奉詔移偽齊檄

契勘偽齊僭號竊據汴都舊忝臺臣累蒙任使  
是宜執節效死圖報國恩乃敢背棄君父無天  
而行以祖宗涵養之澤翻為仇怨率華夏禮義

岳飛卷三

十一

之俗甘事腥羶紫色餘分擬亂正統想其面目  
何以臨人方且妄圖襄漢之行欲窺川蜀之路  
專犯不韙自速誅夷我國家厄運已銷中興在  
即天時既順人意悉諧所在皆賈勇之夫思共  
快不平之忿今王師已盡壓在泗東過海沂驛  
騎交馳羽檄疊至故我得兼收南陽智謀之士  
提大河忠孝之人伏羲以行乘時而動金洋之  
兵出其西荆湖之師繼其後雖同心一德足以  
吞彼國之梟君然三令五申豈忍殘吾宋之赤

卷之二

十九

子爾應陷沒州縣官吏兵民等元非本意諒皆  
脇從屈於賊威歸逃無路我今奉辭伐罪拯溺  
蘇枯惟務安集秋毫無犯儻能開門納款肉袒  
迎降或願倒戈以前驅或列壺漿而在道自應  
悉仍舊貫不改職業盡除戎索咸用漢條如或  
執迷不悟甘為叛人嗾桀犬以吠堯豈獵師而  
哭虎議當躬行天罰玉石俱焚禍並宗親辱及  
父祖掛今日之逆黨遺千載之惡名順逆二途  
蚤宜擇處兵戈既逼雖悔何追謹連黃榜在前

各令知悉

御書屯田三事跋

臣聞先正司馬光有言德勝才謂之君子才勝  
德謂之小人論人者能審於才德之分則無失  
人矣曹操募百姓屯田許下所在積粟諸葛亮  
分兵屯田而百姓安堵羊祜懷遠近得江漢之  
心亦以墾田獲利若三子者知重本務農使兵  
無艱食其謀猷術畧皆不在人下才有足稱者  
然操酷虐變詐堅中商之法術雖號超世之傑

岳集卷五

十一

豈正直中和者所為乎許劭謂清平之奸賊亂  
世之英雄其德有貶云亮開誠心布公道邦域  
之內畏而愛之祐增修德言以懷柔初附則德  
過於操遠矣觀亮素志欲龍驤虎視包括四海  
以興漢室天不假以年邇有渭南之恨祐輔晉  
武慨然有并吞之心後平吳身不及見二子有  
意於功名而志弗克伸惜哉臣庸德薄才誠不  
敢妄論古人伏蒙陛下親灑宸翰鋪述二三子  
屯田足食之事俯以賜臣臣敢不策駑鈍仰

副聖意萬一夫服田力穡乃亦有秋農夫職爾  
用屯田以足兵食誠不為難臣不揆願遲之歲  
月敢以奉詔要使忠信以進德不為君子之棄  
則臣將勉其所不逮焉若夫鞭撻四夷尊強中  
國扶宗社於再安輔明天子以享萬世無疆之  
休臣竊有區區之志不知得伸歟否也紹興十  
年正月杪一日武勝定國軍節度使開府儀同  
三司湖北路宣撫使兼管田大使武昌郡  
開國公食邑四千戶實封一千七百戶臣岳飛  
謹書

### 五嶽祠盟

自中原版蕩夷狄交侵余發憤河朔起自相臺  
總髮從軍歷二百餘戰雖未能遠入夷荒洗蕩  
巢穴亦且快國讐之萬一今又提一旅孤軍振  
起宜興建康之城一鼓敗虜恨未能使匹馬不  
回耳故且養兵休卒蓄銳待敵嗣當激厲士卒  
功期再戰北踰沙漠躐血虜廷盡屠夷種迎二  
聖歸京闕取故地上版圖朝廷無虞主上奠枕

余之願也河朔岳飛題

### 題廣德軍金沙寺壁

余駐大兵宜興沿幹王事過此陪僧僚謁金山  
徘徊暫憇遂擁鐵騎千餘兵驅而往侯立奇功  
殄醜虜復三關迎二聖使宋朝再振中國安強  
他時過此得勒金石不勝快哉建炎四年四月  
十二日河朔岳飛題

### 題東松寺

余自江陰軍提兵起發前赴饒郡與張招討會  
合崎嶇山路殆及千里過祁門西約一舍餘當  
途有庵一所問其僧曰東松遂邀後軍王團練  
并幕屬隨嬉焉觀其基址乃鑿山開地創立廟  
廡三山環聳勢凌碧落萬木森鬱密掩煙蘿勝  
景瀟灑實為可愛所恨不能歛衽進程適速俟  
他日殄滅盜賊凱旋回歸復待至此即當聊結  
喜緣以慰庵僧紹興改元仲春十有四日河朔  
岳飛題

### 永州祁陽縣大雲驛

權湖南帥岳飛被旨討賊曹成自桂嶺平蕩巢穴二廣湖湘悉皆安妥痛念二聖遠狩沙漠天下羣誓竭忠孝賴社稷威靈君相賢聖他日掃清胡虜復歸故國迎兩宮還朝寬天子宵旰之憂此所志也領蜂蟻之羣豈足為功過此因留于壁紹興二年七月初七日

送紫巖張先生北伐

號令風霆迅天聲動北陬長驅渡河洛直擣向燕幽馬蹀閔氏血旗臬克汗頭歸來報明主恢

岳集卷五

復舊神州自徽至此皆舊錄

寄浮圖慧海

溢浦廬山幾度秋長江萬折向東流兒立志扶王室聖主專師滅虜酋功業要刊燕石上歸休終伴赤松遊丁寧寄語東林老蓮社從今着力修

池州翠微亭

經年塵土滿征衣特特尋芳上翠微好水好山看不足馬蹄催趁月明歸

題新淦蕭寺壁

雄氣堂堂貫斗牛誓將直節報君仇斬除頑惡還車駕不問登壇萬戶侯

滿江紅

怒髮衝冠凭闌處瀟瀟雨歇擡望眼仰天長嘯壯懷激烈三十功名塵與土八千里路雲和月莫等閑白了少年頭空悲切靖康恥猶未雪臣子恨何時滅駕長車踏破賀蘭山缺壯志飢食胡虜肉笑談渴飲匈奴血待從頭收拾舊山河朝

河朝天闕

小董山

昨夜寒蛩不住鳴驚回千里夢已三更起來獨自遶堦行人悄悄簾外月籠明白首為功名舊山松竹老阻歸程欲將心事付瑤琴知音少絃斷有誰聽

岳集卷之五

書岳集後

予少讀岳武穆王傳每見其沉毅英武忠義激烈未嘗不惕然思奮嘉靖癸巳冬承乏浙臬始得展祠墓訪遺踪偏閱紀載遺事蓋武林乃王里居祠墓在焉而臬司又王之故第也并有亭祠有祀墓有封識學士文人制作相望所以致敬慕於王者無所不至矣獨紀載散逸未有輯錄將益散亡廼謀之少湖徐子五山張子重校而梓之若王忠孝大節恢復大功觀是編可以知矣至於異同之論則當折衷於少湖五山之刊留也嗚呼王淫矣精靈則赫乎不昧燈每有舉動若王臨之亦既三年於茲矣顧限於駑駘無有可以為王告者獨賴

生逢

聖世得以碌碌自全未嘗不竊自慶幸而重悲王之不過也集成書諸末簡因併及生予敬慕之私云耳

嘉靖丙申冬十月望日宛陵焦煜識

岳廟集四卷

編修汪如藻家藏本

舊本題明徐階編張庭校焦煜刊而首載階序稱從黃山焦子請所輯武穆祠詩文讀之又云因不自量謀於五山張子而去取之則煜之初稿而階與庭爲之刪定庭序則云黃山子謂少湖子與庭曰盍校之我將刊焉因取汪氏所輯抄本往復叅校則初稿又非煜作矣大抵襍出衆手不可名以一人也原本凡傳一卷制一卷議序記一卷辭樂府詩一卷而附以岳武穆遺文一卷今以武穆遺文析出別入集部故此本以四卷著錄焉階字子升華亭人嘉靖癸未進士官至武英殿大學士諡文貞事蹟具明史本傳庭自署曰眉山煜自署曰宛陵考太學進士題名碑嘉靖癸未科有張庭四川夾江人焦煜南直隸太平人皆階之同年當卽此二人至所謂汪氏者則不可考矣

# 吳疎山先生遺集十二卷

〔明〕吳悌撰

湖南圖書館藏清咸豐二年頤園刻本

附《四庫全書總目·吳疏山集

十七卷》提要

原叙

夫道在天地間至大無外至小無內淵源浩博靡所  
 不貫至推行而神明之者存乎人焉耳夫不明不行  
 之故孔子獨歸於愚智者過與不及焉天下人不智  
 則愚不愚則智愚智則盡乎人矣寧復有時於中者  
 與之明道哉過猶不及固也然愚之不及不過蠢然  
 木然已矣若於道無所損也惟智者過之蓋任聰明  
 者散蕩其真廣意識者支離其實深機變者杳幻其  
 常見虛寂者空滅其體加粉黛者改失其素甚至借  
 原叙  
 以文奸飾僞網利邀名以致人莫可救藥者又比比  
 然矣噫道之不明方藉賢智者覺之今視愚者更弗  
 若焉千古長夜哀哉是皆不能行所無事質任自然  
 故一弊至此若我疎山先生其真救時衛道之一標  
 的歟蓋其資性也得之甚清而其問學也主之以靜  
 冲夷恬粹淡簡熙和任天之便欣如坦如率性之常  
 陶陶蕩蕩布袍蔬食恒快足乎平生竹榻草廬日咀  
 嚙乎理義一游一泳渾是一團仁體而悉飲人以和  
 雖昆蟲小物觸處愛生必貽之得所而后快與之論

道則津津有呀不落言詮及其評是非也則斤斤有辯不狗情俗居嘗則恬怡可親而胷中則涇渭甚確至於義不可處雖勢力不能易其操他如一切詞章儀度接物世情即有所屬惟率其自心流行畧不榮槩而視世之繁縟則厭之尤拳拳欲成人也真氣浹洽自能薰育人心人恒依依然莫之能釋邇先生德誼類如此雖磬竹莫能悉而維風鎮俗舍之其誰奈何其遽逝也大凡人不能動物者心必不誠不能範俗者行必不真先生一真自如世情無染其忠信足

原叙

舒序

三

以繩浮簡默足以愧佞樸素足以祛華灑淡足以消躁正直足以回邪仁厚足以返薄廉靜足以化貪不煩科條天真自露緬憶其風真對時之證體道之效當於先生一見也文集足為先生多哉嗚呼古今名公文士為人評文創顯者多於文字中想見其人而掄揚其懿予於疎山先生親炙日久契合甚深操管立言皆對其顏面而模寫之殆非揣摩其似者可同日語敢自誑誑先生因以誑天下哉安得天下學道者得一二其人而俾末世獲見斯道實際而不徒托

諸空言者是為序

萬歷乙未歲孟冬之吉賜進士第資善大夫刑部尚書前刑科都給事中太僕光祿南太常大理四寺正卿臨汝後學舒化頓首拜撰

原叙

舒序

三



原序

昔舜樂取諸人以爲善方其居深山之中異於深山之野人者幾希及其聞一善言見一善行若決江河沛然莫之能禦也四方風動萬世永賴舜之善不亦大乎予讀疎山先生集有感焉初先生讀書疎山一覽亭扁戶危坐與人談平平無異師里中黃卓峯蚤聞王陽明致良知之說矣及爲御史按泰州訪王心齋與語連日夜有契合乃薦于朝疏曰布衣王艮偶感于事親之際忽覺此心開明從此一意向學銳然

原序

蔡序

干

以聖賢爲可必至真機流行不事矯飾精誠潛通使人有所感發乞查照先朝典故將艮致之闕下惟所簡用其于治道風教必有神補復進古文孝經謂孝經以性爲本以行爲稽以順天下爲極天人之際皇王之業盡在是矣乞勅下儒臣會議俾與五經四書併行肄習疏上雖不報然心齋悟從孝入先生既薦其人又復請表章孝經豈非有得于感發而樂取諸人以爲善邪久之力求歸田侍親羈繫自樂雅不欲出封公數強之不得已北上至德州心動復告歸踰

年封公業養臨訣視舍人以心動爲誠孝之感先生

之疏非徒言之實允蹈之矣嘗曰吾人講學却要識得大頭腦只是盡性性者天地萬物之同源吾人要識得此身與天地相似是何物合下用功在何處如堯舜授受孔曾一貫孟氏願學與夫宋儒相傳的正脉喫緊處吾人必何如方與聖賢恰相似始爲善學其要總在至敬敬者只是這一點憂勤惕勵意思頃刻不敢自逸理無定在敬則常聚心本活物敬則常惺而性無不盡矣先生進而樂取堯舜孔曾宋儒以

原序

蔡序

干

爲善不彬彬可觀與其曰聖人善其身未有不善天下者也善天下未有不善其身者也又曰君子進亦兼善退亦兼善何往非此學也豈非樂取諸人深造自得真知止于至善者與優游林下二十餘年舊廬數椽僅蔽風雨行道上澣衣敝屣人莫識其爲御史也晚年召用一歲四遷晉南京刑部右侍郎人仰先進貞風莫不以爲君子偶感寒疾藥誤投爾雷之頃眾爭督過醫先生忽瞪目曰我命然耳醫何罪嗚乎命乎悉嘗謂仲尼語參一貫授孝經大學千有餘年

惟明道程子悟盡性至命必本于孝弟謂學者必由  
大學而學焉則庶乎其不差龜山豫章延平菽菽守  
此一脈不來自鷺湖之辨尊德性道問學岐而為二  
王陽明序古本大學單提致良知三字王心齋倦倦  
以格物請益夫物格而后知至物未格知未至也心  
齋之請非過也致知在格物知不致慮何格物陽明  
豈無見乎但格致非一事逐物便支離離物即禪寂  
尊德性乃道問學主宰道問學正尊德性功夫四先  
生各是己之是而不樂取人之是遂使洙泗伊洛之

原序

蔡序

三

傳不克大同其流不能無弊向使晦翁樂取象山豈  
曰支離象山樂取晦翁豈曰禪寂陽明然心齋之請  
以修身為本誰敢虛談性命心齋先陽明之知明明  
德于天下誰敢師心自用而無忌憚邪陳山先生曰  
性一而行百而非有所異也非樂取古今之人以為  
善安能精一至此庶幾繼絕學開大平與若先生者  
可謂聞堯舜之風而興起者矣繼疎篤信好學克肖  
先人撫鎮唐虞之都堯舜之道孝弟而已矣立身行  
道揚名于后世以顯父母孝經事業其在茲乎其

茲乎

萬曆癸丑孟冬之吉通家晚生合肥蔡悉序

蔡序

原序

夫大道與渾關相旋聖學與日星並朗蓋惟潛心深造不事言詮者得之不佞相之於疎山吳先生直心醉而神往矣爰稽皇宋以理學垂緒孔子聖哲之業藉茲流澤一時名賢超美前祀象山先生窺測神蘊風烈流行於時景從尤烝烝焉雲馳電迅然其學專至於靜大較凝神棲慮體深研幾以自潔刷本源剗去勝心獨耀靈秘也者蓋聖賢之學不以動靜分對待凡所鋪張注厝夫孰非靜境之用耶易之艮王靜

原序

張序

靜以養動而動靜惟時吾道所由光明哉故象山之王靜真心學也先生聞風而興何弗模範有如朱陸之不必同不害同者與無不同者則訂論不少貸以故先生獨詣其至而王靜之說千載若新夫學領其大而萬物備矣隨處妙用奚而不宜以故先生令樂安令宣城並暢仁風則稱賢令先生在臺中持重剛毅則稱名御史先生退歸林澤者廿年泊然養高復被徵書而起臺中晉太常歷同卿再擢少司寇靖恭乃位則稱行藏兩當其間葺伏羲山陵特宏規制營

正祀典釐古文孝經以從孔氏薦處士以勵世風又

置身兩權相間並同里邑靡所滯染進無競而退無

營鉅克肩而細靡遺所謂方以圓用圓以方用者乎

若郢匠運斤成風曲中其度類得之涵養主靜中則

先生之深於艮矣如云枯坐禪寂則何異春蠶在繭

層障之也將幽沉繆昧動不能展何以循効卽有肆

浮華而亡實際則其才刺決其辨懸河總屬鬼躁耳

奚關心學故尚論金谿之學必以先生得象山正脈

相接武云求諸本朝人品學術則章楓山陳白沙薛

原序

張序

文清王文成諸君子斷斷乎其如投在一器矣不佞

相不能文獨稔聞先生之人之學而私淑焉乃以同

志所論次者合為一集析為四卷俾壽諸劄刷以公

海內顧先生躬行長者淵涵德性無所做麗嘗竟日

默坐中若無物口若喃喃故其稿僅爾爾然卦畫無

文猶足盡意令後有作者通先生之意於已養靜中

亦足以崇理學而維世教矣

萬曆歲次乙未孟夏之吉鄉後學張廷相頓首書

原序

嘉靖己亥先君以進士歸省舟次維揚時疎山先生  
吳公為御史按鹽兩淮過舟中與先君論學疊疊盡  
日子小子侍側方十歲不知云何然兩尊人藹然切  
磋至誼則時時記憶忻慕不忘也後二十有六年予  
官祠部先生復以御史召至京師時汝上望湖吳公  
為中丞吳公精於元理與先生問學相資日夕過從  
予尤幸參侍先生丰姿蒼竦視聽專凝外樸而中瑩  
其於此學性稟靈悟獨得自心初未嘗雜以聞見山

原序

萬序

居既久涵醇飲華中藏益密朋儕來聚深以精神感  
孚不事言語相對終日默然飲以太和而已先生事  
親孝與物誠酬應庶務獨稟天則一一要歸於厚蓋  
淵識邈自義軒而履道敦乎孝弟機事不入純樸獨  
完所謂三代直道而行者矣白先生家居二十餘年  
一旦召用朝士皆其後進風會既流趨操或異無有  
能知死生者然黃鐘大呂商彝周鼎雖未能聞其和  
聲察其文理亦莫不仰為太古之遺朝家之重而予  
自效其誠獻其恭也然亦竟未有能知先生之所為

用者也隆慶改元先生與吳公皆轉南部予以罪罷

歸未幾先生歿吳公告終而先君頃亦捐館予小子  
獨坐深山兢兢孤學抑且幾三十年矣詹翹前修可  
勝懷慕茲先生仲嗣中舍君克嚴家訓繹而光大之  
哀梓遺書走使羅原謂予最知先生而委之序予何  
敢辭顧先生生平以默成為信而為御史思至誠悟  
主不區區文字之間則此何足見先生萬一故予備  
論先生之學使後之欲觀先生之深者庶有考焉雖  
然請祀伏羲表正孝經皆以躬修實詣獨著化原非

原序

萬序

有綠萼而薦賢郵災重守令諸疏質直詳明誠意懇  
惻粹然一出於王道使世之君子讀之坐消其據浮  
擊難參雜意氣之私而還古人為德為民之大致則  
亦庶乎見先生所為用矣  
萬曆乙未重九日年家姪南昌萬廷言謹書

吳疎山先生遺像



吳疎山先生遺像

遺像 像贊

吳疎山先生像贊

嘉靖間余與吳公並官御史公席珍東山垂二十年  
避權相也一時節義道街海內山斗分宜罷始以舊  
德拜卿南回會余攬轡江淮乃得聚樂於滌水之上  
相與析天人談格致以及未發之中殆將浹旬見公  
之識甚大得甚深益信公為名世之大賢矣茲親遺  
像能不泫然嗟嗟聖途蕪蕪格物長夜安得更如公  
者共為斯道倡耶遂再拜贊曰  
於維哲人赫赫義皇白鹿切磋聖經表章舒世範

謀猷三匡身逢廊廟業嘆虞唐瞻彼旰食河洛與長  
太子少保吏部尚書在告同志友人錦京孫丕揚頓  
首拜題

藹然其溫端然其凝如金如玉盛德之形惠政澤民  
嘉言祚國赫赫無斲肫肫造福為良有司為名御史  
晚為名卿鴻冥鵠起冥非絕俗忤權以貞起非干澤  
清望孚騰汲直發倉富鄭活青古今媲美罕公其人  
欲論公世當探公義主靜為宗九淵是仰仁敷春煦  
紀肅霜飛作致情孚厥有端倪余步後塵欽公芳趾  
與公同朝稔公素履瞻公遺像儼公生平泰山北斗  
後學其程

吳疎山先生遺像

像贊

大學士常熟後學嚴訥頓首拜題

氣和以粹貌溫而恭體至健於慎獨任履道之從容  
完太樸於涉世唯養性之恬冲信六經兮註我淵乎  
實踐於厥躬體浮文兮滅質肫乎先進之是從嚴嚴  
砥柱穆穆清風斯其接青田之正脉共推媿明道之  
懿蹤

刑部尚書新建後學魏時亮頓首拜題

屏廓落落無榮無着熙熙怡怡撤彼藩籬樂義皇之  
太始紹孔孟之宗枝世方病以支離行實炳乎蒼龜  
疇天運之未齊胡爲乎而遽歸嗚呼已而已而吾爲  
道而增悲

刑部尚書臨川後學舒化頓首拜題

卷之三

像贊

三

諭祭文

維隆慶三年歲次己巳七月壬申朔越二十一

日壬辰

皇帝遣江西布政使司右參議田汝穎諭祭通議大

夫南京刑部侍郎吳悌曰

惟爾積學淵醇奮身科甲筮官邑宰早馳豈弟

之稱掄選憲臺益著澄清之績匡時報國屢效

忠謨引疾居家力行古道頃復徵自剡薦晉佐

秋卿聲猷茂著於朝端廉節式風於庶家方期

吳悌先生集

諭祭文

柄用忽報長終爰念老成良深悼惜特頒祭典

載錫葬儀靈爽有知服此殊渥

贈禮部尙書誥命 萬曆三十九年七月初二日

制曰我國家表章理學二百年間道化翔洽海宇清

明履蹈之儒彬彬輩出庶幾媲美盛世已矜式

具存褒揚宜重爾原任南京刑部右侍郎吳悌

承家有自問學窮源垂髮矢志聖賢及長益修

誠正精義至命激潤於青田之瀾寡欲存誠味

道於疎山之麓徹性根於仁孝敦素履於經常

治邑著聲登臺正色避炎門而返服清皇路以

彈冠望重三遷名高九列至如訂經崇祀尤徵

吳疎山先生遺集

贈禮部尙書誥命

羽翼實功若夫茹葉飲冰未盡嶙峋偉度允稱

純臣於一代克擅師表於百年贈典未膺朝章

尙闕茲從銓臣之請特贈爾為禮部尙書錫之

誥命於戲秩宗重地邦禮仗司名器有常朕弗

輕畀惟此崇儒之念特加異數之隆神爽於昭

罷靈式賁

吳疎山先生遺集目錄

卷之一

奏議

原叙

原叙

原叙

專職掌以振風紀疏

錄用人才以昭國家盛典疏

地方異常災變疏

吳疎山先生遺集

目錄

地方異常災變乞賜賑恤以全國課疏

辭免賞賚疏

薦舉泰州王良疏

表章古文孝經疏

乞養病疏

卷之二

禁止私交以勵風節疏

重守令以圖治安疏

請褒恤原任都御史王廷相疏

改建歸德府治疏

崇聖祀以明道統疏

護處祿俸錢糧疏

卷之三

序記

表章古文孝經序

送謝鶴山別駕釋篆金谿序

贈蘇學博愛泉之任樂昌序

贈陳六山西江得雋序

吳疎山先生遺集

目錄

劉龍峯居士詩集序

贈劉節婦周孺人序

澳塘周氏族譜序

金谿名宦鄉賢祠記

撫州社倉記

卷之四

誌銘

河南按察司提學副使柏山洪公墓誌銘

浙江道監察御史見吾陳公墓誌銘

胡生汝宣墓誌銘

安慶府同知頤庵聶公墓誌銘

節孝車孺人墓誌銘

卷之五

書

與戚南山書

與羅念庵書

與陳明水書

與曾擴齋書

吳疎山先生遺集

目錄

與傅少岩書

與劉柳軒書

與友人書

與黃歐山書

與友人書

與其中丞書

與胡象岡書

與五敬所書二

與徐華原書



與傅石井書	與友人書	與孫淮海書	與友人書	與馮午山書二	與周受庵書	與朱雲坡書	與友人書	與某巡撫書	與呂沃州書	與雒三峪書三	與曾石塘書二	與歐約庵書	與桂近庵書	與洪覺山書	與友人書	與友人書	卷之六
吳疎山先生遺集 目錄 四																	

表章古文孝經原序	原叙	自叙	表章古文孝經	跋	卷之七	天文圖	天文圖說	跋并贊	卷之八	言行錄	跋	跋	跋	卷之九	年譜	卷之十 附錄	文莊公行狀
吳疎山先生遺集 目錄 五																	

文莊公墓表	文莊公墓誌銘	文莊公神道碑	卷之十一 附錄	崇賢祠記	崇賢祠碑銘	本府祀鄉賢祠文	本縣祀鄉賢祠文	清風亭記	吳諫山先生遺集	目錄	六	復性堂記	卷之十二 附錄	睢州吳公臺記	潘復維揚河隍序	澄江餞別序	紀贈謚序	樂安名宦列傳	宣城名宦列傳	輯錄名世類苑二則
-------	--------	--------	---------	------	-------	---------	---------	------	---------	----	---	------	---------	--------	---------	-------	------	--------	--------	----------

輯錄萬姓統譜一則	輯錄江右名賢編一則	輯錄金谿文獻考畧二則	輯錄金谿理學支派畧二則	總跋	目錄
----------	-----------	------------	-------------	----	----



本傳

先生姓吳氏名悌字思誠撫州金谿人其先五代時自蜀徙南豐又自南豐徙疎山之陽疎山孤竦蒼鬱下帶盱江盱流舊繞楊州村忽折十里而環抱疎山識者疑知有異人出其間矣時先生生幼即奇挺讀書目數行下而性故凝重不好弄甫十歲夢伏羲授以易學神情洞然元朗講說經義不墮蹊徑文字之障名家先輩聞之多擊節稱賞稍長為邑諸生為文馳剽節餽釘以逐時好間從鄉先生聞象山先生之學遂忻忻鄉往焉故其學以至靜先立其大為本往來白鹿書院與四方名士相劇切久之益大有得歸道鄱湖疾風撼舟神色自若嘗讀書疎山寺寺最上有一覽亭清曠絕俗先生時馮高遠眺條然自適或扁門危坐終日間如人莫窺其際也嘉靖辛卯舉子鄉明年第進士授山東樂安令以才調宣城在樂安拈循停至行時老穉遮卧車不得前泄宣城適驕陽用事先生步禱唯虔澍雨霑晝境而止明歲復苦蝗請賑所司不報先生竟發廩賑民曰吾奈何不以

吳疎山先生遺集

本傳

何傳

一

一官易萬姓命也時寧國守贖貨漁民一日以歲額

輸于郡王者輕重其手索增贏餘先生曰已有守晚視曰未也先生曰令正視故有守邪視故無守默然故寧國屬令踐登三事守謀諸先生欲樹碑頌德先生廉其無狀抗議不可且曰凶禍所加令自當之其不肯媵媚媚世也如此撫臣某夙銜先生邑有逋負歷數令弗能徵為墜贖已當先生秩滿厲詞檄先生以齟齬之宜父老重德先生爭捐貲代償已又借丁弓六事侵先生先生具文曰士可殺不可辱進唯命退唯命卒莫能難尋被召入都宣民雪涕送之如失慈母入謁執政不藉手一幣唯贊以天文圖一時譁然曰吳天文云丁酉授廣西道御史首請專職掌以振風紀語具奏議中會上震怒南畿王試諸臣且欲罷諸士制對先生抗疏申救下詔獄上怒解出先生仍可其奏諸士賜甲第者甚眾亡幾何奉命督餉兩淮值海潮驟漲大浸稽天先生特疏于朝請留六萬緡以蘇商甯運艘適至先生不俟請便宜給散以哺災民旋括公帑糴補公私雨濟焉獻皇后梓宮南祔

吳疎山先生遺集

本傳

何傳

二

舟次淮上或議毀邗江一帶居民以便維絨先生不可日夜構木修棧以通之民賴安堵而事無底滯世宗皇帝下優詔褒寵暇則沉酣竹素物色巖岫因表章古文孝經以正分章之謬處士王心齋良陽明先生高足弟子也造其廬語三日兩相契合良知之學多所發明于是特薦于朝以爲吳興弼陳獻章之流請加徵聘不報事竣念封公及朱淑人不置乃引疾歸省癸卯赴京復除河南道尋奉命按中州風裁凜凜不可犯伊藩故驕縱憚先生威望投一刺以道友

吳山先生遺集

本傳

何傳

三

稱先生先生卻報云大王天子貴戚非其所敢友某天子憲臣非大王所得友伊藩聳最管比之汲黯焉部有中貴人張甚欲假先生樹坊爲重竟堅持不可唯是議處宗藩通祿以紓積困議建歸德府治以控三省議築睢州雨臺以防水患其有德于中州甚厚按陳州祀謁伏羲陵寢建議曰伏羲聖之大始孔子聖之大成而祀典闕焉未備則章教之謂何宜倣孔林規制以明君師治教之同祭用二仲甲乙以取木德與王之義趙文肅見而嘆賞之儀封浚川王公總

憲時噉先生建言不先關白及故先生表揚其行爲請褒錫以賁泉壤海內以此多先生長者先生在臺中資望隆重柄用有期乃力求引退茹真棲素二十餘年前後薦剡數上會時宰同鄉人竊柄鴟張故深避若將浼已迨時宰敗去仕路清夷當事者引用名德以謝風望仍以山西道御史就徵部院至檄郡守親爲之勸駕日遣小吏索取辦裝期以報當是時章旌元黃交錯於道天下望之如景星鸞鳳咸曰吳聘君庶幾再見也丙寅立臺七日卽擢四夷館太常少

吳山先生遺集

本傳

何傳

四

卿未幾擢南太僕及大理二卿一歲中晉陟大廷尉又復覃恩錫命三世蓋異數云丁卯晉南刑部右侍郎攝部篆兢兢焉以失入爲愆南中忽起疑獄人人知其寃也徒以引嫌文致不能白先生毅然欲平反之事有緒而先生捐館舍矣已而寃者卒白則先生實始其事焉先生篤孝故天性也事封公淑人敬養兼至居喪哀毀三年如一日凡觸手澤未嘗不泣然泣下性清虛恬澹一切世味亡足投其好閑居焚香晏坐幽光內照自逢掖起家至卿貳菟裘數椽僅蔽

風雨蕭然元散了不經心幼嘗晨出遇人盜魚以溫  
詞遣之不令人知既貴嘗山行以一倉頭自隨山中  
人關蹊畛談中先生額其人匍伏受罪先生曰此飄  
瓦類耳女何尤家居時曾遇盜莫可蹤跡邏卒故偵  
平人幾文致塞責先生亟白于官得無枉其仁厚愛  
人大都此類也先生蚤年卽悟象山主靜之旨師事  
黃卓峯先生十二時中強半靜坐卓峯嘗云疎山實  
踐之儒羅近溪日金鈔之學前象山後疎山後又從  
王心齋遊反覆印證豁然了悟于天人之際蓋非謬

吳山先生遺集

本傳 何傳

五

近所能蠶測已與鄒東廓羅念菴諸先生有金蘭之  
契結社講學直語箴規念菴先生遂感激作歌以謝  
語具冬遊記中與人交不設城府口訥訥不能言至  
于陳說性命揚推當世神理微駭然中桑林之舞  
居恒樂易可親畧不爲異同者貴溪分宜柄政同鄉  
諸縉紳鮮不濡迹先生冥冥遠舉栖心性命之場而  
在宣城則拒墨守在河洛則絕強藩中貴人其貞介  
若此夫豈駕空言以炫世者以故當時有四君子之  
稱謂先生與吳公嶽胡公松陳公价也徐存齋雅敬

先生特以賓禮禮焉以御史當諸宰執上座聞者咸  
艷慕之以爲曠見云浸假不卽死乘時遽遇登樞衡  
而襄在宥其功業可勝道哉余生也晚聞先生之風  
願爲執鞭而不可得故詮次其大者俾後之君子得  
以覽焉

賜進士出身翰林院國史編修同邑後學何宗彥頓  
首撰

吳山先生遺集

本傳 何傳

六

本傳

不佞德新曩在里野侍王塘南公講業于青原之麓因問疎山先生則云是與鄒文莊羅文恭同時倡明此學獨先生尚未易名久勳輿論蓋不佞津津私心嚮往已得先生言行錄與奏議古文孝經讀之尤欣幸私淑之有在於是為之傳曰先生名悌字思誠金谿人其先自南豐徙疎溪因號疎山澹樸恬寂不喜濃華娉媵以投時好而貌溫氣和包羅善類無不至自少慕同邑陸象山之學決志主靜而先立其大若所風契泛舟匡廬走白鹿與四方名士日切摩絕不譚西竺猶龍乃其機之觸而神之動也充然有自得返而之疎山山之巔有一覽亭先生終日危坐間發之時執頭頭理道洗一切剽蔓之語辛卯舉于鄉明年登進士授山東樂安令遂以才調宣城會雲漢之憂未歇復苦蝗請賑於所司不報有以過羅勸借議者先生為出邑藏易粟糴者活而富室不困徐以歲額輸之郡郡守索羨先生曰衛豈殊耶邪正異視耳守嘿嘿無以應用是撫臣某亦銜其亢直特以邑之

吳疎山先生遺集

本傳

王傳

一

二

積逋歷數令所不能完者屬先生邑人私相語曰所不捐貲而代償者有如河不踰時而公裕足先生得以召行入謁執政不藉手一幣眾異之丁酉授御史封事數上有長孺風時上怒王試南畿者為以郭武定事發策遂被逮欲廢一榜對制又值勃鞞與郭暉八莫敢撓先生抗疏不可下詔獄已宥焉仍可其奏而是科炳蔚中外者最多奉命督饑兩淮忽通泰潮漲漂居而溺民命者不可數欲請則奏報之難民已朝夕急乃暫假運糧給發旋以官羨辦補嗟嗟一時權宜真弔變偉畧哉先生雖夙夜在公念母朱淑人甚殷引疾歸癸卯復除部中州想望先生風采無不踴躍抑強藩之驕縱折中貴之樹坊勁挺不肯少借若藩祿逋負之處歸德郡治之建睢州兩臺之築碑精必為之所中州人至今無忘畏壘於是譽望日隆欲得先生崇陟以樹螭弧乃先生惟謝鯤之邱壑是娛或者曰其有慨於分宜之擅之不可為乎先生竟飲鐔不露退栖者廿餘年而時宰敗當事者一新其政仍以御史起先生方七日陟太常少卿亡何轉太

吳疎山先生遺集

本傳

王傳

二

侯大理一卿丁卯晉南刑部右侍郎攝部篆時有疑獄不能決先生毅然欲生之而沮於羣議已而寃者竟白則先生爲之地也先生以是年一卧弗起益六十七矣於戲君子之出處自適其志揆之時與身之不可負與不可辱以酌吾之屈伸而後庶幾乎道先生侃侃恂恂動皆塩埏益精神凝注無時非學自謂易義夙夢伏義之授按陳州遂請伏羲祀典謂義肇大始孔集大成夫何可異同悼文成之已遠念高弟若王心齋竟式廬而質良知之脉實獨得於格物之吳臨川先生遺集  
 本傳 王傳  
 義尋以吳臨川故事疏薦聘識者謂此豈未行其所風世何宏也先生早師黃卓峯與同道究析元微寢食俱廢此外固寡營漉漉無所繫其中人謂之野鶴凌空不其然乎或曰子謂先生之出與處也心學也然其旨何也曰子不聞爲學總只在盡性其要在主敬時時收攝此心卽當天下大事也何有先生之惠來學何切乎近溪羅公謁先生祠歎曰金谿之學前有象山今有疎山則高山仰止德新其何能忘寤寐雖然千載之下誦其書思其人而不可得見其仰先

生又不知當何如也豈唯小子德新  
 賜進士出身承德郎光祿寺寺丞安成通家後學應  
 明父王德新頌首拜撰



本傳

公諱悌字思誠金谿疎山里人也疎山世多吳氏居因以疎山號焉公少有異質器識冲粹道韻恬愉十三補邑庠弟子濡筆為文即厭塵腐摭發胃臆語輒驚人督學端峯邵公克齋王公屢試優列深加器重稱其不凡性寬仁不計人過童時晨出遇人盜魚公慰之之不令人知又嘗行山間山中人關蹊眇誤中公額公曰此飄瓦類耳汝何尤論之無恐其資近道類如此嘗慕吾鄉象山先生之學得聖門宗旨探求

吳疎山先生遺集

本傳

王紹元先生傳

一

其端貴在師友迺涉彭蠡陟匡廬扣白鹿書院而寓焉得四方之士相與磨礪蓋克然有得矣歸過鄱湖中流風烈舟楫顛危同舟之人駭懼失措公獨凝然端坐有伊川達後之見卒之風定人皆服之辛卯舉于鄉明年登林大欽榜進士又明年授山東樂安縣令治官理民清靜寧一責大指不苛小其民宜之監司奏公才可治劇遂調宣城宣城南畿股肱邑姦竇所叢公亦以廉靖馭之得吏民心蔽日釐葦歲大旱守齋而弗雨公易壇位聚精誠徒既露拜凡三晝日

果大雨人咸異之又明年聘入境民不粒食惟公庖

粟可萬斛守持以法必待報而後發公曰夫人一日

不再食則死者待報如之何苟穢一官活萬人命實

甘心焉乃盡發賑賴以全活者甚多監司卒不以為

罪公平生介特自守不解脂韋事上或以有疾中于

巡撫侯公公疑之及考績以例相見乃喟然曰若精

神乃爾何病之有幾失子矣然未試其才也遂以宣

城宿浦若丁儉者責成之公為通融變產之法以屬

諸民民亦不忍公為此累旬日報成事候甚奇之尋

吳疎山先生遺集

本傳

王紹元先生傳

一

被召宣民選道留借不可如失乳哺然入謁當途不

持一幣人咸服其執守授廣西道試監察御史首疏

專職掌以振風紀謂十三道掌印更代不常殊非事

體河南道職在考察關係尤重大歸簡賢久任以肅

憲度時當專者忌之卒寢其議丁酉南畿鄉試錄詞

指忤上意下有司于獄謫罰有差且罷諸士制對公

抗疏申救上怒并逮公公欣然就獄未幾上察其忠

特以公名詢諸執政怒遂解且可其奏諸士子仍得

過籍至庸顯者類多其人淮陽燧政課甲東南公奉

還籍至庸顯者類多其人淮陽燧政課甲東南公奉

命巡視修正履方風采籍甚會海潮泛溢一浸千里  
勸析墊溺之患億萬其繁僅存者亦無能自活公以  
便宜處給民賴以濟復疏甌羨鹽若干為休養生息  
之計今諸場商竈康復如昔誰之力歟時獻皇后梓  
宮南耐道出淮揚或議毀邗江一帶民居以通纜道  
公不忍乃出罰鍰構木修棧以通民賴安堵又或議  
借富民以備供億公曰淮揚之富孰盛於鈔關運司  
次及府藏者乎資之為用隨為處分毋以病吾民於  
是供億夙辦民無告勞先帝錫賚優嘉之淮揚古稱

吳疎山先生遺集

本傳

王紹元先生傳

三

富庶以隄河四達為利甚殷歲久圯塞公采羣議疎  
之重隄復川萬姓稱利頌聲播焉暇日沉玩古訓謂  
孝經孔子遺言漢儒分章之謬附會失真特疏表章  
以備六經之選又以泰州逸民王良學主自得造詣  
日深疏薦徵辟如先朝故事疏俱不報然在公論則  
不泯也事竣有懷二人乃引疾歸省病痊赴部復除  
河南道御史尋奉命按部河南公執法凝峻風采凜  
凜宗藩跋扈如伊徽二府奉以莊見憚嘗為議處諸  
藩疏極言其罪得肯綮語見疏中歸德舊為州隸開

藩疏極言其罪得肯綮語見疏中歸德舊為州隸開

封府且逸在三省之交軍民雜居控制遼邈非州官  
所能臨泚者公疏改為府今屹然雄劇之郡中州保  
障永有賴焉又如睢州地當黃河多衝決之患民不  
寧居公為相度土宜築臺崇袤如式卒有水患趨避  
得所今榜之曰吳公臺志感也其在陳州舊有伏羲  
陵墓公按歷既加修葺復疏請謂伏羲聖之大始孔  
子聖之大成二聖功覆萬世禮宜並隆欲做孔林規  
制以重斯文鼻祖其所展錯規模弘遠類如此儀封  
王浚川公先掌院時銜公建言不先關白及在家病

吳疎山先生遺集

本傳

王紹元先生傳

四

故公廼表揚素行備極稱美為請褒錫以賁泉壤疏  
出人咸以長者稱之時公在臺資望隆甚大用有期  
乃力求引退居十年撫臺傅公巡院胡公以臺檄速  
公行至德州忽心動復告南歸未踰年而封君古峯  
先生棄祿養入謂心動之應孝誠之感也自是從容  
林壑間先後廿餘年當道薦書數上不起近日當事  
諸公引用舊德仍以山西道御史就家徵之復道甫  
數日擢太常少卿尋陞南京太僕寺卿再轉南京大  
理寺卿會今上登極覃恩錫命三世皆得重封蓋殊

遇也又明年晉南京刑部右侍郎時司寇孫公考績  
公攝部冢會有疑獄人咸知爲寃徒以避嫌文致不  
能白公廉得其狀毅然欲平反之無何公卽不起又  
數日寃者得白實公之力焉公素善調攝知養身之  
道居常寡默清靜衣布素食蔬萊神安氣和少言疾  
疾一夕微感寒疾詰朝猶起視部事濱暮造客如常  
歸纔少選卽痰壅隨墜有聲自知不可起遂整冠正  
襟危坐廳事厭然而逝嗚呼痛哉元自髫年與公同  
志業砥礪軌道今白首無一言逆於心知公無如元  
吳謙山先生遺集

本傳

王紹元先生傳

五

者第公自悟學以來刊落言詮不徇口耳復初緒性  
直探本原則亦何可以言名狀哉今幸搦筆爲文以  
傳其事行之大者俾後之人因事以識其心云  
大中大夫河南布政使司左叅政前廣東道御史友  
人王紹元頓首撰

本傳

公爲少司寇時與吳公嶽胡公松毛公愷稱南都四  
君子聲籍甚四公皆以耆俊談名理而公之學爲深  
前是公爲廷尉京兆馬生妻心疾與其姑語相礪礪  
輒自剄死所司驗實以聞少司寇徐以他嫌深文坐  
之都人士大譁公按屍單所畫傷指以示衆曰卽如  
生殺婦能令婦自仰頷以頸受刃邪且爲婦無故而  
令其夫手刃之非所宜有於是生之寃得稍稍解竟  
以無坐都人士萬口頌公謂張釋之于定國不過也

吳謙山先生遺集

本傳

焦傳

一

公下世二十餘年仲子中翰君仁度與余同舉進士  
以公軼事屬爲傳余嚮往公甚切其曷能辭傳曰吳  
公諱愉字思誠江西金谿人金谿故名儒象山先生  
所生處公少慨然慕其爲人師事鄉先生黃卓峯黃  
故師事姚江其源流深遠矣而又時涉彭蠡登匡廬  
往來白鹿書院與四方名士相劇切故充然日有聞  
辛卯舉鄉試壬辰第進士初令樂安爲政責大指不  
苛細務譽日起調繁宣城至壹以樂安之治治之歲  
大侵請賑上官不待報而發廩已出帑金若干繕令

疆餘者糴之封以外而糴之封內民不苦粟貴官不  
虧一緡不費而民賴以濟中丞侯銜公介特當公滿  
考度且內召也以邑積逋更六七令不能完者特屬  
公以困之邑人懼為累爭捐貲代償不數日逋完而  
公以召行其得民心如此丁酉授廣西道御史數上  
書言事會上閱南畿誌錄怒典試者逮之獄議盡罷  
諸生制對公具疏申救詔併逮公未幾上怒解還公  
御史諸生得上公車後有起家九列者已亥視兩淮  
鹽政海潮暴溢廬舍漂沒亟疏請蠲卹通泰二州死

吳諫山先生遺集

本傳

焦傳

三

者以萬計存者嗷嗷亡所得食公親漕艘至喜曰是  
天所以哀吾民而不絕之粒也或言須奏請乃可公  
曰彼其巨謀不及及而能少須邪即上有所督過其  
不難以一官易萬人命也即取漕粟散饑民旋出官  
羨買償所全活無算一日念母朱淑人引疾歸癸卯  
復補河南道尋出按部議處宗藩祿米改歸德州為  
郡治築臺辟睢州水患中州至今稱焉公為御史久  
望隆重大有日矣會鄉人竊柄張力自求退  
歲居二十年柄臣敗當事者引用者積收人望乙丑

乃補公山西道御史不赴丙寅趣有司勒駕公強起  
赴臺才七日晉太常寺少卿亡何晉南太僕寺卿亡  
何晉大理寺卿一歲中翔貴至此蓋異數也明年為  
隆慶丁卯晉南刑部右侍郎無滯獄無缺法一時靡  
不稱平者公氣和神靜居常不言病一日造請賓客  
歸輒正襟危坐而卒亦異已公生平宦績具奏議中  
如議振風紀議蠲賑議禁私交識者類能言之至請  
表章古文孝經正分析之謬請聘處士王良復薦辟  
之選請新伏羲陵做孔林之制所相上表德章義率

吳諫山先生遺集

本傳

焦傳

三

世厲俗者為尤卓云公瑰行甚多大抵雕飾不施而  
動與古合始為宣城舊令都津要郡守謀建祠悅之  
公視舊政無狀執不從按行河南伊藩憚公威名奉  
尺牘稱為道友公報曰殿下天子宗親非其所敢友  
某天子憲臣非殿下所得友不從巨璫勢張甚樹坊  
故里願借公銜名公又不從而遇德人則欣然以身  
下之類朱文季厭俗卑諂華競一切交際取成禮而  
止飯客藁魚蔬食有貧士所不堪者而公饒為之類  
羊興祖兩為巖邑其伐石而碑與卜宮而祠者相望

也類朱仲卿登第四十年先後立朝僅七載進難退  
易類錢澹成至其孳孳好學所借師友相上下一軌  
於正而恬澹寡營澄思靜照直與古抱道術之深者  
等斯有典有則邦之耆祭者非邪卒後十有五年郡  
守徐君楠創祠肖像祀之學者稱疎山先生中翰君  
深湛而好義綽有父風故得聞而具述之語云是父  
是子不虛耳

賜進士及第翰林院國史修撰年家晚生焦竑頓首

撰

東山先生遺集

本傳

焦傳

四

### 理學議

己亥孟夏余入京間與同志友人揚推先哲而友人  
竊歎江右諸先生之深于理學也或難曰江右如羅  
一峯以風節勝羅念菴又寡著述理學云云言何容  
易余稱吳疎山先生而友人深駭之或又曰此公亦  
以風節勝而著述不少槩見何哉余唯唯否否已而  
自惟二羅先生海內自有定論至于吳先生實生平  
鄉往知之最稔者也不揣固陋退而作議議曰今天  
下學士大夫靡然以理學爲首稱者誠謂其心體湛  
然常惺惺然無欲而躬行一軌于正可以紹聖緒而  
振頹風耳乃或欽所聞忽所見輕于自任重于與人  
致令熙明之代理學不數數見斯亦持論者之過矣  
近日如疎山先生郊象山而禱陽明視躬涉世無際  
可指一時名人鉅公僉謂其涵養之醇幾于殆庶而  
目睫之議或僅許其風節卽不然而又少其著述嗟  
乎理學者豈靡靡無特操而唯是鞶帨之工已耶相  
提而論理學風節原非二事惟任氣者與任理者復  
異耳任氣者非不毅然自樹而倜儻倜儻什未有終身

吳疎山先生遺集

理學議

一節而無少墜于言行進退辭受之間者也此孟子  
浩然之氣而子思所謂中庸不可能者蓋風節非外  
而理學非內矣涵養者述亦非二事有大涵養者言  
爲世範行爲世表不著述而理學歸焉卽不得已而  
作書詔世亦非炫奇標異如女士流也故劉歆七略  
曾子宓子漆雕子各有著書而顏氏獨無豈顏氏出  
三子下耶蓋涵養既醇則著述可略矣大都學軌于  
理理函于心心之純疵而學之真僞辨焉不辨其心  
而徒嘖嘖然欲其泯風稜而繁著作是曹踪李志高  
吳錄先生遺集 理學議 二

心之迹心一行百而非二也悟此則可以盡人物贊  
化育至于遺疏數首皆溫潤爾雅讀之知爲有道仁  
人也詎可以無著述少之夫以先生躬行涵養海內  
皆欽其賢不知世之閉目跌坐虛竊大名者較先生  
于實踐之際果盡相伯仲乎抑有言是而行非者乎  
夫曰聖人周流四方之迹聚徒倚席殆異黨同便便  
焉號于人曰吾以學之不講爲憂也而人亦遂以聖  
人目之至于文莫猶人躬行君子反謂其車馬未歷  
于邦國著述無聞于縑緙而不獲廁于理學之列採  
吳錄先生遺集 理學議 三

于子輿而太元元經之與與洙泗相胡胡也可乎哉  
疎山先生髫年卽浮彭蠡窺鹿洞以從事聖賢之學  
已而執贄黃卓峯公之門卓峯故陽明先生高足第  
子也先生就而卒業故其學以先立其大爲本而所  
謂大者以其心證于君臣父子之間謹于言動進退  
辭受之際此其原本已端矣駁歷中外清標勁節始  
終弗渝居家孝友廉靖兢兢于主敬存仁之旨嘗曰  
學斷不愧于心吾心云云真所謂躬行君子也豈僅  
以風節著稱者其序古文孝經曰心者行之根行者

華忘實抑何見之左也愚竊憾世之持論者以羅一  
翠之高邁而僅曰風節凜凜以羅念菴之純粹而嘗  
曰若述寥寥其于疎山先生亦復爾爾不知此三先  
生心真行真品真二百年來理學之卓卓者也夫理  
學者以心爲宅以行爲倪疎山先生之風節粹然一  
出于正非本原深遠胡以有此其表章孝經崇祀宓  
義疏薦心齋三事皆有功于道統人才豈無頭學問  
可彷彿萬一愚斷謂先生與一峯念菴皆當進于理  
學從祀之列以俟後世者也嗟乎白衣蒼狗滄海桑

田卿相王侯轉盼陳迹而士君子立德卒不朽于天下萬世者唯此公論在耳先生去世近三十年所矣毋論犖犖大節者在縉紳先生之口卽軼行遺事有誌乘不及載者亦有關於風化非苟而已也公爲臺長時視西城距今久遠有老隸能言其事云吳公大率以德化民民有爭鬪者例以銀鑄貫其首公曰彼冠丈夫也胡爲辱之命繫其一手數年間無復銀鑄加頸者茲事頗關教化惜當時操觚之士鮮有載之者近日通政楊止菴公入都言先生丁酉抗疏人但

吳諫山先生遺集

理學議

四

此大事紀載多闕毋亦是時武定寵盛人畏之而關其口乎丙寅起用入都宰執虛左以待先生先生毫無挹損故事臺臣投謁宰執始書銜面謁後易稱晚生先生不然宰執益重之當時天下視先生爲鸞鳳然而身去之日縉紳諸貴人求其一字一語不可得天性簡澹二十餘載一刺不入長安宜知之者希然今議諡之頃翕然宗稱曰此江右第一流人物也非眞道之在人心不容泯歟夫君子所過者化存者神生百世之上而百世之下聞者興起子與氏所稱百世師也今讀先生之書考覽先生之行事博采閭巷簪紱之公評亡不人人仰止非其精神之宏大胡契慕若此則先生之神化概可觀矣愚斷謂江右大儒以三先生爲的唯懼夫世俗不察惑于目睫之議遂詮次大都以請政于理學諸君子且以竣百世之下同志者共鑒云

吳諫山先生遺集

理學議

五

亡涉及南都試士乎先生曰非也時日已晡疏恐後時遂進覽不然必有中格之虞矣卒爲郭所中下詔獄予杖後聖怒稍解閣擬降調而旨從中出復職執政亮與知也以此知先生爲御史時已見知主上矣

萬厯己亥夏賜進士出身翰林院國史編修直起居汪承事郎同邑後學何宗彥君美撰

奏議原序

嗚呼自扶輿孕精皇王首出孔子集羣聖之大成而六經炳如日星漢承素火之後諸家精廬競起標鵠茫茫然歷唐逮晉千載遂無醇儒矣有宋濂洛諸君子相繼崛起闢發靈微直迺千載不傳之秘而性理諸書哀然為斯道王盟自是以後譚理學者遂哆口立言以至汗牛充棟莫可勝詰而宗旨門戶遍天下噫道果易言乎哉言出而一時之人不能達之者是得乎一時之同然者也言出而千百世之人不能達之者

吳諒山先生遺集

奏議原序

一

是得乎千百世之同然者也必近之合乎一時遠之符千百世而後立言斯稱不朽矣故六經之後有性理性理之後有我明薛王陳諸君子之書魏乎如嶽鎮星儀不可尚已迺不佞於疎山先生有感焉先生專務實踐雅不好著述獨其奏疏諸篇詞旨溫淡和平讀者想見其人品至予所謂立言其大者有三焉伏義斯文鼻樞先生隆其廟號定其祭典俾學者知其源委如挈領振裘然一也孝經孔氏真詮自分章而義始晦先生釐正古本不遺一字而引詩類證條

貫通融一也王心齋崛起布衣之中為陽明高足弟

子先生首賓禮之抗世俗之議以聞於朝而淮南之學日愈顯一也夫是三者上邇皇王中翼聖真下隆名教是不容以一日不講也而漢唐以來卒未聞有議者待先生而始發之是天欲開我明以文明之治而平治天下也試觀廊義陵諸疏千百世之人心有不同然者乎一時之人心有不同然者乎一時然之是翼道之功在一時也千百世然之是翼道之功在千百世也如先生者真可謂立言不朽者哉若所謂

吳諒山先生遺集

奏議原序

二

宗旨門戶競異尚同竟何裨焉予聞之比部張君程川氏言先生終日兀坐反觀默識夫惟能默則其神常斂而理義之蘊藉亦常深即尸居淵鑿中千百世人心之標軌立矣此立言之本聖學之樞紐也噫非斯人吾誰與歸張君以貞白聞於時篤志理學因較先生奏議而彙梓之屬不佞為之序不佞何敢以不斐辭

萬曆歲次乙未孟夏之吉樞李丁賓頓首書



原敘

昔明道先生云言道者不矜於文學之門啟口寂聲  
 皆至德也余於疎山先生信之余曩視學江右得借  
 諸生講業白鹿洞中側聞先生遺範不覺刷清源蔭  
 元景比程川張公出先生奏議授余卒業而益稔先  
 生之深於道也先生學究宗旨要務真實直從畫前  
 見易靜中識體道不必元要之無心有象事不必奇  
 要之抑競獎恬言不必藻要之會文切理不矯飾以  
 拔異不取同而委隨如崇義陵聖祀薦處士王良表  
 吳疎山先生遺集 奏議原序 三

古文孝經此皎然其大者大率先生之言道不求文  
 而文自至不獲已有言而言亦自至今奏議具在奏  
 議而外不可多觀豈非太音希聲哉嗟嗟有真儒然  
 後有善治孔子為萬世儒者之宗即不得身都帝王  
 乃禮樂垂憲德政猶存雖至大亡道之世此學如日  
 中天曉然邪不亂正偽不勝真則孔子之學在萬世  
 亦孔子之治在萬世也先生學孔子為真儒讀其奏  
 議猶令人興起若今之偽為儒者溺矣學其所學非  
 孔子之學鈞元為道弔奇為事斧藻為言此於世道

人心吾不知何所底止也安得起先生於九原而相  
 與闕孔緒於既墜也哉程川公不以余言為謬爰識  
 於末簡

萬歷乙未仲冬之朔貞一居士朱廷益謹敘

原敘

吾邑疎山先生吳公當世宗朝之中葉為御史前後立臺所至具著風節奏議若干篇皆卓犖大者其紀在祕室而海內學士大夫亦雅言之先生以御史退處於野者久之晚乃遭逢起家不二歲歷南少司寇以歿褒然為昭代名臣云今去先生存日益久而學士大夫推轂先生益著者會仲子中書君仁度論次遺文以傳而屬不佞良杞序奏議焉不佞竊惟國家以執憲之重屬臺臣中外事無巨細得備言之與諫臣

吳疎山先生遺集

奏議原序

五

等幸當不諱之朝官以言為職寧渠不願一自効也者顧所為畧苛細而持大體者難也所為誠意悟王而正學匡世者難也所為名實相應語出而訾然如見其為人者難也以今觀先生諸疏其於尋常相去遠矣猶天冠地履也先生甫入臺首疏請專職掌已又請禁私交肅然綱紀之司大端具矣而請錄南畿試士也抗言不阿意肅皇帝怒而逮於理亡何卒從所請則誠壹者之為也兩淮之役條畫地方亡論乃表章古文孝經與薦處士王心齋也不佞於是重有

感焉孝經者吾夫子所以著天地之性而崇人倫之

行其歸統於六藝古文一篇辭理粲如也自諸儒分章刊誤以至於廢誠令一復其舊頒之學官以示廣勵其於經術豈曰小補而淮南格物之學實與越中致良知相發明固一代鉅儒也先生叙其學所自得委致如其自叙非質有其內烏能然者當是時肅皇帝中興禮樂明聖寓內更化藉令論道之臣虛懷深擇以此兩者彌贊至治豈不干載有光歟奈何枘鑿不相入也非凡所見分自報罷昔人蓋憂之矣其後

吳疎山先生遺集

奏議原序

六

先生復按河洛益務持重如重守令建府治諸疏無不便計長畫者而請新太昊陵寢謂與闕里並隆以重斯文鼻祖則又創始之論也趙文肅亟稱之曰是疏義精辭確發前儒所未逮知言哉嘗竊論之先生自為令以至九列也為循吏為名卿諸所臚列何可勝道惟是臺中大業具在諸疏而學術亦於此焉見之蓋上之溯皇王之源次之維聖經之故次之發潛德之光凡是者要以翼吾道而詔來世其所陳說非苟而已也請先生之文者不知其人可乎先生清虛

淵定本自天成而默識反觀直究本體其於世味曾不入其胷中故所注厝獻納迴出風塵之表久而愈益光顯有以也善乎先生之薦淮南也媿媿言之稱爲洛中之儔而與彌獻章之流斯亦且暮遇之矣假令百世而下尙論先生者不亦越中之儔而淮南之流乎予小子昔在穉年與中書君同學幸日侍先生今者典刑遠矣高山仰止之思何能一日忘也故於是編敬効一言以識素所嚮往者如此

萬曆二十二年孟夏之吉賜進士第朝列大夫福建吳疎山先生遺集

奏議原序 七 布政使司右叅議前奉勅提督學校雲南按察司僉

事禮科給事中邑後學聶良杞頓首拜撰

吳疎山先生遺集卷之二

臨川後學李綬校閱

奏議

從孫尚志

全編

專職掌以振風紀疏

伏惟國家建立諸印信衙門設官專掌蓋欲其事皆歸一政有責成斯固網維庶務制馭羣工之大柄也乃若御史之設則又所以備朝廷風紀之司以飭諸衙門者顧可漫無定守而有所遷就於其間哉竊見十三道掌印御史更代不常殊非政體何者御史掌道凡有事故則於都察院給假付印於經歷司而去去而復來每更一道蓋或一月而二三其人或一事而先後其手倘皆云非有所爲則何爲紛紛然相易何其不憚煩也且緣此官無相師之規吏無專事之役奮庸者既無以表見而悠悠者因得以自容彼此舛承寢以賤紊臣實傷之臣姑不暇遠舉竊跡其事之近者則文卷散逸而莫可稽也臺評鬱塞而莫可張也吏胥愉惰廢事以干于紀者往往以其朝夕之勢臨之而無如之何則掌道不專之弊已槩可徵矣

吳疎山先生遺集

卷之一

奏議

夫十三道事體相同而河南道職在考察關繫特重故本道從來推舉各道年深御史掌印蓋慎之心然而簡賢之義未明久任之法莫立徒以其年而已矣則雖有賢者方宜於其職而彼將以其一日入道之先又從而易之是以計資遷遷終無底定其於課試豈相爲謀非病於好惡之不同則阻於見聞之不及甚或采譽納毀以爲臧否之具爾矣求如古者周歲之會月旦之評臣固知其有所必不能也況來歲適當考察京官之期乃天下賢否進退世道陞降倚伏吳疎山先生遺集 卷之一 奏議 二

臣釐正循襲之風永示畫一之法如蒙乞勅都察院查議合無將河南道掌印御史於各道年深御史中叅合衆論擇其方正明斷素有廉譽者推舉一員奏請專掌本道後雖有年資稍深而才望不相上下者毋得輒議更代其各道掌印御史先該一應御史回道俱經本院照例具奏合無今後看有某道缺御史掌印卽於疏內坐委承掌仍須先儘本道次及別道若缺多員少聽本院暫委別道兼掌若給假則暫委別道帶掌事已復還本官其差遣仍畧限掌道年資吳疎山先生遺集 卷之一 奏議 三

之機所在又非可以細故視者爲照衡鑑不容獨秉上下必有相司其在吏部所與冢宰相可否是非以進退人者考功司郎中也其在都察院所與都御史相可否是非以進退人者掌河南道御史也及夫去爾已定科道官乃從而糾其遺焉然有論劾在位小人而無爲去位君子申救者故河南道與考功司之所注措一成不易一傾難安其關繫誠可謂重矣自非敬慮中外允愜輿望之人以久於其位何以繫服天下之是非也哉臣愚欲望皇上加意憲典申飭臺

錄用人才以昭國家盛典疏

先該禮部題為科舉事奉聖旨這進呈小錄考官既  
不填名策題又以國家祀戎大事作問所對中間語  
多譏訕好生無禮江汝璧歐陽衡錦衣衛差官校等  
來問孫懋楊麟并何宏沈應陽着南京法司提了問  
同考官舒文奎等着各該巡按御史提問取中生儒  
都不許對制你部裏不行奏出顯是回護本當查究  
且饒這遺欽此續該大理寺題為前事奉聖旨贖罪  
完日江汝璧還降二級歐陽衡降一級調外任欽此

吳際山先生遺集

卷之一

奏議

四

臣時奉命巡督西路接見邸報不勝懼悚仰嘆聖人  
之心王者之度如汝璧衛者且卑之官以責其後效  
則凡士之思欲奮庸庶職而拔茅以彙征者寧忍終  
棄之耶臣用敢據瀝愚忠上塵睿覽惟陛下垂聽焉  
夫大君為天下得人大臣以人事君所可憑藉以垂  
燕翼之休為千萬年不刊之典者要莫盛於三年一  
試士而已我國家文致太平率由茲典畿輔重地尤  
加慎焉故於試士之期特命詞臣以往益欲其明揚  
公選網羅真才以盡以人事君之忠以無負於當宁

為天下得人之念也假使私濫文衡冒貢非士奸關

漏洩物議沸騰雖重罪尙有餘責然亦止坐其作  
奸之人若所犯未有關於士子則固皆我國家造就  
之人才也臣嘗伏讀明旨仰見淵衷默運劑量輕重  
本不謂多士之罪更浮於二臣者今二臣已蒙陛下  
甄錄矣誠使其痛自懲創殞沒為報陛下未必不憐  
而收用之是二臣之事陛下尚有日也豈况多士獨  
不蒙天地再造之德以附於末減之科遂令功用未  
試名湮鬱而莫稱甚可憫也已臣聞人主之於天下

吳際山先生遺集

卷之一

奏議

五

士也猶父母之於子也父母之於子男子生則願為  
之有室女子生則願為之有家是以假媒妁之言以  
成婚媾之禮未聞因媒妁之違言而遂廢大倫以對  
父母者也汝璧等與南畿多士未經教育素昧平生  
往試就試情於何有以義揆之汝璧等是日媒妁而  
已雖未能奉稱簡命而多士固陛下之所子也陛下  
子育天下天下之士方將顛顛焉日稽首闕廷以覲  
耿光以對揚休命而祖宗根本重地士百其人尙阻  
嚴命知陛下於心亦必有眷眷者矣伏惟陛下離愆

之明幽潛必達風霆之怒庶物肇生則斯舉也或者  
裁抑狂簡奪之而後與之使之動心忍性增益不能  
以圖需用是又非臣愚所能測也臣待罪言責苟有  
所見敢不以聞如蒙軫念人才俯賜采納乞勅禮部  
再加擬議若臣言非妄伏乞聖慈渙頒新號特降殊  
恩曲宥多士之愆重開登延之路則黎獻遂願仕之  
心而朝廷廣作人之化矣似於國體關係非細臣干  
冒宸嚴無任隕越俯伏俟罪之至

奏議

地方異常災變疏

臣奉命巡視兩淮鹽課該本年閏七月內巡歷按屬  
地方至通州等處節據兩淮都轉運鹽使司經歷司  
呈據通州分司關據餘東呂四餘中餘西等場鹽課  
司各申稱本月初三日陡遇東北風起猛雨傾盆海  
潮驟漲奔湧如山即時漂屋頽垣救援莫及各場官  
吏如呂四場大使楊謚副使王勇餘東場司吏沈相  
并伊家口俱各漂溺身屍無存其催竈人等有一村  
數十家全沒者有舉家數十口全沒者惟攀緣樹木  
僅存十之二三牛馬豬畜盤錯滿池及節年在倉廩  
鹽蕩然一空沉溺水所浸蕩草田禾悉皆爛死秋成  
何望卽今骸骨遍野流離載道死者竟無所歸生者  
身無所寄號哭之聲徹于遠邇又據金沙西亭掘港  
石港豐利馬塘等場各申稱前項月日海潮滄沒人  
畜田產不計其數并風雨潮水消折已徵在官廩鹽  
各數不等據此若不關申轉達早加賑恤竊恐丁壯  
流移老穉待斃有誤國課等因又據泰州分司關據  
角斜拼茶丁溪小海草堰梁梁何梁富安安豐東臺

吳諫山先生遺集

卷之二

奏議

七

等場各申前因及據淮安分司關據伍祐新與廟灣劉莊白駒等場各申前因到司看得角斜伍祐各場災傷與餘東等場大略相同拼茶丁溪小海草堰梁梁何梁富安安豐東臺新興廟灣劉莊白駒各場災傷與金沙等場大略相同等因據此又據淮安揚州二府經歷司各呈稱鹽城海門等縣申稱前項月日海潮漂流人口衝淌民居淹沒田禾畜產衆多民不聊生等因又據鹽城守禦千戶所亦申前因各先後到臣臣竊照海潮爲患時亦有之然泛溢不及百里吳疎山先生遺集——卷之一——奏議——八——災傷不過數場未有震撼奔騰千里爲浸蕩析場竈淪溺官民衆多如今日之特異者臣仰惟聖人在上敬一建中固宜海濤晏寧景風協應而乃適有此異罪在臣與地方諸臣奉職無狀所致除臣痛加脩省并行司府等官各一體修省及與運司通州官庫借處無礙官銀委官分投量行賑濟以延旦夕之命仍令掩瘞骸骨并祭告諸神外其淪沒丁口消折引鹽數目并應處事宜候行各該司府官勘覈至日另行具題

地方異常災變乞賜賑恤以全國課疏

先該兩淮都轉運鹽使司經歷司呈稱通泰三分司所屬呂四等場於嘉靖十八年閏七月初三日陡遇東北風起海潮驟漲淪沒人畜田產消折在官廩鹽等因到臣臣隨行委官查勘已將被災緣由於本月二十四日具題外續據本司呈承准使司照會行准委官判官韓守葵黎琳各查勘得通州分司所屬呂四餘東餘中餘西金沙豐利西亭掘港石港馬塘等場漂沒官男婦共壹拾捌員各口竈丁男婦共柒千肆百捌拾陸名口內辦鹽正丁貳千捌拾陸名遺下無徵鹽貳萬貳千叁百貳引其各場已徵在官廩鹽自嘉靖十年起至嘉靖十八年閏七月初三被災日止共計貳拾柒萬叁千伍百捌拾陸引伍拾陸斤內淪消壹拾捌萬柒千伍拾叁引捌拾斤及漂沒場司捌座便倉伍處竈房肆百壹拾柒座竈舍壹萬柒百柒拾肆間油池叁千伍百柒拾伍面鹽具貳千伍百捌拾伍副并損失盤鐵捌拾角塊鍋鐵叁千叁百柒拾捌口及查勘得泰州分司所屬角斜拼茶丁溪

海草堰梁架何架富安豐東臺等場漂沒竈丁男婦共叁千玖百玖拾玖名口內辦鹽正丁壹千肆百捌拾叁名遺下無徵鹽壹萬伍千伍百捌拾引其各場已徵在官廩鹽亦自嘉靖十年起至被災日止共貳拾萬柒千貳百壹十五引壹百肆拾捌斤內滄消伍萬叁千壹百柒拾捌引壹百玖拾肆斤及漂沒場司壹座竈房玖百捌座竈舍壹萬貳千六百玖拾間溝池伍千柒百伍拾叁面鹽車柒百貳拾柒輛水黃牛壹千貳百玖拾肆隻并損失盤鐵壹百伍拾陸角塊鍋鐵壹千叁百捌拾伍口又查得淮安分司所屬伍祐新興劉莊廟灣白駒等伍場并續報板浦徐濱浦貳場漂沒竈丁男婦共叁千玖百柒拾陸名口內辦鹽正丁壹千肆拾陸名遺下無徵鹽捌千捌百肆拾伍引其各場已徵在官廩鹽自嘉靖十三年起至被災日止共肆拾壹萬捌百壹拾引壹百柒拾玖斤內滄消壹拾叁萬壹千柒百捌拾壹引壹百柒拾玖斤及漂沒場司貳座便倉壹處竈房捌百柒拾座竈舍玖千玖百玖拾間溝池貳千叁百玖拾貳面鹽車

吳疎山先生遺集

卷之一

奏議

十

陸百陸拾肆輛水黃牛貳千陸百貳拾玖隻馬廩驢共壹百肆拾柒匹頭并損失鐵鐵陸百陸拾叁口通計三分司所屬前項場分共該漂沒官吏男婦壹拾捌員名口竈丁男婦壹萬伍千肆百陸拾壹名口滄消在官廩鹽叁拾柒萬貳千壹拾肆引伍拾叁斤與漂沒場司共壹拾壹座便倉陸處竈房貳千壹百玖拾伍座竈舍叁萬叁千叁百柒拾叁間溝池壹萬壹千柒百貳拾面鹽車壹千叁百玖拾壹輛鹽具貳千伍百捌拾伍副水黃牛叁千玖百貳拾叁隻馬廩驢共壹百肆拾柒匹頭損失盤鐵貳百叁拾陸角塊鍋鐵伍千肆百貳拾陸口各備細造冊具呈到臣看得鹽課所以濟邊竈丁所以辦課無竈丁是無鹽課也目今竈丁雖有存者但漂沒之餘生理乏絕無尺椽片瓦以為安居無握粟寸縷以營衣食無鹹池鹽竈以事職業親屬離分寄命無所非填溝壑殆將流移兼之壯無妻室生聚河有竊恐十數年後壯者老而老者死沿海之地幾為荒墟矣此旦夕之患方來之憂可為寒心者也臣前者之賑查得倉庫銀穀俱少

吳疎山先生遺集

卷之一

奏議

十



雖權宜借處不過少延喘息而已其餘拯救之方阜  
蓄之策百未及一若非大加賑恤何能有濟臣竊念  
此竈丁平時輸筋苦骨日夜煎燒計所課入可當東  
南財賦之半而餘鹽之利以充天府萬一之用若朝  
廷有六賑惠亦每賴焉如今年淮徐之荒蒙朝廷連  
輒賑濟固皆餘鹽也豈有竈丁身自遭罹昏墊貼危  
若是而反不蒙一賑惠者此明主之所憐念而司計  
所宜將順者也臣又查得先年竈丁消乏節有招募  
僉補之例今竈丁死亡數多尤宜亟為募補至於商  
人開邊中納艱苦萬狀凡以為利也今商人預引到  
司前項場分半無鹽可支亦宜為處臣又查得先年  
事例鹽課虧折聽商人自行買補免其給賑但免賑  
之說惟可施於逃亡竈丁以寬總催之代陪而已若  
前項消折鹽課昔年一出通關之時皆已給賑今欲  
免之是使後之辦鹽竈丁反不得賑矣况每引商出  
賑銀止於伍分而鹽價殆將數倍以是知買補免賑  
之說亦惟可施於一時權以集事而已若今日蕩析  
之餘消折數多買補甚難就令免賑亦不能償其費

吳縣先生遺集

卷之二

奏議

十一

之二三竊恐後之商人以折閱相戒開中漸微則邊  
方之事誤矣此又不可不為之慮也夫免賑之說由  
前言之則病竈由後言之則病商商竈俱困非計之  
得臣愚反復思之欲求所以調停之策惟餘鹽一節  
尚有可處者伏望皇上俯念濟邊之重計垂憐被災  
之窮民乞勅戶部早為計處於兩淮餘鹽銀內量開  
五六萬兩聽委運司有司公正廉能官員會同親詣  
該場驗丁賑濟其少壯單丁極貧不能娶妻者每丁  
准給銀或三兩或四兩許令運司給批責同總催於  
附近州縣自相買娶此外修理窳房油池濬築草場  
堤堰與夫置買盤鐵鍋鐵鑿器之類俱各隨宜措處  
蓋欲為國家規恢數十萬之利不得不捐數萬以興  
之且又非如尋常水旱之災江湖泛濫之變可以計  
口推食區區延旦暮之命已也若夫死亡體丁查照  
舊例於通泰興化如阜等州縣人戶及浮寓寄居之  
民只在地方失迷鄉貫而鄰里稔知其無他者如自  
願投竈許於就近場分招募僉補若民人有犯私鹽  
徒罪以上者俱補充竈丁諸項差課暫且寬貸其前

吳縣先生遺集

卷之二

奏議

十一

分辦消在倉引鹽并見年泮沒竈丁遺下名鹽  
令商人各照分數買補仍計每引於原定餘鹽二  
百六十五斤數內量將四分之一免其納價以酬買  
補之費此後不為常例其不願多帶餘鹽者照依先  
年題准事例施行如此則竈丁之見在者不致流移  
招集者咸勸歸往商人雖有買補之費而受餘鹽之  
益其於國課邊防終有賴矣唯是臣叨奉勅命不能  
宣布德意兼疑和氣以彌災變於未形徒冒陳悲痛  
仰祈皇澤以塵九重之憂臣罪將何所逃哉伏望將  
竈丁先生遺集 卷之一 奏議 五  
臣罷黜俯賜施行俾海濱之民獲更生之慶臣不勝  
感激之至

辭免賞賚疏

先該本年六月間恭遇皇妣慈禧孝貞順仁敬誠一安  
天誕聖獻皇后梓宮南祔臣等會同撫按督率有司  
諸臣自奉迎入境至於出境賴皇上至孝格天龍舟  
安安地方諸臣不勝慶幸乃於近日接見邸報奉侍  
司禮監太監鮑忠等一本為遵勅劾誤事人員事  
內開高郵州知州鄧詒等俱各誤事又謂臣等與撫  
按諸臣俱各有勞等因奉聖旨每說的是這誤事  
并有勞官員禮部便甄別查叅來說欽此臣等聞命  
不勝竦息竊惟慈宮南祔萬乘厘憂凡在地方大小  
臣工暨于黎庶苟非大愚昧之人孰不奔走先後圖  
效尺寸者若臣等與撫按各官不過藉府庫之財因  
民之力分責有司以總其成焉爾矣今以臣等為勞  
而冒然居之是掩人之勞以為己功矣况臣等各官  
職係監司統有地方之寄所屬有司誤事罪難他諉  
試即忠等及科道前後論劾觀之如知州鄧詒陸時  
望知縣黃雲孫燦等官何者非誤事之人高郵徐州  
儀真浦縣等處何者非所屬之地今於有司之罪不

引之以爲己罪而獨於有司之功蔽之以爲己功設  
令居之不疑是其罪愈益重矣抑將何辭以解於有  
司之疑耶何者時俗驚爲趨競專事先容彼不將謂  
臣等亦有所覬而襲取之乎不然何功罪之相懸  
也臣等仰慙俯愧踴躍不遑竊意禮部甄別之際當  
能辨之者然恐未暇咨訪萬一猥將臣等一槩題  
覆終致誤蒙上恩顧顏有司之上獨何心哉夫守分  
不踰者臣之義也施恩不測者君之仁也陛下之俯  
從忠等所請是謂不測之恩非臣愚所敢窺也顧臣  
等自知已審又安敢隱默不言以受虛美而階僭賞  
之罪哉如蒙皇上念大禮告成不以有司誤事爲臣  
等之罪已是望外之福臣等感恩不朽如前所陳是  
謂碌碌因人成事少盡職分當然者何足比數以濫  
甄別之典伏望天鑒賜罷施行以明臣等不自欺之  
心免於叨冒之罪感恩亦且不朽矣

吳諫山先生遺集

卷之一

奏議

六

薦舉泰州王良疏

歷觀古神聖之君凡制禮作樂以開一代文明之治  
者莫不急登賢之舉勳旌車之招蒐擢巖穴羅而致  
之示天下以不遐遺之意而後休烈盛美燿耀天地  
雖深山窮谷海隅絕漠之濱猶知興奮故曰舉逸民  
天下歸心焉伏惟我皇上運撫中興躬致泰道天下  
豪傑之士彬彬擢用於斯爲盛泰之初九曰拔茅茹  
以其彙征是之謂矣至于九二曰不遐遺言泰之時  
賢人衆多其有退修靜養伏在僻陋者不可以遐而  
遺之也夫忠賢方彙征而尤慮其遺之遺焉茲非聖  
人保泰之心不自滿者歟稽諸古昔隆盛之時罔不  
率由斯道暨宋若司馬光呂公著輔政富國首薦河  
南處士者其亦有見於此矣矧惟我皇上聖性夙成  
道存敬一臨御之初親發德音以示天下固將期斯  
世斯民胥入於道者而謂四海之廣獨無伊人可與  
宋之邵雍程頤暨先朝吳興弼陳獻章輩後先相望  
以繫當宁不遐遺之思則是厚誣天下之無人而皇  
上立教之心亦孤矣臣實惑焉臣始嘗聞人言東海

吳諫山先生遺集

卷之一

奏議

七

之濱泰州安豐場有士王良可當其選者然尚竊慮  
盛名之下其實難副處士驚虛聲以欺世者亦時有  
之故惟藏之中心久矣臣近因奉命來巡兩淮乃得  
博詢于士庶聞其蚤歲僅受讀論語孝經亦不甚解  
蓋本非業儒者比及三十時一日偶有感於事親之  
際忽覺此心開明於前時所讀書者或啓之者遂從  
此一意向學銳然以聖賢爲必可至乃始論交於天  
下之士證疑於孔氏之書久之而所得日以遂焉其  
孝友忠信李於鄉黨宗族賢愚共嘆其隨人開導務  
盡其材四方之欲問業辨惑者羣至其門其好學之  
志老而愈篤臣試覈其名實果亦符應然後就而訪  
之見其襟懷灑落儀度雍容真機流行不事矯飾雖  
頃因執喪哀毀氣體稍弱而議論聲曲中人心精  
誠潛通使人有所感發蓋其學主於自得不落於言  
語文字之詮且少無鄒輸之習長不踐聲利之場平  
生不見異物而遷焉故其功夫最直截簡易而行年  
六十造詣日深就其所至其殆庶幾乎若玉之琢不  
復爲璞若金之鍊不復爲鑛視世之拘儒曲士斷非

吳棟山先生遺集

卷之一

奏議

六

大

所可擬者斯亦洛中之儔而與弼獻章之流也斯可  
謂聖世逸民矣臣獲之實竊慶喜乃嘆聖人關道以  
先天下天下必有應焉者殆不偶然也茲當竣事之  
期敢以上獻伏望皇上弘保泰之道軫不遐遺之思  
勅下吏部再加詢訪如果臣言非謬乞查照先朝典  
故將良致之闕下惟所簡用其於治道風教必有裨  
補臣叨承命使與有觀風之責山林隱逸分宜薦揚  
抑聞之孔子曰舉爾所知爾所不知人其舍諸臣之  
所知莫先於此固將舉之以爲天下兆也伏惟聖明

吳棟山先生遺集

卷之一

奏議

六

大

裁察幸甚

表章古文孝經疏

竊惟自古聖人言述作者必歸孔子言道者必歸六經六經出而天下有以言觀聖人者矣孔子蓋慮尚言之風勝而行因以微乃孝經則專明君臣父子彝倫之道以興民行而立教本故孝經精載孔子云欲觀我喪貶諸侯之志在春秋崇人倫之行在孝經是知孝經固與六經相爲表裏矣孔子沒後諸子分爭尙言之風競相殺亂至秦患之乃燔滅文章以愚黔首而孔氏之經幾於亡廢漢興改秦之敗始復表章

吳山先生遺集

卷之一

奏議

三

慨然興慕親製序文勒諸貞珉垂天下訓可謂信而好古矣當時羣臣議者不能推明古文反以閨門一條爲疑而古文遂廢今文又未能改於分章之謬如之何而不啓後世之疑也何者若據從前分章則是大雅一詩聯綴於首章之末其下每章皆先言天子諸侯卿大夫士之孝末乃引證類結而詩書所稱殊不應經義且於庶人之孝何獨無所證乎是無怪乎後之人求其說而不得則以所引詩書爲漢儒所增者今誠去分章而讀之而以大雅明天子之孝甫刑

吳山先生遺集

卷之一

奏議

三

取他書以附益者未必孔氏舊文然孔子他日繫易亦嘗用春秋傳穆姜之言宋儒臣朱熹解之曰疑古者有此語穆姜稱之而夫子取焉天下卒未有疑於易者何獨至於孝經而疑之乎夫孝經與論語古昔並傳論語尚多出於諸弟子之所雜記孝經字字句句皆自孔子口中流出且與尚書同出孔氏壁中尤足以信當時而傳後世無疑者乃隕缺弗嗣不得列於語孟之間而為異家之所覆冒庸非文明之世一缺典歟况我朝稽古正學一惟孔子之道是崇是信而皇極之建彝倫之叙莫先於孝焉則斯書也固將揭日月而中天有待也今觀之鄉閭里巷童而習之者往往而是然不過以為句讀啓蒙之書而已蓋鮮有能深思力踐以究極其旨趣者至於學校師儒漫不知講而弘文博學之士反視之以為淺近不亦大謬戾歟伏惟我皇上大孝通於神明德教加於四海而尤勞心經藝追隆古昔表章之機是在今日如蒙愍學微缺俯垂采納乞勅下儒臣再加會講并將秘閣所藏古文孝經重加訾校一洗從前分章之謬以

吳謙山先生遺集

卷之一

奏議

三

全復孔氏之經書成恭錄進呈以俟詔可然後列之經筵頒示學官與五經四書並行肄習則孔壁遺文燦然復著而文明之化益光於天下矣語云中流失船一瓢千金厥今學者弄經任傳廣購癖求至泛濫於百家而無所底止航而濟之此其機矣然則簡牘無用之文修明先王之典以一道德而同風俗不尤在於今日乎惟陛下留神幸甚臣謹將集傳中所載古文孝經繕寫一冊隨本上進仰冀聖明少厘睿覽而臨決焉干冒宸嚴無任戰懼待罪之至

吳謙山先生遺集

卷之一

奏議

三

乞養病疏

臣由進士歷陞監察御史欽差差往南直隸督理兩淮鹽課兼理河道於嘉靖十七年十月初十日接管行事臣自愧凡庸叨承簡命晝夜焦思勉圖稱塞緣臣體本怯弱不耐勞劇嘉靖十八年七月間巡至揚州府感冒暑疾旬日不能視事因巡歷通泰分司等處地方冀少安靜調理不意閏七月初三等日風雨大作海潮暴湧臣於此時復以病軀深入其地撫輯甯民以致濕氣熏蒸鬱為痰厥泄瀉等證兼之舊時吳疎山先生遺集

卷之一 奏議

舉發亡血過多聞膏力疾視事即怔忡恍惚至於僵仆忽於十月十六日晚一時痰壅壅盛不省人事良久方蘇自受病迄今三月病日劇職務漸廢徒虛糜廩祿而已臣竊念巡歷一年已滿差官更替在即臣進不能前退則無所昏憤憂思莫知所為伏望皇上垂好生之德察臣危迫至情乞勅吏部照例放臣回籍就醫調理所有原奉勅諭容臣差人齎捧進繳臣得少延殘喘以圖將來補報實陛下再造之恩也臣無任惶懼仰祈天恩之至

吳疎山先生遺集卷之二

奏議

禁止私交以勵風節疏

竊惟人臣義無私交所以杜奔競之門塞貨賄之源導人於禮義廉耻之歸而示以朝廷清明之治也臣訪得往時朝覲官員考察既畢俱赴部院合干衙門當堂參見蓋為述職而來故以其職相見此國家之公禮人臣之通義也夫何方面以及知府乃復於大臣私第遍行候謁至於科道亦皆浴門投刺間有通吳疎山先生遺集

卷之一 奏議

贊之舉遂為因襲之規臣不知此何義也夫禮尚往來雖自古為然要皆緣人情以立制使親者無失其為親故者無失其為故而己故士相見之禮聖經攸載而交際之節聖王不之禁焉今者素昧平生之人非有嚮慕之雅不由介紹競相趨謁逐羣成習恬不為忤况復懷其利以相接豈盡定其交而後求此有異市道之為耶律以人臣無私交之義臣知其不能免矣且國家之所以勵世磨鈍約束人心者賴有禮義焉爾已大臣者所以綱維乎是者也科道者所以

禮察乎是者也若皆依違附和不相防檢決禮義之大闕而踰之國家將何賴焉矧茲三載考績正黜陟開明之期人心更化之始彼習見在內諸臣其好尚如是中下之人必不知自反於廉愧之節矣其所處於人心風化者誠非小也臣間與科道諸臣論議及此皆欲亟解頤除奮不宿諾而況於大臣寧無振飭之意乎但恐在外諸臣狃於習俗之故視爲常態而循襲不改是使清朝之化無以示遠而綱維補察之臣有不得辭其責者如蒙乞勅吏部都察院曉諭

吳山先生遺集

卷之二

奏議

二

今次來朝官員止許公所參見其私第相見之儀一切禁止而爲大臣及科道者尤宜慎擇所與避遠嫌疑不得私延徧攬以貽招權納賄之譏則積弊自絕體統自嚴人心自知警畏而於觀典亦有光矣

重守令以圖治安疏

臣聞天下之治忽在民之安危在守令自昔豪傑之士往往願試於郡邑而其不階於上者雖陟華階要其心終有憐焉良由國家以民事爲急而重守令故人樂趨之耳臣頃者奉命巡按河南取據按屬官員文冊查得該省爲州者十有三爲縣者九十有四而缺知州知縣殆三十餘員臣竊伏思念河南京師右腋天下中處士之所樂於遊宦與吏部之所重於擇人者猶尙如是何況遐方外徼偏都下邑其爲曠

吳山先生遺集

卷之二

奏議

三

缺不言可知臣曩在闕下聞天下州縣多缺正官緣聽選舉人不肯赴部以故無從選補是有由然矣蓋重內輕外恒情固然自非豪傑能無趨避所貴於銓衡之任正謂其劑量天下之輕重而與時推移以救其失耳迺近年以來士風日競一登仕籍遂志崇階俯視郡邑如往遷謫蓋其勞逸安危與夫遷轉淹速方之內外迥不相侔奈之何其不舍彼而就此也臣嘗謂進士一科取人三百有奇不爲不多矣誠做國初之制或用其十八九於州縣自可以布廣於天下



而例多選以京秩謂之愛才然則爲州縣官者豈皆  
不才也國家以此待士士以此自待欲使豪傑之士  
願試於州縣者望風嚮用誠亦難矣是以舉人九而  
效之方其年力富盛可以有爲之時惟進士是期不  
肯甘心於就選而其爲州縣者蓋有曰暮途窮計出  
無聊之人夫用人猶用兵也兵法曰朝氣銳晝氣惰  
暮氣歸今釋其銳而乘其惰且歸者從而用之未見  
其能濟矣是故舉人之有弗若進士者非必其才之  
罪也要亦用之違其時耳假使國家之待進士亦復  
吳崧山先生遺集 卷之二 表議 四

便使之及時出仕勉圖功業不許遷延逸豫曠違選  
將後諸司遷轉尤當均其出入以寓調停之意所  
貴裁抑僥倖鼓舞奮庸則守令不患於乏人而循良  
之盛太平之業可坐而致矣

吳崧山先生遺集 卷之二 表議 五

請褒恤原任都御史王廷相疏

據河南布政使司經歷司呈奉使司劄付該臣批據  
開封府儀封縣申准本縣儒學呈據廩增附生員馮  
承宣等呈稱本縣原任太子太保兵部尚書兼都察  
院左都御史今為民王廷相於嘉靖二十三年九月  
初七日在家病故切惟本官自筮仕以來鞠躬盡瘁  
四十餘年功業文章在在可紀人品氣節歷歷可觀  
願今為民歸田違爾云及閭里傷悼聞者哀感呈乞  
轉達奏請褒恤以資泉壤等因具呈到縣隨據在坊

吳疎山先生遺集

卷之十一

奏議

六

等一十五鄉里老許臣等亦呈相同切照委身盡命  
皆臣子之分所當為修廢舉逸乃聖朝之典所不靳  
况蓋棺已定公議攸存駿骨且收人心始勸今據繁  
縣士民合詞具呈擬合申請伏乞照詳施行蒙批布  
政司查議呈報依蒙行准本司掌印左布政使張時  
徹右布政使何鰲議照原任太子太保兵部尚書兼  
都察院左都御史今為民王廷相文章名世追古昔  
以無慙節介自持更險夷而如一駭歷中外功蹟素  
隆總領憲臺建明益盛在朝有大臣之風度久被眷

知去位膺廷論之薦揚崇見推用况其忠厚正直之

德重為閭里學校之推今茲淪沒罔不盡傷相應具  
實聞奏仍請量加褒錫以表忠勤庶幾泉壤有光式  
昭國家賞善之典而士民胥慰益廣皇上宥過之仁  
矣等因具呈到臣備查先據儀封縣申前事已經批  
行該司查議去後今據前因臣會同欽差巡撫河南  
等處地方都察院右副都御史雖昂巡按河南監察  
御史徐南金議照原任太子太保兵部尚書兼都察  
院左都御史今為民王廷相一世名流薦紳屬望立  
言足以明道脩德有以淑人早受上知渥蒙眷注晚  
因註誤偶爾投閒方其致身廊廟庇民之績甚多至  
於遠跡江湖戀主之誠無替屢經推用正懸蒼生望  
起之思胡不憇遺宜測當宁求舊之念似應量加恤  
典庶幾少勵人心臣等職在觀風謹先崇勸凡匹夫  
殉節尚欲表聞矧國之故臣敢容寢默伏望皇上俯  
賜采納勅下該部查議上請定奪臣等不勝戰慄懇  
祈之至

吳疎山先生遺集

卷之十一

奏議

七

改建歸德府治疏

據河南布政使司經歷司呈奉使司劄付該臣批據河南布按二司守巡大梁道左叅政金清僉事翟錦會呈蒙本院批據開封府歸德州申准本州學印知州李應奎開據本州儒學生員王言等呈稱本州三省交匪軍民錯處盜賊易生輯寧難致本州雖設有分守道而駐劄無常又設有守備司而威權未振合無改州為府增附以縣再量撥汴東州縣隣近者以屬之分守道常駐劄開封可也守備司可不設立或

吳頌山先生遺集

卷之二

奏議

八

改駐劄宿毫亦可也道里適均民心甚便隨據里老朱交等呈稱相同據此議照本州舊為歸德府附郭睢陽縣國朝改為歸德州因地多水患又彘析於直隸山東故改州隸開封府不得已而遷制也即今河屢南遷勢當俗變相時度勢改府允宜伏乞轉達議處如果改府便宜充拓守備司為府治更改州治為附郭或仍州治為府治別建立附郭一縣若展城廣堤之舉姑俟另行議處申乞略詳蒙批守巡大梁道議呈繳又蒙欽差巡撫河南等處地方都察院右副

都御史雒昂批據該府亦申前事蒙批仰守巡大梁

道議報依蒙行據開封府申稱國初建立該州迄今百六七十年于茲生齒日繁戶口益增開闢日廣財賦益充地利人事大非昔比統馭宜重況以本府計之道路往返動經五七百里三省之交雜勾攝之艱難輸納之勞費此地之不可不改也又歸德軍衛原隸直隸合居一城錢糧之影射官舍之豪強法度之玩愒有非州官所能臨治者此勢之不容不改也但查睢州原與歸德相隣合無撥該州併其所屬二縣

吳頌山先生遺集

卷之二

奏議

九

共歸德原屬五縣以隸之守備之設原為路當會衝保障一方似難改建緣由到道查得歸德州所轄五縣曰寧陵曰鹿邑曰夏邑曰虞城曰永城地連三省東北則為山東之曹定金單諸縣東南則為直隸之徐宿潁毫諸州而州治之中歸德一衛則又直隸江北州屬開封去府三百餘里而屬縣遠者甚至五百餘里職等巡歷該州親見其境土寬平道路衝會提封萬井人民繁庶真要害之區雄劇之郡即今盜賊日生逋逃四集軍衛屯田與民相雜弱肉強食為害

百出州官事權不重一有勘問必行一以府往返之勞  
動輒千里糧餽之費必須旬日小民坐受其病地方  
日見其難誠有如該州之所申者職等又查得開封  
一府所屬州縣衆多其在隣近號令易行惟獨該州  
遠隔大河聲教懸隔民瘼未便相聞惠澤實難下究  
如山西潞州改爲潞安府如雲南金齒改爲永昌府  
誠爲不可已者查得該州諸司皆備今若改州爲府  
則州廨即可建爲府衙增益工費不多外止添設一  
縣爲力亦易况逸道使民所勞者暫而貽安者遠既

吳疎山先生遺集

卷之二

奏議

十一

經該府覆議前來似應采擇但事情重大伏乞再行  
三司從長詳議呈請施行等因具呈照詳蒙批布政  
司會同都按二司詳議呈報備蒙抄呈到司又蒙欽  
差巡撫河南等處地方都察院右副都御史雒昂批  
據大梁道亦會呈前事蒙批改州爲府事體重大仰  
布政司會同都按二司并守巡該道再議呈奪依蒙  
行准本司掌印左布政使張時徹右布政使何鰲會  
同河南按察司署印僉事翟鎬河南都司掌印都指  
揮僉事沈一元守巡大梁道左叅政金清僉事翟鎬

會看得守巡大梁道議將歸德州改立爲府及添割  
睢州并所屬考柘二縣爲屬一節議照厚下奠民惟  
在保障之設除殘禁暴莫先政令之行今歸德之治  
介在東南之區道里既遙號令難及又當三省之交  
積爲姦盜之藪而歸德一衛直隸江北軍舍強橫侵  
擾居民守備既不加約束州官又不能控馴以致連  
逃四集盜賊橫生衆務叢脞設獄蝟與百姓之殘弊  
日甚而公家之賦役難供若不亟爲通變之圖將來  
莫救瓦解之患如蒙改州爲府則體統尊崇得以禁

吳疎山先生遺集

卷之二

奏議

十一

治強暴而事權歸一亦可輯寧地方誠爲保障至計  
况既經勘議前來相應准擬其守備官員原以防禦  
諸省用戒不虞難以輕議改革合無准照守巡該道  
及該府州所議特爲具奏乞將歸德州改立爲府原  
轄寧陵等五縣更割睢州并考柘二縣隸之卽將州  
治改爲府治少加充拓仍增建附郭一縣其州學改  
爲府學照依江西之南安府湖廣之漢陽府不必再  
設縣學其改建衙門合用工料并添設官吏加增餼  
廩均徑等項候奏請明文至日備行守巡該道督同

該府州掌印正官從公查估某項作何派辦某項作何設處務在區畫得宜官民稱便另行呈請施行其原設守備衙門照舊駐劄不必更改等因其呈到臣據此簿查先據開封府歸德州申前事已經批行守巡大梁道會議前來又經覆行布政司會同都按二司詳議去後今據前因臣會同欽差巡撫河南等處地方都察院右副都御史羅昂巡按河南監察御史徐南金議照自古聖王疆理天下肇建邦邑以統馭民庶必察形勝之宜均道里之節因時廣制分地斥

吳諫先生遺集

卷之二

奏議

三

封使其遠近適中四面輻輳輪將徑役不勞而至夫然後吏治脩明綜理周密民氣和協內守外附雖卒然有警而無判渙離散之憂河南一省爲府者七開封府所屬州縣迺四十有三其餘六府大者不過十三四小者纔六七而已以故開封府號稱難治蓋天下劇郡莫廣於此矣歸德州與其所屬寧陵等縣介在府之東偏軍衛錯雜民俗獷悍州官位秩卑小無能制馭府官因其僻遠亦罕巡歷形格勢禁事多掣肘其諸錢糧獄訟一切重大事情關白於府者往返

千里曠踰旬時小民踣仆道塗怨氣抑塞甚或徃其

遠阻經年廢闕而無如之何蓋諸州之難治未有甚

於此者且其地連三省水陸都會加之永城有保安

山鹿邑有安家酒十字河等處皆盜賊巢穴連連淵

藪往年流賊楊虎監徒王鏗董乘間竊發地方幾至

搖動州官之不競已見於此矣萬一復有意外之虞

則侵軼南北震驚畿輔委形勝之地以資寇亂豈不

重可慮哉是其建置關於利害之大不待智者已知

其然矣今該州士民人懷自危之心欲爲圖安之計

吳諫先生遺集

卷之二

奏議

三

力祈改府萬口一詞而三司分巡該道以至於該府該州庶官莫不翕然稱便况其所議制惟從舊費亦不煩臣等察之人情揆之事勢誠切安危所宜急慮伏願皇上俯徇稽眾之謀深惟保邦之慮下臣等所議於該部從長查覈如蒙准將歸德州改立爲府於丙增建附郭一縣并原轄寧陵鹿邑夏邑虞城永城及添割睢州考城柘城共九州縣以隸之則事權歸一統紀不煩上下得以相維自免於牽制之患而聯絡懷衛襟帶汴河昔人謂爲江淮保障未必無所藉

崇聖祀以明統疏

臣奉命巡按河南至于陳州恭謁太昊伏羲氏陵寢  
竊見墓廟荒壞歲久莫肯敢緣使臣楊憲之誼移文  
有司因舊益新用稱國家崇報之禮臣謹按史誌伏  
羲氏成紀人都宛邱即陳州是也崩葬於此墓在蔡  
河之北歷世相傳諒不誣已我太祖高皇帝平定天  
下之明年車駕幸汴過陳親為文致奠已而命有司  
春秋修其常祭每三年一傳制遣官祭之正統元年  
守臣疏請又增建廟貌列聖相承至于我皇上御極

吳疎山先生遺集

卷之一

奏議

古

尊崇益至誠希代之盛典也臣因伏思念自有生民  
以來聖神代出雖古文昧畧莫之能紀然繼天立極  
如伏羲氏者未有或之先也其開道統之源肇文字  
之祖作先天八卦而天下之能事具矣後雖有聖者  
無以外於此矣孔子修文明之業極述作之隆三張  
斯道未有倫比然語精蘊成在於易觀於十翼之贊  
其推尊之意不亦可見哉臣嘗私竊論之伏羲聖之  
大始也孔子聖之大成也先孔子而聖者非伏羲無  
以始後伏羲而聖者非孔子無以成二聖人道垂天

下功覆萬世孰得而先後之耶而自漢迄今天下皆  
知師法孔子至於伏羲氏之道則相忘於無言之化  
竊意師道與君道並也何者天下之大分二君一位  
師一位師者帝王不必與也由此言之羲孔之道同  
然而功烈異者乘時之位異矣然則伏羲達而為天  
下君孔子窮而為天下師豈非天地之常經古今之  
通義哉今孔子學宮在天下而曲阜林廟其制尤隆  
如陳州者伏羲故都實乃治教權輿道統開基之地  
況其陵墓所在神明格思真猶孔子之闕里也我國

吳疎山先生遺集

卷之二

奏議

古

家專廟之建獨超前古粹乎無以議為矣但其所祭  
原未定有儀注有司未由遵守禮文猶多闕畧其春  
秋亦未定期有司多以丁祭之次舉行於禮未協臣  
聞之禮曰三王之祭川也皆先河而後海或源也或  
委也此之謂務本先孔子而後伏羲者是猶觀東海  
之汪洋而忘崑崙之源流也其殆未之可乎臣愚欲  
乞皇上特加崇顯以昭殊典牲獻樂舞著于令式其  
春秋之祭似宜於二仲甲乙定以一日蓋甲乙者日  
之始亦取木德王之義也月令其日甲乙其帝太皞

其是之謂乎至於陵戶之設已有定式似宜量增廟戶二三名以廣掃除之役而其圯闕者聽有司時加修葺焉庶幾不至仍前之荒壞也凡此比於孔子林廟之制殆可以義起者臣觀風河洛吊古興思一念追邇之誠偶有所見用敢上塵睿覽伏惟皇上道遠天地祀秩百王顧於首出聖人未加隆異知必有契於淵衷矣如蒙乞勅禮部詳加查議上請聖斷裁定祀事俾義孔二廟卓然竝茂於陳魯之間則重本追始天地之情以昭治偉教隆君師之道益光矣

吳謙山先生遺集

卷之二

奏議

去

議處祿俸錢糧疏

據河南布政司經歷司呈奉使司劄付照得河南一省周趙汝鄭伊唐崇徽八府初封本色祿米止六萬四千五百石迄今一百七十餘年宗支蕃衍周府親王郡王將軍中尉并郡縣主君儀賓及養贖口糧妃夫宮眷人等共三千四百六十二位員歲支祿米六十三萬一千一百五十九石六斗趙汝鄭伊唐崇徽七府親王郡王將軍中尉并郡縣主君儀賓及養贖口糧妃夫宮眷人等共六百四十四位員歲支祿米一十八萬三千九石宣武等二十三衛所儀衛司羣牧所官軍旗校都布按三司開封等七府并汝州祥符等一百八州縣及各長史司官吏師生孤老人等俸月等糧六十七萬四千八百六十七石與祿米總計每年歲用一百四十八萬九千一百一十六石六斗零及查見年勘合坐派夏秋存留麥米八十三萬五千六百八十一石九斗零內又起派甲丁二庫生銅等料去米一萬四千五十七石一斗止有存留麥米八十二萬一千一百一十一石九斗零內除拋荒

吳謙山先生遺集

卷之二

奏議

七

補餘等項麥米二十四萬六千一百一十三石原係  
輕折外熟地麥米實有四十七萬四千九百九十八  
石九斗并棗子易米二萬五千七百七十一石四斗  
屯田子粒二十七萬九千二百七十三石二斗通共  
一百一十二萬六千一百五十六石五斗零八府親  
王郝王將軍中尉郡縣主君儀賓祿米并文武官吏  
師生旅軍孤老人等祿俸等糧俱在其內以致歲入  
不敷歲用縱使每年無災全徵比前歲用少糧三十  
六萬二千九百六十石一斗嘉靖十五年以前積欠  
吳諒山先生遺集 卷之二 奏議 大

九斗并各年歲派不敷歲用又少糧九十六萬六千  
六百六十七石一斗共欠祿俸等糧二百七十一萬  
三千七百六十五石零內除各年派剩麥米與開納  
事例銀兩補放外仍欠一百七十九萬一千二百四  
十石并十五年以前通共欠祿俸等糧三百萬七千  
五百六十石本司無計處補於嘉靖二十年十一月  
內呈蒙前巡撫河南右僉都御史魏有本巡按河南  
監察御史趙繼本會本議開各項事例上納入監生  
員止許五百名其餘吏農等項俱以文書到日爲始  
限嘉靖二十三年十二月終停止許本省布政司所  
屬人員上納專備祿米支用奏行戶部題奉聖旨依  
擬欽此欽遵備行本司遵依召納外及查本年夏秋  
存留計少歲用糧三十二萬五百六十石幸蒙戶部  
勅合坐撥夏稅派剩小麥折銀五千七百九十一兩  
五錢秋糧派剩米折銀五萬六千四百六兩三分六  
釐照前題准事理存留本司可補祿糧一十七萬七  
千七百七石零仍少本年歲用糧一十四萬二千八  
百五十三石嘉靖二十一年又災免夏秋存留麥米



并歲派共少糧五十四萬四千三百八十四石五斗  
本年奉戶部勘合坐撥夏稅派剩麥二千四百五十  
石該銀一千五百九十二兩五錢存留本司可補祿  
米四千五百六十四石其秋糧該照上年撥派剩米  
九萬四千一十石六升該銀五萬六千四百六兩三  
分六釐不蒙存留盡數改撥保定良鄉等倉米豆九  
萬四千一十石六升各價不等該銀六萬七千九百  
一十二兩八錢二分起解各倉上納以致本年歲用  
少糧五十三萬九千八百一十石五斗零本司無從  
吳謙山先生遺集 卷之二 奏議 三  
計處乞要將前存派剩米銀改派起運保定等倉米  
銀數目照舊取回本省補放欠缺祿米支用具呈巡  
撫河南右僉都御史魏有本巡按河南監察御史楊  
勉學詳批據議明切除會題訖仰候欽依至日施行  
遵候未奉明示通前節年災例減免并歲派不敷少  
糧三百六十九萬二百三十三石五斗若照放支祿  
米事例每石三錢五分軍校月糧每石二錢五分該  
銀九十七萬九千四百一十餘兩除前開事例召納  
監生吏農人等共銀一十萬四百一十兩并總部京

邊錢糧委官發回扣留餘銀等項折補外仍少祿俸  
等糧銀八十萬八千二百九十二兩五分及查嘉靖  
十七年春季起至嘉靖二十一年冬季止趙鄭等六  
府宗室該祿米銀二十四萬一千九百三十五兩零  
俱在各府并鈞州放支周府宗室該祿米銀九十七  
萬三千八百一十八兩七錢五分在本司庫放支彼  
時庫查止有原收節年徵解應支祿米銀五十七萬  
八千八百七十二兩七分欠少前項災例免過銀三  
十九萬四千九百四十六兩六錢八分逼索無奈具  
吳謙山先生遺集 卷之二 奏議 三  
呈撫按衙門權宜借支兌軍柴薪生銅胖襖陝西布  
價等銀補放訖其前借未還與奉例減免共少銀八  
十萬八千二百九十二兩五分俱行本司巨盈庫查  
補去後續據該庫開稱續收有應支祿米事例銀一  
十萬九千三百九兩五錢除補還解納外仍欠嘉靖  
十九年兌軍該解太倉銀三萬二千五百四十六兩  
與兵工二部并陝西通州布價及柴薪等項銀二十  
萬五千二十兩一錢八分與奏留嘉靖十九年兌軍  
聽留軍需支用銀四萬八千七百一十兩并前項災例

減免少祿米等糧准折銀四十一萬三千三百四十四兩三錢七分嘉靖二十三年春夏二季又該放周府宗室祿米銀一十萬四千七百九十九兩五分庫收止有應支祿米銀五萬五千六百七十二兩五錢七分九釐幸遇正改兌軍小灘鎮買米扣出餘銀四萬九千一百二十六兩四錢七分一釐方得補給放支訖其趙鄭等七府宗室亦又該各季祿米銀九萬六千餘兩本省自嘉靖十一年春季起至嘉靖二十三年夏季止計五年零六個月除官吏軍校孤老人等俸月等糧并周趙等八府親王祿米外放過郡王將軍中尉郡縣王君儀賓祿米折銀通計共該一百六十二萬三千七百七十九兩九錢九分內趙鄭等府祿米銀三十三萬七千九百三十五兩雖在各府并鈞州放支其不敷者亦在本司補給周府宗室該銀一百二十八萬五千八百四十四兩九錢九分除應支祿米銀續收補還借支兌軍銀兩外仍有未還兌軍等銀三十三萬七千三百二十一兩一錢四分并災例減免少祿米等銀四十一萬三千三百四十四兩

吳疎山先生遺集

卷之二十一 奏議

三

三錢七分與嘉靖二十二年災免并歲派不敷共少糧三十二萬一百六十七石九斗嘉靖二十三年歲派少糧一十七萬八千三百三十七石三斗俱無從計處雖有見開事例召納未上監生二百餘名并吏農人等俱因本省地方連歲災傷民窮財盡加以備虜羅買糧料草束修築各處城鎮選取勇夫人心違違納者甚少其例限本年十二月終停止及查周趙等八府前項宗室位員又該歲用折色祿米九十五萬三千九百一十石五斗五升折鈔一千四百三十萬八千六百五十貫都布按三司并合屬官吏人等歲用折色糧九十八萬四千三百四十三石六斗該折鈔一千五百一十四萬七千六百八十四貫二項共歲用鈔二千九百四十五萬六千三百三十四貫司府庫止收官吏鄉民戶口并課程等項共鈔五百一十二萬五千六百七十七貫比前歲用每年少鈔二千四百三十三萬六千五百五十七貫有零念惟宗室日漸蕃盛歲用日漸加多比之初封多糧一十二倍見今拖欠災免歲用不敷借支等項不可勝計蓋各

吳疎山先生遺集

卷之二十一 奏議

三

省宗室之盛未有如河南而祿俸欠缺之多亦未有如河南者節該本司具呈撫按衙門奏請補給仍欠前數卽今王府宗室儀賓在各省者日逐赴司遍討在外者不次差官守取官軍旗校人等亦然況今秋冬二季期又迫近又該周府宗室祿米銀一十萬餘兩本司庫見在銀不過六萬餘兩俱係應解大同延綏等處緊要錢糧難以借支本司日受凌逼有非口給所禦文移所能推搪束手無策既難以應酬計窮望絕又無所迴避前借未還銀兩見奉戶部催取富

吳謙山先生遺集 卷之二十一 奏議 五

戶通州紙價贖罰并兌軍該解太倉銀兩兵部催取缺官柴薪工部催取生銅班匠絲價等銀延緩取討陝西布價又該選軍需驛傳等銀不下數萬若不及今早爲陳情奏討將來年復一年愈不可支持矣乞將後開比例請討太倉臨清折糧銀兩并量減糧料價值與折鹽課復派剝便收屯糧展開原奏例限等項轉爲會奏定奪等因到臣行間又據布政司經歷司呈爲門禁專抄蒙巡撫都御史雒昂案驗准都察院咨前事准禮部咨該本部題合候命下本部移咨

都察院轉行各省巡撫官員備查各王府祿糧果係拖欠日久卽行所司設法查處補給若有干礙額派錢糧事體重大撫按官員詳查議處停當會本奏請定奪庶免宗室動稱窘迫赴京奏擾再照各宗室越關來京雖奉有節年嚴旨禁例多玩視不行遵守私自來京絡繹不絕至今次俊懋等六人一同到京尤爲前此所無誠恐各府轉相效尤漸難禁遏合無容令本部查照先今嚴旨禁例通行天下有王府地方官司轉行該府長史教授具啟親王并管理府事郡王將軍知會卽便省諭各宗室今後務要遵守節年題准禁例各安城府保守封祿如果有拖欠祿糧等項各具啟親王轉奏或令人具告各該撫按官處奏請處分若再不遵盜肆來京奏擾除將所奏事情照例立案仍遵照前旨題察不拘事情輕重俱送發高牆以信國法及將該府輔導等官從重參究治罪等因題奉聖旨各王府祿糧通行各省巡撫官卽便設法查處補給宗室冒干法禁來京奏擾的照節年例行其餘依擬欽此欽遵備行本司查照遵依及行周

吳謙山先生遺集 卷之二十一 奏議 五

趙等八府長史司啟王禁諭外緣由備呈到臣臣會同欽差巡撫河南等處地方都察院右副都御史維昂議照河南一省地有定額而宗室日以蕃衍賦有常供而歲用日以倍增且又災傷頻仍恩詔蠲減借欠兌軍等銀三十餘萬年復一年積欠愈多即今各屬倉庫空竭戶口消乏兼以軍儲河夫等項供億浩繁百孔千瘡計無所出今該司所呈乞要比例請討太倉臨清折糧銀兩并量減糧料價值與復派剩折鹽課便收屯糧展開原奏例限多方設處以補原借

吳諒山先生遺集

卷之二

奏議

六

奏議

兌軍等銀及各年拖欠宗室祿糧支用無非巧貨涓取用救焚如之急誠非得已若不早為議處而坐須其弊將何以善其後也況今舊欠未償新欠懸待王府宗室或親自逼討或差人催取殆無虛日官軍旗校人等又往往告乏而戶部各邊所借皆係軍國重務何能以空文應之事勢至此司計者蓋亦難為處矣臣等責任地方謹陳其事伏望聖明憫念地方災傷公私匱乏額外之供無從處補勅戶部再加從長計議早賜施行庶幾廣祿以馭富而親親之道益隆

漕輸以佐賦而元元之惠斯薄矣宗室幸甚地方幸甚

計開

一 比例請討太倉臨清折糧銀兩以補借欠兌軍等銀

一 請量減糧料價值

一 請折鹽課以補欠缺本折祿俸

一 請復派剩少補祿米

一 便收屯糧以足官軍月俸

吳諒山先生遺集

卷之二

奏議

七

奏議

序記

表章古文孝經序

孝經者孔子為曾子言孝也其言天地之性人倫之行上下內外罔不備矣而統於孝焉故曰孝經其曰古文曰今文猶尚書之有古今文也其分章則漢儒為之非經本然也佛少時嘗誦今文比得朱子刊誤讀之始識所謂古文者刊誤以舊本七章之前合為一章謂之經後為十四章謂之傳諸儒疑處更為刪

定然攷漢藝文志孝經古孔氏一篇也析以為傳是二之也邇僭不自量依所枝古文去分章以復古之舊而諸儒所疑嘗竊求之孝經首言孝者五而證以詩書者五自分章乖次而義始晦蓋漢儒設也未必詩書可刪也一篇之義間見互出實錯綜成文之自然也未必簡之錯也且篇中之合古語易傳不廢穆義之類也易傳不可疑孝經安得而疑之矧孝經出孔子壁中與尚書傳論語無以異也又何謂不可信也推此以論孝經信孔氏之全書矣學者觀於其文

亦可以自得之矣夫性生而然者也孩提之知愛其親孰使之然也性也而行可見矣行非性之外也性一而行百而非有所異也是故不本於性而徒曰行者由之而不知也舍其行而語性其於道也遠矣是故唯君子為能盡其性能盡其性則能盡其孝而天下之道一矣天地可與參矣噫非自得之者其孰能之

送謝鶴山別駕釋篆金谿序

位在外者也才在我者也位不可必而才可必故君子之有為於天下者隨其位之所值而無弗如志焉惟曰善充其才而已昔者孟公綽為大夫於魯孔子評之曰孟公綽為趙魏老則優不可以為滕薛大夫滕薛之大夫且不可况魯乎則是才不勝其位也然優於趙魏老不可謂非其才也惜不能充之耳是故孔子傷之云今天下郡有守邑有宰而郡佐者介乎其間其位尊地重謂之趙魏老非歟予嘗見郡佐之若邑者曰是非吾職也吾姑以傳郵視之而已聞其陰默莫肯為民紓一籌以故功名恒損於蒞郡時而與其士民亦既有判矣譚者遂以孟公綽為口實吁有是哉若吾撫別駕鶴山謝侯其殆庶幾乎侯以通敏之才佩服厥祖方石先生之訓志之所就要未可以限量者其始自刑幕而來也盡寅恭之道以聽於府庭不侵取不墮職不眩能矜勞而事無不理是故邦之士民疊疊有令譽也無何而吾谿令去位當道簡侯來蒞之侯至即詢民疾苦與之更始民之役

吳晉先生遺集

卷之三

序記

三

吳晉先生遺集

吳晉先生遺集

卷之三

序記

四

吳晉先生遺集

于取者其費視昔減半焉已延訪德問俗加急于學枝以至剔姦祛蠹興利於民者靡不次第舉矣膏澤浸潤漸被乎境內是故谿之士民疊疊有令譽也侯問嘗以督部欲委而旋着老走白于當道雷之踰年而新尹來義不可復留矣邑諸士大夫暨諸師諸生聚族而謀所以贈之而孔友東魯龔友商偕來頌其事予廻作而言曰是可與易位而有為者歟是所謂善克其才者歟夫君子不慮其位之不當而慮其才之不克不慮其才之不克而慮其志之不在故曰位在外者也才在我者也鶴山誠曰克其才以俟其位于方來紹祖烈而樹功揚名宜弗違其志矣豈直翔郡邑澤道一方云耳哉傳曰鳴鶴升自深澤偕天不恡言得志也

歸蘇學博愛泉之任樂昌序

先是巡按御史少溪謝公行部至金谿閱教諭愛泉  
蘇君之文亟許之以故廣西之聘考官遂以君往焉  
比其返也復嘉獎之惟時僚友諸生相率大鼓于堂  
登肴于俎稱觴載歌以奉揚斯禮也別又屬序友孔  
子東魯龔子商將幣來疎山求予文賀予曰久矣予  
之惡夫多言也夫既或獎之矣矧是監司其足信矣  
予雖欲言之惡得而言之二友不得所請則強委幣  
焉以歸無何而蘇君拜樂昌之令過予而問政焉曰  
曩嘗先生遺集 卷之三 序記 五  
湖也筮仕典教于茲土幸不獲罪于二三子也以信  
于常道以有今日然未知所以為治也敢問何如斯  
可以為治矣夫教諭人之師也令人之師帥也子誠  
知所以為師矣則知所以為師帥矣傳曰如保赤子  
心誠求之雖不中不遠矣夫赤子之保誠心之求此  
吾人親民一體之學所無惡於人者子之不獲罪於  
二三子者其殆進於是矣若是雖移之天下可乎何  
有於令也故君子成教于國而帥天下之道在是矣  
子誠持而志無變而道淳勵而往以毋獲罪於樂昌

之士民也俾士民稱之曰良師帥乎則其所進又有  
大焉者今日之褒嘉之注擬其足多乎哉否則非予  
所敢知矣蘇君厥然起曰吾適今知教之可以通於  
治也請蚤夜奉以周旋既而二友偕予兄天相輩復  
來申前之請曰且以贈吾師之行也予於是雖欲不  
言惡得而不言哉遂書之以為君行贈

歸蘇山先生遺集

卷之三

序記

六

贈陳六山西江得雋序

余奔走仕途十年矣從海內之士學焉而未之有得也乃者謝病歸山則思與明師良友下上議論更相證鄉往尋象山之遺緒仰先哲而步趨以竟吾金谿所為學者時則陳子六山聞而喜亟謀合併焉於是連輒為信次之會同志之士彬彬然嚮風不其盛歟未幾陳子赴試省闈別余疎山余私心實懼為有司奪而去諸居無何則聞其哀然雋矣又不覺大喜夫懼者何也懼吾黨之士離羣睽孤道之不明是吾憂也夫喜者何也喜吾黨之士拔茅彙征道之將行君子樂之也或曰道之不行也何居曰道之不行也不明者為之也然則道之不明也何居曰道之不明也不行者為之也夫陳子而弗克行道則已陳子而惟道之行焉則道固可明矣而余之憂其可以釋然耶始余未仕時與陳子共學久矣別十年而陳子志益勵業益精學益就于醇其施于服家政裕如也間與之論天下事印首信眉念不得一陳諸力為根屬籍中發實翔貴趣來商於余議發私積繼為賑糴計雖

吳疎山先生遺集

卷之三 序記

七

吳疎山先生遺集

卷之三 序記

八

事未成而識者固疑之其素所樹善可徵如此矣茲其計借而上遂揚于王庭也即實諸陳力之列有不矢乃心委乃身宏敷石畫以康久我黎庶以匡輔我國家而惟道之行者乎密是則金谿之學可幾而明矣雖然豈易言哉明者自明孰主張是行者自行孰綱維是日月其麗于天乎江河其流于地乎生生化化其機自我金谿之學亦若是而已後之學者不取之則質質焉執所求而失之遠而此余所為奔走十年而未之有得也然則陳子今之仕也於學焉亦惡可以已矣邑者陳金聲氏於六山為從兄借其弟序生世寧致宗人之懇請余言徑駕焉因以告之



劉龍峯居士詩集序

辭達情者也情交乎物動乎中而變生焉於是乎形之於辭自尙辭之風勝而達情之旨不明迺有強攻苦作旬鍛月鍊以奇相誇以博相眩以剽竊記誦相襲馳騫以偷一時之譽若此者情日蕩而大樸散矣辭雖工奚取諸情自蚤歲受學於龍峯先生當是之時先生方務進取銳情場屋之文比四舉不第則罷去之已乃縱浪山水之間追尋吟弄之趣遇有所得輒形之詩歌蓋十餘年而作者無慮百數篇庚子春歸自維揚先生復館于家塾一日出吟稿一篇見示且命序之竊惟先生襟宇閒適超然名勢之外今茲視弃場屋之文如敝屣然安知後之視今不猶今之視昔耶此先生之志也以意逆志而得先生之所爲作者在於達情而止若夫興味之雅澹格調之平鏘不求工而自成一家之言則具見乎辭矣覽者當自得之

吳山先生遺集

卷之三

序記

九

贈劉節婦周孺人序

邑北著姓曰劉氏有母周孺人人稱之曰節婦今壽八十矣庠士傅子遜志黃子惟德輩孺人孫友也謀舉觴於其堂請余言爲慶且曰表貞勵俗大夫之責余何以辭余聞孺人幼慧而貞能讀列女傳論語諸書暨歸于劉執婦道謹其婦也甫三十有二孫二若璉者才五歲珪者又適睥耳諸姊妹以多故難之或微諷以規其意輒隨以泣知其不可奪遂寢自是謝膏沐投胎賦縞素以居涉憂茹苦五十餘年外內無間言至于今家政益修嚴于姓益繁碩二孤卓然立矣諸孫天相天倫並業舉子聲邑庠而孺人以不貴之身歸然其上親見其盛而未艾固將躋於期頤之算諸孫顯擢之榮朝廷旌揚之典可延佇俟矣豈特今日之慶已乎世之稱節者不必其壽苟壽矣不必其有後也蓋正氣在天地間不待壽而永不假嗣而傳忠臣貞女所以彌綸天常扶翊人紀其以宇宙萬物爲徒侶浩然而獨存者歟若孺人既壽而有後矣豈天獨厚之若是耶余聞天之報施善人每不

吳山先生遺集

卷之三

序記

十

爽不必于其身而必于其子孫天於孺人或者有意於泯泯之俗故使之壽使之有後以示勸歟此恒情所以歆豔而樂稱之也此余所以慶也慶之所以勵俗也

澳塘周氏族譜序

夫譜者所以奠世系辨昭穆敦天序而啓人文者也然莫爲之先孰與之作莫爲之後孰與之傳故愈遠而愈分愈疎而愈不相及以至牽合附會而數彝亂宗者有矣嗚呼譜可以易言哉同年菱泉周君宗夏修其家譜成既自爲之叙矣復授予叙之嘗念諸人曰譜不自成譜必自成二說交疑之昔司馬子長自叙其祖先適晉後復奔魏考之春秋隋奔秦自秦入魏而還晉無晉奔魏之事楊子雲自叙其祖食采晉陽爲陽侯而張衡言晉大夫采食於陽爲陽食我俄有舉而楊氏滅無所謂陽侯者若此則譜可以自成乎歐陽文忠不繫烏程之封惟以五世以上所可據而知者爲始祖而其譜遂世爲天下重蘇老泉非惟不齒蘇邑之裔雖近唐之貴籍亦不顯附以爲宗而蘇譜固與歐陽並稱焉若此則譜不可以自成乎予觀菱泉敘譜自一世祖諱簡者以下凡若干葉自郡城徙居澳溪里散分凡若干處皆緣故圖遺乘而參之習見共聞者以祖之不安援以爲重無實而借之

詞焉其於世系昭穆諒其免於晉魏之訛矣雖與歐蘇相後先可也若楚泉者所謂作者非歟楚泉雍穆之意素孚宗黨而訓其家庭者秋如也所以貽謀於後者寧有既耶後之人其將守分以相維敦情以和洽休戚相關不以遠近疏戚爲秦越而又皆爭自濯磨繩繩於詩書禮義之澤則何天敘之不敦乎河人文之不啓乎固無俟於妄援爲重而自可以紹休不疑矣是譜也不將有餘耀哉此固楚泉所望于後之人也故代爲申之

吳疎山先生遺集

卷之三 序記

三

金谿縣名宦鄉賢祠記

名宦鄉賢之有祠何也凡仕于其土而遺澤在民者歿而不忘則祀之鄉先生之有德行道藝民所瞻仰者歿而不忘則祀之並世世不絕蓋緣生人之恩義施于死者思其功德而報之也金谿宋以前隸臨川至淳化中始分建爲縣故此二祠惟淳化以來得祀之云嘉靖辛丑攝縣事府通判天台謝君適然修祀事于祠下視神之主次闕亂無紀恐磨滅而不可考也乃命教諭蘇瀾訓導沈露周宸偕諸生按諸往籍

吳疎山先生遺集

卷之三 序記

三

得名宦若干人鄉賢若干人各譜其世次將藹諸石以垂永久而屬諸生孔東魯周挺徵記于疎山子吳悌且曰非子之言民罔知所勸悌邑人也何敢讓焉惟國家之祠名宦鄉賢其義在報德報功而何言乎其勸民也夫茲邑之建將數百年二祠祀者各僅踰十數人豈彼不與者盡皆愚不肖哉夫愚不肖之人不足與於功德之祀君子已無責爾矣獨其間有負聰明粹穎之資思自異於鄉黨而以豪傑自命與夫登位于茲土而吏治蒸蒸庶幾循良若可企者其初

志將不朽是圖而乃執之弗堅爲之弗力一行或渝而萬事墮墮終竟與愚不肖者同歸於朽而功德之祀曾不得分半席而竝享焉是不亦可慨耶君子於此宜亦知所慎矣然君子戰戰兢兢樹德樹功以自立于天地之間豈固斬其身後之有遺思而祀之世不絕哉毋亦報德報功之在人心自不容已耳夫報生於人心而予奪之公千載猶一日焉豈其有他故也後之人觀於興廢之際察其進退之機而得斯民三代之所以直道而行之心寧不惕然而有儆於

吳疎山先生遺集

卷之三 序記

五

來者云

撫州社會記

嘉靖辛酉都御史滁上柏泉胡公松以討賊駐撫州既攘除兇醜廓清綏定而又孜孜計補元氣問民疾苦求惠政者日見之行閱前中丞吉陽何公遷浮峯張公元冲遺牘得府學吳生員朝楨請建社會卽忻然報可檄郡守劉侯煥董成其事劉侯奉檄勸力贊畫乃會計連珠寺廢田租穀銀并朝楨捐廩銀若干爲匠營費而規度香楠山空址爲社會基中增建公廨并構新倉十間仍以廢租爲貸本卽撫院新設黨

吳疎山先生遺集

卷之三 序記

六

正副慎選四人典敘散之事每歲給貸以春夏之交收還以刈穫之畢其蠲取欸目大率準晦菴象山訂編故事平歲取息什二饑歲蠲息有差而量取耗穀若干期以不虧穀本歛散公費支息穀倉役工食取息穀上元四仲日黨正副集鄉鄰長聽宣聖諭申勸鄉約庶幾古社之規癸亥三月經始月餘遂告成事於是劉侯書來道公意屬悌記之悌考諸載籍社會官晦菴行於崇安亦既有成效矣雖行天下宜無難而詔書所被應者無幾至其後不復掛牆壁是果未

易行耶凡世之所為疑于社倉不可行者非謂其法  
雖善而行之難其人與非謂始其事既難而保其終  
一壞尤難與初是倉之建也劉侯條事宜請公公報  
二不難建倉而難得人不難施行而難持久又曰在  
三令加之意其欲與上下協心使惠民之政始一  
四而屆四遠於以上聞其又有所待也豈徒屑屑於  
發租之歛舍便宜就事已哉倉訖成而胡公入為少  
司馬以去劉侯代有終也其成法於是乎在役於是  
者誠皆矢心相勵疊疊趨事以毋失土之人所以惠  
吳疎山先生遺集 卷之三 序記 七

民至意而日遺踏畫一之規則所謂難者庶乎免矣  
雖然豈為一時計已哉時之相後也無窮而人者未  
可必也法者又胥人而變者也非其人則法滋敝也  
故夫圖終之難於社倉奚疑之記之使後之人覽焉  
其亦知公慮遠之意也

吳疎山先生遺集卷之四

誌銘

河南按察司提學副使栢山洪公誌銘

嘉靖五年十二月二十九日河南按察司提學副使  
洪公卒于家卒十五年葬于邑南本宅後龍山時嘉  
靖辛丑十月初九日也前事之月其孤舉次公之行  
治卒盡之始終為狀泣而請於余曰先君不幸早卒  
不自孤幼罔知春秋速葬之義以遷延至于今日適  
直喪事不孝之辜倘可言乎乞哀而銘焉先君其不  
吳疎山先生遺集 卷之四 誌銘 一

洪公歿余弱冠嘗得侍公辱知愛及仕而諡公官  
蓋諡也銘奚可辭按狀公諱範字邦正號栢山世居  
金谿之玉谿里其先鄱陽人也宋紹興中諱朝請者  
徙居金谿之灌源既數世復遷于玉谿居焉公幼穎  
異讀書四五過輒記年十二三卽勵志忘寢食問學  
日簡進所師周易文一日語公曰若可更從名師吾  
不能為若師矣遂自引去公乃從安仁鄉進士董楨  
卒業焉宏治戊午公以儒士領鄉薦壬戌登進士第  
知浙江嘉興縣民謠曰洪青天獨要錢爛姜不可言

公劉謂承美謂典史也嘉俗死者輒屍弃水中  
火葬蓋中下戶率以爲常公至卽下令禁之復買  
地置義塚以待貧不能葬者俗遂變嘉有節婦王桂  
芳年十六夫死誓以死殉遂投水其母覺而救之且  
諷以他適婦卒縊死公奏于朝旌之其他於民之利  
害無所不興廢其憫恤惻發撫綏善柔真若慈母之  
於赤子至豪俠貴勢號武斷者不少假借然其自新  
亦弗之間也當道論薦浙令必以公爲首至今言治  
嘉興者以公爲不可及也丁卯以治縣優徵入試雲  
吳疎山先生遺集 卷之四 誌銘 二

之未能得駕出居庸關駐宣府數月九卿科道會議  
衆皆依違公獨奮言曰君猶父也臣猶子也父無故  
久出不歸子忍坐視安枕乎公等身爲大臣義同休  
戚若不急往面請回鑾天下後世其謂何昔王孫賈  
事齊湣王王出不知其所其母責之賈母一婦人耳  
猶知君臣之義可以吾人而不如之乎衆皆聳然始  
定議於是九卿佐貳各一員往面請至居庸關時上  
命太監谷大用宿把南門不啓大用差人轉奏得旨  
傳諭且回京皆公抗議之力也是時公在道最年深  
吳疎山先生遺集 卷之四 誌銘 三

南道監察御史明年實授又明年遭母池孺人喪去  
位除喪復病卧二歲餘甲戌乃起復補前職是年用  
冢宰楊公一清薦提督北直隸學校所至惓惓論諸  
生學必求其大者無汲汲以科第進取爲心考校公  
嚴前後鮮儷蓋識內貴右輻輳睚眦伺挾恣撻政  
乃其素以前後任是者闕距牢密周防曲避或不能  
免公於來者無弗延納惟執法遷謝斷斷不可動終  
其任未嘗有所徇人亦不得以炎涼厚薄訾之丁丑  
武廟幸南海子至通州公與御史吳閻等具疏諫

輿論謂當有京堂之擢坐是爲當柄大臣所忌戊寅  
陞河南提學副使抵任甫三月忽得家報石泉翁遭  
瘋疾卽移文白于撫按其略曰昨知老父廢疾不覺  
南望長號憂思怔忡職務盡廢矧濫竿學校風化攸  
繫躬爲不孝何以率先諸士迫切之情乞爲轉達容  
令照例終養維時撫按檄藩臬諸司慰問之文移至  
于再三且遣醫來迎石泉翁以往而公恐且夕不及  
侍遂解印綬爲行計矣撫按具以事聞竟得終養公  
抵家翁謂曰我行年七十還造化有命若宜盡職報

國何以我爲念乎公應以報父之日淺而報國猶有  
 待翁喜病自是少差及翁卒哀毀不勝公有姊適徐  
 森孀居公迎姊歸養復爲立後以永其祀嘗出北門  
 見露齒買棺葬之其處親舊謙抑加於未第時在鄉  
 閭出入未嘗擁蓋從止一僕以其故衆益喜東鄉寇  
 起四出剽掠及至公里輒相戒曰洪副使孝義忠厚  
 家也慎勿犯徑馳而去噫盜賊小人猶知憚慕他可  
 知矣辛巳今上登極給事中華公淳御史熊公相交  
 章薦公學行優長宜入翰林備顧問明年爲嘉靖壬  
 午服闋都御史陳公洪謨御史秦公越又薦之丙戌  
 起公爲提學副使憑至未幾卒距所生成化辛卯九  
 月初六日享年五十有六卒之日囊無餘貲蓋其歷  
 官所至皆以清節著云曾祖諱世文祖諱惠俱不仕  
 父諱濤石泉其號也以公貴封文林郎嘉興知縣母  
 周氏繼母池氏俱封孺人弟猷年將冠而天娶買氏  
 封孺人先公一年卒于某孫某所著有栢山集藏于  
 家銘曰  
 猗歟洪公材志靡亢隨時舒卷何用不臧令于赤縣

吳疎山先生遺集

卷之四

誌銘

四

吳疎山先生遺集

卷之四

誌銘

五

治績循良史于柱下風采振揚乃秉文衡惟公惟明  
 謬誇廷議正色寒芒乃副外臺白雲伊望感泣從親  
 爲道之綱乃終林下謙尊而光其施未究其澤彌長  
 嗚呼公之後人無忘斯慶

浙江道監察御史見吾陳公墓誌銘

嘉靖己亥浙江道監察御史見吾陳公以言事罷歸友人吳梯適按兩淮約會境上而別後十五歲為嘉靖癸丑正月十二日丑時公卒于家越四年丙辰其孤欲潤自晉江來持公之年友林君巽峯華之狀泣曰先君病且革命諸孤曰我死必得疎山銘不得弗葬梯聞之愴然不覺泣下惟揚州之別遂成永訣已矣顧屬續之託余忍負公邪公諱讓字原禮見吾號也世居晉江之滄江里中嘉靖辛卯福建省試第一

吳疎山先生遺集 卷之四 誌銘 六

人登壬辰進士授紹興府推官遷監察御史曾大父漢大父凱皆不仕父普賜以公貴贈文林郎浙江道監察御史先娶莊氏生四子莊病弗任內政娶郭氏而生公俱贈孺人公年十一而孤家貧為塾師以自給年且十九始奮然曰豈能以餬口計累終身事邪去從伯兄紫峯遊於是知宇宙為分內事矣遂迺究觀聖賢上下古今或徧履名山或蕭然一室隨處體認輒皆有得焉在郡庠二十年從學者日益眾嘗語學者曰聖人之道具在六經六經即吾之心也博而

知要則千言萬語不為多亦不待千言萬語而後為

多也反而說約則取足於心不為少心理從來未嘗少也其所見如此推官紹興皆言其俗囂訟非得鉤距術不可公惟以誠而聽初百姓謂推官迂及觀所斷決迺大稱服至謂之陳青天陳青天云又嘗視象餘姚饑民以活築堤東昌水患以除迺表石子重之祠又于紫山之下築館延士與相講學蓋遠近聞風至焉三年召為御史有巨俠劉東山者嘗挾素姻戚及提牢郎中羅虞臣杖貶生若死者三十六人自是

吳疎山先生遺集 卷之四 誌銘 七

橫行京輔吏不敢問公巡東城即寘之法東山迺誣奏下公詔獄公獄中上書自辯天子原之東山竟伏辜何校而斃公在叢棘五閱月受笞杖凡百六十益慷慨賦詩若置死生於度外者嘗觀公於宴會間見優人之為忠臣孝子義夫節婦化離艱難之狀便掩泣不自勝竊惟其仁柔不持而臨禍福死生之際又何壯也公遇事敢言無所回忌試御史甫月輒上疏及在獄中出又連輒上疏然皆報罷疏首論君德次請廷黜略府眾皆聽之其後所陳十事語侵當國當



國咏之會章聖皇太后升遐山陵已有定議公復上  
疏忤旨遂落職爲民其爲御史裁二年耳歸家築居  
茅坂之上構亭園中竟日危坐時對紫山詠歌唐虞  
德然盛世之民也每遇聖壽元旦必設席北面稽首  
曰得以生還者吾君之賜也吾敢忘乎或勸之著書  
不若勸之遺書當道則曰道之廢興自有命在彼豈  
能進退人邪晚年嘗狀紫峯曰先生節槩稜層俊偉  
故學于先生者多有洞視今古傲睨宇宙之懷向于  
正大高明而耻卑汗蓋自謂也余觀之信矣公平生  
吳崧山先生遺集

卷之四

誌銘

八

若好澹然獨好飲酒每飲不醉不止不知世之有人  
已之有身也余叨第從公之後觀政禮曹一年在臺  
中又復踰年與公宦學久知公宜不誣者及觀飲潤  
之言議趣向家學益足徵云銘曰

六經吾心宇宙吾事如公所學已見大意云胡用世  
弗究斯志命也則然吾安吾義哉紫峯山江涵月露  
是曰見吾以俟百世

胡生汝宣誌銘

君諱欽詔胡姓汝宣字也別號崇陽世居金谿黃栢  
里會祖立綱不仕祖尤溪訓導愚菴先生諱宗旦父  
邑學生品峯先生諱民懷余業師也母唐氏君少駿  
發聰悟異衆弱冠補邑庠生爲文精切下筆立就後  
進多師之其祖父以易學名家君更務汎博不專守  
一家六試省闈不第則稍移志堪輿家每爲人卜宅  
兆輒有驗然以自爲卜則否嘗曰地吉者天實司之  
吾縱能握神機若天命何聞許旌陽雷澤章僊識欲  
吳崧山先生遺集

卷之四

誌銘

九

應其期則於僊家者願沒身殫力學焉自言嘗遇張  
方士授金丹祕訣期相尋武夷間長從不返不忍遺  
二親而止間入雲林歷三十六峯採神藥異草鍊冶  
鉛汞庶幾點化服食可得而飛僊者可致也而竟無  
成君左手拊指背有紋宛成僊字常以自詫豈表候  
不足占邪將僊者不必不死邪蓋君之學凡三變而  
一無所諧抑天定者人固不可勝邪君孝友天至而  
與人忠信故其沒也無疏戚皆傷悼之生于某年某  
月某日卒于某年某月某日葬某先期弟欽訓以庠

友劉大慶狀來乞銘余與汝宜識也久能已於銘銘

曰

儒林之藝既不克施錦囊之伎亦奚以為乃瞻旌陽  
擬神僊譜緊元祕術謂將可觀既曰可觀胡不獲焉  
漫漫空山將誰與傳於戲汝宜

吳稼山先生遺集

卷之四

誌銘

十

安慶府同知顧菴公誌銘

嗚呼此奉議大夫顧庵菴公墓也公卒之四年為歲

丁巳厥孤杵始卜兆克襄大事先期持芟泉周公所

行狀來乞予銘予與公為莫逆友知公高誼甚悉

不以不文辭按狀公姓聶氏諱斬字士哲別號願庵

先世侍郎公用之居臨川五世祖省元晟公始徙金

谿崇陽里代有名人曾祖昱祖蕃昌父遜號鶴藪王

人俱以學行者聞鄉邑母彭氏生公于宏治戊午七

月二十有八日兄弟四人公其長也幼岐嶷不凡能

吳稼山先生遺集

卷之四

誌銘

十一

言時鶴藪翁教以書過目輒成誦喜曰亢吾聶氏宗

者必此子也稍長受易于胡公宗旦曾公漢之門英

銳激發文理燦然補邑庠弟子員屢試高等嘉靖乙

酉領江西鄉薦上春官輒奮輒阻遂入南雍時太常

卿涇野呂公倡學金陵賢雋畢會公于是受學焉公

學務反已奮然以聖賢為必可師呂公亟嘉賞之既

卒業南雍猶依依不忍去師弟相得益深比歸贈以

道南之章公諒是知名海內丁未春闈復下第公亦

付之自然念母夫人且老請選銓曹冢宰石塘開公

少宰少湖徐公得公試文大奇之比相見識公魁偉之狀因相謂曰子固天下士也擢居首選特請授安慶府同知通選止公一人蓋異典也時大宗伯鍾石費公雅敬公願行贈以詩篇有學術端醇佐政宜人

之句而公亦恐恐然不欲少負所學勵志守官既之皖城視事官衙肅然門不受私謁蒞政尤明敏案牘無留當道移文獎異多所委任朝命建祠小孤山監司檄公督之工用速就監司旌其能太守某公丁外艱歸屬公攝府篆守欲持庫藏若干去戒吏取之又

吳疎山先生遺集 卷之四 誌銘 三

納賂濫釋獄囚公得其情亟召獄吏繩以法因嘆曰枉法以媚人吾不為也巡江某公以父游宦桐城私論桐之土民請祀名宦且以委公公曰名宦關係公論奈何以私行之廉得其不宜狀竟罷不為行其剛毅大率類此以故蒞任之後當道識其賢者雖亟為嘆賞而啣怨者百計中傷之有白其事於公者公亦恬不為意歲辛亥竟以巡江論劾得旨下所司驗實所司識公賢能又合羈土民相率保畱之於是得不罷職公獨念直道不宜於世又母夫人且老不欲以

官棄養遂決策歸焉在皖四年餘視篆事三俸外一錢不入家無餘貲皖屬望江富民劉姓誣陷大獄公得其無辜釋之富民歸立生像旦夕祀焉及罷官歸富民號泣奔于途持厚貲為獻竟麾去不受其始終一節如此故皖城至今有聶青天之稱既歸杜門恬處甘心屢空旦夕奉母夫人曲致孝養暇時事田園植花木以為生計與至輒吟咏自適自謂有千仞之趨歲癸丑春正月母夫人棄世公哀毀特甚至冬十有一月廿八日一夕以無疾而終享年五十有六惜

吳疎山先生遺集 卷之四 誌銘 三

哉公至性孝友文學淵邃議論侃侃率能感動人既從事理學究心聖賢遠盡去諸俗態諸所樹立純然一出于正故居則宗黨稱之出則士民戴之公雖不克舉甲科致通顯以盡其才其學而生平大較不可謂鄉之賢士大夫也歟平居所著詩文有遺稿藏于家厥孤以是歲十月廿七日奉柩葬于里之窆昔園祖隴之右為之銘銘曰

文也渾渾學也諄諄士高其風民飲厥醇約而家豐而身令德如存展也古人尚利于斤昆

節孝車孺人墓誌銘

孺人諱淑真黃坊車君某長女母周氏擇娶余族叔時俊公性貞靜言笑不苟姆教孝經小學諸書俱克成誦績紡繡織各極精巧年二十歸吳孝舅姑慈僕婢相夫盡道凡所云為罔有或拂奈君子之不偕老也二十八遂孀居矣時族兄佚誕甫七月人或以鮮克有終說之去弗聽也既而同產之親毆逼萬狀弗移也去首飾屏解服脂粉不施閨闈不出以撫族兄為志暴妬橫逆加者無虛日孺人受之不少報惟祈天以自庇耳迨族兄稍長義方之訓尤惓惓焉用是族兄亦克自豎粗通書算治家勤而有法用財儉而不鄙故雖蚤寡而貲產亦頗充拓年五十餘孫枝秀發穠茂益至遠入小學教之讀書每晚至更盡乃寐雞初鳴就卧榻教之者猶累數十遍始遣入館其愛而知勞如此嘗語若子若孫曰吾昔恒慮後嗣弗蕃耳今若此志少紓矣爾曹須自力毋墜先人之業則汝父死不為天吾生亦不為孤矣嗚呼節完而賢能備美若孺人者誠女流中不多見者也雖未被恩詔

吳謙山先生遺集

卷之四

誌銘

五

庭表其闈然九原之下可以媲美共姜矣嘉靖壬辰春得軟脚疾越明年癸巳二月十九終焉距生天順辛巳正月初十享年七十有三佚不自安還求吉兆茲獲臨川縣百七都白鶴觀西打之所也予深嘉孺人節故誌其壙而徵諸銘銘曰  
克順克謹婦道之常惟變不辱始莫能量嗚呼貞哉乃孺人之流芳

吳謙山先生遺集

卷之四

誌銘

五

吳稼山先生遺集卷之五

書

與戚南山書

承諭生天生地生人生物本來活計謂弟不合歸藏  
蓋恐弟落在一邊耳甚荷甚荷此惟就鄙人分上言  
之則可若論學須學聖人聖人時中之道恐未可以  
出處拘者蓋生天生地生人生物觀諸我生已矣孟  
子曰窮則獨善其身達則兼善天下蓋言士也若聖  
人善其身未有不善天下也善天下未有不善其身

吳稼山先生遺集

卷之五

書

一

也必窮而後善其身焉則學有待矣必達而後善天  
下焉則學亦有待矣吾兄所云不任世間不離世間  
更何所待乎知此則天德在我應迹無礙出亦可也  
處亦可也故曰君子之道或出或處言同心也弟雖  
告歸豈敢忘世况承教語諄復敢不持循蓋將學於  
家人焉則學學於鄉人焉則學學於天下國人焉則  
學是皆不離我身不離我心吾不知何爲出乎何爲  
處乎來論新正欲從新經理四大此念從何而生此  
惟兄自知之此即一陽來復所謂生天生地生萬物

即此心也不知爲何又因事煩惱遂生厭教云以后

乾坤惟懸高手更不敢掛齒竊恐是即乾坤毀矣何

更說乾坤願兄保護此意毋輕忽蹉過致頻剝頻復

乃善若出處非所論也弟居常覺得動多悔吝只爲

此關不密先王至日閉關之誼可不諱思乎此聖人

所謂先難者願與兄共學之何如

與羅念菴書

昨歲維揚別後三月弟得告東歸賴兄開示得有勉

焉但終是間斷處多以此未得精明耳如何如何弟

吳稼山先生遺集

卷之五

書

二

僻居野見邸報前月迺見楊伯修書事始知吾兄歸

矣道遠末由奉晤偶南山使便謹附承動定萬惟爲

道加愛

與陳明水書

弟別後抵家得一熱症蓋近自山間暑以歸定後

疾迺作耳終日昏昏已將旬餘今熱雖稍除而氣體

殊弱一切人事且置度外中秋方可周旋里閭次則

之邑臨汝之遊今歲恐未能也辱手教荷荷天道物

情原非二物於此勘破即大了悟仰兄高明之見開

發多矣所論其事已悉君子所自處理亦不過如是但鄙人固陋外事非所敢與聞也幸惟亮之

與會擴齋書

昨幸接光霽無任慰浣盛暑未敢再見鄙懷殊未盡茲辱榮問謝謝弟抵家沿途詢問夏收差可秋收以久旱兼之地火穀多耗間有乏收者昨歲雖歉猶有舊積今歲復歉更難支吾矣秋災之報似未可後者諒高明自有處但民隱恐無由上達耳又民間頗有疫疾禁中恐未能免也行屬一滌之如何

吳諫山先生遺集

卷之五

三

與傅少巖書

道駕之再蒞江藩也治益肅化益行弟雖僻遠而懷企益至迺末由通一介之使奉候左右計大君子有以亮之耳使來辱教感謝感山巾義拙深愧一體之學詎敢云獨善乎惟兄宏闊經綸益超物外所謂經世而出世者非耶想妙造獨契必參到義黃心地矣弟每欲抱疑請質而無從承雅意接引殊慙素志但地位隔遠而匏繫難解故日負南浦西山之約而相見未敢卜耳若他日撫臨江右擁節東行瞻拜

之期夫何遠乎草率申復不盡亦非所能盡者伏惟台鑒不宣

與劉柳軒書

昨歲趣限北行至德州病作以是再告辱雅愛維持備至价回能具道良荷良荷梯一向駐候途中至九月始得命下十月方克抵家病居碌碌無足為言惟老親粗安可為樂耳暮冬間皆所回計應交代緣未便會未由一誑道履忽承翰教書惠無任慰浣河東謾政想不甚劇况以大才處之必自有餘裕矣惟開

吳諫山先生遺集

卷之五

四

中易過願益加充養是即進修之地也梯往昔承乏兩淮政務亦簡每居常惰逸成習所賴地當都會四方之賢時有經過幸獲常聞規切藉以不至隕墜而閉中蹉過猶不免虛負此真鄙人所折肱者致以相告亮亦高明所欲聞矣使旋草草奉復并候諸惟心照臨楮無任惓惓

與友人書

昨得手教惓惓以城邑鄉井為慮身處廊廟而不忘桑梓一體之義如是夫邑城近為積雨所壞旋即修

復溫泉力也閩廣久未聞克捷必當事者持重謀審  
難以遙度鄉邑惟防賊徒奔突計境上關隘去處厚  
兵四集似足恃以無恐者去年賊所過之處多有疫  
疾山谷特甚瀕河之民近爲大水飄蕩室廬浸死禾  
苗者尤無以聊生幸考察之後得一番良牧愛養休  
復則是吾民再造之福也六七月間新大尹當到任  
大造審里甲尙未定正須其來諸事當必更新矣

與黃歐山書

昨歲暮獲領中途翰教深用慰浣今歲吾撫考察所

吳疎山先生遺集

卷之五

書

五

汰昔當人意此固朝廷清明之政而鑒別精詳實公  
爲之所也尙冀作率屬吏益圖化理使闔郡受方來  
之慶則公之賜爲益宏矣道駕旋府亟欲趣候緣恐  
續擾敢遣价代申鄙敬伏惟台照幸甚

與友人書

前口甘承差來得執事德州所惠書倦倦問所以治  
民御史鄙人何足以知之抑聞之明道先生曰正己  
以格物使民各得輸其情御史治民無踰是言矣願  
執事敬守之江山雖號難治前令或與有責焉執事

其乎心以處之可也俗冗未克趣賀謹此布悃萬惟  
昭亮

與某中丞書

邇近獲瞻台範殊慰渴仰緣在告弗克再候以辭款  
快歉快惟吾師以端謹粹溫之度精確明練之才而  
總治河之寄雖其委任權力若有難處而集思廣益  
鼓舞而弛張之顧在我所自致如何耳今年河道雖  
已無虞未雨桑土不可無慮如近日建議尙未有定  
畫似當亟加詢訪身任而圖之更須法駕一臨河上

吳疎山先生遺集

卷之五

書

六

親決利害斯與道謀是用者相去遠矣凡一切土功  
之興稍大者謂宜卽以河道錢糧充雇役之用若槩  
從徵派未免騷動恐彫敝地方民勞有所不堪此最  
可慮也王希哲在碭山勵精政治其邑瀕河先是受  
水災者十數年一旦祛之而措之安堵蓋亦究心水  
利者試問之如何舟益南下北瞻悵然謹此附使奉  
候伏惟台照不宣

與胡象岡書

道駕日遠而所遣吏日來專事觀於使而主之情可

見矣荷荷心齋道錄弟草率刪省一二處遣俟兄訂  
正前序借重名莫廣傳也近當道行縣印刷而以序  
未得請不敢應然懼無以報塞奈何知兄方事校文  
種種繫念宜無暇及此者惟舟中馬上少厘文思尤  
見倥偬不忘之意也弟乞假已得報將遂南還過江  
浦因便謹此附候諸惟覽亮

與王敬所書

梯昔在京嘗與二三同年會於秦白厓兄家適道駕  
暫出雖未晤而心相期以是日有企慕爾茲者賁臨  
吳疎山先生遺集

卷之五

七

又

春間承召赴謁得奉光霽既叨陪法席受教益宏別  
來每思盛會難再惟勉圖實踐以無負宗盟而已做  
郡十類賴先生典刑頗知景鸞雖人自爲學未會超  
悟之宗而真樸之風良有存者得門下風動將轉移  
不小矣吾道之慶幸幸近白厓歸朝夕相與切磋之

益在鄙劣誠有賴也使來辱翰教感感謝謹此申  
復尚容嗣布伏惟鑒亮

與徐華原書

戊申清源別歸不踰歲而有先君之變自此出處殊  
途曠缺問候徒切懷仰不知兄近亦遭此變也喻蒙  
陰來承手教荷荷并知大事未喪以堪與家持說異  
同之故此在名術者必有一定之歸然名術難得而  
擇術未易兄於此須自精之不眩於從違矣堊家以  
穴土驗真假往往可據弟堊先君唯決諸此而已弟  
吳疎山先生遺集

卷之五

八

與傅石井書

向接手教知已解組投閒林下不孤矣兄此行以養  
親告豈亦有所托歟抑知不可爲而止之者歟君子  
進亦兼善退亦兼善何在非此學也未由趣候歎歎  
承諭枉顧一覽亭鄙懷正渴但悌聞鬱攸之變遷居



來邑視白雲方丈爲他境矣僅辱下教有期當特趨掃石以俟也因六山使來草草附候尙容嗣布不盡

與友人書

今秋懸擬高捷而聞爲疾所厄是蓋有數存焉耳先儒謂塲屋之得失終身之窮達不與存焉終身之窮達人之賢不肖不與存焉此言可以深省秋間子珮兄自省城回云尊論終塲後訪我山中不知與如何便盡呵呵生離索無聊亦常欲一出而未能迺知與果難乘如何如何老父老母謝庇粗安小兒臘月畢吳諒山先生遺集

卷之五

九

與孫淮海書

日者法駕黃臨做邑悌以小疾末由趨候至今懷歎惟公道濟時艱誼先民隱比山寇竊發犯攻新城使出而北則金谿爲之次矣幸賴德威遂底寧定而可慮者吾谿東面皆山聯絡閩嶺賊所出沒間道實多異時爲久安之策計惟築城爲可免耳顧時詘難於舉羸而民情狃於故常難與慮始自非當道諸公主

張於上而興發以補不給專任而責其成則千萬年衛民之功豈朝夕所可冀也有司仰受成命方與閩境士民畫城郭規當有以復者伏惟留神幸何時東巡尙圖請教不盡

與友人書

宋尙綱來承手教嘉惠感慰感慰樂安以執事之德之才治之宜易耳願猶歉焉不自足足見謙光他日記績懋異寧有涯乎此邦風氣勁直可以義動若謂刁民何處無之顧有司御之何如耳惟勿以先入吳諒山先生遺集

卷之五

十

與馮午山書

昨已專人候見鄭州復承榮問先及感慰無任所諭吾輩行志成八九分亦生民綱紀之幸大矣必欲盡如吾意則并八九分者俱不可成老於謀慮蓋如此前邇來接人大都有志向者甚多只爲把捉不定被

俗牽物引故不免出入耳若能見其過而內自省者  
尤未易得正當迎其機而嘉與之又何舊過之足云  
也所諭已悉矣江東子弟侯兄日久其實盛名難副  
人情易快此行倍加振作迺半前功弟忝知愛敢以  
具為獻如何諒兄溫故知新益精明光大之業必  
有匪夷所思者敬仰敬仰使旋謹此申復殊不盡今  
日巡城馳四十餘里倦餘執筆草草

又

奉違不覺再月接手教恍如面覲甚慰其慰弟昨者

吳諒先生遺集

卷之五

十一

出京偶爾感冒駐馬保定兼祈守臣代為請疾而彼  
猶豫者數日知其不可遂已事過往承念及荷荷弟  
三月朔入臨漳旬至于大梁學製未能因循過日因  
頌明道詩身勞無補公家事心冗徒令學業荒不覺  
太息裁菴去南都日久兄到家亦須早發以慰諸士  
之仰道隔未能面晤謹專人馳候諸惟炤亮

與周受菴書

秋間聞法駕至虔末由脩候徒有馳企乃承翰教無  
任感荷近日流剽四出延毒地方其在零者震震所

加想已底定矣南豐之圍下邑實恐今雖解散潛沒  
而未經挫衄或將來竊發尤不可不為之防也盱汝  
士民所仰賴於臺端者不淺幸垂神萬萬使旋謹此  
申復諸不能盡伏惟鑒亮

與朱雲坡書

久違德教無任懷想忽承手教恍如面晤欣慰欣  
昨歲蜀獄之誤二三年兄率以是累在吾兄知命樂

天失得勿恤諒不以是介懷矣然拂亂其所為者固  
所以曾益其所不能也問學精微宜無所不盡惟兄

吳諒先生遺集

卷之五

十一

益充素養以副天之大任之意可也弟才謏多病投  
閒所宜碌碌無足道惟幸二親粗安侍養足為樂耳  
令叔回忙匆匆奉復并候起居殊不盡所欲言諸惟  
鑒亮

與友人書

近聞宣民連遭水患饑苦想不勝公家之賦何以應  
辦此惟設法調停使催科者能不擾是即民受一分  
之賜矣行年宣民之饑賴執事主張於上生奉教承  
令亦罔敢暇逸用是饑而不害雖餓夫載途而告焉

清中齋者則微矣今茲民患亦無異昔年計執事朝  
京須四五月而後返後后之思初無重於方來耳惟  
賜擘畫以振業我民是願督學午山按宣作興人才  
與他郡不同士夫皆言賢執事提調也取考官事聞  
頗動心渠蓋未深察耳然真性所孚久亦當自白矣  
辰下漸寒伏惟倍保崇重餘容面佈不宣

與某巡撫書

九江奉違教範十年于茲往若舟過石門冗弗克趨  
候嗣是又曠修問款快如何惟時方多事東南告急

吳諒山先生遺集

卷之五

書

仰賴門下劑量節縮民乃安堵昨五臺道長過此謂  
公融通一省之財賦心書手筆稽弊剔蠹且遠邇一

視有非貴近之所能問君子體國愛民不當如是耶  
比聞道體遠和遠動歸興雖高志雅澹如蒼生何矧  
碩德重望素膺簡命行將有台鼎之寄殆不可辭矣  
願企願企所諭守令鮮能振振負於求牧輿芻之意  
以爲民憂此誠根本之計大中丞所以委任責成撫  
綏黎庶者莫先於此然轉移之機豈在於他求乎使  
來辱翰教祗感無任謹此奉覆伏惟台照更惟倍保

崇重以迓天寵不宣

與呂沃州書

都下侍教旬時天作奇會別來每懷風誼尤多感發  
弟季春入汴候踰半年政務叢委頗費支吾兄謂本  
原受病處多是以應酬未能中節謙誨之意居然見  
之弟迂懶成性遇此煩勞亦對治之藥也第習心牽  
擾蹉過處多耳何北今歲多水河南多旱聞之江南  
亦復如是將來事勢何以待之濠翁云亡殊可傷悼  
臺中之議意見各別曩承宏論廓如矣更茲論及尤  
吳諒山先生遺集

卷之五

書

見惓惓之教荷荷使旋謹此奉復并候起居勿勿不  
悉

與雒三峪書

北虜出塞河南罷兵地方之福第彼中所過傷殘不  
知其幾殊可動念援兵速發足徵敏智昨聞之良用  
慰院所諭豫備糧草尤見遠慮謹奉教施行辰下天  
氣漸寒途次幸惟珍護更冀早旋法駕以沃渴懷勿  
勿不盡

又

冬暖如春來歲可慮新雪之舉誠先憂之至圖也謹  
奉教行兵戒紫荆關尙未知旋期糧餉胡以待之諒  
高明必自有慮不瑣瑣生茲者欲往陳州徑趨汝南  
聞旌旆欲返方延好以俟迺知尙駐衛源恐不可及  
擬於二十四日行矣賑濟當在春初然須季冬豫之  
伏祈教命餘容另布不悉

又

新正抵南陽事將粗完冀月終詣臺以申賀端之敬  
迺辱榮問下及感何可言生巡歷所至每見四野麥

吳山先生遺集

卷之五

書

五

青殊爲可喜近又連霑瑞雪豐年殆可卜矣此皆盛  
德孚格天人協應生叨侍同事亦與有慶也承諭祿  
糧題覆南巡寢報尤慰尤慰謹此申復尙容回既不  
宣

與曾石塘書

日者梁園獲承矩誨無任浣慰曩擬趨送而道駕先  
發矣歉快歉快方今之患北虜爲急長城之寄惟公  
任之初至夙案滯願且勿疲神于此略其瑣瑣而  
圖其遠者大者諒高明之所素具也處邊之道難常

及近日文具太繁例多拘礙卽有當其事者而眾方  
議其後矣平陽之事非其大戒乎高明以爲何如茲  
便謹此奉候起居伏惟昭亮不宣

又

大梁奉違嗣承矩誨深用慰浣適者戎虜南侵三關  
無虞非以公爲之長城耶中州唇齒之邦幸時無恐  
敬仰敬仰弟非時入寇使中國無日不備邊若之何  
而能免於老師匱財是不可不爲之所也諒臺下自  
得勝算矣生備使河洛忽踰三時屬境告荒來年莫

吳山先生遺集

卷之五

書

五

指更聞江南亦早頗甚於斯來春之事殊可慮也如  
何如何使旋謹此附上起居伏惟若時倍加珍護不  
宣

與歐約菴書

辱翰教無任感慰生正初自南陽入汴經旬踏雪農  
人已有豐年之卜吾輩有事地方能無快然乎南陽  
與鄆接壤盜案多所率及生適者曾審之役頗有諒  
正其未獲之徒每聞逮捕延蔓亦旣行屬再清矣執  
事政先撫治功在弭寧諒於此自有碩畫生民之慶

亦占有孚也生代期將及戒行早晚未知南瞻衡岳  
不勝翹企使旋謹復并候諸惟亮之

與桂近菴書

屢承翰教足切雅愛荷荷所論辯獄蒙駁欲令慎報  
良意已拜領矣但念生民之哀莫大於枉死既已得  
情寧忍不白雖三請焉終不敢但已也惟明斷不足  
識正無方是在司允者諒其衷耳昨見邸報竹匡道  
長來代第不知何時至也風便謹此附候餘惟鑒亮

與洪覺山書

吳諫山先生遺集 卷之五 書 七

維揚再承詢益別去無任懷仰弟去夏歸家日病冗  
相尋無足爲兄道者惟遠論風裁懋著是用慰浣興  
化均田事弟借靜齋年兄已見之行而焦范溪適至  
迄今想已就緒矣茲因龍門族兄之便謹附問起居  
惟爲道珍愛勿勿不悉

與友人書

近辱遣使示欲會晤正鄙懷所自切者初擬撫臨在  
卽瞻拜有期不謂有山東之命蓋闔省之士民失望  
莽一人之私快也如弟者自非結社煙霞迹跡湖海

如荆川所云以相期於他日則把臂未可知矣山東  
近亦多事民貧賦急大都繫於守令之得人與否知  
人安民尤今之切務也如何叔賜歸承翰教謝謹  
此奉候起居餘惟爲道加重不宣

與友人書

昔在都下景仰高風因行役匆遽未緣親教每於士  
大夫中得見佳章諷詠之餘感發多矣邇聞使節有  
事湖東悌以病未克修候歉歎迺辱翰教諄悉無任  
感謝此方吏治民隱諒莫逃洞察矣惟所在多盜而  
山谷中尤白晝橫行村落之民夜不敢帖席此殆時  
事所可憂者非公其孰究其原而弭之乎瞻對未期  
不勝馳翹草草佈覆伏惟鑒亮更惟爲道崇重不宣

吳諫山先生遺集 卷之五 書 六

原序

易傳曰天地之大德曰生人生本乎父母其孝也者  
人道之根本百行莫先焉孔門以孝稱者雖曾閔而  
孔子所與傳道者亦惟曾子蓋道之大原不外乎孝  
此所與論孝者即所與傳道者也發愛敬之精蘊明  
君親之大義推感通之實理要始終之極致此一時  
論孝之格言真萬世不刊之大典已或曰孔子自髫  
年已違親膝下安所施孝哉嗟夫此不知立身行道  
揚名顯親吾夫子實允蹈之至全體不虧直其餘事

原序

張世則先生序

一

聖人之大孝詎以親存歿有異乎夫春秋者既於無  
權而托有位之權以行褒貶未試之政也孝經者已  
試之徵也故曰吾志在春秋行在孝經不虛語哉第  
宋唐以前皆尊之為經逮我皇明制定五經遂使此  
經束高閣士罔知潛玩矣甚者輒近世經生浮華探  
奇撿異跡先王至德要道為庸常反不得竝齒於瞿  
墨莊列之林憂道君子可付之一長太息頃余行部  
至撫州偶見疎山吳先生所裁定古文孝經讀之歎  
曰於心躍然撫卷歎曰今而得見孔壁真經如此耶

違者章句註疏何淆裂也如天子以下五節舊引詩

於末此引詩于首頓覺義爽辭達旨哉孔曾復起不

易矣輒不自量僭為註釋使後之學者皆得復觀孔

曾真傳云

萬曆乙未仲秋之吉聊那準齋張世則書于豫章之

薇垣衡鑑堂

原序

張世則先生序

二

原叙

孝經之有今文自漢初顏芝之子貞始也古文自魯  
恭王得之孔壁始也其分章為十有八自鄭立始也  
其更分而為二十有二自孔安國始也其斷以七章  
之前合為一章謂之經後十四章謂之傳自朱考亭  
始也朱考亭之刊誤祖於衡山胡氏玉山汪氏而其  
後勝國吳文正公又以今文為正而為之訓解要之  
辯古今文者譬之肥瘦蘭亭卒成聚訟而分章定傳  
又若梁昭明科斷金剛受持者豈遂點首而心服哉

原序

徐序

金谿吳公悌攷漢藝文志合經傳為一篇而孝經至  
是始獲有定本不惟鄭康成孔安國諸儒無異辭即  
使考亭先生復出其不舍後而從吳公耶夫孝經六  
籍之遺也讀者甘泉湧鄰火熄其冥報種種不可勝  
載孔子亦曰吾行在孝經而司馬公之歸洛也鄉父  
老雷公授書公手錄庶人一章為從容開解曰是乃  
散蓋古之聖賢皆以此為訓俗輔世之善物而況近  
之儒者不務先王之言而務取梵書道笈襲而陳之  
于几席之間謂之經正可乎余謏薄不能為末俗喟

矢也即不能羽翼聖經更為吳公鼓吹而第以證羈  
之意誌不朽云

閩後學徐大紳撰

原序

徐序

自序

孝經者孔子為曾子言孝也其言天地之性人倫之行上下內外罔不備矣而統於孝焉故曰孝經其曰古文曰今文猶尚書之有古今文也其分章則漢儒為之非經本然也悌少時嘗誦今文比得朱子刊誤讀之始識所謂古文者刊誤以舊本七章之前合為一章謂之經後為十四章謂之傳諸儒疑處更為刪定然攷漢藝文志孝經古孔氏一篇也析以為傳是二二之也通僭不自量依所校古文去分章以復古之

自序

吳序

一

舊而諸儒所疑嘗竊求之孝經首言孝者五而證以詩書者五自分章率次而義始晦蓋漢儒誤也未必詩書可刪也一篇之義問見互出實錯綜成文之自然也未必簡之錯也且篇中之合古語易傳不廢穆姜之類也易傳不可疑孝經安得而疑之矧孝經出孔子壁中與尚書傳論語無以異也又何謂不可信也推此以論孝經信孔氏之全書矣學者觀於其文亦可以自得之矣夫性生而然者也孩提之知愛其親孰使之然也性也而行可見矣行非性之外也性

一而行百而非有所異也是故不本於性而徒曰行者由之而不知也舍其行而語性其於道也遠矣是故唯君子為能盡其性能盡其性則能盡其孝而天下之道一矣天地可與參矣噫非自得之者其孰能之

嘉靖十九年庚子歲春月後學金谿吳悌謹識

自序

吳序

二



吳疎山先生表章古文孝經卷之六

孝經

仲尼閒居曾子侍坐子曰參先王有至德要道以順天下民用和睦上下無怨女知之乎曾子辟席曰參不敏何足以知之子曰夫孝德之本也教之所由生復坐吾語女身體髮膚受之父母不敢毀傷孝之始也立身行道揚名於後世以顯父母孝之終也夫孝

始於事親中於事君終於立身

大雅云無念爾祖聿修厥德子曰愛親者不敢惡於

吳疎山先生遺集

卷之六

表古之孝經

一

人敬親者不敢慢於人愛敬盡於事親而德教加於

百姓刑於四海蓋天子之孝

甫刑云一人有慶兆民賴之在上不驕高而不危制

節謹度滿而不溢高而不危所以長守貴滿而不溢

所以長守富富貴不離其身然後能保其社稷而和

其民人蓋諸侯之孝

詩云戰戰兢兢如臨深淵如履薄冰非先王之法服

不敢服非先王之法言不敢道非先王之德行不敢

行是故非法不言非道不行口無擇言身無擇行言

滿天下無口過行滿天下無怨惡三者備矣然後能

守其宗廟蓋卿大夫之孝也

詩云夙夜匪懈以事一人資於事父以事母而愛同

資於事父以事君而敬同故母取其愛而君取其敬

兼之者父也故以孝事君則忠以敬事長則順忠順

不失以事其上然後能保其爵祿而守其祭祀蓋士

之孝也

詩云夙興夜寐無忝爾所生子曰用天之道因地之

利謹身節用以養父母此庶人之孝也

吳疎山先生遺集

卷之六

表古之孝經

二

故自天子已下至於庶人孝無終始而患不及者未

之有也

曾子曰甚哉孝之大也子曰夫孝天之經地之義民

之行天地之經而民是則之則天之明因地之義以

順天下是以前教不肅而成其政不嚴而治先王見

教之可以化民也是故先之以博愛而民莫遺其親

陳之以德義而民興行先之以敬讓而民不爭道之

以禮樂而民和睦示之以好惡而民知禁詩云赫赫

師尹民具爾瞻子曰昔者明王之以孝治天下也不

敢遺小國之臣而況於公侯伯子男乎故得萬國之  
懼心以事其先王治國者不致侮於鰥寡而況於士  
民乎故得百姓之懼心以事其先君治家者不敢侮  
於臣妾而況於妻子乎故得人之懼心以事其親夫  
然故生則親安之祭則鬼享之是以天下和平苗害  
不生禍亂不作故明王之以孝治天下如此詩云有  
覺德行四國順之。

曾子曰敢問聖人之德其無以加於孝乎子曰天地  
之性人為貴人之行莫大於孝孝莫大於嚴父嚴父

皇謙山先生遺集

卷之六

孝子孝孫

三

莫大於配天則周公其人也昔者周公郊祀后稷以  
配天宗祀文王於明堂以配上帝是以四海之內各  
以其職來助祭夫聖人之德又何以加於孝乎故親  
生之膝下以養父母曰嚴聖人因嚴以教敬因親以  
教愛聖人之教不肅而成其政不嚴而治其所因者  
本也

子曰父子之道天性君臣之義父母生之續莫大焉  
若親臨之厚莫重焉

子曰不愛其親而愛它人者謂之悖德不敬其親而

敬它人者謂之悖禮以順則逆民無則焉不在於善  
皆在於凶德雖得之君子所不貴君子則不然言斯  
可道行斯可樂德義可尊作事可法容止可觀進退  
可度以臨其民是以其民畏而愛之則而象之故能  
成其德教而行政令詩云淑人君子其儀不忒

子曰孝子之事親居則致其敬養則致其樂病則致

其憂喪則致其哀祭則致其嚴五者備矣然後能事

親事親者居上不驕為下不亂在醜不爭居上而驕

則亡為下而亂則刑在醜而爭則兵此三者不除雖

皇謙山先生遺集

卷之六

孝子孝孫

四

日用三牲之養猶為不孝也

子曰五刑之屬三千而辜莫大於不孝要君者無上

非聖人者無法非孝者無親此大亂之道也

子曰教民親愛莫善於孝教民禮順莫善於悌移風

易俗莫善於樂安上治民莫善於禮禮者敬而已矣

故敬其父則子說敬其兄則弟說敬其君則臣說敬

一人而千萬人說所敬者寡而說者眾此之謂要道

子曰君子之教以孝也非家至而日見之也教以孝

所以敬天下之為人父者教以悌所以敬天下之為

人兄者教以臣所以敬天下之爲人君者詩云豈弟君子民之父母非至德其孰能順民如此其大者乎  
子曰昔者明王事父孝故事天明事母孝故事地察長幼順故上下治天地明察神明彰矣故雖天子必有尊也言有父也必有先也言有兄也宗廟致敬不忘親也修身慎行恐辱先也宗廟致敬鬼神著矣孝弟之至通於神明光於四海無所不通詩云自西自東自南自北無思不服

吳疏山先生遺集

卷之六

孝古義經

五

子曰君子之事親孝故忠可移於君事兄弟故順可移於長居家理故治可移於官是以行成於內而名立於後世矣

子曰閨門之內具禮已乎嚴父嚴兄妻子臣妾猶百姓徒役也曾子曰若夫慈愛恭敬安親揚名參聞命矣敢問從父之令可謂孝乎子曰是何言與是何言與昔者天子有爭臣七人雖無道不失其天下諸侯有爭臣五人雖無道不失其國大夫有爭臣三人雖無道不失其家士有爭友則身不離於令名父有爭子則身不陷於不義故當不義則子不可以弗爭於

父臣不可以弗爭於君故當不義則爭之從父之令  
天焉得爲孝乎

子曰君子事上進思盡忠退思補過將順其美匡救  
其不善上下能相親詩曰心乎愛矣遐不謂矣中心  
之何日忘之

子曰孝子之喪親哭不偯禮無容言不文服美不安  
聞樂不樂食旨不甘此哀戚之情三日而食教民無  
以死傷生毀不滅性此聖人之政喪不過三年示民  
有終爲之棺槨衣衾而舉之陳其簠簋而哀戚之辨

吳疏山先生遺集

卷之六

孝古義經

六

踊哭泣哀以送之上其宅兆而安厝之爲之宗廟以  
享享之春秋祭祀以時思之生事愛敬死事哀戚生  
民之本盡矣死生之義備矣孝子之事親終矣

跋

孝經從孔壁出漢世列之東觀中元間羽林悉通其章句斌斌乎有聞已今夫子與曾氏所緒論具在寧盡若灑掃兒疇矢它日曰吾志在春秋行在孝經明其義者孝弟之道可以漂姚姒每詮往事即仇覽之化頑顧觀之卻疾熾著千秋况其精且鉅也下土非聖輕於絀古至不得與不韋月令之書並列學官抑何取刺失裁歟國朝疎山吳先生獨稟是經有概於考亭之刊誤而自融其旨不分經傳亦不第章句識

跋

張廷相先生跋

曰古文孝經以疏於朝先生意直欲躋明治之粹咸諸五三天下萬世得盡窺聖人孝治之精於靈朽之字蓋人生墮地便含愛敬正為性靈不滅良知縱至通神明橫四海無非孝弟參證處予讀先生所為序曰以性為本以行為精精言哉即未卒業聖言而千百年來心印若握鑑矣夫素王以無爵之誅賞與先王以托權而又自至德要道以裨行大學經文惟是由家國天下推本於所原若兩參之教焉學士墨守師說不知其古文為何物嗟夫大學表章於陽明子

而孝經則自疎山先生始融會而發明之羽翼道真信所謂立德不朽者矣

邑後學張廷相撰


跋



張廷相先生跋



# 景天成象

# 上圖

景天山柱天文圖














吳郡山先生遺集天文圖說卷之七

天文三垣二十八宿并附近星官總計二百八十三座一千四百六十四星微星萬一千百二十

凡星居之曰次曰舍曰厓同舍曰合變為妖星曰散經之曰厯相擊曰鬪早出曰贏晚出曰縮又失次上二三宿曰贏失次下二三宿曰縮在下而上曰陵在上而下曰乘周匝曰繞東西曰鈞南北曰紀星月相陵曰食七寸以內光芒相及曰犯居其宿曰守守之而久曰復曰還上星宿行例 ○行兩角間行亢外三

吳郡山先生遺集

卷之七

天文圖說

尺行氐外四尺行房中間行心內二尺行尾內十二尺行箕內六尺行斗柄一尺行牛上間行女外四尺行虛外六尺行危外七尺行室外十三尺行壁外十四尺行奎外十三尺行婁外九尺行胃外九尺行昂外十五尺行畢左角行觜內八尺行參內十三尺行井中行鬼外四尺行柳外十二尺行星內十五尺行張內十八尺行翼內六尺行軫內三尺上日月五星常行黃道 ○天漢起東方經箕尾之間謂之漢津乃分為二道其南經傳說魚天篇天弁河鼓其北經龜貫箕下次

絡南斗魁左旗至天津下而合南道乃西南行三分  
夾瓠瓜人星杵造父騰蛇王良附路閣道北端六陵  
天船卷舌而南行絡五車經北河之南入東北木位  
而東南行絡南河闕丘天狗天紀天稷在七星南而  
沒上天漢起沒○周天三百六十五度五百八十九  
分度之百四十五半覆地上半在地下其二端謂之  
南極北極北極出地三十六度南極入地三十六度  
兩極相去百八十二度半強繞北極徑七十二度常  
見不隱謂之上規繞南極徑七十二度常隱不見謂

吳疎山先生遺集

卷之七

天文圖說

二

之下規赤道帶天之絃去兩極各九十一度少強黃  
道日之所行也半在赤道外半在赤道內與赤道東  
交於角五少弱西交於奎十四少強赤道外極遠者  
去赤道二十四度斗二十一度是也其入赤道內極  
遠者亦二十四度并二十五度是也日南至在斗二  
十一度去極百一十五度少強日最南去極最遠故  
景最長黃道斗二十一度出辰入申故日亦出辰入  
申日晝行地上百四十六度少強故日短夜行地下  
二百一十六度少弱故夜長自南至後日去極稍近

故景稍短日晝行地上度稍多故日稍長夜行地下

度稍少故夜稍短日所在度稍北故日稍北以至於

夏至日在井二十五度去極六十七度少強日最北

去極稍近故景最短黃道井二十五度出寅入戌故

日亦出寅入戌日晝行地上二百一十九度少弱故

日長夜行地下百四十六度少弱故夜短自夏至後

日去極稍遠故景稍長日晝行地上度稍少故日短

夜行地下度稍多故夜長日所在度稍南故日稍南

以至於南至而復初焉斗二十一井二十五南北相

應四十八度春分日在奎十四少強秋分日在角五

少弱此黃赤二道之交中也去極俱九十一度少強

南北處斗二十一井一十五之中故景居二至短長

之中奎十四角五出卯入酉故日亦出卯入酉日晝

行地上夜行地下俱百八十二度半強故日見之漏

五十刻不見之漏五十刻謂之晝夜同夫何以謂晝

數多而夜數少也夫天之晝夜以日出沒為分人之

晝夜以昏明為限日未出一刻半而明日入二刻半

而昏故損夜五刻以益晝是以春秋分漏晝五十五

吳疎山先生遺集

卷之七

天文圖說

三

刻也洛書甄曜度春秋考異郵皆云周天一百七萬  
 一千里一度為二千九百二十二里七十一步二尺  
 七寸四分周禮日至之景尺有五寸謂之地也鄭眾  
 說土圭長尺有五寸以夏至日立八尺之表其影與  
 土圭等謂之地中今潁川陽城是也鄭元云凡影於  
 地千里而差一寸景尺有五寸者南戴日下萬五千  
 里也據此日當去地八萬里矣日斜射陽城則天徑  
 之半也以勾股法言之以周率乘之徑率約之得五  
 十一萬三千六百八十七里六十八步一尺八寸二  
 分一度凡千四百六里二十四步六尺四分摹象紀  
 數言人人殊何居要之周渾無際日月眇營馴幽咫  
 步宜莫學其所以然者○日循黃道東行一日一夜  
 行一度三百六十五日有奇而周天行東陸謂之春  
 行南陸謂之夏行西陸謂之秋行北陸謂之冬以成  
 陰陽寒暑之節傳云日太陽之精○用養陰之精其  
 形圓其質清日光照之則見其明日光所不照則謂  
 之魄故月望之日日月相望人居其間盡觀其明故  
 形圓也二弦之日日照其側人觀其傍故半明半

吳球山先生遺集

卷之七

天文圖說

四

吳球山先生遺集

也晦朔之日日照其表人在其裏故不見也其行有  
 遲疾其極遲則日行十二度強其極疾則日行十四  
 度半強遲極漸疾疾極漸遲二十七日半強而遲疾  
 一終矣又月行之道斜帶黃道十三日有奇在黃道  
 表十三日有奇在黃道裏表裏極遠者去黃道六度  
 二十七日有奇而陰陽一終矣○日有中道月有九  
 行中道者黃道一曰光道光道北至東井南至牽牛  
 東至角西至婁夏至至於東井北近極故晷短立八  
 尺之表而晷景長尺五寸八分冬至至於牽牛遠極  
 故晷長立八尺之表而晷景長丈三尺一寸四分春  
 秋分日至婁角去極中而晷中立八尺之表而晷景  
 長七尺三寸六分日去極遠近難知要以晷景晷景  
 短長以知日之南北也月行九道者黑道二出黃道  
 北赤道二出黃道南白道二出黃道西青道二出黃  
 道東立春春分東從青道立秋秋分西從白道立冬  
 冬至北從黑道立夏夏至南從赤道青赤出陽道白  
 黑出陰道○歲星太歲在四仲則歲行三宿太歲在  
 四孟四季則歲行二宿二八十六三四十二而行二

吳球山先生遺集

卷之七

天文圖說

五

吳球山先生遺集

十八宿十二歲而周天○熒惑常以十月入太微受制而出行列宿司無道出入無常二歲而周天○填星常以甲辰元始見斗之歲鎮行一宿二十八歲而周天○太白常以正月甲寅與熒惑晨出東方二百四十日而入四十日又出西方二百四十日而入三十五日而復出東方出以寅戌入以丑未○辰星常以二月春分見奎角五月夏至見東井八月秋分見角亢十一月冬至見牽牛出以辰戌入以丑未二旬而入晨候之東方夕候之西方○月行遇木火土

吳謙山先生遺集

卷之七

天文圖說

六

金四星向之則速背之則遲五星行四方列宿各有所好惡所居遇其好者則留多行遲見早遇其惡者則留少行速見遲與常數並差少至五度多至三十度計其辰星之行見伏之異晨應見在雨水後立夏前夕應見在處暑後霜降前並不見啟蟄立夏立秋霜降四氣之內晨夕去日前後三十六度內十八度外有水火土金一星者見無者不見○五星為五德之主其行或入黃道裏或出黃道表猶月行出有陰陽也然出入無常不可以算數求也其東行曰順西

行曰逆順疾逆遲通而牽之終為東行矣不東行不西行曰留與日相近而不見曰伏與日同度曰合○木火土三星行遲夜半經天其始皆與日合度而後順行漸遲追日不及晨見東方行去稍遠朝時近中則留經旦過中則逆行迨行至夕時近中則又留留而又順先遲漸速以至於夕伏西方乃更與日合金水二星行速而下經天自始與日合之後行速而先日夕見西方去日前稍遠夕時欲近南方則漸遲遲極則留留而近日則逆行而合日在於日後晨見東方

吳謙山先生遺集

卷之七

天文圖說

七

方逆極則留留而後遲極去日稍遠日時欲近南方則速行以追日晨伏於東方復與日合此五星合見遲速逆順流行之大經也昏旦者陰陽之大分也南方者太陽之位而天地之經也七曜行至陽位當天之經則虧昃留逆而不居焉此天地之常道也三星經天二星不經天參天兩地之道也

天文圖跋并讚

是圖也少司寇吳疎山先生之所繪也夫天體廣經二億三萬三千五百里有奇東西稱是周三倍之上地至天半其所經濛濛哉高矣遠矣而先生規之以尺幅肖渾儀焉按而索之三垣二十八宿中外常明之星若而干可明之星若而干微星之數若而干而海人之占未存焉故夫七政之所以齊九野之所以分燦若指掌矣詔曰不出牕知天道此之謂與先生為令時入計調政府弗為具羔鴈第持是圖獻異乎

吳疎山先生遺集

卷之七

天文圖

吳并讚

八

俗吏所操阿堵者京師豔談之輒號吳天文愚按揣先生意非直冰蘖自表見宰相燮理陰陽調贊元化藉天文之未請何調燮之足賴先生意念隨遠矣既著天文併圖輿地都邑邊徼山川險隘井井如也豈惟備職方之考鏡抑且為經理之權輿其用心亦勤矣哉嘗展讀先生遺集其著述最夥所關係國是世風者具在臺中諸疏而其表章古文孝經有功于先聖尤不小直兩圖之為沾沾乎乃其出處進退消息盈虛圖以為用而方以為體則兩圖其心印矣先天

圖位故有方員萬世稱斯文鼻祖其按河南而議崇祀之有以也夫今者易名之議將諡先生以文觀于斯圖經緯亦可觀已先生諱悌金谿人天毓自舞象時已山斗先生之風比承乏茲土會以兩臺命特祠先生而春秋奉俎豆挹靈爽雖景行之未能亦仰止之攸遂既從其仲子選部君受此圖若面命之矣重付敬剛氏以廣其傳輒自忘其陋而僭為之讚曰

先生心涵儀象道合璣衡不晦者圖不朽者精持之

政府琴鶴比清謠之帝都天文著名太倉梯米堪輿

吳疎山先生遺集

卷之七

天文圖跋并讚

九

埒形造化在手兩圖並呈智崇禮卑天地為程詰人往矣大道猶明予生也晚後乎其睽按斯圖也豈不髮鬢乎先生

萬曆丙午孟春賜進士第文林郎知金谿縣事古義

興後學丁天毓頓首拜撰

吳諱山先生遺集卷之八

言行錄

門人李約編

夫性生而然者也孩提之知愛其親孰使之性也而  
行可見矣行非性之外也性一行百而非有二也能  
盡性則可以盡人物贊天地非禮勿動四句聖門第  
一藏義夫耳受聲目受色卒然當前耳目非灰稿記  
能卻之纔着意禁絕又非顏子工夫此等境界全在  
人自家體認

吾人立心時時不可無鳳翔千仞意思有此意思而

吳諱山先生遺集

卷之八

言行錄

一

言行錄

後我大物小三公萬鍾等之浮雲况小小利害哉

吾人講學却要識得大頭腦總只是盡性性者天地

萬物之同源吾人要識得此身與天地相似是何物

合下用功在何處如堯舜授受孔曾一貫孟氏願學

與夫宋儒相傳的正脉喫緊處吾人必何如方與聖

賢恰相似始為善學其要總在至敬敬者只是這點

憂勤惕厲的意思頃刻不敢自逸理無定在敬則常

聚心本活物敬則常惺而性無不盡矣

中庸素富貴等語原無執着如人一日之間至富貴

的也有貧賤時至貧賤的也有富貴時就其心之足  
不足處便是稍有橫逆拂鬱之時即是夷狄患難流  
移轉徙就中恰有至當的道理非君子養定機圓胡  
能無入不自得若此

先生清夜每喜誦孟子牛山章與張子西銘嘗論生  
而知之者上也章謂三等當在知上看不就人品上

看孔子生知亦有學知困知眾人學困亦有生知如

假我數年學易非學知乎發憤忘食非困知乎不學

而知非生知乎生知乃是一點靈明不假思維言說

吳諱山先生遺集

卷之八

言行錄

二

言行錄

不落階級蹊徑渾然天成通極性命即陽明先生所

謂良知便足以盡天下之變成天下之務故為知之

上此在眾人時有呈露處聖人則常常現前耳學知

困知便屬人為不免有苦難處所云從門入者不是

家珍也故為知之次又次此在聖人亦有合之成其

大而已至知困而不學本體全蔽鋼了辟則曰有觸

之是乃懵然無知之民縱使機變百端不合性體不

名為知故曰知之下在聖人與賢人都不若是

退藏于密密是道之精微聖人之妙處余嘗于此體

天下萬事真從密處致顯靜處生動

學者日要惺惺照已所不足處而實力焉躁則以靜  
養之濃則以澹澹之邪則以中乘之浮則以定鎮之  
私則以公克之矜則以和平之日省一日孳孳不怠  
道于聖賢地位

人能至敬自無欲時時收攝此心如淵澄如岳峙天  
下無足震撼昏翳此心者而後當天下大事自恢恢  
游刃有餘地

先生按淮時念菴與東城同訪先生各述所聞因劇  
吳疎山先生遺集 卷之八 言行錄 三

論學問病痛先生謂念菴曰念菴聰明凡聰明必不  
穩固深蓄念菴感激有父母生我師友成我之歌云  
欲澹則心清事簡則神靜氣定則志恪言寡則德進  
大學格物豈外索之形器之粗物即吾心體故陽明  
先生謂吾心即物理物理即吾心非有兩也若謂心  
非物則落于空寂何以能參贊位育做出許多事來  
若謂物非心則又涉于形器之粗矣形器之粗必有  
滯而不通之處心果滯而不通乎哉

吾人一點靈明洞洞矚矚即良知也聖門之所謂仁

而孟子之所謂性善也靜中體認俯仰之間可彌六  
合而照于古人惟私欲橫于中故靈明昏翳是以聖  
門重克己

人不可小看了此心中間具天地萬物體段收參贊  
位育功能皆從心出完全此心分量纔是聖學

人心常活常應如陰陽之氣周流于兩間如血脉周  
流於一身並無一息之停自有生以至全歸時此心  
是常應的即大夢中未嘗不覺其云寂然不動者就

其應而不緣於應者言耳後儒執游氣之暫息認爲  
吳疎山先生遺集 卷之八 言行錄 四

寂體此與逝者如斯之意天地懸隔

三千三百正是洋洋發育處故君子學以尊性只是  
一箇敦厚以崇禮

舜好察邇言句解者曰淺近之言猶必察焉其無道  
善可知此語非是天下惟邇言於境最真於理最切  
蓋言近而指遠所謂庸言於此察之方是擇乎中庸  
然非大舜不能察此意却可理會

凡人資稟篤實固是進道之器然若不發憤好學從  
義日新則此篤實翻爲障道因緣此孔子所以思狂

獨也

張橫渠先生云自始學以至於成德總只是一個毋  
意毋必毋固毋我此語極切要故曰君子之學莫若  
廓然而大公物來而順應

聖經言明明德即言親民此是一本功夫不是體用  
內外之說

程子曰聖學本天有味乎言之也天之謂明命人之  
謂明德試向人身體驗明德却是身中何物

孔子曰吾有知乎哉無知也鄙夫問於我空空如也

吳諫山先生遺集

卷之八

言行錄

五

孔子無知即太虛的體段鄙夫空空即聖人的太虛  
此時亡問聖愚俱是不學不慮本來面目更何見解  
分別

或問夫子教會參曰戰陣無勇非孝也他日曾子有  
疾召門弟子曰啟予足啟予手如臨深淵如履薄冰  
吾今而後吾知免夫小子使曾子臨陣而勇則是忘  
身又呼小子却是教以保身何與先生曰此問却有  
關繫此身為親守焉君致只是一般曾子呼小子守  
身之孝也孔子告曾參致身之孝也未有不能守親

之身而能為君致之者也致身以事君尚有遺憾於  
其親者乎

譚襄敏公講學於金谿之翠雲書院先生曰自吾提  
兵以來殺一不辜恐或不免至行一不義則兢兢不  
敢出也先生曰殺一不辜即是行一不義二句分看  
不得襄敏公深謝之

或問子厚言容形因感見前也容感不期而遇也然  
則無主乎先生曰君子虛以受人居敬而行簡定性  
而順動个底自有主主人翁在不然荒敗之屋客來

吳諫山先生遺集

卷之八

言行錄

六

無主成何世界

或問張橫渠言學者但當學為聖人不當學為賢人  
然則希聖希賢之說非乎先生曰人性原與天地相  
似分毫貶損不得故子思論戒慎恐懼說到天地位  
萬物育易曰大人者與天地合其德日月合其明四  
時合其序鬼神合其吉凶倘不知天命本來何以云  
學其有聖賢之別者就人所造深淺言耳

祖述堯舜者義農數聖人之道至堯舜止矣堯舜之  
後或有歎焉也此孟子姑舍夷尹而願學孔子之意



也憲章文武者守時王之法也上律天時高出人位之外矣却又下襲水土不求異於人所謂極高明而道中庸者是已

至誠之道可以前知誠則明也國家將興必有祲祥將亡必有妖孽此天人感通之常道也又如耆龜無心可占吉凶人之動乎四體亦誠之不可掩也故至誠如神不足異也國家將興以下數句是解出可以前知之故也蓋言國家之興不興於興之日而其將興也必有祲祥國家之亡不亡於亡之日而其將亡也必有妖孽夫祲祥妖孽能兆國家之興亡至國家雖尚未興未亡之時而興亡之理固已豫定矣至誠不從可知乎若說至誠因觀祲祥而後知國家之將興觀妖孽而後知國家之將亡則其知亦不神矣然則祲祥妖孽彼又何從而觀之乎見乎蒼龜動乎四體皆此意程子曰枯華朽筴猶能兆豈有靈臺不自知正此之謂矣此至誠前知只是不慮而知養到神處

人之言曰予無樂乎爲君唯其言而莫予違也蓋爲

臣民者凡出言則人相與辨之必求於是而後已獨患不能聽納耳若人君則不然臣下慫恿導諛君之所言而然從而然之君之所言而非從而非之更不

論可否幸其君之言善則不違者善矣不幸而不善則不違者不喪邦乎蓋其心唯知不違而已初不顧其言之善與否亦不顧其喪邦與否也古者君臣論道相與師友君所謂可而有否焉臣獻其可以替其否君所謂否而有可焉臣獻其否以成其可若君之所然而然之所非而非之則謂之不肖臣矣故莫違君言者非盛世事也雖然後世有唯其意而莫之違者矣

深造是工夫縝密以道是主意不差深造是道問學以道是尊德性深造而不以道雖日孜孜焉竭其才力畢竟是強探力索以法把持縱有成就却非自得如罪人之交臂歷指身坐囹圄自分不見天日更無紛華外驚豈可謂自得也文章是可見者却說可得而聞性與天道夫子言之却又不可得而聞蓋所聞者不以耳聞而以心聞文章是喜怒哀樂發而中節

者性與天道是未發之中所謂上天之載無聲無臭是也性與天道不可得而聞欲聞之奈何於不可得聞處尋之可矣

中庸不可能也又曰民鮮能久矣何如而能之於其不可能處有得焉是真能矣

人不能先覺者方墮人計中忽然開明乃有所覺蓋先為物欲障蔽故不覺然其本體之明終不可掩故亦未嘗不覺但其覺有遲早耳人多為人所詐所不信而覺之遲乃不能罪己之不先覺而一切逆億之

吳疎山先生遺集

卷之八

言行錄

九

是失之已求之人所謂反鑑而索照矣鑑之所以能照者以其明也人之所以能覺者亦以其性之明也故始雖蒙蔽為人所詐不信而終能有覺也若逆億則失性迷真不但蔽而已矣終無由覺矣雖間能得人之情亦非正覺矣蓋先覺者只是自得本性常照常照常照常寂無覺不覺實無所覺沖漠無朕萬象森然已具萬象森然已具而沖漠無朕未嘗有所動也故曰先覺海鷗日狎海童至其心生而翔而不下者為其蔽淺也眾人嗜慾深蔽亦深故覺之遲海鷗

嗜慾淺蔽亦淺故覺之早若人已有嗜慾之蔽而復

為逆億以待之則失性迷真不但蔽而已矣故曰返

鑑而索照也人能知海鷗之覺而知其蔽焉則幾矣

衣做緇袍與衣狐貉者立而不恥此是子路資質相

近有見於此而日孜孜焉原其心自不伎不求中來

故聖人引詩美之子路却終身誦之便是以此為功

課不知過此以往未之或知也且如顏子簞食瓢飲

在陋巷不改其樂孔子飯蔬食飲水曲肱枕之樂在

其中所樂何事是他自得本性雖樂實無所樂固非

吳疎山先生遺集

卷之八

言行錄

十

樂貧亦非樂道即人習染日深種種世情無由見得本性其喫緊用功只在飲食衣服男女利害死生之間然所以如此者只為要得本性則工夫始有下落不然雖極其深造猶為外道所謂執筌蹄而忘魚兔矣

衣做緇袍與衣狐貉者立而不恥此在世情極是難

事子路能之則不以貴賤貧富榮辱動心矣然世情

所以恥於此者只為在軀殼上起念故生榮辱其在

己必求得之於人又生妬忌不知此與吾性分何與

也子路見破了却於此日孜孜焉然恐尙未必堅定也故聖人引詩以美之使之篤信深造期於有得也子路終身誦之是何等力量聖人於此又曰是道也何足以臧此是聖人善點化處

道問學而不主於尊德性則雖日從事於學不可謂致廣大而盡精微云故致廣大以下四句雖單承道問學言其實必尊德性而道問學者乃足以當之旁行而不流旁如書經旁招俊乂之旁曲暢旁通之旁不可謂作偏側旁行而不流難言之應而曲當也

吳疎山先生遺集

卷之八

言行錄

十一

先生留都時報謁巨觴於江口因得寒疾還將燎火汗之暑中無薪也車夫人爲取壁中蒸燭焉疾且愈某醫誤用白虎湯遂不起彌留之際言無他及眾爭督過醫先生忽睜目曰我命然耳醫何罪次日諸僚亦欲治醫罪竟以先生言醫得釋

呂沃州公云疎山公在臺中清望最隆貴深秉政嘗招之使親己不屈也分宜用事勢熾燬於公投刺止書鄉晚生或勸從眾增一學字不可分宜亦敬公有被駁者訴分宜所分宜曰吳道長旣聯署必不枉其

見重如此又曰江西士氣素著當分宜秉政不無徒風而靡畢竟推重江西者尙賴有吳疎山諸公維持之也

孫立亭公按南畿訪先生于滁陽因相與劇談格致未發之中甚契洽自己達申未具餐孫公歸署始覺踰亭午亦不索飯及爲大司寇猶憶念是事嘗對人曰世廟末年吳道長再起人望之如鸞鳳奈何沒後尙缺美謚因遺書中朝曰清修如司寇問學如司寇較之近諡亞卿陳雨亭之正直邵養齋之雅淡吳其

吳疎山先生遺集

卷之八

言行錄

十二

過之而今以年遠寢謫此其所以爲公論發太息也李石麓公與朱鎮山公語吾閱人多矣如疎山者温潤如玉一時朝士爭識其回每相謂曰神完不可及也守道崔公都每與人言我輩獲罪中丞御史只做官不得若獲罪吳疎山便做人不得徐少初公有疾召弟子吳希舉謂曰疎山爲人會理寡欲非吾所及

近溪羅公拜先生祠謂諸學者曰金谿之學宋有象

山國朝有疎山皆先立其大不提宗不立門戶

卓峯黃公為姚江高足弟子先生師之卓峯嘗云青

田實得之儒姚江實用之儒疎山實踐之儒其高明

易簡則一也

王白厓公曰疎山從黃卓峯公講易卓峯曰思誠神

氣異常在告時遇邑有秕政不利于民者卓峯輒命

公往白令公瞻視端重詞氣雍容陳閭閻疾苦如指

掌令輒敬受卓峯每日吾不若思誠之動人

五台徐公謂撫州士風甲天下疎山尤表著栢泉胡

吳疎山先生遺集

卷之八

言行錄

三

公謂疎山岳極之望道義之宗若肯一出真足以鎮

歷浮薄甘齋成公曰疎山風裁氣節素重臺評

何儀部匪我曰吾於閩中屢聞諸先輩謂疎山先生

寡欲人也豈惟一切世情即此身聲色臭味幾于無

矣

先生在臺中時執政某以選取譯字生被論先生與

眾往候某甚不平先生曰今外議沸騰公當自反執

政為之改容

先生起復臺中時華亭安陽興化在內閣先生持位

教生刺往候之或勸宜少貶損先生曰吾齒長矣稱

晚不情諸公既畧其不肖錄之蘅茅中寧復以迂疎

見罪耶華亭益高之欲以少冢宰御史大夫借重先

生先生竟求南去

戊申病痊巡撫傅公巡按胡公移檄勸行先生未決

以封君古峯公命始就道至德州等以病引退執政

某深恚之曰吳某何所聞而來何所見而去清朝盛

世顧獨不足容耶遇元山曾公辭解乃獲告

先生在南都尺素不入長安家宰望湖吳公寄先生

吳疎山先生遺集

卷之八

言行錄

四

詩海內同袍苦不多思君南去獨長歌別來閱歲無

音問應是江南少鴈過先生得詩澹如也

徐大紳先生嘗曰我輩得疎山一字當比金玉

先生在南比部有一喇軒獄為人羅織司寇徐達齋

執之甚確不欲改成案侍御耿楚侗公白其事先生

廉之果寃毅然平反楚侗曰今時何得如疎山者如

某獄人都怕達齋惟袁裕春與疎山信我大家擔當

先生按河南伊藩矜泰以正衡之懼其端望乃通書

結納以道友稱先生報云殿下天子貴戚非其所敢

友某天子憲臣非殿下所得友嚴肅有度類如此

伊藩故事冥御史授酒則長跪先生捧爵立左右贊

唱至數四目攝之終日屹然乃借優人口嘲先生曰

蘇秦却被蘇三離間親親先生知蘇三季音類別號

乃正色曰家必自毀而後人毀之國必自伐而後人

伐之伊藩變然後嘗語人吳御史真不可奪

睢州地近河一有衝激環城為沼民多墊溺先生痛

之爰相土築臺高廣若干自是河洪水卒至咸登臺

率止得免魚鱉雖人至今永賴揭石紀銘志其臺曰

吳山先生遺集

卷之八

言行錄

五

吳公臺云

時境內中官某氣焰薰灼嘗欲假先生名樹坊為重

素懼威望轉乞撫臺于之先生竟堅持不可

時河南一令夙有聲稱先生行縣欲廉實薦之比供

入令捧鮮鰻魚跪上先生愀然知為媚上取譽者已

廉得其醜疏黜之

揚州有巨商以重賕通一地曹約關白淮院者及聞

先生接准命下地曹即反其賕曰是不可以人情說

說之吳御史也

先生按兩海深知王心齋詩式其廬語三日甚相契

洽文成良知之學多所發明學者請兩先生問荅擬

為語錄先生曰學在自得語錄何為

先生在淮揚忽遇秦二州湖廣蕩析廬居生靈淹沒

數萬計其存遺待哺者嗷嗷若捧漏道糧糶至先生

喜曰是天假之以活吾民矣或曰合請諸先生曰天

子幸慶表元元乃今危在呼吸如請何適取運糧給

散旋以官羨辦補出一時之通融而公私無恙羅近

溪公以為此舉具見忠君愛民之實德非有奇謀大

吳山先生遺集

卷之八

言行錄

六

力量者不能已又疏畱鹽錢六萬以為廬室耕種燒

鹽之具民用寧居休養生息獲有今日云

獻皇后梓宮南附道出淮揚或議毀邦江一帶民居

以逼繞道公不忍乃出罰鍰構木修棧以逼又或議

借富民以備供億公曰淮揚之富孰盛于鈔關運司

次及府藏者乎資之為用毋以病吾民於是供億夙

辦民皆安堵

寧國守其罔恤民左右漁貨先生為令嘗因事諷之

朔日隨守謁郡城隍神請曰廟祝以城隍神小像掠

取民間革之便守命之焚之觀者動色

巡撫某以宣城積逋中公不得復借丁弓六事厲語

侵先生先生乃具文曰士可殺不可辱惟命退惟

命卒真能難佗日謂執政曰吳宣城氣甚傲執政曰

傲吏非凡吏信然巡撫亦愧服

寧國屬邑舊令至登極要守謀諸先生欲為建祠樹

碑公廉其無狀抗議不可且曰凶禍所加令自當之

事遂寢

撫臺周荊崖公嘗疏薦先生先生應召時荊崖公適

吳陳山先生遺集

卷之八

言行錄

七

行縣因造賀先生留飭僅藁魚蔬果左右曰無乃非

乎先生曰鴻泊固吾常事

嘉靖中海樓凌公疏舉海內六名賢于朝望湖吳公

念菴羅公平泉陸公三峰劉公少初徐公先生其一

云

京師傳語有疎山躬蓋京師縉紳揖畢復加深躬四

方磬折至地先生曰是再揖矣獨如禮拱後人慕而

傲故云

性喜靜坐每讀書止誦白文數過薄記誦剽竊于是

五經子史皆了大意獨謂周禮一書吐周公之經濟

具治世之良規平生留神在焉

金穀故推樸不善供應一日卓峰公知上官督過乃

往候語曰吳思誠在臺中嘗布袍蔬食士論高之公

知否上官於是省供應弗復苛責焉

黃掌教應沙曰先生嘗語株每入臨汝望見城堞卽

動念此間有章介菴陳明水肅然起敬其虛心樂善

景仰前修如此

先生執喪盡禮寢苦酸粥三年如一日且暮必拜哭

吳陳山先生遺集

卷之八

言行錄

六

雖燕居麻經不解顏色極慤屏跡公門弗復問戶外

事至觸手澤未嘗不泫然泣下雖古稱純孝奚加焉

人有言先生居喪哀形于色平居溫然遇有鄉人干

以私者面輒赤謂義形于色此約等親察而熟見之

時有罔平民為盜富戶竊之有司將寘以法質諸先

生先生乃舒心解頰明辨析理事以平反人竟莫知

所自

先生令宣城以歲額輸于郡王者索增贏餘先生不

可王者且白郡守增之先生曰已有守睨視曰尚無

先生曰臨立正視故有守立側視故無守大慙

先生為今人都不函一幣唯歛天文圖為贊一時諱

然稱吳天文云

先生請新太昊陵寢謂宜與闕里並隆以重斯文鼻

祖此創始之論也趙文肅亟稱之曰是疏義精詞確

發先儒所未發

先生尤厭繁縟涵淳斂華中藏益密朋儕來聚深以

精神感孚不事言語相對終日默然飲以太和而已

先生為人行所無事質任自然渾是一團仁體而胸

吳山先生遺集

卷之八

言行錄

九

中涇渭其確義不可處斷斷乎不能易也

先生襟懷瀟散一切聲名爵位遺之都盡一時名碩

謂先生如野鶴凌空

有楚中士人謝思申者慕先生通刺遺詩曰相公處

處通書謁海內人人說介翁白馬雲林君獨隱權門

槐柳愧高風

近溪程公曰世廟時理學者或門戶之競先生則渾

融無跡事功者或作為是高先生則冲漠自潛節槩

若有萬籟相持先生則夷猶順應究竟所就人卒莫

之先焉茲固得之完養之純有神世教出于尋常萬

萬者

止恭楊公以秩滿入都言先生丁酉抗疏人但知有

功於人才不知為抑郭武定也武定得幸世廟權勢

薰灼世廟追寵其祖郭勛議以配饗江公汝璧典試

南都以此發策問郭卿之遂中傷汝璧被逮因廢一

榜對制當時中官與郭朋比結黨人莫敢擬先生草

疏已定待日脯始入闕門中官詰曰上怒甚得無涉

及南都試士乎先生曰非也中官不暇檢察遂得進

吳山先生遺集

卷之八

言行錄

十

覽卒為郭所中下詔獄予杖此等大事記載多闕亦

是時武定寵盛人畏之遂廢直筆耳百世之下史果

能盡書耶

先生平居無狎慢時二三執友俱顯貴同訪先生之

廬途中相謂曰此去思誠家勿為禮拘人必五斗盤

樂盡醉而返及席坐叙飲止小杯談雅自晨及申諸

友竟不得啓口如前意此先生持已莊嚴不但自消

狎慢而并人之意消也

臨川常君博雅有古行先生與之為布衣交去先生

居半舍朝夕相過從及常君逝先生痛悼之過其里  
輒下輿存問其孤如此者終其身無變先生交友無  
間死生蓋如此

或有謂先生只平平無甚異於人者不知道本中庸  
患在不平易先生榮名聞四方而不設講席正議重  
天下而不落著述節槩挺千仞而不樹町畦清介逼  
古人而不為矯激是平平乃所以見先生之大也

先生布衣時潛修疎山禪寺山僧具餐以進至以敗  
脂調蔬不堪下箸先生每食必舉箸至蔬盤中問  
吳疎山先生遺集 卷之八 言行錄 三

之曰令彼此情相安耳此亦無取寡小大不敢慢之  
學

先生髫年卽有為聖為賢正心誠意之說稍長為諸  
生走白鹿講析義利之學入仕為廉吏為名御史凜  
凜風節居家循循如處子自童至老終始一轍真天  
地間完人也

先生再起當事者以副院虛左待先生及入京又欲  
擬除少宰勸先生少須先生度志不能行堅求南去  
昔宗司馬光辭樞密神宗曰只此一節人所難能世

以此益高先生云

孫立亭公嘗語人曰吳疎山道長居家二十年再起  
臺中一時朝士比之為鸞鳳其望重如此

楊止菴公曰先生再起臺中清望隆甚時不佞某在  
水部偕同寅往謁畢入署堂翁詢投刺如何眾曰如  
故事堂翁曰疎山有道人也不可以故事拘於是水  
部諸君更用晚生其後比部繼之而卿館臺省亦間  
有行之者此固可駭人心之好德而亦見當年崇尚  
先輩猶庶幾大雅之風也噫今亡矣夫

吳疎山先生遺集

卷之八

言行錄

三

嘉靖末年竊多草寇有渠魁徐耿者萃眾百餘肆行  
剽掠村落至不可擾其鋒先生祖塚在三十都去盜  
窠不遠時盜相與誡令不可輕犯吳御史吳御史真  
君子由是近塚居民聞之爭藏輜重先生庄舍至充  
楹塞棟無所履足于今徐社百十家猶能言之云

先生作字即屬稿不肯省文每依洪武正韻不喜人  
作俗字只令正書端楷不論工拙

先生處鄉黨和易可親卽田夫俗子亦不峻拒若學  
者綺語待禮見先生其色每厲然不少假借



先生居常布袍被服不厭澆洗卽至做壞亦一垢不  
存先生盛暑必衣冠未嘗急扇終日坐不睡亦不汗  
浹旬日不浴而肢體常淨

先生不直斥人短其有各持意見者不違折衷第令  
其虚心再思有悟者先生欣然是之不悟者先生約

言悟之

先生不喜多言卽與客對坐或主終日不發一語而  
神意怡然

先生家無異物珍玩燕几止圖書數卷而已卽它人  
笑疎山先生遺集

卷之八

言行錄

三

有之異物畧不注目

先生自入仕以至卿貳不豎一枋牌門不懸一扁此  
尤所難及

壬辰林大欽春榜先是夏桂洲因先生同里壤且物  
色先生狀貌魁偉廷試欲首掄以爲制科重因授意

收卷官記取私號有豫告先生者先生默然不答投  
卷時自以手雜亂之亟趨出余嘗聞嘉靖初泰和羅

公欽順由禮部尚書起改吏部辭弗就當時以此謂  
其有鳳翔千仞之意若先生才雄書生便知趨向之

正便不愛做狀元視此寧多讓哉

皇人有李子誠者嘗携笈往安成求執贄羅文恭之  
門文恭曰汝郡有疎山及師我耶卽馳書與李子命  
謁贄於先生而受學焉其推重如此

先生性稟靈悟嗜好寡濬神璞獨完每於事理動燭  
幾先嘗聞按河南事竣亟引疾歸巡撫維公昂力勸  
止之先生曰物不可以久居其所行而止之進而退  
之天之道也此豈某獨然耶諸君須共識此意其後  
雖卒以事去乃嘆曰吳公先見弗可及也

疎山先生遺集

卷之八

言行錄

四

先生家在疎山之傍間做居羊城一夕與二三友漫  
遊忽顧同侪曰吾家火崇矣明日看頭至果然其微  
異如此及讀先生所訂先覺解義海鷗深淺之論歸  
之於無欲非本源工夫澄徹之極胡以臻此

駁

余幼領過庭之訓聞先君雅言疎山先生蓋余先祖  
石泉公與先生同膠庠又同侍黃光祿函丈景行仰  
止積有歲時藉此風徽迪我蒙稚惜當舞象之年尙  
愧闕豹之識而又越在漢東山川修阻雖有區區鄉  
往之意亦已疎矣逮夫通籍以來獲與縉紳學士遊  
而縉紳學士又靡不推服先生者乃知先生以鄰畿  
之才躬道素之實卓然以理學命世而上接青田之  
派者也惟是嘉言懿行未覩成書則醴雞之儒何繇

吳疎山先生遺集

卷之八

跋

五

測其大全乎近乃讀先生門人李約所纂一編或采  
之國史家乘之紀或收之殘編蠹簡之餘或摭之簪  
珮鴻碩之譚或發之鄉黨耆舊之口傳以躬行參諸  
面命散猶星列合若珠連讀是編而後窺先生之際  
矣嗟乎馳騫之士嘗意于聲華參廓之流冥心于義  
諦自非洞茲性命依乎中庸孰能言則折儒之角而  
行則厭人之心如先生者乎或謂先生雅不欲以言  
自見而又謝世三十年後茲編存什一于千百奚  
足以盡先生噫不然嘗鼎一臠測日寸圭而短長之

度不愆鼎俎之味無爽故一言合道終身由之而不  
龍一節可師百世聞之而興起而矧其章章臚列如  
是又奚必誇多以炫其奇務博而浮其實哉余生也  
晚言好皆誇展對是編未嘗不愜然悟規規然自失  
者不揣僭越輒為跋語附于先生之後亦以見吾先  
子之所畏非阿私所好也

邑後學何宗彥拜手識

吳疎山先生遺集

卷之八

跋

五

跋

不佞應雷幸侍先生最久先生嘗以季子仁廣從學  
 應雷與仲子君重甫連席榻有年緣是先生日一至  
 館或再三至或同飯或雷先行徹而未歸先生謁客  
 來館中時或問餘飯欣而飽之游箸冷蔬餘餒之間  
 若為已具然者城中幾椽粗蔽風雨非遇公事及親  
 賓吉凶不用輿蓋止角巾散步一蒼頭自隨絕無邊  
 幅而市子見之肅若辟人狀自按河洛歸家居逾廿  
 載累薦不起後弗獲已應召一歲四遷而歷卿階泊  
 吳疎山先生遺集

卷之八

七

邑後學張應雷拜手識

跋

先生學主自得深厭口耳雖百家之書多所點竄註  
 釋閱後却不畱念故卷帙散逸存者無幾至於論學  
 數章發明親切然亦僅存手記罕有傳者乙巳春任  
 謁拜先生祠下間從嗣君搜索得殘編一二讀之見  
 其悉自心胷流出神理瑩徹與無本而勦說者迥異  
 此亦足以窺先生之一斑也因請錄而梓之以廣諸  
 同志復閱其交際諸書不下百餘皆當年所與海內  
 名流往返論學論政互相切劘之益無半語於世情  
 起念渾然大樸規模噫去先生世幾何而今不可復  
 覩矣安得躬行實踐如先生者以範世云

卷之八

六

東邑後學何其任謹識

吳疎山先生遺集卷之九

年譜

宏治十五年壬戌七月初二日 先生生一歲

近里有接雲峯山形聳秀神著英異成宏間閩廣

禮請者絡繹不絕錢楮塞道火炬燭天自先生出

而山遂寂然惟嶽誕申古豈虛語

先生未生時町水舊經楊州村距疎山十里一夕

徙繞疎山而先生生

宏治十六年癸亥 先生二歲

吳疎山先生遺集

卷之九

年譜

宏治十七年甲子 先生三歲

宏治十八年乙丑 先生四歲

弱不好弄

正德元年丙寅 先生五歲

入學讀書穎悟絕倫

正德二年丁卯 先生六歲

端嚴嚴重視聽言語不苟羣兒莫敢犯之

正德三年戊辰 先生七歲

一日與羣兒浴水時方早請長者試以對云耿恭

拜井求涸地之甘泉先生應聲云大禹治河疏濬

天之洪水為童子時便有帝臣王佐氣象

正德四年己巳 先生八歲

晨出遇人盜魚先生慰遣之不令人知

正德五年庚午 先生九歲

嘗與羣兒浴水疎山港有一兒徐宣者幾溺水渾

岸峭削不能上羣兒驚走先生急呼止以裏脚布

吳疎山先生遺集

卷之九

年譜

接連投水中名羣兒共曳之眾服其有擊壤之智

正德六年辛未 先生十歲

夢伏羲授易豁然了悟講說經義不墮蹊徑善屬

文劉龍峯師命愛之能勿勞乎題有愛之欲為聖

為賢則教以正心誠意修身愛之欲為卿為相則

教以治國平天下等語

正德七年壬申 先生十一歲

近里琅琊祠歲九月張縉樂報賽父老請先生題

綵聯云香鄰虜庭始信千金難易我泉貪交廣誰

云一飲解移人先生清操自幼見之如此

正德八年癸酉 先生十二歲

應童子試有聲

正德九年甲戌 先生十三歲

以易經補邑弟子員督學端峯邵公稱其不凡

正德十年乙亥 先生十四歲

慕先儒象山之學得聖門宗旨遂師事黃卓峯先生講易

生講易

正德十一年丙子 先生十五歲

性喜靜一日郊迎諸上大夫先生為邑弟子員借

徒眾方競戲謔先生輒俯樹瞑目有叩之者不覺

熟睡却正立不仆其神氣安定如此

正德十二年丁丑 先生十六歲

娶車夫人

正德十三年戊寅 先生十七歲

負笈之白鹿與四方名士相切磋出入嘗以大易

周禮一書自隨

正德十四年己卯 先生十八歲

由白鹿歸省過郡湖疾風撼舟幾覆先生凝然端

坐人謂有伊川達後之見

嘗與黃卓峯先生洪柏山先生王東石先生陳明

水先生講學于邑之翠雲山

正德十五年庚辰 先生十九歲

復之白鹿洞精究易理學益充然有得

正德十六年辛巳 先生二十歲

藏修鹿洞十二時中強半靜坐每讀書祇誦白文

數過而大意了然嘗謂周禮一書具見周公經濟

治世之規莫大於此

嘉靖元年壬午 先生二十一歲

讀書白鹿洞

嘉靖二年癸未 先生二十二歲

讀書白鹿洞

嘉靖三年甲申 先生二十三歲

由白鹿返疎山山有一覽亭先生愛其清曠絕俗

讀書其中于易經一書尤自謂玩索不厭

嘉靖四年乙酉 先生二十四歲

講易疎山

嘉靖五年丙戌 先生二十五歲

講易疎山

四月二七日子仁慶生

嘉靖六年丁亥 先生二十六歲

講易疎山

嘉靖七年戊子 先生二十七歲

講易疎山

嘉靖八年己丑 先生二十八歲

吳疎山先生遺集

卷之九 年譜

五

講易疎山

嘉靖九年庚寅 先生二十九歲

講易疎山

嘉靖十年辛卯 先生三十歲

以易經舉於鄉

嘉靖十一年壬辰 先生三十一歲

登林大欽榜進士廷試夏貴溪欲首掄先生為制

科童以意授收卷官記取私號先生生偵之將卷雄

亂趨出

嘉靖十二年癸巳 先生三十二歲

授山東樂安縣令下車謁孝子徐道之廬增加考

課建號舍四十間樂邑風俗為之一變

嘉靖十三年甲午 先生三十三歲

在樂安任內念孺子不解字學先生考社師點句

讀親教以反切之法又考訂醫書授里童讀之實

學宮汚池開兩門取土不日成功以才調宣城去

之日百姓攀轅不舍創立生祠以祀

嘉靖十四年乙未 先生三十四歲

吳疎山先生遺集

卷之九 年譜

六

授直隸宣城縣令值大旱先生禱於壇霖雨立沛

畫境而止

宣有生膏妻者先生追還其妻毋懲其夫

嘉靖十五年丙申 先生三十五歲

宣邑蝗災先生請於上官不待報而發廩民賴以

活

重建水陽浮橋行者德之

疏諭市鎮嚴謹權量具見周官遺意一日輸歲額

於郡主者持衡索羨餘先生曰衡一也特視有邪

正耳主者嘿然

嘉靖十六年丁酉 先生三十六歲

課宣邑諸生諄諄然勗以行檢為先至今父老猶能道之

巡撫某素銜先生當考滿時責以積逋宣民感先生德爭捐貲代償

十月自宣城名為御史民遞道攀留視樂安特甚餘紙價六百金買穀備賑一毫不充官囊咸頌曰

吳青天

吳疎山先生遺集

卷之九 年譜

七

先生初入都時貴漢服官錦袍眾競譽之先生獨嘿然貴漢曰吳子心何在先生曰俟公衣事畢當

以政請

嘉靖十七年戊戌 先生三十七歲

授廣西道監察御史入謁政府手持天文圖為誓

京師號為吳天文云

丁酉科南畿鄉試策問語侵郭武定上怒罪考官且罷諸士制對正月初三日先生抗疏申救詔并

逮上尋悟釋之仍還先生官 疏見卷一

越兩月疏請專職掌以釐臺規 見卷一

八月十七日奉勅巡按直隸專理兩淮鹽課兼理河道御史

十月初十日接理兩淮鹽課

嘉靖十八年己亥 先生三十八歲

七月巡至揚州旋按視通泰等處特謁王心齋先生語三日夜發明良知之學先生疏薦於朝 見卷一

閏七月初三日海潮暴湧漂沒通泰民廬先生上疏并權假漕艘以濟 見卷一

吳疎山先生遺集

卷之九 年譜

八

本月又疏請賑恤以全國課 見卷一

六月獻皇后梓官南祔道出淮陽先生為構木棧以通輓道民無釋駭至是優詔褒之先生上疏辭免賞賚 見卷一

先生本躬行以治民巡按之暇表章古文孝經疏請頒行以訂漢儒分章之謬 見卷一

冬先生因勞致病上乞養病疏 見卷一

是時念庵偕東城至揚州訪先生因劇論學問病痛先生曰念庵聰明凡聰明必不穩固深善念庵

唐漢退而作師友成仁之歌

嘉靖十九年庚子 先生三十九歲

春濟復維揚河隍工竣

三月告病東歸

與羅念庵書 見卷五

與戚南山論學書 見卷五

撰表章古文孝經序

嘉靖二十年辛丑 先生四十歲

養病家居

吳諫山先生遺集

卷之九

年譜

九

京都新創金谿會館以待文武鄉會試及需次京

師者郵書請先生題額先生為書嘉會堂三字至

今手澤猶存

撰金谿名宦鄉賢祠記 見卷三

嘉靖二十一年壬寅 先生四十一歲

養病家居

嘉靖二十二年癸卯 先生四十二歲

病痊赴名入都除河南道監察御史

上禁止私交以勵風節疏 見卷二

嘉靖二十三年甲辰 先生四十三歲

四月上重守令以圖治安疏 見卷二

河南伊王典樸故驕橫畏先生端介致書稱為友

先生報云王親藩非其所敢友某憲臣非王所得

友王益畏之

九月初三日奉勅巡按河南兼查虛置器

九月既望先生按睢州睢患熱溺先生為築雨臺

以禦災疇民至今賴之榜其臺曰吳公臺

十一月初三日奉勅巡按河南兼督堤漕運

吳諫山先生遺集

卷之九

年譜

十

嘉靖二十四年乙巳 先生四十四歲

歸德州去府遠甚且當三省之衝先生疏改為府

以便控制 見卷二

先生立臺時原任都御史王廷相曠先生建言不

先關白及歸田病故復為奏請褒恤人咸以長者

目之 見卷二

先生按陳州疏請修葺伏羲陵廟以迓先天八卦

之源謂伏羲聖之大始孔子聖之大成 見卷二

河南宗室蕃衍先生為疏請等算祿糧 見卷二



嘉靖二十五年丙午 先生四十五歲

因違養日久遂假疾告歸

直夫人舉伯子後不復有所出嘗勸先生置側室

于是年納劉夫人焉

嘉靖二十六年丁未 先生四十六歲

家食養親

嘉靖二十七年戊申 先生四十七歲

巡撫傅公巡按胡公移檄勸行先生不欲往封公

數強之始就道至德州心動復引疾歸

嘉靖先生遺集

卷之九

年譜

十一

九月初二日子仁度生

嘉靖二十八年己酉 先生四十八歲

七月十五日封公古峯先生棄養人謂德州心動

之應純孝之感也

嘉靖二十九年庚戌 先生四十九歲

奉封公樞安厝于邑之三十九都戴橋

嘉靖三十年辛亥 先生五十歲

居喪讀禮寢苦齋粥三年如一日

十月十五日行禫祭除服

嘉靖三十一年壬子 先生五十一歲

值分宜柄國先生晦跡疎山屬戶注易若有終焉

之志故顏其室曰復性堂黃卓峯先生曰若疎山

實踐之儒也學者亦稱疎山先生

嘉靖三十二年癸丑 先生五十二歲

注易疎山

十一月初二日子仁廣生

嘉靖三十三年甲寅 先生五十三歲

注易疎山

嘉靖先生遺集

卷之九

年譜

十二

嘉靖三十四年乙卯 先生五十四歲

注易疎山

嘉靖三十五年丙辰 先生五十五歲

注易疎山

嘉靖三十六年丁巳 先生五十六歲

注易疎山

嘉靖三十七年戊午 先生五十七歲

注易疎山

嘉靖三十八年己未 先生五十八歲

注易疎山 先生有自著易說十卷情散軼無存

十二月十六日朱太夫人棄養

嘉靖三十九年庚申 先生五十九歲

讀喪禮

奉朱太夫人柩葬於本邑后車靈岩寺右

嘉靖四十年辛酉 先生六十歲

讀祭禮

嘉靖四十一年壬戌 先生六十一歲

三月十六日行禱祭除服

吳疎山先生遺集

卷之九 年譜

三

嘉靖四十二年癸亥 先生六十二歲

撰撫州社倉記 見卷三

嘉靖四十三年甲子 先生六十三歲

嘉靖四十四年乙丑 先生六十四歲

分宜罷當事者引用者碩以收人望補山西道監

察御史先生不赴

嘉靖四十五年丙寅 先生六十五歲

一夕頂生奇骨聳然山立髮披如髻說者以為尼

印骨遂磨後命復補山西道監察御史先生強壯

名立臺七日擢太常寺少卿提督四夷館尋陞南

太僕寺卿轉南大理寺卿

先生南去適孫立亭先生攬轡江淮乃得聚樂於

滁水之上相與辯白格物未發兩端立亭公嘗語

人曰疎山先生真斯道主盟也

隆慶元年丁卯 先生六十六歲

晉南刑部侍郎一時名流翕然宗之瞿昆湖公嘗

遺書曰思見念庵而不得見先生如見念庵也華

吳疎山先生遺集

卷之九 年譜

四

亭徐右齋公云人每說古君子如吳疎山真個古

君子

隆慶二年戊辰 先生六十七歲

留都攝刑部篆一夕與客講孟子存心養性章少

焉痰涎上壅遂正襟危坐而逝時二月初一日也

神宗朝贈禮部尚書謚文莊勅葬臨川百三都之

榮山

吳疎山先生遺集卷之十 附錄

吳文莊公行狀

吳公諱悌字思誠撫州金谿人也其先蜀人有諱宣者五代季兵亂避地南豐後復自南豐散之疎溪因其居號疎山學者稱為疎山先生高祖永琛曾祖紹賢俱不仕祖福臨父望皆以公貴贈通議大夫南京大理寺卿祖妣王氏妣朱氏俱贈淑人公為縣令時已封其父如其官母為孺人三品誥贈從今皇帝登極尊恩也公以宏治壬戌七月初二日生隆慶戊辰二月初一日卒享年六十有七配車氏累封淑人子男三人長仁慶太學生淑人出娶曾氏次仁慶邑庠生娶王氏次仁慶邑庠生娶何氏皆出側室劉氏孫男某某孫女某某仁慶等卜以某年某月某日葬公于某山公生而簡重凝峻不逐羣兒嬉戲稍長為邑諸生事事恥為剽竊綴飾以逐時好聞邑先儒象山先生之學慨然嚮慕焉故其學以主靜為本讀書先會章旨而後註脚曰徒獎精神無益爾往來白鹿書院與四方知名士相切劘久之益大有所得歸道鄱

卷之十

附錄

吳密先生遺集

卷之十

附錄

陽湖疾風撼舟眾懼失措公屹不為動卒以無虞嘗讀書疎山寺俯江枕嶺最上有一覽亭公時登高望遠超然自得或閉門危坐中夜閱如人莫能窺也嘉靖辛卯舉鄉試明年壬辰第進士授山東樂安知縣以才調直隸宣城在樂安不久而拊循獨至民之德于公者為深移官之日百姓遮道攀車不遠千里真如赤子之戀慈母也其治宣城不異樂安而事又有難者會歲大旱公禱于神大雨浹邑晝境而止人尤異之又明年歲侵于蝗公請于上官不待報而發廩救饑活者甚眾方救饑時眾議邊糴或請勸借公曰邊糴且病鄰邑勸借將妨富民吾皆不忍惟量出邑中藏金若干令有力人易粟他郡轉市于民而徐收其直以償官故其時貧者得活而富人亦不受困旁近之民胥賴焉然公政取便民不能姘姘上官周子為下而拙于近名故同志者愛而薦之不然者陽是而陰銜之巡撫某故銜公者也邑有積逋更六七令弗能理當公秩滿時特以屬之欲故縮其期以中公也宣父老重德于公爭捐貲以代補償不數日逋

釋而公不爲累尋亦被召以行宣民攀送呼號益倍  
樂安時入謁宰執不函一幣惟鏤天文圖作贊時稱  
吳天文云丁酉投廣西道監察御史首請專職掌以  
振風紀語具奏議中會其秋南畿試錄忤上意有司  
謫罰有差議且罷諸士制對公抗疏申救反覆千餘  
言冀悟王聽而時宰故以他事憾公遂逮于理未幾  
上特命還職可其奏諸士賜甲登臚仕者甚眾而常  
熟嚴公初亦在議中後竟起侍從晉列台司著名當  
世皆公之力也已亥課鹽兩淮時海潮驟溢千里爲  
吳疎山先生遺集 卷之十 附錄 三  
浸公特疏聞于朝亟請賑而又計虛餘鹽以資買  
補召募流民以實缺亡被災之地尙竄稍甦而國課  
亦不終損獻皇后梓宮南耐道出淮揚公皆豫爲料  
理事集而民不擾先皇帝特鑒其勤優詔褒之一日  
念母朱淑人不置卽引疾歸省癸卯赴闕復除河南  
道御史尋奉命按部其地鋤強扶弱風裁凜如嘗議  
處宗藩祿糧而文庶有給下無額外之供議建歸德  
府治而遠近勢均政無壅滯之漸他如重守令以圖  
治安禁私交以勵風節二疏類皆推本斲源的中肯

廢吏治士風非小補也公學有本原政先大體其於  
聖賢道統絕續理學晦明之幾人材隱顯風俗淳漓  
之故尤極留意在兩淮表章古文孝經以正分章之  
謬薦錄處士王良以重徵聘之途在河南請斬伏羲  
陵寢而崇其廟祀大約謂伏羲氏聖之大始也孔子  
聖之大成也制宜畧倣孔林以彰君師治教之同源  
先生清夷恬曠曩出塵埃閉居每手一編俯仰千古  
之上焚香晏坐庭戶蕭然平生無他玩好尤厭紛華  
臨年致位卿佐祿食稍豐而冰蘖堅持無殊寒約與  
吳疎山先生遺集 卷之十 附錄 四  
八譚有及家人生於作業卽口喋似不能言至陳說  
性命之理揚推當世之務又必置應答竟日無倦容  
好獎誘人材汲引後進教子弟必先志節而後文藝  
如其自爲與人不設城府不虞人欺卽有欺者實能  
容之犯之亦不與校家嘗遇盜久之莫可踪跡偵者  
得平人將羅致之公亟白于官得無枉嘗行過山中  
山中人闢蹊畛誤中公額其人匍伏受罪公慰而遣  
之其仁厚大都類此公家居頗久有司欽慕德履承  
風致敬間造其廬不效踰垣閉門之隘往來投報有

肯然絕不以私事相濶惟聞人有橫罹構陷之毒莫  
 可控顯者公感然痛之郡邑往往有冤結之獄得解  
 繁苦之征獲停者疑公或有力焉然公竟不自言人  
 無從知也所著有疎山奏議二卷易說十卷及所訂  
 孝經古文行於世詩文若干卷藏於家公自起家進  
 士以至蓋棺中間仕而歸歸而復仕其或處或出皆  
 有深意確然當于義而不苟至其充養之邃密功業  
 之所未竟者淵乎穆如未可以淺近窺也期以罪南  
 徙公時居大理爲其屬官期於曹偶中最鄙不肖然  
 吳疎山先生遺集 卷之十 附錄 五

荷公知愛特深時時進教之勉以所未至期方將藉  
 焉恨相遇之晚也而公竟棄我去矣哲人其萎百身  
 莫贖嗚呼痛哉後公之子仁慶仁慶聞訃來奔執期  
 袂泣且再拜屬爲之狀將以請銘于當代鉅公期誠  
 淺陋不足以發又慮失此無以報公之知輒以二子  
 所口授者綴緝如右以備世之君子採擇焉謹狀  
 賜進士及第南京太僕寺丞前翰林院國史修撰舊  
 屬晚生烏程范應期頓首拜撰

吳文莊公墓表

嘉隆間樞有疎山吳先生者篤學嗜古一德初終不  
 替予自入仕路側陪縉紳末議而知先生爲一代完  
 人近聞田間野老述先生遺狀猶令人凜凜易名之  
 典久而未嘗太常議諡以維風聞幽輒首先生嗟乎  
 日月皎邈明德愈新孰使之然彼其醇誠渾噩結于  
 士大夫心故也吉水鄒子元標欽先生遺風敬題先  
 生墓曰明名臣碩儒疎山吳先生之墓而爲之表其  
 遺事曰先生諱悌字思誠別號疎山其先世蜀人自  
 吳疎山先生遺集 卷之十 附錄 六

蜀徙南豐又南豐徙疎山代有潛德祖福臨父望皆  
 以先生貴贈南大理卿先生未生時肝江舊道經楊  
 洲村忽折十里而遠疎山而先生生識者已知先生  
 爲非常人自幼卽凝重端雅長而聞鄉故大儒象山  
 先生學得其宗肅然不忘師事卓峰黃君復之白鹿  
 與諸名賢切劘歸道郡湖舟幾覆坦然自如若有得  
 也退而獨處疎山一覽亭陵高厲空穆然深思同儕  
 竊嘯傲如弗聞也者辛卯舉於鄉壬辰第進士拜樂  
 安令以才調宣城令樂安政未幾得民和行之日車

職不得發宣城字民如子而上官則苦其亢有時貴  
故舊邑令欲樹碑誦功德當事屬意先生先生曰故  
無可紀述卽有紀述而忘德罪坐令卒不樹碑守墨  
而持衡索羨先生曰衡一也豈令有餘守則不足以  
邪正異視耳守默然撫臣無如先生何矧先生上計  
考功氏則以夙負苦先生而邑民爭相戒無苦賢侯  
卒完夙負其他救荒美政未易更僕數不知者曰吳  
宣城傲吏也知者曰傲非凡吏竟以治行高等召入  
爲御史是時賄賂公行卽重金不足以當貴人一盼  
吳璠先生遺集

卷之十

附錄

七

而先生隻手調貴人實不持一錢首請振風紀具奏  
議中會南畿試錄弗當旨上怒甚謫罰有差且欲罷  
諸士制對先生抗疏不可逮先生于理已而怒解出  
先生而是科士鱗次蔚起爲王國棟者則先生力也  
奉命督饘兩淮首表章孝經以端士趨而泰州布衣  
心齋王公良故陽明高足弟子然行危獨眾或異之  
先生屏騶從式其廬與語連日夜有契疏薦于朝欲  
倣吳臨川陳新會故事雖不行識者臆之獻皇后梓  
宮南附議者謂道出維揚須毀民居而後通維樞先

至以心計民居不毀先帝優詔褒之先生雖在事時  
時念母朱淑人不置請急歸癸卯再除按部中州風  
紀凜然如折強藩建歸德郡疏請祀伏羲與孔子同  
凡所劾盡不爲一世計皆裕國訂謨覺世大範俗士  
之所迂而避不爲先生之所摹摹躬行不倦者也世  
方倚重生先生而分宜爲政先生感時不可爲遂歸歸  
而詠言過軸者二十年惟與諸名德講求實學卽干  
旄過里不得覲先生面閒常步田閒農夫至爭道而  
趨人曰此非吳柱史耶曰柱史而垢衣敝履耶曰垢  
衣敝履乃吳柱史也今相傳以爲美譚分宜敗諸侯  
熱者烏獸散乃起先生于家擢太常少卿晉太僕大  
理二卿刑部侍郎卒公爲廷尉爲司寇媿媿求生一  
時有疑獄株連者眾先生欲生之而沮于羣議後竟  
得附生比者先生遺言爲之地也諸生全者人人頂  
禮蓋嘗論新建學術一提西江從者如雲然于先儒  
家法異矣仕則譚任任則宗伊尹軻氏曰有伊尹志  
則可無伊尹志篡也分宜柄政楊容城沈會稽遺疏  
然烈酷成者纍纍不知其所任言果志伊之志否耶

卷之十

附錄

八

吳璠先生遺集

而先生隻手調貴人實不持一錢首請振風紀具奏  
議中會南畿試錄弗當旨上怒甚謫罰有差且欲罷  
諸士制對先生抗疏不可逮先生于理已而怒解出  
先生而是科士鱗次蔚起爲王國棟者則先生力也  
奉命督饘兩淮首表章孝經以端士趨而泰州布衣  
心齋王公良故陽明高足弟子然行危獨眾或異之  
先生屏騶從式其廬與語連日夜有契疏薦于朝欲  
倣吳臨川陳新會故事雖不行識者臆之獻皇后梓  
宮南附議者謂道出維揚須毀民居而後通維樞先

是時論出處正獨吾吉鄒羅二太史撫吳先生三人  
 不仕耳世以仕爲任先生以不仕爲任任孰重焉學  
 則譚樂聖人所謂樂者自然性體非有所加而以縱  
 情恣慾爲樂去樂旨益遠先生雖中情灑然而居鄉  
 途巡如處子曰學以尊德性只是敦厚崇禮其與諸  
 稱樂者異矣間有知致力者喜譚寂夫道體非有寂  
 感先後可言語寂遠感語靜近動身心互持動寂成  
 礙先生曰執游氣暫息爲寂體與逝者如斯意天地  
 懸隔嗟乎聖人復出有易斯言乎先生早事卓峰取  
 吳疎山先生遺集 卷之十 附錄 九

證心齋觀摩鄒羅二先生靜謝世氣廿年幽探密證  
 宜所學卓爾如是世皆知先生高不知先生學知先  
 生學而未知先生之學所以遠且深非僅如世儒以  
 名相持也謂撫數百年象山先生後見道分明如先  
 生者蓋難其人矣予故備述之令吳代有所考鏡焉  
 公生宏治壬戌七月初二日卒隆慶戊辰二月初一  
 日享年六十有七配車氏累封淑人側室劉氏贈孀  
 人子男三人長仁慶和州同知娶曾氏淑人出次仁  
 度今任吏部員外郎克世公學娶王氏贈孀人繼徐

氏封孀人次仁廣庠生娶何氏劉孀人出孫男六人  
 曾孫六人勅葬臨川百三都榮山吳氏後山首乾趾  
 巽車淑人奉勅耐  
 賜進士第奉政大夫南京刑部郎中前吏部驗封稽  
 勳二司員外郎奉詔起用特授吏科給事中吉水通  
 家後學鄒元標爾瞻父頓首拜撰

卷之十 附錄 九

吳文莊公公基誌銘

吳公諱悌字思誠撫州金谿人也其先蜀人有諱宣者五代季避亂南豐後復自南豐徙疎溪因號疎山高祖永琛曾祖紹賢俱隱德弗仕祖福臨父望皆以公貴贈通議大夫南京大理寺卿祖妣王氏妣朱氏俱贈淑人公少而端重器度如成人稍長為邑諸生即恥剽竊浮言如世習舉子業聞邑先儒象山遺風獨折新舊慕焉故其學以主靜先立其大為本往來白鹿書院與四方知名士相切劘久之益大有得歸吳疎山先生遺集 卷之十 附錄 十一 道鄱陽湖颶風忽至舟上下波濤幾不測取惶懼失措公危坐自如竟無恐嘗讀書疎山寺俯江清絕嶺巔有亭公時登眺或闔扉靜坐意興超然人罕窺其涯際嘉靖辛卯舉於鄉明年登壬辰進士授樂安知縣以才調宣城在樂安不久民輒懷惠移官之日百姓遮道攀號戀戀不忍舍去其治宣城益悉心民隱會大旱公禱於壇壝應如響大雨霑被蓋境而止胥感悅又明年歲侵公請於上官不待報而發廩賑賑維時暑甚取請過糶或勸借公不可第量出藏金

若干令分糶和糶緩責省繇以故民無菜色道鮮遺

苞遠邇籍有頌聲公素質直不善事上官或勸之少

從時乃笑曰何用媿姻實資為卒不改常度諸好諛

者頗銜之巡撫某故銜公者邑有逋負歷歲久弗徵

為墜贖當公秩滿時特屬之以因公宣父老念無以

報德競捐資代納得立完亦不為累尋被召宜民擁

塞攀借不可留雪涕送之如失慈母然比入謁宰執

不藉手一幣人竊嘆服丁酉授廣西道監察御史首

請專職掌以振風紀語具奏議中會南畿試錄忤上

意有司論罰有差且欲罷諸士制對公抗疏申救甚

力時宰惡其切直中公以他事逮於理未幾上怒解

可其奏諸士子仍賜甲第致通顯者甚多己亥課鹽

兩淮時海潮驟溢千里為浸公特疏聞於朝亟請議

賑及計處餘鹽商窺稍賍國課亦不終損獻皇后梓

宮南甯道出淮揚公經理風辦民無繹騷先帝優詔

褒之巡按之暇沈潛古訓加意人文因表章古文孝

經以正分析舛謬薦處士王良欲倣先朝徵聘故事

以風勵四方疏入不報其正論在當時不泯一日念

吳疎山先生遺集 卷之十 附錄 十一

史 83-411



母朱淑人不置乃引疾歸省癸卯赴京復除河南道  
御史尋奉命按部中州風裁凜凜嘗議處宗藩祿糧  
致建歸德府治事事悉中肯綮河南舊有伏羲陵寢  
日久圯廢公疏請修葺恢廓之謂宜倣孔林規制以  
重斯文鼻祖其所建明類如此臺中首稱名御史僉  
擬大用有期公乃力求引退優游泉石間廿餘年前  
後薦剡數上會以時宰同鄉人方竊柄鴟張故深避  
若將浼已丙寅歲當事者引用者碩仍以山西道御  
史就徵甫數日擢太常少卿尋陞南京太僕寺卿再  
吳諫山先生遺集 卷之十 附錄 三

整衣冠坐廳事而逝時諸子不在侍從子邦獨經紀  
殯歛都人聞變感悲咤有泣下者公生於宏治壬戌  
七月初二日卒於隆慶戊辰二月初一日享年六十  
有七配車氏累封淑人子男三人長仁慶太學生娶  
曾氏次仁度娶王氏次仁廣娶何氏皆側室劉氏出  
孫男某某孫女某某仁慶等卜以某年某月某日葬  
公子某山公生有至性孝友素著于鄉評雖山童林  
叟咸知欽慕自悟正學後深厭俗儒口耳尤不喜玩  
好紛華每閉居焚香晏坐嗒然內省歷官至卿貳尚  
吳諫山先生遺集 卷之十 附錄 高

詎不容辭謹按狀誌而銘之銘曰

金穀之學兮久沒無聞公傳其大兮獨識本心仰承  
道教兮爰振斯文匪矯以自異兮不揭以為名淵乎  
其靜默兮湛然冥營滌煩祛愆兮抱素含貞敦行不  
怠兮德博而讓廉而不刻兮簡而不伉豈弟君子兮  
萬夫之望青衿志道兮白首云亡窮達安節兮何用  
不臧勒銘弗泐兮百世永藏

賜進士出身資政大夫南京吏部尚書汝上吳嶽拜

誥

吳文莊公神道碑

卷之十

附錄

主

吳文莊公神道碑

吳疎山先生者嘉靖中名御史江右篤行真儒也往  
歲丙寅先生起自田間而余時官翰林猶及見之冲  
夷恬粹葢一望顏色即知為有道君子云先生登仕  
三十餘年什七里居晚應召起致位卿貳鄉評朝議  
嚮微無間海內無識不識無不知吳疎山先生為真  
儒也者歿且踰四十年而贈謚尚缺先後撫按省臣  
禮臣相繼以為請而亦格未行輿論惜之今年夏太  
宰富平孫公宣言於朝曰疎山先生三朝正儒當時  
分宜柄政依附者皆躡取顯貴先生獨超然遠舉天  
下想其風采如祥麟威鳳此余所親見者是宜有特  
典以示褒崇乃請贈為禮部尚書宗伯請謚曰文制  
嘗曰可蓋一時異數也先生仲子太僕君仁度奉使  
省藩越太行踰大梁百舍介給諫喬君胤造余請銘  
陸道之石余既稔先生矣曷敢辭先生名梯字思誠  
別號疎山其先蜀人也五代時有諱宣者避亂徙南  
豐其後裔至宋季復徙金穀之疎溪家焉因為號  
致學者稱疎山先生云高祖永球曾祖紹賢隱德弗

吳文莊公神道碑

卷之十

附錄

主

耀祖福臨父望皆以公貴贈通議大夫南京大理寺卿祖妣王氏母朱氏皆贈淑人先生初爲縣令業已以滿最得封父母如其品其後三品誥贈從先帝穆廟登極覃恩詔也封公少客遊滇南嘗焚千金債券以施貧者居十餘年不歸贈公久病困床褥朱淑人謹侍湯藥洗滌垢穢終無怠容贈公病革猶強起焚香祝天曰世無如吾婦之孝者願生賢貴以報之言訖而絕久之封公始歸歸踰二年而先生生焉生之夕有異徵弱不好弄兒時夢伏羲授易卽以聖賢自期十二試諸生有聲讀其鄉宋儒陸象山語錄慨慕之乃負笈從里人黃卓峰氏講性命之學黃故姚江高足弟子也而又往復白鹿與四方諸名賢相切劘歸道鄱湖疾風撼舟眾懼失色先生獨坦然自如居恒讀書疎山一覽亭時憑高遠眺或局戶危坐人莫窺其際也嘉靖辛卯舉於鄉壬辰成進士授樂安令已調繁宣城丁酉召入爲廣西道監察御史先生之初第也貴溪聞其名有意館選會所師黃卓峰氏上書忤宰執下獄周旋靡所避忌患曰駭書生耳遂已

樂安先生遺集

卷之十

附錄

七

比之樂安專好行古教化而喚咻有加焉公暇親就塾社爲子弟理句讀正點畫調諧聲偶又考證醫書授里童讀之民大感說調之日攀轅遮道不啻如赤子之失慈母也其在宣城一以樂安之治治之時大旱先生與守分壇而禱雨亦畫境而止人皆異之其明年歲饑於蝗先生便宜發賑有以退糴勸借請者先生口邊糴病鄰邑勸借妨富民皆所不忍惟量出帑金若干糴分糴和糴而徐收其直以償官守故墨常持衡索羨又欲祠舊令之無狀都津要者先生皆弗聽中丞某以公爲傲吏目攝之會當滿考度且內召也故以邑積通難完者困之宜民念無以報先生爭捐賞代完乃復借丁弓六事厲語相加遺先生曰士可殺不可辱進退惟命中丞竟無如之何而遂以召行宜民攀送呼號益倍樂安其得民也如此當是時賄賂公行非重金不足得時貴一勝而先生獨手不持一錢惟以所餼天文圖爲贊一時譁然稱吳天交云時武定侯郭勛有寵於上請以其祖英侑享高廟上遠眾許之南畿適以戎祀策士上怒典試者逮

樂安先生遺集

卷之十

附錄

六

之獄且盡罷諸生制對先生抗疏申救詔併逮予杖  
先是貴溪服上所賜蟒袍服競蓋觀之先生獨否貴  
溪曰吳子心何在先生徐曰依公衣事畢當以政務  
請耳貴溪銜之至是擬調外任亡何上怒解還先生  
官仍用其言許諸生上公車蓋青從中出貴溪不知  
也已亥視兩淮漕政首表章孝經正漢儒分析之謬  
請頒學官列之經筵又聞泰州布衣王良賢式其廬  
請行徵辟如臨川新會故事疏雖不報然天下知有  
淮南之學則先生之以也時海潮驟溢千里爲浸先  
生亟請賑恤不待奏報留漕米若干散饑民復請爾  
餘鹽六萬爲竈本所全活無算獻皇后梓宮南祠道  
出維揚議者欲毀邗江一帶民居以利維機先生爲  
構木棧通之民居賴得不毀上優詔褒之一日念兩  
親遽引疾歸癸卯補河南道尋按部其地時伊庶人  
驕橫不法狎侮有司先生以莊見憚乃竿牘稱道友  
送款先生報曰王天子懿親非某所敢友某天子恩  
臣非王所得友還其贖已循故事寔先生左右贊長  
臨受爵先生立不爲動乃願指優人以蘇三離間親

吳謙山先生遺集

卷之十

附錄

五

親嘲之先生知音類別號乃正色曰家必自毀而後  
人毀之國必自伐而後人伐之庶人聳然比之爲漢  
廷汲黯焉伏羲都宛邱陵寢在焉歲久傾圮先生請  
增修做孔林以重斯文鼻祖部中巨壻樹枋欲假先  
生銜撫臣爲之居間先生卒持不可一令夙負虛聲  
先生初欲薦之已因謁奉鮮鰻爲媚廉得其饒疏黜  
之睢州地近河先生爲築兩臺以備墊溺民勒銘號  
吳公臺歸德故以州治先生按部登城謂旺氣翁鬱  
且其地控連三省是昔所稱江淮保障者疏改爲府  
吳謙山先生遺集  
卷之十  
附錄  
五  
自是人文蔚起屹然稱重鎮焉先生居臺久資望甚  
隆而分宜亦以粉榆欲引爲重人謂先生會且大用  
矣而先生乃力求引退田居十年雅不欲出封公數  
強之始奉臺檄北上至德州心動復告南歸初分宜  
嘗以選譯字生被劾意大不平先生曰外議沸騰公  
宜自反至是思中之乃忿然曰吳某何所聞而來何  
所見而去豈以清朝盛世不足容耶賴一同年生從  
中解之乃得告踰年封公捐棄賓舍臨訣視舍人以  
心動爲誠孝之感云自是詠言過軸者二十年絕不

作長安貴人書郡二千石長吏自非初到官至其家  
希得見其面生產不益舊廬數椽僅避風雨一二長  
髮無襖衣大褶者隨之蹙蹙然行道上澣衣做鳥人  
莫識其爲御史也分宜敗當事者從人望起先生於  
家一歲中遷太常寺少卿南太僕大理二寺卿明年  
晉南刑部右侍郎先生靜樸澹素一真自如時方以  
矯飾文致爲習及見先生則如夏鼎商彝迴出塵表  
卽其孤標古態與世異趨而衷誠洞朗人自說乎則  
莫不嘆其先進貞風非凡情涉世者可望也吳公嶽  
巖先生遺集 卷之十 附錄 三  
胡公松毛公愷及先生稱南都四君子先生感上恩  
迴思少行所學每諷讞必與官屬再三參覈務當其  
情而天下亦延頸以窺大儒之用而先生亡矣惜哉  
都人聞變咸悲咤嗟嘆有泣下者上爲震悼賜祭葬  
高初南中有疑獄先生察其冤狀毅然欲生之而沮  
於羣議後大司寇集諸司勘聽累日其人果得生比  
人蓋服先生明慎云先生狀貌魁偉有至性仁孝異  
於常親養而能敬逆於意先居喪柴毀葬祭一遵古  
禮

手一編焚香晏坐庭戶蕭然一切世味舉無足投其  
好儿玩自圖書數卷而外更無長物與人接諱常嘖  
訥然如不能出諸口至陳說性命商確問學又疊疊  
應答卽竟日無厭也好獎引後進教子弟必先志節  
而後文藝如其爲人不逆人詐不直斥人短有各持  
意見者第令虛心再思勿管長出遇盜魚者以溫詞  
慰遣之既貴山行誤爲闢蹊吟者觸其額其人惶懼  
請罪先生曰此正飄瓦類耳女何尤又家嘗遇盜官  
求之急避卒乃罔平人塞責先生亟請釋之性恥請  
巖先生遺集 卷之十 附錄 三  
託絕不一刺干有司而苦役沈寃則蹙然痛之故郡  
自有獄得解無藝征徭得停者疑先生有力焉然先  
生終不言人亦無從知也生平不喜著述門弟子所  
輯語錄一卷多名言立朝官績具奏議中如議振風  
紀議災賑議重守令議處宗祿議禁私交皆經世大  
猷而請表章孝經聘王良修正伏羲陵祀率世屬俗  
爲尤卓云或謂先生現行甚多總之雕飾不事而動  
與古合爲令疆項爲御史執法強藩巨璫權相皆不  
能擅而過德人則欲然下之類朱文季飯客焚魚蔬

食有貧士所不堪者類羊興祖兩為巖邑其伐石而碑與卜宮而祠者相望也類朱仲卿通籍踰三紀先後立朝僅七載進難退易類錢澹成其皆有所試非苟為譽也嗟乎嗟乎非篤行真儒亦惡視此乎往從祀議起余適守宗伯竊謂當首餘干新會次之姚江又次之以微示先行之意而執政意有所逢遂不合而歸藉令當時余之言行如先生者必當以次及贈與諡其寧有待焉而惜乎意各有不同也余嘗謂聖學無岐要之盡性性不可見而行為符非有二也行

吳疎山先生遺集

卷之十

附錄

三

修斯性可復自姚江倡為良知之說天下喜其便靡然從之不一再傳而言樂言寂日入於禪而反訾躬行君子為迂粗其去聖學益遠而天下于是無真儒斯亦世道之交喪已先生雖蚤師黃卓峰氏淵源姚江而實不局良知之說跡其生平規矩尺寸不踰進退出處莫不確然當乎天理人心之正而天機流行冲然自得蓋成德為行踐形盡性者也豈與崇樂航寂虛譚性命者同乎哉先生按淮時羅念菴與東坡同訪之因劇論學問病痛先生曰念菴聰明凡

聰明必不穩固深蓄念菴深謝之又曰世人習染日深種種世情無由見得本性喫緊用功只在飲食衣服男女利害死生之間又曰學以尊德性只是敦厚崇禮又曰執游氣暫息為寂體與逝者如斯意天地懸隔此亦可以識先生之學之大矣世謂金谿理學宋有象山明有疎山余直謂江右真儒前有敬齋後有疎山宜太宰以為麟鳳而請贈請諡惟恐有失也夫贈諡國家勸善之重典也而世往往以倖得或以例徼有識者始以為輕而勸是用徼如先生者斯有

吳疎山先生遺集

卷之十

附錄

三

光秩宗而可以為文矣贈諡且因先生重而立以重先生哉先生名宦鄉賢凡八祀各有祠記誌表傳贊已詳生年卒葬茲不贅云銘曰

雲林翠峯汝水澄泓鍾靈孕秀至人乃生其人維何實踐真儒奕奕疎山矩步繩趨仰止青田學宗主靜先立其大修身復性天衢駿發蚤試理人峴首遺思兩地如新升華南牀身冠繡斧獨立敢言無畏無阻攬轡淮洛風裁凜如傾心泰州請下徵書孝經割裂義陵頽圮表章修復自先生始彼俗挪揄謂迂竊笑

先生曰嘻吾知吾道鄉人竊柄炙手可熱先生若晚  
鴻舉明潔杜門却掃絕意弓旌世路既夷皇念老成  
起家舊秩一歲四遷留京翱翔拜命逾度羔羊素絲  
穆如清風前輩典刑蔚矣儒宗僉喜大儒浸浸嚮用  
胡不憖遺天殊夢夢先生神王且善保齋涼劑誤投  
眾恚田客賸眩猶云死生有命匪養之深奚見之定  
筮仕蓋棺始終一節如先生者允矣人傑緬惟間修  
豈以微名至誠而動論久愈明美諡崇階一時靡望  
帝寵良渥輿情斯暢大隧豐碑鴻名顯號最哉後昆

吳疎山先生遺集

卷之十

附錄

五

箕裘永紹

賜同進士出身柱國光祿大夫少保兼太子太保禮  
部尚書文淵閣大學士知制誥同知經筵舊治生歸  
德沈鯉撰

吳疎山先生遺集卷之十一 附錄

崇賢祠記

先生祠在金谿疎山梵城去邑治一舍而遷於先生  
之居僅里許蓋先生蚤齡玩易其中學者稱疎山先  
生李見羅公爲扁疎山讀易處左有名臣碩儒坊鄒  
南臯公書之後有清風亭復性堂羅近溪公吳曙谷  
公記之中爲崇賢祠則撫按夏仁吾公良心吳安節  
公達可檄有司卽故祠而崇拓之者也其地寬廣員  
範若太極圓然面肝江河恢然一大奇觀昔澹臺

吳疎山先生遺集

卷之十一

附錄

一

過洪都遂名澹臺門先生業祀疎山而疎山山名輒  
播天下地藉人傳鉅麗若此哉潢自有識以來知撫  
郡先賢有三陸二吳世稱理學之邦近復有疎山先  
生遂稱三吳云先生內稟絕倫蚤歲妙悟矢志篤學  
不務元虛砥躬勵行一以人倫物理自修自證迨成  
進士令樂安調宣城種種循績不改素志晉陟御史  
諫宰揆不持一縑爲時希覲而風裁凜如嘗疏救南  
畿丁酉薦士下詔獄奪還職諸士得不廢公車巡陞  
兩淮表章古文孝經請頒學宮疏薦處士王心齋先

生宜加徵聘按部中州請正伏羲祀典嘗面卻伊瀋  
道友之諛陰折時宰蟒衣之侈其剛方之節宏遠之  
旨皆人所未易及者中臺方倚以爲重而先生目擊  
時政遂引疾以歸掩迹城府踰廿年所惟阪田數畝  
陋室數椽衣緇茹蔬由由于恬無崖略乃至辨格  
致柝天人究心典墳嗒然內省每遇事關忠孝大綱  
道術顯晦人品正邪則挺然鼎峙雖賁育莫奪世廟  
未以原職特召徵守令勸駕先生業已甘遺阮欲不  
就毛介川公貽書勸曰君子出處行藏貴無成心且  
吳山先生遺集 卷之十一 附錄 二

也事雖暫格輿論翕然快之甲辰秋按臺吳公按部  
至郡進邑令丁君天毓言曰先生正學名儒宗本致  
知功深實踐宜有專祀以風來茲於是協謀撫臺夏  
公卽前郡侯徐君楠邑令陳君玉庭所構舊宇更新  
而恢拓之歲春秋二仲遣儒學官代獻秩爲祀典其  
明年督學錢岳陽公錄其後裔一人補弟子員以庀  
祠事昭盛美也昔孔門重德行科如仲弓稱簡閑子  
稱孝今先生皆具體而宏簡敬自然孝友性出自窮  
至達好學忘年玩其疏草語錄詩文則用舍行藏各  
吳山先生遺集 卷之十一 附錄 三

用之不行與舍之不藏奚以異哉自是幡然就道既  
入都宰執虛席待以賓禮詢時務所宜先先生惓惓  
以復古道厚風俗爲更始正鵠顧商羹周鼎雖人人  
知重而風會日流胡能遠挽先生知志不可行覓求  
南去然以御史起家一歲中遷至亞卿亦異遭也海  
內方喁喁以柄用爲先生期而先生已捐館舍歷今  
且四十年公論彌久彌真臺省羅君棟等交薦易名  
撫按夏仁吾公方中涵公復會疏上請維時少宗伯  
明禮部公攝部事覆議應補謚者數公先生其首稱

適於可豈非學有本而有徵哉漢學仁久矣顧仁涵  
於未發則不睹不聞發爲良知則莫見莫顯如乍見  
如泚頰若批鱗若勁草是皆仁體流行天機充溢故  
仁人生而用世不特仁一方且將仁及天下萬世沒  
而垂範不特祀於一方一時且將祀諸天下萬世而  
仁風亦流於天下萬世如吳安節公於吾省諸名賢  
地不必相近時不必相值按吉州則表章羅念菴先  
生按撫則表祀先生固尚德之素然哉然非諸君子  
之二則以感之後之人顧瞻祠宇誰無高山景行之



思也者是先生之精神日與百世之下相感通而表  
祀者之功亦永永不磨也其所係于風教豈其微哉  
漢又念撫郡學術風節甲吾省由今觀之前有二吳  
以盛其傳後有先生以彰其美茲復有丈夫郎吏部  
君以繼其志斯道淵源授受一門猗歟盛矣頃緣道  
侶朱君家相颺言之悉故樂記其詞以祀其道雖曰  
表賢哲於既往亦以勵侈口於將來云

萬曆丙午孟冬後學南昌章潢甫書于東湖此泚堂

崇賢祠碑銘

嘗觀人文之精與扶輿之秀若相待然故生則奇跡  
歿則栖真往來陟降恒於其所豈擇而取哉谿之疎  
山北枕玉馬西抱靈谷南拱天堂諸山東繞肝江萬  
派中峯峭立如鳳翔千仞龍潭在右變霧蒸雲固踴  
然一大形勝也先是疎山先生肄業於其上已而登  
進士第歷宦三十餘年或家居寄輒於疎山山靈  
假寵於先生久矣先生名宦有祀鄉賢有祀既已尸  
祝俎豆于賢人間然尚有咸秩而薦者郡大夫懼無  
以尊也乃進邑侯而謀曰世稱南都四君子而先生  
居其一足先生郡之特人其人特其祀不特蒞茲土  
者謂何盍下地而專祀之邑侯唯命乃聚邑之縉紳  
先生父老子弟相與議地僉曰泰山表魯嶧山鎮鄒  
仰正在焉疎山固先生朝夕所為游息者專祀請以  
茲地於是以山之一覽亭拓為先生祠祠既落成有  
司乃奉公主俎豆其中祠有饗堂張而為掖掖之下  
有房東西各一以貯祭器東而為門門之外有旋廡  
氣象宏敞以隆廟貌是舉也下址助貲則郡丞徐君

少槐邑令陳君蓋菴允給祭田則巡撫劉公應谷序  
扁清風祠額崇賢則近溪羅師手筆諸美駢集炳炳  
麟麟亦既足以聲明德矣唯是麗牲石未有辭仲子  
中書君敬以屬余何敢以不敏辭余生先生後不獲  
侍辟呬之詔猶幸廁一言於廟祀俾余小子亦藉以  
不朽儻亦吾道未喪而後死者得與於斯乎願自附  
於門墻敬貞銘於晶屨其辭曰

疎山律萃稟靈匡嶽誕育先生渾然良璞靡投於好  
與古為徒嶷嶷郁郁如鳳棲梧景行先哲象山仰止

疎山先生遺集

卷之十一

附錄

六

云誰則友名賢是比玩交觀象悟契先天古文表章  
聖經爛然絃歌兩邑茂著循良臺端九亮處士斯揚  
載封義陵追宗大始諸所石畫班班足紀世方倚重  
權相在握燭幾勇退吾道自樂天眷舊德簡命登膺  
遜訪七聖命駕襄城先皇用悼祭壘殊錫君子通聲  
遐邇仰觀我表碩望廟祀特崇既基且定維侯之功  
何以薦之曰簋曰篚何以效之是規是矩明德百世  
於誕厥祥冠裳濟濟邦家之光山以永存魯鄒秦暉  
血食綿綿賁茲元石

賜進士出身翰林院編修知經筵日講東閣大學士  
崇仁後學吳道南頓首拜撰

疎山先生遺集

卷之十一

附錄

七

本府祀鄉賢祠文

先生養濂溪之誠明含正叔之和粹晰義利于毫芒  
黜紛華于恬退脫彘冠而家居扇清風于海內登  
薦于熙朝勉端笏于鸞珮雖一歲之四遷埒鄉綬于  
瓦綴密終食以存仁時惺惺而不昧接正脉于青田  
寧夕死之無悔耐馨王於郡祠瞻遺教之如在寧齒  
祀於郡賢將從祀於庶配蓋士論之有公視文清兮  
同輩

葵嶽山先生遺集

卷之十一

附錄

八

本縣祀鄉賢祠文

嗟金谿之學兮誰則接乎青田惟易簡而主靜兮其  
仰止於疎山由出處而飲食兮嚴禮義之大閑自夢  
寐而且晝兮觀白日於青天即一息之僅存兮講養  
性而不煩遂還浩而委化兮通晝夜之如環茲正學  
之高明兮信昭合於象山聊請主於鄉社兮薦享祀  
於清班終從祀於兩廡兮光禋事於孔門

清風亭記

清風亭記何記也記夫亭之所由作也作亭而必記  
之者亭以人重也亭去撫金谿邑西四十里瀕江有  
山山有麓有舍曰疎山寺寺之上方孤岑聳翠巨浸  
泓澗中虛厥而堪席莫外廖廓而可達觀邑先哲吳  
先生悌自幼讀書寺內雅喜登陟上方以舒眺詠故  
取疎山以為道號及先生既歿宣城少槐徐公貳守  
撫郡念先生昔令其鄉大有造於士民且廉生平寄  
興茲山久且深也爰商之邑尹蓋菴陳君捐俸二十  
金為建祠置田以供祀事即所嘗游息處構是亭焉  
馳帛索予大書清風亭以額其端更委為文記之予  
惟先生履歷具載于大魁屏麓范公行狀家宰望湖  
吳公墓銘盛德大業殆難指數要之歸潔其身而風  
天下以清者也予盱去先生僅百里叨第家食歲時  
往還不絕每見其整襟危坐半榻蕭條池圃鮮蔬淡  
旬淡茹即寒士有所不堪斥躁鄙諛氣象山立甘辛  
易險神采風馳雖頑懦不能不竦懾也至當宁閱其  
奏疏動容詢其名姓時宰欲尾之音竟從中報可是

葵嶽山先生遺集

卷之十一

附錄

九

剛直上通于天比應召而出匝歲三遷而舉朝莫不稱快是中外信服其恬退者無一夫或間然矣平昔襟期夷坦唯不樂爲奇崛乃於維揚則賓禮王心齋韋布之士而辯論直達晝夜於河南則面卻伊庶人道友之稱而嚴毅足懾奸諛此又予所竊聞輒獨嘉其信道之篤持已之峻而事狀遺於紀錄者也嘗謂人才之多近代莫如世廟然理學者或門戶之競先生則渾融無跡事功者或作爲是尚先生則沖漠自潛節概者或凌厲相持先生則夷猶順應究竟所就人卒莫之先焉茲固得之完養之純要亦天爲邦家界全德粹世教自有出於尋常萬萬者使再假以年畢展所蘊將又不知其何如矣雖然予誦其書論其世以記其亭自覺先生儼乎臨于吾前躍然激乎吾衷也先生之清誠汪洋萬頃先生之風亦披拂九垓矣斯亭之名也其稱情也哉其稱情也哉敬備述以復徐公命工鐫珉以垂之永久云

家晚生近溪羅汝芳頓首拜

吳山先生遺集 卷之十一 附錄 十

復性堂記

金谿吳疎山先生理學醇儒也家疎山之旁自少至老講學于斯先生沒若干年而郡大夫卽其地立祠祀之甚盛舉也後有屋一區顏曰復性堂曩時詔名公嘗就此堂而講業焉頃先生仲嗣中丞公馳書山中問記于余余與公爲同年同志私淑先生有日誼何容辭余惟聖賢之學心性之學也人之一身止有此心性在何處不知心所具之生理爲性非心外別有性可對言也性不可見而見之于情如孩提知愛稍長知敬情也而必有所以能知愛能知敬者性也然其所以能知愛能知敬者又孰爲之天也故曰天命之謂性天命之以能愛之性而後能知愛天命之以能敬之性而後能知敬惟其性善故其情善亦惟其情善故知其性之善耳不然性不可見又安所據而曰善邪性情本一物特因寂感而異其名而先儒有情其性性其情之說是以性爲善而以情爲不善也亦不思甚矣且是性也一物不容而實萬物皆備上物字指欲下物字指理今有人焉或指之曰

吳山先生遺集 卷之十一 附錄 十

若能孝若能弟若能忠信卽再三稱之亦欣然皆受而不嫌其多不然而或指之曰若不孝若不弟若不忠信卽一言及之且輒然不受而何況于再夫其欣然皆受也是發于性之所本有也可見萬物原來皆備心體原來有善其輒然不受也是發于性之所本無也可見一物原來不容心體原來無惡而或謂無善無惡爲心之體何哉以知善知惡爲良知而以無善無惡爲心體是又以情爲善而以性爲無善也尤不思甚矣人性皆善而習始有不善孔子標講學二

吳山先生遺集

卷之十一

附錄

七

字正使人變其習而復其性也其功豈不賢于堯舜遠哉先生之言曰吾人講學卻要識得大頭腦總只是盡性性者天地萬物之同源又曰性一而行百卽孩提之知愛性也而行具矣關于性而語行者妄也外其行而語性者虛也嗚呼先生可謂淵源堯舜而得孔孟之宗矣先生生平行履如爲令以循良稱爲御史以直介稱不具論論其大者當分宜柄國先生誼托粉榆而又資深望重且夕當遷卿貳而先生獨先發引去若鴻冥鳳舉不可爵羅人咸笑先生迂拙

而不知當時巧捷之士如某某輩雖倖取一時富貴而卒之身名俱敗悔之無及然後知先生之見遠而先生之不可及也昔孟子推尊孔子而斷之曰可以仕則仕可以止則止可以久則久可以速則速余故于先生出處之大者斷先生之學真能復性云近世士大夫多以講學爲諱講學者又多以心性爲諱又何怪其躬行之不逮而仕止久速之不富可也吁亦足憐矣中丞公家食時嘗約宗黨同志月三爲會講學于此堂以紹述先生之訓今節鉞三晉而猶惓惓

吳山先生遺集

卷之十一

附錄

七

不忘此堂學可知也余愔不知性聊書此以志私淑若闢廼先生微言與旨則自有諸名公鴻筆在賜同進士出身文林郎前河南道監察御史奉勅巡按直隸等處翰林院庶吉士年家晚生長安馮從吾頓首撰

吳疎山先生遺集卷之十二 附錄

睢州吳公臺記

王佐

歲甲辰秋九月既望侍御金谿吳公按于睢周視城郭喟然歎曰嘻睢其沼乎盍決諸民曰無所於決也水性喜下而弗能上睢土外隆而中下矣無所於決也公曰如民何夫黃河於睢孔邇吾聞秋水時至則泛溢四出萬一壞故堤踰城垣而下爾民得無魚乎民曰將若之何惟公命公曰望祭氛祲粵古有臺傲古尚象寶奠爾樓夫黃河暴漲瀾漫百餘里深弗能踰尊丈惟四平之地為長稍高則可升以免耳臺弗可緩也且壘土為臺闕地為池池可以瀦臺可以升行一物而二利舉臺弗可緩也雖然途則其所由繇適焉者匪臺弗升匪途弗達臺則高矣途其庸可下乎民於是欣然悉致公命於其譽髦譽髦曰惟公活我悉致公命於其耆舊耆舊曰惟公活我耆相地於州治北門之外周道之傍得二區焉子來程工晨夜展力弗闕月而臺與臺下之周道告成池以訖計臺以文計途以里計其高深廣闊各有度望之如罔適

吳疎山先生遺集

卷之十二

附錄

一

吳疎山先生遺集

之可軌且於州治之形勢尤有助云民曰是役也緒啓於曠古之所未嘗而世以為宜工興於有眾之所鳩集而人以克協宜兩亭之東以祠禹而西以勒公庸於石迺走白於知州王佐佐曰休爾民其知本務哉夫神禹治河啓呱弗子惟河爽故道則睢乃蒙害為烈公勞神焦思摠蘊畫奇嶺以奠爾民於康公之心神禹之心也百川理萬世永賴臺崇而途治則睢主之民將世恃以無恐兩亭並峙民蓋以公功配禹歟爾民其知本務哉是誠弗可以無紀顧佐下吏其

吳疎山先生遺集

卷之十二

附錄

二

吳疎山先生遺集

矣足以發揚公盛德公金谿人別號疎山尚理學政精密嚴恕諸所興革咸得先生遺意云

清復維揚河隍序

張憲

昔周公作洛必先相土以宅中乃卜澗水東瀝水西  
擇其山水之所會陰陽之所和爰作邑於二水之間  
蓋相土雖九流之一亦聖人之所不廢故先王體國  
經野歷代畫界分疆必擇水陸輻輳舟車四達之地  
以域民蓋以民生日用宮室食貨陶冶木石之重力  
弗易致必資舟車之任重致遠從古聖神開物成務  
竭心思之力創製舟車以為安養生民之政此以沒  
世不忘者也廣陵古揚州之域北距淮東距海南濱  
大江實惟留都股肱夾輔要衝之郡南京諸省官舟  
之所經東南朝覲貢道之所入鹽舟之南邁漕米之  
北運謂之江淮都會信矣古稱富庶揚一益二危樓  
元曲水簾十里二十四橋風月之景尤為東南佳麗  
自古觀今百帶一二輿圖風土猶今昔若此夫豈乾  
坤氣運久漸澆漓故耶感生也慨然以逾七望八之  
年矣聞古者咸謂隋唐舊城去北十里其稱繁華甲  
天下者乃舊城之城風水完聚而句城新小上下雷  
電之聲會流絡道貫舟楫四達民殷物阜冠蓋東

卷之三

附錄

三

南而人才地產隨之今改築之城僅取其附近漕河  
直達之便殊弗諳扶輿風水聚散之大勢水從東北  
而來復從東南而去反弓外射而環城水道故址歲  
遠湮障斷港絕潢風水荒落北郭水關閉於俗忌隍  
池市河不絕如綫財力困竭故老興嗟其所由來久  
矣然循環之運往無不復乃嘉靖庚子侍御疎山吳  
公簡命清理兩淮鹽政兼督河防風清弊絕百廢具  
興周諮民瘼閱歷方隅按蹟考圖喟然興嘆謂郡城  
東北近南下濕不堪車載風水偏背版籍凋殘此吾  
督理河隍者之責也迺協謀於郡守劉公僉議既諧  
爰發官帑募民以事畚鍤資其力而濟之食遴委屬  
吏分監督之任三農之隙庶民子來開濬之工始自  
黃金壩自北而西至小市橋轉橋而南開泔堤故趾  
而擴大之直抵北郭爰開水關力排浮議券以水門  
引邗江九女澗隋堤汴河九曲法海諸水直達市河  
出南水關復自北而西而南沿郭壕池深濶倍昔漚  
子關口以達運河至是而通泰鹽船對口以入新河  
首濬河填權之閘免鈔關滯稅之阻公私稱便遐邇

卷之十一

附錄

四

馬權風水既後文脉亦濬科第人才褒然穎出數百  
松之攸鬱駭發於數月之間春水柳陰龜浮魚勿蘭  
槩桂楫百貨流通綠藻青萍田疇灌溉既庶而富鼓  
腹含哺惠親公嘉績之幸成而人心之大悅直與宋  
文正范公興化之海隄文忠蘇公錢塘之湖井相望  
後先功垂百世一也爰紀實而序之

澄江餞別序

吳希賢

疎山吳侯令吾邑之三年政通人和百嘉悅遂諸當  
道薦剡交馳皇上鋒車趣召尋且被顯擢司獻替與  
公孤宰執下上論議軒輊國是仰裨當宁緝熙敬一  
之學用底時雍迓衡之休其在茲行矣祖輟之日宣  
之民無小大貴賤皆坎臙愴悅作離別色依依若赤  
子之戀茲母而莫忍釋去吾儕數十人復相與覓觴  
酌觴追從江滸飲餞之愈謂是舉不可無贈言以昭  
繆繆因屬其事於予予亦不敢以不文而讓遂浣手  
援筆喟然興感而叙曰吾宣之儆久矣往往作令者  
之過也彼惟狗名則諂於奉上而罔恤下彼惟微利  
則忍於剝下而欲蔽其上斯二者國民之蠹也其少  
異焉者或挾一節之廉一罅之明而自謂人莫己若  
恣剛愎任喜怒偏頗用事以至斲耗醇良其職惟均  
此宣之所以日敝而不競也惟吾侯則不然其謙處  
正而不以承順為恭其清約儉素不以自奉為計其  
沈澁先物慮以下人不以聰明自街不以勞動自矜  
碩德雅量超出常令之上者類如此然猶恐恐然恒



瘴曠是懼若將弗勝自下車迄於今法一而守定言  
信而行堅蚤作夜思忠勤不勅務求民之所欲而與  
聚之弗便者而改之理之所在斷然行之而無所愛  
吝姑息由此而事罔不集民罔不懷者至於精覈徭  
稅而胥吏之弊革時葺陂堰而涪水之利興大之疑  
獄小之闕訟諸凡隱伏請張洞見纖悉一經聽斷而  
冤滯之聲無聞焉其仁智之略有如此者抑又有異  
焉者值歲早禱雨弗應公病或不虔與府治分南北  
壇壇禱三日卒之澍雨滂沱縣境霑足如界晝然比  
歲又大侵宣之民幾不免於轉徙侯直身任其責通  
商惠工緩刑賤歛求有裨於荒政者而力舉之時又  
亟發倉庾為賑貸計總備者適難之公移屢上而弗  
可侯乃親為手札狀民饑苦惻怛懇激雖至忍者見  
之不能不為動念用此而卒如其言境內賴以無莩  
其急於民患真若切於肌膚者又如此雖古循良豈  
必出其右哉昔予遊京師有宦達者問於予曰聞令  
吳子有賢聲焉政可述乎予撫其質而應之略曰不  
妄撻一人不妄科一錢不妄出一令持此三者與民

蘇詩先生遺集

卷之十三

附錄

七

休息相安於無事而已達者曰三者若易焉而實難  
也自非見道之真而不苛不欲不擾者鮮克有之而  
吳子固若是則其所養可知而他日所到未有涯也  
予退而思之益信侯之政為難能不徒為作令者法  
而已也夫撻不妄則刑不及於非辜科不妄則歛不  
加於正賦令不妄則訐謔遺猶惟行弗及民可守之  
而寡過矣是道也純王之政之緒也達之天下可也  
予故曰侯之政為難能不徒為作令者法而已也侯  
行矣而鴻毛順風高翥雲漢固將以澤吾宣者澤天  
下也而吾宣之民獨慮夫代侯者至而政弗侯逮焉  
則宣之元氣方復而僅完者將不免於索然矣竊意  
吾侯之行或與代侯者相值於途傾蓋而語請必以  
吾侯已行之政告之則吾宣之民雖去侯日遠又將  
食侯之德於無窮也抑斯意也出於井甸耆老之言  
所深望於吾侯者因併書之以為侯贈

蘇詩先生遺集

卷之十三

附錄

八

紀贈諡序

吳疎山先生吾谿粹然實踐之儒也逝四十年贈諡之典闕如先後臺省閣部諸名公特疏公疏為先生請者章滿公車而余師家宰立亭孫先生故與先生同臺同志尚說若明光亦毅然倡明正學為先生請甚力聖天子傳採師言于是俞銓臣之請贈先生為禮部尚書復俞禮臣之請諡先生為文莊余竊歎此一舉也有功于理學為甚鉅云蓋吾夫子言知必言行言上達必言下學言天戾淵躍必言夫婦舍日用

吳疎山先生遺集

卷之十二

附錄

九

倫常喜怒哀樂進退生死之外無元理舍正修之外亦無超悟自姚江倡良知之說抽秘啟隱為千古獨創天下遂斐然鄉風而其流之弊言寂言樂尚虛勝而薄躬行尼山正派混入于佛乘而弗之覺矧其文盛而質衰言華而行詭非惟有背于孔氏抑且自畔于姚江天下以學相詬厲蓋由來遠矣先生幼即志象山之學已而與師友相切劘益瑩徹于性命之肯而先生非如世俗溝猶贅儒托說鈴以衣飾其短者此也其仁孝粹醇清修剛介之行自鄉之婦人孺子

以至朝之鴻碩自蓋棺之初以至四十餘年之後自

國史家乘以至稗官之牘人人稱之無異辭海內推較醇德者必曰吳先生吳先生云大都先生好學若嗜欲於利祿則遠遁退避若怯夫朋友箴規若獲珙璧於權貴人則峻拒之若染躬行之粹與世之講學者夔異故說者謂金谿理學前象山後疎山又謂江右真儒前敬齋後疎山非虛語矣按先生生平勤學好問與履正志和一一應尊名之義其諡文莊不亦宜乎而余竊謂此舉有功于理學者何也自良知之

吳疎山先生遺集

卷之十二

附錄

十

說寢失其傳海內之士各築宮牆言之如吹影思之如鏡塵其不信于天下久矣惟表章實踐之儒則彼之虛譚性命者必懼然曰道固在此不在彼也洗滌前非偕之大道庶幾世有真儒儒有實學其助明道統豈謗鮮哉雖然諡不足以盡先生也先儒有功于聖門者皆得分俎豆于孔子廟廷如象山敬齋二先生後先輝映至今修為江右盛事先生固二先生伯仲也曩時大宗伯龍江沈公議從祀諸賢欲首餘于次新會又次姚江以示先行之意儻此議不格則先

生當次餘干衰然見舉矣柄政者意見不同卒中止  
殊令人扼腕嗟乎先生贈諡以久而後定則從祀之  
典終不容過佚也意者亦徐徐有待乎會邑博黎君  
輩借諸文學走幣數千里命不佞操牘以紀其事遂  
附及之要之先生之見表章實當為天下後世之道  
統慶非專為一邑之光寵已也

賜進士出身奉政大夫左春坊左庶子兼翰林院侍  
讀前國史編修直起居注誥勅撰文右春坊右中允  
右諭德同邑後學年家眷晚生何宗彥頓首拜撰

吳諫山先生遺集

卷之十一

附錄

十一

樂安名宦列傳

吳悌字思誠金谿人中嘉靖壬辰進士任樂安知縣  
天性沈毅端介平居衣冠容貌肅然立言必信下車  
前謁孝子徐道之廬一方感化尤嘉意獎引人才闡  
明性學數問民間疾苦考證醫書授里童讀之選子  
弟之俊穎者羣於社學而親教之切字之法其政務  
根本如此未暮年民俗丕變道不拾遺以才優調宣  
城去之日遮道垂泣送幾萬人

吳諫山先生遺集

卷之十一

附錄

十一

宣城名宦列傳

吳悌字思誠金谿人嘉靖中內壬辰進士知樂安調  
任個儻有材務崇倫理敦風俗人生嚮妻者必追還  
之而并懲其夫邑做民侵漁公賦沿習成蠹悌立為  
疏難以完積逋然居嘗緩催科在忤當事者襁冠服  
頃之事竟集而悌初亦怡然勿亟也雅尤宏獎儒術  
討明正學諸才士蓋多所程範焉徵拜御史仕終南  
刑部侍郎

韓錄七則

名世類苑二則

凌迪知

吳疎山為御史觀風河洛激濁澄清有宋清獻風以御史養病家居近二十年屢疏不起惟與其師卓峯黃公講象山之學澹然世故凡世之講學者有自立太峻則學者不敢近有自處太易則匪人靡不親公溫然和粹渾然端重學者靡不願見而飾偽者自公終日無情容平生無怒氣後由御史召入為太常卿改太僕卿改大理卿擢刑部侍郎一歲超遷至三

吳疎山先生遺集

卷之十二

附錄

三

品公自筮仕至少司寇而所居僅蔽風雨身服布袍終日焚香危坐古書數卷而已一日偶與孫尚書坐語忽覺有痰飲乃歸本署有鄉人余生在坐誤投涼劑而痰壅不能言眾洵洵咎余生公晚知之手索筆書僅成字略不及家事但曰吾命當盡余生何與遂懸冠危坐而逝其臨死之際且能克已如此學者稱為疎山先生

凌公迥知  
一作迥知

金谿吳疎山梯初令宣城門無私謁出言約而重溫而理澁而不可易一日以縣歲額輸于郡庫官多索

羨餘郡守知弗禁公立郡守左庫官敲兌曰郡守增之公曰已有郡守晚視曰尚無公曰職立正視故有守立邪視故無郡守默然宣城至今頌之召為御史夏公當國諸御史入私宅見之夏公服官錦諸御史皆贊之有寒裳而觀者公獨無言夏公問吳子心何在公曰候公衣事畢當以政務請眾皆默然

萬姓統譜一則

吳梯字思誠金谿人嘉靖進士任御史敢言家居廿年起歷刑部侍郎性抗直深於理學為時名臣學者

吳疎山先生遺集

卷之十二

附錄

十四

稱為疎山先生

江右名賢編一則

秦大夔

吳梯字思誠金谿人嘉靖進士知樂安宣城二縣以廉平稱入為御史不函一幣惟鏤天文圖為贊人稱吳天文云上謹南畿主試諸臣并紬所薦士公為申救下詔獄尋釋公仍可其奏督漕淮揚按河洛並著風裁是時分宜方鵬張公引疾歸垂二十年華亭得政即家召為御史遷臺甫七日擢太常寺少卿尋遷南太僕大理二卿明年遷南刑部侍郎一夕卒公蚤

歲誦慕象山之學不事口耳加意實踐平居布袍蔬食澹如也與人處樂易可親及至析道理辨政術則侃侃不可回在淮揚疏薦布衣王良宜加徵聘在河洛疏修伏羲陵寢以重斯文鼻祖皆為希事云

金谿文獻考畧一則

張應雷

吳梯字思誠金谿人生而端凝不逐羣兒嬉戲稍長聞邑先儒象山之風獨忻忻嚮慕焉終日焚香靜坐或登高眺遠冲然自得舉嘉靖壬辰進士授山東樂安令調宣城以厚倫正俗為先天早禱雨輒應歲祲

吳疎山先生遺集

卷之十二 附錄

五

于諱請賑所司不報梯自發賑全活甚眾召入為御史不函一弊惟鑿天文圖作贄時稱吳天文嘉靖丙午南畿試錄忤旨罪所司并廢一榜薦士分力疏救之上怒詔逮獄未幾特可其奏按兩淮薦錄處士王良表章古文孝經按河南請修伏羲陵廟定祀典以重斯文鼻祖祭用二仲甲乙取德興旺祭川先河之意上皆從之時分宜當國服所賜蟒衣臺中聚觀之公獨不視或問之公曰近見中官服之朝士相對默然相告二十年餘吉安鄒東廓先生羅念菴先生往

來會講相契最深具三遊記中平生世味淡然尤厭

口說躬修實踐名重海內屢薦不赴晚年特召一歲

四遷而歷卿階退居公署蔬食布袍怡如也起復見

政府同列皆用深躬公獨從淺躬或勸之稍深曰是

再揖矣朝士嗟咨服之至今有疎山躬號云嘗師卓

峰先生卓峰曰若疎山實踐之儒也羅近溪曰金谿

之學宋有象山國朝有疎山仕終刑部侍郎卒之日

無疾部事畢方與余生講養性而痰飲作遂坐廳事

正襟而逝學者稱疎山先生郡守徐君楠於里中立

吳疎山先生遺集

卷之十二 附錄

六

祠肖其像而祀之

金谿理學支派畧二則

國朝道隆化洽先章以力行為學如成化以前諸先

達皆修飭名節若吳疎山先生則中正溫靜公論共

推以為直接青田之正脉非一人之私也

疎山先生常師黃卓峰先生卓峰先生又親得王陽

明先生之心傳時有洪栢山先生王東石先生有翠

雲之會而吉安鄒東廓先生歸安唐一菴先生臨川

陳明水先生皆來會焉

跋

不佞生也晚罔獲親承先生几杖耳受提撕然聞之  
距西江也隣壤而不佞壘峯之里遙對雲林白馬尤  
僅汪汪一水地相去如此其近也則嘗私淑元眉開  
豁達心如藉隙光之照而竊河支之潤也戊申待舉  
先生之邑遂登先生之堂揖先生廟瞻拜儼如靈爽  
昭如復從仲嗣太僕君詳稔先生清風元範覺生平  
仰止之恩殊更親切又三年聖天子追崇舊老闡揚  
道學從廷臣請贈先生禮卿諡文莊大秩宗非詞臣

吳疎山先生遺集

跋

何日彩先生跋

一

不贈文非詞臣不諡先生以少司寇得之可不謂異  
數哉蓋先生接青田之派紹新建之傳其學恬淡簡  
嘿一主於靜然而兩先生者舍後癸元離塵入室超  
乘雖上離朱莫索即一時翕然宗之有病其涉於禪  
也先生從未發處觀象從人情物理處着力不啻談  
說不豔浮華究學於心踐行於篤即其令樂安令宜  
城由臺晉太常再入司寇屹然兩權相間而不激不  
隨事業隨地輝煌是豈枯槁寂虛徒一頑靜者能之  
乎可謂善學青田勳烈與新建後先也遺編自奏議

外傳言行錄一卷文詞不少概見豈寥寥數語便足

千古仲尼之徒獨稱子淵為好學然不列文學而列

德行德必行而躋實高談名理亦虛耳若躬自不闕

縱言之如吹影思之如鑠塵寧匪懸河足聽不幾優

孟叔敖之譏乎聞先生暑時夢伏羲授易秋駕之法

神先領之游心太上即立德猶落第二諦而胡以言

自見今遺編雖存什一於千百乎先天無畫余尤以

為多也昭武如文正康齋兩先生皆誦法青田而不

免於訾議先生居朝朝重居鄉鄉重親制詞之褒揚

吳疎山先生遺集

跋

何日彩先生跋

二

部議之推許縉紳之月旦父老之口碑出處大節煥  
煥如也是真能主靜得青田正脉者矣是編也太僕  
君手示不佞不佞用是羨牆見聖付諸剞劂借為跋  
以當執鞭若太僕君恢宏先烈日月重光金絡之學  
淵行瀾長則先生之家學源流遠矣太僕號繼疏疎  
仁度今天子之長城而先生之不承克紹者也是為  
跋

閩晚後學江日彩頓首跋

吳疎山先生遺集終

吳疏山集十七卷 江西巡撫  
採進本

明吳梯撰梯字思誠疏山其別號也金谿人嘉靖  
壬辰進士官至兵部侍郎諡文莊事蹟具明史儒  
林傳其學出於王守仁然清苦剛介卓然不愧於  
儒者非姚江末流提唱心學恣爲橫議者比集止  
三卷然據原跋則尚有贗作聶氏墓志胡氏表二  
篇竄入第四卷爲言行錄乃梯門人李約所編第  
五卷以下皆誥敕及表章頌美之文其後入屢屢  
重刊輾轉附益者蓋原本名紀實錄乃傳記之流  
體例不妨如是此本改題曰集遂使附錄之文至  
十四卷末大於本失其初編之旨矣今從崔與之  
集之例仍入之傳記類焉


# 胡公行實不分卷

〔明〕胡桂奇撰

北京圖書館藏清鈔本

附《四庫全書總目·胡梅林行

實無卷數》提要



江等處軍務兼巡撫浙江少

尚書兼都察院右都御史胡公

貞別號梅林生于

七年壬申九月二十六日不肖孤聞之

先大父對公曰公生而穎異志氣不群七歲就

外傳經史過日成誦功課必先諸生稍遲輒終

日涕泣不食館師語大父曰此兒他日必當世

偉器惜氣高不肯下人處世接物少便宜耳年

十七補邑庠生膂力絕人善騎射少年即有志

四方雖習舉子業六韜三畧無不兼究心慕洪

閔壽亭侯宋岳忠武王為人每覽傳曲則慷慨

悲歌嘉靖甲午舉鄉試戊戌登進士第觀政刑

部明習法律老吏不及司中疑獄多咨質公時

祭酒東廊鄒公倡明道學公往從之月餘氣習



頓殊先夫人心訝焉叩曰君何自從長者游乎  
公以實告夫人曰聖賢學問蓋人如此因力贊  
公朝夕往焉公孜孜忘寢食鄒公指謂門弟子  
曰此吾門子路也其進道之勇賢輩所當法已  
而聞太夫人遺微疾即上疏乞

恩歸省太夫人疾尋愈公以大父母春秋高不  
願仕大父強之再三且勉以忠孝一道能竭  
力

王事即所以慰悅父母不得已就選歲庚子授山  
東青州府益都縣尹時青齊旱蝗相繼盜賊繼  
橫公履任首禱于城隍遂降霖雨呂父老設法  
捕逐有訟者令掘蝗子若干免抵贖間有復起  
者齋戒祝天言政事缺夫願歸予禍毋殃百姓  
詢民所疾苦悉心剔剔忽為鴉數萬從北飛來  
啄食空中須臾而盡抵夏麥大熟穗有兩岐三  
岐五岐者流民未還日以千計邑界有劇賊號

草上飛虎真驍勇其黨數千據礮山要路且時  
出劫為患上司莫能制公呼其父母親友慰以  
恩信示以利害使招降之群盜解散擇其可教  
者得千人編為義勇適有

詔委巡撫曾石塘公募青齊兵衛

京師遂以此輩隸焉曾公欲為木牛流馬代運行  
所屬無能應者公集匠授以法曲盡制度曾公  
甚喜秋入蘆監弥封所時大泰張東沙公愛公

文學諸經房卷俱公覆閱山東得人最稱此榜  
縣治多

宗室強禦一裁以法令行禁止莫有犯者當道  
交薦有曰年青才練學優政平布恩信而盜賊  
懷歸辟荒田而流移漸復存撫字于催科百務  
兼舉寓哀矜于聽斷庶獄無冤澤被盜止風動  
鄰邑云壬寅太夫人棄養士民上書挽留奔走  
悲號如失父母衛府圖青齊于異政為賦百姓

作三挑破籠誦而悲歌之及行老幼萬餘持筐  
篚扶携送百里外哭聲震野曾石塘公行兵脩  
道沈公給長車一輛令本府掌印佐貳等官俱  
送出郭百姓從至淮者盈千適黃河泛溢公固  
令回尚五百送至家每早分番至太夫人几筵  
前哀哭涕淚墮地成流邑士庶咸詫異公何以  
得此及辭回捧公衣相向而哭族里父老亦皆  
嘆息公事大父孝飲食起居時時恭詢大父志

高才廣勤儉有為邑里不平事咸未質証至不  
遑暇食時比之王考方公恐其過勞恒以為憂  
甲辰大父邁瘧氣公訪醫調治衣不解帶者月  
餘大父卒不起公哀毀骨立居喪一遵家禮不  
用浮屠既殯日讀朱子綱目大學衍義武經七  
書百將傳至手不釋卷丙午冬服闋赴部適益  
都缺率士民聞之千人詣闕保再任時四明聞  
石塘公當銓思隣邑姚江難其人缺令且二載

計公得益都民心如此必能填此劇邑丁未春  
補令餘姚大司馬陳公益都人率百姓爭之不  
得

命下益都人詣公攀號且舐望而去公至姚草檠  
別蠹吏畏民懷時海隅三山沙田軍構爭者  
廿載不決每糾眾殺人有司置不聞公捧院檄  
即親詣其地數言折服為畫界而還縣治後勝  
歸山乃邑祖脉頻年為鄉宦伐石破損仕鮮京

堂公捐俸為買其山封樹之仕者尋復入台鼎  
有殺人者家豪富黃綠十餘年獄不決公廉得  
其情遂伏法時巡按御史裴右山公委公查盤  
睦州且密令察本路賢否公至錄罪人釋無辜  
甚眾且畫得有司勤惰未云人才難得科第不  
易本院考語仍乞從寬揭上裴公大喜會益法  
御史鄢劍泉公合薦于  
朝戊申歲夏適兩臺之人

詔取循吏入簡公以治行卓異首諸邑宰以行姚  
士民不忍公出脫靴懸縣門立去思碑亭然猶  
思慕不置復建生祠于勝歸山買田種梅肖公  
像祀焉及入京銓曹擬吏科時當宁忌公族兄  
昔任遼東巡撫諱宗明者與故相夏公同年  
契厚既敗秩浙東并疑公必欲左遷州守聞  
太宰石塘公與文選張澤山公往復爭執謂  
如此則無以服公論勵有司乃授公湖廣道

御史

命下士論翕然不平公無愠容書示桂等曰當賄  
賂初行之日汝父所謂以赤手捕長蛇白拾得  
一御史亦已幸矣己酉夏院考實授御史大夫  
屠東洲公閱公奏置第二應差兩浙巡益時御  
史宿槐亭公例應差按宣大宿以達虜縱橫難  
之謀之公慨然願往屠公謂公不避險難甚  
善將行公謀之同列孫聯泉公姜蒙泉公曰豺

狼當道安問狐狸昔張綱埋輪吾獨不可乎遂  
共二公連名草疏將上適蒙泉公差巡京通倉  
姜無子意頗趨趨時聞醜虜臨邊孫公勸公且  
勤

王事展宿繻乃中止公知邊延訪士民知虜情者  
如趙舜谷公尹朔野公岳上舍輩皆至其家虛  
心叩問選有微知敢死士隨左右得令總兵馬  
芳董一奎劉漢胡鎮尹秉衡諸人遇之甚厚常

同卧起又以虜情不得由于哨探不明令諸  
人深入虜穴醜類情狀盡莫能逃因上安邊  
八議

上皆行之時妖人李道玄以白蓮教聚眾萬人謂  
識有十八子之說分職鑄印與虜交通將以七  
月半率眾叛出邊外人心洶、公廉知之即以  
仲夏竟巡其州道玄謂巡臺不備也公已先馬  
榜文百餘止罪為首者盡赦脅從至州密令指

揮率兵擒之衆遂散去地方帖然公回京二年  
其徒丘富踵其術餘黨復聚竟叛去為邊患十  
餘載而莫能先發以制之也時有建議者將大  
同左右衛軍移獨石陽和等處駐札士卒安土  
重遷且親戚墳墓皆在大同不肯去鎮巡強之  
士卒激變率衆圍鎮巡二府露刃噪亂事甚急  
閻即傍徨公聞之即單騎馳至軍中亂卒羅拜  
泣告以故且言今不得旨必欲移徙則有死耳

公慰亂軍曰人各有親朋坟墓捨此之彼果非  
人情汝等何不告我而輒稱亂奈國法何衆曰  
軍門兵主不容告訴以致于此今日爺若為軍  
士作主即當斂手公曰我今即與爾等題本免  
遠公呼衆隨至察院為具疏士卒解散鎮巡獲  
免公又偵知唵嗒合小王子諸部落將寇  
畿輔疏乞加謹隄備

上下司馬議時方厭兵不然公言且謂為此不祥

語中秋公策虜必從古北黃花入犯念密迤  
陵寢夜半急起蘇抱制舜澤公卧內曰寇入門庭  
吾等安能坐視若調趙仇二總戎兵躬率入衛  
大挫賊鋒奇功也蘇公大喜即邀趙巡撫共公  
調諸路兵帥至居庸關復上勳王疏時本兵謂  
二鎮重地兵不宜動阻關外候  
旨調遣已而虜騎長驅至都城外人心惶惶夜半  
出

中旨急令徵關外援兵入衛而令總制軍門與公  
回守鎮城公遠上谷謂蘇公曰賊見二鎮兵衛  
京師必乘虛出雲中今彼已滿載當不散掠况  
我兵寡止可設伏據要害伺便擊之蘇公以為  
然遂各設伏隄備公率二恭將兵及素選士以  
待賊果出大同公縱其去遠乃令伏起襲之  
虜懸揣重不戰疾馳北還我師截其後斬首四  
十還被虜男婦二千餘名牛羊馬匹器械萬

餘

先帝知其功註名于屏欲用公大同巡撫時相忌

公不果推已而本兵追論公由突疏

欽賞金幣辛亥春公復

命還京士大夫聞公名咸願交歡時楚中苗賊首

龍許保吳黑苗叛亂出掠旁郡

朝廷勅湖廣川貴夾勦三省心力不一撫勦失宜

勦者以處置未妥外遠咸謂公才復疏請按

楚公至彼即親履邊地與總制張鎮峰公居

竹虛公等竭力經營勦處周悉上章乞赦脅

從

制可之未幾二酋授首蜀楚底定壬子秋較士場

屋祝天閱奏期得真才雖各經房落奏亦親加

復覽試錄悉出公手揭曉果皆名士縉紳推服

以三楚得人未有如茲榜者舉燕時報人誦其

文中紫句示之兩司士子咸驚訝次年連第者

十有八人雖毛東塘公主試弗逮也酉陽土官

冉玄仇殺人公劾正法諸夷長舉皆畏服罔敢

越度楚藩幼新襲每輕出嬉玩聞公呵導聲即

入避自是承奉每張虛聲禁之遼藩素橫門下

多蓄無籍子前院訪拿遣毀牌歐差之辱公至

朝王方晏中徐以數語感悟之遼藩喜次日命

長史司擊送客犯公擬如律自是諸藩欽戢亥

子歲秋後兩番錄公晝夜叢閱多所平反有三

舉人無辜冒重辟屢疏辨寬下御史大夫行巡

按覆叢前院心知其冤皆速嫌莫敢開釋公詳

獄詞惻然曰人命至重安忍以嫌疑殺人乃擬

真情駁奏部議釋之癸丑夏公得代使者

繼祖母族里以公別久咸願少留公曰

王命不敢久宿遂兼程復

命居東洲公喜公才力夙來留審奏詞時各道缺

人以公掌七道篆腰帶左右遍懸錦牌人皆榮

之時兩浙自壬子歲以來海寇竊發奸民勾倭  
據海島中時剽劫相雄長而王直徐海陳東麻  
葉光和尚徐惟學輩號巨擘為邊海亡命爭相  
趨附眾至數萬吳越醜聞咸被蹂躪太倉王思  
質公開府錢塘探禍本申直海等借號罪逆兩  
臺目擊其難於是諫院王公國禎柱史林公應  
箕朱公瑞登陶公承學金公澍周公如斗等復  
相建言謂集本不拔東南終不安執乞立賞格

購之

先皇下司馬議

欽行督撫等衙門昭揭榜文但有能主設奇謀擒  
斬王直者封伯爵賞萬金授以坐營坐府官事  
能斬黨惡如徐明山和尚者不分首從各授以  
指揮僉事賞銀三百兩並世襲通諭吳越寇竟  
猖獗莫能制即邑殘破徵天下材官騎士及郡  
邑兵嘗之輒陷沒歲甲寅賊徐海陳東輩遂蔓

延于淮揚蘇松嘉湖寧紹台溫漳泉間破南漚  
破青村所破嘉定縣破柘林鎮掘川沙漚掘七  
八團據乍浦所連結為巢山賊海寇倭夷接踵  
而至東南財賦之區無地非賊

先王深以為憂集庭議僉以南部大司馬半洲張  
公老于兵事宜令總師征之議督府置參謀官  
選知韜畧臺臣一員充厥任令往畿輔山東募  
萬兵往應之當守以屬于公疏將上適禁常封

時兩浙之巡臺屠東洲公借公名陪點疏  
上

先王舊知公功遽點之遣東巡執政謂公有避領  
之遂共擬票這督府參謀官不必設了只着御  
史溫景葵募兵前去交總督張經殺賊回道云  
云公與權貴有卻自此始時公方從大宗伯南  
野歐公講學歐公感疾而沒門生中公獨視棺  
殮哀哭自中遂染病月餘人皆義公將南行執

政問公宣大禦虜故事公一一詳答且云所服  
廬七斤甲四十斤疑不信公取服之終夜立談  
不動眾皆驚服及行兩浙士大夫餞于郊謂公  
曰兩浙生靈賴公此行公仰天大呼曰某此行  
不擒斬王直徐海靖東隅誓不回京眾悉疑公  
為狂公至部即大振紀綱閱視阨塞詢民所疾  
苦及致寇之由為之興利除害凡蠹民者望風  
歛迹歲乙卯春柘林賊酋徐海會集川沙灌賊

酋陳東乍浦賊酋麻葉光和尚合謀圖杭省為  
巢以窺金陵計以海引萬餘賊自柘林出海趨  
鼇子門東引萬餘賊出澉浦趨海鹽麻葉光和  
尚引萬餘賊從乍浦趨湖州約已定三月戊申  
殺馬祭天揮血盟誓三路衝出敗直隸兩軍門  
官兵而去東賊侵海鹽先至杭肆劫江頭入西  
湖焚昭慶寺湖洲寺攻圍省城屯北新關抽分  
廠前以待海葉等軍門李汲泉公被困杭城徐

海擁賊從大洋將入鼇子門去杭不遠忽颶風  
猛作賊船三五星散海被還五島餘黨零化浙  
東陷慈谿縣治焚先聖廟殺生員數百人麻葉  
等率賊掠嘉善將逼鶴李時公方巡溫台新膺  
紀功監軍

初命即倍道馳至嘉禾孟夏甲申賊薄邵城殺戮  
淫戲辱示城上公適巡城切齒憤恨丁亥出贖  
金募死士百人買金酒百餘甕末五十包投毒

藥封包如故載之二小舟已丑投健兒沈坤王  
彪等計拌作差官持印信批文以犒迎土兵為  
名望賊營進發成以賊追即棄冠服浮水遁賊  
驟報果逐劫坤等坤如戒走賊入舟見所棄冠  
服批牌遂不疑呼類懼飲且醉復作飯食庚寅  
賊多青腫流血暴死七八百餘賊皆驚愕捕土  
人知為公遣乃不敢散掠傳令勿食民間遺物  
時值暴雨淋漓飢困斃者益眾麻葉等畏公威

知嘉興終不可犯率衆北還欲從松江出海會東賊于杭至塘灣適總制張平洲公遣援浙永保瓦氏苗兵萬餘與賊遇苗兵性悍輕賊驟戰伏中為賊所敗瓦氏兵死者且數千麻葉乘勝復擁衆南侵壬辰公親至土兵營鼓舞犒諭為整衣甲器械以作其氣因授以陣法兵勢漸振公察其可用乃集嘉湖水陸兵將刻日協戰時扭故怯咸失色公進將領反復讐諭曉以大義且云吾當為尔衆先由是將佐皆感泣願效死定謀五月甲子朔公大搗三軍披甲躍馬首諸將出北門兵備董公苦遮留公怒麾叱之援劍擊門誓此行不滅賊不復還軍士勇氣自信乙未趙甬江公亦至公遂率漢土官兵逆賊于王江涇為三壘陣設伏以待成賊至接戰我師水陸夾擊自辰至午公操小旗督戰益急賊方酣聞晡時角鳴伏起賊始大敗竄涇中多溺

元涇水為之不流斬五千餘級麻葉光和尚率倭宵遁公麾兵追及于秋母亭已亥斬賊首先和尚并倭賊三百三十級麻葉不敢戰馳善馬還松江舊巢公令士率壘尸築京觀立石于其巔改王江涇為平倭涇後太宰胡栢泉公詮次畧曰

國家地廣治極海隅姦商乘時盜販轉為寇賊民不覿兵日久望風奔潰賊既連得利內附外

連徒黨滋蔓動以數千萬計善用兵能以少為衆所徵四方材勇武力士悉殲其手若烈火燭餘人出掠嘉善等處孟夏劇賊徐海麻葉等調三吳之禍變慘矣乙卯春柘林巢賊積增至萬餘人出掠嘉善等處孟夏劇賊徐海麻葉等調知浙兵往松江揚巢率衆數千水陸並進聲言攻嘉興及杭時故巡撫李公留省城總督軍門張公在華亭浙西無兵可恃軍民洵懼按史梅



林胡公方巡浙東得報連日馳詣會賊從嘉善  
來前驅迤邐薄城外衆益懼甚胡公曰在法攻  
謀為上矧無兵乃密取酒百餘罌鑽其顛投毒  
塞如故載兩船選撤警卒假冠服持赤牘坐船  
上稱解酒餉軍向賊所見賊即褫去冠服走賊  
信不疑馳報諸酋長諸酋長得酒大懼相率高  
會痛飲率多死又令村市酒家皆入毒甕中約  
債以值米漬藥水漸而遺之賊往爭取飲餒

輒又死然賊尚衆我兵寡且怯適保靖宣慰彭  
蓋臣土兵數千至胡公策其恃勇犯忌戒曰賊  
善伏知分合我兵常為其誘宜分竒正左右翼  
擊防其衝圍蓋臣不聽乘銳直前至石塘灣果  
遇伏潰挫逃近震駭失望胡公于是親詣軍營  
宣諭勞苦之使人悉質諸質肆故衣頒給賜錢  
帛牛酒飲食召諸工晝夜繕器具且懸重賞衆  
感激思奮察其可用乃指畫地形曲折授以計

全設伏勝之蓋臣如胡公策賊果債敗北走平  
望平望故別有苗兵營賊不知會張總督來視  
師而永順宣慰彭翼南兵復從泖湖出胡公同  
督察趙公率參將盧鍾等躬擐甲胄馳馬趨出  
四面合圍賊還走王江涇餒且病遂大潰我軍  
乘之斬首數千墮溺水死不可勝校軍民自是  
始知賊猶人非真若鬼神雷電虎豹然不可嚮  
迹沒有關志賊亦自是稍顧忌狂謀漸虧始

可誘而圖矣嗟乎嗟乎竒變決而波才破洛澗  
襲而淮淝捷嘉山合而博陵奔蓋自昔禍亂之  
興必有忠義材武韜鈴之臣以指揮擘畫救寧  
戡定蓋天所以奠安維極綏輯神人鴻德好生  
常假手乎鉅公偉人實為之孰云其果夢哉  
時陳東攻抗省經月不解候徐海不至蕪聞光  
和尚死麻葉敗公將還兵援抗始內懼乃解圍  
滿載北還公率兵追至鶯脰湖時直隸吳江尹

楊公芷無錫尹王公其勤各督兵至公遂合師圍困之俘斬千餘東寇迫遁周巡按行牌取回二縣兵時夜將半二尹公門人私過公舟辭公嚙指驚曰今賊受困已旬日食盡飢餒勢不能戰將盡殲矣奈何委之楊公言奉檄不敢擅留况兵已先退予二人留亦無益也公仰天大呼曰天何不助我盡殺此賊奴耶乃令不偶如此二尹去東賊遂從湖中間道遁還直隸攻陶宅

鎮巡司據之為巢時兩浙已寧公乃賞遣苗兵自率嘉湖兵回嘉興方東賊攻杭時省會爰

### 南臺連上彈章

先帝震怒逮張總制李巡撫湯總兵入京適公王江涇捷奏至遂起擢公右僉都御史提督軍務且有

御札云胡宗憲協心王事候論功之日不次擢用他公上疏懇辭不允及履任深鑒李公無兵之

禍因募勇士千人日訓練為莫為春防計公哨知麻葉自王江涇秋母亭之敗日懼追兵至惟修小船候風遁歸公以賊壘迹浙且與東賊為聲援深以為慮秋九月丁未趙侍郎來祀海神公共總督裁巷楊公會之于郊議夾勒柘林巢皆然公言已未乃召劉兵備盪張二叅將及王都司授計分布水陸賊聞窮蹙夜遁出海水兵環攻之因縱火焚賊舟俘斬甚眾會颶風作官軍急收舡入港賊舟不敢近岸為風飄溺風浪中柘林屯據積寇死過半矣楊公謂柘林既搗宜乘此破竹勢滅陶宅賊趙公復力贊公乃合兵備帶川劉公即昇姚泓吳典史水陸兵赴之十月辛未會直隸提督軍門東村曹公分地逼巢官兵數敗賊東懼乞降公遣謀士蔡時宜入巢領計誘之賊尚疑懼遣驍倭四十餘出哨我虛實時兵道急欲得功自率部兵五百設伏斃

響賊覺內外衝擊伏兵稍挫乃還營而公未之知也東乃率賊乘夜遁去新場鎮使公計卒未就時有上言者波及公嘆曰我本兩浙軍門不遠千里齎兵糧為隣境禦賊今反咎我實我自致耳適浙東樂清有倭賊數百深入內地敵殺徐指揮鄉官王僉事守土官軍勢不支將入紹興公得報即辭楊公旋師省會時已仲冬戊戌公親帥三軍東渡錢塘自禦之前哨報賊已近

公曰先據高者勝即龜山駐兵而分諸將伏山下出奇兵誘賊入重地接戰伏起斬數十級賊敗奔還邊海堡內閉門公麾兵四面攻入賊悉跪伏盡戮之命左右選克梅倭首廿顆置棹上令庖人置酒脯賊心拔刀切面肉自啖之因賜將佐雖勉強領食及出有吐且病者已酉浙東大倭艇一艘飄至海鹽秦住山登岸劫掠公分兵五百令指揮徐行健總禦之壬子健等逆擊

賊盡滅焉師將凱旋忽倭賊數百自閩中流寇温州犯金鄉突石井等處公使指揮吳江王倫容美土舍田九霄率兵迎敵時賊已越嵎縣三界官軍屯上館嶺以待公恐賊猖獗親帥標兵以臘月甲午趨至上館乙未雞初鳴乃集諸將定謀四下布伏下令聞砲即起止以一隊衝鋒部分甫畢賊至我兵逆戰已而有三卒退走公即縛隊長并斬于陣前血漬公衣三軍股慄殊

死戰斬賊十餘級砲舉伏兵四合賊披靡退走清風嶺我兵復追及賊入烈女祠升屋據高以拒官軍環之數匪縱火焚之斬百十級餘悉死烈燄南鹿流倭無有子遺公回師省城士大夫及父老焚香祝拜彩障郊迎曰非公吾省城其能晏然如此乎先是公王江涇援後密與祀海趙侍郎計巨寇王直贊東南亂本今居五島為遁逃藪徐海輩為之羽翼若能以計致其主帥

則眾將自解趙公曰善然須題奏奉

明旨差使宣諭日本國主令嚴禁各道入寇及執  
送叛逆奸民以此為名則直進退失擬招致為  
易然須密授奉使勿見諸文移恐撒泄難圖公  
曰極當趙公遂奏奉

旨着藩司給文遣使宣諭檄寧波守選知海情有  
心計生員蔣洲陳可願充正副使以朱尚禮胡  
節中先年冒禁入海熱衷情即獄中釋之令各

募二十人輔洲等賚藩司咨文以往公密授洲  
等以計孟冬壬午洲等出定海關十一月丙午  
洲等至彼方後山口豐後二道宣諭直聞之令  
養子毛冽率眾逃洲等至五島詢以故洲等依  
計誘之直佯言曰我本非為亂者只因俞總兵  
畱我拘我家口遂絕歸路今軍門如此仁德我  
將歸順然不必許多人在此今聞薩摩搗徐明  
山等大糾倭眾來春必犯直浙我令毛冽葉碧

川伴送陳副使朱尚禮先回報軍門吾與蔣大  
人宣諭畢日一同歸順但倭國缺絲綿必須開  
市買賣海惠可平也可願借毛冽舟以仲冬間  
月泊列港用小舟伴送可願至定海關遂求市  
已而勦殺海洋流賊數十級効功悉本直密計  
全窺我意公詢可願察其情一面奉聞且厚  
犒之次年春冽率倭兵百八十人助盧恭將搗  
舟山賊巢殺死三十餘人賊奔即畧深山屯于

巔公奏奉

旨下賚金幣且令回諭直及早歸順冽感激即送  
商伴夏正董革即岳報徐海入犯消息公遂留  
為通事陰厚遇之意未嘗一日忘直也歲丙辰  
正月辛酉有倭賊數百自閩中連江洪定犯平  
陽仙居等縣趨四明奉化合錢倉新登岸賊凡  
五百餘癸亥深入上虞轉戰千里官軍望風奔  
潰勢益猖獗海道孫公羽檄告急甲子公自率

標將渡江而東合諸道兵會分守劉公分巡李  
公兵備許公及曲同知吳典史容美土兵皆未  
會丁卯賊由上浦潛渡曹娥見官軍把截由對  
山穿出海塘轉山陰壬申公率將兵至江橋過  
賊夾河而行公馬上操小旗語諸將曰使此賊  
見我旗指不顧而西勝負未可知若觀望遲疑  
即可撲滅也賊見旗東西交指果聚立公笑曰  
賊氣奪矣麾兵首尾渡河賊驚問謀者知為公

兵遂不敢戰南走後梅村高氏民舍公麾諸軍  
圍之一晝夜數以發煩邊銃火箭射之賊負傷  
深匿公督戰益急我兵登屋舉火攻之烟焰大  
起賊多焚死已而雷雨大至公與諸將冒雨立  
水田中甲戌五鼓黑霧起咫尺不辨賊突吳典  
史卿兵我軍四面奮擊俘斬二百五十九名顯  
仍百七十餘賊乘昏黑逸出走鐘村平明公率  
守巡將兵追及賊山西嶺殺百賊仍賊七十餘

名逃黃銅公遣標下把總指揮楊光<sub>水</sub>昌陳光祖  
管懋光等督輕兵疾追務使隻旅不及豈意永  
昌達公節制從間道山寺恬息飲酒為娛別遣  
隊長鄭廷彩等引兵追賊兵無統紀賊脫去公  
廉知縛永昌等欲斬之諸將以首春為叩首乞  
怒公各痛鞭一百另遣田九霄率兵追及蒲岐  
亭頭偕同知黃釗千總湯施八知事張東等民  
人六十賊餘賊乘夜遁海兩浙以寧先是

公未渡江時居民聞賊勢大成奔避入城公渡  
江迎賊炊宿無所薄暮至一山下屯兵公偕從  
人十餘輩登一山巔小菴中以息覺飢道人具  
酒餲餅以獻酌方數盞哨者至公脩詢其故已  
而問哨者食否荅曰數百里悉逃竄無人烟雖  
有錢安所得食枵腹且二日矣公聞淚下盡撒  
酒餅與之道人進曰菴中芻糧俱運入城存此  
為守菴需願少留充膳公謂曰此探卒吾三軍

耳目也飢餒甚矣今不得食必斃寧忍飢以食  
有功左右皆感泣及圍賊後梅駐田中雷雨暴  
至後者得一木椽坐公已而水起尺餘懸足躡  
草上有請入民舍少息公謝曰將士皆淋漓勞  
苦吾安能獨逸也及滅賊運兵村民尚未歸柱  
史湘湖翁公遣侍重具穀核黃流送公于途且  
書曰聞元宵時忍飢冒雨以滅賊吾士民感且  
泣老病艱遠出特遣家兒庶幾葺食壺漿之迎

云是役也陣上獲倭銃三十門公召通事陳欽  
辨認知為南番烏嘴銃機括如弩番人以此彈  
崔倭賊昔從南畝開市歸至南番畢歲還學製  
之昔年衝鋒勇士皆斃于此故官軍畏倭如神  
如鬼者此物也賊恃為長勝價亦甚重必倭賊  
能製作公乃令陳欽偕降倭同有機知巧冶造  
之後進于

朝遂為九邊沿海防守長技焉公歎旋渡江閩省

士夫父老軍民數萬出迎于江之許各明香燭  
舉觴結綵以賀歡聲動地實是月之戊寅日也  
公上諸將士功狀時直隸新場巢賊陳東自陶  
宅逃後知公已還兵杭省復肆劫掠官軍屢戰  
不利監軍以聞

先帝怒易守臣眾舉少司馬棠溪王公摠制奉

勅南抵德州而公龕山清風後梅三捷報疏適至

仲春戊午

先帝大悅出中旨王誥不必去着舊仍宗憲陞兵  
部左侍郎兼都察院左僉都御史總督用便馬  
勅與他中有以尔屢次督戰奮不顧身忠勇可  
嘉茲特簡任云云報至公捧讀感泣自以力  
小任重地廣賊眾不勝為恨上章力辭不允及  
拜

命庶官入賀公曰吾本一書生因倭亂推為監軍  
憤禿奴之橫肆憫赤子之無辜出身犯難越職

討賊義激三軍餽以毒藥遂破賊于王江涇再  
敗之于秋母亭三敗陳東于鶯脰湖四搗麻葉  
巢于柘林遂膺兩浙地方重寄兵食兩缺四野  
蕭條數月間倭奴踵至惟身先士卒示以必死  
幸而成功然頻于危者屢矣昔在嘉興時因諸  
將莫敢近哨惟節詞獄主師副至敗績予乃自  
至塘灣探賊止携七八健兒駕小漁舡直入賊  
巢賊覺追兵翼兩岸而至左右舉一板門為蔽

箭如蝟集方踰石橋而南賊已登橋使小邊身  
非吾有矣至城下呼門守者不知為我墜下大  
石中頭蓋之厚得不死今石痕尚在此其一耳  
再迎賊龕山盡令兵將下伏從左右者不滿百  
人賊聞我提兵至乘夜黑先遣驍勇百餘從間  
道欲先據山抵麓見萬燈遂退走及平明賊盡  
至已登半山從者曰事急矣予令左右放銃吹  
打張蓋暨旗帥曾和等皆言不可萬一賊知主

將所在盡力而耒莫有敵者奈何予麾去之已  
而賊望見問哨者知為軍門駐節急退入伏地  
予鳴角伏起而敗之滅之于邊海堡擒獲真倭  
譯審前夜見萬燈疑有伏而退次日欲據山問  
知軍門所在必有重兵故疾馳別道不意陷伏  
中予觀山上有張公祠益神護我也其他銃炮  
矢石之間出百死得一生然後兩浙寧謐不意  
萬鈞重擔肩于一人今值暮春汛期已至以食

則庫藏空虛以兵則數戰疲卒前當事諸公皆  
歎惟吾獨存將來之事未知終始衆曰上天悔  
禍妖賊必平已而入語先夫人先夫人墮淚而  
泣叩曰君計將安出公曰東南承平日久人不  
知兵土者卒難練然業已乞河朔兵及調永保  
土兵八千人多製為銃教習標兵即用賊長技  
勝之然必勦陳東賊巢使新至者無所依歸則  
撲滅為易若新舊合併則勢大難圖因取靴中

利刃示曰倘天不助我惟有一死報

朝廷耳時賊酋徐海麻葉自日本國勾大隅島主弟辛五郎并薩摩等島倭夷連數百艘絕海分道入寇建天差平海大將軍旗鼓三月壬午賊前哨船至滌缺癸未登七龜洪登九圍薄暮徐海大踪賊舟三十六艘登柘林甲申登南匯乙酉新塢舊賊酋陳東燒巢盡起趨柘林丙戌麻葉率後哨雙桅大船四十一艘登乍浦南門外

西海口全家灣一踪登金山胡家墩一枝泊松江上海蔓延江陰無錫一枝突犯慈谿蔓延餘姚一枝由寶山入長江至青卞清水窪等處分道登劫徐海聞公陞提制計必入吳兩浙空虛可得志遂構陳東麻葉倭賊合數萬衆直犯浙西攻圍乍浦城且聲言席捲嘉湖襲抗省以覷

金陵復分賊犯淮揚瓜儀勢甚威羽撒繹絡遠近

大震時代公提督者為副使山峯阮公四月丙午公乃選部下河朔宗佐擊兵及容美土兵凡二千餘付阮公合兵臨帶川劉公樂張二參將水陸兵先趨崇德逼賊撤海道孫公恭將盧公及吳典史浙東水陸兵援寧紹公乃自率標兵千餘及水利道水兵出北關駐敵臺以控隘口為犄角勢令省城大開門勿登捍擊斗使賊莫測我虛實因延太守李蓮湖公密議選慷慨好

義有騰畧庠生周綺邵亨夫等二十人練保甲鄉兵萬餘授以旗鼓分伏林木叢雜之內以虛張水陸之勢各賊素懼公威名又諜知公在軍中且遠望林木中旗幟甚多因測虛實遂逡巡不敢長驅省城晏然若不知有重寇壓境也庚戌阮公率諸軍趨嘉興至皂林迤西石橋卒與賊遇前軍相對射賊亦止官軍隔橋而陣辛亥黎明徐海等引賊萬餘渡河佐擊宗禮與鎮撫



千樞范濟分翼接戰自寅至巳鏖戰益急殺傷相當賊乃退午刻賊換生力倭兵復戰至未又退去阮提督令各兵安營休息賊各率眾大至衝過石橋東營兵潰宗佐擊及副將忠義官霍貫道鎮撫侯槐何衡等皆戰死諸路兵悉潰退劉阮二公引殘卒入桐鄉縣賊環兵圍之不解五月賊造大樓臺船急攻水門癸亥乙丑壬申樓船高出城堞凡三攻城幾陷盧叅將田宣撫

各兵去城十餘里觀望莫敢救報至公驚悼曰河朔勁兵既陷沒諸軍已落膽矣奈東南何况賊勢重大標兵不過烏大且數戰疲若彼爭鋒如以肉投虎口譬之兩人抱而俱死也何益哉事勢至此誠已危急今惟有用間解以伐其謀携其黨出阮公而徐圖之耳眾皆難之已而二司鄉宦俱來候問及去公獨留允齋叅公鹿門茅公虛若傅公數人後密謀制敵救桐鄉計及

珍寇策茅公曰計誠善苟不成其如身家何公揪所佩刀謂曰狂奴肆毒地方慘禍已極願上天佑

社稷生靈得遂此計萬一天不順我惟以此報

天子耳茅公等俱墮淚乃捐萬金因毛冽所送謀者夏正童華即岳朱尚禮等全贖入賊營行間不問其出入但要集事又假為刺書以付徐海正等至海營海驚詰所從來正遞上刺書海覽

之失色遽曰老艇主亦歸降乎正曰然因諭之以

朝廷威德及順逆禍福且言樞督胡爺親擁苗狼等兵二十萬至矣若固執迷則王江涇可鑿海曰吾今三路齊進非我一人所為正密告以陳東去秋陶宅已乞降有他約所慮者惟公耳海聞甚驚疑是夜陳東探知海營有軍門使書大駭急語麻葉果與海相猜海見東葉心變亦許

歸順丁丑即放被虜男婦二百餘人歸正而率所部倭退屯三十里為信東見海果解圍詰責海、曰老船主已令毛海峯葉碧川款蒙

明旨賞賚優渥榮耀無比吾終當降順耳東大怒斥罵海、曰汝去秋陶宅何故乞降今來賣我我豈為女賣耶東憤怒拍馬而去偕麻葉復造雲棲舡中架鉄撞木打水門獨攻桐鄉一晝夜援兵漸集東勢已孤己卯亦解圍至海營講和

阮公得脫乃馳入嘉興方阮公之被圍也城岌岌垂破援既未至又驟見謀款往來賊營不知為計疑公通賊城上出危言見之書令謀撼公且欲以聞于

上公屹然不為動及平賊乃大愧服書賀曰公神謀秘計伏地出天豈惟人有未諒雖鷄亦所不知蓋蘆藺心均為

國而平勃志在安劉昔日難中謬語幸無訝焉公

覽之微笑而已先是海等餘倭分道牽制我師孟夏辛卯賊船八十餘艘泊廣陵通州海口約賊數千焚劫南門甲午登黃泥山乙未登如皋天生港都司張恒千戶羅大爵等戰死丙申賊寇泰興巴陵山丁酉過運糧江船搶劫兌米三千二百餘石殺死綱司旗總燒毀運船甲辰寇劫瓜洲乙巳掠維揚丙午賊分三道犯瓜洲庚戌復圍揚州府城殺死同知朱良晏經歷千戶賈勇乙卯賊復入海漕運陳公將兵俘斬四十名顯直隸南匯界嘴各有倭百餘登岸公檄兵備董公督兵往勦滅之寶山倭舡十六艘直入長江俞總兵虛江公把總劉堂率舟師環戰溺賊舡十一隻俘斬二百五十四賊天晚賊棄舟遁常熟堂等率兵亟追大小復十五戰斬百十賊吳淞係通海咽喉賊結艘入應徐海公授堂等以成算果即滅焉士民咸詫成功之神速

也賊犯西菴王應麟兵禦之賊戰敗奔法昌寺拒門不出我兵四面舉火攻之賊並燼滅麟又大戰青卣賊數十合賊走民舍麟兵圍之方舉火賊擁出避隣舍我師破壁殄滅無遺俞德兵犂沉大倭舡二艘反福山等處水兵將領前後水戰大小凡二十一艘溺斬一千三百級時浙東群倭萬餘入慈谿焚劫殺死鄉官王落錢煥等復圍餘姚告急書日數至公咨提督阮公分與處兵五千餘人使馳援浙東公乃移師嘉興專控浙西而徐海等眾既吞公鈞鉞乃退烏鎮向之分圍上海倭賊萬餘窺松江突泖湖將趨嘉善會徐海等羽書旁午公謂中軍都指揮戴冲霄曰使此賊合艘則海東等勢益大卒難圖復遣謀詒海擊賊立功以自效海諾謀使歸報果遣頭目率倭逆賊嘉善界以戰斬三十級賊怨海易慮憤罵退掠舟遁洋以去初公業已筆

授直隸官軍計令伏劉家河以待季夏甲午賊果出七汀港兵舡追入大洋伏兵夾擊覆舡六十餘艘俘斬三百六十級時江南北浙東西各處將兵隨賊截殺又陸續俘斬倭賊共一千五百七十六名顆殺焚溺者千餘奪器械萬餘件要皆所以摧徐海枝葉也海退屯乍浦舊巢許投順然心終以殺宗禮等兵為疑不決公遣謀語海以殺宗禮者陳東麻葉也何不計擒以獻軍門則功大而降順之心益明得世襲爵級矣海徐曰容思之尚猶豫未忍公乃使謀持玩好啗海愛姬王翠翹謀因私之翠翹復力勸海蕙聞趙尚書督大軍且至廣陵意遂決乃密向謀約期令健將犍舟以待六月壬午海因設晏招麻葉及頭目十八人飲夜分酒酣海詒葉曰今我等雖聽撫然事體重大必現天象可共出一觀乃偕至小港一舟邊海以目示其下倭眾舂

上將麻葉及部下頭目十八名內逆王七等十  
餘人縛付高香公童翠峰伏舟令獻轅門七月  
戊辰徐海計誘新至倭賊至黃泥堰生擒真倭  
七十三名付朱尚禮還獻甲申海復計縛陳東  
交付蔡時宜解公軍門由此東葉部倭仇怨  
海晝夜擊殺互相剪屠橫尸蔽港河水為赤因  
隔岸立寨與海相持不暇他務海亦內困攜二  
氣日消阻且續至倭賊又為劉帶川公丁恭將  
徐搃兵等合力搗巢俘斬三百五十餘名顆奪  
回被擄男婦千七百名餘多溺海死焚賊廠二  
十里海遂許謀者降公計東葉二部雖殘耗然  
共海倭尚逾萬若急之必復合乃移軍平湖邊  
賊因察海情復時遣謀詞之海言願助官軍擊  
東葉黨公佯諾許為內應時浙直二監軍疑公  
玩寇上之下司馬議默齋許公疏言兵多說道  
事難遠度謂公素負才名新承

簡命必能辨此以收成功

先帝悅竟不中制然警報日再上憂座

宵旰而淮揚肆劫諸倭聞天兵南下始各避還趙

公率兵渡江至桃花港遇登岸倭寇一鼓滅之

乘勝而東遂欲進兵偏海葉公迎告以賊勢日

熾若迫之必合力拒我况此實掠敵非桃花港

賊比萬一復逸去不但盡隳前功恐出匣虎兕

肆毒愈烈如東南何願駐兵勿動吾更有說也

時贊畫郭即中等急欲得功議論冀然公備告

趙公以用間餌苦心處郭等乃已又知謀恐徐

海言天兵勢大桃花港生力倭一戰糜爛銳志

進兵是胡爺保你歸順趙爺方緩然必有功始

可還朝若 不立功謝罪海曰東葉部倭

近已乞降奈何徐 曰我今即將來操演如遠

令者殺之謀曰可海乃計戮仇倭數百級遣親

弟徐洪來獻且謝罪而即令窺我強弱洪往見

趙公贊畫郭郎中等從僂力贊乃斬洪西大指  
意在激變海以壞成功洪大悔恨痛哭公聞急  
登輿往見趙公取洪匿書令使醫調治因假以  
冠裳厚為廩餼且許奏以真官洪又喜過望逾  
二日海使倭首五人詣軍門探洪公恨計泄乃  
令洪詐為病以帕裹首就府中冠服見之衆倭  
羅拜率洪親書還報洪荅以病不能手書遂口  
授吏繕寫中言軍門誠信寬宥及伊中酒病難

作書之意公亦假五倭冠服厚賞遣還已而海  
復使倭持書來戒洪飲酒竟不知洪指斷去無  
能作字也公因海心頗實令謀直諭曰督察監  
軍不信汝真順者以爾擁多倭故遂併劾及搃  
督汝果實降只數百精卒足立功且爾素許助  
擊東萊部倭矣今若等勢力不及區怨以降終  
必為若肘腋患何不乘此機遣之偕尔部老弱  
歸國也海善之徐云數百則小須留二三千耳

東萊倭今真送與官軍作功部倭亦須放還然  
無艇可去若得艇百艘乞放還旗幟于上吾當  
送之海濱海蓋欲藉舟為脫身計公故令謀許  
之舟及二赤幟乃集各官計議密授搃兵虛江  
俞公大猷北山廬公鏗及偏裨策令率舟師直  
截大洋望有朱旗者盡力攻擊務在擒獲敢逸  
賊者死恐海或逃故也復共督察諸公定議使  
容美標兵分三營伏海口獨缺海洋東西集朽

艇百艘置海口密示各將刻期進兵迫之遣夏  
正約海以丙戌日舉朱旗為號是日海果送大  
隅島主弟辛五郎率其部倭當先建朱旗次陳  
東倭次麻葉倭趨海口徐海先引所選倭數千  
舉流星而北河朔兵進焚其巢城中兵分門突  
出三哨伏兵繼起海部倭趨艇不顧衆賊失主  
皆驚潰爭艇無鬪志自相蹂踐我師乘之斬賊  
數百級艇朽載重多覆洋中盧俞二將軍率舟

師復從大洋望朱旗進發海知計不就棄率選  
倭數千棄舟馳回其得登舟入海者盧德兵部  
兵擊沉三十餘舟斬賊三百七十有奇倭俘倭  
酋辛五郎等俞德兵部兵擊沉二十餘舟俘斬  
二百二十有奇飄溺不可計數賊一時魚肉徐  
海至是勢孤矣海見乍浦業已殘毀遂屯沈家  
莊：故沈少卿別業垣墉高固四面環水左右  
悉圍田海知為形勝據之四下高起角樓哨瞭

自恃乍浦內應功意懷觀望公往復遣謀諭不必  
觀望當急降且恐以趙督視惡據地利欲進兵  
并誅之害海負驍雄志未決公使謀遣王翠翹  
珠玉因說以投降之利海氣飛揚公令謀教翠  
翹晝夜酣以酒色海因是染疾欲逸去念已結  
怨島倭勢不能歸欲自保業已剪滅羽翼難與  
持久且翠翹朝暮復力勸海遂因謀約期乞降  
八月丁亥海率倭千人屯平湖城外挾驍倭二

百人城時公城中盛陳軍容轅門惟皂快將卒  
數十餘人故示藐之邀督察趙甬江公監軍趙  
玉泉公提督阮山峯公同赴轅門受降海倭至  
儀門守將呵止賊礮刃持滿駐門外徐海僧帽  
白藍同謀進伏階下解冠待命海內懼為我所  
圍故挾兵為兩便計時監督諸公不虞海挾倭  
至相顧失色起欲避趙督視棒止之謂勿為倭  
笑海叩謀知公復面公叩首請死公下階撫海

項諭之曰今既降勿復為藥海叩首三公談笑  
慰諭犒之遣還使候

赦旨海去公謂監督諸公曰徐海賊心不改釜中  
魚揚鬣跋扈愚矣哉大兵四集欲隻身乞降復  
可得乎監督諸公為海所怖恨之交勸海有降  
不道必欲誅之丙午會公所調永保土兵亦至  
公乃會督視合諸路主客兵圍之使恭將王价  
督先鋒戴大藥焚巢价至中流失火舟自焚价

重傷墮水掖還後數日死公麾諸軍進迫賊巢  
辛亥黎明公督各路進兵士兵奪南門因風縱  
火烈燄漲天賊二千級于海率倭突戰汪把  
搃力戰斬之并俘海侍兒王翠翹等先是公親  
督戰夜二鼓賊發鉛彈如炬星飛落馬前次晨  
掘地得大鉛子重數觔人皆訝公忠誠得不死  
云時直隸遁入海諸賊是月四日官軍撞沉二  
十五艘俘斬三百五十有奇溺者甚眾直隸繼

寇之賊遂片帆不返公既生獲翠翹遂馳書督  
視趙公曰呂布既誅貂蟬復獲唱飲而還不亦  
樂乎趙見書急掉舟未過之中途凱旋公為一  
檄咨督視甬江公盡讓功與人及將佐且曰上  
仗

朝廷威靈下賴士卒戮力完此公事地方有福吾  
何功哉且無叙功奏人皆訝焉時浙東殘倭數  
百自乍浦出海兵舡邀擊風回者復屯丘家洋

趙督視既提督率河朔兵將尹盛亭公戚南塘  
公唐左二恭戎等東渡擊之俘斬三百九十二  
名顛奪回被擄男婦一百八十二名餘逸海去  
幸走舟山泊蘆花畧趙公乃檻陳東麻桑等并  
辛五即徐洪及徐海首級北行初永保土兵初  
至公與趙阮二公懸衝鋒賞銀三萬兩期破海  
及海平糧餉無措公與二公合牌借取藩司起  
解銀三萬兩賞苗兵遣還楚各認計處銀萬兩

補藩庫公送俘至姑蘇適白尚書子白運使為  
盜所殺無子宦囊充盛族里利其有因媒孽其  
恭人大為王推官所辱白故公同年且昔為同  
官公聞之痛憤不平共趙公牌釋焉恭人出拜  
公曰財為害耳吾知恭人冤恭人曰寧助國用  
不忍為仇所奪公與趙公諾之白恭人歸送銀  
二萬兩至軍前公與趙公受之牌解嘉興府暫  
貯庫聽候取用及公還省藩司呈請借銀補庫

起解公乃行嘉興府取前銀二萬解還藩司抵  
前借賞數有司復請阮公補銀呈中甸公補庫  
牌語阮公無措乃行一牌與司曰昔日之事皆  
為

朝廷今補還者何心昔日所取者又何意也如此  
混語人為他日黨陷之本云未幾督察監軍捷  
奏至京

先皇大喜先

賜璽書獎勵及獻俘加趙尚書少保仍廕一子錦  
衣正千戶阮公以右僉都御史晉右副都公以  
兵部左侍晉右都御史提督巡撫如故并諸將  
佐皆進級各賞金幣有差公亟上辭章情意懇  
切

先皇下褒旨曰卿盡忠為國滅賊有功特茲陞秩  
以示酬春不允所辭公乃拜

命時直浙已寧閩中尚有倭寇趙督視公以

聞

先皇乃遣函峯阮公以見職開府八閩而

命公兼兩浙巡撫事公以舟山孤懸海外而蘆花

界三面臨海一面峭壁為舟山重險丘家洋遠

倭久扼絕頂樹柵自固時為舟山居民患定海

關舟師屢仰攻而潰卒無成功時已冬抄公

召張把總四維授以密計使率桑植麻寮土兵

數百人捲甲啣梅杖乘雪夜出不意搗之可得志

臘月甲辰兵至定海縣遇雪張四維率眾渡海  
夜進奪其險亂火投之柵寨皆焚不虞兵至遂  
皆殄戮俘斬一百四十五名顆還被擄男婦六  
十餘名而浙直無烽火警矣初王漱葉碧川既  
膺

欽賞還報王直至丁巳夏直邀夷僧德陽首座捏

為日本山口道表文使先挾百夷以五月欽定

海關求貢閩吏送德陽及頭領松柴門等耒制



府公行藩司查審譯無原給比號印信止是空  
白上書弘治四年呈覆制府公令藩司館使僧  
于寺上其事于

朝下禮部參駁既無印號表文阻其貢咨制府以  
禮遣之有古歛人鄭舜功者素浮海日本覓利  
熱海道詣

闕乞以身往說日本夷禁絕入寇本兵先行至是  
挾夷僧清授師徒教人歛海關謁公抗言欲靖

海波必須直浙福三省效廣東南畧開市貿易  
則倭患息反復數百語公徐詰曰汝以平民赴  
奏隻身往諭禁賊何故又倡開市之說我守臣  
但知張皇

天討振揚

國威以服遠夷耳開市之說非所宜聞况禿奴藉  
奸民勾引深入內地東南數千里機杆一空殺  
擄淫虐慘不忍言此我赤子不共戴天之讐今

幸削平諸逆瘡痍未起又可復使此輩貿易乎  
且此僧來何為者舜功誇清授為倭人信重號  
曰國師彼中事體皆能張主帶之還

朝廟堂一詢即知彼國之詳俞言固妙然必終由  
開市以寧地方公乃行三司譯審館清授于淨  
寺羈授舜功劾其挾夷求市之故

先皇怒錮清授于遠地舜功擬戍事遂寢九月戊  
寅王直駕異樣巨艦擁驍倭數千火炮器械咸

備突進舟山涇港住泊口稱王五峯親送蔣正  
使還

國俞總兵飛檄報制府人心洶々公一面奏報及  
行沿海隄備差通事夏正朱尚禮童華卯岳等  
往覘之公以事重大乃齋戒設筵得易鴻漸于  
陸爰辭喜頽不肖及門客曰鴻本水鳥而登于  
陸失其勢矣此老賊合休之兆于是率標兵諸  
將渡錢塘駐師紹興夏正等還報直必待奏保

無虞得

明旨方歸順言不效徐海作俘囚且欲一巡檢職  
使得稽壓海上關市以息兵因造小舟數十按  
試洋中公遣画工往圖濠港形勢見山壁峭立  
外環大海夾持其口止容一舟進入他莫可通  
公甚憂仲冬移師餘姚使直長子王澄寫血書  
令直老母印手模其述軍門待伊妻奴不殺之  
恩勸直早降免貽家門累使直表弟生員方大

忠偕夏正等持之往直開書笑罵其子曰癡兒  
何愚至此

朝廷不殺汝等者以我在故尔我即歸順連汝等  
恐不免矣復謂方曰同若還五岳彼處人重斯  
文每年可得百金數年我令人送回何如方曰  
軍門以公實心歸降故使我以肝膈勸曉若今  
為此言是大不順上天其肯宥之况

今朝廷雖有洪恩亦有

天威禍福之機在公早決吾老母在堂豈可學公  
遠游外國視老親若路人耶直目倭以目恐之  
方不為動乃令與蔣使相見居數日夏正等譬  
諭百端直少萌家念遣王淑葉宗璜隨方蔣至  
軍門首投并乞開市泊公行巡守二道解送遣  
使生員蔣洲王淑宗滿至錢塘見王監軍及三  
司而以朱尚禮童華伴為王監軍復書公曰一  
虎未得焉用二鬼遂疏其狀于

朝公因與王公計淑直之養子非復遣往直必疑  
將逃于是遣夏正朱尚禮偕淑等行將行公引  
入諭曰汝等係有功人員可只在此二日送回  
時公已預為奏稿假作乞貸直語乃出飲大醉  
回呼淑碧川二人入卧内少頃公痒吐滿床席  
時侍者皆睡公偷目視淑、在被中窺公枕被  
淋漓睡復斲乃潛至公几案上翻紙筆竊視見  
奏稿復私視公、因益大斲卧淑乃私錄藏之

復潛入被中作睡久之公乃欠伸呼侍童取茶洗枕席次晨漱即牀前乞還公知其意即許之而使俞樞兵鄧把樞率舟師伏截螺頭陰防直奔逸使盧樞兵戚劉二恭將張把樞統兵舟山所城委以防禦檄宜以兵備副使陳准山公海道副使王方湖公監其軍復分守巡各道信地使巡察之密遣諜餌德陽酋長且懸重賞令縛獻直、徬徨趨起凡五旬內猜倭黨外偏兵威

知無所逃激等又復舉本稿事力勸直乃留夏正于舟中為質自挈妻妾幼子未投軍門時仲冬丙子日也直既獲公令朱尚禮董華等管押至省城見監軍諸司王監軍惡其挾夷求市五旬後降勅焉會歲暮公還錢塘急疏直始末于

朝且書達執政言軍機不可以預泄乞密啟于

上如止罪直則已如要及其黨乞密札示某萬勿

宣諸

明旨時逆海勾引奸氓多在直舟中公欲以直為媒誘致諸逆黨于從容談笑中以永靖海氛母俾穴鼠困關徒老師費財也當國者不納公策從中遙制執王監軍奏速擬盡勦餘黨

旨戊午春節由元宵即報未至公慮京中事體難必乃先遣朱尚禮往說諸小酋釋夏正及諭王

激葉宗滿等至杭禮至涇港王激等以未得

明旨猶豫乃款禮舟中密遣直驍將吳九項松王四汪月潭等十餘人之杭探聽董華密以告公遂遣將領追擒二月癸未本兵檄至下直梟司獄奸民利財先洩即報夷僧德陽德陽俱并誅走涇港合激等倭朱尚禮知風密與葉宗滿計不及報夏正急盜小艇夜走定海平明倭始覺之遂錮夏正王激于舟中密室築塙樹柵局

固其巢多製戰艦火器更設重險以禦我師公  
分檄調集各兵親至四明督俞盧二總兵戚劉  
張樂諸叅兵主客官軍水陸夾勦賊堅壁不出  
我師攻不得入公乃分調兵備劉公海道王公  
監之令布兵圍巢困賊三月甲戌海外接應倭  
艇數艘趨普陀小姑道各部水兵邀擊之賊且  
戰且走乙亥追至烏沙門大戰賊潰敗俘斬四  
十餘名顆賊船皆焚溺未幾倭艇廿餘艘自峒

礁奔東北洋舟師復敗之覆其七艘斬溺千餘  
賊遁海犯樂清表兵備合兵迎敵殺二十四賊  
四月辛巳復戰于石馬斬級四十三時小漠別  
有倭五百突全鄉官兵截之賊入海南遁壬午  
倭八百餘犯梅頭癸未新至倭千餘犯永泉臨  
海棠椒江復至大船十二隻泊澧湖暮口賊千  
餘登劫松門寨羽書交錯公檄分巡李公太守  
譚公恭將戚公兵禦之分授旗牌使得便宜行

軍法更遣盧梁二把總部張佑烏處兵二千援  
焉甲申倭賊攻太平縣城官軍奮擊殺甚衆賊  
乃退又洋中有數賊舟由烏沙趨舟山侯指揮  
擊敗之賊乃焚舟登朱家尖山舟師環圍之乙  
酉松門倭賊糾諸寇分攻台城官兵用藥弩烏  
銃傷賊數多賊退二十里西遁辛卯桃渚所續  
至倭賊千餘合象山流倭數千復寇台城柳官  
僉事王德率義兵戰賊于龍灣死之譚戚二公

督兵破賊、敗遁松門寨甲午倭賊奔樂清各  
走潰賊復集五千餘駕漁艇百隻乘風入温州  
黃華港把總梅群兵潰指揮劉茂等死公聞治  
魁失律罪黜之乙未王直黨倭五六百自浚港  
奔沈家門援朱家尖賊戎師夾攻之退屯入巢  
已亥賊復從響礁門出碇礁奔沈家門我師分  
投截殺賊敗還公計二賊圍困日久窮迫死關  
萬一合艦則賊益熾乃呼朱高禮邵岳授秘計

偕夷來廷來住等駕數小艇伏火炮其中假冒  
巢賊招之賊見同類果大喜不疑遂登舟尚禮  
等言八刺烏扶言先還報乃從舵後發火千炮  
並起水兵競進賊舟條為灰燼墮海被獲生倭  
二十二名斬級二百五十餘顆沉水甚眾而張  
恭將等兵温州敵戰亦俘斬四十三名顆公深  
慮賊眾兵少使把總和鎮統軍門正兵至樂清  
復遣旗牌催譚戚二公追賊乙巳二公督師至  
盤石丙午及之館頭斬首十九顆賊戰敗奔水  
多溺死遁入深林會張恭將兵救出石馬古寨  
逃難男女三萬餘口俘斬四十二名顆賊船大  
半遁入福寧洋中餘登劫者丁未戚恭戎會譚  
公軍于海門追賊新河山用火攻之林木皆赤  
俘斬二十四級還被擄子女四百五十名賊絕  
岸奔鉄場山復追及于南灣賊急據山墜石以  
拒我師梁守愚引軍間道奪山巔舍人陳其可

丁邦彥等分三面奮擊賊不支從山後奔下陷  
海塗中悉長跪受刃無仰抗者斬三百餘級俘  
數十賊還被掠甚眾負傷逃海洋沉溺者無算  
台人以為自有倭患以來未見此戰之痛快人  
心者五月戊申朔逸倭分突永嘉樂清磐石瑞  
安太平仙居平陽等處官軍陸續俘斬七十一  
名顆賊各敗遁入海舟師復敗之斬一百六十  
級焚溺不計温台零賊或被擒斬或遁閩海浙  
東以寧方賊連數百艘絕海分道應援王直時  
浙無地非倭賴公分布素定任得其人兵精將  
勇馴致蕩平不然則二賊合併生靈之禍可勝  
言哉乙丑公嚴督舟山官兵分番攻巢殺賊甚  
眾焚倭尸一晝夜天鼓外聞賊黨深恨指揮夏  
正誘直等降遂支解正悉力固守報至公親臨  
海邊望祭之慟哭不已軍將皆墮淚不能仰視  
先是浙東殺敗倭寇水陸皆奔遁閩中蟻聚蜂

屯公遣兵數千往援當事者以乏糧為辭送回至是倭分道侵犯官軍莫支遂突入安海城破福清縣入南安縣攻惠安永寧惠安知縣林咸等戰死復有賊三千急攻圍鎮東衛城全閩震動事

聞

上怒甚阮軍門受逮解京以浙海道王方湖公代為任時有起服副使曹傳川公全赴補求當道

校又江西復忤觸之時舟山方用兵竟補海道曹公怒成心疾痔漏大作中土人乍涉海濤疾愈劇六月丁丑朔一晝夜昏迷凡四至兵將無主陳護山公等會呈撫按衙門公乃會侍御王金泉公議舟山用兵海道專職曹文學固長奈不宜地利奏乞另選諳戎務官而別補曹文職當道恚往事心怒之謂有規避遂落曹職而以譚二華公代其任部咨至公督發援溫台兵將

水陸咸至舟山七月丁未賊黨自知勢孤援絕且譚陳二公督諸路進兵搗巢甚急夜半焚大小船三十餘官兵乘勢焚柵廠火焰燭天各賊潰遁殺傷百餘遂乘昏黑奔柯梅候潮圍歸時閩中鎮東衛圍困日久王公赴代而公先所遣陳良錫等在閩造樓舡五十艘募兵三千適完公道旗牌官陳邦政督兵船助尹恭將在彼協助王公調集兵將合攻遂大敗賊于海中斬首四百餘級天風助順擊沉二千餘賊鎮東解嚴仲冬甲戌朔官軍擊破柯梅賊巢賊乘東仔小遁出浦我舟師擊沉其半俘斬九十七級恭將張四維督朱王二指揮復統蒼舡追賊遠去癸巳及之俞山外洋衝沉賊船四隻生擒賊首汪印山陳禮斬十四級溺死凡數百賊遲歲月竟不盡殲者事從中制軍檄先洩之故也方賊困閩時人多不諒公

先皇下司馬議繼而又

命九卿臺諫會覆

特三出溫綸慰留公感泣誓必滅賊未幾賊果敗

遁歲杪公振旅還省時兩浙三吳寧謐士民樂

生興事四時嬉游歌鼓之聲相聞不復念倭患

矣公思兩浙兵興以來糧餉繁費不貲除乞內

帑外自李軍門時已令藩司議派于二稅及額

解內加例隱徵民不知也然隨竭隨徵迄無定

數吏緣為奸其弊由縣不知府總府不知司總

故也乃計量兩浙邊腹衝緩更定為杭嚴溫處

嘉湖寧紹台四路并水利海道鎮守為七照舊

設副使叅將而制府止存標兵三千策應外汰

去舊額冗兵萬二千餘名減昔徵餉三分之一

著為田地山蕩定額使家喻戶曉無產貧民則

徵輸不及條奏于

朝允之于是吏弊莫容而士民始見有額外兵餉

之徵歟、多口公聞之惟笑而已先是淮揚通

太高郵寶應天長泗州盱眙間丙辰丁巳歲兩

遭焚掠運道阻梗

陵寢震驚

朝廷遣本兵大臣提邊兵以出至則賊已先去迨

之比及公方有備禦徐海王直之役勢難兼顧至

是念

陵寢高墻漕運咽喉皆上聞軍國大計策賊屢得

利去勢必復來呼都指揮何本源謂曰江南北

軍弱可慮且淮揚蘇松濱海利步戰不宜騎士

吾欲募山東步兵助之汝土人熟地利必得壯

士乃給奏銀九千兩使偕指揮邢鎮招武定青

沂兵三千為東西策應計春訊已屆刻期使往

時本兵再駁王直葉碧川罪狀下撫按三司詳

議而叅王直語曰始焉固利海上久稱狙獍之

雄繼而亡命島中遂作逋逃之主陷城屠邑海

波為之沸揚轉餉徵兵寰宇因而騷動肝腦塗地構禍廿年罪惡滔天流毒諸省誠神人之共憤而王法所不容也雖天地好生許其悔過而虎狼蘊毒未易即馴頌乃扶負擁夷冀狂謀之再逞至于勢窮力屈方踰伏而待誅雖一兵莫或敢帶而萬死猶有餘辜委宜

解 獻

闕庭顯戮市曹以為叛逆者戒云咨至公乃會按院周際崖等詳審覆議焉仲春乙丑公出西湖閱試舟師忽得疾厥昏暈數時不醒人事者凡七日人心惶惶不肖時在侍聽公諄諄如夢中語悉地方兵食機宜就築逾月始能曳杖強步方抵夏江南崇明縣有賊千餘焚舟登三升沙三沙孤懸海中有民居賊據為巢報至公檄副提兵劉公顯進師圍之而遣守備盧相督指

揮李忱所召土兵為助已而淮揚警報奮至賊盈數千分道入犯江北震恐先是荆川唐公以職方正即奉

上命視浙軍情唐公雅服公經畧器度而與江北提督克齋李公為故交因公疾唐乃親督諸軍圍三沙賊至是聞江北賊勢甚盛馳至錢塘請于公曰廣陵告急書夕數至李公雖持重知韜畧兵寡恐難支運道

陵寢所在公寧不加念乎吾為友人知以身赴難耳公荅曰業已違何本源等募青沂兵且至矣勿慮也唐公大喜復曰公無止兵檄將在軍吾徒往無益乞分標下旗牌使予得隨宜調遣勦賊可乎公曰此吾意也如其請唐公既行復檄海防道劉公景韶責成副將御城叅將曹克新游擊丘陞沈思學守備楊縉諸人隨賊向往相機截殺毋致滋蔓四月己酉陞等敗賊于丁堰



斬級百三十三至日晡鄧副將挑戰失利賊進如皋泰州由富安沿海東出甲寅沈思學等敗賊曹家堡縱火焚莊又追及之朱潘莊俘斬二百一十一級適李公調生力兵至遂合擊斬級百二十六續至之賊絕矣時初至大類賊由海濱趨淮戊午何本源和鎮所募青沂兵過淮而公飭諸賊手檄亦至會克齋李公提師淮陰源等逐隸焉己未列陣姚家 蕩以待庚申黎明賊

果至本源等悉力大戰自辰至申俘斬賊八百八十一還掠子女四十五名賊奔姚莊我兵縱火焚賊燒死帶頭倭賊二百七十三餘員傷奔北固守廟灣時西安倭賊走海安海防兵勇勝之余家莊俘斬四十五賊還海安恭將胡宗義統毛兵當之輒潰敗李公恐揚儀有失乃面何本源兵分布新溝曹莊守淮壬戌李公合兵回揚禦之而海防劉公等亦已敗賊張莊斬級四

十三癸亥視師唐公督公所發兩浙援兵并金帛亦至廣陵李公乃益沈思學何子寶馬步兵六百名助海防兵協勤而與唐公復赴廟灣思學等屢敗賊印莊麥港等處俘斬五百三十七名顯五月壬申朔唐李二公師駐馬邏督諸兵併力進搗斬賊四十四賊堅壁不出我兵四面環之因填溝港折旁房孤露其巢分番進戰又隔水以砲飛擊之續斬一百五十三級傷死者

賊多焚其尸勢日亟唐公知巢破在逃不足慮恐江南三沙賊散逸乃率公分與赴援漢土官兵一萬三千一百名馳還崇明時積雨連朝甲午夜天晦冥廟灣賊乘便風得舳舻遁我兵入巢見大坑掘起帶頭賊尸百二十二已而海中飄還倭百餘沿海轉掠守備楊縉誘其登岸一鼓滅之江北以寧初公自穿山而回也念頻年征調勞費且土兵性悍頗暴道途亦厭之因連

歲東西策應疲于奔命無暇練土著時暫寧乃督發楚粵諸兵八千人軍門標下烏銃手一千餘人委叅將張缺等統領馳援福建勦逆倭使大挫其鋒又念諸軍既去西浙單弱欲得良有司借才將團練鄉兵省征調擾而臧叅戎南塘公適以人言解職過辭公素竒愛其才因慰之曰

廟堂縱不爾知有吾知爾可無去也因留治標下

處兵每與探究韜峯喜其鎮密初處賊萬餘盜義烏礦竊掠居民縣方缺守宰丞尉部鄉民逐之為盜詈辱丞令飾戎器以往盜甚易丞尉列陣衝出賊一鄉民怒奮力死鬪盜披靡入山民追破其巢萬賊悉戰死丞尉以擯殺自恐申檄待罪公覽之心喜退謂幕客曰處賊祿悍今一戰悉滅烏傷民勇矣吾方求其人不得若新尹至肯任事當以團練責歸之于是備禮獎丞

尉無何江陰延陵趙公大河來全是邑謁公留之飯因諷以練兵事趙身任之公大喜于是委戚公賁安家銀同趙還縣募良家子三千督同教練分春秋班不妨農工軍門給工食不以勞民戚辭公謂曰江南兵所以戰不勝賊由旅進旅退無節制耳吾每思倣六花陣法爾其喻之戚乃為驚齋陣具圖呈制府公閱曰得之矣分旗牌剗付使得便宜行賞罰檄僉憲唐貞山監之于是水陸防禦器械一新時三月沙巢賊尚樹柵困關江南北軍門調集諸路兵將圍之相持數月不破唐剗川公乃親浮海臨戎察諸將怠緩會賊乏食不得出掠哭聲外聞折屋材為小舟數十艘七月丙戌四鼓賊破守倭虛相即應魁守柵遁海復飄至江北七星港登岸散掠入金沙巴丑賊至舊場丘陞楊縉兵追及之前後倖斬焚死賊共三百七十四級賊且戰且走

八月庚子朔官軍復及之牛王河賊困甚有自  
沉者適淫雨連宵賊乘夜入劉莊據粟諸將乘  
其未定殺七十八賊丘陞恃勇單騎獨戰死之  
是日公與唐公調發劉副將草塘公師亦至劉  
躍馬先登手刃數賊諸軍繼進從上風縱火賊  
潰圍出戰斬級二百七十三復及之白駒場斬  
級百四十又連及之七竈梅墩斬級二百六十  
三適夜殘賊浮水奪漁舡走唐家謀東南風急  
不得去縉等軍合擊之俘斬一百四十八通共  
斬賊級一千二百七十六三沙逸醜無遺類矣  
先是春夏間倭舡趨閩者被風飄至溫台前後  
數十起凡數千而公分布久定以逸待勞故賊  
隨至隨敗奔遁不逞兵備凌洋山公海道譚公  
分巡劉沂東公恭將戚公部把總任錦立泓李  
勇盧錡漢土兵官兵迎擊于南灣諸處前後俘  
斬一千九名顆倭器三千五百餘件賊卒不能

深入內地比之既入而後掃蕩者奚啻天淵于  
時唐公以三沙賊久延喘息復逸江北始得撲  
滅乃按守倭廬相所部指揮李忱召募土兵實  
千四百名冒虛兵二千六百名糧餉在營數月  
而賊得逸又其信地乃恭相忱罪狀咨公乃  
差旗牌挈二人下獄究其縱賊冒餉罪將恭奏  
而相忱懇托者紛至公怒曰二將日冒餉八十  
金情罪深重吾何敢私况逸賊乎竟據實論之  
時杭嘉湖金紹衢嚴七府咸被旱災公憂形于  
色集司府議曰兩浙頻遭倭難瘡痍未起奈何  
復值此特奏于

朝乞蠲免本年糧米緩徵起運及被災未甚浙東  
寧台溫處四府量折本色仍于額辦雜辦料  
物等項裒多益寡使浙東均沾其惠以蘇  
民困

上可之下戶部量蠲恤焉仲冬公官右都正二品

俸三年考滿

錫三代誥命進階資政大夫祖考及妣先夫人

贈如公官廕一子入監讀書適三司上王直罪

案公會侍御周際厓公覆奏于

朝下法司議覆有

旨令彼處巡按御史即便將王直處決梟示直妻

洪氏妾許氏子王澄等解京給功臣為奴其母

以八旬之上公為疏請有

恩旨許寧家貸葉碧川死遣戍邊而釋其妻子令

隨住

聖天子討罪之典甚明東南萬民積憤至是少洩

矣時直已正典刑而夏正未尚禮等死事有功

諸將帥三載不獲

褒賞人心懈怠且有散去者公乃檄司道查覈功

罪條奏于

朝下府部會議庚申歲春仲本兵楊公等覆

奏

先皇大喜以逆賊擒獲實荷

玄佑責諸臣不請舉謝謂公勞蹟殊常加

太子太保左都御史廕一子錦衣衛副千戶仍

賞白金彩幣文臣譚二革公等武臣盧北山公

戚南塘公等各進級復任班賞有差夏正為賀

死事贈都指揮使廕一子同未尚禮童革即岳

等各正千戶報捷人員俱賞爵級公歸功諸將

懇疏力辭

特出

溫旨褒諭謂加恩未過公乃拜

命誓竭力靖東南以答殊

寵初閩中大類倭賊水陸蚘集已未夏分道登劫

賊首洪澤珍率眾盤據浯嶼者二年官軍莫能

櫻其鋒流倭四出突犯寇泉州府寇同安惠安

安海長泰等郡復攻福寧州臨福安縣進備省城閩中兵將皆敗績省會爰、王方湖公手書告急時公病未全安晝夜籌軍食西計三沙北援江北適溫台流倭盡殲公乃合狼廣漢土官兵及標下烏銃正兵八十五百餘名以叅將張鈇把總朱先等率之赴援至桐山海道即甘澤公檄尹叅將舟師來會賊已滿載且聞公發大軍至急遁出海水兵邀擊洋中衝沉賊船四十七艘溺賊千計生擒賊首嚴山老等百餘名澤珍怖公兵威亦焚巢遁去八閩解嚴王公慮兵餉不給即檄舒兵脩阻回兩浙援兵賊中奸細報聞撤脩中秋前賊復從廣東南畧回犯福寧桐山衆至數千屯九都桑園欲南北分突兵脩凌洋山公揭報始末公乃奏乞彼此同心珍賊上舒兵脩阻師之罪盡發浙兵趨溫曉凌公調遣譚戚二公合吳通判牛叅將諸軍併力搗桐

山巢俘斬一百八十餘名賊遁壽寧仲冬戊寅浙師追及合泰順區知縣兵夾擊斬五十四賊申時生擒四賊盧錡等復殺四十八級初雲龍俘斬三十七名烏銃彈死賊百餘名梅魁等追至周坑俘斬百三十三名顆賊奔福安至上逕侍御樊斗山公共軍門會浙福大軍進至興化府楓亭殺五十級正月二日進兵仙游與賊血戰自卯至巳賊大敗殺死賊七八百名焚溺盈千斬二百十一級運被擄男婦二千餘名馬騾二百餘匹賊逃瀕海王方湖公被日疾復以人言解職有

旨簡兵脩劉帶川公代撫閩中公思福建因循之禍在當事者不肯任怨惟務節省清靜之名故卒伍空虛賊至莫禦乃完本末疏乞同心共濟以弭海患章

上

朝廷大悅謂公實心任事

下札七內直臣加公大司馬兼院右正令諸提督勿嫉抗復令部議接見體式咸如三邊例焉公拜

命感泣念以任事蒙

恩遂不敢辭時汛期將過倭船從日本洋中東來者皆轉南棹向廣東去間有颶風飄至亦隨遁走三月癸巳等日西南風急賊船打至泥湖礁

梅頭者凡數十艘三四百賊登鄭梁亭探知兵備凌夏二公奉軍門令督兵在此遂爭舟宵遁而公所遣水路將領吳江童華劉震亨郭岳等舟師分布海中東北會哨吳松江澈浦東南會哨下八山陳錢正東會哨馬蹟善陀呈錯碁列陸路則行海道譚公及兵備監督三泰將各分地畫守復付戚南塘公標下精兵五千駐台州守備高實等所領澈浦殺手烏鏡手二千四

百名駐温州協同主兵防禦四月戊戌等日陸

將指揮李光佐陳應龍斬登梅賊首八顆奪船

二隻還擄一名溺水死者且衆丁已舟師將領

沈祿季堂等卸山外洋血戰擊沉大倭船一隻

斬八級救起被擄五名百賊悉溺死陳本清下

八山擊沉倭船斬首一顆生擒四名還被擄二

名餘賊飄溺自是沿海皆樂生興事大江南北

兩浙東西無烽火警矣仲夏公以譚戚二公勲

名日著任怨任勞恐陞遷別省特疏薦加秩并

乞久任以重海防

詔兩可之適有言公丙辰歲取那藩司及常州

發寄嘉興銀兩并績溪解佃倉地價銀入私家

者

上下部覆議報至公仰天大笑既有長嘆曰嗟乎

此任事之所以難也昔搗徐海賊巢時實功無

處比共趙阮二公合牌借取藩司實遣苗兵此

侍御趙周二公所目覩者後勸借白恭人銀寄嘉興庫解補藩司支銷甚明阮軍門毫不處補議亦不及反謂設法處補為侵費乎若倉地價銀八百兩已併入三十七年海防冊內該布政司委官經歷趙元憲等經收盡數給散官兵陳仁等奏冊具存何可誣也其餘類是我當逐一分辨以洗污蠱不肖時在侍勸且隱忍以俟公論公曰汝書生不知事體此

國典至重不可含默乃疏求退并辨始末復具本

造冊進

呈

先皇三下慰留

旨甚溫及巡臺崔公覆查支銷無弊奏合准支銷

本上復奉

旨這錢糧既查勘明白胡宗憲着照舊盡心督撫

地方云公之遇知

先皇真曾母所謂曾參不殺人矣公以浙直督撫

衙門屬倭難新設多草創因循至今未有中軍

專官庶務雜擾疏乞額設中軍都司游擊官二

員以傳布號令訓練游兵舉黎秀何本源二人

堪任疏入

上詔兵部允行公又念江北淮安之鹽城乃鳳

泗

陵寢門戶而通州狼山則

留都運道藩垣是以

國朝于鹽城設陸路叅將狼山添舟師把總任苟

非人為害匪細乃密會鳳陽軍門議蔣環倪祿

俱非其任舉朱雲漢代蔣田應山代倪而以倪

改大河口陸路把總使各盡水陸之長又以仁

和縣塘樓鎮五林港二處去即治五十里上通

省會下接嘉湖河港四達商客湊集貨財積聚

之所每為劇盜垂涎劫殺商旅兼值兵荒後恐

易生變乃集司府會侍御崔公僉議請復設提  
捕水利通判一員專駐塘棲移下塘巡檢司于  
五林港口而仁和德清崇德捕兵及鄉兵悉聽  
鈐束聽守巡道不時巡察之于是商旅安行地  
方賴以保全適本兵覆前任應天撫院奏于蕪  
湖縣治添設叅將一員及將應天兵備兼理蘇  
松糧儲奏下公與撫操按院會看公謂方喻黃  
朱四公曰守堂與不如守藩籬高藩籬不固使

賊得入堂與逐之不已晚乎即今沿海已有提  
兵叅將終聯于外兵備提調于內又有九江安  
儀三守備居中以彈壓江洋大盜防範已密叅  
將可無設也况官多則民擾置將須增兵今應  
天諸郡災傷未復何可復加兵餉夫設官所以  
衛民若復增兵食寧不重貽民患乎應天兵備  
以防護

留都為重故止轄應太徽寧廣德五州即職守專

而督備易事體一而措施周故數年來頗資保  
障近因江洋多盜又益以池州一郡無為和二  
州事繁地廣已難兼顧今復責其專管蘇松十  
一府糧儲夫自池至松踰千里山川隔限欲以  
一人之身遍閱千里豈惟力有未逮抑且勢有  
難行狼狽失顧徒勞奔馳所謂日亦不足事何  
由濟况蘇松四郡已設有兵備二員即以糧儲  
令就近帶管事不甚煩展布更易或照往年

事規令另設管糧叅政一員使其專督而應天  
兵備仍照舊料理六郡三州萬一地方有警東  
而策應居重馭輕四公曰誠如公議生靈之福  
疏進

上從之唐荆川公以飢荒親出賑恤勞累過度薨  
于姜堰舟中三日方就棺殮公聞哭之甚哀素  
服減食者屢日為請于

朝曰巡撫都御史唐順之為一代之巨儒鍾百年



之間氣出入史館允匹班馬之傳肥遁山林實  
係蒼生之望御命趨事並見猷為清直浙之稷  
氣士民稱美振蕪遠之廢墜邊鎮藉休車騎當  
鋒亦奮身而固頑扁舟航海多足跡之所臨賑  
荒遍歷于窮鄉瀕死尚為之區畫一夫不獲若  
已之辜所謂鞠躬盡瘁死而後已者也然此止  
擬事業而言未盡生平之蘊至于功勤著述實  
繼往而開來義嚴取予足蘊頑而起懦究心性

理之學造詣真純力挽浮靡之風人文丕變其  
于世教裨益良多臣與往來于養晦之日出入  
乎兵伍之間知之既為獨深豈忍視其湮沒查  
有已故順天巡撫吳鎰張嵩等官品死事相同  
例應比請伏乞

皇上憫念順之致身軍旅以勞定難與疾賑飢以  
死勤事

勅下禮部查本官生平之文學德行不拘常格

擬

請褒錄則

國家報功之典益彰而人臣致身之忠不泯云疏  
入

特錫祭葬公猶以

恤典未備悲歎不已未幾即金唐公戶為糧長蓋  
常俗多逋負一當其役鮮不破家公聞之大駭  
檄常鎮兵憲深訊世態炎涼且叙唐公生前勲

德文章辭憤激遂得免先是福之雲霄城者閩  
南巨鎮居民聯絡泉貨積聚饒平巨寇張璉家  
故豐以妖術惑眾聚徒數千賊首蕭晚劉子冲  
袁大馬等率眾歸之黨至萬餘璉號大王出沒  
汀漳平和詔安漳浦諸郡分合不常流劫  
靡定丁巳至己未猖獗三歲矣以其巢界廣闊  
贛南互相推諉遂攻雲霄鎮城擄子女財帛築  
朱家山城為巢大埔賊首蕭雪峰鄭文峰程鄉

賊首林朝曦蘇東湖郭玉鏡等復歸之璉乃建  
號稱尊築城百十五座建偽職民有私受璉職  
者鄉戚共質為榮奸細徇色眾至十餘萬勢  
益熾本年春巢賊數千攻平和縣焚城外民居  
發坑蹂挾連月不退而洋中新倭繼至與連江  
月港楓亭馬鼻等處舊倭合夥公得海道報心  
甚憂之乃咨軍門行各道總參等官嚴督撲滅  
差中軍指揮唐鍾部標下精銳數千赴援因奏

聞

五月劉公以閩中糧餉匱竭自述伊省兵力可  
了前賊咨阻兩浙援兵六月璉使蕭雪峯率賊  
出劫湯坑運羅袍率千賊出劫大小峯侵入大  
小二坪而倭寇又陷永春縣屯眾石鼓分掠德  
化七月璉自擁數萬流劫小篆龍巖縣城後六  
百餘由田地劫殺人民璉別遣一枝掠白塔白  
狗洞披山獲人勒銀贖放倭賊百人自廣東饒

平突來與賊巢合夥石鼓化倭南出安溪廣賊  
謝老駕烏尾玄鐘哨船二十七艘賊凡三千自  
南澳外洋直入走馬溪下灣勢極猖獗把總沈  
講捕盜鍾伯賢等悉戰沒舟師精銳喪亡畧盡  
饒平林知縣帶兵快二千往三饒招撫因謀璉  
反為圍裹以去賊復欲圍雲霄因秋糧以攻漳  
浦八月倭賊三千破安溪縣會巢賊分遣賊黨  
出哨長太永安光德崇善燒屋搜山掣人數多

廣兵哨長王鳳以行糧不繼憤怒鼓眾三百餘  
反於白蓮擒驛官掠子女錢帛無算復陷太寧  
熊知縣隻身走朱口賊拿婦女占住山口寨賊  
首蔡表素林世馨等二十六酋各據寨勾連倭  
賊與璉聲勢相倚復有礦賊王元和何立綱糾  
眾五千殺牛開旗欲掠龍溪上杭人情洶、目  
中已無閩矣九月各道呈報賊情公跌足垂涕  
曰閩浙直隸皆督屬閩何獨不幸至此夏月得

彼中咨言勢稍定阻我援兵今乃荼毒至此乎  
即據實

奏曰彼中當事者徂暫時之安而弛備太遽故  
各賊乘虛突犯橫行八閩之間惜輕小之費而  
行糧不給故各兵脫巾搶掠致遺兩省之患乞  
將沈講贈廕世襲及行兩廣南贛福建三省  
軍門同心協力相機撫勦以除禍本仍將倭寇  
海賊速加撲滅以安地方并論游擊張弼都司

張啟謨統御無方督捕不亟之罪辛酉正月已  
卯公以閩賊日熾復奏乞三省齊心刻期搗

巢

上下本兵議臺省復以為言乃

勅三省協勦三月己卯海道大恭譚公以外艱去  
公聞之如失左右手以春汛屆期亟請推補會  
侍御崔公行兩司議以兵巡憲副王公署其事  
使急馳定海料理海防時本兵以山海諸寇流

毒八閩咨公行催劉公及早勤平海道報漳州  
月港海滄等處頑民號二十四將不時出掠地  
方壬午月港賊船三十餘隻突犯大徑東埭燈  
火灣剽掠小篆寨吳嵩等久被巢賊攻圍官兵  
不至遂率眾降建分一枝流突光澤縣一枝流  
突太寧初四日巢賊千餘假稱調兵征倭乘夜  
從客河突南詔復侵漳浦盤陀突過雲霄鎮流  
劫濠林聞江廣各道齊兵協勦乃去歸化縣永  
安鎮聚龍巖縣地方恨江廣發兵至閩建遣一  
枝從汀州侵入江西建回巢別遣賊擾廣南閩  
中諸將自冬抵春共擒斬山海賊寇八百餘名  
將士死者亦千餘焉是時兩浙久熄烽火厭兵  
者亦如閩中倡休兵免餉之議一聲百和頗致  
怨聲于公、獨苦心憂之然迄不為動暮春倭  
船連筏大至、則轉棹南出七敢近岸者報至  
公檄戚南塘公使部督同趙延陵公所練馬處

兵備之行兵憲唐貞山公使護軍唐乃為三軍  
駐松門以待夏四月甲辰倭船三十艘眾凡八  
百登梅頭前岡己酉登象山賊船三隻登舟山  
表家磯舟師攻斬七十餘級餘溺死無遺辛亥  
倭賊千餘泊寧海戚公引一軍赴之壬子賊登  
桃渚癸丑賊登新河甲寅賊登浙頭凡數千羽  
檄交馳境內騷動先是公所委朱尚禮等總哨  
舟師照舊出洋會哨盧錡黃允中部兵馳台祝  
夢麒部坑處兵三千八百名馳温州又檄叅將  
呂圻部兵二千會盧總戎海道陸兵會剿象山  
奉化標下何游擊部精兵四千馳援寧波台溫  
東西策應公則親屬部兵馳赴浙東相機調剿  
兵道唐公引裨將胡守仁婁楠一軍泛海至新  
河猝遇賊諸軍鼓譟大戰俘斬頗多賊敗走村  
堡我兵復銃彈死賊數十相拒至申賊急趨胸  
自悲會日且暮官軍撤圍襲新河賊遂遁缺塲

五鼓胡守仁等追及斬四十級適大霧賊逸樂  
清烈港領哨丁世恩督把總周粟等打沉大倭  
艇一隻斬首五十二顆章延廉水陸夾擊舟山  
沙岐敗倭斬三十五級童華斬稠港瞭山賊二  
名盧總兵合何游擊呂叅將王游擊等兵夾擊  
于表村斬百五十七顆署海道王公督中軍艾  
升等兵追賊白渡呂圻適至合擊俘斬賊八十  
一名温州楊通判督梅魁勦賊周興凌公親督  
盧錡李光佐兵繼至賊大潰殺死衝鋒倭賊三  
百餘徒俘斬六十餘名顆天兩收兵賊乘夜扛  
屍燒燬盜漁船遁海凌公調王欽兵一枝迎敵  
流通樂清倭賊俘斬五十四名顆餘奔入江適  
大水至多溺死盧總戎委黃應選舟哨錢倉洋  
犁翻賊船三隻斬二十二級寧海賊聞戚公等  
統烏兵將至遂反舟以遁時公聞賊勢重且蔓  
延官軍難兼顧念賊若北敗于台必南趨溫乃

假為溫卒家信百十封及碎銀數包収包裹中  
使善水邏卒十餘人持往戒將至彼乘漁舟入  
溫若見賊即佯棄舟資以走時缺場逸賊果長  
驅至溫方肆掠村市水兵至溫賊見舟群至趕  
殺水兵棄舟浮水走賊入舟解包裹檢有路費  
即折家書見上云搃制胡爺已從寧台討平賊  
自率大兵由台征聞賊相聚錯謬不知所為少  
頃即呼衆登舟急遁入海溫公皆謂公之計神

矣初桃渚倭賊聞唐戚二公已他征計台空虛  
丙辰盡起襲台州期次日破城乃食台城久雨  
多傾人擊家逃守者莫能止戚公至寧海賊已  
先遁去意必乘虛襲台乃引軍自桐巖馳至即  
兵行七十里未餉前軍方變戚公後至佯怒曰  
賊將薄城尚欲炊耶遂鼓行逆賊花街朱珏先  
登斬一乘輿金冑酋復殺六賊諸軍蜂擁繼進  
賊大敗我軍張翼逐之殺數千百賊追及瓜陵

江止二三漁舟賊益急多跳入江中避鋒刃三  
四百賊悉溺死擒斬百二十餘名顆得漁舟遁  
海止百餘我軍止傷哨長陳文清一人及回兵  
前炊猶未熟已而唐貞山公亦馳至台會瓜陵  
江逸倭勾引沂頭賊二千餘復後健跳焚舟登  
岸趨台已未戚簡千五百人以往唐戚二公謂  
諸將曰若等性之用眾勝今乃用寡顧與若  
等約者三母掠輜重母殺脅從母尚首功立白

幟凡脅從空手伏幟下者放還母為賊樹黨也  
眾皆諾五月庚申朔師次大田賊驚見花街旗  
幟斂壁不出設伏以誘我師官軍亦設伏引之  
值大雨將卒収營賊見前兵在台知終不可犯  
潛遁仙居我軍從徑路出白水洋伏上風嶺以  
待人執樹枝坐地遠望若林殊不知為兵也壬  
戌賊行二十里由黃沙趨至嶺過且半我軍擲  
枝起覆諸山下還協從者數百人賊奔重山據

險以拒婁子和帥壯士攀援以上持牌仰擊賊格鬪我軍奮長鎗刺殺三賊墜岸下諸軍蜂擁而登賊狼狽巖奔白水匿朱家民舍我師圍之救重四面因風舉火賊提金橐嚮我乞贖我兵防守益嚴火滅尸積丈餘俘斬三十七名顯夷器一千四百九十件二千餘賊無一得脫者我兵止陣亡三名癸亥我舟師破賊于仰月沙賊走泊大藤嶺公以警報紛至復使通判吳昂

卷部兵往應吳至願一當賊戚公使偏將先後之甲子吳至大藤嶺賊易吳兵一酋捉矛從吳及馬腹吳發矢斃之兩軍合攻賊悉授首丙子寧海遁賊數千沿海掠象山奉化得子女輜重甚多阻風勢難歸乃泊長沙群子女于舟中登岸斬竹木結巢壘為久計且作長梯期攻太平縣城戚以隘頑所孤懸長沙外斷援兵恐為賊所乘自率兵軍亭嶺山下陰戒騎將李誠立發

松門兵守隘頑浮海以往至則登山舉火為驗唐兵道部吳通判入戚軍誓師丁丑次缺場有自賊中逃還者且言賊舟子女甚盛乃集諸首領誓天懸賞金二千期勿殺擄人及火攻衆願如約戊寅五鼓引軍薄賊分隊搗巢剽遺奇兵出賊後賊不虞官軍至倉惶迎敵奇白執白旗截賊舟呼被擄子女後來凡一千二百人盡納入隘頑城賊敗爭走赴舟斬六十級我兵舉火

炮賊舟自焚半溺死于海得逸者阻風還大洋莫能去我舟師敗之洋岐敗之鹿星海又敗之滿山覆賊船三隻溺死無算俘斬三十五名顯所存無幾三旬間官軍凡數十戰俘斬一千三百八十七名級焚溺甚衆還被擄子女二千餘名獲夷器萬餘件浙東底定各道及諸將報績轅門公乃大犒將士凱旋是役也不假調征之士無煩供億之勞以額練上著用額派糧餉掃

蕩紛至倭賊勢如破竹浙東士民合詞稱快謂  
自有倭患以來主兵全捷未見如今日者公思  
土著成效數陳義烏尹趙延陵公台金嚴泰將  
威南塘公訓練勞績譚二華公唐貞山公凌洋  
山公王印東公提督分布動中機宜并盧總戎  
呂泰將等協力攻勦之勲上其功于

朝初賴南山寨諸賊自王新建招撫後至李文彪  
葉滿搃等復叛服不常有司惟務羈縻至是聞

廣叛兵王鳳表三李鈇拐等聚閩中山賊數千  
而巢賊張璉復遣其黨千餘蔓延江右轉掠建  
撫虔信諸邑山寨賊復群起汪副使王僉事  
督兵禦之兵潰汪敗死王陷死伏中全省震動  
臺臣疏

聞

先帝震怒黜諸當事者會科疏請設軍門并乞公

兼制江西督軍往討

詔允之時公方欲次第休息瘡痍疲民間報愀然  
已而奉

勅嚴峻公謂不肖曰俗言啞子吞連汝父之謂也  
然君命臣子何敢辭但兩浙士民其謂我何于  
是閱將士簡威南塘公別駕吳昂菴公率偏裨  
陳大成梁守愚陳其可等募烏處放班兵六千  
取副使徐鳳竹公護軍偕礪器閱治兵甲先  
遣革任游擊張弼把總盧錡等督前鋒兵二千  
餘名咨送巡撫胡柏泉公先行援勦台金士民  
聞報走抗爭留之不得頗不悅以去然公厄于  
時勢不得已也時有建議築柘林川沙楊舍孟  
河四堡定設守禦千戶所及額設兵食部覆行  
勘公會撫院方公議蘇松常鎮悉濱江海自乍  
浦北抵圍山長六百里已經前院翁公奏設柘  
林川沙二把總戰守有備設官增軍固為地方  
但四郡民蘇困錢糧既難軍無可抽四堡衙門

俱無可建又每堡相距五十里合以柘林川沙  
二把總兼管青村南匯聽金山游擊節制將青  
村南匯二把總裁革不惟官有專責抑且兵無  
冗食吳松江水陸要衝而劉總兵所調苗兵千  
一百名屯守于此今劉已署府南京苗兵無統  
合將劉中軍百戶郭成陞授把總以統前兵俟  
撤兵日統押回籍免致中途騷擾庶幾守禦得  
宜地方有賴也方公深契公議遂覆請于

朝行之兩浙自閏五月初即陰雨連旬迨壬寅癸  
卯甲辰三晝夜傾注不止杭嘉湖衢嚴安吉諸  
州郡同日水深數尺迷漫四野士民呈揭于公  
辭甚悲切公覽之惻然切身素服修省即共侍  
御崔公議奏水災非常乞照正德五年事例將  
一應起存錢糧盡數蠲免一年以蘇民困  
上下部議恤焉公念兵後復遭凶年賊情巨測要  
須得人久任其事以鎮邊海且提兵廬北山公

年近八旬屢呈乞老遂因溫台士民之情奏薦  
戚南塘公加陞二級候補前缺疏  
上適有江西之役部議竟寢時福建山海賊寇  
方熾李占春復叛于上杭是月庚子夜張璉黨  
賊由漳浦大嶼陸路突至鎮海衛城襲破據之  
劉公偕將賊情節密制府公奏該衛指揮田有  
麟等遂極言閩中失事于

朝畧曰近年福建山海之寇並起迭發汀漳泉即  
無處非賊自夏遡春無日非寇荼毒生靈破陷  
城邑即今城廓之外俱為賊場尤恐城門久閉  
則生理為難人心一離則內變將作且鎮海之  
賊尚尔盤據揆時度勢甚可寒心則今之請糧  
招軍豈得已哉查得都御史劉先年蒞任之初  
首建四策欲因額存之糧而不必加派用尺籍  
之兵而不必召募無非為民節省之意詎料賊  
寇一時並興奸民扇搆兵食兩虛而馴至于無



可奈何如今日哉觀士民顛訴之苦有司析請  
之哀誠不忍聞將士雖陸續獲功俱係勦勦未  
嘗大出一陣以挫其鋒今賊且數萬是猶拔一  
毛于九牛之背何足為有無耶為今計非廣蓄  
多募而徒因循走吾則地方隱禍有不可言所  
據題

請銀兩一節若祇為一時之謀而不為久長之計  
直至危急之時方行請乞得無又如今日之患

乎合無比照浙江兵食定額

初下該部暫將本省節貯并屯益秋糧折銀八萬  
七十兩通准留用多寡沿海土著練成營伍增  
設陸兵立一定之規以為可久之計則地方永  
賴矣疏

上咸謂過計使曲突之言卒驗焉惜哉七月本  
兵覆崔公奏浙東獲功緣由

錫公金幣九月本兵覆公論叙温台功次謂公專

用新練之士兵全不假于客兵盡掃方張之狂  
寇更未聞乎餘寇地方平寧功績茂著疏  
上

聖心嘉悅進公少保餘官如故烏義知縣趙延陵  
公起擢練兵僉事兵憲凌公唐公署海道王公  
恭將戚公別駕吳昂菴公各進階諸將陞賞有  
差十月戊午公大操征西將士義行糧已未獲  
軍徐公戚公中軍戴都司督標下烏處諸軍援

江西壬申師次廣信時大夥賊五千餘屯貴溪  
方壺山出掠鉛山者亦數百甲戌四鼓我兵偪  
沿山謀報賊已焚巢合上方賊我兵追之丙子  
薄暮去賊五十里乃屯夜二鼓銜枚疾抵賊壘  
賊方發輜重將他去陳子臺陳大成遽趨之推  
其一穴天未曙寇勢犹熾擬高山用鈇鉤大旗  
乘風迎關官軍血戰七合自丑至午賊始潰殺  
五六百名生擒賊首二十餘名斬賊一百九十

八顆計釋被擄子女數百人表三等率衆夜走  
踰嶺戚公等督兵窮追賊乃裹瘡晝夜遁及之  
建寧生擒賊首李鉄拐等斬百餘級還子女數  
十人賊散隱深谷以去乃還師安仁縣乙酉報  
山賊剽掠撫建宜黃間時及萬人仲冬庚寅我  
軍次臨川乙未次譚坊賊聞兩浙官兵已破賊  
上方俘李鉄拐建寧行且至皆狼狽駭懼疾奔  
巢戚督軍追賊晝夜馳二百里不及但見放回

男婦數百口賊亦遠遁福建合坪地方解散撫  
建賴以安全時分宜當

國震于其隣臺章促公親征本兵覆奉

聖旨這賊猖獗日甚地方官通不用心欺天禍國  
可欵着胡宗憲作速前去督率各該巡撫官等  
剋期剿平如或仍前玩視恭來重處又部題云  
合候

命下馬上差人喬文交與總督尚書胡務要親

詣有賊地方會同各巡撫嚴督兵將戮力搜剿  
不得遠駐會城徒為送制先將入境日期具由  
回  
奏奉

旨馬上馳咨催公時兩浙素選練將卒及標下精  
兵已盡往援仲冬己亥公乃總率標下將兵千  
餘人自武林出師親征疏乞奪情起復恭政諱  
公為恭軍舟次蘭溪公方共主政林豫齋公飯

宿疾復作仆地左右掖置卧內一晝夜昏暈不  
醒將士違：衆議差健卒呼不肯時不肯得監  
差南旋底家才信宿聞報大駭即刻挾醫覓漁  
舟差程疾進三晝夜至見公榻前時調治已七  
日尚不甚朗人事不肯前名且泣下公但首肯  
而已左右目及鼻高低將及寸心甚憂恐逾旬  
方能言視呼不肯曰爾何日至家又何日至此  
汝弟不見尔父矣不肯應對時日公曰狂寇在

前征師在道尔父仗

朝廷威靈幸不死手足痿痺將奈何不肖進曰師先聲後實吾軍威名久振聞者喪膽今大軍親征彼草竊烏合之衆應如破竹當不戰而解第蘭谿邑瘠民勞駐師旬日供億必不勝宜趨衢郡少駐蕙三衢逼江西賊聞勢將漸殺公是之即傳令起軍達衢公至郵分廵嶺北道陳憲副督軍追剿程鄉賊首梁寧季冬丙寅進兵梅子

畚山寨俘斬林良張大濟梁文華等八十三名顆還被擄甚衆寧逃閩辛未賊首徐東洲統賊萬餘由寧化至檀嶺官兵大戰生擒東洲等七名斬六十餘級表三等聞提督軍門親至廣信會剿改名常高赴福建軍門求撫入廣路由汀州漳南道金僉憲發兵堵截劉公差張啟謨押發常高至永定放謨啟家回籍高遂擒掠殺人金公督兵截殺俘斬十名顆高至上杭聞李鉄

拐先被擒聲言攻城本縣鄉兵協戰斬常高于馬上俘斬數十賊餘逃去公因病未減乃輿疾逾常山至玉山戚南塘公知公至江西以師來會解賊首林良林鉄拐等俘至公喜即軍中大犒將士撰祭文梟林良李鉄拐首剗心滴血招汪南華憲副魂祭之仍遣官告其墓良即梁寧手下頭目共害南華公者時虔寇尚熾公欲合師討之戚以軍數戰疲且多感時疾歸師勃然留之恐不成功不若順其性使還休其氣再用之公還營謂幕屬曰賊雖知我親來莫測強弱見大衆合營于此不虞戚叅將全軍還浙今且令戚師駐玉山大操三日飛報前路使知我大軍已西下賊雖衆莫知為計皆曰善節屆歲莫令前軍先起營屯廣信府以待而令諸軍續進公抵信州即守荆石江公見公尚艱步復請公少駐居數日為壬戌元旦接吏部咨准公辭加

少保錄由奉

聖旨卿督撫地方忠勤懋著近日平賊有功特茲

加秩宜承朕命不允辭吏部知道公捧

旨感泣誓以死報越二日戊子即率師出信州至

弋陽過鉛山壬辰逾貴溪將達安仁去省會伊

適護軍徐鳳竹公等羽檄至急啟視之則虔賊

聞公親征條散復業或奔回巢地方以寧公

曰果如吾之料勢既允解難再合江西從此

息肩矣乃還軍貴溪巡守二道未謂而二華公

奉

詔奪情亦主俱為公賀喜公曰

朝廷洪威地方有福致賊化為農吾何功哉會提

督軍門栢泉胡公亦至自省城謂不戰滅賊實

伏

皇靈臣子心無以保二公乃詣上清宮命提點羽

士祝延

聖壽因議處地方善後事宜五條并乞譚公駐江

西訓練客兵防禦并乞留淮浙餘鹽銀四萬兩

為目下援兵糧賞更乞留四萬兩解浙另貯專

為今年援兵之需免累兩浙錢糧庶幾兩省地

方均為有賴云云疏奏

先皇大悅出內帑金綺錫公與栢泉公為公以聞

中兵食兩困積慮數載屢發援兵每為托辭阻

回并行建寧府止許將官入禁所帶官兵照例

攔阻云云遂致養成寇亂乃上議處兩省兵食

以圖安攘疏內乞容該省調取土兵三千協剿

如用兩浙援兵乞

勅新任巡撫游預脩行糧船餉不得襲舊輕擅阻

回查兩廣枿木稅銀先年題奉

欽依每歲解送浙直協濟銀十萬兩自臣提督向

未差取解送已經五年所積已多但該省亦在

用兵合無每年于內取三萬兩解發福建專備

客兵事寧停止七萬兩留兩廣用兵軍餉廢兵  
食有資戰守可恃奏

下戶部議仲春壬戌接兵部咨覆江西撫按官奏  
報援兵獲功奉

旨錫公等白金彩幣各有差先是閩中寇賊日熾  
本兵奏浙西叅將楊公縉分守閩南路堵截賊  
縉故公取士辭赴任公選精兵數百與為家丁  
授以次第方畧戒曰盤錯以別利器如子之才

平之非難慎勿以艱險疑避楊至閩率兵首摧  
犂壁東林等寨招降深青賊首李顯藉其兵力  
向導甫任六月連破七十四寨克復二縣治生  
擒賊酋蔡表素林世馨等還被擄男婦千二百  
名俘斬賊三千有奇漳州鄉官徐掌科極口稱  
其功當優錄公因據實特薦其功念閩中原無  
搃兵各不相攝故人心渙散合始近題南贛事  
例設副搃兵一員彈壓諸叅游俾與直浙江廣

重鎮犬牙相制就將本官陞補專令駐劄漳州  
鎮守福建而海道即梗志切滅寇勞勩誠多乞  
行

賞賚久任責成疏進

上下該部議行之時三饒巢賊未剿各巡臺奏報  
紛紜本兵覆奏

欽依移咨于公有云總督胡 并各該督撫官約  
會停當廣兵閩兵南贛兵俱限明年二月各酌

量要害處所相機進剿浙江、西發兵應援防  
禦如或推諉誤事着搃督胡 及各該紀功巡  
按御史叅奏治罪咨至已二月公以期迫恐約  
會不的有涉輕率乃奏乞以三月十六日會兵  
進剿公預移咨兩廣福建江西南贛各督撫公  
通行遵照又以惠潮叅將張四維陞調浙西公  
以臨敵易將兵家所忌况賊巢在饒彼中為急  
浙西在所緩乃撤張叅將暫留原任以備協剿

使把總樂墳游擊盧錡指揮李超把總陳其可等部督烏處兵三千五百餘名前往贛州聽浙江監軍叅政譚公會俞叅將調度應援使都司徐高沈瓚督丁叅將傅政青烏銳兵二千二百名趨汀州會楊叅協剿又恐三省心力不齊復遣捧

旗牌檄譚二革公叅戎俞虛江公通行總管盡護諸將三者將兵咸聽節制如不用命以軍法從

事時部覆會剿疏中有如胡某肯益奮忠勇殺

然親征等云云

世宗心疑劄

諭輔臣南賊一事無人用心責之宗憲非初任焉

又云必得如胡宗憲數人乃可一人怎周悉公

覽之感慟誓必滅賊以報

知遇遂移咨南贛軍門陸北川公條開今後臨陣

斬獲首級俱照平倭事例所定漢人從賊每名

顯賞銀十五兩獲功之日聽紀功委官驗實在南贛軍門所屬者即于南贛鹽稅銀內在廣東福建江西省城軍門所屬者於布政司庫銀內照數支給免致逾時等云云陸公轉咨各軍門及行督兵文武大吏知悉定以三月初旬舉事閩中分定詔安一哨進剿合兵二萬餘名因稱乏糧止有兵千三百名檄楊叅戎督往先是運里賊首李占春羅廷秀呂積全李元龍等聚黨萬餘糾結倭寇藏賊禽師黃尤金同惡相濟至是漳南道金公奉公督剿檄集兵破巢擒斬李元龍等二百五十九名顯占春詐降金公密授武平徐知縣方畧斬之并廷秀積全等二十四名又擒倭師黃尤金其黨李璵瑄聚眾千人仇殺溫茂李遵道等余公督臧通判兵攻燒賊巢追殺二百九十八賊餘黨盡降而贛州兵憲陳公亦奉公檄督程卿縣兵追捕梁寧復使林國

間勸寧黨散歸親從百餘尚在巢二月癸未乃  
集兵夜圍之寧窮迫燒營赴火自焚寧妻小官  
氏李氏并親從盡數擒獲三月癸巳陳公督兵  
至龍南會余知縣姚百戶兵三千名割河源大  
田賊首黃狗牯四面合圍狗牯率眾合拒敵忽  
被鳥銃打死賊敗北官兵乘勝破巢焚之燒死  
三百餘人俘斬二百五十四名顯還被擄男婦  
八十餘口器械牛馬賊仗無莫黨悉平是時巢

賊張連聞大兵將搗巢為先發制人之計遣賊  
首林朝儀率眾三千出三河蘇東湖率眾三千  
出潮州蕭晚率眾三千出平和楊叅戎以兵寡  
乃設間使趙簡說晚令降連知甚疑之將晚改  
調攻潮令東湖由平和出屯銅壺各堵截官軍  
剽搶糧米牽制我師三月丁亥東湖引眾突陷  
南靖縣據之使報連：見閩中無備自率眾萬  
餘從詔安建金鼓黃蓋出小溪小溪等寨山賊

迎附勢甚盛至黃井指揮李傲率百戶劉得等  
兵三千接戰陷伏而敗百戶劉得義勇官陳克  
道武生顏若恕被擄去傷兵數百東湖遂迎連  
入南靖縣八閩震恐海道邵公同楊叅戎乃集  
兵六千禦之發鳥銃傷賊連斂眾不出庚戌  
夜三鼓連等引去至甘棠殺劉得等而廣東  
為蕭晚牽制大軍未集連乃從平和率眾還  
巢漳南道原分平和一哨屢為賊乘諸將不敢

堵截四月南贛軍門陸公西廣軍公張公江西  
軍門胡公福建軍門游公各奉公咨遵照原題  
奉

欽依約會協剿期日廣軍用威字號旗甲贛浙軍  
用贛字號旗甲漳浙軍用黃字號旗甲刻期齊  
進公復懸示賞格無論官軍賊黨能擒獻連者  
賞萬金奏授指揮獲蕭晚等者賞千金奏授千  
戶其餘賊黨能殺別起未降者咸與惟新刊教

十道付譚公至期譚二華公俞恭戎躬總率之  
侍御段古松公親監督焉五月甲申朔三省兵  
合連破虎頭岡高坡小靖北坑白猴等十數巢  
賊且戰且守平和哨兵劉營山頭與賊壘相拒  
五七里遙見連賊大巢朱城二重僭擬王者外  
小土城寨無數百據險守要勢尚猖獗官軍輪  
日分番壘戰雖有俘斬七百三十名類然罪人  
未得譚公計遣冠帶把總陳其可持公原給懸

賞萬金信票十張及榜諭教道其可即單騎挺  
身出戰陣前打話時偽都統郭玉鏡江滿清劉  
綱等知兵威重大事勢窮蹙一見榜諭即踴躍  
羅拜遂率協從囚首亦身隨其可至俞虛江公  
營中投訴願為內應縛連自効俞請譚公會審  
犒賞玉鏡等密授以計甲午連知大事已去聚  
偽丞相蕭樂劇平王蕭晚軍師李逢時總兵陳  
奇用等議以次早棄巢率眾突圍出平和糾倭

入海郭玉鏡等即集本部人馬以待密報我師  
乙未黎明王師進發截敵陳其可等率眾衝鋒  
贛兵繼之廣閩兵喬進策應斬偽總管楊祖震  
等四十四級連敗還西巖山玉鏡等引眾衝入  
生擒偽漢飛龍人主大逆張連都督文綱蔡八  
等斬賊二百級張四維門崇文等見連就擒率  
五哨軍夾攻贛閩師復縱擊生擒蕭晚李逢時  
陳奇用偽丞賴滿山侍郎吳大圭江西布政類

厚唐事廖子真都督黃景政詹世旺劉元玲陳  
尚信總管楊借三朱大有把總連文璧哨總余  
洪旗總羅大興等九十七名斬偽丞蕭樂都督  
梁三羅堅連達劉大昇丘見山旗總王汪等三  
千餘名類偽天羅王羅袍順一王楊舜先奉連  
令率眾五千犯永定截糧屢與官軍接戰不利  
復犯上杭丁把總等率兵計擒之殺數百級餘  
解散海道即甘澤公兵憲汪南明公恭將楊縉



復督兵泉漳公所遣援閩參將丁僅兵亦至合  
營乃斬南洋賊首王伯宣招降賊首施建黃元  
爵等十九名撫散康大福蘇光祖等夥黨二萬  
三千餘名斬倭賊四百八十五顆生擒大賊首  
江一峯即楊璽李五觀等八名俘斬二千四百  
六十五名顆漳泉底定捷報至浙公以饒埔雖  
平程卿尚為璉黨徐東洲及林朝曦所擾兼以  
上杭賊首饒表石窟龜漿賊首徐加悌謝世綱  
永定賊首葉世安未擒三省未可安枕乃移師  
各軍門并檄監統官大參譚二華公憲副陳公  
全公僉憲盧公搃兵俞虛江公劉草堂公等宜  
乘破竹之勢移師會剿各賊巢盡地分攻七月  
壬辰漳浙贛兵直抵石窟龜漿賊巢攻拔之生  
擒徐加悌謝世綱等七十三名斬級一千八十  
一顆內浙兵獲功七百俘獲賊屬男婦無筭復  
攻破上杭巢擒饒表等二十七名斬十九級餘

黨平廣兵是日亦攻拔程卿賊巢生等徐東洲  
等二十五名斬七百五十五級還被擄甚眾參  
戎楊縉復擒賊首黃順沈中山劉文選等俘斬  
數百級林朝曦乞降于廣中各賊次第蕩平三  
饒始晏然矣方璉之僭號稱尊也巨賊蕭晚羅  
袍之徒相繼歸附眾至十萬猖獗異常毒流三  
省兼以山海劇寇李文彪謝允梓洪迪珍等為  
之聲援王伯宣領造海船其意欲席捲邊海州  
郡而垂涎浙直矣何其猛也已而為公計遣吳  
靖中直入賊巢招降文彪等而洪迪珍逆亦乞  
降璉水陸所恃已失及譚公使陳把搃持懸賞  
信牌車騎出陣携二郭玉鏡等則賊璉之腹心  
斯潰故大兵既合如獵狐兔駢首就戮草薶禽  
猶三省神人之痛憤至是少洩公之用心良亦  
苦矣向使公無兼制之命則陳其可之秘計不  
行譚公非兼統之權則三省之心力不一安得

成功神速如此捷音疏

上時媒孽公者已設機穽乃詒賈使曰此是閩  
廣南贛賊情何與兩浙捷疏胡為乎未哉覆奏  
上三省俱蒙陞詹爵賞獨寢公疏殿譚公功時  
論不平焉節推周公目擊其詳每共士大夫談  
此謂譚公與公雖不有其功然其實自有不可  
掩者初公平江西還已春暮抵夏倭賊百名迅  
風折舵自馬磐登岸走樂清黃巖公檄標下游  
擊何本源督兵往剿四月庚午水陸夾擊俘斬  
四百五名顆餘賊得小船浮江南遁松海把總  
李誠立督水兵追賊海洋戰至邛山下洋犂沉  
倭船擒斬十二名顆哨官蔣廷葛哨過倭賊漁  
山上洋擊沉賊船殺百賊斬一級戚公討水桶  
灣倭賊逆戰于水漲俘斬六十五級賊敗急拖  
小艘入海以遁直浙海洋無復窺伺之警矣惟  
時閩倭山寇昔陷永寧衛城而寧德繼陷叅將

王夢卿知縣李克卿死之讓溪游公新膺軍門  
簡任值地方殘破之後兵食兩虛公乃先發標  
下勇士兵八百助游公討賊適福安尹盧公擢  
刑曹過浙公詢八閩事檄甚悉乃疏薦其才乞  
留軍中贊畫以裨不逮

上允之迨秋廣東南畧舊倭偕新賊益大至連營  
江口以子女玉帛屯橫嶼執署篆吏倏忽出沒  
東撼福寧南掠連羅古田諸路收土人為向导

八閩復震南臺奏閩中毒楚狀乞發浙督府  
兵游公復請浙償閩舊賦

上皆可之游公乃委大叅後湖秦公詣浙請兵食  
于公曰閩浙皆赤子提督既得人且同心兵  
可成功矣爰揀精兵八千以台金巖叅將戚南  
塘公為上將都閩戴翔海公副之憲副王印東  
公為護軍使發師先往將行餞三公于庭語曰  
我本書生仗

聖天子威靈蕩平直浙江西但制轄太廣勢難兼顧閩中素不同心寇患既不相聞援兵復力阻回荼毒至此誠可痛恨今以精銳盡付公等公閱人桑梓念切且熟山川道里故以相屬分旗牌得便宜從事吾不遙制聞游公已定漳泉賊堅壁福清與諸將相持不下他夷却臨寧德者復扼橫嶼絕島公第亟擊橫嶼破乘勝趨福清特振槁耳閩苦無糧可裹金帛數萬緡以往吾率師為公等後檄海道汪南明公監督焉八月癸丑朔我師至福寧南明汪公以師浮海來會大晏將士已未抵寧德戚公分布水陸將兵以遏奔逸期盡敵庚申進逼賊壘時潮落岸斷泥淖難行下令人持一莽束投淖以濟已先遣奇兵浮海繞出賊後鼓响兩軍合擊萬炮齊發戚公身先士卒兵殊死戰賊駢首就戮者四百二十八名級還子女八百五十五名口溺死者蔽

港塞川放回漳灣被脅良民張十一等千餘賊無一脫者寧德平我師乘勝而南辛巳次永昌福清屯賊十倍橫嶼與閩將兵相持五閱月聞浙援至乃分巢牛田木嶺諸形勝綿亘三十里以待游軍門方駐福清晏犒浙將酒三巡南塘公率兵以行去賊不遠汪南明公督中路叅將侯熙主兵亦至分三路立營甲申五鼓賊擁騎劫營官軍衝鋒鏖戰殲其渠魁格殺百餘級賊潰奔還巢我師分路齊進乘勝追殺牛田白石木嶺諸巢皆破俘斬千餘還被擄子女布滿山谷人馬器仗萬餘：賊披靡遁莆田合寧墩賊福清遂寧王汪戚公復議進剿乃裹四日糧九月癸巳官軍渡莆屯營江口拒賊巢三十里恐賊北奔薄莫使曹南金、科等乘月率勁卒伏寧海橋北甲午夜三鼓我師從間道渡逼賊壘乙未黎明舉火箭為號四面齊進賊悉力

田闡威率陳大成周能陳濠胡守仁程良錫等  
衝鋒諸軍鼓噪血戰林墩巢破移辰黃石港東  
營繼破我師堅招降旗脅從數千人散滿山谷  
東華營賊得漳兵信急遁甯兜向午師追及賊  
用火焚之俘斬一千一百餘名顆獲永寧衛犯  
官千戶蔡朝陽所募二顆救回生員五人子女  
二千一百餘名口牛馬器仗萬計東海哥羅南  
蒸剛社二渠魁皆授首餘孽焚溺殆盡丙申振  
旅還省城士庶郊迎為數十年無此克捷未幾  
新至倭夷一枝逾千嘯聚牛田王印東公使禪  
將討敗之斬首四百級賊號哭遁去先是公慮  
征閩兵將數戰疲乃于季秋閱治三軍親策應  
之辛丑發省城軍容甚盛三司郊餞師及睦城  
章廷桂等自銅坑剽礦寇還獻馘公屯兵教場  
逐一嚴審斬為首三人餘皆鞭之發原籍禁治  
大搞諸軍十月壬子朔師次崇安初表三餘黨

向走廣東為官軍所敗復遁建寧山中時出掠  
支即邑官軍方與倭寇對壘不暇問賊益肆劫  
殺公聞率師趨建寧護軍使戴副將率兵迎公  
遂合擊擊其巢俘斬二百十四名級焚溺甚眾  
還被擄六十九名口殘孽脫奔邵武遁浙把總  
樂墳先奉公命部烏處兵勦平三<sup>統</sup>巢賊回至南  
城賊聞稍懼從硝石徑路欲走金溪入湖甲子  
樂兵追至鄧坊大戰俘斬一百五名級還邵武  
被擄百戶時雍等八名口餘賊望山奔散建寧  
以平閩軍門游讓溪公自福清來公與計善後  
事宜欲率大眾直抵興化章泉蕩平山寇合戚  
楊諸軍輝兵威以消反側為八閩建久安之計  
而嫉害者喉臣僚劾公上年病卧蘭溪事公聞  
遂亟摠師還浙俟

上命次睦城子陵灘作詩曰嚴瀨灘頭水不冰三  
軍齊唱凱歌聲功成只合師馮異身退還須學

子陵仲冬抵杭城時

先皇心疑言者承風旨

劉諭輔臣云胡某必挈來問理自今年五月後大

臣小官生死加害甚多汝曹云擾必不勝有制

同應龍俱斬示今敢犯也是何道理又說份前

秋之事今日方勅豈為公乎隨

下旨着錦衣衛差官校挈來京問斷金吾已持

駕帖南行復

成乞

天語叮嚀令其益勵初心云云下部着詳覆云詳

觀胡某疏中叙疾似有因而求去之意搃督大

臣受國厚恩不宜如此公之禍根已種于此疏

上

皇動心下

劉諭問公疾徐公回云胡某舊有疾今已稍愈

先皇念東南實甚乃于宮中為公醮禳將星其春

劉諭輔臣云胡宗憲王忬二臣初非推者皆我之

簡用忬已刑宗憲不過因嵩去不是扯衣叩馬

之臣彼罪當從寬處亦係一大臣云云徐公勉

承

意旨進揭乞宥公

先皇復心疑留中不報初公之禍也蓋自江西

凱旋上諸將功狀中叙與疾討賊之實事族公

者嗾臣僚論公報捷疏中語疾意似急于臣

知如此及聞大捷疏連五至忌者益恚又歷年

臣僚乞

勅浙烏處兵援江西援福建廣東道俱出金衛供

億煩擾且費農浙糧餉金帛以去縉紳頗歸怨

不思公搃轄非止一浙且俱奉有

上命兼以部催急迫勢不得已者公心獨苦誰其

諒之闕金吾將至浙三軍憤不平公聞之甚

憂密請巡按張達泉公語嚴東各將按兵休營

又各門令官軍守把毋縱部下標兵出送張  
心服公忠義嘆曰世事不平有如此公去天為  
吾

皇社稷必不全公厚誣至此金吾入抗軍民扶老  
攜幼填塞巷道悲號稱冤卧轍攀轅至不能行

金吾再三慰曰你胡爺有好

御札只數日復回總制父老乃捧公衣而泣願留  
靴衣為思金吾亦墮淚公至北新關登舟沿途

鄉民奔出挽住公舟甚至入水攔阻口稱願留  
活百姓號泣不去舟為之阻甚有指閻金吾痛  
罵者公慰諭使還民不肯張達泉公復親諭言  
胡爺不日即回復任百姓乃叩頭而起金吾因  
沿途阻塞乃夜行七日夜始出浙境及入京徐

公因測

上意稟擬送法司問

先皇燈前閱奏反復十數過深悟公冤出

溫綸云胡某原非嵩黨自御史皆朕陞用任事已

八九年數載無言伊過群和朋害大臣罷斥亦  
不少又言王直原本兵議示獲者五等封官今  
却加罪後來誰肯與我任事放了着閑住云云  
公以

明旨無着回籍字語賓友曰

朝廷似容我在京奉朝請臣子安敢歸遂親詣奏  
謝通凌海棲丘月林連以陳言被杖

先皇怒甚徐公謂舊應天代巡黃西野公轉語不  
肖曰

朝廷以乃公罷移怒不已乃公性素剛不遽還久  
則臺中歸怨乃公因病心其如乃即將入仕何  
可令急勸乃公歸我將起用之不肖聞于公  
笑曰我料媿者欲置我死甚不愜意我今歸必  
令有司伺察我因多方媒孽禍且及尔等我居

此杜門

輦轂之下不敢中傷庶幾保餘年不肖等恐重忤

徐公意私懇親友乘間百計說公乃親詣

左闕門叩首辭謝表元峰公故相知設餞私宅時

李克齋公亦以桑梓故被論當覆表公訪公席

上曰臺中論李克齋事當何處公正色曰外邊

公論事體迥異 都下昔倭夷倡亂營兵作變

非胡某李某恐大江以南未可安枕事已底定

無復昔念乃吹毛求疵務排異念誠哉烏盡弓

藏謀臣當亡某已矣東南半壁軍國至重之地

諸老誠為

朝廷恐李某未可復罷也表公乃嘆曰久不聞公

正語審如是克齋其可去乎乃惟飲通宵復贈

公以詩寓意其中表公因語徐公李公卒不動

時方以言相諱及聞公語咸謂真真虎膽云癸

亥春公出都門候凍欲覓舟仲春臨興化報至

京公大慟不肯言已解官矣公悟而止媿者聞

之曰胡摠制還念闕乎公遂陸行時已得目疾

視不了了及抵廣陵念先夫人早謝世家無主

母娶故王司馬姪孫女為繼夫人偕歸故里惟

日共鄉舊為深林叢壑游絕口不言往事惟遇

聖壽令節即中夜設香案率不肖等北望稱賀拜

祝不倦已而監軍李同川公上闕中功狀謂公

有再造八閩殊勲所當首錄部覆謂公家居但

請賞賚

先皇猶兩錫金幣公以先大父母未得吉地安厝

恒以為憂值肩東南倭難不敢息肩乞私至是

遑、卜視夜不安寢歲甲子某棟王汝正何東

序來月具公存亡公風知念親族繁多或依勢

滅義犯有司使得藉口污讟于是嚴為條約戒

禁之橫暴無賴者相切齒公適族豪庚元峻張

僕訟公袒免姪治奇索賙于何時方將排公故

左庚元：疑何私公深致忿憾而其堂兄姪皆

侮又善告訐以毒鄉者遂晝夜謀聚向之切齒  
公者為黨思百計中傷至乙丑春嚴氏羅氏以  
逃戍論誅籍王何相謀曰昨抄籍票語中有不  
許親識人等受寄侵匿意在于斯况羅胡同鄉  
易于玷污兼之

聖怒未解若以此加胡摠制幾不勝矣因潛通謝  
令以意績人張科少以廝役盜官物事露為邑  
侯林豫齋公按罪判配後起字逃歸黃綠入理

刑廳應捕蓋羅織生事酷害善良驚悍爭梅人  
以張鵬目之即邑著稱何乃嗽僚特遣科伏公  
里構短適夜投宿庚元別業元察知其情大喜  
以為可報復治奇仇乃邀入卧室設盛筵會惡  
黨造條款誣公寄匿羅羅等虛情并治奇宿事  
跪進卮酒求科轉送科佯曰此安可造次元黨  
餽科三十金仍約事成重謝科見財心喜遂持  
去以搗轉送汝正遂朋誣侵匿家財私擬旺氣

等事論劾時元峯公已謝世而

先皇將俸勤故得票下御史大夫恭看固亦忌者  
黨也恭復甚重遂擬

旨差官校逮公于家

先皇方致疑

諭輔臣云胡宗憲先掣來宥去此不免有尋罪者

三月下旨抄籍至今尚無一物到部豈是一胡

宗憲可謂明見萬里矣及公辨疏上復

下

旨云這所奏着法司從公看問屠金吾至公遂詣  
即受逮闔即男婦惶惶奔走為公稱冤至有泣  
下者里甲生儒保長數百人詣屠金吾甘結公  
被劾情狀俱誣枉何令人趕逐不肯去乃申汝  
正欲盡殺諸甘結者郁尹楊川公以官爭之得  
免及抵京送法司公憂憤成疾病且草黃司寇  
叩公欲言公但云我為諛人裝砌中傷不死不



已今病危殆上天下地可表此心黃公見言語  
含糊遂送公提牢廳聽候疏公疾甚乞容保外  
宅調治俟彼中勘奏至日再問意蓋恐復如昔  
年故事矣

先皇意懈可恣鍛煉

聖明洞燭留中數日乃下

旨云已有旨了諸司莫測

上意姑寢適

先皇密令黃司禮訪公年歲科第回報嘉靖十七

年進士年五十四歲

先皇云也足我中的人還好做官風聞法司乃擬

覆公辨疏將提王何等証問十一月三日巳時

公長吁而逝痛哉司寇上請

有旨胡宗憲既已病故不必行勘松奇始敢扶柩

舟南還不肖時繫郡獄初公既逮京何集兵快

圖私宅駭散家眷公歷任薄貲悉為族忌群僕

竊據復榜召告公者賞莊產意在實王誣奏公  
屢世睚眦然與夫素為非法曾被斥正及以訟  
獄治生者凡十數人裝捏情詞以希何意俱蒙  
優賞不服從如胡宗濟輩悉禁錮之大起告訐  
俗而侍御李龍潭公亦以當時憤激諫論卒貶  
郁陽川公不阿其黨竟落臺選故正人多扼腕  
而不敢言公沒後竟抗

明旨籍貲產不肖戮斃鍛煉公從弟瀚亦因破家

擬邊成後數年始釋焉嗚呼冤哉公柩至宛陵  
都邑謗鋒方熾差捕伴舟者松奇等至公柩于  
西城村茅舍而遁迨八月耿學院案宛陵知其  
故哀公之無歸也乃檄隣邑送柩殯書舍公遺  
骨始得還故里而不肖尚徵賂贖病在即可哀  
也已不肖悲公忘身決戰以平東南而忌者每  
欲置公于死公亦何負于彼而必欲殺公耶觀  
其始逮公也以嚴繼逮公也以屠陰寓必殺之

意于二姓之中抑何毒也公雖有

聖天子知春之深而卒為忌嫉者凌辱以死嗚呼

痛哉

隆慶改元之五年不肖兩叩

天閣下部未覆至六年四月科臣訟公往蹟今

上宿知公冤下吏部議復公官

錫以聞喪下葬二祭而又

命編國史者紀公功績

命下日不肖親見江南北人士及介胄之士在都

者咸喜談而樂道之可以觀人心之公也嗟乎

公一念忠赤任事之心

先皇暨

今上終始保全之

優卹之恩亦可謂古今君臣希遇者矣公自少時

即以關壽亭侯岳忠武王自况生平忠義不愧

二公而公所樹立真能卒威震華夏期收兩河

未就之志深寃陽明先生致良知與旨又二公

所未違者由筮仕至孤卿剔歷中外幾三十載

所至著聲姿貌脩偉議論直處人接物和夷

坦易洞見城府虛中恢度豁達不拘尤愛惜人

才見人有技不啻已有好推引後進不憚煩薦

剋性疎財仗義不喜封殖雖屬官部將能廉勤

奮事功者公每助以金令無易初志以此忠信

介潔之士咸歸心焉御下仁而有恩視將士如

家人父子遇貧苦疾疫必備處醫藥服食以惠

之苟獲一功建一策即賞不踰時下至輿皂卒

史亦優遇之故人皆樂為公效死嘗屢蹈危地

呼吸生死公神色不變持守益厲故能戡大難

而不動處危地而不惑屹然以身任東南半壁

之重為

國家倚賴為安危者十載後還田里猶以西北未

靖

主恩未報為念且曰累馬革分所甘心也初先大  
父母繼喪公事繼太夫人張氏極其孝養無異  
奉先大父母者與先夫人閒居相敬如賓公寡  
兄弟視堂弟如同氣每宦歸必分俸與之堂嫂  
汪氏少寡守志廿載公歲餽衣食必豐及宦游  
諄、命不肖恒如教處宗族如同室排難解紛  
不遺餘力面折曲直雖熾然不避歲壬戌三月  
即邑大飢時公在浙家餘稻千石益屢年積也

司粟者上教于公且曰質之可得六百餘金公  
聞惻然曰吾族貧者遭斯凶年其流離乎今吾  
叨

朝廷厚祿皆祖宗所積願可秦越視耶即給示不  
肖令查宗族貧乏之甚及稍貧老幼殘疾素守  
本分者凡七百餘口覆公、令每年十歲以上  
者給稻一石婦女幼男給稻五斗散給已完餘  
稻尚肆百石粟公、復命不肖查族之素所貧

今遇荒轉甚者人各貸一石春貸秋還止收貸  
出之數名義貸倉穀類以全活者千餘口雖鄉  
黨凋戚用情每過于厚誼為朋友能同憂樂共  
患難公少師程學博事之如父及程沒孤流離  
顛沛至不能存公取歸秦養之沒為之棺人皆  
義公好賢禮士每倒屣出延一食必十餘人公  
嘗曰座上客常滿樽中酒不空人以為實事資  
稟雖穎異而性尤嗜學應酬少暇即手不釋卷  
雷軍旅倥偬之際猶手書百千言千里質疑于  
東郭鄒先生甘泉湛公念菴羅公而緒山錢公  
龍溪王公日接見于天真書院然則公功業固  
有本也公章奏簡潔明淨先師唐荆川公嘗評  
曰陸宣公復出也所為詩雄豪超邁慷慨奮發  
類公為人所著有文稿二奏詩稿一卷書稿七  
卷三巡奏稿三奏條約二奏審錄駁詞三奏督  
撫奏稿十六奏公移四奏所集定有萬里海防

圖論二卷海圖編八卷行于世曾祖諱崑祖諱尚仁皆有隱德不樂仕進祖父以公貴初贈湖廣道監察御史祖妣方氏贈孺人及公歷正二品考滿曾祖、皆贈資政大夫都察院右都御史兼兵部右侍郎如公官曾祖妣方氏祖妣方氏皆贈夫人配先夫人章氏初封孺人再贈夫人繼配夫人王氏子男二長即不肖桂奇由邑庠增廣生廕官生聚同里七品散官樸林章

公洵女次松奇由國子生以擒巨寇王直功廕錦衣衛右所副千戶聚歛邑雪竹汪隱居奎女俱章夫人出女二長聘同里庠生龍橋方希文公子側室高氏出次聘同邑上舍晉軒程應科公子王夫人出孫男九人焯焯燧焯桂奇出燈焯焯燭焯松奇出燈庠生娶歛邑光澤尹潘惺菴公長子國子生少白潘周南公女焯娶歛邑鴻臚署丞雲林黃公極女焯聘同邑庠生純齋

黃廷誠公女焯聘金壇縣都憲于素公長子舉人勵菴公孫女焯聘同里九江府檢校蕃泉章公長子其序公女餘尚幼孫女五長嫁同邑上舍許相公龍池長子文焯次嫁歛上舍少崖吳一莊公次子士龍次嫁寧邑憲副五河許公次子庠生成堂次聘同里章隱君荷墩應麟公五子榮慶其一未聘重孫男三維城維垣燈出維封焯出重孫女一公生于正德七年壬申歲九月二十六日寅時歿于嘉靖四十四年乙丑歲十一月初三日巳時享年五十有四嗟乎公往矣雖千萬其身莫可贖矣不肖輩雖毀生滅性踊地觸天終無所從矣獨念公德澤功業之在

朝廷在地方者不肖輩落人下不能少有光顯愧死無地徒切痛心故忍疚舍哀勉述先公行實于左倘蒙

仁人君子垂憫

錫以大筆垂諸不朽則白骨生肉泉壤增光存沒感戴永矢不忘



胡梅林行實

無卷數 兩淮鹽政採進本

明胡桂奇編桂奇績溪人兵部尚書宗憲之子此

書即紀宗憲行實梅林者宗憲別號也宗憲平倭

之功載在史冊不容湮沒至其比附嚴嵩趙文華

公論亦不可掩此書出其後人之手固未可據為

徵信矣

鄭端簡公年譜九卷附錄一

卷

〔明〕鄭履淳撰

上海圖書館藏明嘉靖萬曆間刻鄭端

簡公全集本

附《四庫全書總目·鄭端簡年

譜七卷》提要

鄭端簡公年譜述畧

公之生孤也晚公篤學勵行奮起  
蚤年事業文章孤皆不及見知既  
免携懷公勤皇室孤學於家復踈  
定省及以公之教登第公阻權人  
依恃家園無復趨庭戲綵之歡而  
多迎醫調藥以俟歲月逾邁一訣  
終天命也云何何嗟及矣公之憂  
勤惕勵鞠躬盡力實死而後已凡  
嘉言善行為我劬勞孤尚不盡知  
又誰詳公心績以詔後世嗚呼公  
既長逝雖遷固留筆闡發幽光罔  
能贖返公轍則身後永譽亦將何  
為哉文忠固非俟譜乃不朽孤特

即所見聞質諸故老執友事不悉陳而槩其大節文不皆載而述其要旨各附年月以上懇兩翁一裁大方成章授梓庶補國史之未備且冀公之子孫世念懿範毋遏佚云

隆慶戊辰長至孤子履淳叙白

序

二

鄭端簡公年譜卷之一



不肖孤履洵謹梓

弘治十有二年己未正月壬申公生於海鹽之錦繡里父吾核府君遵化儒學訓導致仕封兵部職方司主事贈資政大夫刑部尚書母費氏封安人贈夫人

庚申

辛酉

壬戌

癸亥

生譜卷一

甲子

乙丑

正德元年丙寅

丁卯公九歲封君始教之識大學序字一日盡識翼

遂解字義乃令讀四書書經

戊辰封君手錄小學近思錄太極圖說通書西銘定

性書性理大全中略節凡數百張

己巳封君刪小學史斷及諸史論贊中語凡數百張

又以歷代臣為四類各取事蹟叙述成文凡數百

張公悉成誦

庚午封君令讀四經序文傳註易乾坤等卦繫辭傳  
詩風七月等章雅生民等章禮記學記樂記儒行  
緇衣等篇胡傳百首文獻通考序十七首凡所讀  
書必口授仍講析意義至正人君子必贊嘆揄揚  
若奸臣貪夫誤國殃民事必反覆訓戒每曰汝或  
他日為此我泉下不瞑即官至極品何用祇為先  
人羞為後嗣禍耳

辛未封君令讀程文論表策及大學衍義補

壬申封君始教作舉業文字讀書百可園園之名言  
人能咬得菜根百事可做也

年譜卷一

十一

癸酉儒士赴府試羅太守玆嫌公幼問三代以後顧

命大臣誰第一公對諸葛孔明又問將相誰第一

公對郭子儀房玄齡又令背禹貢揚州背訖又問

揚州是今何地對浙江江西直隸淮南皆是羅奇

之封君以公歸不就試

甲戌封君貢入京携公行凡過明格所隱避材賢所

發跡英雄所戰爭智上謀臣所經略與夫山川水

陸險易及古今變遷同異隨處指教至京遣公從

學陸石涇先生五閱月之薄化城中多武生從封

君學因携公通行三屯建昌喜峯太平燕河馬蘭

諸善時遵化守備馬公永馬蘭參將陳公乾最敬

封君日遣二十騎護行封君歷述漢唐宋元右北

平盧龍漁陽華夷出入及寧庶人從靖難朵顏三

衛據大寧遷北平行都司保定之故以教公甚詳

乙亥封君乞致仕歸遣公從學南溪吳先生

丙子初應鄉試不得舉封君令讀左班馬韓柳歐蘇

七家文是秋入邑庠逾月補學生

丁丑封君令閱十三經註疏批點史記兩漢書三國

志五代史司馬公通鑑兼朱子綱目

戊寅公錄步天歌及天文諸書每夜登城觀星象封

年譜卷一

三

君取書焚之曰此律所禁且遠視星日表明之道

古人精此少善終者戒勿習

己卯秋試回封君令看漢文選唐文粹宋文鑑元文

類皇明文衡及本朝諸公文集奏議

庚辰封君令作時務策百二十首嘉靖祭丑子履淳

梓之

辛巳郡守徐公盈取試輒稱公文人國士必魁浙

嘉靖元年壬午舉浙江鄉試第一封君平生儉約至

是益務節省曰讀書以治生為本不及今治生他

日居官以官為家去就即不能自愛計借銀二百



兩費不過十四餘皆置田取租又曰汝日後做官慎勿忘秀才時否即貴顯吾九泉合恨矣公嘗云子頃刻不敢忘斯言至老夢寐中長如侍訓時也祭未舉進士諸貢士初謁主考蔣敬所公見后文隱公班於禮部二公首呼公出班曰好秀才將殿試學士董中峰公玘顧公出已未殿試策題及擬彭澤父老送淵明致仕序令公為文又曰此首相后齋揚公意也公告封君封君然不說曰後學初入仕當惠所以立更可通謁求及第汝不聞兩及相門張師德無書抵政府劉元城乎又誦汝病

年譜卷一

戒子詩權門要地是危機句令公辭中峰中峰喜曰久知尊公能教果然殿試後封君南歸十二月授職方主事司馬金蓉溪公獻民令閱四司奏牘奏牘出諸正郎公直校差落其間有未安即與諸正郎言改定不白之堂上諸正郎顧喜公在本科逾年因得徧知四司政體又每念封君嘗曰人言賈生少年非也生言不習為吏視已成事此豈少年人語公故暇日徧覽職方舊牘蓋自永樂以來具在金公又令公撰次九邊圖志凡三十卷稿存司中燬回祿

甲申五月封君費夫人至京七月 兩宮徽瑞恩封承德郎兵部職方主事安人會大禮議起同寅翁公草疏疏成皆稱善奏入諸司樂之跪左順門俯首不允慟哭時 上御文華殿聞之大怒逮下錦衣獄越二日杖 闕下封君百方調治得不死十月既乞改南歸便養又疏乞送親還鄉皆格於吏部封君遂南歸費夫人留京師○送同年虞公叙曰余舉進士與東厓虞子同年又同觀政營繕朝夕繼見必有以規誨我也今且出令嘉魚誰復我蓋余言易虞子曰詞之輯矣內斯靜專余諾之欲

年譜卷二

防其口而未能也余貌俯虞子曰不語不漬是謂知幾余諾之欲逆於禮而未能也余量福甚虞子曰鍾釜之器所受幾何余諾之欲恢其度而未能也余事嗜速虞子曰馬奔易顛火灼易燼余諾之欲平其氣而未能也余日以請於虞子虞子曰子是之學亦為不知本矣夫言易心之蕩也貌俯心之歡也量福甚心之隘也事嗜速心之躁也四者皆心之放也放其心而受病多矣故曰學問之道無他求其放心而已矣虞子今且去余寧能忘之然余於虞子亦願有說焉余聞天有常度地有常

形君子有常行虞子亦率其常而已。憾之以威而不怵，臨之以財而不苟，委之以棘而不潰，處之以簡而不解，悅之以順而不溢，激之以逆而不怒，抑之以久而不援，進之以驟而不亢。曰：吾忠吾君，吾愛吾民，吾奉吾職，吾盡吾心而已。誠如是，敦良之吉，其有量乎？夫善觀人者，索其終善，修己者履其始。余於虞子交相親也，交相修也，始終之義，胥共圖之。君子曰：易尚斷金，詩取攻玉，虞鄭二子，庶其有焉。書以為別。

乙酉大同兵初變，殺巡撫張文錦，遣胡侍郎討之。不

年譜卷

六

克賊出，故帥朱振於獄為總兵縛，總兵桂勇殺其家丁十七人。胡總督以捷聞，竟從賊出，振克總兵。正月，公與同寮李公黠各疏言大同賊決不可赦，請討之。古冲疏報聞，公疏留中，疏曰：大同之賊，罪大惡極，決難輕貸。邇者命將出師，無功輒返。

皇上軫重宗社，再議用兵，既又差官體勘，既又會官集議，勅旨頻仍，乍行乍止，臣竊惑之。國家承平日久，武備漸頹，幹弱枝強，內輕外重，蓋自甘州總兵李隆賊殺都御史許銘時，邊防已多事。其後宣府教場吶喊，寧武點名潰散，腹心之憂，日一日至。

於大同軍士積惡尤深，御史張欽下操官軍誼，譁抗拒其時，上下因循，未能明正其罪，馴至今日釀成禍變。大軍致討，尚肆憑陵，都督魯綱班師回京，臣問久駐軍陽和，何不取桂總兵到軍前一問賊中動靜？綱曰：誰肯便放他出城？臣問既說地方寧靜，何不一進大同城內宣布。

朝廷威德，綱曰：誰敢進去？臣問前誅首惡，果真正否？綱曰：首惡那是郭鑑等，本部郎中趙錦自大同歸，謂臣曰：首惡不在五堡行伍中，即此二臣之言，大同之亂未已也。唐縱朱克融，還盧龍，竟復失河北。

年譜卷

七

今日首惡那是郭鑑等，又曰：首惡不在五堡行伍中，是誠有如朱克融者在其間矣，可不為寒心哉！為今之計，用兵有禍，不用兵亦有禍，用兵之禍速而小，不用兵之禍遲而大，小者止於一鎮，大者懸於九邊。周思歷筭較短，量長用兵，誠為上策。伏願皇上赫然斯怒，別選志慮忠純為國任事文武大臣，各一員為之總帥，令其督兵臨城，索取亂軍頭目，檻送京師，追究主謀，依律論罪，脇從不問。則鎮藩知畏，姦宄潛消，何有潰亂四出之患？舍此之外，更無長策。然兵凶戰危，勝負無常，伏望

皇上堅持此議不為動搖務平大憝用收全功昔唐  
自肅宗以後君臣幸安河北盡為藩將所據憲宗  
倚用裴度力排衆論決意用兵卒能光復土宇為  
唐中興賢君相是時以靈武奉天之事相恐惕者  
何限憲宗裴度惟斷乃成今若苟逸偷恬長奸養  
亂各邊相扇同日起外交戎虜內侵圻甸其去  
京師不過旬日 皇上雖追咎今日當事之臣亦  
無及矣○又為大同行云太平天子臨端黼桑土  
網繆莫子侮亦知樽俎有餘威復恐因循破寧字  
憶昔 高皇蕩滌初大同咫尺巢胡虜長陵建國  
燕山隈甲冑躬探肯此窳六龍一日度金川烽煙  
塞上紛如羽提兵百萬過清淮飛輓尚書鑿齊魯  
抑自前茅望斗南上谷雲中皆樂土上下安恬四  
十秋土木倉皇驚失伍大將生歸知不知鐵騎長  
驅薄宣武此時非有節庵翁山前山後無完堵邇  
來幸值胡運衰却諱門庭秦射虎河西都督悍且  
驕節使淋漓莖旗鼓寧武關頭復嘯號多史奔波  
向宣府驚聲相扇動三陲萌芽護養幾如股舊邊  
之役竟奈何五堡健兒誰無主大同城外殺參軍  
大同城裏剗都撫親王草草東南行回首官中但

年譜卷一

八

子

塵部司徒捷報自為功翻然破膽陽和塢將軍忠  
勇世所希誰謂功成茶更苦白旄無計效丹心蒼  
頭有血流朱戶一呼再亂不可收相從叛者十之  
五憤帥出匣遂邀求虎印魚符輕賈喜峰元帥  
舊金吾韜略宵中不安謝自言境內近耕桑漁陽  
士馬三千部跳盪居庸百里間慎勿朝堂崇煦姬  
朝行暮止往復還京泉侍郎嗟無補識面言官不  
肯言鉛山相國噴相迂會昌任李澤潞平裴佐元  
和削淮浦重腫宵旰誰股肱微臣抗疏還思補○  
七月封君至京接賞夫人歸○八月作壯遊錄序  
曰余官職方時輯九邊志既撤取圖說於帥府率  
具文書塞歲故梧抵不相應惟漁陽雲中二鎮有  
端緒時馬都督永守漁陽桂將軍勇守雲中二人  
皆名將故其言不謬幽并六關去京師不遠東西  
關巖有巡臺報政而寮友劉竹門又蒲坂人綜理  
甚開熟故六關之志易就惟關中表裏四鎮最多  
虜患卒無可據為書者制府楊公適遣張子淮奏  
記京師張子者余鄉先生太僕卿時敏子也余問  
之關中事對曰淮入關徘徊咸陽兩月尋過永原  
度金城逾河抵甘涼旋師東入臨洮屯兵臯蘭山

年譜

九

山下平曠可容十餘萬人北接朔方入塞又東往來於延慶間南走涇原岐陽至於興元耕牧戰守利害興革之宜更僕不能數惟河西之戍本以隔羌胡今羌胡糾而撓我王門陽關且弗論嘉峪以東能無慮乎議者方欲葉哈密葉土魯番能遂飽其欲無插旗甘城之志乎土魯番即不來亦不刺瓦刺善野戰南北相倚角土魯番點而能攻城河西未可知也河西危而隴右震盪關中得安枕乎漢元朔置郡時史稱涼州畜產為天下饒穀糴常賤今大異於昔矣由金城循塞而東朔方乃

年譜卷一

十

在河外西北雖倚賀蘭山而東南清水興武花馬池三營無阻固可恃三營與靈州相倚附不能守則朔方益危而環慶孤矣關中外三鎮榆林多戰士東接河東西接朔方遊兵亦時時四出應虜而貧困特甚何以賑卹河套之設大矣唐時我據之以拒虜虜今顧為巢穴以困我我失外險遂不能與雲中相首尾三冬互塞虜入套困關中春凍解即擾雲中上谷能罷於奔命乎朝廷馭將帥將帥馭士卒指臂之形一呼萬應而囂聲相扇都臺再受補矣制使開府同原轄四鎮文武吏士專方

面者近百人西警駐金城東警不駐北地則上郡千里粟令戎機呼吸間耳關中大河遶三面終南諸山若拱若抱物產稱天府比歲不登至厯天子軫念雖出內餼而飢者弗瘳欲詣羅太原太原且不给欲南取諸葛故道轉川粟猶陝也江湖稔矣逆流千里水陸相闕非旦夕所能濟無已發京儲西出井陘不數日而輓卒餼畜食且盡又焉能相及也茲皆將請於職方其何術以待之淡泉子曰嗟乎壯哉張子丈夫有志四方者夫非才無以濟世非權無以用才盛宋君臣可謂千載一時而

年譜卷一

十一

西路經略迄無成功者議論多而政柄不相攝爾苟若此九邊志雖吾不作可也陸敬輿論邊事六弊曰措置乖方課責虧度財匱於兵衆力分於將多怨生於不均機失於遙制信乎談兵之難矣逾年張子持關西壯遊錄索序於余因次序其語而歸之○十月二日費夫人卒於家十一月二十一日訃至二十三日公奔喪十二月望抵几筵丙戌求瘞地久不得封君夢與費夫人並坐高阜謂費夫人曰此北即瓊城不數日鍾西臯先生謂封君曰堪輿家嘗語倪約齋云稱勾洪南北有一佳

地即同西臯及余術士舟行至稱勾渚登岸南望不一里有高阜至其地乃土山色黃中有小黃石村中父老曰此勾滕山大數十畝後人取其土今存者十二三耳封君登山北望果見瓊城術士曰此吉壤卜之筮之并吉詢之諸術士皆曰吉公重價得之術士曰此盤龍穴又云點地梅花出狀元十年後公方生子必奇才科第是年遂鳩工買土培山

丁亥三月丁酉莖費夫人○秋畫像自贊云爾貌何癯爾心何濇爾言何銛爾行何說或謂爾躁迫或

年譜卷二

十一

謂爾憂悒或謂爾剛愎或謂爾精悍爾病弗爾爾質弗變涵養爾性情勿恃爾聞見沉潛爾經書勿耽爾史傳不觀不聞莫見莫顯知存知亡可舒可卷尚胥顧于箴言庶收功於瞑眩不然將負爾百年之身而寧翦焉自謂一時之彥○作連珠三十云余聞事有重於潔名矢丹心於白日身或輕於去國較玉折於蒲芬故楚問九天寧忍懷都之族齊留三宿尤存庶改之君○余聞易棟須材大小異區瘳疾需藥甘苦殊性故葉大取小難扶六字之顛厭苦即甘何補七年之病○余聞日中見斗

本非天道擅下有穀固乃物情故晝夜相旋兩儀不廢忠邪雜進三黨遂傾○余聞籍之白茅無咎之術困於朱紱有說其徐故忠信可昭猶云泮渙屈伸靡定聊以躋躅○余聞群芳破穢合志為難一簣成山收功甚疾故斷金可利尚有賴於同心介石是貞貴見幾於終日○余聞采葑采苓人言罔極匪兇匪虎吾道何屯故坦坦素履不罹虎尾之厄兀兀赤舄自靖狼胡之嗔○余聞先咷後笑難取諒於他年大往小來詎忘情於當日故義從進退碩果有期命委吉凶小狐竟失○余聞就重華而陳詞獨抱烏號之痛指九天以為証或囂湘纍之朝故蒼梧暮雲空餘宿草寒江夜雨苦動潛蛟○余聞施衿結帨乃全九十之儀抱布貿絲遂至二三其德故刈楚秣駒熱中久愧方江泳漢改路貽戾○余聞襲常非義能遷則崇任重為仁失守則譁故樂土可依恐拂鶉居之喻高山是仰尤增蜚負之憂○余聞交扈啄粟本非其性飛鴉食黠且葦其音故侈心生矣或直尺而枉尋改悟翻然乃厲深而揭淺○余聞陸海飛波奚取諸渙積薪厝火詫見乎難故可戒衣袷禴祭有福既傷童

年譜卷二

十一

僕焚巢何疑○余聞宣聲耀迹利或隨之翰靈畜  
德害則遠已故鳴鴈後烹若競漸磐之志甘泉易  
潔奚煩井甃之池○余聞麥垂黍仰異春秋花實  
之期鳧短鶴長共雲水飛鳴之局故力不可強孰  
能簪筆而荷戈才所當憐豈無尺瑕而寸玉○余  
聞箕風畢雨適逢其時蘋鳥木罽固非其地故撫  
三時而務農者懸磬無憂視九地而行師者建篋  
自易○余聞績三王之緒尚有藉於後賢復九世  
之讐庶不廢於先括故官離黍空傳食洛之龜  
揚水東新莫止戊申之轍餘

年譜卷

十四

戊子二月服除封君即遣公赴京○壬戌北行留室  
奉養封君○至京補武選主事○書兵部題名記  
後曰此錄之選簿者也故昔任留都者亦與焉  
長陵往來兩京選事固出留都簿云敬依敬陞者  
獻陵監國時旨也其間有任行部行在兵部者寔  
蒞於茲而弗載焉駕勒之役無與於選無所於考  
也今載是石者凡尚書若干人左右侍郎若干人  
有由右侍郎轉左右侍郎進尚書者弗復也天  
順景泰間南北多事一時有五尚書今所載惟于  
與石二公餘則經營四方者如近時王公守仁

揚公一清王公憲王公瓊伍公文定皆以尚書有  
事廣滇關陝而李公承勛提督圍營於內亦皆弗  
載例此也嗚呼今可登斯石者無慮數十人要皆  
一時之選然俟諸百世未可槩論溧水齊公泰目  
擊時艱發議犯難卒蹈大戮祠及九宗而或者病  
其志大才疎至於擇將而不知景隆非亞夫亦感  
激悔恨之詞耳同時如鄧州鈇公鉉壯猷偉略庶  
幾完濟南以障江淮而豐沛不守徐揚震盪無可  
為矣使公用於鄭村壩白溝河未戰之前事未可  
知後四十四年而有己巳之變皇與岳狩虜酋也

年譜卷

十五

先破獨石馬營紫荊直犯京師東則脫不花寇  
遼陽西不樂出寇陝右浙有葉宗留閩有鄧茂七  
廣有黃蕭養各擁衆數十萬僭號攻城而錢塘于  
公謙獨以一身任社稷之重掖留監國力阻南遷  
決戰得勝門外却虜無厭要求專意戰守俄而皇  
天悔禍虜亦革心翠華遙返蓋忠勇如李宗而成  
功過之卒以亨賊貪天不保首領西湖塚土累然  
與鄂武穆相望殆亦非偶然者嗚呼逆鉉之議不  
行茂陵固在東宮無恙也公何愧哉又後二十年  
鈞陽馬公文昇以侍郎撫海西建州之夷略有端

緒竟不容於汪豎謫戍川中至弘治癸丑哈密傾  
陷馬黑麻牙蘭驚然有憑陵甘肅之志公能籌運  
帷幄糾合羌虜一入其城至今西域有遺威焉戊  
午陝巴之復公之功不可誣也惜乎回回畏兀兒  
哈刺灰三種皆哈密遺裔不能盡歸故土量留半  
室寄住肅州嘉靖甲申速檀滿速兒入寇內外相  
應幾失河西徙戎之論信足徵矣或謂公不能容  
劉公大夏此或傳者妄耳劉公華容人也以兩廣  
總憲入為大司馬忠誠蘆朴始終一節恭陵已未  
以來勵精求治平臺煖閣時時造膝君臣相遇萬

年譜卷一

十六

世一時面對之詞不能盡述要皆遠猷宏識逆瑾  
竊柄芳宇以衣冠之盜百計中公欲甘心馬遠謫  
生還卒亨遐福而芳宇遺臭百世莫滌矣東山後  
又二十餘年為嘉靖戊子仁和胡公世寧忠義根  
乎天性首發宸濠之惡幾死詔獄  
天子以漢昭之年應庚丁之兆公首被召用傾注委  
切比八兵曹以哈密芒部議不合決意辭疾去嗟  
乎上下百六十二年其間有六公齊公缺公子公  
慘綸不忍言馬公劉公胡公皆負戟邊隅仆而復  
起彼依阿澳忍曲詞笑貌惟富貴是圖而於國家

利害不顧焉者卒全軀厚養以終其身以及其子  
若孫何耶書以識之○作花水吟云春花樹樹好  
春水曲曲深水深魚自肥花好繁鳥音翻然歸去  
來入暑苦炎蒸炎蒸勿復道行矣絕多繩

已丑正月封君遣室來京○二月元配劉夫人卒櫬  
歸殯墓所○時張文忠公剛毅斷絕苞苴收攬賢  
俊惟欲識面樹桃李公奉封君教謹避之然亦薦  
公改翰林公不應又取改科道亦不應遂不悅鄉  
人欲此者從而構之禍幾不測公三疏乞養病皆  
格不行亦不出部○七月與侯貞庵書曰承諭出

年譜卷一

十七

處之分詞嚴義正敢不敬聽顧鄙意有未安者豈  
可屈於知己隱忍遷就不一暴白夫出與處人各  
有志其弱冠時投牒有司蓬頭跣足偃項俛眉請  
試於文學之前研墨伸紙收視反聽惟恐出之不  
工自取夷落以故瀝竭心血凝構精神巧說蔓詞  
奚啻妖冶既叨科甲獲見公卿則又極其謹慎不  
憚卑誼坐則半席行則側身過則趨踰立則偃僕  
始亦面赤背汗已而怡然以為當如是耳夫既已  
乞覓名利如此今乃諉云錙銖富貴人誰我信然  
其之所以決志求去者老親多病故爾私情矧有

諸兄義非終鮮獨得罪權貴人日積月深其間本末如甲申乙酉之事兄歸隴右或知之未悉今日所云兄所聞見即如春閑辭試官夏間辭言官之選者自分文學空疎不堪藻鑑又素無節義未諳治體臺諫清嚴自宜遜避若使斷斷大臣聞某茲舉即不獎借恬靜亦當以堅直許之乃今不然以為立異以為沽名以為阻眾此直其名言如此其心又以為吾欲羅之門墻付之耳目藉之鷹犬而敢於撓抗如此此其所以發怒益深而不可解也胡李二公昔吏外藩已而矯矯久負公輔之望今

年譜卷一

十九

稍不遂其請寄則又以為某間阻其間夫胡之待某真如國士李亦少加禮貌耳胡之忠鯁舉朝知之某又何與力焉轉展思之惟有裂冠冕乘耒耜庶得免於中傷之禍此某之所以決志求去也請即兄事更展鄙懷兄之慮剛雄諒竟見疑於金司馬西歸非兄志矣已而胡侍郎薦兄霍南海推挽兄桂綠霍而知兄張綠桂而知兄楊則久宦閩隴素知兄兄今又為吏部似可少行其志然以論恩澤公侯不當世及則不從以論凡鄙公卿不當贈諡則不從以論陽明不當削廢則不從以論南洲

諸兄不當斥出則不從今又聞兄當以驗封補藩省不復進之考功文選此非薄兄恐兄一日持其柄諸人不得行其私也以某愚見兄亦宜見幾而作矧如某者既無金張比附之援又無長荏推揚之力而重之以勝詭傾擠之奸丁王睚眦之恨微讒顯刺交構萬端而尤貪戀光榮私利薪食不有暗昧污蟻之辱必有嶺南毒瘴之行矣夫仕之顯晦斷然有命命有台鼎雖一旬三疏亦不得休如其不然雖九頓首於權貴之門亦不可得祇取辱耳古之君子各潔其心不泥其迹夷山望海毛博

年譜卷二

十九

薛漿陶翁江湖梅生城市方朔廟堂伯鸞春籟平津晚出淡成早歸子陵一謁孫叔三起迹若殊途心歸一致某之此去其復來與不復來皆未可必也兄之要約豈敢懸度忘答自貽白圭之耻耶乃若擬鳳從莽如龍附卓先動後回範詭易節不惟取譏於正直抑且厭快於權貴矣此某之所以危心深慮必欲無愧於青天白日者也外議紛紛皆謂今之吏部有相識者求進甚易無相識者求進亦難某初不以為然今某三疏求歸一切廢閣於是始信人言之不謬而吏部之能困人也此疏不



行便當以痼疾為詞請乞休致願年纔三十似涉  
不情君父之前恩深義重豈忍恻然惟兄委曲周  
旋得遂請告庶形迹之間少存遲悔是出之機械  
之中而放之平曠之域生死骨肉之恩感刻無量  
如再以世俗交游煦濡之情浮沉前却請斷來章  
萬萬無悔○八月唐荆川取選無缺考功王鶴山  
公激調謨許上疏得歸○贈友坦齋律云轟轟呂  
梁水齒齒呂梁石水上豚魚飛石下鼉鼉蹶迴  
復迴流紛紛險中役念有坦齋翁儵然自清擇授  
衣屨後桑酌酒溪中鯽燕雀欣往來牛羊滿場室

年譜卷

壬

抱膝嗜兒孫野老班荆席冥心到羲黃信手交基  
奕但願年穀登吾生遂長適愧我走風塵畏人時  
跼蹐何不歸去來百年幾朝夕迷途幸未遠母爾  
徒嘆息○途中二律云大椿東海上清塵播桑田  
歲月周三百春秋並八千何如招隱曲負却速遊  
篇夜夜庭闈夢江雲白滿船○白面誰家子青春  
辭故鄉柴門徒寂寞毬馬自飛揚黃稻三秋雨蒼  
葭一夜霜天涯人更老為爾問歸航○中秋憶陶  
雙泉和韻云選部雙泉子今秋尚成邊百年心共  
壯萬里月同圓生死憑誰問飢寒獨爾憐殘星過

斷鴈愁絕塞門煙○九月十一日封君力疾移居  
虹橋新宅十三日卒公至常州聞訃○十月朔抵  
家○公在武選未及一年胡端敏公李康惠公相  
繼為司馬最知愛公端敏議政往往與文忠不合  
至動色相抗文忠意疏出公手益恨公端敏每對  
屬官曰他日鄭主事可為兵部尚書王鶴山亦言  
我舅氏甚疑兄鶴山母文忠兄也公曰胡公為東  
鄉兵備時即發寧庶人反謀此時予尚童稚亦予  
筆乎席宗伯薦其論事有如結舌草疏直如懸河  
豈假手於人者端敏歸時謂公曰他日大用無忘

年譜卷

壬

今日晚節末路尤難自保康惠公每事必咨訪尤  
惓惓問人材及本朝故事公既養病造公舍屬為  
嘉魚李氏義學記又曰古人交誼相切磋不論商  
不論官各求益爾此別應不復相見慎念之母相  
忘記曰余童時讀書海上聞今天下有嘉魚李公  
與仁和胡公崑山魏公鄱陽余公同官留都號君  
子四友私竊願見顧賤且遠不能以姓名通後李  
公為大司馬余從屬吏始獲承受教言屬余為義  
學記公之言曰惟我李宗唐出也唐有顯王封望  
鬱林鬱林十五傳至璠璠自末寧徙嘉魚嘉魚一

世之祖璠也璠四傳越惟有我宗儒府君始為湖  
西義學學旁有田若干畝歲收其入以贍來學之  
人勝國末學遂廢廢且百三十餘年我伯氏東菴  
宗儒十三世孫也爰復舊址再建為學學設而無  
田我族人廬又弗附於學學亦旋廢廢又三十餘  
年惟我先中丞悼念先猷弗違式廓予惟夙夜疚  
心涕慕是經是管用弗殫於舊德乃惟予五世宗  
三祖綽有功德於我宗人禮不獲祀於家廟乃即  
何崙墓偏為祠祀之亦惟我榮惠叔祖有堂構播  
獲之勞法宜祀伯氏東菴大崖以聖賢之學倡我

年譜卷一

三十一

宗人風於楚中法亦宜祀爰及三公合祀於祠祠  
左建為義學學旁有田蓋學非舊址而名固舊額  
弗忍忘世澤也凡我宗人廬於斯耕讀於斯和樂  
如一克類德音惟於茲學有賴焉嗚呼公之心何  
心也非仁且孝其孰能與於斯夫正學不明久矣  
射利媒禁者固弗足言其進於是者則又侮聖言  
而崇清談厭實事而歆虛譽往而不復其究未可  
知也公為義學能無有槩於是乎密邇松楸無念  
爾祖以祭其孝思省之稼穡惟土物愛以弗遷其  
志約而相諧群而不相忤以廣其樂易子諒之心

教之小學五經四書以端其嚮往四教行而聖功  
存焉由是而獲用則為良士不獲用亦不失為友  
民李氏之宗益昌且遠矣嗚呼今之人視從子弟  
弗若己之子弟矣而况五服之親乎又况服窮者  
乎又况百年十世歲時弗相集者乎公比渙萃離  
必欲同歸於善此其心何心哉凡學於是者亦思  
公之意景公之行求無愧於仁孝可也

庚寅百可園養魚樹桑墓所種田九月海盜衛兩指  
揮言海中有番船多奇貨借米二百石交市明日  
即利三倍公曰此地方大害敢為禍首力阻之不

年譜卷一

三十一

聽乃告之尹夏公浚及崔把總鼎出兵防之又不  
聽公揭白海道曰浙江東西地多濱海近年浙東  
自宋素卿叛附番人遂致寧溫諸郡累被奸商猾  
夷內外結交殺傷官軍焚掠村鎮海鹽僻任浙西  
素無鄉導幸無兵禍近寧溫守禦已勝不厭為寇  
忽於本年九月二十二日有七桅大船裝載番貨  
到縣東南海岸發賣其船長潤異常常設樓櫓宛  
如城堞牌鎗刀銃火箭毒弩兇具皆備地方居民  
貪利者聚集千餘槍奪幾成大變其舟人自言曰  
本國人誇其富樂誇我良善或謂中國人通番者

利不須禁止則前日宋素卿本非夷人近日漳州船盡皆國賊始焉交手但競刀錐之利既而反噬遂成荼毒之災萌芽初起尚須預防形迹既彰焉可坐視我 聖祖開國之初戎狄賈服惟倭夷屢擾海上特勅東甌襄武王卿雖老強為朕行築城增戍備海寇今齊淮吳越並海諸城皆其所築承平既久武備漸頹弘治以來東夷往往出沒嶺南已而廣潮有備遂至汀漳汀漳有備遂擾溫寧溫寧有備遂抵浙西自此以北如江東淞倉淮北榆安膠西登萊河北遼薊等處萬一漸餌其利亦皆

年譜卷一

二十四

旋受其害綿綿不絕遂尋斧柯涓涓不塞遂成江河不及今禁戢恐積習既久我不知防彼不知懼城門晝閉悔無及也始因江南權豪勢要之家縱容不才子姪開邊隙彼亦受國厚恩安忍叨竊名器造禍鄉鄰無耻冒利延蔓及此乞急為禁約上嚴國法下消民患不失先事之防庶無後時之悔其本病廢杜門公義不忍見國家設官分職隆其權寵斯民終歲勤動供其祿養望其為國保疆為民造福乃不才至此脫有非常之變尚可恃耶兩揮使因問罪恨公鄉士大夫亦嫌公多事後二

十三年海賊果攻城門數晝閉十餘年未靖甲寅乙卯以來江淮南北登萊並受其害人始服公先見○開講室受徒鄉之名俊多門下士

辛卯四月祭酉荃封君祔荃元配劉夫人○書雙梅卷後云自逋翁至於今殆五百年好梅奚啻萬人而逋翁獨傳翁非外慕非直好梅者也其完神節性素履幽貞嚼然出於風塵滓垢之外雖不好梅而逋翁之名固傳也太史公曰志潔者稱物芳翁之謂矣汝雋之取雙梅也志將希逋翁乎余未識汝雋九山黃子為索言於卷余愛黃子朴靖有古

年譜卷一

二十五

君子風則汝雋之友黃子其不為時俗人必矣汝雋出而有庸於時迹與逋翁異要當進退以道霖雨雲泉各適其致則與逋翁一可也余嘗謂盛宋人才如逋翁必能為雅圭希文君實晦叔而雅圭希文君實晦叔未必能為逋翁此獨可為知者道試驗之汝雋以此識之○賦園居五律云有屋聊成堵扶疎竹樹林門低通鳥雀臺迥異晴陰急雷流深莽莽番度遠岑白頭斯道在猛省得吾心○吾生已如此抱病對朝暉梅老花偏密桑柔葉正肥隔溪聽鳥喚倚檻看魚飛幽意那不愜誰云心

事違○晨起懶梳頭間身幸無恙千峰雷雨過  
夜松枝長飛鳥望林低遊魚逝水上兒童莫應門  
客來好標榜○風雨寧多日晴明尚有時稻花承  
早露草色附遊絲天地本巨測兒童莫浪疑人生  
半休戚達者自應知○乾坤長變化日月共居諸  
海內誰知已山中此舊廬榮光卑二鳥憔悴憶三  
閭謝却周公夢冥心混沌初○懷友三律云三益  
真吾友棲遲獨爾憐風流千里外談笑十年前客  
子登樓賦佳人種葛篇何為長太息春草故芊芊  
○芊芊春草夢常在故人邊荷館論文日薇堂勸

年譜卷一

二十六

駕年高梧宜鳳起幽谷帶鶯遷樽酒何時共溪深  
萬樹煙○煙樹深溪裏虛窓竟日眠雲歸星在戶  
月動海如天攻玉慚吾短滋蘭美爾賢乾坤未牢  
落早晚向龍田○述懷長律云天運何駸駸人生  
徒碌碌依違恒自疑毀譽仍相瀆拙角驚血駒特  
弁貶草鹿性情渺聖途聞見徂鄉塾消渴岐陽歌  
餘波及冢竹偶然抗青霄從此謝白屋富貴非夙  
心芄蘭有初服幽懷重困惟奇策賈廷哭鞠苑愧  
絲綸兵曹傳弓鞬龍驤亦舉麾虎帳曾推轂罷戰  
隔雲中鷲聲連上谷小臣守坤裳上相憂鼎鍊空

雪變燕然悲風動平陸宗枋援本文朝會諮昭穆  
聚訟庭易盈多謀室難築百官混拘攣九死紛匍  
匍清晝訖飛鴉旅亭對鳴鴈雅言茶更飴易象腊  
且毒猶藉父兄恩尚縻升斗祿雷霆已震疊蒲柳  
競消縮新殿榜黃金司空貸神木恭皇漢沉綿濮  
議宋反覆今古同綱常晨昏異寒燠公卿韓稚圭  
館閣歐陽叔七廟叨餘靈兩宮故交睦翠華候寢  
典掄翟羞種稜載鬼破群蒙包桑效牽復嗟余蓬  
閔凶壯歲素慈育涕淚迸重泉躑躅走聯麓三冬  
足嚴霜千里怯良僕蹴險瀟漠冰寒裳恒衛澳周

年譜卷一

二十七

秦蒼鮮碑鄒魯紅塵鞭達巷射御荒嶧陽梧桐熟  
彭城凜波濤沛井愁湯沐沙畧濟河流潮奔淮海  
汛一磯漂母臺萬樹嵇家族瓜埠帆檣遲焦山蛟  
螭逐扣舷起群鷗解纜落孤鷺京口多游觀吳關  
鮮淳朴薰葭壯秋深菱芡墮庾伏澤國况蕭條江  
雲寧慘黯寥寥敢與祠黯黯聞琴隕憔悴登几筵  
呼踰摧杼軸取譏陳情篇負歎遠遊牘匝月敢易  
哀倚廬能啜粥膊之堯夫舟北有君平卜水土鍾  
英華子孫庶清淑閉門詠停雲抱膝占大畜勲業  
固恂恂言詞竟鞅鞅駕駕待着鞭飲鼠期充腹攻

王西南朋希賢四八目膏梁就糠粃布帛輕錦數  
影響羊問岐支離珠買橫詩書豈絕倫冠履皆邊  
幅弱貌失留侯虛談得馬謖魚鰈但甘肥壟畝未  
幽獨采筆任彫章素餐知伐輻卑衣念唐虞駟馬  
危綺角清濁付滄浪災祥匪尸祝哀蟬落日喧好  
鳥深樹宿荆席欣嘉辰椿堂保遐福應知益乃謙  
奚羨拙者速名驥方遙遙微垣尤肅肅○送周南  
喬判太倉序云南喬被召為諫官余同寓時咸有  
官局來往弗能數也今春余病卧客有言南喬訟  
陽明先生事落職補外余弗信方 聖天子遇災

年譜卷

二十九

求言南喬信慙直不識時禁且蒙原貸不應有此  
陽明已逝勢無可依昔在門墻或相引避南喬此  
疏當不見疑於時不應有此南喬未及陽明之門  
拜堂下稱弟子言之弗嫌阿比不應有此清方允  
毅如南喬縱得罪必有有力憐才者為之援不應  
有此越數月南喬來舍問余疾則果傳者不妄余  
因謂南喬昔晦翁有召命君相一時信嚮顏魯子  
以河洛納甲數推之得震遂泥竟遄去道歸南喬  
為諫官未三月僅免辱臺之罰豈值數類是耶余  
因為占之南喬一百八十六甲子訟之九四也其

文曰不克訟復即命命安貞吉釋者曰訟雖不克  
而不失其正安於正吉未艾也占曰訟二與四皆  
陽剛皆不克訟何也五君也弗相應四近而多懼  
訟則犯上必欲默自處而後可又曰歲運逢之崇  
顯者安置然則南喬訟弗白得太倉以去免於嶺  
海瘴毒之苦 天王聖明盛德也嗟夫孔子罕言  
命命之理有無然又曰樂天知命故不憂又曰君  
子居易以俟命又曰不知命無以為君子又口道  
之行廢皆命觀南喬之數可弗謂命乎彼變面易  
詞乍依乍違惟勢是嚮不顧四海清議百年公論

年譜卷

二十九

卒終身寵光以肥妻子亦其命使然乎南喬行矣  
無以此自阻亦無以此自足達義委命有大觀焉  
遇有為陽明之學者其為我告曰敦行省愆無務  
爾名侈爾煩言以上負 聖天子立極作人之意  
壬辰同年王鶴山同寮諸公皆移書止公北上恐文  
忠不相容也○作漢黨人論曰嗚呼君子未嘗一  
日忍忘其君故論中賦外以敦王事翁名歛迹以  
完國體皆以致吾心而植吾義也周公何人方其  
君臣相孚僚儕相穆鳳翥龍驤劈畫四海已而二  
叔閔垣四國裂虺成王含疑召保弗憚罪罟驟張

羅織臣僕白之則形迹難昭諫之則計發已甚留  
之則翕訕益深死之則危疑驟變周公於此有去  
而已而豐鎬之間塗豕鬼車禍且不測逮夫天道  
動威王心悔悟袞繡西歸國是稍定旋復東征折  
斧破缺君臣之際若斯之難也苟時不可為勢不  
敢為權力不能為聞望不足為則遵養時晦撫機  
順應可也又不幸則避難善俗甘心白首可也是  
故元愷遜迹于四凶阿衡寶禱于三蘆箕子披髮  
于狡童仲尼脫冕于婦口柳下躊躇于望國伯玉  
卷懷于舊邦石碣乞老于綠衣季友假詞于執紼

年譜卷二

三十一

三十一

叔肱完名于公弟審俞保身于周庭先茂避禍于  
適秦子哀辭祭于遜魯陶朱扁舟于鳥喙子房謝  
爵于赤松進不結難叢尤以忤戰龍之怒退不招  
朋遊譽以于藝獲之嫌國體君聲圖全于宥密士  
氣賢流超拔于陷穽盤桓委曲不迫不徐可行可  
止憂樂借時何其明且智也苟狗名既急熱心外  
慕群疑衆難伺隙而起譬侯張矢集標起風摧君  
子恬焉自謂得志快意奮迹一時流聲千古而小  
人磨牙礪齒刀戟森然圍而刺之煖谷可坑濁流  
可投機發立死而不知悟豈不愚哉是故君子寧

愛身以明道無寧辱身以徇人寧晦名以乘機無  
寧眩名以速謗寧含言以示默無寧翹言以賈直  
寧約行以詭時無寧抗行以歛怨嗟乎此非違時  
大觀樂天知道蔽然于進退存亡得失之際者不  
能與于斯也叔向數晉晏嬰憂齊泄冶諫陳正先  
許秦忠則忠矣謂之知道則未也况其下此者乎  
東漢黨錮諸賢何其誤也甘陵二子賓客揣議何  
關國事遂成世網范岑冗職干竊吏權事起郡邑  
聲流學冒當是時苟有遠覽深識之賢墮瀾拔石  
堅留力阻示以中庸導以豈弟動以危言感以血

年譜卷二

三十一

誠則潰瓜包杞飛鳥挑虫尚可救藥而郭林宗賈  
偉節李元禮陳仲舉諸人皆風負時譽亦甘心倡  
和朋徒之盛烈于周房附從之勢廣于岑滂方且  
巧評激論顛倒豪強舉袂抗顏頓摧卿相其徒三  
萬動搖四海事極變起名盛禍隨張成冀脫徽纆  
交結官奄露章上聞天子震怒謂其誹訕朝廷疑  
亂風俗移貳貞方扇成詭恠矧人衆勢集則惡逆  
易染甘死輕生則殘暴難避人言可入主聽可移  
於是丹書下迫金購浚求督責郡縣守相停梯勾  
校姻亞坐收鄰伍鈐赭而于章縫醫序鞠為囹圄

囊頭滿道檻車相望詞連迹牽者一百餘人已而  
霍尚書實校尉表請再三帝怒稍解奄氣益張善  
淑既消陰邪遂熾龍羈涸轍豕躅原野昔以拔茅  
今乃需血昔以尚口今乃剥膚當是時雖痛心改  
轍揮涕自懲亦已晚矣猶且恬不咎悟益肆標榜  
爾曰君俊我曰顧及譬之雷霆震烈之時而笑戲  
譎慢不知敬畏奇禍再起大變斯尋張儉發于朱  
並曹節慘于侯覽刊章密捕踪跡益繁李膺輩死  
獄者百數人仇怨相訐報復睚眦其與黨人未嘗  
識面交言者盡罹置網死徙廢禁又六七百人殆

年譜卷

三十一

夫曹鸞申救殞命槐里於是凡諸黨人生徒吏屬  
之舊外內總免之親苟在仕籍盡皆禁錮蓋不啻  
幾千人矣由是下蓄義憤上積刑罟千動天和鼓  
萃人怨黃巾倡亂震蕩四方卒之盜賊滿山繡斧  
不能禁將帥不能戢叛蕩烈于哀周典刑絕于辛  
紂董卓首撓鍾簾曹操遂移鼎龜諸君子當時忠  
義之腸今安在哉嗟乎不悟括囊之譽堅于介石  
勝說之困棘于焚巢進退迫于羝藩行止迷于狼  
跋叢集而不知兩雪履霜而不知堅冰乃欲以區  
區言語回九河于充海起萬仞于蟻垤計亦左矣

坑誅之禍兆于橫議誹謗之律始于反脣况乎漢  
之失德其漸已久褒姒艷妻積穢中閨皇父冢伯  
矯權外府戚里無丁公申伯之賢師氏有節山濇  
鼎之隙賦役繁重刑獄苛棘殆其末年宦星掩帝  
忠臣烈士欲投菽膺之約則困于車隣之寺人欲  
避莽苦之災則懲于楊園之菘伯君子於此苟悟  
進退乘除之理身名緩急之倫十畝之桑何憂不  
給四簋之饋何慮不飽聖學不明為人已甚舍田  
芸田所得者希所失者大矣善乎叔度汪洋淺深  
莫測孺子耕稼賓客無聞姜肱韜面竟却圖形子

年譜卷

三十一

龍漆工儵然絕跡雖與黨錮諸人並居于世而身  
名俱全余有取哉○送友歸田一律云羨君歸故  
里愜我戀耕桑海上風雲淨山中草木長乾坤從  
俯仰毀譽任低昂此意誰能識離筵更一觴  
祭已潘朴谿座主遣人胡端敏公今乃子顏谿純止  
公北上○作嘉興府題名記曰江南九省浙為大  
浙十一郡嘉興為大嘉興據湖海之交平田曲滄  
饒稻梁有魚鹽森果之利士重廉節耻馳競齊民  
勤生耕織蠶畜務益藏又鮮兵革不虞之患故嘉  
興易治然賦日繁壤則錯出制地征者時時曲筭

裁濶狹以故黠胥能上下奇美為奸利東並海築堤歲役幾萬人勞費無休時俗且近侈或矜勝相訐豪兼魁宿之家往往設財役貧又當傳道飭館勤候煩言易生故嘉興亦不易治嘉興者知府員一人同知通判推官五人知府古太守所謂吏民之本同知通判推官佐太守者也嘉興開府百六十八年未嘗有題名之刻建康司馬公曰名不題何以徵文獻識歲否懸勸沮乃樹碑於堂書其氏名而繫之字里官秩問記於余余曰唐人有言居官而自記媚已不居官而代人記媚人公非甘

年譜卷

三十四

媚者也今登斯石者孰非作人之選其德政入人深至於今思之不衰者楊公繼宗徐公盈也夫官於茲土孰不欲尸祝茲土然率愆其素者勢法易倚寵賂易遷名實易眩力之弗逮而志之弗堅故也是故為人牧者貴有真誠惻怛之心為國家根本深長之慮夙夜為民造福耳財用有短長幹局有精拙蒞官有久近有遇有不遇毀譽有不齊皆非君子所謀也司馬公以南臺御史守懷慶有成更賢於茲聞霽雄敏數劇有餘才寮案高君晉君張君又皆以文章政事相益共濟可謂一時之盛

嗟乎人心無常急于風雲不渝不沮克終永譽顧於斯石不有深省乎

甲午暮廬始完○作晉齋箋曰同年水西華職方先生文行君子也秉正嫉邪竟為權奸中傷不究於用厥胤泮緝熙家學以晉名齋箴以貽之其詞曰易有太極闢化裒神兩儀六子象數相因觀之觀之之意交伸乃取諸晉居身所珍曰晉云何內順外明明順相濟胡履非貞以昭爾德斯邁而征以遜爾志既和且平明無察察順無卑卑殺爾靈覺秉爾謙撝慮以下人百志惟熙資始令終永言孝

年譜卷

三十五

思悔也勿文摧也無愁福爾王母接爾康侯有慶無咎樂以忘憂含章履正於馬藏修○答高廣玄書曰嗟乎文難言矣文有四貴胸次貴恬夷氣局貴豪宕詞句貴渾雄思致貴糾結自韓退之後作者益鮮近世往往推尊西涯篁墩竟不及崆峒夫西涯俊逸篁墩博瞻誠有之獨不知其未獲天巧崆峒力追秦漢雖切切摸擬未甚融透然其用心直欲脫去凡近駕宋唐魏晉衰靡之習而庶幾乎遷固何其壯哉當世文章君子僕幸亦多見之如廣玄子精思浩氣他日所就將不可量努力自愛



夫文又有三要體認天理則醇博觀經史及儒先  
議論與良朋究難則意見廣留心世務以經濟海  
宇為心則有實用嗟乎此難與俗人言也惟廣玄  
子裁之

乙未營紅橋宅○送尹應召序畧曰公以其為令長  
者為臺諫凡今急務皆所得言矣三垂棘於菟胡  
江南憊於租稅中原股於河防漕卒疲於輪輓湖  
南嶺表削於狡獪藩楛日廣武廢日繁校卒日驕  
官評日舛士論日淆文體日蕩朋黨之論日起經  
營之役日新上下奢侈之風日益以甚皆不可謂

全書卷

三十一

細事也矧欲恬養太平與民休息尤有進於此者  
孰非言官所得言乎昔之登津要顯赫一時甘心  
溫飽不能自樹其德業往往煙蒙草腐無聞於世  
今余所望於公固非淺淺矣○與西墅大巡書云  
向蒙憲檄行縣起蓋坊牌撤縣官吏已即奉行弟  
力辭之渠以臺命不可但已茲特具狀告乞批縣  
停止此弟真心非敢矯飾沽名念弟自幸從吾兄  
榜末今已十有三年中間受職任事纔及三載旋  
遭大故又以病歸優游林壑飽煖自適薄田數畝  
有賦無役同產兄弟均蒙庇覆方自愧上負 聖

明作養之盛恩下負先人教育之初意每一念及  
面赤背汗不能自已比之馳驅王事為民造福者  
安可例論而叨當道大君子表揚之殊典耶矧撤  
縣修築海塘動役萬夫改廣學校又廢千金自今  
春至冬生漆顏料百物無名之科盡出民間官府  
空虛十不償五民財日窮民力日困未有甚於此  
時弟無分毫功德於我鄉人又焉敢勞其財力來  
論謂坊牌之費出之官帑弟謂天地之財不在官  
則在民費官帑之財可以省民間之財與其以官  
帑之財為弟坊牌之費孰若以為海塘學校顏料

全書卷

三十一

之費也弟本薄福之人經年抱病本等官職無福  
擔受又焉敢當此逾涯之寵兼之先人治命云汝  
計偕二百金並不汝費皆為汝積置產積之數年  
可自起坊牌無更擾官府言猶在耳豈忍違也伏  
望俯鑒愚衷即為批狀停役不惟足仰禮遇之恩  
抑亦深感孚諒之義言不能盡惟有道君子諒之  
丙申三月辛巳長子履淳生○作平湖學記曰平湖  
縣重修廟學明年秋落成晉藩參政趙公里居並  
學過余百可園問記余適軸鄙夫不宜以文字見  
姓名於人辭再三不獲乃記曰平湖初縣首建廟

學歷百餘年礎款棟撓禮教弗稱縣大尹華容黎  
侯文信公孫也謁與既虔造圖繕葺用貴于鼎去  
盡于革表樹維隔籌約費務役書甫授鼓弗勝  
於是崇殿邃廡足以嚴聖隆儒豐堂麗齋足以闡  
猷陳教高墉曲術包絡東西密室穹門內外閑整  
雍館合巽名賢異祠習肄聯廡器殊鑰繩引鈞  
錯度法咸宜丹堊塗茨仍改並飭若乃前迫蠶市  
衢道湫塵書地懋增其式廓秩干右注則俯闕  
清沁匯波左紫則遙瞻沃蕩偁與霽開冲勝咸集  
吉壤奇觀於是乎在雖新宮之軒正泮水之雄深

年譜卷一

三十一

何以加焉矧其經始弗徐落成弗亟剝滌就正先  
說後勞萬力千金低昂劑量官無會財民無苛贖  
經政育才之功節用愛人之意胥得之矣凡我友  
生履茲聖域修息之際能無詮擇惟明與設教敦  
用經學化端統一道術均齊非聖之書曠然放距  
循習既久論議漸滋宋儒蒙毀于支離經師負謗  
于訓詁游聲相扇附和寔繁將有尼父異端之憂  
子與聖徒之感剪拔奇衰嚮歸純正聖謨王制是  
守是迪撫壯自求崇此明德凡我友生責也慎哉  
慎哉黎侯名循典愷易廉明有惠政趙公名漢淳

懿簡諒出處大節傲然○叙海塘事畧曰嘉靖乙  
未冬十月侍御西墅張君巡觀海上曰此剝膚之  
災也波亢于陸垠閼薄卑苟吝隄繇閭殫為海乃  
屬憲伯黃山焦君黃山亟發帑與人徒塞土捷石  
且修且築閱兩月費僅二千金厚趾峻防平齋固  
密於是郡邑大夫庶頌之文章不謀同詞當是  
時余謂吏於民上者為民造福乃其常職雖弗頌  
可也已而聞之乃有大異不然者余於是深嘆夫  
任事之難矣西墅省方勤民風裁堅肅黃山瘁力  
有心辰出酉入并食露蓋以身先民縣令晴窳董

年譜卷一

三十九

君又能經理潤狹贍給百費下上相應共濟茲役  
可不為難乎今觀茲錄雖壘漿食纖瑣必載稼  
穡維寶代食維好豈虛語哉方今海內之事大於  
此者多矣抑孰有任其責者事成則誇與不幸而  
不成則群鴛閼詆必欲中以危法如田寧徭寨雲  
中之役余未嘗不三嘆息也夫君子之仕與居各  
求無愧而已仕者乾沒居者請寄交隱曲譽以罔  
真情清議是衣冠之盜駟儉之流余實耻之嗟  
乎吾徒所恃以無恐者惟青天白日耳非卓然特  
立獨行自信之君子烏足語此哉○贈友黃山君

行曰君不見黃山兀兀都靈奇千峯萬峰相欽噉  
地維中盤岱華折天苞上插斗牛歌大者龍躍細  
者馬起者騫鳳伏者御湖三面負僅潢潦日月東  
西相蔽虧偃蹇瓊瑰梁磊砢顛髻草木殷英艷赤  
鼎仙人閔玄高白芒隱士弄蒼芝浙中使君黃山  
產山中三復崧高詩君位黃山山不輕君出黃山  
山有名明光對嚴群公驚伐木深交徧兩京虬髯  
蕭真揮塵纓水肝潛踏憂天傾旬方賦政字官程  
時時海上擁雙紵結旌雷解三春雨攬纒晴飛六  
月靈我思君兮胡晦明願君素履利堅貞勳庸鏤

年譜卷一

四十一

入昆吾銘我牧我耕饒我脫我歌我曲吹我笙山  
海遙遙無限情

丁酉四月都憲歐陽恭簡公浙江巡按張公景周公  
汝員南京給事中曾公鈞等御史郭公本等交章  
論薦吏部覆題准起用時文忠不在相位許文簡  
公為冢宰部檄至公不行○秋遊海上八律和杜  
云間來海上問中林萬里秋濤爽氣森尚有天津  
通宇宙翻然地軸變晴陰鷄居悵望頽回首雲物  
蕭條獨此心落日平沙滿路紛紛月色又霜砒  
○憲使祠堂棟宇斜獨留俎豆共年華祗愁白眉

織織稼猶喜青天練槎寂寞蛟龍迴夜雨蒼苔  
燈火落秋笳溝防一瀉雙隄壞不見菱荷到處花  
○層樓千尺對晴暉何事行藏意轉微天際冥鴻  
和霧遠雲間浴鷺與潮飛長公南去心猶壯長孺  
西還事已違白髮下今須杖屨年年海味亦甘肥  
○孤城海角若星基聞說三遷事更悲百谷東甬  
空地力九秋潮汐自天時黃潭水落魚鰕亂白塔  
煙深草木遲馨鼓年來猶未息何人肉食抱長思  
○雲車何日到三山飄渺秦皇想象間祠廟蕭蕭  
極東海輶輳草草復西關丹成七日虛金鼎花落  
千秋累玉顏萬水一漚真幻化臨風莫問鬢毛斑  
○歷歷川流注海頭不知漕廢幾春秋婁松昔罷  
登萊議豐沛今添汶泗愁去住未能存老馬浮沉  
猶自付輕鷗明河一夜心千里天北天南共此州  
○獨立滄溟嘆禹功長隄隱見亂濤中鹽田何處  
蘆花雨茅屋誰家燕子風漂泊苔痕連水碧參差  
楓葉帶霜紅珊瑚樹底垂綸者豈盡天涯白髮翁  
○六螯三鳥自相遮萬壑千源共此陂塵網漫隨  
青鳥翼慈航誰悟紫雲枝光流白露隨潮迴影落  
蒼龍並月移夜夜江南看北斗微垣深處袞衣垂

年譜卷一

四十一

○冬作蛇戒曰嘉靖丁酉冬十一月甲申之朝童

子告子曰庾有蛇長且尋丈群鼠噬之潰其腎腸

竟死予曰嗟乎龍蛇之蟄以存身也冬仲蟄候蛇

之不蟄洩氣沮陽驟遭風雨寒氣總至蜿蜒弗遂

竟死於群鼠固宜先是孟冬之牝伏雷發聲氣氣

三晨真寒苦霧不辨咫尺揆之月令陰不固陽是

謂發天地之房蛇之弗蟄雷投之殃也使十月無

雷蛇不啓不死即有雷蛇能坏堊內俯亦不死蛇

即起過風兩暴寒逆反故穴亦不死內典有言噴

性成蛇以故佚躁羨信厭屈蟄而雷即起起即不

肯復蟄其死無足恠者嗟乎嗟乎君子其小懲大

忍以平怒乎其掩身凝志以韜靈乎其齋戒退蔽

以儉德避難乎是故善用冬令者必厚自葆萃以

待陰陽之所定予於是乎深省

牛譜卷一

望

鄭端簡公年譜卷之一

鄭端簡公年譜卷之二

不肖孤履洵校梓

嘉靖十有七年戊戌春二月壽龔公叙云今秋九月

乙未西蜀碧梧龔公初壽周甲之辰冢嗣邑師石

浦先生載欣具慶朋壽無疆陳半肆笙鼓笙吹笙

慈孝充容流聲海國惟特季秋萬寶堅密霄宇澄

夷雲風爽霽白露黃花種種妍鮮稱茲壽獻門墻

之彥素唯化端恩義學字合愛同敬相率問余言

壽公辭再不獲余與石浦交迹踈而心習石浦履

正好修醜利敦義口無佞辭面無作色其守介如

也以是事其親則莫我辱奚弗壽石浦坦懷降情

近人約已薄覽寡聽難忤其度恢如也以是

事其親則莫我怨奚弗壽石浦朴行淳衷刻奇就

質朗鑒玄思表裏相副其心粹如也以是事其親

則莫我畏奚弗壽余又聞公孝友天至質任自然

讀書明經能文詞不事眩暴中道卷懷晦時俟命

用貽其子奮迅天衢譽浹鄉邦僉薦官服內崇義

方外獎恬遜凡石浦所以自樹皆公教也奚弗壽

父子相成允作允述是日濟美繩武燕翼易占善

慶書贊惠吉天不可矯人不可匿凡我朋交各慎

牛譜卷一

爾術資父事君惟茲是即石浦壽公匪專家隘錫類作人庸建爾極○九月即家除吏部考功主事○十月甲寅仲子履準生○部檄至○十一月北上陸行至天長寒甚復南歸至鎮江遣人疏乞養病文簡公不允時 車駕幸承天○作綢笑集叙曰闔自常觀察之後文教始興至宋南遷而人才遂盛上下八郡入國朝而莆產為尤盛若省齋鄭公又莆之良也公幼穎異無童心十歲援筆為古文詞十六治孝經為疏解比冠德性溫明善蘊藉退然如不能至遇事是非人邪正義利不可即

年譜卷二

二

侃侃然自樹不肯隱面曲詞與世俗浮沉既三試並高選蔚有聲聞益謙虛自勵大肆力於問學經史百氏書靡不究覽議論通古今時時傳以經義其為文不謬於理昌於氣沉重典實不為奇袤尖覆險棘之詞且體裁渾健意味深永往復閱之不厭詩穩潤有唐人風致其瑣談詩話博而詳辨而不詭所謂華實相兼卓乎文行君子也孔子曰文莫吾猶人也躬行君子則吾未之有得文由心生者也出焉弗情而枝葉亦繁矣今之文類以艱深相喜甚至或不能句讀否則剽陳言切切相摸襲

否則泛濫於莊列老佛諸異端雜說君子考辭以徵德不特敝於文爾矣夫文未足以觀人獲不能文不失為大賢行苟墮矣雖文如永欽歆雄奚貴焉余故先張公之行而文次之莆志謂公官不過五品年僅踰四旬一特儒碩皆惜其學未盡用而位不滿德官評士論於是足徵公之子次山先生守吾郡靖共夙夜為江南良二千石蓋以稱公之燕翼也○記祀六府云國制大夫祭五祀蓋從周禮歷漢唐宋至於今未改大夫之子若孫不得為大夫即五祀不得祭古之大夫命於天子世為大夫故五祀可世祭今世大夫者鮮矣將不廢五祀之祭乎五祀之祭廢則位亦廢廢位將安所蔽乎余心竊疑之虞書養民以水火金木土穀曰六府六府萬世未賴余忝為元士今且二十餘年不得祭五祀六府之祭可義起自庶人以上皆可祭也敬設神位六以梓木為之題曰木火金水土穀府之神立春祭木土以季夏穀以中春上戊歲暮則合祭焉蓋以義起也或曰儀禮士疾病禱於五祀五祀士亦得祭周頌祿天子元士視子男子男諸侯也可視諸侯豈不得視諸侯之大夫乎王制謂

年譜卷三

三

大夫祭五祀亦不析言王侯大夫不知天子元士亦得祭五祀否况五祀之名與數見之經傳不能盡同祭法曰七祀家語曰五官月令與左傳又不相合祭六府可也吾將令吾子若孫世世祭之作祀六府記

已亥春入京○咏金山一律云獨上金山寺江光照眼明孤根通漱瀨倒影落蓬瀛危石層層起流波面面平屹然長砥柱潮汐任虧盈○谷河臺書云舟過濟寧時問齊魯士人知德政甚悉乃知大賢隨地輒效篤實光輝豈皆偶然執事登位上卿僅

年譜卷十

四一

理河渠一事似未足盡展然今日中原之患莫大於河梁宋魏齊之民財力皆殫平野裂於潰瓜比廬綴於崩岸隄徭歲歲無休特漕卒汗血農夫骨髓狼籍道路者又不知紀極矣窮則變變則通平度之役似未必全無補也說者又言今之治河難於禹禹直去害今引之南行而求其利以是益難若使徂徠之泉疏濬得人自足接至清口又况徂徠之南支川溪流皆可并濬則雖任河北注如禹故道亦無不可嗟乎天下若大平然民財極窘士風極頹邊鄙又似無可憂恐益遲益不小執事

國家大臣素負經濟於此籌之熟矣練兵積粟招攬英賢三皆急務應素留意亦教我乎○四月至京 車駕還京○閏七月調文選主事初考○九月陞稽勳署員外郎○十一月封承德郎吏部稽勳司署員外郎事主事元配劉氏贈安人繼室劉氏封安人○賦感事一律云臨淵思結網鼓瑟貴調弦劇盜多江海飢民半幅隕冥鴻還避弋市馬未歸燕聖主今宵漢明朝御講筵

庚子十月調驗封署員外郎○作近田草堂記曰少保太宰許公之為近田吟也其仲子亨夫頓首受

年譜卷十

五

命揭之郊居奉以周旋惟謹浙西鄭子為之記曰嵩華河洛之交雄奇深秀鬱為靈寶去城半里有田一區雖阡陌未封而南東可畝亨夫分固知足義不取盈也爾其背負林麓遙合故山而俯溪泉時添新水桃李擁其周行丘陵綴其厚址規洞留雲寄心不競方塘止水涵性有融亭於斯高山流水拱抱几席之前臺于斯豐草長林暎帶坊堦之側於是酌陰陽之中宅茲爽塏選遊息之勝謝彼罍塵比松竹於斯干取棟宇於大壯外樊百堵中堂五楹廉隅修然其直方陞序坦乎其故博儼若

彛訓榜曰近田蓋陶村朝曙雞犬相聞山郭暮鍾  
牛羊下括以事西疇則作息如期以饒南畝則饗  
殮可繼以築場圃則任戴不勞以供賦租則委輸  
易致徒步便於往來經營宜於斯夕詩謂來牟用  
康書稱稼穡克壽信乎蕭垣晏市皆非令圖魏儉  
幽勤斯為本務也若乃侮父母者耻昔人之勤勞  
聽祖考者願小子之迪德或因之而景福受慶丞  
士與吐或因之而廢禮匱神害時望歲聖賢訓戒  
精實詳明九國家之盛衰子孫之賢不肖皆於是  
乎足占矣念哉念哉惟少保公望隆帝宇虞揆殷

年譜卷二

六一

衛教始家開鴻貽燕翼雖手携面命之間皆言近  
指遠之義乃隱括其詞而繫之銘曰乾坤易簡性  
道中庸履素無咎行險多凶言勿尚口行勿飭容  
爾心篤實而貌溫恭紛華勿競耽樂勿從勿動而  
遠徒爾懂懂邁種貽穀莫如老農我苗爾穫我負  
爾春爾祖爾父清白之風守爾家法斯治斯考二  
復斯言雋味無窮厚生正德泛應旁通無怠無荒  
有始有終象賢濟美即此田功賦中麓草堂排  
律云胡峰元峻絕中麓更孤騫却擁盤龍窟遙臨  
踞虎巔斗馬東入海截彼上摩天拔槩留今古長

城跨幅隕鷄鳴日在掌瓜漏水如纏搖落於陵室  
徘徊霽威田山河齊十二禮樂魯三千蘭蕙茲成  
畝松杉不計年時平饒稼穡世亂脫戈鉞值此精  
靈地寧無秀發賢文章韓吏部翰墨柳公權業本  
淄南授名由歷下傳麗詞五色錦彩筆八花磚信  
手高襟賦論心種葛篇讀書仍破卷雄辯復驚筵  
意氣風雲動詮裁藻鏡懸象鞮通禹甸騷杞諗周  
編下榻皆徐穉談經失鄭玄壯圖存鼎鼐結志寄  
林泉白飯晨初熟青藜夜獨然蚤期呈豹隱小築  
旁牛眠一了蒼生念還隨綠野緣

年譜卷二

七

辛丑正月調考功署員外郎○詩寄費生云憶昔洪  
武中我宗邁奇變爾我甥舅家保育危如線邇來  
百餘年骨肉相依戀世世結婚姻恩義金可斷吾  
母爾祖姑憐爾中哀散爾來寓吾廬孤立持楨幹  
我茲宦中朝留爾守阡陌別後今幾年規言聽孽  
畫養蠶復養魚種田須種麥墻籬布桃梅墳墓修  
松柏歲時贍宗親飢荒賑佃客升斗必齊同等兌  
無折閱稅糧依程期衣食甘粗劣足跡避官衙口  
言戒欺啜莫謂天可瞞蒼蒼僅咫尺莫謂眾不知  
神明在堂宅積善慶源長結冤路頭窄但憑強暴

侵天理有順逆但憑譏誇加人心有黑白保護我  
田園兩家綿世澤爾不解文詞俗語我迅筆事事  
皆平常向句都老實違此受煩惱信此逢康吉丁  
寧復丁寧我有歸來日○二月充會試同考試官  
○七月調文選署員外郎○十月陞驗封署郎中  
○十一月調考功署郎中○記躋古堂云余曩耕  
海曲聞河南默齋許子既來京師知許子益稔今  
年夏許子去南京為光祿問余躋古堂記余惟弘  
農分陝靈寶其壯邑也嵩嶽山川遠近包絡爰有  
泰山乘離戴午悠迥磅礴雄秀萃焉衍為豐原駢

年譜卷二

為巨壑方田曲澗市柳回塘稍稱幽道尚未入其  
奧也載陔載降屢峻屢夷既蹇產以循流復觀擊  
其失運於是脫西峪之阻而開南村之實懸磴化  
為周行叢崖豁乎明野宛然又一區域也始有居  
民什伍為族陶而穴耕而牧婦子相携衣食自畜  
人憎其野我狎其樸再引而南匪涯匪麓益溥而  
長若往而復山嶺巖阿立形點陸高不乘嘯廣不  
聯坎卜築於斯可邁可軸所謂躋古堂者巖然擁  
門庭而殿寢整矣嗟乎桃林自今桑稠非昔險境  
雙嶠闌蕪兩號韓秦更哀漢楚交厄烈士辭人聞

夫俠客紛狗世以翹名竟煙蒙而草藉遊息登眺  
之餘得無有槩於陳迹乎余聞許子結髮讀書即  
耻回通深畧壯圖憂先漆室顧夫歲月如流神精  
易軼多病寡交誰我同卹既無裨於經綸徒有傷  
於跼躄斯堂既葺聊以自警吾上信美初服可修  
或妬危而奮翼或履坦而旋軻或歸縈而早退或  
靖獻而晚收我出我處孰悔孰尤信斯言也固將  
塞移文之誚謝捷徑之嘆比跡襄衡而莘傳作求  
也○諸將八咏云狗澗灰泉斷鼓整滿川胡騎下  
山西旌旄霧捲秋風暗刀劍霜拋夜月淒○七月

年譜卷二

九

初旬虜報聞直從白露過秋分東西殺氣方千里  
牛馬長驅幾萬羣○太原天險傍雲中保障今誰  
第一功西顧榆林東上谷漢家京兆此扶風○制  
府魚符縛錦幃將軍虎印卧征徽隔山傳箭催朝  
食對面援兵怕解圍○邊臣累疏竟蹉跎詔問群  
僚發難多陸賈未能調將相武侯安得倚山河○  
連山黃葉落胡笳滿路蒼天哭魯豎殿後屯兵逾  
半月村前流血已千家○鴈門烽火隔龍泉倒馬  
居庸自接連諸將提兵相倚角幾時凱奏蒼皇天  
○朱雀西躔太白消軒龍東指歲星搖即看月掩



旄頭黑定斬單于馬上樂

壬寅正月陝西巡按唐御史劾按察使劉雍參議喬

英覆行巡撫勘無實迹乃參唐御史奉旨喬英

劉雍既勘明准留唐某糾劾不公既行勘經年

並無實迹難居憲職著降一級調外任用○二月

送友守岳州一律云午樓傳詔問災稔此日蒼生

願治深渤海移書新太守弘農講席舊儒林莫耽

吳楚驚人句獨抱江湖戀主心南國風流山水並

千年俎豆接棠陰○三月河南巡按陳御史劾開

封知府賈應春覆行撫按勘無實跡乃參陳御史

奉旨陳某糾言不實已違憲綱又前後舉劾自

相矛盾難居憲職著降一級調外任用賈應春也

降一級賈公後官至戶部尚書致仕喬劉竟不復

出唐止滄州判官陳餘干知縣○四月與西坡書

云承翰教知節鉞滋廣寧極喜藩輔干城之類願

今各違事勢甚可慮計省局於節財專閭窘於乏

餉時有抵牾似非中外相應之體重以文法用人

尤難展布執事舉望素隆願野共信當此時必有

長畫愚書生不解事竊意鎮兼古遼東西之地

唐虞幽并二州也是特江財賦未入版圖備邊

之費未嘗告乏或謂古無虜患然尚書蠻夷猾夏

亦以為憂至唐人雲帆遼海稔稻東吳之說似亦

轉粟江南今遮洋一總人不能至遼東西矣國

家專以鹽利供邊鹽政壞於折色於是邊有曠土

野無歲穫權豪之家一切專利折色益輕穀價益

重司徒祇見發金之多成卒竟苦待哺之急恐意

外有虞所費益廣不識何計可以克邊庾定士心

執事大臣重寄幸剗白剗切為聖天子力言之

豈特東國之幸生懷此未敢告人人亦誰肯念此

及今不大為經略恐後無可措手柰何冒昧陳之

知不我罪請也○五月後劉方伯書云三書海論

動擊讀之如奉顏色感或無量潢池之警中朝極

為楚憂近聞撫捕有成又得明公旬輯於上萬無

大患但流民生理未復定中作後方殷公私窘困

武備懈弛恐渤海雖寧而潁川伏變况水旱蝗蝻

風雹將半天下即江東伍郡財賦之區今歲亦食

樹皮草根矣明公譽望愈隆即日責任不止方隅

匡濟之策豈鄙人所能測幸不吝教示○六月再

考實授考功郎中○七月朔日食星見聖諭夏

言肆縱恣天性已成不遷於忠謹敬畏言官係朝

廷耳目一犬不如專一聽受主使朕以香葉束髮  
巾命用皮帛鞋以便跪起盤坐言即曰時人正瞻  
目而視不可言官不為國思報但只欺謗君上弄  
法舞文排擠忠直貪生媚竈通不聞一言片疏論  
奏糾發今日神鬼亦怒諭播中外欽此於是科道  
各會疏劾貴溪道疏奉 旨祖宗設科道官為朝  
廷耳目這廝每全非人類但結合欺罔不思盡職  
業不過歸惡於上謂言出禍隨君人不明耳喬佑  
等為甚并沈良才等吏部會同都察院從公盡誠  
考選分別去留來說科疏奉 旨已有旨了欽此

年譜卷一

十一

公具考察疏云考得監察御史喬佑等四十員都  
給事中等官沈良才等三十三員官居臺諫職任  
耳目既不能愛惜名節又未嘗曉知治體惟欲是  
已而非人輒敢徇同而惡異或經年累月論建無  
聞或屢牘連篇煩瑣可厭方夏言輔導不職莫肯  
指實糾彈至 聖諭切責甚嚴猶且互相觀望上  
負朝廷好問好察之誠下失臣子危言危行之義  
罪狀既已甚明罷黜亦不為過伏蒙 皇上曲賜  
矜容特令臣等會同考選益見 天恩慈厚王道  
平明寓仁覆於震疊之餘靈威嚴於包荒之下及

看得科道建白本頭各該掌印輪流具名至於平  
素挾邪臨時主議固不係列名之先後也臣等祇  
遵 勅旨參諸素履從公考選分別等第應請降  
者調降外任應留用者通加罰俸伏乞俯從臣等  
議擬奉 旨是喬佑等這廝們職任言官寄以耳  
目專一黨附權力欺蔽朝廷夏言輔導無狀不敢  
指實糾彈及奉有明旨仍懷觀望顧忌好生姦諂  
誤國本都當重治姑依擬分別等第發落喬佑等  
三箇并高時都降一級調邊方外任何允魁等九  
員各對品調外任王珩等三十六員姑且留用各

年譜卷一

十一

罰俸半年賈大亨等二十四員既選未久姑從輕  
罰俸兩箇月欽此是時分宜為禮部尚書初見寵  
信欲入閣貴溪阻且擠之遂結怨謗聞於內未  
發會日食方復圓百官出禮部 聖諭即下科道  
官悚懼方劾貴溪 上遂怒左憲毛公伯温堅欲  
乘此用考察例將兩京科道在京在差丁憂養病  
者通行考察盡去曾劾分宜者公堅執不從往復  
論難直至初五日方考臨時毛即言首相去位必  
及科道張羅峰去六科十三道掌印官俱為民今  
亦當如此庶 上怒可解許公顧公曰何如公應

曰此恐不同羅峰去時不曾下部院考察內批竟  
罷斥今下部院 聖意可知况此非時考察豈可  
過求毛乃曰長官任得此利害便罷我輩不過罰  
俸耳又曰若從輕必廷杖禍尤烈公應曰既做此  
官又值此事利害顧不得又問何以處之公曰道  
中䟽通無効語應多動幾人毛曰二䟽一旨與羅  
峰時同安得分別公曰羅峰去時二䟽一旨皆御  
批今道䟽批許多話科䟽只云已有旨了又云喬  
佑等為甚 聖意甚明毛又曰兩衙門本頭都該  
動公曰直該動道耳毛問云何公曰道不肯做本  
頭推與別人甚欲互相訐奏今早方送揭帖豈不  
是才力不及毛默然曰長官欲止改調乎公曰亦  
須分別重輕許公先期定議至是不言但云今且  
逐一說去還叅酌素履公曰最是二公始下筆御  
史二人都給事中一人降一級調外任御史六人  
都給事中二人給事中二人對品調外任毛曰止  
此乎公曰人太少恐 聖怒未得釋然欲將存留  
六十人俱擬罰俸 聖意或可解毛不應許公曰  
亦須分別輕重公曰欲將任久三十六人擬重加  
罰俸選用纒及月餘者擬量罰許公曰是遂收簿

年譜卷一

十四

毛曰既不斷根人數又少長官須收拾行李我輩  
得奪俸足矣許公曰旨云考選不云考察恐不至  
此司官既肯擔當堂上有何不可即日上䟽公宿  
部候 旨同察因科本頭不動皆為公危初七日  
早 御批允下○八月代許文簡公擬上監國議  
曰恭聞 聖諭欲令 太子監國下羣臣議臣等  
昧死謹上議伏惟 皇上天德高明 聖學純粹  
即位以來敬天法祖憂勤民瘼四海無虞庶幾平  
治邇來偶值違和旋資靜養尚秉離明親總乾斷  
禮樂征伐尤極留神華夏蠻貊方深欣戴詎意  
聖諭下臨暫解機務委重 東宮正名監國少俟  
康寧再履臨蒞臣等驟聆 天語殊切冰兢反覆  
籌思無能奉荅伏念 皇上早登大寶綜理太勞  
南望顯陵孝思迫近遭慈難跋涉遙途遂致神  
情稍減血氣似衰然天保聖躬萬壽無極即欲再  
加調攝但宜少停朝講豈可高居深邃盡却奏章  
恐 天心為之變淪 祖鑒為之憫惻臣工為之  
疑懼民庶為之徬徨群情易搖國是難定臣等未  
見其可也臣等又敬念 皇太子英資天縱岐嶷  
口新面頰儲瑞躬寧宸慮君臣父子言順事成揆

年譜卷二

十五

之國體合於經義但在冲年未離阿保出之禮  
尚遲攝衣之期太速况若釐於政務不免親於  
聞蚤暮寒暑之間或未安於蒙養左右携持之際  
倘遂干其事權官府一體豈能均適文武大臣脫  
有異同皆足以致繼述之憂而為佑啓之累歷觀  
往古中國帝王未有如 皇上龍顏鼎盛之時青  
宮鳳寢董觀之日不出房闈而遽行授受者况漢  
唐監國皆非令圖或禍起蕭牆或變生胡虜或君  
有貞疾或國有大憂豈皆無故為此非常我朝  
成祖文皇帝內欲定鼎於燕山外欲攘胡於漠野

年譜卷二

十六

每一往來動經歲月 仁宗皇帝時在儲位年壯  
德成學明政孰聽斷萬幾皆當事理當是之時或  
道旁送迎或膝前誨諭或緘勅手開或秉筆繕奏  
內防奸宄外懾梟雄情理若是其流通防閑若是  
其嚴密猶且讒言易入疑隙易生留輔諸卿官坊  
庶職動罹詰責久羈囹圄人情事勢又若是其難  
也去年 皇上南狩承天北歸閱月雖有監國之  
名未較聽政之實以是朝堂帖然遠近無議今欲  
遂舉 四郊 九廟百官付之五六歲之愛子俟  
之一二年之遠期臣等詳思却慮博謀廣詢斷然

皆以為不可伏願 皇上急回初意俯徇輿情清  
凝思慮恬養精神暫解雞鳴之朝尚親象魏之政  
常行事務成憲具存重大政機審謨臨斷仍勅內  
外大小文武群臣務竭犬馬仰答乾坤既不得受  
直怠事甘守故常亦不許出位侵官苦肆凌奪其  
有不忠不孝暴橫劫持上干天刑下貳民志者許  
言官不時論劾請 旨究懲以消巨凶以懲不恪  
如此則九重享和平之福萬邦解流傳之疑 皇  
太子亦得保貽哲命不養聖功他日謳歌朝覲下  
切群心鴻謀燕翼上承洪庇矣○十三道會劾各

年譜卷一

十七

廢撫臣大同龍山西劉宣府楚保定劉陝西趙湖  
廣陸山東李勛陽詹延綏萬河南魏兵部張戶部  
李奉 旨吏部都察院看了來說時憲左毛副詹  
周梁皆江西人十巡撫中江西三人許文簡公先  
期與毛公相議不及盡言及會議時一一評品相  
合惟江西三人浙江二人議不合毛公曰李子庸  
少立名節鄉評素重公曰豈惟江西海內人亦知  
之但四川山東事指摘甚多今須全其名節官亦  
不斷根議乃定覆稿云龍劉禁萬先該臣等查議  
奉有 明旨龍劉革任候代聽勘萬楚改調訖今

議得陝西趙蘭州失事陳卿罷開形迹可疑議論遂起然其才識可用地方相安湖廣陸迎駕作陵累効勤勞况近因廟建奉旨久任併叙陞賞河南魏連年備虜頗盡心力俱應留用劉政令過嚴固專意於防患民力未堪遂失審於下情勛陽詹本等年資才器尋常一陟重任遂致人言山東李行雖簡質而操履無議事每迂濶而幹濟不前所據各官既被論劾通應議處合令趙陸魏照舊供職勉圖報稱劉遇缺調用詹李回籍聽調俱候交代離任各官員缺另行推補再照國家設置各邊

年譜卷二

十九

巡撫都御史令其贊理軍務調度兵糧禁革奸弊以安撫地方至於臨敵交鋒先登陷陣保障人民固總副參遊諸將之責即今山西諸將擁麾接壘遇虜不戰見敗不救以致地方十分殘破誠如聖諭所謂今夷犯華如蹈荒原又曰毒我邊民朕心可寧皇上憫念元元至矣夫民出賦稅以供軍軍振威武以衛民本相須也况山西一省錢糧不入京儲專供邊備今將不奮勇軍不效勞腹裏人民累遭殺擄今日之事必須將官巡撫同心戮力各盡其職有功則並錄失事則併論庶幾邊方

有賴又看得尚書張李俱係部省大臣責任尤重委否廢職莫逃宸鑒今經論劾前因去留出自朝廷臣等不敢定擬奉旨是趙陸魏俱着照舊用心供職劉調用詹李着回籍聽調俱候交代離任張李已有旨留用○九月與錢海石書云兄謝青瑣逾年凡在善類孰不倦倦願聖明賜環吾兄結綬幸拏力自愛無負四海清議嚮往之情生株守於此低頭風塵欲得外補稍試吏事能解否若精神頗得展布經歷十年或堪驅策倘遂清談無補便當歸耕白首無悔迺日夜切心者野多遺

年譜卷三

十九

賢朝寡推轂開門之詔雖頗塞路之讒甚巧此於世道可憂非細家鄉荒歉賑贍之責恐不獨在有司士族富家皆有親姻鄰佃之愛亦師教價倍昔皇穹宇沙河行宮及城垣次第告落雷神殿又鳩工召徒矣交南之議勦撫相持未有定擬江南嶺北恐未得專意春農五岳中麓大相矛盾密語曲謀盡白群聽可駭可嘆可憂其中乃或波及秦谷何也皆吾兄好友近日名流今且若此便祈不吝言教○十月都察院題近年撫按劾官下至丞尉甚為失體今後御史出巡六品以下官貪酷顯着

即當擊問不許槩劾奉 旨所陳都依擬務要著  
實舉行各見在地方巡 御史即宜精白奉揚勿  
負朝廷簡命如或故違 治不宥欽此吏科以為  
非便題下部議議得府 縣正與州同知衛經縣  
丞俱是六品以下官除 該撫按徑自問革尚有  
該撫按徑自問革尚有 心疾罷輟素行不謹等項  
法僅止於去官罪不至於 擊問即欲究治恐無告  
詞輒行訪察又違明詔 况上避深刻之名問發不  
過數人下為俸脫之計 奏辦動經案歲若一槩不  
許論劾止填考語案候 考察不惟廢缺民事無以

年譜卷三

三

磨礪人心其間債政 殃民為害不淺至於 論薦不  
遺於雜職糾彈獨限 於品官似於勸懲之間 亦非  
平明之體及照浙江 江西福建三省各止 有知州  
一員及各府同知係 五品官其餘知縣俱 係六品  
以下官所管縣分大 者三四百里次亦一 二百里  
比之各省府分有一 府不及百里者其關 係生民  
休戚地方利害治有 甚焉而通判推官係 在外四  
品衙門堂上官皆有 錢穀刑名之職又或 署府印  
或掌縣印及有兵糧 賑恤河渠各項差委 責任亦  
不為輕豈可比之州 縣佐二衛幕等官一 槩不許

糾劾合無今後府佐 縣正官聽撫按指實 論劾本  
部查覆請 旨去留其餘 六品以下州縣佐貳 衛  
幕等官不許一槩濫 劾備數 旨准議行

癸卯先是朝覲前 一年各地方有事撫 按多至八九  
月間方行奏留正官 及至部覆准行到時 正官已  
多離任無益地方有 妨政典是時山西迭 遭虜寇  
深入公不候彼奏二 月即題云山西地方 連被虜  
寇并里蕭條即使戎 賊遠遯亦宜加意撫 綏况節  
據擒獲姦細走回人 口皆言今年夏秋虜 復聚衆  
窺伺九府摩瘡痍供 給軍餉繕治墩堡團 練民兵

年譜卷三

三

各該文職正官皆有 責任若照例來朝不 惟缺官  
誤事未免勞費民財 欲候撫按奏至題請 尤恐各  
官預為行計假公營 私巧為推托畏難避事臨 時  
益為難處所據山西 司府州縣各該應 朝正官  
相應留任共圖邊事 止令首領官吏齋冊 來朝亦  
要九事節省不許科 擾其於民情軍務均 為有補  
奉 旨是山西司府州 縣各正官准免來朝 着加  
意拊循地方防禦虜 患誤事責有所歸○ 吞盧嘉  
興書曰人至備諗雄 才偉政任事直前往 往以此  
受知然亦以此致謗 但如均稅覈田二事 生所深

服極頭奉行以為他日子孫貧弱之地故縣糧長  
并押運等役往往財囑審官或請寄鄰宦其所親  
見聞者以是千萬金產乃脫後而使數十金產代  
之青天白日恐不如是糊塗也君子立身有義有  
命毀譽萬端何足較况有譽無毀未必君子伏祈  
留神○又書曰昨這僕歸曾復均稅覈田事是時  
恐或尼於豪有力者草草條其利害極望有成不  
意石江中丞暨少谷君子亦竟不能排衆難畫此  
百年規可嘆也即事成豈能保百年無弊顧緩急  
何如此法不行數十年後雖愛有力者田連阡陌  
皆為鳧鴈雀葦之場貧民流徙飽暖之家里中人  
相援就貸勢且必至我朝東南賦法三變矣今之  
不可不變甚於周公况公時嗟乎誰其任此執事  
努力為天子牧養斯民寧惜任勞任怨即譽愆一  
時未若功在百世况不任勞怨譽未即得任勞怨  
公評或不可混惟高明裁之明年飢流民果從富  
家就食又明年郡守趙公遂均稅至今賴之公之  
陰贊力也○五月蜀府長史高依倚權貴苞苴公  
行內外交結輒起四川藩司文移赴部考滿公疏  
云大明會典開洪武三十年例王府官及護衛首

領官不考覈自洪武著例到今未見有一長史九  
年考滿起送赴部者楊一清建議之初節奉明  
旨吏禮二部便會同查議如係我祖宗成憲勿  
得紛更如係臣下建白非可為例今尚施行者奉  
未定奪欽此及至議覆之時失查王府官員例不  
考覈起自洪武三十年止言長史九年任滿該府  
具奏本部查處奉有明旨長史等官果有才行  
可稱的與門官一體叙遷擢用亦不曾許其  
九年考滿赴部洪武著例正是祖宗成憲  
豈敢紛更覆議不過臣下建白未可按據况  
奉有明旨祖宗成憲勿得紛更且蜀府長史  
任滿九年本府留累陞正三品服色俸級  
比諸在內列在外按察使官高俸厚今欲陞服  
色俸級則遵保留故事欲圖叙遷擢用又援建言  
新例意欲一任九載陞俸改官一舉兩得貪榮嗜  
進孰甚於此自知犯例恐致駁查又復托稱舊患  
氣息不能進講要比教授舒文明胡慎事例迴避  
改官情詞展轉參照高某妄稱新例故違成法欺  
罔親王干撓撫按若不重加懲治各王府大小官  
員做做成風互相援比變亂舊章將無紀極但本

官到部即告老病乞休似應姑免提問照例  
事例致仕 旨下允行○南京官考滿違限例參  
送問餘姚李公時為南司業違限一年權要人言  
翰林官不得送問堂上官亦然公言未嘗見此二  
例查參送問權要大恨○工部郎中等五人先  
以事添設後事完咨回吏部改選未及改補工部  
增減那移月日咨送給由查得官吏給由必須磨  
勘年月歷官新條豈得任情增減况已咨回吏部  
聽用未經銓註既非工部人員却於何處復職既  
不公座似難支俸既不支俸似難准歷宜候銓註

年譜卷二

二十四

通前扣足三十六箇月准作一考給由引奏復職  
工部又以為恨○大臣卹典祠祭移考功覈報入  
疏議請例也張司馬某呂少宗伯涇野相繼物故  
奏下禮部欲與張祭贈謹止與呂祭祭公論  
不平祠祭移考功查尚書張曾否考滿有無被劾  
并奉 旨去留緣由呂曾否考滿考功回查張司  
馬生前屢被兩京科道等官周怡等論劾幾數十  
疏聯名幾百餘人至於沒後都給事中沈良才御  
史何贊等尚有餘言事干清議有礙行檢具載邸  
報人所共知其被劾自陳留用係文選司掌行侍

郎呂歷任四品二年有餘三品已及三年文行  
名始終無玷因災自陳致仕未經考滿所請卹典  
相應議題分宜大怒考功文移一字不入疏禮科  
亦付之不知張竟得卹典呂止祭祭○向時大臣  
被科道論劾 旨下吏部往往不即議覆待其自  
陳以示朝廷優禮之意分宜用事苞苴公行或即  
於疏上批留或於自陳疏上溫獎或不動大臣而  
言官反被斥公入考功如沈良材趙大佑殷學王  
暉周怡所劾大臣 旨下即覆仍分別所劾是否  
以俟 聖裁諸大臣又大恨○撫按劾外官 旨

年譜卷二

二十五

下吏部考功不即議覆貪污幸脫反謗撫按緣劾  
本一至誰無親故在京周旋惟疏到即覆則請託  
不暇同寮問公若不詢訪何以協公論公曰此無  
他各巡撫推陞巡按更替即知前任劾本將至先  
取司中三年間各官考語備看一番將屢考不職  
者寫一小帖封數重置笥中待疏至一對同者去  
否且留疾雷不及掩耳請求囑托非錢不行措辦  
未及部題 旨下矣○吞沈龍山書云曩歲登海  
城兄謂鄭子有僂骨不意誤入樊籠遂爾昏擾時  
時念我竹樹池隍神魂飛越茲接來論如對顏色



相待不淺淺豈敢負教顧山林鍾鼎殊途子房孔  
明長源未易學也畢竟耕漁樵牧其職易稱輕絲  
淺履大笠長簑晴雨皆便焉能齷齪風塵中絆此  
百年身勞勞苦苦耶老雖粗衣粗飯不厭大兒入  
歲能讀書小兒六歲能拜跪矣諸胤森森想皆嚮  
學益可愛時一笑語益增白雲之思否世事白衣  
蒼狗不可言不能言不敢言正人君子知有已而  
已歸山一策委身殉國二策舍此無策幸努力自  
愛他日相公無相愧可也比見繕葺無休時士大  
夫好利無講求官職此關治亂安危非小故南

李

卷上

蠻北虜不口憂憂乃在此此其斡旋轉運之機固  
自有在弟極寡父或謂鄭生孤僻非知鄭生者嗟  
乎焉得坐就幽山於上握手接膝出肝膽相規切  
求度世延身之術仰對青天白日也使人立候草  
草奉舂殊不倫次便希不吝教言○公在考功九  
事不關白內閣即內閣微露風旨亦若不喻以故  
甚不悅不欲其為文選文選過一缺必數轉人競  
逐之不若考功事易斷絕會文選高公出部文簡  
公欲調公公曰稽勳王郎中先入吏部先陞從五  
品又先陞郎中相應調用屠直齋亦借勳調文選

文簡曰爾俸深科第又深且實授郎中又考功調  
文選為順何為固辭我在部六七年只見人爭調  
不見人相讓此仕途美事人不及也遂調王稽勳  
文選王名與齡字受夫山西鄉寧人潔廉方動在  
文選直已行志內閣凡事沮撓王遂疏言程嚴兩  
閣老納賄囑托月無虛日渠輩之請托如水臣等  
之罪過如山二權奸主之於內群鷹犬和之於外  
臣等禍必不免乞嚴黜呈稿文簡公發下即日投  
進上不说王削籍去員外郎吳伯亨主事李大  
魁周欽皆調外周亦山西人有學行以御史改官

李

卷上

察疏言山西虜患貴溪惡之降府知事王知其事  
再陞文選主事分宜意公與王相厚疑疏出公手  
又疑出周手王既去文簡公謂公曰衙門事至此  
須得人支撐今不得已相勞數月不可再辭○七  
月調文選郎中是月即行取外官補科道往時具  
揭帖開姓名請內閣去取惟命公不復關白先將  
推官知縣素無善行得薦舉者七人推陞知州通  
判次日上行取疏止三十六人往時行取者或公  
論不容又陞通判知州同知此三十六人至京公  
已謫官皆得科道部屬歷官至京堂者今已二十

人○與劉五泉書曰執事內附殘傷外捍寇虜無假三捷坐收萬全第今之議者輒言調兵竊意臨期徵發則奔走勞憊不堪應敵先事留屯則芻餉艱難末從支給莫若計調兵之費為卹民之資盡將太原府軍民今年粟米力役之征一切蠲除專令各立營堡共習武藝官府稍為較閱量加獎賞不以文法拘繫誤其生理所缺器仗亦稍辦給仍諭以父兄妻子深警努力報虜虜至不戰必死戰未必死激發義勇使有固志其所蠲除錢糧更請朝廷補給蓋供一鎮三王及官軍俸糧皆不可缺

年譜卷三

十一

大約三十萬金足矣如此山西之民自足捍虜執事訓練強兵分為四營半屯三關半屯腹內東西二路遙振軍聲作勵民志太原必無虞患山西勁捍之夫又得執事撫臨於上茂不濟矣但恐此賊不窺太原直犯漁陽或出上谷東西為禍不小此時又賴公東行前策亦可放行東鎮恃愛及此杞人之憂出位罪甚○缺南祭酒公不問內閣推馬公理江公汝璧內閣益不喜謂文選侵官徐相公時為北祭酒亦謂公曰兄推馬伯循人皆謂兄為已地公曰兄試觀今翰林學行年資誰過伯循者

旨不允令另推右堂張文隱公曰內閣意在關子公曰知之今當另推翰林家食者王太泉佐三渠用賓文隱曰脫又不允奈何公曰三推尚有兩舊祭酒王舜渠道倫白山以訓如又不允郎中當求出耳 旨下用太泉○答仇謙謙書云尊翁至接手書開緘宛然如對顏色喜可知也生低頭塵盆中方日夜圖歸海曲吾兄顧責我功名左矣試觀大笠生骨相器識豈雲臺煙閣中人耶期我明春春明之會度爾時大笠生已鼓楫江淮間否亦迺流遡洄於潞衛之交矣○又與馬石渚書云久淹

年譜卷三

二十九

閩中極知吾兄非有嗟卑嘆老之意推較英賢者不得辭其責幸勿以瑣瑣外物介懷若無能自樹畢竟與草木同腐雖極品官何益吾輩所恃不知在彼在此一笑笑○時吏部缺司官四人諸富豪倚權貴求甚急公請於許公用行人羅公廷繡照磨劉公養直主事路公天亨知縣李公棟未閱月又有稽勲考功郎中缺奉 旨吏部司屬還照先年例於各部訪舉務在得人不得濫將知縣推官一槩升授欽此時趙文華為刑部郎中依分宜必欲入吏部公告許公曰往年黃植在文選調驗封

李開先為考功郎中 旨云明年朝觀考察如何  
文選考功俱用山東人今郎中承乏文選又調文  
華是文選考功俱浙江人郎中須出部乃可况久  
不為內閣所容須引避耳許公笑曰考功當更求  
之公曰莫如武選郎中傅順若稽勲可用文選員  
外郎錢公邦彥許公曰 旨令外調豈可用本部  
人公曰調外部一員用本部一員亦無不可許公  
從之疏上得允○與呂中丞書云盛使南歸曾附  
短笞大丈夫矍鑿龍驤與時舒卷小人恒以尺寸  
進退毀譽低昂方為有識所鄙彼顧自謂反覆為

年譜卷三

三十一

隨時論諛為清議至欲生人死人以自快意可嘆  
可駭弟碌碌於此每有煙雲海島之懷有便專望  
教言不吝海野五岳中麓皆近時名士竟不能相  
容逐海野為其壓已也任李之交奚帝王貢一決  
其忿密謀曲計盡洩割牘傳達朝紳為眾嗤笑蜀  
道不如其險浮雲不如其變也弟久耕海曲乍見  
此等機械寔為寒心海野詔獄幾不免謫戍五岳  
削籍幾不免廷筮然海野野野野野有之本無中傷察  
友之意五岳方以去海野為巧而不知人更以去  
海野之計去五岳也嗟乎深長思之筆札不能盡

○時各省壯縣多缺知縣進士已選完無可補者  
乃通查京朝官失朝失祭及被權要中傷者陞補  
公又以後年京察南京考功須得人擬陞周鈇南  
考功主事餘皆陞府佐縣正會分宜欲陞于世蕃  
尚寶司丞甚急公持不可張文隱公曰李叙庵子  
白衣徑除尚寶少卿世蕃以治中轉尚寶何不可  
公曰特恩與選法不同皇親有白衣拜都督者特  
恩也世蕃既以官生入選歷都事經歷治中自有  
知府可陞陞後乞改乃有例分宜聞之不喜諸鑽  
刺求調吏禮兵部不得者飾語激怒之分宜遂密

年譜卷二

三十一

疏公專肆并指周鈇等謫官未逾年遽陞為抗  
上市恩遂票陞周鈇詰責及回話疏上票旨公及  
周等皆為民 御筆改公降三級調外任周等竟  
為民分宜即日疏乞陞世蕃 旨竟陞尚寶少卿  
公降和州同知○和友兩律云江湖原是險立壑  
本吾情去國輕王粲為園憶邵平乍逢春雨暗漸  
覺暮雲晴一笑雙蓬鬢耕漁足此生  
甲辰二月至和州清軍勘災請兩賑飢見宋人謫官  
江北詩有云除却借書沽酒外竟無一事擾人間  
公和曰公門雖設書長關山色江光滿座間有酒

懶斟書懶讀更將何事擾人間○荅唐荆川書云  
昨夜坐承教極感更復思之鄙言亦未可盡謂剛  
愎吾兄云小弟未諒尊意得無以隨聲雷同心非  
口是轉變如游龍挑達如炙轂者為知己耶君子  
既有用世之誠必有處世之術眼前身後咫尺萬  
變胡可任情自是酷拒人言推群衆於泥塗強愈  
謀為俗論也白馬唐無國丹書宋有碑慎哉兄既  
以潔身全名為古今大題目一去決矣耕牧樵漁  
別有生理商李之書何必索觀既不能忘情斯世  
恐昨云未為禹謨周典極知干冒勿罪○十二

年譜卷二

三十二

月陞南太僕寺丞月望已卯季子履洵生于州寓  
○望子房廟一律云西風嫋嫋隔河津何處留侯  
廟貌真恩義五朝須事漢英雄三戶竟亡秦亦松  
草草非無筭黃石惓惓信有神出處平生還自愛  
不妨江海一綸巾

乙巳閏正月還家歲大歉米貴甚族親皆乏食公租  
僅辦糧乃粥新橋房一所價三百兩得米三百石  
分贍親族急買菽豆共麥并家田米自贍是秋疏  
乞致仕不允○荅王同年書曰白日不可留一別  
忽更七載中間備嘗滋味大抵畧同邇來觀聽似

天於善類不甚愛惜者俊彫落與髦摧挫安得喬  
木百圍新松千尺耶此於氣運人事大為可憂未  
審何日得奉顏色出肺肝共圖出處也○荅金王  
厓書云君子用世志在安人上焉從容廊廟進退  
臧否次焉旬宣方岳興革利害下焉躬耕畝畝保  
輯里閭皆各行其志而已內外顯晦清濁非所論  
也江湖滿地後會未期白露蒼葭無任興感○荅  
沈龍山書云余數友皆海內名士有才志能文章  
達練時務一遇寒產即低頭變面庶幾附會功名  
以自濟其真升躁進之私竟亦不能枉尋而直寸

年譜卷二

三十三

雲泥鴉鳳先後兩截百年之身受此緇垢吁可惜  
也士習水靡不憚神人敢於助虎翼蛇中傷善類  
君子不論遇不遇但當抱此丹心上對天日勿自  
倒墮耳人之精神心術日洗日潔日勵日健反是  
日汚日頹矣縱生不見容亦當住氣葆神死而烟  
烟見稠稠不懼入水火不濡遇良朋先達君子不  
愧使輪迴之說信有之決不墮入禽獸即為禽獸  
亦必麟鳳鸞鶴倫然自適於清平高朗之鄉此豈  
可與庸夫陋士談哉昨偶觀宋時事見秦丞相專  
國十八年善人君子逐斥一空其後幸而不死者

起而復用又率喪其平生大不類與秦爭是非時此其故何也得夫抑鬱無聊困挫之久亦歎志快意肆情不暇顧四海清議百年公論耶又思正德時斥逐諸君子亦類是於是益知君子之強非苟焉意氣感奮一時之間而已必其充養有素擇乎中庸者能之執事以為何如○讀陶集四八月書曰淵明先生有云漢稱田叔孟舒等十人及田橫兩客魯二儒史並失其名夫操行之難而姓名翳然所以撫卷長嘆不能已已也淡泉子曰嗚呼古之君子固為已非為名可名在我而沒世不稱亦

年譜卷一

三十四

安可勝悼也幸或畧見行事而不知姓名又寧獨數人哉晨門荷簣儀封人荷蓀丈人皆聰明睿哲君子才優經世志欲扶天非苟為遜焉者顧達時委命與孔孟殊不相妨嗟乎誰能尚友千載默識此心其姓名之湮滅又奚足深恨也乃若陶唐九男孟獻三友單父五賢齊四太史秦二十七諫士萬石君二仲子高陵兩昆弟野王二老軼儒生麥丘邑人烏江亭長泉鳩主人陳留老父孫叔敖之吊客齊景公之虞人晏平仲之御頃襄王之射者太公之家令子房之倉海君趙之方與公韓延壽

之騎卒富平侯之長史與夫裘公愧扎餓夫羞黔漁父憐胥刺客全盜賈人辭荀伶官歌楚力士擊秦廝卒還趙漢濱詰溫彭城哀勝漢陰拒賜東海絕良童子愛魯小兒諷項負苓譏薛箍桶啓程是其人或毀貌飭心以滅已或曲辭長笄以悟人或沐垢茹荼以庇物或殞首匪軀以明義或直情任氣以矯時或遵銳示驚以乘變矯矯真真砥平繩直姚姚密密玉質金相均卓犖間世之英也僅爾行迹可見而姓名寂無傳焉則九雲山遠僻之中江海幽淪之際魚竿牛口之下耕傭春築之間更

年譜卷二

三五

多玄豹冥鴻淵龍林鶴懷珠檀玉隱霧殫霞豈惟名姓沉滅併無詞論可聞行迹可親茫茫宇宙不啻幾何人矣胡其忘世忘名竟甘心泯焉已耶抑有重於此而不屑將命使之然也是以史公董相發憤為文蕭遠孝標感慨典論誠有激於中莫能自已焉者嗚呼好修君子但求無辱於身無疚於心無忝於親無愧於鬼神要之晝無作容夜無寐語生而不虛死而不沒斯已矣即當世姓名之知不知行事之傳不傳不惟不必計亦不暇計矧肯錢役為後世名哉嗚呼觀予言者益不能不撫卷

長嘆也已

丙午三月再疏乞致仕不允○四月陞南考功郎中

○九月令人赴南吏部繳憑張莊簡公不納赴南

通政司告繳舊寮趙雪屏公及其寄憑吏部改限

送至家○十月公病日久不能視曰從此無復仕

進妄想也文憑改否任之亦不復告繳○吞趙左

山書曰某愆過百端動遭齟齬所恃者青天白日

照臨於上大賢君子俯加諒察否且悔吝沓來豈

能逃避惟明公開霽高朗不屑為時俗脂韋之態

至於教治斯民惓惓以敦本務實動生縮用為先

此古循吏也但讒鋒暗刺甚於鬼賊險於山川巧

於貝錦不可不曲防乃若少示包荒姑借顏色中

不可撓而外若無所低昂者此在明公斟酌間耳

恃愛冒貢其愚言不能盡

丁未春西臯鍾公再三促公治目公力辭三月朔西

臯坐守欲公卜治否孰吉公從六言卜之吉得俞

生曰此內瘴非藥所能療必金針一撥即明如故

公不從西臯又令卜之吉公令止治左目用針果

頃刻效舊寮少嚴傳公願考功郎中謫州同陞南

禮部郎中亦久不赴任六月晦家僮忽至書曰

年譜卷二

三六

天威可畏人心莫測若必不起恐禍且至公出問

使云吾王已到南京矣公心疑畏七月二十日即

赴任張莊簡公曰不出固清高然來却安穩○八

月頗夢封君墓感賦一律云玄霜白露徧楓林夢

裏慈顏何處尋點地梅花原隱隱抱村溪水故深

深連床衣緼提携迹滿屋圖書授受心宇宙百年

真自愛低頭懷抱苦沉吟○十月壽先封君序云

嘉靖丁未封君思竹錢翁壽登七旬孟冬已未初

度之辰也時胤子景山先生為納言於留都迎翁

拜壽曩余從景山遊余朴拙不宜於時景山獨能

諒余謂余無他腸直好任已行一意耳已而余謫

江干歸耕海曲出入五年景山時時唁余蓋相違

無後言相逢無愧色者即余不能文顧不為翁頌

且禱乎翁姑蘇望族世業天官官於其鄉明霽通

朗曉暢時務重然諾專以信義懷人人亦嚮慕翁

翁每自謂必當以儒術起家夙夜教景山讀諸經

史為古今文詞問寢過庭義方疊疊景山又能承

順周旋檢身力學蚤有聞望比成進士令高安高

安大治移令縉雲縉雲又大治召入銓曹歷諸司

郎大夫益諒潔靖恭卓然自樹不屑俛仰依附人

年譜卷二

三七

諸郎大夫皆自謂不及景山遠其人以故知翁能  
教子景山報政書上最 勅封翁稽勲郎廟典單  
恩 誥進封考功大夫篤實輝光上孚宸宇制詞  
稱翁端方稱翁孝慎又稱翁鍾仁積善且願翁之  
壽而康也乃今翁愈俊健不近聲利恬然隱約樵  
牧耕漁惟意所適嘗曰父子交相成也兢兢顧名  
節景山得以展其忠勤無復缺慮此人間至樂百  
不可一得者翁恬享其盛晚福其可量乎昔余先  
人允以有教漸磨不肖者皆不在翁後余獨不能  
立身揚名以為先人光寵不孝孰甚焉繼自今勉  
自省惕庶幾無忝所生夾持之力仰藉景山豈淺  
也○十一月陞南尚寶卿○作峽隱巖校記曰今  
年秋余至留都獲拜太宰西磐張公時公報政戒  
行李還朝有日僅得一再見見必道今正人君子  
事規誨余且曰學達於政則簿書非俗吏政成於  
學則章句非腐儒乃今學術日新政體日敝奈何  
其能善治也既送公江舟問余峽隱巖樓記曰此  
吾舊隱子為吾記余惟公晉人也余未嘗至晉所  
謂峽與巖者不知其高大深廣之狀意其在河汾  
原岳之間靈秀雄偉鍾為材賢其為奧區吉壤必

年譜卷二

三八一

矣夫峽可飲飲於峽樂水也巖可棲棲於巖樂山  
也非公仁且知能相忘於斯相安於斯乎公非直  
有見於仁知心目相融而意景相適殆有得於巖  
峽之外者余筮仕職方見公以內臺立朝端朝士  
相指謂曰此臨汾張公逆瑾竊柄時凌百官公卿  
皆俛首下氣不敢出一言公時為諫官侃侃引大  
義昌詞正色與瑾爭是非瑾為奪氣又後十餘年  
國有疑獄未幾有大役群憚巨賅險狠相濟公舉  
望字洽半米疑峻不肯隨入下上相阿徇卒能守  
典法均縮財用諸不便已者輒劾歸公公益堅貞  
持節槩不為動當是時非公為之砥柱縉紳之愧  
多矣乃若旬宣之惠浹於甘棠干城之功扞於疆  
圍城否之辨昭於水鑑約倫之德潔於素絲九公  
懿行更僕未易數非夫政學無懋能然乎公年且  
八十猶夙夜修檢孳孳不厭有瞻淇抑戒之風其  
汲引善類迪訓後進齊疊不倦有君實晦叔之意  
益以占公之仁且知也昔公之隱巖峽也無悔心  
比其出也無改步今其歸也無愧容仁者不渝其  
晚節知者不眩於先幾公其有焉公之鄉後進周  
汝威王受夫今之正人君子性未巖峽候公其以

年譜卷二

三八二

余言諗之

戊申在高寶所司勳臣上直衛五城官守衛事蓋南  
司皆閑尚寶尤閑○荅荊川書曰往日一會便覺  
多言言後即悔悔後復言遂使此心近於油滑轉  
展無忌憚君子改過斷不如此鄭生外補茲惟其  
時官不擇提學地不辭雲貴昨清明稍薦魚菽南  
望松楸愴然興懷斗食逾年兩缺封掃鄭生嘗言  
歸山力田一策狗國二策餘無策一策不得為二  
策不能為下策不可為况鄭生性稟便於為小人  
而不便於為君子鄉隣故老笑談終日恬然無顧

年譜卷二

四十一

忌一接畏途一言一笑皆須深防浮生誰能百年  
何自拘苦若此此鄭生之性所以便為小人小人  
稼圃其極品也○讀晦翁劾唐劄子書曰君子小  
人不相容而致亂海宇流禍後世未有若宋偽學  
之禁之烈也然此豈獨小人之罪哉漢唐衰世皆  
然宋甚矣晦翁何人也卒亦不能辭其過史稱王  
准為相能盡心事上惟以唐仲友故為道學禁痛  
毒善類嗟乎此可獨罪准耶今觀晦翁以淮薦提  
刑浙東仲友不可以淮故私淮獨可以仲友故輒  
數責許發曾不少委曲哉曰觸忤權貴擬取怨嫌

曰得遂夙心免罹非禍曰退避仇怨保此餘生曰

怨仇當路踪跡孤危曰賊吏黨與並當要路曰按  
劾賊吏干侮相臣曰與其失身於讐人之手不若  
得罪於陛下之前嗟乎何其迫也晦翁不能忍准  
發憤至此淮又何足責乎君子愛身明道可不慎  
哉可不慎哉○荅五山書曰得書一函三幅真情  
滿紙高誼何可當曩謫江干幸備翁吏仰荷記存  
曲加禮數數月之間兩拜手教祭之眾惡之中道  
以省過之意比以抱病歸田出入三載之便奉候  
於心缺然去秋因少嚴專使至家休以危語不得

年譜卷二

四十一

已倉卒出門強顏就列不知者謂且嘆老嗟卑其  
知者以為憂讒畏譏然更有進於此者非知已莫  
能諒也執事一言之譽重於九鼎萬端毀譽敢不  
自反古稱友生者相違無後言相逢無愧色今不  
易得矣非執事誰望耶即日寒雲委地淒風縮人  
喬木彫柯新松失色言外可想誠如來諭兩都相  
望何日晤語不能盡不敢盡

鄭端簡公年譜卷之二



鄭端簡公年譜卷之三



不肖孤履洵校梓

嘉靖二十八年己酉三月陞南太僕少卿寺在滁亦無事公管江南馬政惟省事不罰贖多便馬戶○吞錢同年書云敬讀來諭教愛懇至寡然待時後言先行警發尤切苟不奉以周旋非夫也弟寓此交游極少中朝賢英亦未嘗得接言論獨於吾兄時一憤發慷慨知吾兄知我也與其旋進群趨苟食升斗不若歸海上率鄉里力田即今太歉聊可使里族一飽不猶愈於衣錦策肥低頭側足風塵

年譜卷三

中耶涸魚螿龍喻良是竊意既登金閨恐未可自諉於螿魚枯於輒誤入羅網悔無及矣古之才達自附於委曲調停并喪其生平者何限要之真心終為名利所牽姑借詞自解并以欺人終作羝羊亦自愚莫可悔耳頓首頓首不敢負厚意○作當湖里居記曰當湖里居者漸齋趙先生之廬也當湖川谷委抱深秀余三過當湖未嘗不躊躇焉景陵時初縣平湖平湖治當湖至今父老稱當湖云漸齋七世祖友一居新舍力耕種德其徙當湖者蓋友一之曾孫也當湖濱故有榷務趙氏世居其

旁先生八九歲時秀穎不凡喜弄水石草樹置盆缶中差池若山水既壯時時走湖上觀水或登高望海上東南諸山有會意輒圖之久之益精潤意所未盡又能發諸詩歌清遠有思致以故人爭購之先生曰藝成而下吾直自適耳已仕給省請告歸益徙近湖舍東闢隙地疊石栽花構數椽游息其中名所石窓曰吾將於茲老焉比再起再歸益闢後圃湖上雜植竹樹花草無慮百種川湖奇石不問巨細闢徑澹澹高下羅列就中為序芳亭亭中有書萬卷有琴有棋奕博塞技壺觥籌談笑可

年譜卷三

樂之具圃後有曲溪可適當湖時與三四友生放舟觴詠既醉或維舟青草宿湖中雖藩臬郡邑吏非知舊有禮數願見者不見也初先生以程朱易舉進士推官建昌大史羅玘建昌人志先生名宦未幾召拜給事中南科已而為兵科給事中當是時士習稍變言官采聽風議依附順旨論事猥瑣先生獨持大體戶兵兩尚書有時譽顧其子弟通鹽賈邊帥覓金錢先生疏論引古誼律以廉耻兩尚書竟引去大禮議起先生暨廷臣伏左順門哭諫不可竟下詔獄朴於廷其後拜給事中進都給

事中也得與朝廷大議先生不屑俛仰權貴人怵好語君無異我卿佐可得先生益堅飭自愛權貴人亦益忌之出先生山西參政先生至纔六閱月又不能馳驅懇疏乞歸考功曰是端靖有才識者請賜告需後用內批竟致仕致仕歸當湖三年雲中遼陽戍伍囂譁關隴三鎮虜入塞殺掠吏士朝廷方急人公卿臺諫合詞薦先生亦竟不肯起余友數人皆海內名士一遇蹇阻即俛首改顏易其平生自期附會功名然竟未有枉尋直寸者嗚呼百年此身殊非易得雲泥鷺鶴千里毫釐惜也端

全譜卷三

三

方諒達如先生乃竟老里居何耶余與先生同朝先生出處大節皦然固非利毀巽避區區全其身不出門庭者比作當湖里居記

庚戌二月陞南鴻臚卿○作王氏世行錄序曰相山王先生曩為文選大夫余從之遊臭味相與也別且四年相見於和陽懽甚不信宿又別去南都南都與和陽江東西相望甚近書問時往來一日緘世行錄示余曰此吾家乘子宜為叙余素拙於詞藝相山意願有在文不文非所論也叙曰西蜀合陽王氏世積淳謹力田修行愛遺鄉曲風流縉紳

至於今可數而知者將十世矣乃今錄中所載處士名臣皆友民之壽俊國士之秀達而閨閣之內又能效勤蠶績致孝蘋蘩易稱積善餘慶如王氏者非耶夫累締於先敷遺於後發祥受祉濟美象賢信順不訾左契斯允非直人理蓋有天道焉相山固王氏之良也約已堅貞遇人方毅簡學中秘效政三曹爾乃秉銓標鑑高朗清平望實兼收賢愚無滯拯良抑競任怨却恩義色昌辭雅仗名節王氏百年之積寔於相山發之余嘗恠夫古今英俊之士類經險夷蒙毀譽尚先勁後回一敗塗地

全譜卷三

四

遂使讒娼之口得為知言豈不悲哉相山行潔珪瑜而心孚天日固確乎不可拔者念爾先猷永茲世德庇其宗姓而授之儀刑光啓之功未可量也嗟乎貽孫者以燕翼為慈念祖者以鳩宗為孝孰非人孫孰非人祖觀斯錄也可發深省矣○六月叙劉氏家乘曰洵涇劉氏先封君母家也余童子時聞先封君言劉氏舊德甚詳已而與其父兄弟相往來觀其積書遺稿益見劉氏之盛自大梁來家海上世有聞人云景儀贈君個儻濶達有德於鄉人小贈君偉度博施修內行御史君好奇節

任氣矯時盡友海內名士緩齋薤雲駕行耽經博  
觀外家語與御史兄弟三人皆能文章蘭畹最孝  
友朴厚無他騰憲副公簡恭醇諒凝澹自將辭受  
出處大節皎然郎中君不屑曲謹事繼母極順孝  
雲巢晚年益修勵端飭為詩歌雖不及御史輩俊  
瞻然溪郁有意味工部君與余同舉進士其潔廉  
無私方果有負荷余不能及邑人皆稱劉氏多賢  
為著族信然乃其宗子學諭君模悼念先猷損益  
舊譜為本支表仕隱志詩文略凡三卷題曰劉氏  
家乘問序於余余閱之再三蓋良譜也夫世系之

年譜卷三

五

官廢而仁孝之道衰表本支者教仁孝也疎而戚  
遠而近萬殊而一本然而勸誡之義微矣不可無  
仕隱志志不可誣終之以詩文略而文獻足徵矣  
劉氏之譜凡幾修茲詳而有法良譜也余家與梅  
園之費苞溪之李淘涇之劉世相甥舅入國朝  
而詩書簪紱劉氏為最盛又其子孫益繁以昌天  
亢厥宗非偶然者耕田讀書以善爾身諧爾族無  
隕爾世澤孰非爾子若孫之責焉甘利健訐祿表  
不自顧愛羞爾祖考孰甚焉昔人有言門高族盛  
織瑕爭指登斯乘者慎哉慎哉書既成其族子棟

輩請梓之且益義田收族余舅于湖先生嘗稱  
為良子弟工部之子姪今舉進士學諭君之子耀  
魁薦浙學於余於先大母為從姪孫進士余姊出  
也○秋八月聞虜至京城南公卿會議勤王司馬  
韓石溪士英欲發車駕銀市馬三千公曰江南非  
產馬地一時市馬三千恐不易得即市至虜退未  
必勤王馬又何所歸或曰寄諸馬戶公曰馬戶養  
種馬已不勝其苦又可重困乎石溪顧公曰計將  
安出公曰借南僕寺種馬便脫有損失車駕償民  
馬價匹銀十二兩不勤王馬即歸原戶何如且馬

年譜卷三

六

亦不必調諸江南就江北便於勤王所過處如滁  
鳳徐各近州縣每處調一千匹至徐渡河時馬足  
矣不數日報虜退事遂已○答舊僚書曰仰公高  
誼不啻十年侍公教言不過數月相遇何難相別  
何易友朋聚散本不可期願惟青天白日遠近皆  
然要使此心無相愧無相負耳永夜清晨每思箴  
誨如覩顏色惟恐墮落有玷知已聞公東藩之擢  
善類咸喜茲得速翰知疏乞休市朝多故機穽可  
畏且須避之東西南北惟其所之可也弟往歸海  
曲以公骨肉之喻之官又出入三年豈無此意握

乘出下未見休祥以是犬子輩俱不携未去住稍  
輕便屈指海內交游如公凡幾天果有意斯人當  
必展所素蘊萬自珍愛江湖滿地相見未期臨書  
不盡○作嘉靖名臣頌為新建伯王公守仁少師  
大學士楊公廷和少保兵部尚書端敏胡公世寧  
少傅大學士蔣公冕少保大學士石公珪少保兵  
部尚書康惠李公承勛太子太保刑部尚書林公  
俊少師大學士楊公一清少保吏部尚書喬公宇  
吏部侍郎何公孟春太子太保兵部尚書彭公澤  
太傅大學士文襄席公書太子太保禮部尚書文

年譜卷三

七

敏霍公韜大同總兵太保梁公震遼東總兵都督  
馬公永九十五人頌曰於明高皇載開載闢劉我  
雪華赤鼎黃革軼唐襄周正位光宅燕翼鴻貽鳩  
盤宗祏八聖淵源道崇政覈世斯及斯惟親惟德  
濬發沔江光橫軫翼代邸濮藩豈云陋側紹擊堯  
年燭燕漢嶷日角虬髯龍顏鳳臆明作萬幾敦率  
六職結網更絃勿褻勿逼時有名臣治五亂十杖  
鉞星垣秉鈞天邑緝武經文鴻磐蠖螭才與時際  
道隨身輯亦有聞望豈無誦滄才後人備事假衆  
集○矯矯王公英資超崛老佛孫吳歐蘇宋屈一

悟翻然良知泐泐右陸左朱群疑衆佛聖域閑閑  
道岸屹屹力鞏志牽庶其彷彿牯牛譏豎田禽珍  
饒倅濟檻長寧劄彬剌師律儒珍長裾短襦嶺北  
嶺南甘棠芾芾朋來盍簪汾湖炳蔚彼采苓者聯  
章矯紆○新都番番沉心朗識康陵再相徘徊九  
戩搖搖翠華楚南秦北寂寞文華善類無色細蠹  
剥床元克敢弋宦閹樊排渭璽絳劫內籍徽音外  
奠崇極談笑危疑弗徐弗棘帝曰孝思嗟余偏景  
大號三釐道爾誅姪天王聖明議禮垂則亦將亦  
臣老臣暗塞○杭三少保惟于惟岳惟端敏公允

年譜卷三

八

武超犖古貌古心中靈外樸觸觸驕藩力摧其角  
微服扣關囊頭徙朔長孺含章晁生天椽防豈後  
時幾乃先覺繡斧我我奮奮白清濁晚躋玄樞造膝  
丹帷余曰履霜余曰重較余曰練才余曰敦學忠  
梗上孚竟罹謫詠○蔣公端澄亦簡亦慎下襲九  
淵上凌千仞愚不可卷堅不可磷胡慶非殃胡貞  
非吝稱詩蓋臣允書壽俊左右楊喬顛到張桂十  
九紛更再三調劑頓首平臺苦言隕涕臣曰唐虞  
皇曰孝弟陵殿初成統嗣再繼父子之倫君臣之  
際卷舌留讒山淑水澁○石公庭庭靖方介格氣

拔幽恒志探伊洛雅操圭璋維文彫履槩足久要  
義匪寢諾洗滌衡曹周旋密閣孰我毀譽孰我囊  
棄時逐低昂我胡前却謁廟危詞陰強陽弱三封  
內批矢情立壑賦鴈悲羈贊士朝膜賜策縣車終  
始鶴鶴臣貌不揚臣心不忤○嘉魚楚材融通爽  
齋學本家庭名由砥礪迹示盤桓寧甘吟嘯會守  
南昌柔綏武厲東園言言山戎喙喙撥憲以澄董  
師以制乃條六黃乃翦五細周達人情諳練國契  
雄算籌胡省炎深計積積憂勞趨朝顛蹶需爾天  
卿重瞳曼諦黔曼展禽謚兼康惠○見素清英蚤

牛譜卷三

九

好姘節佛開韓疇蜀靖張埒謝祿深棲如暫避涅  
江濠不共誣命干竊千里一函義風杰烈起踐秋  
臺平反係繼執富執威守我陳臬禮疏同蘭黨議  
共覈介石胡堅投魚胡決掠抱孤貞大巧似拙於  
手遺章餘忠自竭矧有文章鏗如金鐵○達哉遠  
菴應變警捷高畧深資難睽易益坐填褒衣門櫬  
長缺燕許文章秦隴事業石畫四迴金闈三接好  
瑾宥璠遙度邇劫兵貴形牽謀尚幾合亞夫中堅  
弱翁私聶揮虎於樊襲狐於脅起視戎輶逆歸理  
燮狗正傾邪功隳利喋萬鎰織瑕煩言緩頰○喬

公韻宇寬綽和平魁梧山立翰藻雲行見惡無咎  
聞善若驚盜起洪都窳窳建業奸吏甘言克本詭  
喋潰川原火不震不懾六飛南巡左超右卓刑緩  
甸師妖纏大角容意寢謀屹如山岳乃總百揆乃  
康群流宋奚比漢琦肯誤修勿履虎尾而首孤立  
○彬陽問問簡粹惟昌温容春兩正論秋霜孔云  
好古孟曰成章出釐閑牧還靖職方甸宣滇微佐  
典銓綱約不留吟廣不墮坊九騰奏牘一慟朝堂  
有赫嚴詔數爾猖狂屏爾草莽褫爾冠裳以俟百  
世而考三王易心改節悠悠彼蒼警言報德神在

羊譜卷三

十

帝傍○壯哉幸庵有聲秦隴謂尔孝恭謂尔忠勇  
閣達非踈盤錯非冗遊刃揮斤風翔泉湧轉戰中  
原奏凱巴蜀吐蕃窺邊五郡荼毒攬總戎端西關  
閉玉讒昌寵賂矯詞詔獄引咎讓功再起司馬或  
淵或田望重朝野細行勿矜大節弗假早謝見幾  
脫於鈴赭○展也文襄確廉端勁志稱其才學達  
於政惠剋疲吐蠲准利柄抗疏披龍出奇剪積禮  
議盈庭分明樹讐風摧震烈廢死竄流非茲曲護  
自怒曷瘳罪我冷段知我韓歐士以數推約以牖  
納夫豈詭隨何謂導香拜相武英即命榻榻進賢

遠奸願無雜選○侃侃文敏直毅無前意乖程馬  
業喜固遷黜亦甚蕙誼非少年奇跡穎脫飛辯河  
懸累書交跡謂非我職政資清議理賴皇極憤或  
詆口義或形色逼惡揚善揉曲逾直昔胡從宏今  
乃嘆老淹速殊途行違一道堅冰不遲苞桑宜早  
乃岳聖功勗哉阿保一赴村梁公行間奮迹豸面  
為肩鷹宵虎額氣擁霆雷機深几席士載其武亦  
甘其澤移鎮雲中兵驕將猥旌旄一麾聲靈頓改  
夜蹴黑山晨搜青海奪彼草泉繕我溝壘紫韁千  
釋蒼頭百隊禍釐唐藩威行漢塞胡隕干城憂我

全譜卷三

十一

恒代寵贈上公增此敬愼○馬公特起明慈信訪  
說禮敦詩跨馬穿札守督漁陽心懸大寧曾是既  
脫薄我郊垆乃鉗其首乃携其群百里未闕三捷  
未聞密章獻忠收攬賢傑義滅坤囊謹深需穴全  
遼囑囑載乘符旗涉河陷陣逾山段巢疆隴外靖  
伍卒內驚腹心弗潰掌股斯調於惟先達越芑盈  
朝或更九試或既一朝和不為比競不為囂同聲  
同氣道長道消惟予小子瞻斗望洋奚終晏謝梁  
摧鏡亡效詞袁呂竊比彭楊用拙簡素以俟旂常  
辛亥在南鴻臚○述杜生傳云杜一宋陽翟人不知

名字人皆稱杜五郎云生壯

與兄嫂力耕自養既兄有子娶婦

其田與兄兄又不肯受則遂携妻子

倩草廬而居廬前有隙地數丈周匝皆種籬籬中

密植菜蔬花卉籬外桑柘數株是時生理方窘乃

為人選日賣藥八謝之布粟新鹽即受或以金錢

不受也子既壯任稼器鄉人與田三十畝耕之有

餘力又為人傭耕自此稍稍贍給生曰嗟乎一日

兩飯三歲一衣人不急我我不急人人已各足吾

又何求於是呼鄉隣貧者教之擇日賣藥鄉隣愚

全譜卷三

十一

不能驟解術不售生又左右之得錢謝即與鄉隣

時時端坐不出籬門者三十年黎陽孫尉聞而造

之問曰聞生三十年不出籬門信乎生曰告者過

耳十五年前嘗携老妻坐桑下納涼前年娶子婦

時飯其母亦曾避之東籬外但無用於世無求於

人偶自不出亦不喜遠遊耳問生何以為養曰數

年前曾賣藥今直耕田問觀書否曰二十年前亦

曾觀書問何書曰隣翁遺一抄本無題款其間多

說淨名經亦不知淨名經何書當時極愛其議論

今顧忘之問書何在曰春雨中屋漏濕曝之日中

有過客見即索之去矣問今尚有何書曰有大字  
古本周易兒夜讀一二卦卧聽之耕倦不能讀亦  
不強讀子可宦否曰村朴兒何能宦然質性頗渾  
厚薪水出門可數行迹以待其歸處其妻甚懼愛  
然未嘗見嬉笑也孫尉聞其言閔然若有失歸數  
日忽忽自咎曰痛哉杜生視吾輩若蠅蛆矣生居  
城西五十年未嘗速客人召之亦不往好事有力  
者高其節相造請生亦終不報謝生孤立行一意  
然人皆敬愛之與村父老三四輩相往來極歡決  
或經月不面亦不相呼也即來坐談必竟日夜坐

全譜卷三

十三

久饑儀為菜羹飯麥餅取飽而已村父老或携酒  
飲生生輒飲飲不醉不辭有肉即食肉生不能具  
酒肉也室中有兩甕盛菜米一榻草薦氣宇閒曠  
言論精簡頽然山立不見喜怒無賢不肖皆知其  
為有道君子年九十八而終論曰余讀後漢書極  
慕申屠生黃叔度可謂近道矣不推其神不失其  
身不交於人郭林宗符融殆有愧焉謂其不能忘  
情於名也嗚呼名與身孰親若杜生者賢矣哉煙  
鳩藥其事作杜生傳○叙名臣言行錄曰或問余  
東濱先生之錄近代名臣也傳乎余曰傳矣夫

自陸呂蘇宋以來述名臣者率誦言其微而瑕瑜  
之議微矣宋南渡前諸名臣如范平章賈內翰者  
既以變而事仇又碌碌不能發明功名以自顯樹  
而晦翁尚有取焉取人與律已異也我朝八閩  
史局往往焚草液池雖廟堂纓綬之士且不得睹  
而况鄉微儒生乎東濱斯錄博而確善而不諱何  
言乎其不可傳也然余於斯錄未嘗不三太息焉  
建文諸臣自附夷齊之義受桐不忍言東濱以為  
發凡自近始弗錄也即近如陽明及見素靜庵石  
齋諸公其綱常社稷之功風節政理之蹟皆斷然

全譜卷三

十四

不可泯滅東濱以為公是公非弗久弗定未錄也  
錄起裕陵景皇間距建文未五十年士大夫堅心  
正氣葆植未完以故土木之難倉皇死事者有矣  
未聞有皎然死節者見錄於東濱也嗚呼君子於  
斯錄可以觀世矣何言乎其不可傳也○為恩光  
錄後語曰余讀恩光錄見國家待士之禮張官之  
義卿大夫士推賢讓能相觀為善之美而淺齊魏  
公之所以效忠於國致孝於家取信於友者皆於  
是乎足徵矣公初為御史巡留畿東四郡摧豪拊  
弱政有張弛刻薦鐫暴必傳公議比首大工利孔

百出公以廉靖蒞之不為苛細矯激而內外諸乾  
沒者皆知欽戢已而秉鉞出鎮開府汴城承大禋  
之後民不聊生公夙夜憂勞愛人節用請寄干乞  
一切謝絕務寧輯其人民會有虜寇羽書交馳議  
者不察欲大鳩河南北之兵以備虜將謂鴈門太  
原上黨中山諸鎮皆不足恃至以雲中督府兼領  
趙魏梁宋齊魯數千里之地戎事指揮呼吸間耳  
方畧顧如是哉公曉暢機宜示以鎮靜稍練勁卒  
扼其險要民無恆惑虜亦退去使公牽於文法曲  
計利害索賦裒財民必大困不俟虜至而內憂斯

年譜卷三

十五

棘矣此豈可與尋常功名之士論巧拙課殿最耶  
公忠孝大節信於善類凡以荷國恩而綿家慶者  
所謂篤實輝光闇然日章素所蓄積然也抑余又  
聞之洪武宣德中宰執諸公任職最久或二十年  
或三四年類多剛毅木訥直已行一意不屑低  
回俛仰游聲譽正統以後議論日滋大抵雍容遜  
約抑已下人然竟不免於短長之口 孝皇御極  
不欲以浮言進退人人亦能自樹立當是時人懷  
諭誦之耻其涵養培植有自來矣迨至正德佞幸  
雖迭用事而端人正士益奮勵爭自檢飭何也以

其所中傷人者直敗其官不敗其名也乃今又異  
於昔矣自非特立獨行正氣足以矯時含章葆美  
沉幾足以藏用安能沮不沮不渝不失其素履也是  
故紹前修之矩矱而懸後進之型模吾於公得之  
矣○書趙戶帖卷後曰大明建國之三年檢括海  
內圖帳此所謂半印戶帖授之漸齋先生七世祖  
友一翁者也斯帖創議於庚戌冬聖諭云中書省  
臣者韓公善長明年辛亥正月韓公致仕去忠勤  
伯取進止頒之海內帖尾六押蓋戶部尚書鄧德  
暨侍郎程進其稍下者或試侍郎署侍郎也又其

年譜卷三

十五

下者民部三郎官其姓不可考矣當是時甫定中  
原西蜀滇南尚阻聲教 聖祖即欲輯武興農與  
民休息友一雁勝國之亂勤生畜德以免於難其  
後世子孫珍守不墮至於今名臣良吏績學之彥  
濟美明時皆可傳矣是固 聖祖功德之隆趙宗  
耕讀之效也觀於斯帖國家宜夙夜勤惕節用愛  
民張師詰兵無虞疆宇以稱 聖祖百戰艱難汲  
汲繹思求定之意趙之子孫不可不悼念先德厚  
積薄發履盈思謙忠信恭儉益敦宗祏也余既作  
當湖里居記又因漸齋之請書以歸之○作碧霄



翔鳳詩卷叙曰胡子文澄質敏而才瞻志潔而行  
端與余遊余竒愛之乃嘉靖丁酉比賢者謂胡子  
文章精強秀達宜與古文人爭驅登之薦書進南  
宮對明光迪官政有日矣茲行也其內外戚友繪  
碧霄翔鳳圖聲諸詩歌送之長谷之湄問所以贈  
文澄者余好讀古經疏得鳳之說蓋成周而上鳳  
三見焉天倪溱溱帝武于落祿玄贊靈烟煜磅礪  
經綸無章變化有確不邁不虞淵焉夷莫時則有  
若巢阿之鳳會丁數術世際天中七聖一堂萬幾  
九功川珠山玉梓樸金鎔乾坤訢合人物休融時  
則有若儀廷之鳳承箕千載秉鉞四征威戡惠燮  
禮備樂盈卷阿登吉園土蠲刑二南六典化協文  
明時則有若鳴岐之鳳秦漢以降偽妄滋煩或投  
佞以甘君或竊倫以矜已或比壤而驟集或匝月  
而遄來徒存史牒吾無取焉天老曰鳳出東方君  
子之國翱翔四海文澄固東國之良也 今皇帝  
虛心書接撻武綏文字內晏然無金革旱澇飢饉  
之憂譬之大明飄天滌瑕偃霧萬邦快覩文澄載  
翻中林矯翥上國蔽日傳天名與時值温旦崇梧  
志與事適豈特谷鶯未遷溟鴻水擊云爾哉文澄

年譜卷三  
十七

益檢其身益勤懋其問學以養其心以進其德以  
廣其才以無負鄉曲之譽儔彼三鳳媚茲一人所  
謂將飛得羽應圖協瑞表世觀人在子而已不然  
小人汝嚇君子女詰有鳳之名無鳳之實文澄行  
矣慎哉慎哉  
壬子十一月陞南光祿卿寺中有洪武特故牘膳羞  
甚約親王妃既日支羊肉一斤牛肉即免支或免  
支牛乳 御膳亦甚儉惟奉先殿日進二膳朔望  
用少牢公節到任陞遷公費銀置房一所呂沃洲  
少卿居之公儼寓民舍○書胡公行狀後曰公初  
在兵曹為侍郎余筮仕職方專校四司奏牘每日  
一至廂房見三司馬他司馬閱奏牘畢直云封進  
或多不閱惟公遇大事往復再三閱有不當輒對  
余長嘆曰此事豈宜草草又曰必如是如是乃可  
否且有患事後往往如公言余嘗謂公胡不即改  
定即不改定胡不商之兩堂公又輒嘆曰難言難  
言余內艱南奔值嚴冬公不意余速亟差官追之  
彰義門書賻致余手畫愛身報國忠孝大節勉余  
後數年余起復補武選公為尚書矣尚書至部不  
數日首黜職方左郎中左郎中者素通邊將寵烙

年譜卷三  
十八

無厭且倚權要人蔑視三司馬以故公堅欲逐去  
疏入權要人為之內主使改南戶部未幾温州缺  
太守權要人囑吏曹擢之守温州蓋公為尚書不  
久而兵曹夙弊大奸利事整刷十五六既議處哈  
密與霍詹事議不合論芒部功次忤張閣老薦人  
材桂太宰發怒訴於朝至斥公亂政哈密疏制置  
極詳悉中有意主他說但好辭批吞實不用公言  
公於是歸志決矣公論大禮始終是張桂之說然  
竟亦不肯附張桂也賴 天子憐其忠潔眷注保  
全其力爭陳九疇忠勇保全河西得不殺事尤烈

年譜卷三

十九

皆狀中所諱公嘗命余作小傳余辭不敏後見余  
跋兵部堂官題名記稱六尚書公謂余過譽然實  
不敢譽公也海上大笠生識○贈王公叙曰安成  
兩洲王公自少宰出留都為宗伯進太宰再上疏  
乞致仕不得去改大司馬參贊機務益堅卧不肯  
起又上疏乞致仕留都諸公卿曰夕強公出視事  
公不聽於是諸公卿屬余為叙留之略曰公之求  
去與諸公卿之留公皆縉紳盛節然出處之微權  
與君臣之大義其輕重甚明恐未可以肥遯為高  
蹈猷裕為濡迹也夫人謂留都視唐東都宋西京

豈其然哉舟車水陸之途遠於秦梁宮府吏士之  
富備於嵩洛先朝監以 儲皇副以名弼深意可  
知昔元之衰也隙始於江淮秦之敝也難發於吳  
楚今之賴公亦猶畢公以太師司馬保釐成周乃  
所以寧一人而康四海也公孝友清方明通果毅  
槩其素履先後弗渝擬諸黃裳表裏相稱顧乃九  
命滋恭三錫固遜其何以答 聖明之注簡僉同  
之推讓乎古之大臣去國者不得於君則去得於  
君不得行其道則去得行其道而年力有所不逮  
則去公於此無一馬胡為若是忍也嗟乎周公不

年譜卷三

二十

見信於召伯召伯求去周公留之疊疊千言召伯  
曾無一言相吞然亦竟為周公所留再相兩朝歷  
數十年近日名臣如忠肅端毅端肅三太宰亦豈  
能盡信於人然皆年躋八袞尚在政府公所知也  
公其察周召之心而觀三太宰之迹其於去留之  
際可以沛然無罣碍矣○答友人問海寇書云一  
設重臣二增城守三復市舶浙之有巡撫非始於  
朱秋厓也秋厓任然任勞為國為民而兩省官豪  
不便已私攘臂誣誣惑亂視聽欲置之死言之痛  
心今考洪熙元年正月勅布政使周幹按察使胡

槩參政葉春巡視應天蘇松常鎮嘉湖杭八郡是年八月宣宗即位以廣西按察使胡槩為大理卿四川參政葉春位槩巡撫直隸浙江春即浙江海鹽人以吏員起家為主事宣德五年以槩為右都御史春行在刑部右侍郎是年九月初設各省巡撫以行在吏部郎中趙新為本部右侍郎巡撫浙江景泰元年正月副都御史軒輅鎮守浙江兼理兩浙鹽課是年三月以浙江右布政使孫原貞為兵部右侍郎參贊都督李信軍務勦賊景泰三年陞原貞尚書仍鎮守浙江正德中陶琰許庭光

年譜卷三

十一

皆以都御史巡視浙江今宜亟設重臣提督軍務兼巡撫浙江福建開府温州庶可總攝兩省文武吏士調兵積餉內戢奸豪外防狡賊若設巡視非巡撫則事權不一亦難展布故曰一設重臣信國公湯和賜第居鳳陽矣洪武十八年召至京諭曰日本小夷屢擾東海上卿雖老強為朕行視要地築城增戍固守備和行築海上城起登萊抵江浙凡五十九城民丁四調一為戍兵今承平日久增築數城亦無不可黃巖象山受禍獨慘者無城故爾故曰二增城守洪武初設市舶於太倉黃渡

尋以其近京師改設於福建浙江廣東七年九月又罷未幾復設蓋東夷有馬市西夷有茶市江南海夷有市舶所以通華夷之情遷有無之貨收征稅之利減戍守之費又以禁海費而抑奸商也市舶不復利歸貴官豪族而國家坐受其害若慮各夷并至一市舶司難於防閑查照西番關化關教輔教三王貢使自陝西入事例而令日本等國至浙江市舶琉球等國至福建暹羅滿刺加等國至廣東亦可近見顧箬溪先生言都憲陳公金西軒集中有開市舶十利疏大抵事體宜然故三曰復

年譜卷三

十一

市舶今云設重臣眾不以為然恐既設重臣賊猶未可退雖因民情震懼築城矣不復市舶夷人必欲售貨奸民必欲牟利為盜亦未已蓋非設重臣無以戢目前之棘禍非復市舶無以塞後日之亂源若乃即刻用兵非毒弩強弓鉞鏡大棍長鎗不可承平日久人不知兵急宜顧募精武藝者各十人令十人教百人一月之後又人教數十人便可得萬人矣海中行船尤難習慣非南募漳泉北募崇明沙上人不可此皆故賊徒出沒江海者若疑其通賊葉而不用是蓋賊黨也擇其有身家者鼓

舞而駕馭之更有最緊要者寧紹二府通賊大家齋糧漏師肆無忌憚非請劍行誅更無寧靖之期癸丑三月陞南太常卿掌祭祀之事片山陳公儒題請省冗費減革樂舞生云臣嘗任南太常卿歲不過五六祭樂舞生多至二百餘人可革十之八戶部覆議行南諸卿議公先一日造陳寓言此不可革陳不以為然公徐曰公嘗為此官何為有此議南太常每歲九十三祭公所謂五六祭者直太常所主祭耳即孝陵懿文陵歲共二十餘祭若聖旦值秋丁文廟文舞并諸執事須百餘人二陵須

生講卷三

三十三

三十人觀中誦經祝壽者多則百人少亦六七十人豈可止留三四十人陳默然徐問曰明日會議奈何公曰公欲節省意甚善會議時不必縷縷余但云太常有可省者查行禮部轉行戶部詳議陳曰善乃減養牲芻料油燭之類蓋太常神樂觀錢糧洪武中以為奉神之所通不勾校嘉靖初始查減什七八矣○八月作觀井圖銘曰宋太常博士陳靖曰淳化中余將命之狄丘道由彭門有客得彭祖觀井圖以為既有臺榭人物山水森然然蓋狀其佳象幽致表繪事之工余無取焉所慕者

唯彭氏面井而覆之以輪背樹而纜之以繩凭杖歛躬跼躄而迎視兢兢若將墜也嗚呼古人臨事而懼有若此檢身遠害有若此後之君子能無效歟余竊比於我老彭亦其驗也故作銘於座右曰子云竊比於我老彭亦其驗也故作銘於座右曰至哉古人遠害全身戰戰兢兢恒若履冰朽索之馭納隍是慮天子則之鴻圖永據存而懼亡繫於苞桑諸侯則之其國必昌若舟弗濟夕惕而厲大夫則之其家孔熾直哉惟清執虛如盈士子則之其道元亨不爭在醜無愧屋漏庶人則之其食孔

生講卷三

三十四

阜子省子行子慎子守竊比老彭式介眉壽予既繪彭祖觀井圖并錄宋太常陳公所著銘於上顧其文義雅博非兒輩所能及也復為淺近之詞令易解云嗟乎圖不盡形銘不盡意予子淳伯準仲洵季尚念予言交相儆愆汝身何從父母天地愛之敬之吉無不利臭味色聲持行聽視服闈登高乘舟攬轡何安非危何險非易禍福自求是趨是避理不御欲氣不從志顛覆厥德形神俱瘁雖悔曷追自暴自棄孝子仁人罔敢豫戲事天事親厥心不貳曷哉諸子夙興夜寐嘉靖癸丑三月乙巳

空甫澹泉寓金陵識○九月書吞彭草亭云皇明祖訓曰正東偏北日本雖朝實詐暗通奸臣胡惟庸謀為不軌故絕之所謂日本即古倭奴國東西南北相距萬里西南至海東北大山國主世以王為姓群臣亦世官地分五畿七道其附庸國百餘小者百里大不過五百里戶少者千餘多者至一二萬皆倭種也唐咸亨初惡倭名更號日本洪武二年倭寇山東並海郡縣又寇崇明又寇淮安三年寇山東轉掠浙東福建旁海諸郡又寇膠州是年遣使賜詔諭日本無擾我海上三年遣萊州府

年譜卷三

五

同知趙秩詔諭其王良懷勿侵擾我海上五年寇海鹽澉浦又寇福州温州是年初令浙江福建造海舟防倭而倭又寇福建海上六年以于顯為總兵官出海巡倭是年寇登萊七年寇膠州自是東南被倭寇者殆無虛歲十三年又遣使詔諭十四年良懷遣僧如瑾首馬令禮部移書責王數掠我海上却其貢諸僧皆安置川陝番寺十九年上諭信國公曰日本小夷屢擾東海上卿雖老強為朕行視要地築城防此賊信國公乃築登萊至浙沿海五十九城民丁四調一為戍兵二十年置浙

東西防倭衛所是年遣江夏侯周德興塔軍福興漳泉戍並海衛所防倭凡築城十六二十七年二月遣都督僉事劉德商嵩巡視兩浙防倭三月勅都督楊文尋又勅魏國公徐輝祖安陸侯吳傑練浙江海上兵防倭永樂初源義嗣為王時時掠我海上十五年遣禮部員外郎呂淵諭令還所掠海上人明年源義遣使謝罪自後朝貢不絕間亦掠禍首 聖祖時倭寇如此其棘使諭如此其數築城如此其多遣將如此其眾又皆公侯都督重臣

年譜卷三

五

今安可以易視宜奏請考求洪武永樂故事不必專使只寓勅遣官付之朝鮮令其傳諭日本切責之絕其請封却其貢使彼不仗天威不能服其小種自不得不收歛矣中國近年寵賂公行官邪政亂小民迫於貪酷苦於役賦困於飢寒相率入海為盜蓋不獨潮惠漳泉寧紹徽歙奸商而已兇徒逸賊屢吏黠僧及衣冠失職書生不得志群不逞者皆從之為鄉道為奸細急宜奏請善行招撫於先其有名大賊如汪忤瘋徐必款毛醜瘋魏純楊淮顧文明等亦宜奏請許令自相擒斬來歸一體

宥罪或即令各賊親登齋牌直至賊巢諭之如兩  
月內不報定行族誅沒產若中國外夷人在賊中  
者並許擒斬來歸宥罪重賞此二策似迂遠恐必  
須行之若今最急者七年之病必求三年之艾及  
早圖之尤有可望日復一日且莫慮今秋其如明  
春何海上至安慶渡溝千里無一戰將倉卒之際  
不過郡縣二三健隸耳各衛官軍不識戰陣所驅  
與賊相搏者皆田野農夫市井遊手即使孫吳復  
生一旦委以此責恐非旬朔可取勝急宜博求將  
才令其練兵選弩箭鉛銃等各長技每十人教百  
人一月之後百人可教千人別項利器教習惟人  
所便但取勇敢不必人多多而怯懦損國威增賊  
勢駭人情非細故也神機營人不可輕借額募之  
何如驅賊於陸必須步兵賊既入舟必須用沙船  
人截殺百計募人火攻之方可至於郡邑之吏平  
日貪酷比賊將至乘機害民巧索橫斂可鍾銅  
佛收毀鑄鏡者一切乾沒他可類推賊以境懷  
印而走此不用法嚴究遂成大業至正賊退  
之後即宜安戢被賊地方明示奏聞於一切  
賦役蠲除之意不然今冬內郡盜又起為明

年譜卷三

五十一

春防倭計也蓋今日倭寇正與洪武時同惟淮揚  
登萊尚遲未至洪武初承胡元諸吏貪殘之後國  
家新建海防未備固宜有之今何時也更有甚焉  
其故何與○十月陞刑部右侍郎○十一月谷雷  
古和書曰翰教慍慍至愛感戴無地論及云云誠  
為過激苟有公平廣大願治之心者豈能忘情近  
亦覺其意向議論似非昔比海內善類望明公不  
淺收人心收人才真格言也敬服敬服邇者中國  
狡賊通倭劫掠海上温台寧紹杭嘉松蘇揚淮十  
郡皆被其害而上海太倉嘉定及啟縣為甚賊五  
至啟縣其盡室圍城中女婦且投井者數矣今其  
再生之日可嘆可嘆小兒淳已移入府城萬一縣  
城不守府城柰何思質公及俞參戎搗巢不為無  
見不咎通番大家豪族齋糧漏師之罪而乃云云  
可乎况群賊盤據海洋切近寧忽謀為不軌已非  
一日搗巢則禍速而小否則禍遲而大其嘗聞洪  
武二十年以前倭夷侵我海上無虛歲蓋方氏據  
温台處張氏據寧紹杭嘉蘇松二氏滅而其餘黨  
入海勾引諸倭故其為害直至二十年後壯者已  
老老者已死方得少息是時浙中東甌王築城魏

年譜卷三

五十二

國公輝祖安陸侯傑練兵都督於顯出海巡哨都督劉德商楊文往來勦捕蓋大將七人又數數遣使詔諭日本今日之事亦由中國豪族奸商敗吏及衣冠失職書生不得志群不逞者為之禍首而小民苦於貪酷困於徭賦迫於飢寒者一聞倭至又樂從之為奸細為鄉導故其勢益猖獗計擒內賊揀選良吏此為第一要務擇將練兵乃次之其有名賊首家屬安住中土莫敢誰何亦宜有以處之數萬生靈受其殺戮汚辱而彼之家屬竟若無預者此不知何說也杭嘉松蘇賦稅當天下十

年譜卷三

二十九

五今貧者流士富者遷徙田野荒蕪城郭蕭條明公通今之學冠當世一述法武未樂遣將遣使諸已行典故密密幹旋豈惟海上萬民之幸○谷呂中古書曰入秋因家鄉凌寇盡室萍梗今且半年迄無寧居宗族姻黨多被焚劫告急求濟者日至皆情義所必不容已者量力應之幸各有衣食室廬若明春復爾某且自救不暇柰何江淮數郡旱潦相仍徭賦益急北虜未靖而中原所在盜起歸德賊報五日而過一郡兩縣蕩若無人之境浙直十郡旁海耕桑之地國家財賦所出錢破幾遍醜

毒淫穢口不可言耳不忍聞雖命將設官已有成命然民窮財盡重以兵除器築城造冊費至百萬而貪殘之吏唾手四起即重役止須一人巧脅浚求必徧一邑此弊不絕大艱至矣吾輩忝肉食安得晏然時事本可寒心宦情又復染指日復一日藩羊羅雉何異可嘆可愧病目不能書使行勿勿尚圖嗣音○谷汪春谷書曰公去任城漕渠大壞迄無善策當是時盡明公材志經理至至勞費無功如此槐野兄至金陵可謂知公者久淹藩省用人者亦為譏夫所動乎自古亂天下者貪夫暴

年譜卷三

三十一

夫讒夫而讒夫之禍烈於貪暴吁可畏也近日北虜抵紫荊幸未深入歸德之盜往來中原且睥睨濠梁倭夷結我奸商及海上人肆行無忌浙直登萊南北數千里皆被其害慘毒不可言敵縣孤城僅完郊墟遠近不帶雲中上谷矣邇來寵賂公行官邪政亂小民苦於貪酷迫於徭賦困於飢寒相率為盜理固宜然不塞其源而徒事軍旅亂反殷耳况軍旅又未足恃乎明公抱經濟之略凡此皆與有責勿吝教我何如○十二月改兵部右侍郎兼右僉都御史總督漕運兼巡撫江北○谷胡子

忠書曰辱委先公傳後之文僕何人也敢當是任翰謂僕受知先公義不可辭又謂莊渠翁亦謂僕宜任此役顧僕才力不能發揚且無足取信僕昔見行狀頗畧亦欲妄以詮次為先公小傳傳未即就曾於狀後畧跋數語及觀年譜中儘有可議自昔史傳何代無之惟秦漢人才精彩渾厚皆遷固叙述之功後世史官非才即如汾陽敬輿稚圭君實諸公之傳已覺奄奄無氣遂使諸公當時忠誠懇惻之懷好善嫉邪之志進退義禮之節內外經理之勞皆不得暴白明快以詔後人况其他乎先

年譜卷三

三十一

公忠毅端諒不為公卿臺諫時輩所悅賴天子明聖眷注保全脂韋汨沒取悅於人者反多掠譽辭益久益傳先公不為時輩所悅又能保其無誣誣於後世耶年譜叙述雖詳但嫌行移文字少典重之氣謹嚴之法形容之力中有難言皆大節諱之則先德不彰宣之則恐以賈禍先公心迹可對天日遲遲數年議之何如○谷間御史書曰端歸有期例應事竣舉劾代巡之政莫此為大願留意焉悶悶者或有裨於細民皞皞者或無補於實事循良者或未盡出科甲貪殘者或非皆由異路門

下照臨罔私諒無遁情江湖滿地後會何時臨書無任瞻戀

甲寅二月至淮安疏謝云臣草茅賤士樗櫟庸流幸遇龍飛之始獲隨鴻漸之班歷任兵曹備員宰屬留都甫及拾載御寺已叨五遷未能效力於涓埃惟知感恩於天地比蒙疊至之寵復領兼授之銜界漕輓之攸司仍拊循之是寄 帝鄉四郡表裏徐揚京儲萬艘襟喉水陸蓋欲足兵而足食務在裕國而裕民苟非其才曷稱斯任伏惟 皇上臨聰明睿智之資備聖神文武之德克仁舜括既知

年譜卷三

三十一

入而又愛人乾始坤成有容物而無棄物至如臣者徒知章句何異面墻頗習農桑未諳錢穀方自慚其瘠曠每深有於愆尤詎意疇咨誤膺懋簡顧惟職守之愈重益知稱塞之彌艱臣敢不勉竭愚衷祇承明命問問閭之疾苦求以宣上德達下情考決塞之便宜庶乎順天時因地利伏願帝德廣運聖祚洪長有開必先邁周家之豐鎬無思不服陋唐室之江淮真壽域於八荒永保海晏河清之盛肇皇圖於萬載遠紹祖功宗德之隆○谷海野書曰某無似忝附同年同寮同心同過三十餘年



於茲矣中間聚首曾不數載音書落莫亦似無情然伐木與思緇衣在念北海東海之濱所可共見者惟此青天白日耳已亥別後五年而弟有江干之謫又十年而有淮浦之役徒以歛迹市朝交游鮮少金陵數年蕭寺對野僧江頭看流水而已以故不獲致一書記室罪甚媿甚比得手書副帖如親顏色如小音誨感舊懷賢極增愁悶恐懼安樂日異月新吳徑坦途竟不可逆料而趨避古昔聖賢憂勤惕勵以終其身良有以也弟本孱軀素無學術且不諳吏事一旦承乏漕司百責攸萃軍旅錢穀刑名賊盜飢饉皆非細故且當此時勢竟未知善後之策每憶先君治命官至四品亟求歸田母貪利祿官高難稱塞又難解脫慎無忘余言弟不孝不能敬聽乃今進退維谷奈何奈何弟頗善治生藉先世遺貲亦足自贍近因倭寇屢攻圍焚劫家事半為所廢至今弟姪十餘人尚無棲止婚喪百費仰給一人今歲尚可支持後賊復至悠悠蒼天孰為樂土乎弟丙午復喪繼室因有庶子三遂不復再繼長兒履淳今年十九已補府學生次兒準初知行文幼兒洵但覓梨棗賢令器已登國

學業亦大成龍駒豚犬本有種也餘懷尚不能悉○三月疏乞添設沿海把總官云倭寇從掘港登岸分散焚劫通泰參將解明道兩月前已赴江南調遣江北並無一兵一將蓋自上年倭寇突犯江北慣知海道今復糾眾侵掠如鹽城麻洋港口海州東西二所僻在海濱孤懸尤甚應設把總各一員訪得武平衛武舉指揮楊縉皇陵衛武舉指揮謝詔堪任兵部覆議允行○參將解明道報江南巡撫劉委駐守吳淞所公上遵勅旨明職掌以防倭寇疏畧云解明道原奉勅書分守通泰等處既已策應江南即宜回兵江北顧乃久離信地坐失事機徒費江北之財力無救江北之軍民雖稱承委寔難辭責乞勅解明道遵奉原擬職任防守通泰等處仍行江南巡撫遇警止可調兵策應不許輒留勅差將領改委駐劄別境兵部覆議允行○四月泰州如臯斬真倭首級十五顆生擒一名傷死從賊不計蓋內多驅逼沿江沿海良民一遇官兵橫遭屠戮公謂濫報首功不惟誤國殃民亦貽子孫之禍嚴為查禁○上重大寇患乞處錢糧疏畧云揚州知府吳桂芳申府屬通州海門如臯掘

港東臺等處倭寇劫掠近已圍困通州流入恭興縣界勢甚猖獗參將解明道儀真守備張壽松府同知朱東原任守備陳律運司判官馬倫各領邳徐宿毫鳳泗淮揚池河等處官兵會勦軍行糧從支費浩大至於水陸舟馬火料器械等項合用銀兩數多如臯海門通州并各場寨官兵斬獲真倭首級四十一顆生擒八名例應重賞自倭寇入境以來募兵養兵賞功犒勞旬日之間已用過銀九千餘兩賊焰雖若少挫而蕩平也

全譜卷三

三十五

有期請量留運司餘鹽銀數萬兩及本府一

銀兩通暫停止以給軍費等因為照倭寇連年侵犯中國蓋南自閩浙北至登萊皆被其害而江南蘇松杭嘉等府田賦甲於天下江北揚淮通泰等處鹽課甲於天下今皆屢經殺掠焚燒之禍農人釋耒鹽丁罷竈阻誤漕運虧損糧儲將來患害何所底極此非特東南數郡之憂實關係國家大計及今不捐銀數十萬兩急為整備恐他日所失要不止於數百萬而已此但為財賦而言至於人民荼毒間井蕭條就使生養休息不十餘年未得復舊興言及此寔切憂懼再照倭寇侵犯其中類多

福建浙江直隸之人或姦商射利之徒或勇悍無聊之衆齎糧漏師肆無忌憚結黨效尤苟活日夕若不早為區處日甚一日其禍不啻烈於戎狄而已伏望勅下該部從長計議大破常格捐發官銀數十萬兩收貯府庫聽候打造海船修築城堡募兵買馬積糧蓄草以備軍前緩急應用其被害民竈照例優恤寬減糧差數年以蘇困苦再乞勅該部議將福建浙江直隸地方通番從賊者作何處治庶幾外有瓜牙之衛內無腹心之憂田賦鹽課要緊地方得保無虞戶兵覆議允行給餘鹽銀四

全譜卷三

三十六

萬兩揚州府稅契事例賦罰等銀俱准留用○上比例添設兵備疏畧云淮揚地方濱連江海而通泰尤為緊要原屬徐州兵備管轄相去將千餘里一遇有警卒難援濟合無添設兵備副使壹員專管通泰海州一帶海道兼理揚州府軍民商憲詞訟及屯田河道捕盜等事駐劄泰州相度險要分布官兵修理城隅打造海船置辦器械選募驍勇操練兵馬區處錢糧撫回良善解散脅從一應軍務悉聽從宜酌處倭寇生發把截勦捕仍與參將計議而行各該府州縣衛所俱聽調用乞勅該部

查照浙西事例添設叅將兵備副使各一員就於附近官員內不拘年資惟取才力推用請勅行事仍註卸江西湖廣遠省免得往返辭請耽誤日時應得俸薪就於揚州府支給吏部覆允推副使張景賢調用○再報倭寇疏畧云通州申叅將解明道棄職貪功江北之賊放火殺人日甚一日千戶洪岱等領兵直抵通州西門外與賊交陣解明道徑不接應以故千戶洪岱文昌齡王烈陣亡通州又申倭衆猖獗圍城七日本州兵少糧缺實難支持臣待罪海防已及兩月既無豫備之謀又失調度之策致使解明道挾詐欺人洪岱等效忠殞命罪豈敢辭伏望 聖慈姑俟賊平謹罰外叅照解明道心術狡猾語言誇詐始馬父離信地坐失事機既而避賊入城堅不出戰視四郊之焚掠曾不動心受萬民之唾罵略無愧色洪岱等既能趨四百里冒險直前解明道獨不能遣數百人縱城夾擊相應懲治警戒將來再照副千戶洪岱正千戶文昌齡戮力解圍遇賊血戰奮不顧身乞賜褒卹量贈一官仍查陣亡事例陞授應襲親男職級世官以風勵將士解明道戴罪殺賊候事寧聽巡按

生譜卷三

三十一

御史覈實功罪奏請定奪兵部覆議奉 旨是洪岱等死事可憫各贈指揮同知伊男各陞一級世襲解明道姑革了職戴罪殺賊立功事宜奏請定奪○上疏濬運河自清河口新莊開起至淮安舊城西門南角樓止一帶河道六十餘里中間深淺不同截長補短大約三十里皆行挑濬用過錢糧既寓賑濟之意後過人夫無成隄岸之功是後一應進貢糧運經行利涉○上倭寇劫河道淺塞耽誤糧運疏畧云蘇州松江二府八倉嘉定上海華亭四州縣各掌印管糧官交充後觀望減折運軍又守故意延捱致遭寇掠鎮江府并丹徒丹陽二縣各掌印管河官故違明例阻滯艱河道淺淤延至四月尚未挑通阻誤京儲不能前進以上各官均屬違玩若不參究年復因循漕務愈廢乞勅該部併議罰治若鎮江河道萬一有誤浙江蘇松常鎮數百萬石糧運另行重治奉 旨各該地方官員不以糧運為重遲延誤事戶兵二部查叅來說欽此該部覆題移咨漕運都御史會同巡按御史查將蘇松二府太倉等四州縣各掌印管糧官提問管州官降二級送部別用掌印官照依

生譜卷三

三十一

議單問擬施行鎮江府并丹徒丹陽管河水利官  
漕運都御史即行拿問嚴點各掌印官先行提問  
住俸戴罪催督挑漕萬一致誤重計從重參奏履  
議罷黜漕運等官務要着齊舉行毋事姑息以致  
誤事官員無所懲戒仍速將問過緣由具奏奉  
旨各該府州縣掌印管糧官都着巡按御史提問  
具奏其餘依擬行欽此又參誤運官員疏畧云浙  
江杭嘉湖直隸蘇松常鎮七府歲運漕儲并白糙  
糧二百餘萬石必由奔牛呂城丹陽黃泥壩始達  
京口出江先年遇有淺阻或由孟濱河外江分進

全書卷三

五九

近來倭奴未靖孟濱河江海之交賊寇出沒尤宜  
預防以此漕司具奏戶部會議擬行江南巡撫嚴  
督常鎮府縣掌印管河等官不拘年限但有淤淺  
即便疏濬封閉蓄水以待糧運如違聽彼處巡撫  
并漕司參究年終將府縣管河官職名疏通過河  
道錄由申報漕司查考載入議單遵守通無一字  
回報又經五次移咨江南巡撫督催節據把總張  
建節等各呈稱兌完糧船於三月初五等日陸續  
開行已過無錫見阻丹陽丹徒七里溝等處即今  
尚未興工挑挖及諮詢南來公差官員各稱載糧

官民船阻集數多相沿百里不能前進為照漕運  
連年遲誤蓋由坐失天時復違地利所致若季春  
初夏北水漸平河道無阻軍船過淮數日可達兩  
洪今首先被阻江南坐守餘月及至河開有水黃  
河又已泛溢縱加催併勢難取速安得不誤運事  
該管府縣官略不加意文移催督視如故紙直至  
四月初十日鎮江府方報河通船已遲誤比參將  
黃印駐劄瓜州差人看驗尚難行船四月二十日  
浙江兩司官舟過揚亦言鎮江河阻不能行舟得  
運軍三四百人搶拽方得出閘重運糧船必難前

全書卷三

四十一

進似此怠誤法當參究緣查取職名未到有礙施  
行乞勅該部通查該府縣掌印管河官不分在任  
離任但係三十三年正月至四月在任管事者嚴  
行提問 旨下戶部覆奉 旨是這各官不行修  
濬河道有誤漕運着鄭曉查明拿問具擬奏請○  
薦山西參政胡公松胡公淦人有行誼且知兵後  
起用數年即拜冢宰沒於官與公同月

鄭端簡公年譜卷之三

鄭端簡公年譜卷之四

不心孤後洵校梓

嘉靖三十三年甲寅夏四月上乞留軍官疏畧云撫屬地方往歲豐稔尚且鹽礦強賊不常出沒適年水旱災傷徐邳等處盜賊紛紜每起或數百人或百餘人通泰等處倭寇又復登岸焚劫况鳳陽根本之地陵寢所在復有高牆原無城池干係尤重止有叅將梅希孔專在海上捕倭此屬衛所軍職官尋常政務尚堪委用軍旅調發遂難其人近因梅希孔未到倭寇緊急臣不得已行令揚州府查

年譜卷四

照巡撫便宜起取梅希孔事以再三禮請在城原任都指揮月輪領兵公然推遲堅不肯出隨行高郵衛起取原任守備陳律同進司判官馬倫領兵前進今訪得留守司副留守文學指揮武平衛楊縉徐州衛金漢鳳陽右衛土遷泗州衛高嵩鳴朱彩千百戶衛所鎮撫等官宿州衛呂圻伯永福俱膂力過人弓馬閑熟曾經戰陣以上各官若再被別省取用地方益致乏人乞勅該部查議將許文學就於江北候缺推用楊縉呂圻等悉留原衛所令其上護陵寢下守城池內捕強賊外勦倭

寇庶幾緩急有賴及查境內見有原任叅將喬基

王元伯張恒位秩既崇謀勇亦著容臣遇警便宜

起取叅照月輪世受國恩官叨方面因事革任

已從末減回衛帶俸仍享厚祿不思改過省愆乃

敢幸災樂禍迹其懷姦啣怨之心不止推姦避事

而已乞行巡按御史提問奉旨月輪推姦避事

巡按御史便提解來京問其餘兵部看了來說欽

此該部覆題金漢等喬基等悉聽委用別省不得

調取奉旨是○擒獲賊首顧表表本通州人勇

悍奸狡投入倭夥設伏險要阻絕餉道招誘鹽徒

年譜卷四

公計但設法擒表賊不足慮隨出票數千徧投村

野懸示重賞仍與冠帶旬日間蔡儒崔車沈俞擒

表隨即給賞賊知表監禁通州并力攻城劫表表

死獄中賊果退散地方稍安瓜儀揚淮糧船無阻

○是時官兵聲勢聯絡或到倭船刻日可平淮安

鹽城海州東西海所安東贛榆等處總兵官鎮遠

侯顧寰調募官兵分布防守人心頗安及收割夏

麥佈種秋苗雖相續報有倭船登岸前項官兵勢

足防勦矣○五月上勦逐倭寇疏畧云通州海門

如臯等處倭寇猖獗臣移駐揚州懸示賞格調集

兵糧選委將校先遣守備張松同知朱裒領兵一千餘名守備陳律運判馬合領兵一千二百餘名叅將梅希孔領兵一千四百餘名併令節制張壽松等前往通州征勦又恐倭寇姦狡知各兵盡趨通州必遣別賊直犯如臯且窺泰州則揚淮未免驚動乃調徐州兵備李天龍領兵八百餘名如臯截殺復慮賊勢窮迫由泰興入江上近南京下切瓜儀縱不敢輒犯郊關未免有妨糧運乃調池河守備張文爵統兵五百名并取和州西梁山水手三百餘名沙船二十隻瓜儀防禦行委揚州府

年譜卷四

三一

通判史朝賓隨軍紀驗功次府幕縣佐等官楊江等分投部運銀米炒肉隨處支給各枝官兵擒斬真倭首級一百一十五顆主謀賊首一名樂和解明道望江樓擒斬真倭首級二十四顆從賊首級不計倭寇敗奔狼山即行梅希孔督兵追剿及調指揮楊縉統兵先赴狼山夾攻共斬首五十三級地安頗安糧運無阻但海洋遼闊江南江北止隔一水乘風往來倏忽千里連日沿海報有新到賊船不敢撤兵嚴行各官相機截殺直待江南各府俱無聲息浙江蘇松常鎮等府糧船通出京口江

西湖廣糧船俱入儀真方敢擬議撤兵該部覆題為照倭夷蔓延江北勢甚猖獗本官督率兵將斬獲首級擒拿謀主具見調度有方功委可嘉但浙江蘇松等處賊勢尚熾况勾引首禍之人不止顏表樂和而已既經本官具奏前因相應議處移咨本官務要嚴督官兵遠行哨探江南果不寧息倭船有無新到務要相機審勢期於地方平定糧運無阻一面將顏表樂和查照律例從重擬罪監候并將有功失事人員查明事寧同捷音奏請施行奉旨是○初七日遣祭祖陵基運山初十日祭

年譜卷四

四

皇陵翔聖山○上擒勦倭寇疏畧云叅將梅希孔呈同運判馬倫守備陳律各率精兵分路前赴狼山叅將解明道兵亦至倭船一十二隻灣泊在彼督兵攻勦得獲倭船五隻弓箭刀鎗驢馬五千餘件匹解明道斬獲真倭首級二十八顆副使李天龍擒獲奸細邵卿真倭頭目阿細吾斬真倭首級九顆呂圻王遷陳律等斬真倭首級二十三顆揚州府民兵捉獲奸細仇谷華再照各該糧船浙江江南直隸絕江而渡者必由瓜州江西湖廣沿江而下者必由儀真江海相通倏忽往來事干京儲

尤宜嚴慎以此留兵分布防邊糧餉不貲較量重不容吝惜况今西路官兵調在海上彼處地方類多盜賊誠恐乘機竊發而各處官司調兵募兵日無虛時臣撫屬四府三州定係南北水陸奔翰要地陵寢高墻千係尤重人情易於動搖事體難於歸一臣本菲才寔切憂懼除候事寧通查有功失事人員奏請定奪 旨下兵部覆題倭夷入寇蔓延江北侍郎鄒曉到任朱义乃能激勵將士招募義勇併力堵截隨即撲滅即其調度勤勞誠可嘉尚但今糧運盛行江南倭勢未見的報况淮揚

年譜卷四

五

係南北水陸要衝且又逼近陵寢高墻千係尤重所據前項官兵委未可掣相應依擬移咨本官仍將官兵嚴加戒諭毋使將懈於成功兵驕於常勝奉 旨是○上乞收武勇亟議招撫以消賊黨疏畧云臣原籍浙西叨役江北每見倭寇類多中國之人間有膂力膽氣謀畧可用者往往為賊驍路踏白設伏張疑陸營水寨據我險要聲東擊西知我虛實以故數年之內地方被其殘破至今未得殄滅緣此輩皆羅豪勇悍之徒本無致身之階又乏資身之策苟無恒心豈甘喙息欲求快意必至

鴟張以是忍棄故鄉幡從異類倭奴藉華人為耳目華人藉倭奴為爪牙彼此依附出沒海島倏忽千里莫可蹤跡况華夷之貨往來相易其有無之間貴賤頓異行者逾旬而操倍蓰之贏居者倚門而獲牙儉之利今欲一切斷絕竟致百計交通利孔既塞亂源遂開驅弱誘引徒眾日增若不包荒舍垢早為區處竊恐腹心之憂貽害不小今之議者一則曰復市船便一則曰嚴誅勦便夫各路之軍威未振羣賊之懲創未深而即復市船恐非國家御夷之體倭奴所殘既皆我之良善官兵所殺

年譜卷五

六

又多我之逋逃而必嚴誅勦亦非所以仰承朝廷好生之德臣愚無知欲乞 聖明廣收武勇容令各處撫按於軍民白衣人中每年查舉素有膂力膽畧知謀者十數人授以義勇官名色每月給食米一石令其無事率八捕盜有事領兵殺賊立有功勞量擬官職奏請陞授若從文階則授試巡檢或從武階則授試所鎮撫循資叙遷定給俸糧止許捕盜殺賊不得經收錢糧接理詞訟仍照文武官事例考察考選有犯依律照例問罪如此則片善寸長皆露斗食豈夫悍卒漸受條籠不惟中國

之人不為賊用數年之後未必無將材出於其中  
其見今從賊者亦乞 天恩浩蕩特降黃榜招撫  
赦宥許令歸降送還鄉土其有擒斬賊徒者照例  
陞賞才力可用情願報效者亦隨宜委用隔別地  
方立功贖罪候有勞績以前叙遷不然恐數年之  
後或有如循恩巢之者甚至滋蔓遽難撲滅矣臣  
又聞洪武年間倭奴寇修海州縣其時浙江一省  
既遣信國公湯和築城又遣魏國公徐輝祖江陰  
侯吳高練兵又遣都督商高楊文劉德出戰又遣  
都督於顯出海巡倭此皆上公元侯謀臣宿將尤

年譜卷四

七

且遲之數年未得寧息復遣南雄侯趙庸招撫沿  
海漁丁島人鹽徒蟹戶籍為水軍至數萬人又遣  
萊州府同知趙秩禮部員外郎呂淵宣諭倭奴迨  
至洪武二十五年以後而海上始得安靖則凡可  
以解散賊黨者宜亟為議處也或謂臣職在用兵  
不得言招撫事竊念臣待罪海防官以巡撫為名  
凡盜賊應勦應撫自合修書奏聞恭候 聖裁臣  
愚無知言似迂濶而頗關政體事若駭異而或近  
人情乞勅該部酌議上請施行賊黨漸可解散東  
南財賦重地庶有息有之日 旨下兵部覆議云

本官博雅老成究心時務習知 先朝典故故言  
似迂濶而實關政體事若駭異而每近人情相應  
准議十一日奉 旨是○議設瓜洲防守揚州府  
同知一員又乞蠲被倭州縣夏稅皆如議行○六  
月上糧船過淮既往時糧船但至瓜儀即報過淮  
公恐揚州境內被倭燒劫則所失糧從何處補直  
待過淮奏報方可亦庶不為欺妄○上預慮來年  
江南沿海漕糧疏畧云糧船遲誤年復一年雖失  
天時地利颶風大水所阻亦緣人事未修政體未  
一故也各該有司徵收不時船到無糧動輒以船

年譜卷四

八

幫未齊為詞開允延緩及至允先行糧輕齋席板  
等銀守候逾月尚未關支戶部議單奏災減允支  
運改折等項九月已定今各處有司或至次年三  
四月間尚有災傷之奏減免支運改折文移紛紛  
以致漕舟漕卒或已到原撥水次而復改赴他省  
或已允糧米在船而復交還官軍軍坐食甚苦  
公私浮費不貲及至減存已過半年船料無從辦  
納浙西至常州一帶運河類多淺阻丹陽上下二  
百里間尤甚有司通不肯照例先期疏濬甚至四  
月糧船大集阻塞不通有候黃梅水發方得出京



口開比及過淮河水又已驟漲以致牽輓不前凡此數端皆應亟為議處况浙西蘇松等處倭寇未靖南北奔突俱於運道有礙查得浙江兌改糧六十三萬石計用淺船一千九百餘隻分撥浙江南京等總衛分領兌蘇州府六十九萬七千石松江府二十三萬二千九百石常州府一十七萬五千石鎮江府一十萬二千石計用淺船三千八百九十餘隻分撥中都江北等總衛分領兌通計糧米一百八十餘萬石船五千七百九十餘隻其該兌州縣糧米如浙江海寧海鹽平湖三縣直隸華亭

全譜卷四

九

上海崑山常熟嘉定五縣太倉一州皆切近海濱其腹裏仁和錢塘嘉興秀水嘉善崇德桐鄉吳江吳長洲武進無錫江陰十三縣亦有寇警若不急為區處上履 聖慮臣何所逃罪乞勅戶部詳議轉行總督倉場衙門行令坐糧員外郎通查各總衛所糧船隨到隨收卸出空船咨行工部差官押同各衛所委官星夜回南沿邊管河洪開等官一路催償駕赴浙江蘇松等府聽候正月領兌開船及嚴行有司務要舊年徵完漕糧行糧輕齋席板銀兩等項聽兌奏災減免支運改折銀糧俱要於

舊年十二月以裏奏行如在年外決不准理鎮江至杭州一帶河道俱要及時挑濬深澗以便糧運再照遼海州縣糧米准徵折色似亦輕便但恐京通二倉必須充實且江南秋收之後槩徵折色一時米價必賤未免傷農亦乞勅該部酌量分數定擬本折庶幾國計民情實為兩便 旨下戶部兌行○上勅遂倭寇亟議修築城寨以防後患疏畧云撫屬地方沿江沿海二千餘里揚州府泰州泰興興化儀真縣淮安府海州鹽城安東贛榆縣及緊要市鎮瓜洲東西海所雲梯關麻洋港廟灣並

全譜卷四

十

無賊寇侵犯如臯縣賊雖至而縣治官民房屋通無損傷海門縣公署儒學俱存民居被燬僅百餘間惟通州城外被賊焚劫受害為慘臣於五月二十一日歷詣如臯通州海門及狼山等處撫處被寇人民隨據參將梅希孔呈稱探得狼山掘港呂四等處江洋海洋並無倭寇蹤跡地方寧靖臣就行閱視城垣設置兵船分布官兵戡守防禦即今軍民安堵秋苗佈種除將有功失事人員劄行該府通判史朝省推官劉起蒙查明覈實另行外再照通泰二州城池高深堪以防守如臯海門二

縣與通泰二州相為唇齒原未有城相應創建內則聯絡通泰外則襟聚鹽場且於淮揚二府亦有藩籬之固臣督同如臬縣官吏師生父老看得縣治東西之長倍於南北南北各設二門東西各一門似於堪輿家未便再三周視形勢東西宜照舊關廂為止迤北地形卑下且多墳墓河道斜衝難以展拓南面地勢平行畝澮縈繞相應開拓與東西相稱定擬圓城徑一圍三相距各二里零十分一里之四共二十四分圍計七里二分共七十二分止設四門每門各設窩鋪三箇共一十二箇及

年譜卷四

十一

看得海門縣城基酌量形勢相應南北之長倍於東西舊有南門城樓必須仍用勿勞改作庶避石橋又得第二重流水為濠頗省工力大約城周圍五里半通計五十有五分前東西南角為圓形後面東北西北角為方形已經牌行該府縣勘議估計泰興縣臣雖未至但據該縣士民呈稱地臨大江形勢險要倭盜出沒無常亦要築城至於海州鹽城縣二處城垣節年坍塌向未修理雲梯關掘港呂四等場近海地方寨堡墩臺亦應修築前項合用工料人夫俱因地方災傷錢糧匱乏無

從取辦已備行該府勘估去後若非先行具奏奉有明旨亟圖修築恐今秋明春倭奴窺伺無以保障地方乞勅該部從長計處動發錢糧及時刻期成功庶使海上百萬生靈咸知朝廷憫念不恤財用必欲築城修堡預防寇盜莫不還鄉復業趨事赴工人有定志而有司各官亦知仰承德意先期經理旨下兵部覆議允行○上補造糧船疏畧云糧用船裝船用料造無料不能成船缺船豈能全運縱加灑派載重難行一過淺溜十損二三官軍雖經提問錢糧掛欠拖延年復一年不得

年譜卷四

十二

清結今據各總呈稱共少船五百餘隻若全運本色額船必須補足實缺一千五百餘隻該計裝糧四十六萬餘石查得工部分司逐年扣留造船餘價銀一十五萬八百餘兩內解工部三萬兩其十二萬餘兩原係造船節省之數相應動支補造又查嘉靖二十六年補造過各總缺船一千餘隻用過漕運軍料等銀十萬餘兩原候各船及號之年扣除料價還官因蕪湖廠積欠木價銀四萬四千餘兩屢催未到江浙湖廣上江下江各廠亦有補造船隻該扣料價俱應查出補造缺船併前二

項銀兩共湊一十五萬兩補造前項缺船五百隻以備明年裝運錢糧不係那借事體似為穩便

旨下戶部咨行工部覆議先行○扣餘料銀三千八百兩發淮安府貯庫候補造糧船公手批云此

是農夫骨髓潛卒汗血不許別項破冒即使軍餉缺少亦不得那移公辭任未及年餘即為人乾沒

○上倭寇燒劫糧船疏峇二據戶部主事冀鍊揭開燒搶糧米將各衛官軍月糧行糧及官旗糧長

應問罪名輕齋席耗等銀扣算抵補會同巡按具題外惟把總戴崇文等所失糧米獨多身既不

半諸卷四

十三

前來查勘議處却稱漕司劄委起撥挑濬及呈窮軍差役繁重月糧不勾養家欲照漂流事例查勘

除豁狂妄阻撓乞斟酌處補一面嚴行把總戴崇文張建節星夜前來議處等因到臣據此案照先

為大夥倭寇登劫地方殺人燒燬船糧事已於五月十八日具題外續據戴崇文各呈前項損失糧

米蓋因有司徵兌過期致寇燒却損失船糧賊眾攻圍官軍勢寡糧雖領兌尚未兌完及蘆席木板

輕齋等項俱未交兌通關未曾出給民顧載船尚泊波處水次倉前亦未開幫出境欲將失事官旗

查叅提究追補實為未便等因到臣議照倭寇侵

犯內地固出非常亦由有司觀望減折交兌遲誤所致若軍船到遲而賊已先至或糧已兌完而船

不開行乃可坐罪運糧官軍今查得橫海鎮南龍江等三衛官軍俱依例限畢集水次有司顧覓江

船聽候直延至三月十三等日方纔開兌兌糧不完而賊即至殺傷旗軍燒焚船隻是稽誤漕運貽

累官軍乃有司之罪今一切歸罪官軍可乎糧兌未完船難遽行即行亦豈能避賊賊若可避各處

官私房屋錢糧財物不為賊所焚燒矣乃欲以賊

年諸卷四

十四

燒糧米責償於官軍則各處賊燒官私房屋錢糧財物又將責償於誰乎再照崑山華亭縣輕齋銀

兩例應隨糧解驗以備沿途盤剝及進倉腳費等用及今六月將終幫船過淮日久前銀尚未解淮

負累運官至今在淮守候有司遲誤即此可知及查戴崇文張建節二總共運糧四十二萬餘石俱

已過淮僅遇黃河水漲必須各官押催幫船償進其上海被燒糧米不過二萬餘石又係改折存留

彼處之數不及過淮之糧十分之一豈可令各官復回水次議處往返數千餘里是舍多而就少棄

重而從輕矣况嘉善等縣所失糧米乃起運歲儲之數比之前項減折存留者事體不同除浙江下江二總官軍扣支糧料罰治紙贖完補糧米會計已定似難別議外查待上海縣水次損失正耗糧米共二萬四千六百石若照浙江下江二總扣除各軍行糧軍俱減存行糧無支若扣月糧係安養家口備辦船料之需是役其力取其財而又奪其食柰之何其不逃且死也乞勅戶部從長計議將上海縣被倭燒搶糧米再行彼處官司覆查的實比照漂流事例一體分豁或責在遲糧有司包陪

年譜卷四

十五

完補庶罪坐所由人心愜服將來稽誤交兌軍衛有司亦可以此為戒各任其咎 旨下戶部議咨漕運及咨都察院轉行巡按御史監兌主事會同查究失事根因罪坐所由照數隨宜區處完足折銀解部不許短少進延崑山等縣輕齎銀兩漕司仍嚴行催解如再進延即行參究治罪○七月上議事疏畧云一議職掌浙江巡按巡撫行令海寧衛官軍掣回該衛操練防守其原領運船四十七隻照數退還杭州前等衛所撥軍領駕等因隨行都司查議竟不將海寧衛糧船發還杭州前右

紹温台六衛衛湖三所部將額運糧一萬七千四百七十九石分派一總官軍帶運為照漕運國家重務浙江等一十二總所轄一百三十一衛所旗軍一十二萬六千八百一十一名一軍該運正米三十石七斗二合共歲運四百萬石每總船有定額每船軍有定役每軍糧有定數特命臣等奉勅行事職掌既專責任有在今乃一切不經漕司職掌安在及查運船連年損失錢糧缺乏造船不前類多老舊不堪重載今計每船該裝正耗糧并運軍例帶土宜行糧不下五百餘石若再加帶委

年譜卷四

十六

的難行湖灘洪閘水淺風疾尤為可慮况江西湖廣山東皆有運糧官軍儻各地方遇有緊急一槩比例奏留運軍灑派糧米停開掛欠漕規從此廢壞糧運益復稽遲臣等豈敢偏執已見不以他省軍務為意切緣運軍可留防守而糧米不宜灑派運船可撥撐駕而掛欠必須着落乞勅詳議通行各該撫按都布兩司今後一應漕務悉聽漕司處分其海寧衛遺下糧船四十七隻退還原衛所該運糧米照船裝載不得灑派掛欠糧二千四百餘石急為處補仍咨戶部兵部漕司各登籍備照一

議逋負為照近年降額造船外風漂水溺數多以致各總缺船兌軍或每船加派糧米船既澆薄載復難重尤易損壞不得已顧覓民船公私勞費日甚一日即計明年全運除歲造外缺船一千五百餘隻大約用銀一十五萬兩將何取給卷查嘉靖二十六等年各總缺船數多該漕司會議動支淮安府庫軍辦糧銀八萬九千八百餘兩補造淺船九百二十二隻以濟全運候各船及號之年扣料補還除陸續解過銀二萬一千九百九十六兩外尚有未解軍民料銀六萬七千八百餘兩蕪湖廠

年譜卷四

十七

欠銀四萬四千一百一十五兩嘉靖三十年江西清江縣奸民董良等領侵官銀八千二十三兩其減存辦料銀浙江欠二萬四千餘兩江西欠七千一百一兩湖廣欠五千四百三十六兩通查各項欠負銀一十一萬二千三百餘兩雖小料大料名色不同然修船造船支用則一往年漕司尚有積貯一時缺船銀兩未到尚可那移濟急今查淮安府庫並無積貯船銀造船日增料銀日負豈不有誤糧運乞勅該部一行南京工部將蕪湖抽分廠嘉靖三十三年八月起至嘉靖三十四年七月止

儘將該廠銀兩解還漕司務足四萬四千一百一十五兩之數一行江西巡撫嚴行該府縣各掌印官定限務將犯人董良等侵欺銀八千二十三兩變賣家產盡絕將銀傾銷成錠差的當人役解赴漕司及浙江江西湖廣各巡撫嚴督司府州縣衛所各掌印管糧管廠官將前項扣除減存料銀作速催徵立限完解漕司庶幾銀兩不致缺乏糧船可得如期修造一議庫藏照得各總衛所歲運遇有折色船得減存軍得辦料每名該銀二兩四錢解發淮安府庫專備修船支用嘉靖十年因徵欠

年譜卷四

十八

拖延漕司題議工部覆題欽依通行各該巡撫并各省都布二司嚴督府州縣掌印官公同衛所將減存軍辦料銀扣存軍應支月糧銀兩抵解漕司寄庫修船各府州縣遵例扣抵者固有而違慢不扣者尤多甚有扣存彼庫各該官司不知漕運緊用錢糧輒作堪動銀兩任意那用及至行催支取修船即稱奉有彼處撫按批詳支吾搪塞亦有就彼造船分文不給致累旗軍賒料修船盡將行月糧銀償還料客者又有吏胥作弊支百扣十者又有必須行財帛債囑託方得關支者又有廠官及

該管官假稱使用侵剋胃破者及至旗軍領到私債利息公門需索已費十五六矣甚至借貸物料無償隨載料客在船沿途盜糶正糧還債者初意扣糧抵料軍免追呼之擾料無拖欠之弊本為善政豈知法立弊生以致扣抵失時出納欠明公私上下乾沒侵漁莫可稽查再照准安府設有阜積庫大使攢典原為本府歲收錢糧而設其漕運一應錢糧似難兼管本年五月內臣等選委高郵州知州姜博通行查盤造冊合無就於本府內另蓋漕運庫一座請給漕運庫條記添設官攢專管者

年譜卷四

十九

守仍通行南北直隸浙江江西湖廣山東各司府衛所掌印官務將見在存軍料銀不拘遠年近日儘數遵例查明那移別用者即行處補冒領侵欺者即行嚴追其過期未扣已扣未完已完未解已解未獲批廻者逐一查出追究具由回報漕司自後每年料銀限十月以裏就差該衛所官解赴漕司驗發淮安府漕運庫收貯俱聽漕司明文給付修船旗運赴庫支領按季填報循環稽考其各總衛所應支修船銀兩照年等第把總官查明不必類造耽延每衛各造冊給與領運官隨運過淮呈

遞漕司委官唱名給散旗軍親自領去償還料價一議舉劾照得漕糧歲四百萬石額坐五省浙江江西湖廣山東河南并應天江南北直隸一切漕例具在議單但地方廣遠官品不齊各處徵糧後期交兌遠限今年六月糧船過淮日又各處輕齋席板多未解到若過一事稽延未免全幫遲誤雖漕司照例嚴催文移往返動經月餘各該司府類多抗違意謂漕司不與舉劾輒以彼處撫按批行為詞往往阻誤糧運年復一年百務廢廢若非立法補救將來運事日益難支查得總理河道衙

年譜卷四

二十

門因事掣肘奉准將河道有干官員聽其舉劾漕運職司京儲事體相關尤重乞勅吏戶二部再加詳議合無將有糧司府州縣掌印管糧官職名先於該年九月以裏開報漕司容臣查考徵兌遲速分別賢否據實舉劾其州縣佐貳等官例不舉劾者查照往年舊例但遇漕官呈稱有船無糧管糧官呈稱有糧無船彼此抵牾容臣即時差官提取對證責治庶幾人心知儆若待類然不過贖米數石又復派取小民指一科十管糧官反以為利不以為畏也其九月以裏職名未到容臣等行彼處

撫按將各該掌印管糧官住俸一議江開鎮江衛指揮關宣呈瓜洲原有花園港通江官河年深淤淺若挑濬設開通船有益糧運會行揚州府踏勘相同看得花園港原係通江官河從江口直抵鎮西時家洲月河出至運河口計長一十餘里先年曾有石閘今廢年久椿石無存及舊廢閘座連南居民侵佔港地開田墾墳起蓋房屋約有一里兩邊老岸尚存即可驗舊港形跡原非民地因淤年久遂被占業并臨河房屋量為出價歸官比照儀真建閘四座以通糧運免得車盤誠為漕運無

年譜卷四

三十一

窮之利益緣瓜洲各壩居民圖利隱蔽官司遂使每歲漕糧二百餘萬石運船五千餘隻勞費財力耽延稽阻指揮關宣世居鎮江見聞真切有此呈議又經該府水陸踏勘明白臣又督同揚州府縣衛官及各運糧把總步行周看相同但所費椿石工料人夫錢糧未經估計查得先年建造瓜口閘一座動用漕運官銀一千三百餘兩今計四閘約用銀五千二百餘兩并給買臨港民占原地開濬封隄栽樹修葺等項再用銀五千兩共計銀一萬餘兩及查每歲江北浙江下江等五總過壩正

耗糧米二百萬石每石合用盤壩脚米一升共用米二萬餘石折價每石四錢值銀八千餘兩以兩年車盤之費足勾創建四閘前項銀兩暫借淮安府庫漕運官銀支出專委南河工部郎中監督分委廉幹官員管領若官為採石責令往來船隻附帶不無耽延歲月工程難完相應召商并木鐵灰麻一切兩平收買顧倩人夫從內及外次第建造不勞民力不斂民財候至下年查將各總原該過壩脚米扣銀補還漕庫足數停止再照四閘相去不過十里合用銓選閘官一員閘吏一名總司啓

年譜卷四

三十二

閉每歲二月間糧運盛行止放糧船禁止民載出入至七月內糙白糧盡即為封閉其往來民貨船隻照舊各壩車盤候十月以後各總回空糧船到閘却又開閘放出庶船無停滯糧無盤剝而盜侵之弊亦盡革矣一議行糧運軍行糧沿途口食若或耽延未免驚費正糧必至掛欠往年減折行糧數少未嘗告乏近年全運行糧支多及改倉支領亦稱乏絕議單內開運糧官軍行糧浙江江西湖廣江南直隸衛所俱本處倉關支南京各衛官軍就於兌糧水次倉關支惟江北二十二衛所官軍

俱於淮安常盈倉關支查得每年全運行糧約用八萬餘石內除派兌淮鳳揚三府并山東河南領兌者約用二萬五千餘石應合照舊常盈倉支領若江南兌糧官軍約用五萬五千餘石嘉靖三年漕司議將蘇松等府起運鳳揚等倉糧四萬六千石常鎮二府該上常盈倉糧一萬一千石俱兌上倉就於本處水次聽監兌等官隨正兌支給江北二十二衛所官軍行糧并行淮安等府將原上常盈倉糧四萬六千石改運鳳陽等倉上納以抵蘇松等府原納之數行之一年官軍稱便止因各府

年譜卷四

二十三

不恤漕軍末遂拖延隨申復舊常盈倉支給即今河道煩難地方多事合無仍照嘉靖三年事例將淮安府該上常盈倉糧四萬六千石改上鳳陽等倉抵補蘇松等府原數却將蘇松糧米存在水次支給行糧其常鎮二府該上常盈倉糧一萬一千石亦留水次聽江北等總隨糧關支再照浙江湖廣江西南京北直隸各該水次支給行糧俱要各該衛所印信文冊以致往返留難科派百出守支官旗指稱造冊經過各衙門使費衛所軍多者百十餘兩少者不下六七十兩此皆軍士骨髓相應

通行南京省府只遵照議單事例每正糧三十石七斗二合作軍一名給行糧三石每運官一員亦給行糧三石填入原給勘合雖稱濼派逃故原船非人不行只照運米支糧庶免旗甲沿途包陪顛工科歛大弊一議分總浙江一總官軍二萬一千八百餘員名淺船二千餘隻比之各總數增一倍况温台寧處金衢等衛所離省隔江船回寄泊杭州官軍俱各回衛把總官在京催督完納每至歲暮方得回南分派水次相去甚遠一官勢難徧歷至於委官補軍修船查糧止憑文移往返旬月盜

年譜卷四

二十四

糧侵料弊端百出連年掛欠每至二三萬石那用羨餘等銀亦不下二三萬兩追補雖嚴拖延如故年復一年通關未獲比之別總積弊尤甚查得江南原設一總比因軍衛隔遠難於銓束嘉靖四年漕司議題准分為上江下江二總各設把總官管理至今稱便合無比例將杭州前右紹三衛湖海嚴三所淺船九百餘隻總運糧三十萬四千五百石零分為浙西總寧處台温四衛金衢二所淺船一千一百餘隻運糧三十六萬七千石零分為浙東總添設把總官一員一議旗船查得清江廠每



年額造中都江北直隸南京等總淺船五百五十  
二隻惟鳳陽直隸衛所旗厥料銀原有餘丁貼辦  
月糧抵扣今因連歲災傷糧無見支差役繁重丁  
無空閒又因全運衛無減存軍無辦料每遇改造  
告急只得借支別總那東補西旗船未及告完別  
總又復取討官軍受害公私俱弊年復一年疲困  
極矣查得江南府州京糧五十二萬八千七百石  
零每石該扣銀數比旗船額料止少四百五十二  
兩零仍於減存軍辦修船料銀內補支前銀起運  
過准照數扣存寄庫作各衛旗船料價比與南京

主請卷四

三五

總衛扣用三四輕齋造旗船事體相同似應准扣  
一議軍夫查得節年題准事例凡過公差馳驛文  
武大臣進貢進鮮等項州縣驛遞人夫過關米等  
項各有定數為照每年進貢鮮品并龍袍御用物  
件等項經過軍衛自應撥夫拽過一程即回生理  
有等勢豪不遵國法或一人乘坐數船或一船齋  
執數關沿途吹打響器每到一驛聽信船頭撥置  
多方需索既有州縣驛遞人夫應付又要軍衛夫  
力軍牢吹手又要折乾及查各衛原設答應軍夫  
數亦不多逃亡過半遇有公差却將雜差餘丁輪

撥日無休息除冒濫關文照例裁革外乞勅該部  
詳議出榜通行撫屬軍衛有司驛遞衙門張掛曉  
諭今後凡遇進貢鮮品等船合用軍夫悉照舊規  
應付外其過往使客不分大小官員船隻如有牌  
行軍衛抄牌者不許抄行應付軍官阿意奉承者  
一體治罪干礙應參人員聽撫按衙門參奏施行  
其各衛原設答應軍夫盡行裁革僉補操運一議  
俸薪江北地方設總督漕運無巡撫都御史一員  
及管理南河工部郎中漕運理刑刑部主事督造  
漕船工部主事淮安及徐州各管倉戶部主事徐

主請卷四

三六

州呂梁管洪工部主事沽頭管開工部主事共八  
員俱帶有家小駐劄淮徐地方各應得俸薪銀米  
俱差人齋文赴京各該部院關領如臣本色食米  
一石照例每月於淮安府支給其管河郎中等官  
八員每年該支本色米九十六石計算公私之費  
四百餘石方得九十六石至京通計兩直隸十三  
省各有京官帶家小駐劄者每年食米不下一千  
餘石俱應查照臣例就於各該地方存留糧或別  
項官銀內支給似於京儲頗有便益其折色俸銀  
并折絹折布等項一體查照在京則例亦於所在

官司應解戶部銀兩內支給再照臣等九員該柴薪四十二名共銀五百四兩相應就於所屬四府三州各衙門扣除缺官柴薪馬夫銀兩內支給有餘扣解兵部少欠本處贓罰銀兩補支通計兩直隸各省不下六千兩俱應議處不惟解戶收頭糧長免於徵解各官亦得就近支用殊為兩便戶部等衙門尚書等官方鈍等會題奉 旨這漕運事宜都依議行○上介溪相公書曰某素無學術且不諳吏事尋常職守自分尚不能勝况帝鄉四郡表裏江淮雲帆萬艘襟喉水陸重以饑饉加以師

年譜卷四

二十七

旅人情易致驚疑事體未能歸一竊恐歲運後期春耕失業罪愆匪輕日夕憂懼今雖倭船出海漕舟過淮將來事勢尚未可知茲者循例條上便宜數事徒知五窮之技自謂一得之愚豈敢是已而非人輒欲創新而去故萬乞開誠布公兼試畢屈寧取長而棄短不因入而廢言衛室萬楹寧辭尺寸之木韶音九奏或更琴瑟之絃不勝幸甚○又云秦誓所謂休休奚俟門牆之桃李臯謨乃言采采豈遺匠人之椽題友人見之曰猶不遜○與雙江書曰七八日前半洲公檄至其本凡庸即乞移

文且止山東兵本省操練明年正二月審度賊勢待報啓行庶於民情軍務兩便不然恐今秋兵至而賊已去明春賊至而師又老爾且其撫屬比之江南賊不足深憂地方困苦為可憂江南調兵凡安家行糧等項俱令有司驛遞支給其何能堪再加以山東兵從沛至揚驛擾何可言外寇未能平內盜因竊發實腹心之患今日之事有可一言而決者累千百言而未定有可一時而就者經年而未行所恃以指揮發縱者有我翁在也尊翰欲問荆川光隆中之術竊念孔明出師表云此皆數十

年譜卷四

二十八

年內糾合四方之精銳則今烏合不練之兵恐孔明臨之亦未得如意孔明是時祈山六出亦自謂成敗利鈍不能逆觀人材不甚相遠但擇忠實不欺可倚任者付之幹辦而又寬其約束假之歲月方可不然日復一日所可憂者不獨在倭奴也○上添設沿海把總疏畧云國初防倭掘港為急設有備倭官軍一千五百員各正統十四年調取一千名北征守備遂地即今通州倭寇流劫俱掘港登岸乞添設把總一員防禦 旨下兵部允行○上保留官員疏畧云撫屬地方表裏江淮襟喉水

陸寔畿輔重地特設兵備官一員駐劄徐州命其  
拊循軍民防禁盜賊訓練兵馬保障城池一切河  
道屯田鹽法倉糧事務咸得經理責任既重稱塞  
寔難副使李天寵才行並茂文武兼資歷任以來  
摧強拊順節用愛民練兵積穀除戎設險皆有條  
理真干城腹心之器也近日倭寇攻圍通州前賊  
未退後賊復至臣本菲材束手無策天寵躬擐甲  
冒糞率三軍如臯一戰大敗羣賊所斬首級悉係  
真僞生擒從徒委是叛賊蓋通州前後斬獲功次  
雖多內有搗巢劫管追躡擒捕所得未有如天寵

年譜卷四

二十九

旌旗金鼓列營布陣大挫賊鋒扶攜逃遁者也臣  
欲援引南京工部尚書吳廷舉原任兵備副使後  
陞布政司叅政兼按察司副使仍管兵備事例乞  
久任天寵不意本官乃有求歸之疏乞勅吏部詳  
議陞職留任時李古冲公為冢宰即推天寵為僉  
都御史巡撫浙江○上定議江南江北兵糧疏畧  
云江北連年饑饉雖蒙恩蠲賑未見寧輯去歲逆  
賊師尚詔竊發今年倭寇焚掠通州調遣徐臺邳  
宿等處官兵勦捕各給召募安家銀兩隨途應付  
船隻行糧草料皆取給於江北四府三州庫藏

虛里甲因敵已自不堪近據廬鳳徐沛蕭碭泗毫  
等府州縣節申江南防禦倭寇屢蒙上司明文責  
令挑選兵快多寡不等各要量給盤纏差官管領  
至江南聽候遣用沿途有司支給行糧等因到臣  
因賊情緊急當即批行所費錢糧難以悉數只如  
無錫之富庶百倍沛縣今調沛人守無錫又令沛  
縣出辦安家銀一百餘兩自沛至瓜洲經行江北  
一千五百餘里又皆出辦行糧江北地方豈堪此  
等勞費臣咨行總督衙門要令江南調江北之兵  
自備錢糧給與盤纏并隨途糧草應用其召募去

年譜卷四

三十

處并經過有司免其責辦本年六月內又據徐州  
兵備道呈總督衙門仰道督領精兵一千五百名  
前到丹陽蘇州等處會合截殺遵依先選徐兵八  
百名責付徐州左等衛指揮金漢等統領又行徐  
州動支銀八百兩分給官兵安家經過州縣又  
行支給廩糧隨批該道選兵盤纏如擬支給及咨  
總督衙門查將前項官兵用過安家盤纏銀兩轉  
行江南巡撫衙門於蘇州等府收貯防倭官銀內  
照數解補還庫以後江南調取江北兵快悉照施  
行去後臣又節查先年浙江江南巡撫等衙門差

官前來江北召募驍勇俱自備銀兩願募合用盤  
纏行糧各有彼虞齋來銀兩應用今年四月內南  
京兵部差官江北募兵其安家盤纏行糧俱帶領  
給散惟近日江南調取江北兵快不下三千餘人  
錢糧一切取辦於江北通計不下銀萬兩夫既役  
江北之人復竭江北之財是江北四府三州兼江  
南之徭賦即今鳳淮等處修理 皇陵蓋造高墻  
建閘濬河挖括已盡不惟有司幹辦不前民間亦  
甚搔擾此江南江北錢糧所宜議處也再照倭寇  
之內華人十居七八類多狡狡知我水陸險易地

年譜卷四

三十一

里遠近將官勇怯軍兵多寡謂蘇松在浙西江北  
間以故今春先犯蘇松致使浙西叅將盧鏜江北  
叅將鮮明道各領兵策應賊遂分投南北登岸搶  
劫遂至蘇松浙西江南江北千里處處失利蓋賊  
船外洋乘風惟所向徑刻可到我兵策應必由  
腹裏道路迂遠非浹旬半月必不能至若江北兵  
赴江南中隔大江卒遇風波又難預料今宜沿海  
地方各有守兵各有援兵守兵駐劄保障賊至出  
戰援兵酌量賊情審度地勢分布四五枝如北邊  
遊擊事例遇有緊急往來策應庶保無虞據臣撫

屬自海門至海州千餘里萬一海州鹽城有警通  
泰叅將梅希孔亦必不能不舍通州而赴援况敢  
越長江而赴江南乎又如鳳陽泗州陵寢高墻所  
在關係尤重通州被圍之時鳳泗雖有一留守司  
十衛所官軍又發回京操官軍三千員名臣不敢  
調動一人一馬蓋事體有輕重不敢顧彼而失此  
徐州雖有勁兵千餘亦緣彼處自古號為強悍必  
須兵力彈壓以此通州被圍之時臣不得已調取  
徐兵六百名一戰勝賊即時發回誠恐山東河南  
交界去處盜賊生發須兵堵絕一則近護運河一

年譜卷四

三十二

則遙防高墻故也夫善守者必逸已而勞人善戰  
者必安內而攘外今連年防倭浙江江南等處調  
募江北兵勇甚多是防倭而不顧鳳泗徐邳恐非  
長策此江南江北軍旅所宜議處也臣本菲材豈  
敢偏執已見自分彼此竊念倭寇焚劫之禍顯而  
易見閭閻窮苦之變隱而難知小民至愚而神即  
使役其力用其財均平齊一彼亦無憾若行以一  
切之法少壯者既奔走鋒鏑之間老弱者又供億  
徭賦之外安能保其不有他變乎况賊情難輯而  
易發民心易動而難安良善為之驚疑姦雄因而

弱動是海徼未寧而中原先敝乞勅該部從長計處不得專意防倭而不慮及陵寢運道高墻及鄰境盜賊庶民財不至偏累事體不至偏重外患可平而內憂可弭旨下戶兵二部覆議允行○八月請發銀兩築城疏畧云揚州府申議築城銀如臯縣該四萬六千四百一十兩零海門縣該二萬二百六十兩零泰興縣該三萬一千七百八十四兩零三縣共該九萬八千四百六十二兩零今止有運司餘鹽銀四萬兩本府見在止餘事例銀三千兩賦罰銀二千九百兩稅契銀六百九十九兩

年譜卷四

三十一

給於江北而山東兵勇六千名不日將到揚州府駐劄交割日用糧餉前項銀兩所餘無幾其三縣造城缺銀應用有誤興工明春賊勢殊未可料今查得鳳陽府庫見收折糧銀兩專供鳳陽九衛所官兵行糧及南京兵部犒賞池河官兵先後動支前糧二萬二千五百餘兩今尚有一十七萬八千餘兩積貯在庫原係軍馬錢糧似應動支伏望軫念海門如臯泰興三縣城池實為通泰二州門戶揚淮二府藩籬三十鹽塲堂室江南常熟崇明等縣唇齒急宜創建城池保障地方雖費數萬金而外消奸宄之覬覦內收士民之離渙即計一歲所獲田糧鹽課奚啻百萬况全活生靈防護運道關係尤重乞勅該部從長計處大破常格行令該府於前項積貯銀內量動支六萬兩解發揚州府庫定委通判史朝賓判官趙卿總理分管趁今秋冬賊情寧息即便興工其支用不足聽臣督令撫屬通融湊補事畢將用過錢糧造冊奏繳仍嚴行各該管工官員務要節以制度官不傷財說以先民人皆趨事高深城池重門聯堞足以禦暴客而警

年譜卷四

三十四

戎心致海堦而慎封守自茲以後億萬年老安少  
懷享國家親賢樂利之澤男耕女織供府庫粟米  
布繒之征可也 旨下戶部議覆准支鳳陽府銀  
三萬兩○上叅浙江運糧把總吳韜疏畧云吳韜  
管運負欠嘉靖三十二年分漕糧四萬二千九百  
石零嘉靖三十一年分漕糧九萬九千五百石零  
吳韜陞任三年未得完結不知本官見在何處督  
催有無赴任題奉欽依臣近訪得吳韜已赴浙江  
都司到任見今署掌印慶賀萬壽聖節表文輒敢  
僉名畧無忌憚節行浙江布政司查勘未報今據

年譜卷四

三五

浙江都司呈運糧衛所官員賢否揭帖到臣查得  
吳韜已列銜在司此不待回報已知到任是實叅  
照吳韜先司總運欠糧數過十萬延及三年濫叨  
陞轉已該戶部題奉欽依糧完方許赴任乃敢故  
違所欠糧米何時得完乞勅戶兵二部將本官革  
去今職員缺先行推補容臣差官督押處補前糧  
完日仍照例提問 旨下戶部允行○上賑濟疏  
畧云淮安揚州鳳陽三府徐滁和三州地方災傷  
題奉欽依將存留秋糧照例減免衛所屯  
糧照減定分數折徵價銀被災饑口賑濟過共三

十三萬二千三十九名口放過銀三萬九千五百  
三十四兩四錢穀八萬三千二百二石○上剿逐  
倭寇查勘功罪疏畧云賊勢十分猖獗江西湖廣  
糧船沿江而下者將至儀真浙西蘇松常鎮糧船  
絕江而渡者未至瓜州淮揚一帶正係漕運要途  
節據各處擒獲姦細供稱賊黨欲窺瓜儀搶掠揚  
州而淮安所屬鹽城地方去年倭賊亦曾侵犯臣  
雖先調官兵分布瓜儀水陸防禦便宜起取叅將  
喬基於揚州教場操練主客官兵隨有操江都御  
史史褒善駐劄儀真北杆廣陵南控京口鎮守淮

年譜卷四

三六

安總兵官鎮遠侯顧寰選募官兵措備糧餉分投  
守禦淮安麻洋港雲梯關廟灣東西海所要害去  
處叅將黃印駐劄瓜洲隄備漕船收江過壩入閘  
臣伏念江北揚州地方表裏江淮襟帶吳楚正在  
畿甸申畫之中又係漕輓午道之會西距泗濶舊  
都伊邇東聯場竈商課甚多臣叨任漕撫兼領海  
防既不能先事預圖又不能臨機應變以致地方  
失事罪復何辭即今仰仗天威倭奴退遁人民安  
輯糧船無阻農耕及時然賊過去處殺傷民竈燒  
燬房屋劫破村落陣亡吏士亦已多矣臣據各官

查勘俱從實開報不敢纖毫隱匿其給賞有功員  
役賑恤被災人戶奏乞蠲除夏稅減派該年徭役  
俱先後劄付揚州府知府吳桂芳次第舉行訖及  
照一時有功有罪人員相應分別如徐州兵備副  
使李天寵律已甚嚴而水禁自將馭兵有法而秋  
毫無犯俘馘之餘賊徒喪膽按部所至旌旗生色  
若非恩信素孚於平日忠義激發於臨時何以得  
此所宜論功加賞陞俸又任責成者也分守通泰  
察將梅希孔沉毅有威質直無偽進兵而通州之  
門始開窮追而狼山之賊遂遁口不言功事皆就

年譜卷四

三七

緒所宜給賞以勵後功者也徐州等衛指揮同知  
等官金漢等百戶賈勇等或守中堅而歿後嚴整  
或破賊鋒而爭先踴躍掌通州事揚州府通判唐  
維雖倉卒遇變不免四郊之焚劫然夙夜臨戎庶  
幾百雉之保全賊至之初安輯市里賊退之後撫  
定瘡痍如臯知縣陳雍獎率民屢推強寇露宿  
原野卒保縣庭原任參將喬基聞鼓鼙之警嘆解  
肉之復生懷桑梓之憂即纓冠而往救簡練有方  
城闔無恐以上各官雖戰守不同均宜量賞以酬  
其勞者也徐州左衛指揮同知金漢係領軍官

下五百餘人斬真倭首級九顆正千戶張禾百戶  
賈勇係編入隊伍官斬真倭首級各一顆不曾領  
賞例應各陞一級世襲陳雍似應量陞服色俸級  
仍管縣事運司判官馬倫本係文職而慷慨請行  
原任儀真守備陳律先已退閒而橐鞬就道皆能  
首布軍容率先士氣奮傳解散之帖懸示招撫之  
旗斬獲之功不無獵取而控剿之計亦多擒執此  
宜畧其過而賞其功者也原任通泰參將今陞金  
山副總兵官革職解明道始雖束手閉門銳卒潰  
於鼠竄既而登陴據險州城幸爾瓦全傳報或多

年譜卷五

三七

失實功次未必盡誣此宜錄其後效而宥其前愆  
者也海門縣知縣翟次喬抗賊取勝功亦為奇避  
難圖存罪亦可諒但錢糧之損失頗多而報功之  
誇張已甚每欲揚己以抑人遂至陵下而罔上所  
宜調用而曲全者也指揮楊縉疾馳冒險雖挫軍  
威堅壁射躡足稱敵愾惜未獲其首級然已致其  
殺傷居民皆稱勇敢賊眾亦因遁逃所宜宥前愆  
而責後效者也宿州衛鎮撫呂圻百戶伯永福等  
三十五員赴援千里久效勤勞駐守五旬畧無喪  
敗以上各官如呂圻伯永福才勇尤為可用者也

揚州府巡捕同知朱裒等二十九員才力綿薄職守廢廢幹辦不前奔北恐後即有微功似難准贖所宜原情罰治者也儀真守備張壽松援通州竟爾逗遛棄如臯幾乎潰散黃橋追賊將至而輒還角斜遇賊未戰而走况掘港乃其信地倭奴從此登岸儀真今之要區江防豈可乏人所宜深懲而亟罷者也揚州衛指揮張明化等千百戶劉夢魚等巡檢等官李恂等五十三員均有地方之責曾無保護之計以上各官所宜行巡按御史提問論罪者也陣亡百戶高時義勇沙子現直抵賊舟

年譜卷四

三十九

奮勇血戰殺賊數多所宜贈官錄子以風勵將校者也如臯縣吏吳位孟週各斬獲倭賊首級一顆未曾領賞內吳位告乞免考孟週告乞超叅所宜查例酌處者也乞勅該部詳議覈實將李天龍陞賞梅希孔給賞金漢等量賞陳雍量陞服色俸級解明道復職程次喬調任朱裒等罰治張壽松陞黜張明化等提問內金漢照部下五百人斬首五顆事例張禾賈勇照編入隊伍官自斬首級一顆事例各陞一級世襲高時照洪岱等事例贈官兒男陞一級世襲沙子現量贈一官仍令伊男冠帶

吳位孟週照例免考超叅再照總兵官鎮遠侯顧寰孝友廉靖端毅弘達叅將黃印幹濟明敏操履勤慎揚州知府吳桂芳綜錢穀有為有守蒞軍旅不剛不柔務令久任必能裨益漕政共濟時艱如臣體質孱弱知識短淺凡在仕途皆知臣不稱此任今果奉職無狀一籌莫展上負國恩下貽民患有罪可數無功可錄伏乞少寬斧鉞之誅薄云謹責放歸田里亟選賢能蚤為經理地方幸甚 旨下兵部擬議分別賞罰及照漕運侍郎鄭調度有方運籌無失激勵忠勇旋平既沸之波蕩滌妖氛竟奏發蹤之效雖自陳不職乞恩謹責但功大罪輕似宜量加褒賞顧寰黃印吳桂芳雖無斬獲之功各有勤勞之績亦應量賞奉 旨張壽松并張明化等巡按御史提問陳律等姑免究馬倫等漕運衙門分別撥賞陳雍陞俸二級鄭曉顧寰各賞銀二十兩紵絲二表裏李天龍梅希孔各十五兩二表裏黃印吳桂芳各十五兩其餘陞錄贈官等項都准行

年譜卷四

四十一

鄭端簡公年譜卷之四



鄭端簡公年譜卷之五

不肖孤獲洵校梓

嘉靖三十三年甲寅秋八月上開設干羅巡司疏旨

下部議允行○上地方秋災乞免糧議賑疏旨下

部議允行○督府咨問方畧云一議分布

官兵將閩浙江南江北沿海一帶地方各選水兵

哨船聯絡數千里分定界限往來巡哨遇賊併力

海中截殺行糧兵火器械各該地方官司備辦此

為外第一層水兵其次沿海副總兵叅將備倭守

備守寨守堡守城等官統陸兵防守信地遇賊近

年譜卷五

岸併力攻打無容登岸各照信地往來戰守不得

調動此為中第二層陸兵又其次稍近腹裏量地

遠近及賊徒出沒去處另設援兵數枝如西北遊

擊事例左右前後往來策應此為第三層援兵一

議拱護陵寢孝陵宜專委南京五府大臣一員統

兵守護其江北泗州祖陵鳳陽皇陵專委副留守

許文學操練原奉欽依發回京操官軍三千員名

并鳳泗等十衛所官軍專一防守不但禦備海寇

其山東河南徐邳亳穎一帶盜賊倘有竊發責成

剿捕一議宣諭倭奴查照洪武永樂年間事例但

不必專遣官員或寫勅付朝鮮國轉諭或令閩浙

布政司移咨傳諭以日本百八十年恭順朝廷及

朝廷優厚之意今節年倭賊侵犯中國國王或未

必知故特諭余不徒專責彼國藩翰之義并諭以

海中諸國北莫大於朝鮮南莫大於安南皆因交

通中國奸人勢漸強盛夷國反被其害如朝鮮先

時為中國人衛滿所據近年安南為中國人莫登

庸所篡可為明鑒他日王直等未必不為衛莫之

事彼時余國求救中朝亦已晚矣急令禁戢遠近

大小各島及境內各道如遇中國逋逃在彼誘引

年譜卷五

買賣及駕大船有兵器者即便擒拿解送中國朝

廷自有厚賞其本國夷人有打造船隻不請本國

原額勘合擅自泛海通市及假名進貢者一體擒

拿照彼中法度重治一議防護運道今年賊至腹

裏地方在四月以後尚且燒搶糧船一百餘隻虧

損漕糧六萬石其時賊未知運道倏忽驟至今北

自無錫南至崇德中間如楓橋平望八尺王江涇

等鎮皆運船必由之路被賊經過識認明年事勢

尤為可慮前擬第三層援兵令其外禦賊徒內護

運船旌旗金鼓聲勢聯絡自不敢深入是一舉而

兩利也其京口以北淮安以南防護運道合用兵食漕司自行處置一議預選將校即今調兵數多而統領乏人大將小將才局分定只如淮揚一鎮須揀選才可統千人者十員統五百人者二十員不拘官職崇卑但取才力自指揮至義勇官皆可選用仍令本處官員統本處兵勇則上下相識情理相通約束易行戰守效力一議更調守令守令得人城池兵馬錢糧器械事事皆能綜理如不得人即使文移督責略不關心蓋其智識本自尋常力量本自庸弱非不欲效力天生材質固自有不

年譜卷五

三

可強者急宜更調庶便集事不然上官徒勞心力耳一議區處錢糧見今各處府庫搜索一空民窮財盡加以數千里旱蝗額糧尚須蠲免援例者又甚少豈堪加賦豈堪勒借必須大破常格或討浙淮餘鹽餘銀或留杭蘇淮揚各鈔關銀兩或停解折草折麥銀兩或准令海沙耆民水手獲功不願領賞者或監生吏農承差照賞銀數准作援例軍門出給鈞牌執照仍移咨該部查照准行一議召募銀兩江北募兵向來每名銀二兩五錢今見山東兵每名十兩人情遂謂厚薄頓異豈知山東原

非被賊地方况奉天恩優厚亦念其遠離鄉土故耳比之浙江江南江北福建各本地方見被賊寇者此旨守自戰為已父母妻子室廬豈得與隔別省分比論多寡召募銀兩必須題定則例○九月上拏問鎮江府縣掌印管河官疏奉旨陳奎准納贖張壽劉秉彜左祿姑降一級別用申介罰俸三箇月○上預慮來年漕運疏畧云臣前題議預慮江南沿海漕糧止因今年春末夏初海寇猖獗預為明年兌運之計尚未知地方災傷也及至八月初一日臣又題為災遭異常水旱蝗災乞寬秋糧

年譜卷五

四

以救民生事亦止因江北四府三州秋糧難徵請乞蠲減之計尚未知即今海寇猶未斂戢也及照浙江杭嘉二府直隸蘇松常鎮四府皆財賦重地嘉靖三十三年既因賊至夏麥未得全收秋苗未得全種幸而稍有得種者又被旱災屢經賊患秋禾未得登場夏麥未得入土兩年三熟收成失望富厚之家已難支持貧細之民盡皆逃徙重以疫屍餓莩轉於溝壑征兵饋餉急於星火不惟三十年秋糧徵收艱難抑恐三十四年運道梗阻近又聞糧船已到張家灣者因通惠閘座水衝坍塌

京倉輸納尚爾留滯不過旬朔風氣向寒未得開  
行必至守凍况運軍連年舊欠新欠剝肉補瘡月  
糧行糧張順待哺今復賊舟久候不無蠶食正糧  
掛籌揭債勢所不免萬一海寇今冬未得解散明  
春益復縱橫則耕稼方興必貽田畯之憂舟車所  
至復有荏蒲之警年復一年何時休息賦稅日縮  
軍旅日煩民力日疲國計日乏矣乞勅該部從長  
議處將江南江北災傷被寇地方秋糧早定徵蠲  
減折及支運等第馬上差人賚文付各該巡撫官  
作急坐派各司府州縣徵收聽運仍將三十三年

聖諭卷五

五

運到漕糧或儘上通州倉或預放官軍俸糧或隨  
宜分頓德州天津二倉其腳價完貼免贖墊倉等  
項悉聽該部處分務令糧船凍前入閘南行疾速  
修船以濟新運不惟臣得免瘵官誤事之罪其於  
京儲邊餉保民禦寇均為有補臣竊念國家建都  
北平乃朝廷親為守邊鎮撫華夏漕運糧米蓋不  
獨上供九重下給百官六軍萬姓之用寔八食足  
兵安內攘外社稷大計臣待罪漕司所宜心思力  
行不俟督責勉圖報稱於萬一但臣體質孱弱才  
識短淺徒抱先事之虞曾無應務之略而所轄司

府州縣等官隔離甚遠約束難行不得不歷陳於  
君父之前臣不敢備錄前後奏履文移繁猥塵瀆  
謹述緊關略節情詞仰祈聖覽昔神堯大舜之際  
寔千古極盛大治之朝尤且君臣上下都俞吁咈  
每以蠻夷猾夏四海困窮為慮臣叨冒職掌豈敢  
因循隱諱伏望採擇早為經理 旨下戶部允行  
○上倭寇登劫踞畧云嘉靖三十三年七月 聖  
上軫念東南生靈荼毒督發山東官兵六十員名  
前來經過淮安臣隨赴揚州府交割總督尚書張  
經統領其時江南蘇松節報倭寇猖獗臣遵照兵

聖諭卷五

六

部題奉欽依彼此夾攻已將撫屬地方叅將喬基  
指揮金漢千戶姜旦等水陸官兵一千八百五十  
員名狼山哨船三十隻調赴江南會合剿捕仍慮  
江北空虛督行兵備等官各於險要集俟今年秋  
冬之交併力剿滅此賊不惟江南安靖江北亦得  
休息不意倭寇內多姦細調知江北驍勇官兵已  
赴江南遂敢復窺江北海防兵備副使張景賢叅  
將梅希孔報呂四場已到倭賊焚舟登岸賊數雖  
少皆是真倭漳賊兇猛無比通州又申狼山有賊  
船七隻往來不絕海防道調呂圻兵拒戰得獲首

級一顆殺死倭賊百十餘人俱被用火燒燬尚有首級可辨及咨總督發還江北官兵回咨江南賊勢未平遽難撤回外為照前項倭寇恐今年秋冬之交尚爾縱橫明春當與益眾姦謀叵測深為可慮况江南運道自浙江崇德嘉興直抵吳江蘇州等沿河楓橋平望八尺王江溇今年屢被賊徒經過焚劫熟知運道萬一賊如上年盤據海濱舊賊又至明年春正二月深入侵犯糧船或在水次未得兌糧或已兌糧未出京口風火不測別無支港實難防護乞勅戶兵二部從長計議備示方畧分

年譜卷五

上

投戰守務使倭奴海賊痛遭誅斬庶幾農人力田竈丁煮海得供辦國家常賦糧船自浙江以至京口得保無虞此係國計生民迫切大患臣待罪漕司不敢不言 旨下戶兵二部各議先行○上剿滅江北倭寇疏畧云兵備張景賢指稱呂四等場倭寇焚舟登岸狡猾尤甚本道即赴海門申飭將士令以挨牌門扇前拒後用大鏡弓箭護之復動通州庫銀八百兩陣前激賞退後隊長吳玄張洗以軍法處治人心思奮連戰得勝鎮撫呂圻百戶伯永福領官軍誘之彼見我兵單弱一擁追殺被

伏兵四起斬獲首級四十顆餘賊逃入江畢家斬獲十二顆殺死傷重三十餘賊初十日盡將倭寇勦滅並不遺漏一人下兵部議覆奉 旨是鄭曉陞俸一級賞銀四十兩紵絲二表裏張景賢陞右叅政仍兼兵備副使照舊管事○與督府張半洲書曰維揚侍教受益甚多真勝讀十年書家鉞方渡江而霖雨適至此洗甲兵之兆三捷之功諒在旦夕願望願望茲啟毫兵二百餘人蓋自四月調來今幾五閱月離家既久不無授衣之望生初擬中秋賊情稍寧更番放回昨奉尊命義不可辭以

年譜卷五

八

是即時督發不意此輩素聞江南糧餉之艱安家銀兩渡江始給愚民小見遂謂賒帳木桃畫餅徒成話說遂爾逃連數多生統轄不嚴罪復何辭奉別方至天寧寺喬恭將來白此事惶悚無地已隨令喬恭將別行選補務足四百名之數安家銀兩遵奉制諭亦令揚州府且就此給散聽候軍門裁處毫兵逃逸者行穎道提問夫人情易動而難安事機難得而易失生屢以糧餉隨兵奉瀆正慮此也况淮西風俗雖膂力強悍然亦難於約束相州岐溝符離往事可鑒遼陽雲中上谷尤耳目所覩

記生辱知愛不敢不盡其愚伏惟留神○十月上  
剿平倭寇首級疏畧云張景賢呈石港茶場各有  
倭賊登岸備倭千戶張祚等率兵追斬真倭首級  
二十顆餘賊趕下海潮淹死不計其數一賊不存  
及查呂四場倭寇又該本道統兵斬獲首級七十  
四顆并生擒倭賊三名地方稍寧但江南水陸會  
兵夾擊切恐此寇乘風北走可慮即欲再調徐沛  
賴毫兵勇防禦又緣地方災荒人情易動難安已  
經移咨總督軍門發回原調江北兵船回守信地  
分布戰守 旨下兵部議覆為照前項倭寇節被  
各官剿滅委可旌異奉 旨陞賞似難再議但倭  
夷狡猾每乘虛入犯在我隄備豈容顧彼失此  
移咨總督查照江南江北賊勢將原調兵船酌量  
議處奉 聖旨是○上秋災再請蠲減稅糧疏畧  
云先該臣題撫屬秋災重大議將各府州縣兌運  
糧米折徵銀兩改兌糧米改撥支運存留屯糧減  
免具題去後隨據徐賴二道及各府州縣掌印管  
糧官勘得各屬先遭久雨復罹旱蝗田禾失收小  
民絕望通州海門如臯又被倭寇殘害已經巡撫  
具奏議將兌運米折徵銀兩改兌米改撥運近該

戶部查得臨德二倉無糧可支復行前來通徵本  
色查得上年秋收時米石不過價銀五錢今價已  
倍上年蒙恩准撥支運米八萬石今不敢望如前  
數但乞准撥四萬石均派重災及被倭寇地方與  
折色銀兩相兼徵解 旨下戶部議行○十一月  
上挑漕運河疏畧云新莊閘一帶河道節被黃河  
泛漲年漕隨淤勞民費財更無休息查得去冬今  
春挑漕馬家嘴等四處工程計用銀一萬二千一  
百六十餘兩况今歲河水較昔特甚灌入裏河一  
十餘里水勢稍緩沙泥停積舊工徒費新役復興  
即今回空糧船不能陸地行舟率皆車壩年久舊  
船破損益多欲候奏請至日興工恐新運期迫勢  
不容緩即行南河郎中包應麟督管勒限完報計  
夫三千名銀二萬五千兩零 旨下工部允行○  
上剿滅江北倭寇查勘功罪并乞預為防禦疏畧  
云據揚州府申准通判火朝賓牒該臣劄仰備查  
倭寇流劫官員功罪查勘得嘉靖三十三年八月  
十五日倭賊自江南來至呂四場殺死男婦五十  
六名口燒毀單瓦房九十一間兵備張副使統領  
海門縣掌印判官趙卿等衛鎮撫呂圻百戶伯永

福等官兵勇竄截殺斬獲真倭首級七十五顆殺  
死被倭燒毀不得割取首級并追趕落水溺死者  
不計其數奪獲倭器九百八十五件兵勇陣亡五  
十四名本月又有倭賊自江南來至豐利場登岸  
十月又有倭賊從江南來至餘西場登岸殺死民  
人二名燒毀草房三十二間官兵竄勇截殺斬獲  
真倭首級三十一顆射死截死被倭槍燒并溺死  
者約有二百餘人奪獲倭器五百八十四件陣亡  
兵勇七名並無妄殺冒功等情此皆兵備張副使  
親臨行陣是以賊寇望風而勢自潰軍竄戮力而

年譜卷五

十一

功自成本府知府吳桂芳動支官銀一千五百兩  
召募各場竄勇仍預發銀兩在通州如臯等處支  
給兵餉以致寇至兵不遠調而精銳自足費不及  
民而芻糧已備前項首級多係各場竄勇通海民  
兵斬獲其生擒倭賊三名另招詳奪等因到臣除  
給賞有功員役優恤陣亡壯勇量賑燒毀房屋醫  
治被傷軍民悉遵節奉欽依例行知府吳桂芳舉  
行外為照張景賢志慮忠純才猷宣朗三令五申  
而賞罰甚明一月三捷而傳誠殆盡所宜加賞陞  
俸久任責成者也吳桂芳建議調募土兵先期給

發兵餉綜理周密而神思安閒冰栢自將而出納  
無吝所宜重賞者也通州知州翟澄泰州知州趙  
祖朝如臯知縣陳雍海門縣署印判官趙卿等宿  
州衛鎮撫呂圻百戶伯永福等所宜量賞者也及  
照各該地方官員獲功頗多失事亦鮮况江北自  
千戶姜旦船三十隻驍勇水手曹鼎等五百名調  
赴江南之後水兵既乏哨探陸兵遂難禦防似應  
免究以責後效再照江北江南相去不遠通州與  
常熟縣相對三十里海門縣與崇明縣相對十八  
里即今常熟節經寇難崇明已被殘破而倭寇見

年譜卷五

十一

今糾聚吳淞江口及八團四圍者不下數千皆陸  
地置造房屋千數間水中懸結舟船千數隻是皆  
數年積集之寇難責一時平定之功若八團賊乘  
風至江北呂四場不過一日四圍賊不過半日而  
江北兵船又住江南江北空虛殊為可慮况使船  
難於使馬舟師之練集甚難主兵便於客兵烏合  
之徒眾易散今賊徒水陸盤結有備而我兵調遣  
乏人恐姦謀叵測今冬未得解散明春益復猖獗  
豈惟通泰海門如臯四州縣危急萬一賊渡海而  
北則呂四等場皆有小徑可越通泰而直趨揚州

遡江而西則狼山等處皆是長江可犯瓜儀而窺伺留旬如此則漕運阻絕江淮震動矣若專顧江南不顧江北即使江南安靖而江北驛騷憂方深也今賊少船寡尚可支持儻船多賊衆何以待之乞勅兵部詳議上請咨行總督將江北水軍發回江北休息一二月以待明春賊至遠為哨探防禦仍於明春正二月間再發健將精兵二千員名前來江北瓜儀駐劄以防備漕運拱護南京 旨下兵部議覆張景賢先奉旨加陞吳桂芳呂圻伯永福等動支官銀犒賞江北兵船咨總督議處先是

正譜卷五

十一

又措置兵船選募驍勇二千五百名便宜起取都督周于德統領前赴江南往來嘉興鎮江間防護運船○上謝賜白金綵幣疏奉 旨覽奏謝知道了禮部知道○上建三里溝開疏畧云嘉靖三十二年八月前任漕運都御史應積因黃河泛濫淤阻清江浦運道議於三里溝開河於適中地方建置開壑啓閉工部議奉欽依節因水勢汗漫未得舉行嘉靖三十三年三月該臣接管看得三里溝開河建閘寔與新莊開一帶河道利害相因緣新莊開口當徐沛黃河下流連年河水泛漲灌入

河河水稍平淤沙頓積以致年復一年隨漕勞民費財不得休息若三里溝開河建閘上接泗水清流下避黃河渾水新莊開便可隨宜啓閉縱有泛漲之時必無淤沙之患可節民力可省官銀為利甚大臣詣三里溝再三詳看溝必因水勢防必因地勢所據建閘築隄亦應並舉泗濱一帶地勢卑窪恐河淮汶泗諸水一時漲泛東潰既建閘以引清流必須築隄以遏渾水即今未開河三十七工之土已足築隄成閘建委於運道有益不必年年挑河勞費財力然臺基宜高峻以壯地勢鴈翅

正譜卷五

十四

宜廣濶以逆水勢斯為可久之計其東南七里等湖尤宜水潦漫流入三里溝新河亦為可慮相應東邊築一隄然一時併工不惟人力不前抑且取土有限或候閘完通運相度緩急次第舉行擇於十月二十八日祭告興工 旨下部議允行○上旱災分豁稅糧馬疋疏畧云廬州府僻居山谷淮安府臨河濱海地勢平濕素非產馬處所每年派到備用馬疋止徵價銀責令椿頭前往別處收買解俵小民負累疾苦萬狀即今地方旱災赤地千里人不聊生况非當年正額皆是先期預徵即

使屢豐之歲民情已自憂惶值此積災之後有司  
委難督迫合照先年災荒折徵馬價事例將廢准  
二府嘉靖三十五年分預徵馬暫准折色一二年  
徵銀解納及照鳳揚二府徐滁和三州俱係災傷  
重大地方各有預徵馬疋一時申報未至再乞一  
併折徵 旨下部議允行○上屯官侵欺倉糧疏  
畧云穎川衛隸河南穎州屬直隸衛中屯糧管屯  
官同穎州倉官收受通關止繳河南月報止申直  
隸兩無稽考以致該屯指揮某某侵欺銀二千兩  
糧一萬石相應參究今後衛收屯糧通關俱赴穎

年譜卷五

十五

州掛號登記其月報通關一繳河南一繳直隸庶  
彼此均得覈察 旨下都察院允行○疏城瓜洲  
扼江海而走徐揚控吳楚而屏畿甸寔水陸孔道  
漕運要津且人煙稠密商賈輻輳姦宄垂涎急宜  
築城已行揚州知府吳桂芳踏勘估計合用物料  
工食銀二萬九千六百餘兩乞勅該部再加查議  
容臣督行叅政兼副使張景賢知府吳桂芳即便  
措置錢糧調集夫役定委該鎮駐劄同知唐鉞總  
理 旨下工部允行○十二月上謝陞俸級賜銀  
幣疏云海不揚波南奏鯨鯢之捷天無私覆載重

雨露之恩不惟原貸於啟彝尤且被霑乎周賚既  
豐祿食復晉官階益以無金賁之章服是謂一朝  
之樂遂成三錫之榮僂僂登嘉勳悚交集伏惟  
皇上勇智天錫乃武乃文德業日新惟精惟一略  
前愆而責後效物與更新赦小過而錄微長人惟  
求舊至如臣者資材闇劣何異管茅志意庸愚尚  
同犬馬望京華而依南斗每思宵旰之勤瞻衆星  
之拱北辰莫效涓埃之報適因醜類誘我遁逃尋  
致姦氓為彼鄉導巢穴既近喙息靡常跳梁浙水  
之東西延蔓長江之南北寔惟萬全之筭出自九

年譜卷五

十六

重是以一月之間獲此三捷詎意伐輻伐輪之食  
猥及不稼不穡之人奚帝噬肉而得金豈能操刀  
而製錦顧師旅饑饉適遇時艱而錢穀甲兵會逢  
財絀茲欲垣墉之塗既必先牖戶之綢繆故虞廷  
雖有積夏之憂而苗民終無逆命之理伏願天地  
以好生為德神武以不殺為威萬姓咸和富而能  
教六師豫附勇且知方赫赫厥聲而濯濯厥靈快  
觀兩階之干羽穆穆在上而明明在下懋揚千載  
之賡歌奉 旨覽奏謝知道了禮部知道○上佃  
塘田以築瓜城疏略云瓜洲築城原議用銀二萬



九千兩零今據知府吳桂芳開議要將逆犯仇鸞原受投獻今沒官塘田召人承買可得銀一萬五千兩及截留軍餉米抽取價銀五千兩鳳廬二府截留協濟備倭銀查取五千兩借借該鎮市民夫方可省銀四千兩共足原議二萬九千兩零之數既不敢上請內帑亦不致下派小民相應依擬再照前項沒官塘田雖預備接濟漕運然高郵寶應諸湖瀰漫有水之時此塘高者皆為稼穡之場低者不過芟蒲之壑若遇乾旱諸湖水雖未竭而此塘已為陸地以故姦民獲利一遇清查輒便投獻

正譜卷五

十七

孰若許取昔年備漕廢棄陂塘之田而濟今日防漕緊急工程之費乞勅戶工二部詳議 旨下允行

乙卯正月上留朝覲正官疏畧云嘉靖三十五年正月朔一日例該天下諸司正官朝覲但江北地方疊遭寇盜屢被災傷田野荒蕪市井蕭條即使加意拊循難得寧妥况海盜縱橫米價騰貴冬雪愆期秋糧負欠百凡拯救瘡痍安輯流充賑恤饑民供給軍餉繕治城堡整理漕渠團練保甲召集竄勇各該文職正官職守尤重通計應朝正官五十

員似應留任管事 旨下吏部允行仍行浙江江

南直隸多係殘破之餘府縣正官決難離任通行總督撫按議行○卷萬少卿書曰辱公知愛歲星周矣百凡教益奉以周旋至於深憂隱慮休戚相關有不專為身謀者人固不得而知也日月如流一別六載言念君子匪朝伊夕惟公行方志潔守道達時淹留閑局誰能推轂乃今農人力苦瘠於鴻鴈賊徒狡悍甚於萑蒲重以無藝之征有限之戶阨死無聊偷生喜亂恐禍不在蠻夷而在閭里中非得憐大明作之材相與戮力未得安靖也其

正譜卷五

十八

素不諳吏治晚膺此任奚啻面墻旋檢律例乖謬寔多萬乞不忘久要曲賜指誨至懇○上四奏災傷折徵秋糧疏畧云撫屬漕糧揚州府已蒙改折通州等三州縣改兌糧米三分之一其餘并廬鳳二府糧不甚多或可勉強催科仍行徵兌本色外惟淮安一府屬果如部議節奏蠲減支運改折無歲無之即今小民填街塞巷環號泣者正為此也蓋饑穰更迭尤可百計支撐惟水旱頻仍遂至十分憔悴又如徐州止一州四縣水淹沙壅地瘠民貧原額漕糧多至四萬八千石比之廬州一府

反多四倍即今交春青黃不接壯者率多應募江  
南剿倭苟圖活口其餘老弱張顛待哺救死不暇  
蓋淮徐地方自正德年間流賊殘破之後生理未  
復舊額戶口逃亡大半新增徭賦加至數倍儘今  
日半州半縣之民辦往年一州一縣之事以故去  
者不復歸留者又復去田野荒蕪市井零落此南  
北通達人所共見臣待罪於茲日夕憂懼若再加  
以追併稅糧縱使嚴刑峻法粉骨碎身官徒加以  
罪譴民竟迫之死亡終莫能完况民為邦本豈敢  
只顧今年不思來歲萬一民窮盜起卒至用兵公

生請卷五

九

私之費恐又不止於折徵而已再照臨德二倉所  
積空虛不敢妄撥支運兌糧米亦不敢槩乞減折  
惟有量改折色可以上完國計下恤民情伏乞軫  
念淮徐百萬生靈正在南北咽喉之地特勅戶部  
再加詳議合無將淮安府改兌糧七萬九千一百  
五十石徐州改兌糧一萬八千石各量准改折一  
半每石連席耗折銀六錢通計二府州不過五萬  
石無放月糧亦不虧損原額其餘一半併同正兌  
仍徵本色起運 旨下戶部允行○三月上濬完  
運河疏畧云淮安漕河自新莊開至抽分廠計五

十餘里長七千四百五十一丈挑濬各深不等俱  
口濶十丈底濶七丈共夫二萬七千餘名管工築  
壩車水放銀等官四十餘員共計工食廩糧銀二  
萬五千五百餘兩自嘉靖三十三年十一月十二  
日興工至嘉靖三十四年三月十六日告完○參  
廠官侵欺大料銀三百六十兩底船銀八兩小料  
銀四百五十兩官板銀一十八兩庫銀二百九十  
兩索受過銀共六百兩問永遠充軍子孫不許承  
襲次房子孫於祖職上降一級承襲○四月上剿  
逐倭寇踞畧云本月揚州沿海州縣鹽場節報倭

年請卷五

五

賊三桅大船往來絡繹出沒江海前後結艘或五  
或十歲伏麥田林莽占據山頭路口殺人放火勢  
甚猖獗臣隨至揚州督令兵備張景賢將喬基  
統兵合剿隨報斬獲真倭首級三十九顆捉獲奸  
細十二名得獲倭器九百三十五件是時賊見我  
陸兵當其衝持重不前水兵襲其後順流而下惟  
恐進無所得退無所歸開洋遁去○陞吏部左侍  
郎○五月初旬報至揚州上借糧銀以備軍餉疏  
畧云今春防倭除淮安防守鹽城麻洋港東西海  
所廟灣羊寨雲梯閣等處官兵靈勇外揚州預調

徐穎二道官兵并和州無為等州縣水兵及團練鄉兵竄勇者民水手通計七千餘員名分布水陸險要防禦查取鳳廬二府事例等銀各五千兩淮安自顧不暇止取銀一千五百兩徐州一百兩滁和二州各一百四十兩俱解揚州府庫聽海防道募兵給餉及江南調到狼客官兵經過口糧支用即今江南調集大兵征剿誠恐窮寇奔突江北主客官兵未敢輕撤日費糜糧草料不下三百兩駐一月該銀九千兩犒勞賞功置船辦器諸費不與馬通計調取廬鳳淮三府徐滁和三州銀一萬一

年譜卷五

五十一

千八百八十兩零揚州府庫銀一萬三千八百五十兩零截留軍餉漕糧二萬石為因地方十分災傷秋糧未蒙減免遵照便宜事理每石徵銀七錢該銀一萬四千兩內除瓜洲工程支用五千兩止該九千兩通前共銀三萬四千七百三十兩零自本年正月初一日起至五月初一日止通計駐守并續調官兵該四箇月用銀不下三萬餘兩况倭寇未靖只如上年八月九月賊尚侵犯今或未得撤兵即使不復加添兵馬和至八月終止又須得銀三萬六千兩無從措處隨行鳳廬二府各取銀

二千五百兩和州一千四百五十兩前來接濟支用臣雖知識淺薄不能體國事如家事然規模狹隘委的視民財如已財豈敢分毫妄用以致公私困竭萬不得已有此塵瀆 旨下戶部允行○疏言淮安廟灣麻洋港雲梯關羊寨東西二海所俱切近大海各有警報府城又漕運襟喉各分撥兵船水陸備禦必須得人統領方克濟事便宜行委原任叅將王元伯前來淮安駐劄操練官兵防守策應及委原任叅將喬基署管梅希孔兵馬事務○疏乞量減被倭地方嘉興府起運錢糧准折三分之一 旨下戶部允行○上官軍奮勇殺敗大勢倭寇疏畧云沿江沿海邊腹地方新舊倭賊出沒縱橫兵備張景賢會同叅將張恒喬基統率官兵設法堵截水陸竒正軍令分明器械芻糧軍興不乏以致大敗羣賊狼狽遁去雖斬首一百一十一顆而其溺死者竟為鯨鯢焚殺者盡成菹醢兵威大振地方稍寧我兵陣亡者止鄒月一名官民人畜房船並無損傷 旨下兵部覆行覈實○上清理獄囚疏凡寬減徒杖獄囚五千五百四十名

年譜卷五

五十二

○上異常米電疏五月初七日鳳陽迅雷列

驟起水電立至積地尺許東西二十餘里南北四十餘里○修理陵墳告成用過南京工部銀七百九十兩零鳳廬淮揚四府銀四千三百兩零疏下工部覆奉 旨鄭曉賞銀三十兩紵絲二表裏疏謝云慶源伊始樹德美嘗於百年王氣所鍾瓜綿實行於萬世伏惟 皇上至仁同體隆報本反始之恩大孝因心懋光前裕後之道繼其志而述其事敬所尊而愛所親遂允祠官之言兼采宏父之議亟行修葺旋告繕完殿廡巍巍包絡徐揚之靈秀寢園闕邃兼總川岳之精英視昔商祗見於桐

皇清卷五

二十五

官周僅聞於豐水殆不倖矣若乃壽春諸王皆仁祖基功之族 太祖本支之親繁出天潢屬在王牒今其墟墓煥然鼎新彼伯邑之原立莫考焉羨之名號徒存相去又萬萬矣臣僅叨簿書之役曾無馨鼓之勞仰荷恩私俯承寵賚庶幾三品每慚作器而能銘命服五章豈敢操刀而製錦期不忘於砥礪庶無愧於蟬蛸伏願百靈效順擁護玄宮萬福攸同保綏天胤詩云孝思維則遠瞻霜露於歲時書曰明德惟馨世享承嘗於湯沐奉 旨覽奏謝知道了禮部知道○上停建江閘疏畧云

瓜洲築城雖為保障地方實惟防護運道城工見有次第十壩已在城中蓋一鎮居民既環繞十壩而兩岸高壩又包絡萬家其於運道可保無虞今若建閘復去城西四里是築城本以護壩而建閘却又離城舍重門擊柝之防而為即鹿無虞之計相馳背矣故瓜城未築必須建閘既築瓜城還須車壩皆為運道臣非敢二三其說也况今揚州一府迭遭倭寇伏蒙軫念生靈連築四城財力有限前項閘座似應停止俟城工完備海徵寧謐因時度勢再議興建亦未為晚 旨下工部允行○上

皇清卷五

二十六

擒斬倭寇疏畧云參政兼副使張景賢至狼山倭寇尚在山前內一倭體貌魁梧端坐土坡餘倭傍立指畫拒敵隨被我兵生擒獲有印記一枚又委呂圻等合兵追剿利河倭賊共斬首級七十九顆捉獲奸細五名又剿餘東呂四等場倭寇斬首級一十二顆又剿新溝倭寇斬首級一十六顆通前節次共斬獲首級一百七顆生擒首倭一名奸細五名及照兵備張景賢參將晉奎張恒知府吳桂芳各效勞績除將生擒斬獲功次發通判史朝賓紀驗問報 旨下兵部覆覈○又上斬獲倭寇首

級頭畧云淮安府劉園浦倭賊登岸同知劉一中  
統兵追剿斬獲首級一十三顆并違禁異服四件  
倭器五百七十件生擒倭賊二名 旨下兵部覆  
覈○又上斬獲倭寇首級生擒姦細疏畧云叅政  
兼副使張景賢呈通州狼山生擒姦細二名斬獲  
首級五十六顆倭器三百三十件 旨下兵部查  
覈○上奏繳挑濬淮安河工錢糧疏畧云南河郎  
中包應麟呈計用銀二萬五千五百八十三兩其  
有併力用功不及二十五日之期先行完工者驗  
實仍給與原議工食務足每名銀一兩之數又勘

年譜卷五

二十五

得西門外浮橋起至南角樓抽分廠止河道淺阻  
亦應挑濬共計用銀一千二百八兩係在原議外  
工程動支扣除逃夫銀兩支給○六月上乞留江  
北預編徭銀疏畧云江南調集大兵征剿新舊倭  
寇奔突江北淮北江海防上下二千餘里出沒  
無定勢甚猖獗供億浩繁所據原題江北府州提  
編均徭扣取民壯弓兵工食類解總督銀兩相應  
存留江北防倭支用其浙西南各別處協濟  
江北既無別處協濟豈得又復協濟江南浙江况  
江北陵寢所在漕渠所在高牆所在五月間日

倭賊直趨桃源去泗州鳳陽不過三百餘里自瓜  
儀至沛縣運道一千三百餘里相應通將廬鳳淮  
揚四府徐滁和三州嘉靖三十五年預僉徭銀不  
分銀力二差俱令納銀與扣取民壯弓兵工食俱  
解江北海防兵備道分發淮揚二府專備防倭軍  
餉應用事寧之日銀兩有餘仍查解戶部支給邊  
餉 旨下戶部允行○上剿逐江北倭寇疏畧云  
兵備叅政兼副使張景賢呈呂四掘港馬唐等場  
倭寇登劫會同叅將喬基督兵生擒倭寇并捉獲  
姦細九名斬獲首級一百七十二顆得獲倭器一

年譜卷五

二十六

千二十五件狼山巡檢尹柰奮不顧身先挫賊銳  
死於王事情尤可憫其子尹士義既能奮勇殺賊  
又能收全父屍功尤可嘉 旨下兵部查覈○上  
勦滅淮北倭寇疏畧云倭寇自山東日照登岸經  
沐陽桃源過河入淮至馬頭巡司賊雖不多驍悍  
狡詐姦計百出海中結艖既多懸帆亦衆適賴州  
兵備朱舜民雨夜至淮督令馳至泗州統領官兵  
高鶴鳴等防護 祖陵及行中都督令留守袁吉  
等官兵防護 皇陵又令運糧把總等官將清河  
沿途重載不分軍民盡令南岸結幫外架遮關密

布矢砲賊至即發勿令妄動徐州兵備劉天授統領淮安同知劉一中義勇官王大文等隨賊勦捕斬獲首級六十三顆生擒二名餘賊被殺者倭寇投入黃河漂流不曾割取首級照得節年倭寇往往先以狡健數十人先行登岸踞路踏白若不就滅得還海舟不日引類呼朋內外勾結動輒數千攻圍城邑焚劫村鎮近日江北沿江沿海各有兵馬賊徒數至廟灣麻洋港雲梯關東西海所等處隨到隨剽不得劫掠乃直出北海從山東日照登岸經淮北腹裏沐陽桃源直至運河急發官兵圍

平海卷五

二七

住擒斬盡絕運河漕船船艙相望數百餘里並無損傷地方亦無焚燒劫殺之慘 旨下兵部查覈○上新獲江北倭寇疏畧云叅政兼副使張景賢呈呂四餘東等塲倭寇登岸會同叅將喬基差百戶伯永福衛鎮撫呂圻前去截殺斬獲首級四顆查得衛鎮撫呂圻百戶伯永福該臣題奉欽依取用今俱編入隊伍斬殺首級不願領賞相應查例陞級如上年通州殺賊有功邳州衛正千戶張永陞指揮僉事事例將伯永福呂圻照各斬獲功級伯永福係百戶陞三級呂圻係衛鎮撫陞二級

指揮僉事世襲 旨下兵部覈實永福圻俱陞本衛指揮僉事世襲○上漕糧過淮疏又上勦逐江北倭寇疏畧云狼山倭船二十六隻賊二千餘名督令兵備張景賢叅將喬基勦捕斬獲首級三十一顆生擒倭賊三名奪獲倭器五百餘件我兵並無損傷地方亦無焚燒劫殺之慘 旨下兵部查覈○與芹山陳公儒交代公薦舉兵備官叅政兼副使張景賢穎州兵備僉事朱舜民又上舉勦庶官疏舉揚州知府吳桂芳淮安知府蔡揚金廬州推官董堯封六安知州喻南嶽素與知縣姚邦材

平海卷五

二八

江都知縣周思久舉武職中都留守僉書袁吉運糧把總常勳管懷世朱仁蔣環薦舉境內人才原任刑科都給事中張侃○七月至吏部○九月病目偶遇俞醫纓仍用金針一撥雙目皆明○十二月江北巡按御史吳伯朋查勘倭功次疏云原任巡撫侍郎兼都御史鄭曉孤忠自持群策畢用綜理周而區畫當兵食咸克號令肅而威惠行將士效命淮揚二郡獲奠安以無虞驅馳二年惟鞠躬而盡瘁據其發縱指示之功允為文臣武將之倡所宜特行甄錄以彰其忠而酬其勞者也奉

聖旨兵部看了來說部有得淮揚地方帶江濱海前  
項倭賊或南自蘇松而來或西自青州而至殺傷  
之慘遠近震驚焚劫之餘室廬蕩析一時將領脆  
弱營伍空虚若不足恃所賴原任巡撫鄭曉每事  
經畫多方調度狼山巨捷一矢不遺日照倭奴片  
帆不返臺中之薦剝累贖運籍民間之歌頌塞衢  
盈道比之江南得不償失者迥不相同所宜厚加  
陞賞仍與錄廢奉 旨鄭曉陞二品服色俸級賞  
銀三十兩紵絲二表裏○先是古冲李公謂公曰  
兵部覆題功次公一見內閣錄廢決矣不愈待考

三十一

滿乎公曰吾兒溥頗能讀書使其才先人圖書可  
守足矣如不才則雖求廢未必得即得之不稱貽  
羞也李公深嘆服○巡鹽御史莫如士題倭寇屢  
犯江北數遭挫衄總督漕運兼巡撫鄭曉乃能仰  
體 皇上委任之重區畫周悉調度精詳虛已受  
人雖寸長而必錄誠心率物屈群策以圖全集徐  
穎宿毫之兵以壯其威練通蒸海臯之兵以資其  
用廟灣鎮市防範惟嚴麻洋港口守禦克慎沿海  
州縣場窩赤子二麥告成不致被其蹂踐三春煎  
辦不致妨其鹽課此固江北莫大之慶也○公在

鎮二年清心寡欲一塵不染虛已用人寸長必錄  
賂道交際上下皆絕惟修葺高文義公墳塋月給  
其孫驪米一石戶部尚書贈沐陽伯金公濂神主  
寄於僧舍誥命寄於民家公為置房一所與其孫  
居之工部尚書贈山陽伯金公純子孫無舍宇寄  
居祠堂公每至酒必周給之其他修坊牌建書院  
復班謁選刊板刷書一切不行以是勸賊賑饑築  
城建閘民無加賦國用不乏

丙辰正月預考察外官時太子少保吏部尚書無翰  
林學士古冲李公默左都御史嶧山周公延吏右

三十一

侍東野郭公朴副僉臺午山馮公天馭方厓趙公  
大佑也古冲文章政事節槩才猷表著一時嶧山  
廉方端靖東野重厚有文而達吏事方厓有吏才  
好學潔修敏毅皆與公善○二月古冲為趙文華  
誣奏策題謗訕下詔獄論死內閣南渠李公本掌  
吏部事會推代者默泉吳公鵬嶧山周公延及公  
內批用默泉○三月陞公南京吏部尚書○四月  
朔御劄下內閣曉出事務繁處用是日吏部推我政  
謝兵侍回部管事御批鄭曉改都察院右都御史  
兼兵部右侍郎協理戎政疏謝云臣質本凡流才

非適用誤蒙拔擢之恩猥廁班行之末每自慚於曠職敢過望於繁司詎意牽復之餘竟獲貞需之利屢遷列寺進貳六卿荐歷諸曹遂參八座既濫塵於清秩仍躡跡於崇階矧臺端領耳目之官而樞副分瓜牙之任重以戎政出於聖謨實保邦制治之良猷抑居重御輕之要術簡書具在尺籍尚存若非弘毅敏達之才奚有幹旋綜理之力顧采及於葑菲豈足賴於干城感戢彌深愧悚愈甚伏惟 皇上文心翼翼堯思安安玄德升聞觀耿光而揚大烈神功宣朗內順治而外威嚴一氣無

年譜卷五

三十一

私實類雷霆雨露萬彙咸若不遺草木昆蟲至如臣者徒抱犬馬之愚莫效涓埃之報敢不夙興夜寐精白一心同寅協恭展布四體益加砥礪期仰答於鴻慈勉自濯磨庶少釋其查負伏願穰穣景福 聖壽天齊赫赫威靈 皇圖日固張六師而申九伐益隆可久可大之功撫萬邦而馭四夷快觀致中致和之化奉 旨覽卿奏謝知道了禮部知道戎政乃 肅廟所改定罷團營仍復三營曰五軍曰神樞曰神機即三大營也設總督京營戎政武臣一人協理京營戎政文臣一人給戎政之

印華內外文武提督官時鎮遠侯平溪顧公寰為總督顧公孝友廉靖端重敏達當時文臣亦鮮有過之者其屬大將三十人各奉勅行事開操之日公移寓龍華寺寺在德勝門內去營不三里每日五鼓必至營營中有罰無賞父之罰亦不能行公與平溪百凡節省動支官銀五百兩買紅絹布給賞亦行罰又置金鼓旗幟用銀三百五十兩以是柄臣處禮數一切裁省矣○五月奉勅巡督蘆溝橋修理工程比完賞銀二十兩紵絲一表裏○光閣成賞銀二十兩紵絲一表裏○九月充同知

年譜卷五

三十二

武舉官

丁巳二月考察京官自陳疏畧云臣素行疎庸才力綿薄况值衰年復抱貞疾委的幹辦不前訓練無法憂懼之心雖切瘵曠之迹彌彰揆諸考察之條宜在罷黜之列伏望 聖明將臣放歸田里別選賢能整飭營務庶幾重正治官比隆周典克詰戎兵允升禹迹用人行政一舉而兩得矣奉 旨卿協理戎政盡心供職不允辭吏部知道○三月閱視賜羊酒疏謝云伏蒙 皇上特命司禮監太監黃錦會同臣寮臣曉及兵部堂上官巡視科道官



閱視三大營副參遊佐號頭中軍千把總等官都督雲冒等面試騎步射并考察平昔賢否分別等第擬議去留會疏具題恭候 聖裁荷蒙 皇上頒賜臣寰臣曉各羊一隻酒十瓶臣等祇領不勝感戴伏念臣寰忝腹心千城之任自愧公侯臣曉本口耳章句之儒未閑軍旅徒抱同寅協恭之志曾無思患預防之謀比考彛章與聞簡閱等優劣於騎射參誠否於官箴欲示勸懲仰祈賞罰誤蒙匪頒之賜叨沾大賚之恩出肥瘠於上林注嘉醕於內署旌旗生色壁壘增光臣等敢不鞭策駑駘

年譜卷五

三十三

綱繆庸戶申明師律用紆宵旰之懷訓練強兵坐收薇杜之績伏願誕播綏文之德懋揚捷武之威四夷咸賓四海咸歸於禹貢萬世永賴萬民永庇於堯封奉 旨覽卿等奏謝知道了禮部知道○大極殿成賞銀三十兩紵絲一表裏先是未樂時京營官軍五十萬成化初尚三十萬迄今不及十二萬加之虜寇屢犯漁陽上谷雲中塞切近京師殊可慮公疏畧云節年營伍空虚隨時召募惟知愛惜錢糧竟缺原額軍旅三大營見在官軍止有九萬七千五百員名若不破格查補已靠清勾文

移往返虛應故事豈能濟急邇年仰仗 天威畿輔安堵今年春月虜已大舉深入搶掠大同宣府薊州遼東邊外各有虜營住牧窺伺既久捍禦寔難京師切近關塞尤宜先事預防昔唐虞之盛每以蠻夷猾夏為憂成康之時尤以克詰戎兵為戒今日制治保邦整飭京營軍馬最為急務萬一虜營未退四郊列營都城九門重城五門巡城守舖遊兵并守護陵寢皆係三大營官軍調用如閒常操練足張威武遇警調發數實不敷必須審度時勢簡省科條不拘近利務究遠圖始克有濟伏望

年譜卷五

三十四

勅下兵部再加詳議通將祖後舊軍并召募新軍長陵等八衛存留在京軍丁見今京操揀退各有弟男子姪赴營告替者容臣等會同巡視京營科道官督同各衛掌印官吏旗識對衆揭冊面審果係精壯委無詐冒即准摘牌替役告補代操軍職應替者速令替職驗操原逃者寬限准首老病無丁愿告退役者即與開除缺伍者照兵部原議一行在京各衛所抽選補伍發操一行各巡按御史清勾解補庶幾禁革冗濫充實營伍一舉兩得奉 聖旨是選補得軍一萬二千名○司徒方公純謂

曰公營中月費戶部糧二十四萬石公曰營軍今止十二萬公但計軍營却不知錦衣官旗校力勇月支足當營軍之數又有二十四監局司庫匠役騰武四衛養馬軍又不下十萬若止養營操官軍太倉所積不啻丘山何為不及三年之積方默然方清謹鯁直不受各邊撫鎮饋遺博節內府支辦繼之者皆不及○谷方湖書曰數承翰教愛莫助之海賊山寇脊犯閩中憂勞奈何所恃者我公忠亮明達文武兼資足以獎率吏民而鼓舞兵戎以次第勦逐爾別帖云云大抵此弊自大江以南直

年譜卷五

三十一

抵嶺表皆然昨印巖公亦云賊中多華人為耳目幸獲之又多方行賄得解脫從末減人心至此但圖利已不顧桑梓殺掠之禍此其人豈有種哉天地神明必鑒之我公堅心勁節諒不為逸口所搖也○四月奉天華蓋謹身三殿奉天門午門文武樓并後左右中左右左右角左右順闕左右諸門災文武大臣會議修建役夫一各色人匠一三大營軍一錦騰五衛軍校力士共十萬人輸流佐工運料奉 旨允行未及旬月工書趙文華會戎政衙門題要先撥營軍三萬名應役趙既中傷家宰

又管大工且依倚分宜不顧原題任意侵壓自謂舉朝莫敢誰何移文取軍甚急一日在午門樓基上相遇公謂之曰原題十萬人輪工三項酌派若營中三萬則諸色匠役錦騰五衛該若干祖宗法度九卿不許相壓須照原題共議而行豈不可相知會徑自坐數取軍乎趙拂然徑出工所內外文武諸公皆不言公與顧平溪亦出即上疏畧云准工部手本內開修復殿朝門樓工程重大煩速撥軍夫運木一萬名運石一萬名工上搭廠卸料一萬名共三萬名臣等看得會題所謂用夫共十萬

年譜卷五

三十一

員名者一項各色人匠一項三大營軍一項錦騰五衛軍校勇力也所謂輪流者五萬人上工五萬人接工也及查三大營見在正備兵通計不過九萬七千餘名近奉 旨挑選精銳十枝并標下遊兵三萬五千三百名選委將官雲冒等統領操練聽調出戰此外止有六萬一千餘名以備分布內外拱護京城陵寢所據軍夫三萬名應於班軍內摘撥但先年中都山東河南大寧四都司班軍十四萬六千八百餘名近年大寧班軍調守薊鎮中都存留防倭止有山東河南春秋兩班官軍四萬

七千二百餘名內除下班休息二萬八千二百餘名到班止有一萬三千二百餘名尚不足帝真工所一處輪撥又查得山東河南中都三司嘉靖三十三年至三十五年奉欽依追解脫班抵役銀共二十二萬九千兩未見分釐解到及照工部今題木料石料廠料未審有無見在何處的於何日搬運所用三萬人若照原題輪流每班止該一萬五千人若三萬人通作一班則再須三萬人接替便該六萬人乞勅兵工二部再加詳議務要欽遵明旨施行輪班官軍不敷仍照原擬僱役庶幾營

年譜卷五

二十七

務不廢役書有程臣等既得仰遵 聖明裁定之洪規戎政亦不失諸臣會題之初議奉 旨兵工二部看議來說次日工所相見二部堂公趙即問曰昨營中踴為何公曰為與原議奉欽依者不同耳趙曰亦無不同公曰原議三項共十萬人今止取營中三萬而不及匠作及錦騰五衛以此為例則十萬人皆出營中僅勾一撥將使十萬人日日佐工乎營操只半年尚五日操五日歇做工却三百六十日皆不得歇須查照原題行趙又曰做工勝於操公曰不論勝否只論人情政體軍旅是邦

政豈可盡數佐工以人情言軍糧一石賣銀四錢三箇月糧賣銀一兩二錢約工銀一日四分一月該一兩二錢是軍三月糧止勾一月工况未得三月糧一日到手若一撥三萬人三營九萬人三撥而徧役一年該四撥一撥該銀一兩二錢四撥該四兩八錢儘一歲月糧只有四兩八錢何以養老小經年又不操將使旌旗金鼓束之高閣乎趙曰殿庭國家大事公曰軍營亦非小事且今木料石料廠料俱未集遂撥三萬軍可惜三萬軍九萬石米耳兵部許公曰須如原議俟料集撥軍何如公

年譜卷五

二十八

與顧平溪起謝曰如此即易處趙不應遂退○工部管大石高張侍郎咨工部題取營軍二萬名運大石奉 旨是移文到營平溪曰一紙取二萬人徑不一商議奈何公曰姑少緩之公即造同年張爰山公宅托其錄張侍郎原領運石勅稿勅中令其同順天保定兩巡撫起取夫車搬運公乃草手本送平溪大畧云貴部原奉勅採運大石未審勅中云何或會同順保二巡撫處置人夫車輛抑亦取之營軍昨准手本即諭各營撥軍二萬名分兩班輪役衆軍跪告大石高採運大石自有兩處巡

撫差撥八府夫車折解銀兩與工部人所共知不該營中差撥煩備錄勅諭咨來欽遵施行工部不復回報軍亦不撥而止○時雷古和公右臺錦衣朱都督公促督大工手本送營云本日工上官軍徑出長安門散去事干貴營煩為查究願平溪問何以處之公曰此不可聞於內也即草手本云官軍在營悉聽戎政文武大臣號令既送工所悉聽提督工程文武大臣號令本日辰時徵兩本府入長安門見官軍陸續散出隨問號總管英吞言工上各色匠役及錦騰五衛官軍皆出營軍隨後亦

年譜卷五

二十九

出進至午門委無匠作并錦騰五衛官軍照得工所諸色人役卯入酉出俱視工所基上旗號進止營軍應與匠作錦騰人役一體如以匠作日給工食意在節省錦騰五衛意欲優待比營軍不同須提督工程衙門先出告示知悉但營衛軍民勞逸同情似難分別雷朱二公笑而置之

卷之五

鄭端簡公年譜卷之六

不肖孤履洵校梓

嘉靖三十六年丁巳夏五月歐陽公工書同九卿在工所對衆言永樂初建宮殿都是班軍佐工今見有班軍各營叅將管領如何營中只說無班軍却撥營軍公曰公既考典故知永樂役班軍不用營軍營軍幸矣永樂時四都司班軍三十萬營軍五十萬今班軍止十四萬六千營軍不及十萬庚戌以來大寧出守薊鎮中都存留備倭止有山東河南四萬七千分春秋兩班每班不過二萬三千五

年譜卷六

一

百人不一撥工部有住坐匠又有班匠皆應查出住坐者佐工班匠銀僱役亦可少寬營軍歐陽公拂然曰何嘗有此公曰今內監及大臣科道翰林家多者三四十人少者五六人打水掃地跟隨使喚戎政官却不敢私役一軍歐陽公默然○初營中率官軍三萬人打掃火焦寅入酉出司禮黃太監錦宿乾清宮門日數相見議事官軍分丈尺及出入路道皆用石灰畫定又分定長安左右闕左右左右順左右掖門皇城外街巷各口各有把總官分守止許依畫路往來纔十餘日黃公謂戎

政曰萬歲問三次嫌火焦不見掃完我見二公勞苦用心官軍亦效力只是不見有次第倘一二日間再問何以回奏公曰此工程重大恐非歲月可計永樂十九年辛丑只三殿災遲之二十一年至正統六年辛酉工方完仁宗宣宗英宗三朝即位時皆未有殿今日三殿二樓十五門俱災其木石磚瓦皆二十年搬運進皇城之物今十餘日豈能搬出當時起造官殿火頭王長兒等十萬八千人佐工者豈止百萬况皇城之內路多門多人可散行今三萬人畫地分工畫地分行何一處有人聞

年譜卷六

二

住倘朝廷再問煩先生善回奏黃公曰先生說這此話記得真否公曰豈敢妄言內府必有實錄內官監必有底冊殿災殿完俱有詔赦豈敢妄言黃公曰說得是我得此言我也好回話○往時打火焦磚瓦木石俱搬出公與平溪議不必盡數發出白黃司禮量留應用如石全者半者一尺以上者各另圍圍就便堆積白玉石燒成石灰者亦另堆積磚瓦皆然不數日工部欲改修端門外廊房為六科并各朝房午門以裏欲修補燒柱牆缺又於謹身殿後乾清宮前隆宗景運二門中砌一道高

牆攔斷內外內監工部議從外運磚運灰運黃土調灰一時起小車五千輛民間騷動公告黃司禮曰午門外堆積磚瓦全者半者并石灰無數可盡與工部修端門外廊房午門以內石灰尤多磚石亦多可與內監修理柱空并砌乾清宮前牆黃甚喜曰可公又曰修砌必用黃土今工部起車五千輛一時不得集况長安兩門承天端門午門止可容軍夫出入一冊加車輛阻塞難行見今大工動作兩闕門外多空可挖黃土用却今軍搬焦土填上用黃土蓋三尺豈不兩便黃司禮曰善公又曰

年譜卷六

三

午門以裏臺基壞石移出長安兩門甚遠今厚載門修砌剝岸若令軍搬出左順門由啓明門前下北甚近就以此石作剝岸填堵不須減工部估料但省軍士勞力亦可黃司禮又曰善公曰舊例火焦木軍搬送琉璃黑窰二廠往回四十里今焦木皆長大不惟皇城諸門難出外而房稠路狹難行難轉况今災變各門內臣小房非燬即拆壞必須修蓋方可容身莫若將焦木移出左右順門外東西寶善思善二門前後并啓明長庚兩長街聽各內臣擊取焦皮作炭木心可用者任便取去各修

私房以皇城內物修皇城內房不出皇城四門亦省財力黃又曰善○吞樊侍御書曰五月二十一日延平教翰至知閩中寇難兵食皆窘修攘之策寔勞神慮且議論紛雜或曰寇不可不殲或曰非寇也急宜撫之或云撫之是招寇爾或云內賊難去或云賊自外至何尤於內要之皆非公論外賊本起於內賊內賊不除除外賊祇見其難也此事直須另立主意方可結構不然諸路未嘗不報首功而地方益見殘破何也○錦衣趙千戶持陸錦衣帖來言軍士搬出火焦俱置長安兩門外大街

年譜卷六

兩旁四夷朝貢人往來看見不雅慶壽寺西夾道有深坑可將火焦填滿公曰三殿災朝廷已詔天下如何說不雅誰敢將朝廷龍文瓦石填罪廢太平候故宅况壽宮災九廟災火焦皆出在長安兩門外軍士從長安大街重去空來人可並行官可照管若從兩夾道入必從寺東夾道出路多一半三萬人只做得一萬五千人生活豈有營軍為人填坑且火焦工部還有用處待木石料完要取火焦鋪路直從長安坊牌下填至奉天殿前每加五寸碎平實又加五寸至二尺許方可在上行大

車旱船滾石不然街道皆壞矣趙千戶云如此當與工部言用不了許多公曰便請旨下來我輩回奏得見今午門外東西脇下數萬担火焦積堆不搬出正慮不久又要搬入耳趙復語公徑出○時文武大臣多挾已見不肯虛心惟黃司禮顧平溪徐侍郎吳能聽公言徐尤有心計凡事務節省又肯任事重建午門樓力言增柱庶木料可用不然恐三年間未得成獨奏上得允他如此類甚多○吞李都臺書曰條上邊事甚多未有如執事此疏洪武中司徒郁公新嘗議之 聖祖亦深

年譜卷六

以為慮今且二百年况雲中斗逼虜巢俗習強悍使此輩不得其所怨警憤恨懷逆扇禍勢所必至往事可鑒疏中首言賑贖以收窘困之心委宜急於歲祿帑金四萬即未肯盡作賑數亦當取其半婚嫁及時最近人情此不獨宜行於雲中八省皆當如是內經親王外經郡守典法固不廢也人情一日不再食則饑豈得三月無所仰給前欠者督催藩司將來者議入會計或可免於空乏史冊所載庶民亦得從就寬閒處况宗人乎名分別而約束嚴惠威可並行也關內代遼縱未可轉議關外

渾蔚可徙也公此議急行親仁民安內攘外租  
目前之害貽日後之利一舉而兼得之師徒宗伯  
二公諒必如議請覆○會議午門臺基及奉天門  
殿樓等臺基塔級石柱礫花板石面紛紛不決公  
欲言恐眾不肯信特造徐宅渠即云請教某雖匠  
藝亦心服公公因言今來拜亦為此事惟公可奏  
上 旨下諸公必從以故不敢對眾言特來相告  
渠即屏左右公曰今有三事一午門臺基眾議將  
前三面拆去一丈從新築土砌石如此恐今工作  
不及國初堅固萬一樓成後舊基不動新基傾側

年譜卷六

六

費鉅萬矣莫若止將臺下龜那東腰墩板等石除  
不被火焚壞者留之其壞者鑿出燼餘約深一尺  
五寸節做新石補入內土令堅仍用大杉板障之  
決不圯三面分三工不過一月可完惟左右掖門  
兩旁須彌座石最大且厚難換必須旁石換齊後  
如前鑿出約深二尺五寸做成新石墊土與舊石  
空齊用鐵創有進亦易為力徐曰善公又曰奉天  
門階沿石一塊三級殿上柱礫大者方二丈如此  
重大不比往時皇城無門限隔可拽進近年九廟  
災木石諸料不能進拆去承天門東墻方進得人

料比九廟又多進三重門尤難為力莫若起開焦  
土將舊階沿礫石地面花板石逐一番轉看尚堅  
厚可用番取下面加工用之至於殿上三級臺基  
并樓及門臺基俱如午門完補皆可公能力主此  
議具疏獨上省夫力萬萬銀糧何止數百萬驢騾  
車輛又不知幾萬莫大功德也徐甚喜後三日再  
議悉如前說眾皆以為然徐工師猶能取善於人  
不可及也○吞張都憲書曰比聞塞外頗有賊踪  
調度兵食正勞神用尤軫念民窮懇疏請賑蓋據  
外必先於安內真至計也問里苦楚怨咨痼瘼之

年譜卷六

七

狀疏中甚詳其緩急輕重又有差別矣夫國初徙  
外省之民實圻輔今可坐視圻輔之民轉徙外省  
乎當事諸公必能如議題覆通糧雖少天津倉又  
何吝二三年後責民抵償恐亦不當如是但發廩  
之際酌量轉運亦未易處救荒之策自古為難更  
祈見教○谷胡梅林書曰領教知賊情緩急撫勦  
端緒今歲江浙間賴明公保障賊知歛縮春夏麥  
禾民得穫耕功德偉矣但其深入淮泗者水陸轉  
掠縱橫千里二陵五墻相去不遠傳聞駭異奈何  
開市之說既不能蚤圖於壬子之久及至沈庄之

後海既投首洪復獻俘人誰我信今則我無心勝  
之策賊無必歸之意幾會反覆憂方深耳且主客  
職方議如矛盾樞臺督府恐亦如之江淮道絕今  
已四月撫市之疏今已再上日復一日明年春汛  
又至矣其念鄉閭剝膚之災故敢盡言伏祈台照  
戊午春正月荅胡梅林書曰翰教云不問賊之來否  
惟當整兵以待壯猷長策無過於此但聚兵易散  
兵難養兵尤難奈何公今水陸分布洋嶼海岸腹  
裏皆得險阨先聲所至賊且遠遁然此皆除戎禦  
寇之事若揖亂安民久安長治之計公固熟籌之

年譜卷六

八

而未肯盡言之力任之耶九重倚望真切即百戰  
百勝衮繡歸尚未可期海內人材公所知也誰  
其代公克齊公近聞聖意欲移之宣大金陵危疑  
意必煩公公又付之芳溪公矣復先朝番船之舊  
制解近日封海之嚴科收豪傑於賈販之流消神  
奸於強暴之族非公精神意氣誰辨此者又不奉  
候抱歉種種惟諒其心畧其迹察其無他腸而垂  
照焉○二月荅王南岷書曰三湖之議某因昭陽  
佃後恐奸豪垂涎特疏申明禁例時默翁在工曹  
已曾覆允不意復有此舉吾大所持寔經國遠猷

况此祖宗典制豈可紛更某疏中止言漕事不  
及尊疏更詳明博大一謂此輩不乞荒曠地土而  
必欲假湖塹漸肆兼弁且避徭賦一謂此湖不特  
蓄水以濟旱亦且受水以洩潦與其煦煦於東汶  
之奸豪孰若不遺曹濮諸郡之沮洳豈非誠見有  
巨細局度有廣狹故服敬服虞坡翁密中首疏嘗  
云歷考兵部節年之覆議廷臣累月之建白其可  
行者豈敢執泥以為非如不可行亦不敢依違以  
為是竊自慚不能侃侃如是今讀來疏亦然堅貞  
端諒真古大臣風節敢不師資國家事皆若此必

年譜卷六

九

求其是何異都俞吁咈嗟不可多見矣○荅荆川  
書曰承長翰數百言知江南賊情猖獗近始退斂  
江東浙西所在農耕如故甚喜及見克齊翁疏復  
云云若公泛海洋窺賊巢水路往來出入阻險豈  
敢謂異樣說謊乎公初行時曾有拔本塞源之議  
何不及今明白條上所謂視軍情者當如是若冒  
矢石督兵戰守似總督提督事也門下處師中姑  
舍虎為龍何如議者又謂江南將領難得其人余  
慮相繼斥去代者誰可公雖不欲必置死地但一  
至法司則有律在難轉轉矣度此賊皆華人借夷



作惡秋去春來習已為常今秋且不去明春更可  
憂真倭獲而盡殺之亦不為武聞彼中皆謂交易  
來中國父母兄弟妻子寄書來喚而不知其已為  
俘鬼莫若於所獲真倭中量留數人給與印信文  
移令其歸島徧諭彼中勿從華人相誘入寇送死  
彼既目擊言必真切當必信之勾引奸氓計自窮  
矣其間委曲情狀公畧入數語料足動人夷亦人  
也若專以調兵調財驅殺為事恐不止於庚戌戊  
午首尾十年況土着不練倉粟不儲所養之兵乘  
機為盜所凌之財冒破無紀直恐禍不在海島而

年譜卷六

十一

在蕭牆也三十餘年道誼骨肉不敢尋常唯諾由  
中迅筆殊不倫次○三月上欽奉 聖諭疏畧云  
本月初五日奉 聖旨近日右衛地方內逆勾虜  
援犯必須多調兵馬逐勦其糧餉缺乏着九卿堂  
上并科道官曾任巡撫二司及有司者知各省各  
項錢糧有可設法計處堪以取用的各要明白條  
陳具奏大同戰守事宜文武職官應該更置的兵  
部詳議來說臣忝受軍旅之寄不能仰贊萬一實  
切慚悚若使虜騎未退右衛城門未開阻我耕牧  
斷我樵汲雖月給萬金終難濟務昔人謂七年之

病求三年之艾自今蓄之猶為可及謹條二事未  
為長策大抵欽財不如節財督責理財之臣不若  
嚴察用財之臣也奉 旨戶部着了來說○三月  
既望陞刑部尚書吏部會推疏上六日而後得  
旨疏辭又八日奉 旨卿材望素著改任刑曹已  
有成命了不允辭疏謝云疇咨既允式承懋簡之  
恩渙汗莫回祇荷溫綸之寵怔營益切感戢彌深  
伏念臣質本凡庸材非通朗徘徊江左曾無案牘  
之勞奔走淮揚靡有旬宣之績誤塵清秩迭貳六  
卿仍躡崇階遂聯八座未視留銓之篆俄分戎政

年譜卷六

十一

之符寔賴鴻休獲親消氛於壁壘詎知駑劣更叨  
執法於貫城解圻父爪牙之官晉尚書喉舌之任  
伏遇 皇上至聖至誠建仁義中正之極允文允  
武總剛柔威福之權念士師之明刑三苗斯叙而  
司寇之慎罰五教攸敷爰詔銓曹俾詢輿論蓋欲  
得廉平之吏庶幾無冤抑之民顧臣何人乃膺茲  
選官守愈重自知管蒯之奚勝眷遇方隆尤愧乾  
坤之莫報臣敢不欽崇休命恪慎彝章存蘇公長  
國之心嚴甫侯私家之戒求不愆於淑問期有監  
於祥刑伏願聖壽益增皇圖永固神武布昭於萬

國丕釐耿命之光寬仁彰信於兆民洽被好生之德奉 旨覽卿奏謝知道了禮部知道○給事中吳時來論劾兵書默齋許公論削籍宣大楊總督路巡按速詔獄吳左侍亦被劾下詔獄右侍芳漢江公東出宣大督管總督事代者水東閔公煦奪起虞坡楊公博仍以兵書總督宣大時大同右衛父被圍虜又東行至隆慶四海治近昌平報甚急三月二十二日漏下三鼓內批兵部印着鄭曉督管分宜每阻邊臣報聲息即報至亦阻兵部勿題覆庚戌之事足為明戒公即日上疏畧云節據薊

年譜卷六

十一

鎮傳報大虜駐劄邊外窺視黃花鎮古北口大水峪等處又據居庸關報滴水崖柵口墩達賊哨馬過邊切近陵寢京師關係甚重所據京營兵馬相應整搦以備不虞但今營軍連月工役不得休息十分疲憊况自來工役未有京營官軍不分正兵備兵盡數輪撥佐工者近日累經京營戎政文武大臣題奏未見區處萬一虜警日急方行掣軍驅之行陣不惟勇氣難於振作恐衣鞋器械亦多缺乏見今開操教塲營伍稀疎臣叨蒙 聖恩特令督管部事日夕靡寧欲將該營原選聽征官軍三

萬五千員名免其佐工行令戎政大臣定委謀勇將官十員整搦操練遇警分布戰守仍行戶部即查數月夫給馬草料本折色餽養馬疋如工所應役不敷乞勅提督工程總協京營內外文武大臣及監察工程巡視京營科道從長計議錢糧缺乏尚可支撐官軍耗散碎難齊備工程營務事體俱為重大豈得顧此失彼伏乞 聖明留意速賜施行即日奉 旨原選聽征官軍着即回營操練工所缺人應役你每會同工部議處來說次日具稿會工部覆題畧云查得禮部等衙門會議內稱查

年譜卷六

十一

得先年鼎建四郊兵部軍少摘撥不敷動支馬價銀僱役今工程浩大官軍必不能敷兵部速處馬價銀三十萬兩付工應用等因奉 旨都准議行又該鎮遠侯顧寰等題本部議得大工重務宜當多方求濟豈可獨役京軍以虛營伍所據原題本部助工馬價銀三十萬兩相應僱夫與軍相兼應役等因奉 旨是及查京營佐工官軍先該本部及監察工程科道定議以十分為率京營七分錦騰五衛三分原議軍夫四萬名京營該出二萬八千名照數速撥赴工俱經通行去後又准戎政衙

門查報撥軍佐工數目大朝門工三萬名壽明殿及城垣等工共一萬五千名尚未撥足又查得三大營官軍除原選聽征三萬五千名外止有正兵四萬四千五十一名備兵三萬六千八百三十八名班軍已到八千四百餘名未到一萬九千六百餘名臣等會同太子少保工部尚書歐陽必進等議得門樓工程原議京營佐工官軍二萬八千名後因木料石料重大又工作方輿添至三萬名即今門樓工程行將告成止要搬運木石磚瓦為力頗輕相應仍照原議二萬八千名聽戎政官就於

年譜卷六

十四

京班官軍輪流撥用再若不敷仍照禮工等衙門會議并兵部議題奉有明旨准令軍夫不足聽工部僱夫幫貼決不敢致工所缺人應役上履聖慮若軍數發撥銀兩不必動支存留以俟殿工興作隨宜處補此後搬運稍完用力不多悉聽監察工程科道官酌議量減其壽明殿高玄殿雷霆洪應殿重簷金殿石山子西苑躡水城垣各工除工部民夫外合用軍夫聽戎政大臣查酌已未與工量度先後緩急將京班官軍相兼撥用如此庶幾工程速完戎政修舉人不告勞財不妄費奉

旨是○上擬三諫罪疏給旨中吳時來劾分宜奸貪誤國奉旨邊臣不忠欺君禍國已處治了吳時來這厮原非真忠為主本懷譏怨朕躬事女息政先設一二遠臣次可及於輔首必有主使同計的又日父奉使不行自以亡命待之抱恨朝廷假此沽名錦衣衛便拿送鎮撫司好生用刑追究主確之人來說不許支調同日刑部主事張紳董傳策各疏論分宜大奸巨惡賂貨欺君各奉旨這厮着錦衣衛拏送鎮撫司同時來究問來說司問得犯人吳時來浙江仙居人進士松江推官選刑

年譜卷六

十五

科給事中嘉靖三十七年二月琉球使臣請封蒙差時來捧勅前去不合畏懼海道艱險故意在京稽遲就於本年三月內將大同總督楊順巡按路楷參論蒙將楊順等拿解來京打問時來不合自要避差又將輔臣并原任吏部郎中萬采等參論犯人張紳廣西馬平人進士刑部雲南司主事紳與本部四川司主事董策出位妄言沽名賣直向董傳策商說今各衙門條陳邊政我們也尋幾件事說各不合將輔臣并論具本同日投進致蒙拿問參照吳時來心懷怨望意在譏君情罪既明

法應懲究張紳董傳策朋比高確遽陳詆奏欺君罔上黨互行私據法原情罪當併論以為人臣避艱懷怨黨互妄言不忠不職之戒奉 旨各犯送刑部從重擬罪來說送司議得三人俱合依各衙門官進呈實封及風憲官挾私彈事有不實者罪亦如誣告人流徒杖罪加所誣罪三等罪止律杖一百流三千里俱有 大誥減等各杖一百徒三年俱職官各照例贖罪及查得問刑條例凡捏寫本狀扛幫奏告重事不實者俱問發邊衛充軍合無將吳時來等俱比照前例充軍案呈到部公謂

年譜卷六

十六

原問參語俱承旨意言官直犯而加重罪君恩天憲未兩得也然不擬流必無以保全三公遂准從重照例充軍三月二十九日題四月初四日奉 旨這各犯都發煙瘴衛所充軍但逃殺了時分宜容啓同僚主使云時來同僚門生先任松江推官董傳策又其至親今既皆出彼意 上心疑之劄諭陸錦衣亦云時來本某主也公與時來同鄉董張二主事又皆公屬官分宜明對人言此事刑部必不肯如法論罪時來等三人明受主使怨望欺君 皇上洞察旨意甚明刑部豈可再為朋比李

吏部楊員外已有故事公聞之屹不為動都擬徒贖疏印封完矣十三司官同到後堂言吳等三公懇言刑部若問徒罪必重聖怒更加廷杖決無生理不若引例充軍聖明憐察尚得生全公曰吾意直欲為社稷全忠臣耳沽一時之直孰若完三諫之生以俟他日報天子乎即疏上五日而後得 旨分宜揚言刑部堂上結黨欺君每事中傷日甚一日矣○荅章都憲善曰翰帖并至知麾鉞尚在汴汴中注措宏大而周密桑土衣袂之意知者鮮矣論云南倭北虜人所共知汴控三省之中當四

年譜卷六

十七

方之會萬一有變七省一脉深憂豫圖非公安能及此訛言飛帖竟爾消奪公之功大矣大疏所陳雖未直指而情狀自見太原之變厥鑒不遠方溪公及蘇山職方必從來議其他事端亦宜次第及之近有漕臺之命度其責任不減於汴有司不奉約束官軍極其疲困諸省各持意見部使類喜紛更數千里外止憑一劄我急彼緩我重彼輕不可意事日有之至於鑿山煮海狠於桂蒲轉壑推溝磨於鴻鴈且介郊圻申畫之間又直水陸午道之會尤為可慮公純心偉畧遺大投艱信非偶然也

何日接勝言所難言楮往神馳伏祈台照○上楊  
順路楮擬罪疏畧云給事中吳時來論劾楊順路  
楮奉 旨錦衣衛擊送鎮撫司打問楊順招稱屢  
次乞請兵糧蒙給銀三十餘萬兩奏討銀二十四  
萬兩順係總督不與相干斬首級俱白蓮教叛邊  
勾虜路楮不合聽從報功虜賊苗台吉妾桃松寨  
來邊投順不合不察機宜輒自准降送部苗台吉  
等來邊詐說要將立富易換桃松寨順不合聽信  
具奏以致兵部仍令原解姚天祿等將桃松寨押  
回到居庸關外白登地方桃松寨遁走出邊訖所

年譜卷六

十六

據楊順等招情相應差官查勘奉 旨各犯送刑  
部從重擬罪參着楊順謬叨總督之任全無保障  
之才墻內城外盡為虜之巢穴官堡民堡無復我  
之藩籬逾年累月經畧無聞揜罪飾功真偽莫辨  
欺君禍國聖明已燭其奸玩寇殃民神人共憤其  
惡路楮列官耳目專務雷同行役遠隔全無風采  
論功前後異說論罪督撫殊科清議難容官箴有  
玷但鎮撫司奏要差官查勘似亦相應奉 旨楊  
順路楮且都監着便差給事中一員會同巡按御  
史從實查勘來說○谷侯都憲書曰承翰教并副

年譜卷六

十九

帖極知貴鎮艱危內輯外攘兩費區畫敏達憂勤  
我公素所蓄積竭心盡力圖之其間事權不由我  
安得不虛已下人委曲求濟乎大疏最為懇惻苟  
有人心能不感然朝士見之皆以為是至於舉手  
出肩却又未盡如意奈何但得一分即寬一分姑  
且從而引伸可也○上查覈首功疏畧云國家軍  
功陞賞凡遇各處奏報功次奉 旨下部該職方  
司查呈咨行都察院劄行巡按御史覈實覈冊到  
部又該武選司查呈擬議陞賞具奏定奪此定例  
也近年浙江直隸福建奏到剿倭功次俱經通行  
覈實去後間有覈冊到部者陸續題請陞賞未到  
者尚多以致各處獲功員役每每各具奏告狀輒  
要不候覈冊先陞職級若與准行恐職級既陞覈  
冊不准復行查革未免抵牾况據一疏一狀而陞  
一官煩瀆 聖覽數屢批荅尤非所以重王言而  
齊邦政也合無恭候命下移咨都察院劄行各該  
巡按御史通將先奏獲功員役不分職級已未陞  
授只據覈冊已未報到作速逐一嚴加查考中間  
如有倚恃勢豪依附親識脫罪減身奪功冒報及  
巧立名色如賞旗督陣出奇放火躡路進六踰城

報信等項俱要照例查革其有罪重於功仍須問  
罪功可贖罪量與准贖夫功不速賞無以勸勵官  
兵賞不當功何以慎重名器必須據理執法分別  
真偽豈得遠怨持疑耽延歲月奉 旨先行○吞  
虞坡公書曰領教知非時調兵芻糧為急撤兵省  
費即至萬計裁筭濶狹神慮勞苦重以薊事甚棘  
京陵孔邇得遊兵二枝進駐三河過賊西向東兵  
聞之敢尾虜後不復馳騁從薊北出塞者公之功  
也今時馬力地利委難深入但路東諸州縣庚戌  
戊午己未三掠止寶坻未至我之天險人謀賊盡

年譜卷六

二十

得之秋高恐更可憂爾留公雲谷干城固足倚執  
若還公樞省南北兵機咸出指授利益尤大言不  
盡別帖分兵駐赤城者防北路而援東路駐左衛  
者防西路而援中路仍俵馬勾丁給與軍資皆為  
要務賞不逾時將吏始知勸覈功良不可緩此在  
省中諒悉從公議惟學自崇護以副上下中外之  
望○上驛傳疏畧云先該九卿堂上并科道等官  
各條陳濟邊餉共一百一十二件戶部會官看議  
奉 旨這會議無甚為國忠實裁省座船馬疋禁  
革冒濫關文兵部詳議來說議得驛傳事例著在

令典日又莽生成法大變既有站紅船又增官民  
座船既有額定馬驢又增幫馬沿途豪勢多方生  
事船馬夫皂廩糧鼓吹漫無定數多索折乾肆行  
騷擾比之定例勞費百倍且各衙門原給符驗者  
狗情分關兼行牌票水陸絡繹真偽難辨官民並  
困相應酌議裁革另設勘合悉從兵部分給應有  
符驗衙門其餘關文牌票盡行禁革不許應付奉  
旨是裁省座船馬疋都准行額徵銀兩巡按御史  
查明解部不許延緩內外衙門行使關文牌票盡  
行禁革再有故違的重治不饒應該應付公差人

年譜卷六

二十一

員你部裏出給勘合與他還着刊刻榜文各驛張  
掛曉諭○上叅大同撫鎮巡按御史藥尚約題  
奉 旨兵部參看了來說着得藥尚約題稱大同  
總兵官龔業巡撫都御史朱笈推奸避事為照大  
同右衛被虜圍困患切剝膚至屢 聖諭屢下期  
解倒懸龔業朱笈身任鎮巡誤事至此已蒙寬宥  
尚不改圖龔業托疾而高枕偷安軍機重務若罔  
聞知朱笈候代而輕離重鎮地方安危置諸度外  
相應將龔業革去職級仍行巡按御史提問具奏  
朱笈革職為民奉 旨是龔業革去職級巡按御

史提問具奏朱笈輩了職為民○再答荆川書曰  
前具答復時 新命未下鄙意欲公以視軍情為  
名條上又安長治方畧總督提督事姑且勿任今  
奉 簡命寔由師錫緣數十年來善類皆云南倭  
北虜非公不靖今身任其事專且重矣不識果能  
如公謝疏中所云者見之行事否練鄉兵江北易  
於江南積軍餉江南易於江北賊之長技利於江  
南而不利於江北我之長技利於江北而不利於  
江南總計則賊利於陸戰而我利於水擊先朝極  
嚴倭賊登岸之禁良有以也其最可憂江北貧而  
悍者利與賊合江南富而豪者利與賊通與賊合  
者利於搶掠流害鄉曲與賊通者資糧漏師奸詭  
百出尤可畏也今熒惑出入南斗占者謂吳越間  
有兵火不知占書有此說否○覆大同右衛兵糧  
疏巡按御史藥尚約題奉 旨兵部看了來說看  
得御史藥尚約具題備言右衛被虜困圍糧餉不  
繼採樵不通十分危急宜大兩鎮邊牆墩堡城池  
俱不足恃况饑饉相仍軍馬單弱乞要大破常格  
急調兵餉仍乞叮嚀總督江東嚴督鎮巡官同心  
協力以解右衛之圍及稱大同副總兵王尚忠才

李請卷六

五十一

欠發揚恐難展布原任叅將尚表謀勇兼全右衛  
非表斷不能守要將王尚忠別用以尚表代之  
各一節為照大同逼隣虜衝連遭兵荒軍寡糧乏  
疲敝已久其在右衛孤懸西陲被虜圍困至今未  
解尤為危急若非大破常格議處兵糧委難救濟  
荷蒙 皇上軫念邊防屢發帑銀空運糧料徵調  
各路官兵務期驅賊出境是在當事諸臣仰承德  
意夙夜奉行多方經畧以保無虞其右衛孤危全  
在將領得人庶可保障地方副總兵王尚忠廉靖  
有餘謀勇不足委不堪任所據原任叅將尚表練  
達老成人心又服若行更代必能保全但查本官  
原因年老致仕伊男已經替職若准代王尚忠責  
任查無事例然當此危急之時似難拘泥常格况  
該巡按御史藥尚約目擊其事訪知其人具題前  
來相應通行議擬題請合候命下將王尚忠革任  
回衛聽用就將尚表暫令代任副總兵事本部備  
查原擬責任請勅行事合用符驗旗牌就彼交代  
本官果能矢心殺賊力解右衛之圍聽巡按御史  
據實具奏朝廷自有超格陞賞本部一面咨行戶  
部通查先後題奉欽依本色折色錢糧分投作速

李請卷六

五十一

運解一面行宣大總督鎮巡等官即將前項原發銀兩多方急備糧料或傍蹊側徑人可間行或隣州近縣糧可煩積或加值給軍聽自措辦或重價召商隨處收買但求濟事無執文移及將本部原題准調山西宣延等處及本鎮主客正遊奇標十枝兵馬先期整棚務在日下野草未茂虜騎未應錢糧悉備官軍畢集相機進勒驅賊出境保全地方勿得仍前玩愒致誤事機奉 旨是王尚忠革任尚表着代任副總兵事寫勅與他還賞銀三十兩彩段二表裏錢糧戶部作速發運前去○谷李

年譜卷六

二十四

憲副書曰接翰教并別帖乃知高蹈遐舉果出真意似不可強留吾兄昌言正色善類傾嚮而讒鋒巧舌亦因是起恐軍旅之區積弊宿慝實難轉移吾兄秉心忠諒豈肯絀已徇人張功隱敗渝變初心即捐棄晚節砥矢是循則寤吾可畏先幾早斷非智且勇者不能以是不敢強留然所以自為祗負愧爾○上會議大同兵餉疏畧云巡按御史樂尚約題奉 旨這本說的是着兵部會同九卿科道官為國保民議上會議得大同右衛又為虜困若使往年巡按御史據實奏聞早為區處豈致危

急如此所據御史樂尚約奏稱欲救目前之急必須調遣援兵積儲軍餉欲為經久之計必須大加賑濟守者多給粟米耕者多給牛種量地而加修墩堡酌要害而添設將官皆禦虜安民之計相應議奏除調遣援兵節該兵部題奉欽依督發主客官兵十一枝已經月餘量已調集其積儲軍餉節該戶部陸續給發幣銀共三十餘萬兩買辦糧草已有運至左衛者但虜退之後即為久遠之計四事委宜區處相應大發幣銀早為賑濟或一時運解未及就於見到大同銀內動支四萬兩內二

年譜卷六

二十五

萬兩計算右衛官軍民戶分別賑濟作為米粟之數二萬兩給為屯種官民田地牛種之資戶部即將今次用過銀四萬兩照數補完至於加修墩堡則或仍舊貫或創新營務須并及邊牆通行整理據扼險要控制賊衝我得通行賊難遽阻添設將官則如左衛威遠平虜等衛牛心高山等堡可以聯絡聲勢互相犄角去處大則副叅小則遊守隨宜設置揀選將領及時預防此皆御史樂尚約奏內事情臣等酌議具奏此外尚有四事一則該鎮軍少輒調客兵往來勞費無益戰守必於各衛所



官軍舍餘內及土著居民多方抽選召募揀拔精壯補足原伍時加訓練應得糧餉照例支給一則邊儲缺乏實由鹽法廢壞不收本色軍徵折色以致飛輓良法久廢不講即今危急雖積金如山何益於事為今之計必須議復飛輓開中鹽引定收本色仍減斗頭勿徵銀兩庶使富商豪戶各自赴邊春農之際既能借資本以助耕種秋收之時又能收米粟以易鹽引邊地自然開墾糧料自然充足安邊足用此為急務但每言及此人皆視為迂緩不濟急用殊不知三年之艾自今蓄之尤為可

年譜卷六

二十六

及不然年復一年動支內帑坐困東南耕種之民無益西北饑疲之卒庫藏日至空虛邊鄙日至荒廢矣一則官吏貪殘軍民困苦忍棄鄉土甘從醜類亟宜嚴飭文武大小官員用心撫綏軍民多方設法招回在虜人口免其糧差加意安輯一則有名逆賊多在虜中勾引逋逃且歸且叛反覆無常須要密謀曲計或購賞以擒渠魁或遣間以離黨與務使互相疑貳莫敢近邊凡此藥尚約所奏臣等所議事件皆是虜退路通之後方可施行至于酌量事勢相度時宜全在總督大臣審處合候

命下咨行總督尚書楊博嚴督該鎮鎮巡等官同心協力先救目前之急趁此兵糧既集之時即便驅賊入餉以解右衛倒懸之苦隨時賊退路通修墩堡築邊牆設將領等項并令會議足兵足食內收人心外携賊黨事宜各要乘時刻期着實舉行未安重鎮上慰聖心其賑濟銀兩咨行都察院劄行御史樂尚約督令守巡等官設法給散務使人沾實惠事完徑自造冊奏繳此外若別有關係目前要務日後遠猷應處置者仍聽總督大臣作速具奏以憑覆請定奪即刻 旨下都依議着實舉

年譜卷六

二十七

行其有未盡事宜楊博作速計議奏來○覆徐給事中條陳疏畧云給事中徐某題奉 旨兵部看議了來說者得大同右衛圍困逾年互相欺蔽幾至不守仰賴 皇上神武天錫明見萬里赫然斯怒本兵守臣一時更易調集官軍給發糧餉超格賞功差官覈罪事無巨細皆出宸衷臣下敷奏裁察可否即時批荅今重鎮既危而後安邊民將斃而更生者秋毫皆帝力也逐虜入餉之後總督尚書楊博又能仰體聖懷矢心圖報竭力經理一應足兵足食設險設官內收人心外携賊黨緊關事

務相應悉聽便宜處置應具奏者隨事奏請況本  
官前奏亦稱參兵部節年之議題查廷臣累月之  
建白事在可行者不敢執泥以為非事若難行者  
不敢依違以為是則其忠誠任事定見定力足稱  
任使不必一一逢度遙制以示專閫之意所據徐  
某條陳一曰定經畧以立遠謀二曰重閫權以責  
成效三曰舉將才以備任使四曰守險要以防衝  
突俱係邊防要務相應議擬及照徐某於條陳四  
事之後又欲又任尚書楊博為宣大總督不為無  
見但楊博志慮忠純才識明練在內歷任職方郎

年譜卷六

二十八

中兵部尚書在外歷任藩臬巡撫總督其於地里  
險易將校勇怯守禦緩急虜勢堅瑕無不周知至  
於秉持實心幹辦實事尤不可及見今右衛稍寧  
本官即能條上方畧刻期修舉兩三箇月事必就  
緒本兵重地內練六師外籌九邊江海閩廣所在  
未靖必須楊博居中調度可上副 聖明委任責  
成之意况節奉 明旨總督官不必推且着楊博  
去少寧回部此寔 皇上神謨睿筭周悉萬全臣  
晚荷蒙知遇暫管兵部事若復合默不言他日必  
致誤事昔舜命九官濟濟相讓成周分職推賢讓

能伏乞容令楊博經理大同少寧之日欽遵 明

旨回部任事其於軍國政務必有補益均乞聖裁

奉 旨是時南總督尚書厚賂分宜求入本兵又

通言官屢疏請留楊公於邊吏部亦從分宜願旨

覆言官疏是惟公獨抗疏力請還楊本兵總督甚

怨公分宜父子益忌○覆浙江巡按王御史倭寇

疏看得巡按王本固具題大率言豐後進貢夷僧

德陽已經議覆阻回至今尚泊外海輒與岑濬夷

人合船蒙萌已動以致逼挾將官即今春月將盡

尚爾稽留內地恐夷情狡獪變詐不常彼此合踪

年譜卷六

二十九

乘衆搆禍方行驅逐必致勞師費財貽患匪輕本

官具題前來相應議擬題請合候 命下本部馬

上差人移咨總督軍門一面將夷僧德陽等宣諭

朝廷德威令其嚴加禁戢從夷作速還歸本島如

或展轉遷延即行嚴督水陸主客官兵驅逐出境

以弭交搆禍端一面將岑濬夷賊上緊設法極力

勦撲勿墮賊計要之順逆既明撫勦自定形情已

著耳目甚多諺謂賊頭露尾掩耳偷鈴恐一旦潰

裂財力俱困貽害東南關係匪細奉 旨是○上

薦文武官疏給事中徐溥奏奉 旨兵部看議了

來說者議得徐溥所奏相應行在京九卿官限半  
月以裏虛心採訪但有忠勇過人智畧出衆及明  
習天文諳練邊務可備軍旅之用將帥之選者不  
拘文臣武職見任革任緣事聽勸及山林隱逸微  
賤各疏名具薦兵部議擬上請定奪奉 旨是臣  
訪得原任山西參政胡松原任春坊贊善羅洪先  
原任應天巡撫都御史今充軍曹邦輔大同先致  
仕今代副總兵尚表五軍營副將都督雲冒薊州  
副總兵馬方大同開住參將趙臣獨石參將劉漢  
宣府參將郭鎮原任參將黃演雖文武不同職任

年譜卷六

三十一

亦異要皆練達時務曉暢戎機有勇有謀可戰可  
守者也再照永樂中百戶孫岩退開子亨替職岩  
復起用歷官都指揮使封應城伯稱為功臣成化  
中遼東巡撫馬文升充軍起用歷官少師吏部尚  
書稱為名臣即今南倭北虜尚在用兵欲求所以  
上體 聖心下安民庶惟有用人最為急要似應  
破格超資取新求舊務集衆謀用收群策奉 旨  
該部知道○上謝賜收回祭設疏畧云節奉 聖  
諭臣曉祭告東嶽廟如修省儀恭詣行禮畢伏蒙  
賜臣收回祭設伏惟 皇上敬天勤民仰觀俯察

遇休祥而祇順道協貞符見災眚而憂勞神凝聖  
域精裡昭格祈禳特軫于宸衷信順孚顯感應益  
彰于靈鑒竊念臣誤承知遇叨攝兵刑仍荷恩私  
與聞俎豆蒼壇之蕪燎雨畢素饁之餒徹遂頓惟  
知感德于乾坤庶幾效勞于犬馬伏願文恬武熙  
快覩昇平之世和風甘雨屢登大有之年受天眷  
而享天心普天胥慶厚民生而勤民事兆民允懷  
奉 旨覽卿奏謝知道了禮部知道○東虜退京  
師解嚴大同右衛亦稍寧上疏伏念臣質本凡庸  
不堪任使本年三月二十日荷蒙 聖旨兵部權

年譜卷六

三十一

着鄭曉暫管左侍郎缺便會推兩員來看臣曉不  
勝感戴即赴兵部暫管外次日隨該吏部會官推  
補兵部左侍郎員缺奉 旨東陞本部左侍郎其  
時江東先奉 明旨暫管宣大總督事今於五月  
初二日回京朝見為照江東原係兵部堂上官逐  
虜入餉克效勞績奉有恩命陞賞服色銀兩衣襲  
所有臣暫管兵部印信伏乞欽定江東署掌臣回  
刑部辦事奉 旨是印着江東署掌○六月上明  
職掌以平刑獄以一政體事畧云該司呈稱各衙  
門紙劄不敷欲要查議一節為照該司所呈雖為

紙劄不敷然實侵奪職字以致刑獄冤濫政體紛更非細故也在京各衙門歲用紙張春秋二季該一百十三萬六千八百三十七張以每年三百六十日計之每日該紙三千一百五十七張俱於本部十三司問過囚犯名下取給今通政司送到狀詞每日少則一二張多不過六七張於內又有例不該准者詞狀紙劄賊罰通為一事先年紙劄不敷許動支賊罰買給今詞狀既少紙張亦少賊罰豈得獨多以故累年紙劄不敷動支賊罰年復一年賊罰無幾不過一年必至罄竭又將何以處之

年譜卷六

三十二

在京大小衙門人犯俱應參送法司問理大明會典開載甚明近來各衙門不遵成憲各受詞狀徑自發落紙劄賊罰通無查考甚至強竊盜賊止送人犯不開贓仗人命威逼量追瘞埋不送問擬笞杖以下不暇論矣其間類多枉縱往往具告通狀送部因而平反者甚多夫釐蔽之下一應詞訟既不由刑部問擬又不經大理寺評允越職侵官任情廢法踵弊效尤肆無忌憚臣等待罪法司知而不言是為失職况四海之內孰非朝廷赤子而神州赤縣有萬生靈尤為最切近者各司受狀拘提

禁繫筮楚結斷甲可乙否此重彼輕致使良善苦於紛拏刁潑喜於詐害是小民之不安其生又有甚於法司之不得其職伏乞申飭在京衙門務要各安分守欽遵大明會典及成化年間嘉靖三十二年部院題准事例凡軍民詞訟俱聽赴通政司告送法司問斷不許徑自受理各衙門有應問犯人俱要參送法司不得徑自決發其巡視五城批送兵馬司人犯除情輕無可結正就彼量情發落外若係杖徒以上罪犯亦要參送法司問擬通送大理寺審允發落庶幾職掌既明刑獄清平政體

年譜卷六

三十三

歸一賊罰銀兩不至乾沒年季紙劄亦能取辦奉旨是在京軍民詞訟各衙門并巡城御史不許徑自受理今後故違的你每查參來說於是錦衣東廠俱欽嚴西曹生色張于興頌矣○上急處分守將官以明夷夏大防事為照大同北西路地方近虜巢穴關係甚重用匪人貽患不輕參將周現先因開立馬市出入虜營靈壞邊防既該總督尚書楊博會同鎮巡官議奏前來革職員缺另推奉旨周現既與虜通着總督軍門拿解來京問員缺即便推補續該拿解前來撫鎮司打問現於嘉靖

二十一年授大同總兵周尚文為家丁獲功歷陞  
指揮僉事尚文病故仍充家丁跟隨總兵徐仁嘉  
靖三十年四月內兵部右侍郎史道前來宣大督  
同鎮巡開立馬市將現取討部下聽用史侍郎將  
大紅藍綠等段差去俺答營內與定馬市日期俺  
答男脫脫向邊求糧方肯開市史侍郎又令現去  
一虜營向俺答傳說如今朝廷止開馬市未曾奉有  
給賞糧米旨意難便依從往來三次與虜講允於  
四月內史侍郎在宣大開市俱現往來通商狡奸  
挾詐交結北虜出入往來肆無忌憚開市之後現  
陞指揮同知歷陞守備遊擊將軍大同北西路  
將轄守拒門等堡總督楊尚書見現所守拒門等  
堡逼隣虜地慮現仍前通虜將現劾拿問奉  
旨送法司從重擬罪者得鎮撫司參現結虜舊私  
往來無忌大壞邊防釀成虜患情由雖稱公使實  
同私交及查得問刑條例一款但有漢人交結夷  
人互相買賣引惹邊釁貽患地方者問發邊衛永  
遠充軍參者得周現初以習知虜情奸闌出入因  
而交通群醜饋遺往來邊臣倚之為爪牙乃撤藩  
籬而延寇盜點虜委之以心腹敢移營帳而扣門

年譜卷六

三四

庭誤國負恩懷奸釀禍華夷之防安在臣子之義  
已虧况越陞千戶歷陞參將官賞實為踰涯自己  
立功自己犯罪襲替尤為有碍該司問擬前罪仍  
照例充軍情法相應合將本犯監候仍行督撫衙  
門嚴查若有走泄事情透漏軍機實跡再行具奏  
議擬如無別情將本犯送兵部定衛發遣奉 旨  
周現依擬發遣○上叅福建巡撫阮鶚疏該兵科  
給事中劉祐題奉 旨這厮着錦衣衛差官校拿  
解來京問隨該鎮撫司打問叅送法司擬罪依因  
公擅自科欵所屬財物賊論五百貫之上罪止律  
杖一百徒三年有大誥及遇恩例通減二等杖八  
十徒二年係京堂上官照例運炭贖罪呈部者得  
阮鶚猥以庸材謬膺重寄昔在浙江頗聞勞績改  
任福建頗損功名徒知盜賊之縱橫軍餉為急豈  
思閭閻之疾苦勞費甚多派銀力不論重輕編徭  
甲不分年月雖云有因之科欵實為無藝之徵求  
既拂人情遂滋物議若止照常發落未盡其辜合  
行抄招送吏部革職為民奉 旨阮鶚着革了職  
發回原籍為民○履南京刑部詞狀疏南京刑部  
馮尚書岳題稱南京及獄事由將囚逮繫經年釀

年譜卷六

三五

成劇盜乘時起禍賊既逃去千里纔將餘孽參送  
法司皆由職掌不明乞要申明事例凡拿獲強盜  
及輕重罪囚通送法司問理嚴行各衙門遵照舊  
制等因照得兩京法司專理詞訟職掌具載大明  
會典與節年題准事例近年兩京各衙門往往不  
遵成憲各受狀呈徑自擬斷以致刑獄枉濫甚多  
即此反獄一事關係不小近該臣等申明職掌題  
奉欽依相應通行禁革若越職侵官任情廢法政  
體不一刑獄不平委應嚴加禁約仍乞天語叮嚀  
兩京大小衙門凡有詞訟不得輒自受理俱要赴

年譜卷六

三十一

南京通政使司告送法司各衙門如有仍前接受  
詞狀不行送問兩縣五城敢有奉法不公致獄囚  
反叛貽害地方者俱聽該部一併指實參究奉  
旨是今後南京詞訟俱送法司問理各衙門不許  
濫受○時分宜曲庇各邊撫臣一日戶部三堂同  
飯尚書方公純曰各邊巡撫盡將戶部軍儲銀兩  
饋送人只說戶部各財致誤戎事天理何在某侍  
郎曰我却不敢方曰公在鎮三轉官三膝子非戶  
部銀安能得此侍郎面赤語塞分宜聞之遂恨方  
方不久去位會言官勘某侍郎被劾疏中通無不

合字公欲題行具招言官又白分宜求免分宜又  
欲曲全某侍郎公不聽分宜風言官論公疏中分  
別不明公亦疏辨分宜進密帖奪公俸一月科中  
表郭李三人皆陸錦衣鄉里因陸得科陸以公明  
職掌疏不許錦衣受狀大恨公三人每疏指摘營  
中刑部事人皆為公危公直付之義命而已陸錦  
衣暴卒表郭李皆以考察去○閏七月上議知府  
宿應麟等疏看見監犯人宿應麟洪英明蕭立  
教先該採木郎中李方至惟恐木植遲誤致參被  
逮奉有 明旨行令彼處巡按查勘今據御史王

年譜卷六

三十二

本固勘得木植完驗各有月日稽之領解俱有委  
官事既有據情似可原相應量擬罪名納贖還職  
奉 旨宿應麟等既木植不誤准各復職○上省  
擬科道官查勘楊順路楷疏該給事中鄭茂會同  
巡按藥尚約查勘具奏前來除首級不明錢糧費  
用夷婦脫逃各罪外其失事之實一則攻毀墩堡  
一百一十餘座一則殺擄人民七千七百餘名口  
事干邊防法難輕貸該司仍擬斬罪似不為過但  
查得節年各邊失事總督巡撫等官被劾破逮者  
如宣大總督翟鵬巡撫龍大有陝西總督張子

皆荷 聖明裁允比律發邊遠充軍今照楊順情  
罪似與程鵬等相同及該本犯奏辨地方饑饉兵  
馬積弱虜勢猖獗墻垣傾圮已逾十年自任總督  
即有虜困西衛之變亦曾積有微勞所據情詞委  
有可矜况給事中鄭茂等會勘具奏前來亦稱乞  
勅該部再議酌處合無將楊順查照程鵬等比律  
及矜疑事例送兵部定發邊遠充軍路楷仍依原  
擬罷職為民原任總官龔業仍聽原案歸結原任  
巡撫朱笈另行提問叅議等官吏闕疑等四員量  
加罰治奉 旨楊順着送兵部定衛發遣路楷既  
勤無受贓情弊降雜職邊方用龔業朱笈依擬史  
闕疑等各罰俸三箇月○上謝賜銀幣疏畧云伏  
惟大朝門工告完該工部具題臣原任協理京營  
戎政點撥車夫荷蒙 聖恩賞臣銀二十兩紵絲  
一表裏恭惟 皇上誠敬孚于帝天仁惠洽于寰  
宇鳳樓復構龍陛鼎新爰始爰謀定宸衷之指授  
勿徐勿亟皆庶民之子來臣偶緣職守協計徒庸  
會無整鼓之勞叨被駢蕃之賜敢不效勤于尺寸  
庶幾報德于帡幪伏願弘開閭閻聚百順而柔百  
神垂拱衣裳履萬福而綏萬壽允矣一人有慶不

全譜卷六

三十一

若三皇五帝曆數之隆長信乎四海永清式保  
二祖七宗基圖之盛大奉 旨覽卿奏謝知道了  
禮部知道○八月長子履淳登順天鄉薦淳病三  
年公詢平溪顧公薦醫梅生一藥即愈因援例入  
監中式張榜後同朝同鄉猶不知公之子也公遂  
日課淳博覽○寄里人馮秋野詩三律東方有狂  
客笑傲輕王侯遠避紛華地閒居雲水版襟懷張  
翰侶風致孟郊儔自謂甘踈曠從來不解愁○志  
士偏棲野幽人每愛秋炎涼初適所風月正堪酬  
曲徑携新榻澄波泛遠舟遨遊無去徃處處是丹  
丘○佳興秋偏好秋光野更優蓬門閒不掃山澗  
靜還流皓月邀吟伴黃花備酒籌怡然有深趣高  
臥老滄洲

全譜卷六

三十一

全譜卷六

鄭端簡公年譜卷之七

不肖孤獲洵校梓

嘉靖三十八年己未春正月奉旨參看趙忻叨巡撫之職乏保障之材軍務紛拏不能條上方畧錢糧拖欠未嘗奏下度支累於任法而不覺其任情急於歛財而遂至於歛怨重以委用非人因而奉行過當毀言日至既皆得於見聞辨疏冒陳遂難白其心迹曹一麟恃才妄作挾勢陵人數年適負責辦一時眾口沸騰流傳千里既得罪於巨室竟歛怨於撫臺賊私雖未敗露暴戾亦已彰聞劉敏

年譜卷七

政守已甚嚴嫉惡大過事出因公情本註誤該司各門擬前罪參詳律例俱合但趙忻既經言官論劾鎮撫司招參似難照常發落合無將趙忻量加降調曹一麟革職為民以示懲戒劉敏政還職奉旨趙忻劉敏政各降二級調外任用曹一麟革職為民○忘張少渠書曰別後一領教言再呈啟劉情深義重非徒尋常寒溫而已未審近日境內財力何如徵歛得少寬否春麥可登場秋苗曾入土否愛身守正違權順時公素所問學詩歌赤舄易占素履萬初益自崇護言不盡○上謝賜鈔錠羊

酒疏畧云臣歷任二品俸三年給由該吏部引奏

奉旨着復職移咨到臣欽遵謝恩復任本月二十二日伏蒙聖恩特遣奉御楊淮齋賜臣鈔二千貫羊一隻酒十瓶到臣私第臣不勝感戴伏以累日計年莫展一籌之力天高地厚式彰三錫之榮感戴彌深臣營私措竊念重華考績黜陟惟明成湯懋功官賞不僭良以勸懲之典寓於嚴最之書迨我盛朝著之令甲或因而廢置綜核甚嚴或略其否臧包荒是尚至如臣者才識庸愚性資朴拙叨二品九卿之職值三載一考之期初分戎政

年譜卷七

於北軍未開師律比司邦禁於西省徒落刑書詢事省成每有妨於吏治循名覈實豈無玷於官常方懷三禩之虞敢微一朝之貺詎知雨露彈及管茅甫納銓署之章俾存鴛鴦傳中賞之使復冒鴻私牽漢苑之秋穉既茁而壯霑鑄京之春酒尤旨且多重以園府之流泉宛如市門之欵布書云大賚富之善人禮有匪頒誠諸太府寔皆願榮之異數猥加瘝曠之凡流道左奉迎奔趨伏地階前登受拜舞瞻天茲蓋恭遇皇帝陛下玄德昭孚於蒼昊純心默契於黃軒清問下民鯨寡無蓋丕



釐上命威福不移日月曲掩乎瑕疵蠲除細過海  
嶽蕪收平涓壤采錄微長雲上於天孰非覆被之  
澤風行於地要皆鼓舞之權臣敢不求全晚節務  
保初心生必畜之勉效羔羊之義飲此醕矣敬思  
革藻之恩矧惟楮幣之逾千奚啻金錢之鉅萬秋  
毫帝力益知報吞之難咫尺天顏恒切瞻依之念  
伏願一人有慶重正百官萬壽無疆嚮用五福體  
天地好生之德草木鳥獸咸寧播神武不殺之威  
華夏蠻貊率俾仁賢充實茂揚九重欽恤之風因  
圖空虛快覩四海雍熙之日奉 旨覽仰奏謝知

年譜卷七

三

道了禮部知道○吞李克齋書曰領翰教往來水  
陸勞心勞力忠勤可想見江南江北事此間公論  
甚明今亦須兩解時勢至此豈有明知道遺賄於賊  
移怒於鄰而付之若罔聞知乎况此情不特東南  
為然西北諸鎮皆然不獨今歲為然其為宿蠹久  
矣度此時貴鎮已有捷報日下且得休息但恐秋  
去春來終無了期若非拔根塞源另為經畧日復  
一日財力並困禍不在海島而在閭里中也翁志  
存天下素抱經國遠猷何不分明條議上達聖聰  
乎○吞王方湖書曰承教知內調眾口外戡群盜

憂勞萬狀任事之難如此奈何壬子歲黃巖之變  
生時寓金陵嘗言此賊皆豪族巨室為之耳目齊  
糧漏師肆無忌憚以至此極非請劍行誅必無平  
定之日乃今流言飾謗迷執不改非至滅門慘禍  
不止所論三事第一事最難處海禁豈可明開蓋  
彼中所欲寬假者皆奸豪強橫之家而軍門所欲  
寬假者在貧細愚弱之眾宜其法雖良而不以為  
恩害已深而猶以為利也第二事易處在吏部一  
轉移間耳第三事設總兵蓋與設縣治相表裏愚  
意縣治設於月港總兵亦宜駐月港俟內賊漸歸

年譜卷七

四

外寇漸息即將浙廣市舶并而為一移置月港修  
復先朝故事嘗聞洪武初一市舶司設於太倉黃  
渡至今稱為六國馬頭後乃慮其切近南京分而  
為三移之於浙於閩於廣六國亦分隸三司今可  
考而行也洪武末樂時因倭奴不靖海上人相勾  
為盜嘗遣高僧諭日本又遣都御史俞公士吉等  
三十餘年而後已今不考之故實而輒求近效加  
以衣冠士夫上下遊說比之國初更難展布朝議  
倚賴明公甚重幸熟思而決行之不但八閩蒙福  
浙水東西長江南北皆有息肩之望矣○五月擬

總督王思質等罪疏畧云該御史方輅劾吏部尚書吳鵬等參節奉旨王忬官又志怠全不肯着今次調度失宜致賊深入近京地方生靈被慘還着錦衣衛差官校去拿了扭解來說鎮撫司打問送部送司擬流罪參照節年各邊文臣失事被劾被逮如宣大總督翟鵬陝西總督張珩皆荷聖明裁允比照前律充軍所據王忬情罪似與翟鵬等相同相應依擬奉旨諸將皆斬係軍令指揮之誤出令的却不治是甚擬律且不究再從重擬來看該司謹遵明旨再議得王忬所犯合比依

全書卷七

五

守邊將帥守備不設為賊所掩襲因而失陷城寨者律張倫合依領兵官已承調遣不依期進兵策應因而失誤軍機者律各斬奉旨王忬等依擬監候處決○聞四路用兵感賦一律云日日給音下王堦四門推轂亦多時三關車馬羨胡急百粵樓船瘴霧遠豈謂滇南尤水戰不堪河北尚潢池諸公莫吝昇平策天子勤勤拊髀思○吞章陽華書曰公才兼文武志存經濟禦災弭亂游刃揮斤但今體統渙漫約束紛更逋負相仍弊垢叢集加以軍民相規如秦越文武相持如矛盾天時地利

每不如願重以楚城氣習朋家作讐公包荒馮河張弛有則柔遠能邇以靜制動不過旬月便當改觀若乃兩賢相與屈伸吐納葳用相時尤我公之能事勿勿不盡○吞荆川書曰昨述真悃不忍歸詞來諭若督過何也某有見不以告吾兄更誰告乎兄尚疑其更誰不我疑蹈海關巢誠不欲調弄筆劄某固信之亦不能不為吾兄危之恐亦非直激懦將疲卒之氣而已備嘗險阻徧尋多訪理固宜然末云所謂易者轉覺甚難此真話也詳讀大疏所列八事勝于南沙北灣數千首級一海洋文

全書卷七

六

武士士皆移險阨且重迎擊來舟之賞是也復設視師官官易設而人不易得奈何二防海岸必須海岸與腹內從入與被虜並論功罪此不但可行於東南在西北亦應如是三圖海外二事最為要策但葉非自歸之賊蔣非絕域之使以此二人為可托又不若不行為愈也盧帥之言鑿鑿可行四定軍制練鄉兵募近兵調土兵處置甚善無容他議六鼓軍氣貴在磨礱而時用之文臣督帥擐甲臨戎武將次第身先士卒自古為然雅詩具在至于出刀用鉞直可偶一為之爾七復舊制此固

良法善謀父老相傳倭賊登岸為大創以故水寨不可不復復水寨則出洋亦易矣浙西亦有水寨原在下浦沿海衛所舍田耘田誠為非策金堂玉環諸山其不知其在何處三市舶者何以謂福不通貢亦不通船琉球三國鼎立專在福海往來今之賊皆起於福福人至今亦賊以地狹人稠生理薄不得不資於番今若城月以該參將兵備并三市舶於彼亦以毒攻毒以人治人之術也八別人才所薦所勅皆允當矣或謂羅拱辰勝於唐堯臣嚴太守不如淮安張給事果否九定廟謨極言

平講卷七

七

兵變民變為禍巨測尤人所難言者非吾兄忠誠安肯及此倭寇往時春來秋去秋去春來今徧地皆有幸倭之盜時時皆有望倭之心何日得息有乎即今朝鮮將倭賊所虜人口送回及此獎諭國王并令傳諭日本事非創端機出乘便而議論不同蓋前此蔣洲但至賊舟未嘗至日本也五足軍食只於鹽法上稍加損益可也若專責歛財者而不責之用財者財不肯節即日殺守令守令日殺百姓祇為循恩菓芝先驅耳為今之計歛財者不可不守潔廉之操用財者不可不知交際之節

如何又春汛時浙東兵備移舟山江東移崇汛不知浙西移下浦為便抑移金山乎金山有武將移下浦可也○十一月上俞大猷恭鵬舉立功疏該總督胡宗憲參鎮撫司問將俞大猷恭鵬舉送部轉行兵部詳議情詞不一有碍參送題行法司備查詳議原未奉有明旨擬罪及據兵部查報俞大猷恭鵬舉委的獲功數多又屢經督撫科道官保薦內俞大猷先該總督胡宗憲據罪題恭鵬又該胡宗憲叙功具奏恭鵬舉既已被逮彼處巡按御史樊獻科又稱其擒斬數多寔舒神人之憤即

平講卷七

八

今南北多事將材難得如俞大猷恭鵬舉者似難以一時失事盡棄其功該司查有吳瑛前例委應議處合將俞大猷恭鵬舉咨送兵部轉發沿海海軍門從宜委用領兵殺賊候工有戰功力議題請如或因循退縮不能自奮徑自來奏從重擬罪奉旨是○會題賊犯王直等疏畧云總督胡宗憲題奉旨兵部會同三法司詳議來說者得總督胡宗憲巡按周斯盛各題稱犯人王直葉宗滿各謀叛斬罪王汝賢越度緣遠關塞出境及稱葉宗滿王汝賢俱各歸順報效欲從末減定擬充軍

直妻子免其為奴止行流置伊母汪氏八十以上  
犯流依律議貸葉宗滿妻子令其隨住伊弟葉義  
量擬本等罪名發落各一節臣等伏覲大明律一  
款凡謀叛但共謀者不分首從皆斬妻妾子女給  
付功臣之家為奴財產並入官父母祖孫兄弟不  
限籍之同異皆流二千里安置又一款越度緣邊  
關塞因而出外境者絞一款年七十以上犯流罪  
以下收贖八十以上及逆殺人應死者議擬奏聞  
取自上裁臣等詳議得犯人王直葉宗滿背華勾  
夷謀叛之罪已不容誅王汝賢越關出境作逆之

全譜卷七

九

狀亦自難掩胡宗憲等議欲將葉宗滿王汝賢貸  
死充軍恐未足以正法其王直妻洪氏妾許氏男  
王澄小記陶福葉宗滿妻張氏男葉天祥各係謀  
叛親屬俱應為奴葉宗滿弟葉義亦應流置俱難  
別議王直母汪氏招年八十以上犯流委應議擬  
奏請各照王直葉宗滿罪惡已極神人共憤通應  
解獻闕廷顯戮市曹以彰國典但其作孽始禍原  
在海上似宜就彼典刑以快人心恭候命下移咨  
都察院轉行巡按御史將王直葉宗滿查照原擬  
斬罪即時處決梟示海上王汝賢一併處絞各犯

妻妾及子洪氏許氏王澄小記陶福張氏葉天祥  
等七名口俱押解來京給付功臣之家為奴財產  
並入官葉義流二千里安置汪氏合無依律收贖  
惟復別有定奪奉 旨王直背華勾夷罪逆深重  
看就彼處決梟示葉宗滿王汝賢既稱歸順報效  
饒死發遣衛永遠充軍其餘依擬初胡總督疏至  
分宜必欲通將各犯作投降宥死公不從分宜父  
子言聖意欲如此處公曰堯曰宥之三臯陶曰殺  
之三即 旨下法司應執奏况王直等問作謀叛  
已從未減直率眾攻破城池殺傷文武將吏軍民

全譜卷七

十

百萬明是謀反今作謀叛已非正律豈可又輕分  
宜父子曰不然 旨下再議公曰再議必用反律  
豈可更減叛律乎分宜父子曰原着兵部會法司  
法司只從兵部議可也公曰豈有死罪犯人不由  
法司擬議之理兵部即議未減刑部亦不敢僉名  
須別上一疏父子喞然不應○卷門生書曰病久  
不得晤語為歉來諭甚明正但云全免區區殊非  
鄙意只如初說通不免為是黃冊上並無官民之  
分只是男丁婦口民草房三間蓋古昔庶民之義  
今欲均甲正合此義若免少而增後多委是朝四

暮三之術亦姑以是塞衆口也本縣士夫既不得免寄庄豈得獨免近日人無耻寄庄增多不啻十倍雖云富人影射其情可憐得利受寄者獨不念及子孫一切均甲通不免則不禁詭寄而自無復詭寄人間夫婦同衾共枕若有妾便謂情有厚薄為民父母焉得人人而說之非任怨任勞如趙左山公者終不能行此試觀壬戌前進士舉人家未嘗均甲今有幾家尚如昔日乎人若不深思耳○十二月上遣祭復命疏奉 旨賞綵段二表裏鈔五十錠又上謝賜祭設跪曰伏惟 皇上欽崇天

年譜卷七

十一

道敬授人時欲占大有之年爰候小寒之雪用祈玄既特軫淵衷望秩於山三禮兼隆於舜典懷柔及獄百神效順於周經竊念臣徒守簿書未聞俎豆誤承眷命叨備使令蒼燎甫畢於東郊素饗遂頒於西署敢謂駿奔之敬益增鴻術之慚感戴彌深報稱曷既伏願霽集瓊霄靈飛瑤宇大田多稼兆已見於三冬樂歲屢豐惠膏沾於萬姓奉 旨覽御奏謝知道了禮部知道又上謝賜綵段寶鈔跪伏惟 皇上存款天勤民之心數對時育物之政靡神不舉有感必通大雪小寒既適符其節候

春耕耒耨可預卜其豐登竊念臣肅奉精禋叨備駿奔之役欣逢靈貺曷勝雀躍之悰錫寵載加水菽彌切顧茲虞廷之締繡重以園府之流泉豈直匪須是惟大賚誓竭絲毫之力仰酬龍袞之恩伏願萬壽天齊普天歡慶四方日靖化日舒長休徵允協乎箕疇五氣順布文命懋揚於禹迹六府孔修奉 旨覽御奏謝知道了禮部知道

年譜卷七

十二

嘉靖三十九年庚申春二月知縣胡美以阻慢符錄逮詔獄衆謂罪且不測下刑部議擬凡奉制書有所施行而違者律減等杖九十米贖還職奉 旨允行○上郭希顏疏云原任左春坊左中允調兩浙都轉運鹽副使閒住郭希顏奏為天恩未報處君父骨肉之間願獻微忠事臣退伏賦血生未報恩死何瞑目今天下談士皆稱南倭北虜為中國憂臣切以帝王欲安天下有緩急若孔子所謂不在顯史者是已明內之尤急也臣往歲恭讀 聖諭欲建帝立儲者道路相傳以立儲賀臣度曰立儲難皇上誠欲立儲官則重臣有可與計者如猶未也莫若安儲臣願陳忠之日久矣以為說從則兩存俱利臣之大榮也說不從則出位死罪臣之

大懼也乃間歲星變地震繼又大殺災皆天垂仁愛之象謬意在廷或有出死力為皇上計此迄無調護者臣欲避死終不言每念主恩感泣忽然忘生又臣嘗疏嚴監國後有謗者必追咎及臣則是不言亦死為負國言之雖死為報國臣寧一言報主不敢言立儲請言安儲何者君相相信則儲安兄弟相保則儲安父子相體則儲安相信有道釋疑是也相保有道分封是也相體有道摠攬是也三者安儲之急務也何謂釋疑臣觀自古蒙無故之議者仁君不及全其臣履危疑之地者慈父不

年譜卷七

十一

能庇其子今皇上至愛莫如二王至重莫如元輔其初固何嫌疑也蓋自言者倡為二王而陳嚴嵩之說臣恐輔臣疑而不自安則何暇善後然尚可諉也猶差遠也二王疑而不自安則誰與承祧此大可慮也尤最近也皇上何不降德音諭元輔以益加忠謹使知王初無他也不必疑於王諭二王以毋忘恭敬使知萬終無他也不必疑於萬夫然後王心無所惶惑而師保是依大臣無所忌避而匡贊愈力臣故曰釋疑而君相相信是為至和之國則儲可得而安也何謂分封臣聞神龍離淵人

易狎之美王出權人易伺之如此乎外防也二王親則皇帝之子也貴則國本之寄也顧同處京府智與年長則崇高所共欲防不預設則讒隙所由成昔三代之盛也大封同姓使各有寧宇以衛邦國而况於親子乎是故幼而暱就膝下者所以篤恩也長而出就藩封者所以強本也今親藩遠離禁闈臣仰窺天慈為王繼續但府不宜久虛山川若以預待王誠能慕叔齊之風高子臧之節大臣畫計聖明早斷及時勅王就國周其衛翼殊其寵數於制於情似為兩盡臣故曰分封而兄弟相保

年譜卷七

十四

是為至福之國則儲可得而安也何謂摠攬臣惟父子之愛天性皇上之子幾何恒情體子者未有不身任其艱大而欲子安於無事也不觀之今時乎四郊多壘一日萬幾天意人心莫不願大聖人萬萬年垂拱者誠以南面事權非賴皇上神謨獨運太平未可反掌而致若曰儲宮臣知天序所屬堯舜不能以揖讓聖恩無私伊周不得而假手即京府獨處尤宜親就儒賢涵養冲資討論往古得失相切磋於仁孝之道而一毫外物不得與聞况時事固非高枕之日而聖父又非倦勤之年分封

之典既定留京之意已明臣願皇上瑞拱以順天  
人從容以建議立亦無不可者臣故曰揔攬而父  
子相體是為至治之國則儲可得而安也內外各  
守屏翰彼此永無猜防宮中問省之箋不時而進  
靡下富貴之想奚自而生大之而傳世享國與天  
齊久次之而全終股肱與國咸休至治昭而夷狄  
自賓至和感而天地自位至福備而宗社自延此  
安儲之上計也亦今日之先急也每嘆古者忠臣  
不退斥而忘君烈士不避倖以直諫臣嘗得罪輔  
臣只知天恩莫報輒憤激推心且先國者不讐其

年譜卷七

十五

私愛君者必及其後知而坐視非忠固之不早非  
智是故在廷不言在野不容不言惟聖明仰慰祖  
宗九天之望深思聖母一脉之託察臣愚始終為  
主之無他赦草莽言計自臣始則士豈有不嚮風  
刎首而爭效闕下者哉奉 旨這本有建帝之說  
不明禮科便會科道官看議即回奏欽此禮科都  
給事中藍璧給事中龔情李得春曾灑吏科梁夢  
龍鄭茂徐師曾李瑜胡應嘉戶科趙鐸蘇景和江  
一中喬光大李璉兵科王文炳李東華何燧張鳴  
瑞沈寅刑科劉一麟候廷柱王楷趙灼工科袁汝

是立岳劉畿陳所學曾廷芝樊傲浙江等道監察  
御史崔棟莫如士鄭存仁黃訥鮑承蔭劉存義陳  
旌揚衍慶耿定向蕭九峰祝乾壽王諍陳聯芳蔡  
完蔡結查光述潘清曾孫用張瞻陳紀高應芳巫  
繼咸董學苟穎彭繼業丘文學張科袁淳王漸黃  
喬趙鏜閻東于業張九功段顧言郭文輔溫如璋  
王得春等題仰惟皇上玄穹默祐聖壽同天內外  
大小臣工悉心仰戴何乃有此悖逆之臣妄為建  
帝之說以干天聽臣等恭捧綸音不勝驚愕忝者  
郭希顏本以儉壬久遭擯斥心懷怨望陰行欺謗

年譜卷七

十六

之私志在傾詭肆為狂悖之語此其罪不容道而  
法當重究者也乞勅法司明正其罪以為人臣欺  
罔之戒奉 旨你每看謂彼物悖逆理法俱所不  
容着三法司按律擬罪來看刑部尚書鄭曉左右  
侍郎趙大佑傅順太子少保左都御史周延副僉  
都御史鄧懋卿邢尚簡大理卿馬森左右少卿張  
兩查秉彝左右寺丞孫慎黃季瑞議得犯人郭希  
顏所犯合依造妖言惑眾者律斬秋後處決奉  
旨這逆犯依律便着彼處巡按官即時處斬發各  
省梟示十八日諭焉汝於暇日一出可安心贊我

未宜功虧於一篑也彼逆物令法司行文不許將他人替刑必斬本逆郭疏入內閣初擬禮部看了來說聖諭汝等票希顏之本部看以何若用其言只管郊廟告行何如內閣改擬禮部會同三法司參看聖諭汝昨一見彼本豈不悶怒但以疑字一端却未見彼懷逆之意本內建帝立儲四箇字夫立子為儲是所建立帝誰可同二輔票來又諭卿等所票擬欲下部議然細邪必無可赦之理今不忠之臣不義之民皆惡不速行新政以君相又位不言君只攻輔相槩可見矣部衆皆大臣又謂阿

年譜卷七

十七

諛可着耳目官看議希顏奏下分宜令馮都憲公懋卿來言此人明是無君悖逆科道亦參悖逆建帝二字與謀反何異相公甚怒云聖心不可測宜慎看悖逆字公曰何至是馮曰然則擬何罪公曰此事重大看三法司衆議何如馮曰離間親王得無太輕公曰須待會議馮又曰自來三法司議罪刑部主之公徐曰若予得專主之希顏只是奏事詐不以實馮曰介翁云我身家為此人所害不小切齒恨之觀其意上怒甚恐不免於大逆律耳再三探公意公竟不言別去會議時公問周公卷

曰該貴衙門定議又問馬公對亦如之公曰郭希顏此疏意在立東宮不甚過但語言險怪上干聖怒使彼疏明言兩殿下俱在京事體未便請裕殿下留京邸景殿下就國雖欲罪之亦難擬罪諸公曰科道既參悖逆旨意抽出此二字恐不得免於重罪公曰重罪不得免但用何律乃可諸公皆不言再三問之竟不言公曰建帝二字委非人臣所宜言但其意本無他今欲擬妖言律何如諸公皆不應久之周公曰悖逆疏間親王詐傳聖旨皆合公曰朝廷無立景殿下東宮意景殿下亦

年譜卷七

十八

無他意今奏欲景殿下效叔齊子誠甚無謂又云堯舜不得揖讓伊周不得假手左右欲圖富貴等語似妖妄况今正月十六夜藍紙朱書帖子徧貼京城嚴衛揭去不敢奏大抵總是妖言以此律擬重罪彼亦無辭諸公皆曰然遂畫題投進公與三法司同入西內見分宜會議之言分宜已先知之怒色而出曰朝廷甚怒今擬何罪公曰擬妖言律秋後分宜曰可至秋後乎公曰律如是分宜曰何不問朝廷批科道參悖逆二字擬罪公曰希顏意在立東宮今乃擬罪斬亦止為聖怒耳分宜曰



律有悖逆建帝二字難說不是無將不道公曰意在立東官本是效忠只是本上如子滅叔齊堯舜伊周左右圖富貴等語真是妖言惑眾分宜又曰既不擬悖逆何不用離間親王斬罪公曰此不在律祖訓有之律成後不復引用况朝廷之上父子兄弟本無一毫疑貳安敢擬離間二字分宜曰既如此堅執請二位來吏請徐李二公至徐相公問公用何律公答用妖言律徐相公曰請立東官而得死罪聖怒可解矣分宜怒色頓李李相公曰罪亦重矣朝廷必允分宜拂然曰既如此只管上本

金譜卷七

十九

公曰會疏已上分宜曰疏既上又何必問遂揖而出分宜復上密啓旨下果加重而速矣公意特欲生之旨下後三法司見分宜分宜曰希顏止壁拿問不過充軍即論死亦不過監候他日新政便得入閣豈料聖明洞燭其奸即時殺了○宛平周知縣盜失庫銀三次數至三千九百兩查無下落者又一千四百餘兩已經二年匿不舉發舊庫役盜情敗露容留在庫新庫役依期告代不容交盤緣伊乘機盜銀二千兩賂分宜求陞太僕寺丞依附放肆撫按知而不究却令舊庫役具告錦衣衛

通作失盜無追又稱家產盡絕題下刑部發落分曰豈有京師縣官放肆至此官庫銀兩五六千兩無下落止憑錦衣一本奏下發落通不查究之理即行縣查前項銀兩是何錢糧緣何失盜出入三年通不呈撫按庫役雖稱家產盡絕亦未見行城結勘叅提周知縣究問前銀通無舊管新收開除實在亦竟不知何項錢糧但云各處取到賊罰問革周知縣分宜大怒○與後淳書曰承差回後不知何日到家家中凡事有條理否郡城必須擇人掌管人甚難得詢諸書亦汝任之郡城業大支持

金譜卷七

十七

尤難府縣中切莫徃詢親事完汝家事完便可來京同我回也我自九月初九大風受寒二十一日嗽不止聲不出且因朝審不敢註門籍衰老之態日甚一日汝可知之立身制行小心翼翼至緊至緊易云恐懼修省朱云憂勤惕勵書云驕淫矜侈孟云般樂怠教此十六字出入之間禍福別焉思之慎之仍說與詢知之又書略云惟謙可以養德惟儉可以守家惟寡慾可以多男惟讀書可以遠到汝常念此四者我可無南顧矣○四月會題處置南京叛軍疏南京兵部等衙門題南京戶部扣

歲月糧五營兵衆一時並起攻圍督儲公署將侍郎黃懋官追逼越牆墜跌昏死拖入大中街懸屍橋坊備極慘辱又將本官故妻破棺出屍所有家財劫掠蕩盡彼事起倉卒只得委曲撫處緣各兵原無叛心祇十數兇徒乘見衆怨誘脅至此當即解散各隨營伍操習如常而首事數人自知罪重乃復招誘徒黨或聚謀於野肆或飲於祠倡爲洗管之訛圖行走海之計以致人言危懼洵洵動搖臣訪據坐營等官開報首惡周山等無枉乃先期出給各軍安家小票隨於一月十六日

全譜卷七

二十一

部勒戒嚴行各營把總分投捕獲周山等二十五名并未獲唐四兒臣等會同內外守備給示各惡姓名即有脫漏俱不查究大抵事干人衆寧有遺奸不敢濫及耳伏惟 皇上念 祖宗根本之重擴天地好生之德早賜處分以釋疑懼奉 旨兵部看了來說又該南京內外守備太監何綬等題節奉 旨各營軍士平日受朝廷糧賞惠養輒敢不畏法度本都當重處爲首的着坐營管軍官查出治罪其餘的姑念激變所致俱與赦免南京兵部仍出給榜文曉諭又該兵部議題奉 旨這件

事情還着三法司會同科道等官再詳議來說臣等會同太子少保左都御史周延等大理少卿張雨等吏等科浙江等道官議得犯人周山合比依凡奉制命出使而官吏謀殺已殺者律皆斬秋後處決奉 旨廉遠本因堂高必無自遠之理士卒辱及大臣法斬死時君立新帝者必法外凌遲黃懋官心存欺謗計使人爲全屍而死失刑甚矣這所獲亦未可盡知果皆爲首者再議來看十三日後上疏時分宜密疏言郭希顏該重而擬輕今叛軍該輕而擬重備言公凡事自專並不從人言大

全譜卷七

二十一

抵皆激上怒故有死時君立新帝等語時十三日前齋戒停刑旨云十三日後上疏分宜遠嚇三法司科道郭希顏是故出周山等是故入皆死罪十三日後恐有別說公不爲動再會議疏畧云臣等先次會議欲行南京三法司再加詳審若果情真者論罪如律原非首惡者聽與辯理顧今營伍軍士歧足天恩地方官司翹首宸斷若復文移往返未免動經旬月何以昭示信令洞釋群疑臣等合無查照南京兵部題各犯數內分別議處將原列名在前周山等論坐首惡監候處決滕彪等俱照

情可矜疑事例調發邊衛充軍脫逃唐四兒仍懸賞購捕務在得獲其餘悉行宥免不許挾繫南京兵部仍出榜曉諭惟復別有定奪均乞 聖裁奉旨是周山等監候處決滕彪等調邊衛充軍其餘照前旨悉宥○上申明律例疏云通政司類送永清衛軍餘人等蕭文學等各告為積惡朋黨詐欺官司嚇詐財物激變良善乞憐究治等事隨該雲南等司呈堂批發各行東城等兵馬指揮司提人去後續據東城等城副指揮等官各開稱移文順天府通州昌平州武清縣提取犯人去後隨據各該州縣牒呈開稱蒙巡按御史鄭存仁牌開按屬地方雖近京師一切詞訟自有撫按司府州縣受理若有虧枉方許陳情此定例也近來有等奸徒每有人命失盜投獻等情惟圖騁其私欲不俟有司輒自越訴刑部各司告理動至濫行提人殊非法體牌仰本州官吏即便出給告示曉諭軍民人等今後但有詞訟俱赴撫按并本道及府州縣陳告不許輒赴刑部越訴敢有故違即行拿解本院若遇提人非奉欽依不許擅發如掌印官不行導守仍前阿附定以罷軟不職論等因今照前項人

年譜卷七

七

犯欲就拘解原蒙嚴禁除申本院詳示之日另詳呈報前來為照前項告詞俱由通政司告送到部本部批發各司方行提人並無徑赴各司越訴各司亦無輒受問理者今各城報呈各該州縣牒稱遵奉御史前牌回報前來若必俟各該州縣申詳該院方行拘解各司停囚待對不無羈候伏觀大明律一款凡鞠獄官推問罪囚有起內人伴見在他處官司停囚待對者雖職分不相統屬皆聽直行勾取又一款若起內應合對問同伴罪囚已在他處州縣事發覺者問聽輕囚就重囚少囚從多囚若囚數相等者以後發之囚送先發官司併問若兩縣相去三百里之外者各從事發處歸斷又伏觀大明會典內一款南京刑部事例條內弘治元年奏准凡南京軍民詞訟但有附近常鎮等府縣滁州衛人証干連必須提對歸結又查得刑條例一款問刑衙門行軍衛有司提人遷延三箇月以上不到經該官吏住候候事完之日方許關支半年不到經該官員奏提問前項律例各該衙門遵行已久今各該州縣官吏輒敢阻撓事屬違制呈乞申明以便聽斷到部看得各司呈稱

年譜卷七

七

通州昌平州武清縣各回稱近據巡按御史鄭存仁禁約但遇刑部准狀提人不許解發一節為照本部受理在京及附近州縣一應詞訟先從通政司投狀送本部看詳送各司問理仍送大理寺評允回報發落此係國家開設衙門二百年來通行至今並無異議及觀大明律大典會典問刑條例俱不曾載有京城百里之外不許刑部提人之例且南京刑部例載常鎮等府滁州等州衛雖遠隔二三百里不止一應天府所屬地方亦聽提人問理今順天府所屬昌平通州武清縣皆在京城

年譜卷一

二十五

百里之內准狀提人已非一日法司官員及巡按御史亦不止一人各該州縣節年准狀提問見存案卷亦不止一事原非臣等創行况今官吏貪殘小民不堪無所控訴通狀送部問理原是法司職守今槩行阻撓不許本部提人不知出何典章奉何事例公行文移輒出禁論是國家所設刑部堂屬等官七十餘員皆為贅疣今若隱忍依違不行陳請則臣等廢職御史侵官皆非所以遵典制守官常之義伏乞 聖明裁察容令臣等欽遵大明律大典會典及問刑條例將附近各該州縣詞訟

仍照舊規於通政司投狀送本部問理大理寺評允發落所在官司不許故違成憲恣肆抗阻及容臣等先將違誤首領官吏查提問罪庶幾政體不至紛更職守不至侵奪冤抑得伸而貪殘知警矣奉 旨着照律例行先是公上疏論職掌不許各衙門受理詞狀諸得利者甚不便如宛平失盜事及通州盜失庫銀三百兩州官不惟不申撫按却乘機稱失銀三千餘兩將庫役親戚及巡夜人吏但溫飽者嚴刑追陪又一提學吊取贓罰發順天近縣以買石灰修理書院為名銀皆入己却徧派

年譜卷七

二十六

富人買解又一禮部主事借與人銀兩無還令一鄉人粧作運糧百戶持主事帖及白頭公文一角於通州署印判官處投下領出官銀一千二百餘兩侵分又有兩城將婦女張氏等問斷雜異各變賣銀入己俱告通狀到部叅問州縣兵馬官吏鄭御史遂有此行不許州縣聽刑部提人及刑部奏下鄭御史即回京諸不便已私者又皆從史之分宜父子陸錦衣遂令鄭上疏疏出分宜父子蓋公文選謫官時旨批欺罔作弊故鄭疏專條欺罔人皆知其中傷有自分宜又上密啓言南京叛軍及

郭希顏事指公屢抗 明旨及鄭疏投入分宜票  
云這所奏都察院會同該科看議來說公上辨疏  
條折原非欺罔備載律例諸司職掌大明會典等  
語分宜密疏公在刑部二年有餘凡事皆專內閣  
每傳示 聖諭亦不從御史所言是 上意亦未  
允分宜又言其事皆刑部偏執 旨遂云院  
科未回奏得旨鄭疏便律意辯償昨周山等敢為  
亂忿原有激變之者 旨下着末減以處疏內無  
一字遜退雖曰執法終是自尊鄭疏始從寬革了  
職開住不許再用時五月十三日也二十日辭

年譜卷七

二十七

朝疏云伏念臣草茅下賤仰荷 聖明簡任刑司  
顧臣質本庸愚事多乖繆積有罪愆尚不覺悟伏  
蒙 聖慈不加誅殛從寬革職開住臣感戴高厚  
之恩雖糜軀殞首莫能報惟恭祝 聖壽於萬  
萬年茲當回籍遠 闕廷臣犬馬微忱不勝瞻  
戀之至奉 旨該部知道○營軍將校卿士大夫  
皆送郊外公間道抵潯買舟二十一日發行弟造  
驛二十四日卜吏部遣官送辭朝 旨至公甚喜  
卷書曰從此澗室雲衣孤踪天外姓名不復達  
宸前矣○六月二十八日乙丑拜吾核封君墓又

拜祖墓○甲子抵家自謂永謝風波全辟初服  
吟馮水千山行已遍歸來認得自家身曰邵誠人  
豪也○公自甲寅春辭家七歲迺歸養素林泉不  
跡公府不先音問施者報之來而吞拜未嘗入惟  
訪故舊親識與語桑麻晴雨每有意會長笑浩歌  
或忻然獨步步無定往兒童迎聚歡笑公亦笑鄉  
人愛敬喜其來所至如家相忘其為名卿也○秋  
課子姪甥婿讀書月給銀米考必親第高下○冬  
自求整地不得

辛酉春修吾核尚書墓創西塘石橋塞墓東南水口

年譜卷七

二十八

別開支港南出通舟重建土穀神祠於西洋橋東  
○谷江西胡都憲書曰昨見試錄序始知有西臺  
之命今所在騷然官府既寡廉靖之節士夫又肆  
侵剝之禍驅民為盜不可不交任其咎旌鉞西指  
愛莫助之來諭云別無奇策惟秉持此心昭對天  
日上報君恩下解民怨壯矣然貴省事比之他省  
尤難今之甲第照雲雄于王府者誰之財力也况  
尤有秘密於此者乎從此能斷絕小民自信之他  
事可行矣○夏四月遣淳達觀秀水田園廬室遂  
營履洵居○秋大水公獨租十七

壬戌春二月修百可園創獨寤園開東西兩路各布石橋通行且便登陴者○再加墓土○三月二日履淳中會試報至與公婿項篤壽同榜公嘗稱項甥天資絕人學於公最久茲聞報喜甚○夏五月分宜父子以賂敗○秋七月與履淳書曰汝策姚崇在內斯長官清平等語安能達 聖覽祇取怒權人躁妄將自及非吾子也男兒立身揚名豈在名次先後若我無可奮之具雖第一臚傳位極師保畢竟草木同年功名富貴風裏浮雲昔登津要專榮寵姓名無聞者不啻幾何人矣而史稱好漢

至譜卷七

二十九

乃有貧賤終身不及一見廷闕者要其不朽寧偶然哉人顧自樹何如澹泊凝靜所以俟時磨涅切磋所以考德素書莊子間中一觀歸米讀書數年諳練增益有具而仕未晚也况汝既陳情乞假分宜雖去豈可中止又曰秋來多病哀老日加歲不我與親不爾待當自知之守身守官無忝所生孝矣淳因著尹和靖論請告歸附○九月公遵脾疾弗飲食痰作危甚屢準覓陸顧二醫大服參朮漸愈愈後精神氣力不復如昔遂絕人事獨處幽室軒廊之下若干里或終日瞑坐○冬十一月履

淳歸公撫接堂下歡甚曰幾不獲見子矣○淳語及時事公曰飢而食渴而飲倦而眠三事外非所聞也嗣每淳獨侍公輒問易或談星數論史論詩文密語長宵疊疊不已嘗教淳曰膽欲大心欲小志欲圓行欲方大志非才不就大才非學不成學非記誦云爾當究事所以然融於心目如身親履之南陽一出即相淮陰一出即將吳蓋世雄才皆是平時所學志士讀書當知此不然世之能讀書能文章不善做官做人者最多也

至譜卷七

二十九

癸亥春塞勾滕塋東北水口○夏四月公積所受坊牌代儀作三用一周同姓一贈異姓一以修先師廟○秋添植墓樹公步南橋淳侍有童子持竿橋上公笑曰借我竿得魚以與爾何如因顧淳曰子陵之樂直如是耶淳曰使子陵仕不過一公恐亦未可必惟不仕遂高於光武當年計之至淳歸著子陵論呈公附○九月予訪公海一

○冬項少溪取古言今言梓之公自為叙

甲子春正月造斗斛為銘以畀諸子銘曰出以是入以是子孫世守是庶不珍厥世○二月令三子承

家準宅東接垣洵宅秀水淳侍公舊宅公手草傳  
授先業之外惟圖書禮器農具紡績等物令子孫  
毋忘田功母隕先業○浙江巡按御史張公科題  
為薦舉地方人才以備錄用事訪得原任刑部尚  
書鄭曉清朝碩望名卅宿儒學究天人貫古今之  
典故才猷經濟審常變之機權據宦蹟則任吏兵  
刑之三曹而助勞懋著按官箴則合清慎勤於一  
致而踐履無遺歷清華而澹泊自如雅負大臣之  
體度處閒散而鎮重益篤允為多士之儀刑內可  
以訂謨廟堂外可以折衝樽俎鄉評推重公論同

李譜卷七

三十一

歸乞勅吏部早賜錄用奉 聖旨吏部知道○三  
月再修祖塋建邇慶橋○夏四月與徐相公書云  
別來出入四載中間世事可喜可憂可愕可太息  
者不知凡幾廟堂江湖寧有異小兒小婿還再領  
教翰并腆貶言意真切感戴剝留碩果否繫  
苞桑天時人事所關非小分宜去後劾章紛紛吹  
毛洗垢依情危懼况正人指邪人為邪邪人亦指  
正人為邪邪昭昭在上所恃者聖明爾乃今去者未  
必皆凶徒罔者未必皆善類面托心腹而背操戈  
刃容或有之錢與神通鬼可車載非虛語也論云

專擅之嫌當避窺伺之隙當防誠不可不深思而  
曲慮秋中得脾疾至今未能出門戶視聽持行皆  
不如意衣服飲食一切藉人柰何○秋七月浙江  
督撫劍門趙公炳然薦疏云鄭曉學究天人才堪  
經濟敷歷中外世務熟於諳練之深海貫古今道  
義貞於涵養之素扣其中實能通達國體要其用  
可以輔轍皇猷誠聖世之宿儒為後學之楷範奉  
聖旨吏部知道○九月公步二園祭城遠眺曰詩  
人寓目成詠良有景也時公既創二園竹樹稠密  
桑果繁鮮菽粟芹蔬種種秋實因顧淳云此乃是

李譜卷七

三十二

有用文章彼精思麗句方駕曹王亦終何實用兒  
等識之是亦為政也復指園南民居凡百家數十  
年後視我讀書此園時更移興替十不存一屈指  
可慨秋容一望萬古興亡在目中 也淳承命賦律  
云馮高間望入虛清一劍西風萬里情白髮未驚  
秋共老丹心還與日爭明百年有計寧虛度千古  
何人解了生自是男兒應不朽浮名奚啻一毛輕  
○冬命淳準洵梓吾學編公謂淳等曰是亦一累  
耳淳曰古稱立德立言此一代實錄必傳不愈於  
一時經濟乎公曰試觀藝文志諸作今傳者凡幾

淳曰文集未必傳史必不可滅公曰予意也焉後  
君子屬稿且賢於無所用心耳詳見淳之序畧  
乙丑春正月為二姪置房百可園側令居之姪婿趙  
生亦同室仍數調視諸弟姪自有居者但歲時賜  
之謂淳等曰古稱敦睦敦之為言厚也施有望報  
之心即分爾我薄日已甚試思我與兄弟子姪同  
戲祖父前祖父愛之之心同則知我當厚之不責  
其報矣○夏嚴世蕃伏誅沒其產公聞之曰上雖  
不失刑衣冠之耻極矣大臣賄賂之盛自古無此  
比也或謂公可令淳仕矣公曰士各有志不可強

金澤卷七

三十一

且正當讀書時仕固有日也○秋命諸子為壽禔  
既成親閱而喜顧淳等曰誰能免此因極論修短  
死生循環往復之理曰堯舜不死莊列非狂子妻  
請息乃免於苦見達此處庶能超拔宇宙視名利  
為何物也○九月淳得痰疾一吐數梳公命醫視  
曰鬱火也公謂淳曰知得如此是病則便不如此  
是藥萬古良方無以逾此兒未悟耶撫視數月乃  
愈復命淳同舟尋地不得○冬王沂陽宅火公率  
淳等往候屏衣衣之賜帛懇至沂陽素豪達大負  
乃感謝曰又夫意氣如是於今知公以國士遇我

益深嘆服○時有客致邸報載巡按浙江監察御史黃公廷聘薦疏云鄭曉文能華國志在濟時大節守邦家之譽忠孝具見平生深造勵窮達之操義利致嚴一介其家食也恪遵禮度足跡不入于公門其慎修也尚友古人動履耻由乎旁徑即其存心處事允操金王之標使其得志立功當著經綸之績 旨下吏部公笑曰鳴陽之鳳在林之鶴自適一也必在台鼎乃榮我耶

丙寅春正月朔公拜祖考即造舅氏宅曰顧育如非神情杳然涕淚不可止先是舅氏表姪鬻房未得

年譜卷七

三十一

價之半公為贖還令居之至是往拜外祖母謂表姪曰吾今可復意顏地下矣爾守祖居勿輕棄公沒逾年宅遂即朱姓○二月淳侍公家語時事淳為策十二公曰策貴舉要刪繁省文切理實可施行淳文無益也賈疏一篇西京二百年紀綱風俗大槩可見畢竟後人效行之此乃經世文章後之建白誰能及者固可觀也今人才亦可驗舉試思之○三月公命諸子以布為考終服又日速之○公自占河洛納甲曰當醫之二愁如非吉也王母之義謂何淳曰指五陰居君位以福二公曰予



生春正月而得陰中爻非時矣况歲丙寅而值平酉伏已亥為克為殺其詞曰耳輩曰行塞不食難膏殆將終也其在秋深火衰木落之時乎於星家土在巽絕於己我命丑土與數符矣淳曰晉而之鼎養也安至有是且上不可絕公曰非爾所知也○夏四月公又以所受坊牌等儀分賜諸姪之甚者更月給米為例○五月加置墓所祭田○六月既望淳侍語宵中公奉拳以收集英賢為方今國是第一及家事輒曰長子曰家督有女任之惟語壽地則曰决當葬我封君墓側他地雖佳非我所

李壽卷

三十五

欲念之母違也○七月命準督梓人完吾學編又曰藏板勿借人但刷千冊即需板母爾累爾元非家食人也諸書板皆爾掌之○公念準洵未子與淳詳考數命之說曰吾猶及再見孫耶公已治後事畢備復謂淳等曰變化往復天地尚有死生此人之常吾自許違者兒女子反以為不祥何也○八月公脾胃失調淳遊六君子湯翼日醫至以為傷飲用平胃二陳湯○既望公據榻草名臣記叙乃絕筆也○淳復進藥公曰醫專乃效却不敢○九月朔公疾甚更醫進藥吐不內呼洵立左右不

與語翼日諸子侍公曰後事不俟我言但速葬可也○三日準進粥數匙遂絕食飲與藥亦不復語○十四日辛丑卒翼日寒露飲乃殯○越六日太府鏡川徐公首致祭嗣後藩臬臺閣縣衛諸公皆致祭淳等俱拜領徹○諸親友祭受奠爵却牲筵○十月曹公遣候公代儀以值淳謝辭以公卒故不復送○閏月準入京乞恩時項少溪及諸鄉達皆謂例未可得準曰兄義守樞吾義告闕各安子職盡此心得否何暇計遂乘隆冬北上時姪妾方數月明年準歸妾產女不育弗及見呱呱

李壽卷七

三十五

之義一也公有子哉○準謁馬中陽公於淮陽執手撫悼左右入京沿途朱鎮山諸公皆惠顧建導○十一月準至京疏乞復職相國徐存翁太宰楊虞翁皆揮涕引接指授準乞恩事宜奏稿附後○二十四日吏部覆題奉世宗皇帝聖旨鄭曉既有軍功准復原職○十一月疏乞卹典隆慶元年丁卯春正月禮部尚書高公南宇等履題奉聖旨鄭曉准贈太子少保○翰林院擬謚端簡○三月準再乞恩錄廢旨下兵部尚書趙公劄門等題奉聖旨鄭曉既獲功數多准廢一子

入監讀書○重華御極丕釐耿命首舉卹典惟公固公忠誠後周所致惟時休休諸老惜范憐歐公誼私情生死無作各稱盛德矣○夏四月淳理葬事定卜於吾核封君墓西祭山丁向勾騰山水皆陽不敢違公達孝且地無佳於此者○五月準還自京以同朝諸公賻奠告几筵○六月卹典文移至省○秋七月太府鏡川徐公泚徵墳價縣郡凡四百兩明年夏印溪鄭公署府事完給○八月勅遣造墓官墻村李公至大父母省吾李公適入試院委二父母何公督葬事○九月家造槨

年譜卷七

三十七

完○十月霖雨○太府鏡川徐公移縣助葬凡儀文什器豐備當禮李公何公奉行周悉有加○二十五日兩止送整親友填門翼日左叅政劉公行初遣祭後私舉○二十七日予特至海鹽送公太宰吳默翁亦至○二十八日發引又兩忽晴人固異之冥儀臺仗侍從金鼓相沿二十餘里會葬及四方來觀者數十萬人鄰鎮為之罷市抵墓劉大叅公行再遣祭禮初公嘗謂淳等曰吾郡先達某某舉喪會葬者凡二百舟鄉人相傳以為極盛今公奚啻十倍登嶼城四望舟楫蔽川士大夫觀者

大悅謂史稱林宗仲弓之喪莫過焉者且天人協應公積善之報若此劉大叅亦甚驚異以為即此可占公平生○十一月己未庚申之間子時入葬○十二月淳復改建墓廬易小房以樓樓之下立諭祭文及誌銘堂立誥命扁其樓曰綏我思成堂之扁曰奉天誥命○增築墓後堰欽差李公易其名曰恩榮堰歲戊辰十二月淳復加土此堰自淳增修凡四百金公昔創築不計鄭氏子孫宜世守勿壞非特為所費惜也○公生弘治己未年十八附庠生應舉即補學生二十四歲壬午發解浙省

年譜卷七

三十八

明年登進士授主事職方二十六歲甲申以徽號恩封父母尋抗論大禮杖闕下明年冬奔母喪二十九歲整母明年服闋補武選尋忤張永嘉元相請告還值封君喪年三十三整父服闋不復赴京受徒講學江東治尚書者魁天下公實倡之年三十七始營虹橋宅今淳居之三十八長子淳始生四十生仲子準時張既去兩京交薦起用即家拜考功主事四十一歲入京閏月始初考四十五歲掌考功改文選以不肯升嚴世蕃忤時宰謫和州同知三子洵生於州治尋升南太僕丞還家

又升南考功郎三乞致仕不允四十九歲赴任南  
 京六年間散五十五歲冬以南太常卿升刑部侍  
 郎還尋改兵部兼倉部御史總漕撫淮陽明年春  
 赴任五十七歲升吏部左侍郎凡八月升南吏部  
 尚書 特旨改右都御史協理戎政年六十改刑  
 部尚書未任 特旨兼掌兵部印六十一歲二品  
 考滿贈祖父母父母妻廢孫心材入監讀書六十  
 二以鄭御史原指論劾疏辨忤旨間任鄭即以公  
 故考察去公在林泉凡六年終享壽六十有八沒  
 之明年誥加卹典進錄廢送監讀書又明年吾學

年譜卷七

三十九

編大行又明年淳初授

鄭端簡公年譜卷之八

不肖孤履詢校梓

乞 恩復職疏

乞 賜卹典疏

乞 恩錄廢疏

徐相公撰墓誌銘

家述行畧

年譜卷八

卹典奏疏

吏部題為比例陳情懇乞

天恩俯錄軍功准復父職以圖補報事吏科抄出本部稽勲清吏司辦事進士今丁憂臣鄭履淳奏等因奉

聖旨吏部知道欽此欽遵抄出送司案呈到部查看得原任刑部尚書開住病故鄭曉男丁憂進士鄭履淳奏要比例復父原職一節為照本官清標勁節博學宏才文武司銓持一時之冰鑑南北敷歷勵萬仞

卹典

卷八

之風裁督兵淮上屢奏捷音歸老浙中惟勤著述上受

聖明知眷之隆下係策宇瞻依之望雖曾以事閑住實於行誼無瑕檢查尚書唐龍等前例果委相同合無俯念舊勞復其原職但

恩典出自

朝廷臣等未敢擅議伏乞

聖裁等因謹題請

嘉靖四十五年十一月二十二日少保燕太子太

保吏部尚書楊博等具題二十四日奉

聖旨鄭曉既有軍功准復原職

禮部為比例陳情懇乞

天恩俯賜祭葬贈謚以光泉壤事禮科抄出已故原任刑部尚書鄭曉男監生鄭履淳奏等因奉

聖旨禮部知道欽此欽遵准吏部文選清吏司手本回稱歷官陞任與奏相同及准考功清吏司手本回稱查得嘉靖三十九年五月內奉

世宗皇帝聖旨院科未回奏得旨鄭曉等便肆意辨

卹典

卷八

瀆昨周山等敢為亂忿原有激變之者旨下着從末減以處疏內無一字遜退雖曰執法終是自尊鄭曉

姑從寬革了職閑住不許再用欽此又查得本官二品已經考滿及准兵部職方清吏司手本回稱查得嘉靖三十三年五月巡撫鳳陽兵部右侍郎鄭曉先後擒斬倭寇首級與奏相同各回報到司查得

大明會典并見行事例在京二品文官病故與祭二壇工部造坟安葬及查得大學士楊一清生前革職閑住歿後准復原職伊男楊紹芳奏乞卹典該本部

復題奉

世宗皇帝聖旨楊一清准照例與祭葬還與他謚欽此又查得吏部尚書唐龍生前為民歿後復職伊男唐汝楫奏乞卹典該本部覆題奉

世宗皇帝聖旨准照例與祭葬還與他謚欽此又查得先為比例乞恩贈謚事節奉

孝宗皇帝聖旨今後有乞恩贈謚的恁部裏還要斟酌可否來說務合公論不許一槩徇情比例濫請該

科記著欽此欽遵外今該前因通查案呈到部看得

原任

卷八

三十一

原任刑部尚書鄭曉先雖革職開住近日已該吏部

題奉

欽依准復原職與大學士楊一清等事例委為相同

兩據奏乞卹典似當給與除贈官移咨吏部施行外

合照見任二品文官事例與祭二壇造坟安葬恭候

命下行翰林院撰祭文浙江布政司轉屬支給官錢

買辦祭物香燭紙就遣本布政司堂上官致祭工部

差官造坟安葬及照本官學識宏博行履清修司銓

衡而雅著公平之譽任督撫而克彰捍禦之勲執法

不阿乘人臣之大節居鄉守約得達士之高風所有

賜謚似亦相應但恩典出自

朝廷臣等未敢擅擬伏乞

聖裁等因隆慶元年正月二十四日禮部尚書無翰

林院學士高儀等具題二十六日奉

聖旨鄭曉准照例與祭葬還與他謚

吏部題為比例陳情懇乞

天恩俯賜祭葬贈謚以先泉壤事准禮部咨送禮科

抄出已故原任刑部尚書鄭曉男監生鄭發准奏等

因奉

卷八

四十一

聖旨禮部知道欽此該本部覆題奉

聖旨鄭曉准照例與祭葬還與他謚欽此欽遵咨部

送司查看得已故原任刑部尚書鄭曉男鄭發准奏

父歷官前職奉

旨開住後准復原職乞要比例贈官一節為照已故

尚書鄭曉先該本部議題仰蒙

世宗皇帝俯錄軍功准復原職後該禮部議題又蒙

皇上准與祭葬仍與他謚兩據贈官既經該司查有

尚書聶賢等事例似應遵照題請但干係特

恩臣等未敢擅便伏乞

聖裁等因謹題請

旨隆慶元年二月初四日少保兼太子太保吏部尚

書臣楊博等具題初六日奉

聖旨鄭曉准贈太子少保

吏部題為比例陳情懇乞

天恩俯賜祭葬贈謚以光泉壤事准禮部咨該已故

刑部尚書鄭曉男監生鄭發准奏前事本部覆題奉

編纂

卷八

五十一

聖旨鄭曉准照例與他謚所據贈官合咨查照施行

等因咨部已經查議具題奉

聖旨鄭曉准贈太子少保欽此續准禮部咨該翰林

院遞出揭帖

賜原任刑部尚書鄭曉謚端簡查得贈謚官員例應

給與誥命合行翰林院撰文中書科關軸書寫等因

臣等未敢擅便謹題請

旨隆慶元年二月二十一日少保兼太子太保吏部

尚書楊博等具題二十三日奉

聖旨是

計開已故原任刑部尚書鄭曉合贈太子少保謚端

簡

誥命一軸

工部題為比例陳情懇乞

天恩俯賜祭葬贈謚以光泉壤事准禮部咨該本部

題奉

聖旨鄭曉准照例與祭葬還與他謚欽此欽遵咨部

送司查得先該本部為審時省禮以寬民力事議得

編纂

卷八

六十一

病故大臣照依後開價值轉行有司措辦給付喪家

自行造坟安葬不必差官中間果有功德昭彰聞望

素著公私無過或曾歷邊務建立奇功及經緯纂修

効勞年久此等官員合照舊例差官造葬俱聽本部

臨時斟酌奏請定奪等因題奉

武宗皇帝聖旨是造坟開礦工科價銀則例都准擬

行已經通行欽遵去後今該前因通查案呈到部臣

等看得原任刑部尚書開住鄭曉病故近該吏禮二

部題奉欽依准復原職造坟工料合給二品全價及

照本官博學足以濟時已著保釐之績清操足以勵俗尤厯著述之勞似應差官查得本部司屬官員各有差占不敷行准中書科手本回稱中書舍人徐瑛在任空閑堪以差委合候

命下本部照例給批定限仍行兵部應付本官前去浙江布政司比號相同着落當該官吏照依後開價值行屬派辦該司仍委堂上官一員會同本部委官前去造墳處所督理造墳安葬畢日備將夫匠價銀數目本布政司類造黃冊奏繳青冊送部查考等因

謹題請

旨隆慶元年二月初六日少傅兼太子太傅工部尚書雷禮等具題初八日奉

聖旨是

計開原任刑部尚書鄭曉照二品文官例給墳價銀二百五十兩給夫一百五十名每名折銀一兩共該銀四百兩

工部題為公務事屯田清吏司案呈先該本部題奉欽依差中書舍人徐瑛前往浙江督造已故原任刑

部尚書鄭曉墳塋今本官奉

旨陞尚寶司少卿所據前項造墳事務合另差官督理行准鴻臚寺主簿廳手本開送序班李齊芳前來呈乞題差案呈到部查得中書舍人徐瑛陞任京堂例難摘離既經該司查有序班李齊芳在任空閑相應差委合候

命下本部照例給批定限仍行兵部應付本官前去浙江布政司比號相同遵照先題奉欽依內事理會同該司堂上官於造墳處所依式督理造墳安葬畢日備將夫匠價銀數目類造黃冊奏繳青冊送部查考等因謹題請

旨隆慶元年三月二十日少傅兼太子太傅工部尚書雷禮等具題二十二日奉

聖旨是

兵部題為比例陳情懇乞

天恩俯查部議軍功奏案准賜錄廢以圖補報事兵科抄出已故原任刑部尚書鄭曉男監生鄭履準奏等因奉

聖旨兵部知道欽此欽遵查據監生鄭履準奏稱已故伊父刑部尚書鄭曉先任巡撫鳳陽等處地方倭寇猖獗先後斬獲首級六百餘顆乞要比照浙江巡撫劉畿廕子入監事例錄廕一節為照海寇曠賊論寇患未為不同浙江鳳陽語戰功似亦無異然海寇驟動鄭曉時勢或尤難焉况有前功相同合無比照劉畿事例題覆請廕等因案呈到部看得已故尚書鄭曉心存許國志切濟時撫鳳陽而克詰戎兵素嚴不虞之戒禦倭夷而屢獻俘馘大收平定之功

聖旨

卷八

九

陵寢因之真安海壖賴其康輯伊男鄭履準奏乞恩廕比照浙江巡撫劉畿廕子事例又經該司查得事體相同相應錄廕合候

命下將已故尚書鄭曉查照劉畿事例廕子一人送監讀書庶優錄及於世延而追勸隆於身歿但恩典出自

朝廷臣等未敢擅便伏乞

聖裁等因隆慶元年三月初一日太子少保兵部尚書趙炳然等具題初三日奉


聖旨鄭曉既獲功數多准廕一子入監讀書

聖旨

卷八

十





嘉靖甲寅

明故資政大夫刑部尚書贈太子少	保謚端簡鄭公墓誌銘	賜進士及第特進光祿大夫柱國少師	兼太子太師吏部尚書建極殿大學	士知	制誥知	經筵事	國史總裁華亭徐階撰	賜進士出身光祿大夫少保兼太子太	保吏部尚書武英殿大學士安陽郭	朴書丹	賜同進士出身通議大夫吏部左侍郎	邢臺王本固篆蓋	嘉靖甲寅乙卯間倭奴入寇江之南	北運道為梗上下憂之端簡鄭公時	以兵部右侍郎兼都察院右僉都御
----------------	-----------	-----------------	----------------	----	-----	-----	-----------	-----------------	----------------	-----	-----------------	---------	----------------	----------------	----------------

史總督漕運巡撫鳳陽諸府州屬將士選民兵集鹽場之壯勇禦之於通泰襲之於如臯擊之於海門搗之於呂泗圍之於狼山斬首九百餘級賊震恐遁去東南之賦四百萬石歸輸於京師無後期議者謂公有功於國家甚大而時宰分宜公故與公不相得僅擬賜金幣加服俸一等後公為

刑書猶譖公自專落公職及公卒子履淳等訟於朝會分宜已得罪去

世宗皇帝詔復公官今

皇帝嗣統改元賜祭塋贈太子少保謚端簡蔭一子入監讀書於是士大夫相與載

世宗之明感今

上之恩而又惜公之不獲竟於用也履淳

等卜以隆慶首年十一月己未塋公勾城山祖塋之次自為狀乞余銘余固知公深當分宜之去位余嘗請於世宗且召用矣而公遽卒余甚痛焉則今叙公行傳之無窮非余責也夫公諱曉字室甫別號澹泉其先開封人遠祖從宋高宗南渡始家鹽官傳至信菴翁積書萬卷以訓其子廣東提舉

東谷公延孫遵化訓導吾核公儒泰世以尚書教授里中弟子各數百人訓導娶於費生公有異資年十二能誦經傳及通鑑節要訓導數指古今人賢不肖事以誠曰汝他日當為此不得為彼故公自少至於老毅然必為君子不以毀譽利害貳其心訓導之教所漸濡者然也嘉靖壬午舉浙

江鄉試第一明年中會試高等學士  
中峰董先生力薦引之公竟不一見  
政府廷試得二甲授兵部職方主事  
日取故牘閱之由是盡知天下阨塞  
與其士馬虛實強弱之數大司馬養  
漢金公屬撰次九邊圖誌三十卷人  
爭借其草錄之甲申以議大禮杖  
闕下乙酉大同卒殺其巡撫都御史當

年譜卷八

誌

四

事者請赦之公抗疏以為不可不報  
丁母憂服除補武選張文忠時秉政  
欲改公翰林又欲改科道皆不應尋  
丁父憂去戊戌許文簡為太宰調公  
考功踰年乃起至則分考辛丑會試  
轉考功郎中巡按御史有所糾劾不  
當公勘得其實反謫御史夏桂溪罷  
相有詔考察臺諫分宜意在去異已

者公更黜其所厚若干人癸卯嚴世  
蕃以治中求為尚寶丞公謂非故事  
不聽分宜益怒密疏公抗上市恩

詔貶和州判而世蕃遂遷尚寶少卿公  
至和日夜治民事訪諸所欲惡次第  
罷行之民大悅未幾遷太僕丞丙午  
遷南考功郎中又遷南尚寶卿歷南  
太僕少卿鴻臚光祿太常卿癸丑遷

年譜卷八

誌

五

刑部右侍郎甲寅改兵部出撫鳳陽  
公素以文學聞海內又癯然若不勝  
衣而至鎮乃獨以武功顯於是人益  
知賢者之不可測也乙卯遷吏部左  
侍郎尋遷南京吏部尚書  
世宗以公知兵留為右都御史協理戎政  
奏罷諸軍之役於工作者衆咸感以  
奮戊午改刑部尚書猶兼掌兵部事

當是時大司馬虞坡楊公總督宣大  
而南總督有覲補本兵者其黨欲為  
之地相與言揚公宜為

社稷計留鎮北門議者惑之公疏以為楊  
博還本兵則九邊將帥咸得人而其  
戰守之事咸飭不獨宣大一方恃以  
無恐計安

社稷宜無良於是

生清卷八

論

六

世宗從之在刑部奏論錦衣所治獄多失  
實而五城御史受民訟非舊制既又  
謂王直於法必當誅留都亂卒於漸  
不可長皆與分宜議不合譖言日騰  
庚申

詔公閒住及

世宗覺為所誤則公已病又馴至不可作  
矣嗚呼惜哉公居家角巾布衣數攜

一童子訪故所識與論桑麻晴雨或  
時共餘山蔬水藻相對終日見者不  
知其為名卿性儉朴尤審於辭受嘗

言士必有伊尹一介不取予之節然  
後可窮可達可常可變故歷官垂四  
十年家僅有田數百畝松窗竹几蒲  
茵練帷蕭然如山僧馬乙丑忽命履  
淳等治後事丙寅夏甫畢其秋遂病

生清卷八

論

七

及易簣顧履淳曰南北無警否中國  
司馬起居安否無一語及家事公為  
學主於用世其持論正而不迂嚴而  
不刻剛而不激高而不亢所著吾學  
編六十九卷古言二卷今言四卷奏  
議文集各十卷經解史論表策數十  
卷余嘗以為文中子陸宣公之流馬  
周諸人不道也生弘治己未正月十

年譜卷八  
二日卒嘉靖丙寅九月十四日壽六十八祖若父贈皆刑部尚書妣及妻皆夫人子三履淳壬戌進士引疾侍公養側室沈氏出履準恩生履洵國子生側室顧氏出女五嫁南京吏部主事項篤壽嘉興府庠生彭紹賢者二劉夫人出嫁國子生湯承寵嘉興縣學生呂性祖者沈出嫁鴻臚署丞

年譜卷八  
吳紳者顧出孫男一心材官生女三其許嫁卜曰方沈思憲與心材皆履淳出其一幼履洵出初余與公同舉進士者四百十人公獨遇余厚余外以兄事公心實師事焉數極論時事感慨涕泣期有以共濟艱難垂之不朽而公竟阨於讒邪願不果副其忻戚之情具見余所為祭文乃公臨卒

所云中國司馬者蓋謂余也余每自愧淺薄於二聖始終之際不能有所建立慰公幽冥乃茲銘公惟重悲於人之云而已

銘曰  
鄭之南以從君家何有典與墳維公生世其文闡訐猷殄夷氣身為儒策戎勳嗟伊人孰與羣厄於讒老海濱

子叫闡天知聞  
詔下須奸良分卹典備輿情忻我為銘  
豈徒云欽  
明聖揚幽芬

曹全利

鄭端簡公行畧

不肖孤孽孽泣血稽顙叙

每讀蓼莪小宛之詩及傳記曾參仲由事未嘗不廢書而嘆曰嗟乎孰非人子生不能事而思於既沒亦竟何益故推牛不如雞豚之速存風樹徒悲而曷追也孤不天垂髫就學以舉子業自繫先公在宦而獨居家非孝也稍知喜懼侍公京師孤復數載藥后未獲承歡而反遺憂非孝也既服

年譜卷八

行畧

一

公之教叨登甲第上不能抗節致忠以善養中不能靖已守官以祿養下不能愉容先意以色養而徒讀公書非孝也昔乙丑秋孤多病公親調愈丙寅秋公病孤竟不能起公孤壬戌南還公為相籌尚何雄壯言猶在耳不謂騎龍之變乃值公後且公澄神絕欲有年胡為乎遽至此也公雖生我而劬勞罔報則與無子同憶往歲此

時父子兄弟質經論史盖日夕相左右也

意今即為公營塋以是思哀哀何可言公初寢疾孤獨侍忽顧問曰范文子祈死何也孤悉以對心遽驚曰大人何此之問公曰知哉文子先得我心嗚呼天高地厚局而踏之猶不能容而甘速死賢人君子厄可知矣公志本經世而狹其施既投老雲泉又以南北多警法制嚴峻每聞推轂輒

年譜卷八

行畧

二

慶額撫膺曰出門安知死所孤恒接密談進退憂懼長懷悄悄或慷慨歌笑深以擯逐自榮衰頹自喜男兒至此志可悲惻况愛子之於老親言之於邑莫能盡自賦歸來日坐虛室本以頤生而疾反以生氣鬱傷脾胃損傷氣展轉相害尋至不可救藥人子勿精醫公安用顧復腹育以畜我為甚深夜闌猶頻夢操藥以羞而慈顏慰我

如昨也哀怨憤悼備見九章公嘉言善行  
安可數事而稱况

先帝以執法賜歸

今皇以後凋首賞忠在社稷業在著述名  
在青史感在人心自不可泯亦豈俟狀而  
後顯茲特叙始終之槩以備遺缺伏祈題  
積善之墓書有道之碑者或便覽證以發  
潛德幽光云爾

年譜卷八

行略

三

鄭世系開封遠祖從高宗南渡遂家浙勝  
國時有諱元璠元瑛二公皆以學行知兵  
顯名官總管別駕始祖士洪醇謹修潔鄉  
人敬信傳子伯璣及孫信菴積書萬卷勤  
勤教子子廣東市舶副提舉東谷府君諱  
延孤曾祖也東谷長子遵化儒學訓導吾  
核封君諱儒泰配費安人實生公東谷吾  
核二公皆以尚書教授徒各數百人積學

篤行而卒不第天故厚其報於公公諱曉

字室甫號淡泉居士初生岐嶷穎敏絕人

方九歲大父封君教識大學序終日盡識

尋解字義遂令讀書三年經傳子史皆通

大略人稱奇童公讀書封君皆講析至正

人君子必贊諭示法若謾幸誤國必反覆

戒曰汝或他日為此我泉下不瞑公華髮

猶以教孤等正德甲戌封君賔貢入京及

年譜卷八

行略

四

官遵化皆携公行凡過賢摭樓隱英像經  
略之地與夫山川險易古今事跡隨處指  
教公反三隅遂徧知海內輿制阨塞丙子  
公應鄉試不得舉封君教益博群書為古  
今通儒則舉子不務精而自精嘉靖壬午  
遂首薦浙封君又謂讀書以治生為本不  
及今治生他日以官為家去就即不自愛  
公故節約勤家癸未登進士將廷試學士

中峰董公圯來顧公出已未制策及擬彭澤父老送淵明致仕序今公為文曰此元老石齋揚公意也公告封君封君艱然不說曰後學初入仕當患所以立即通謁相府他日何所不至汝弗聞張師德劉元城事乎公遂辭中峯中峰喜曰久知尊公能教果然是年冬授職方主事公閱四司奏牘及職方故卷自永樂以來具在因悉知

年譜卷八

行略

五

兵政大司馬金公復令公撰次九邊圖志凡三十卷人爭傳之甲申七月以

兩宮徽號封君費安人拜恩如例會大禮議起同寅屬公草疏奏入諸司繼之跪左順門候旨不允慟哭

先帝御文華殿聞之大怒逮下錦衣獄杖闕下封君百方調治得不死乙酉大同兵變殺張巡撫遣胡侍郎討之不克公與部

察古冲李公默各疏言大同賊決不可赦詞極激烈李疏報聞公疏竟留中冬奔費夫人喪丙戌求瘞地艱難乃得即脫室人簪珥或典衣被告貸營之封君勿知也服闕補武選時張文忠公元相廣需桃李公奉封君教敬避之張力薦公改翰林不應又選科道吏部亦不應遂嚙公鄉人欲美遷者因從而構之禍幾不測公三疏請告

年譜卷八

行略

六

格不行會鶴山王年伯張公甥也曲庇得賜歸歸值封君喪庚寅田墓所時海寧衛兩揮使言有番船舶海岸多奇貨可居與公貸銀交市明日即利三倍公惕然曰此地方大害胡為禍首揭白當道以為此漸不防他日城門晝閉悔無及也聞者嫌公多事至歲癸丑江淮閩廣直至登萊並遭海寇人始服公先見壬辰服闕同察諸公



皆移書止公止上以避咎丁酉四月兩京  
臺諫及按浙張周二公文薦吏部題准起  
用時文忠已去位許文簡公為家宰部檄  
至公不行戊戌秋即家除考功主事冬止  
上抵江干復歸遣人請告文簡公不允已  
亥四月入京自是在銓曹出入郎署凡五  
載鑑空衡平冰清玉潔有巡按唐御史糾  
劾不實公奏覆勘反黜御史貴洲夏公去  
年譜卷八 行年 七

泛愛而涇渭自明藏否罔私而優涵有度  
故不自容亦不及禍然當是時已不能盡  
公之用且元輔為子擇官而敢與抗彼時  
氣象猶若此甲辰公至和如決獄如賑災  
惓惓民事以為官無大小隨處可盡職冬  
陞南太僕丞遂還家乙巳丙午兩乞致仕  
不允陞南考功郎值日病自謂無復宦情  
丁未舊僚傳公移書危言勸進公心動即  
之任南冢宰張莊簡公亦曰不出固清高  
然來乃安穩冬陞掌南尚寶正值強仕而  
依栖南卿寺者六年癸丑冬晉刑部貳卿  
尋改兵部兼憲總漕撫時漕務久敝且江  
淮多倭寇公練兵足食剋期殄滅攘外必  
先裕內肅下必先約已築城以守險開關  
以通運皆周悉便利一勞永逸外戢群夷  
內護陵寢京儲百萬罔或後期是後倭但

寇閩浙而青齊淮甸烽堠遂熄蓋無張巡  
劉宴之績矣公復表云茲欲垣墻之塗墍  
必先戶牖之綢繆又云臣實不才應歸田  
里急選賢能以彌後患衆以為讜論於是  
恩例洪博兵工二部奏請錫蔭者甚衆公  
在淮獻馘千百及修陵等功部題相應陞  
賞仍錄蔭分宜竟改部議公若不知  
今皇帝悼念前功始錫蔭一子乙卯夏陞

年譜卷八

行畧

九

吏部左侍郎丙辰預考察李公為趙侍郎  
所奏詔獄論死公震懼求解緩會陞南冢  
宰特旨留改右都御史協理營政時大工  
方興營軍供作公與平溪顧鎮遠侯任怨  
撫恤軍皆感悅又土木工料公計因舊為  
新所省不啻數萬當事皆樂從戊午三月  
改刑部尚書特旨署印兵部適西鎮烽警  
甚急本兵三卿皆虛位

天子宵旰公受命掌兩曹事即日先蒞署  
部䟽謂虜勢猖獗乞解值工營軍赴操得  
允旨歡聲載道乃設間遣謀調兵發餉據  
險聲援遂逐強胡障安關輔議者謂小試  
李綱時虞坡楊公起大司馬總宣大南總  
督有欲補本兵者言官逆當道意極薦楊  
公才堪鎖鑰宜專北門為南總督地公獨  
䟽謂楊公宜還本兵則萬里長城宣大周

年譜卷八

行畧

十

在庇內竟得旨楊公還兵部怨因益集然  
推賢讓能子桑鮑叔不是過也初蒞刑曹  
吳張董三公各抗䟽云云  
先帝怒謂必有主者下詔獄公曲折調護  
安全君子三公亦得生徙嶺南公凡議獄  
但據大義一遵律例五過之疵悉無能免  
衆多不便又嫌錦衣治獄鍛鍊非實䟽明  
職掌併各巡城皆殺其權勿得受民訟錦

衣御史皆憾公及王直謀反就擒分宜欲  
勿誅復齋郭公抗諫上怒甚公計曲全  
且監俟決分宜斷然欲族遂相面折郭竟  
即死繼有留都兵變分宜欲勿究公謂  
祖宗興迹之地凌侮若此漸可復救往往  
議不合或奪公俸數危語要公公剛介益  
厲誓天自信嘆曰明夷垂翼不俟終日此  
之謂矣况我已顯先代更肯冒耻行露辱  
年譜卷六  
行略  
十一  
親乎公至是二品滿考贈東谷吾核二公  
皆尚書祖母母皆夫人遂益切請老意然  
以 上恩未報不敢發衆憾日伺公有必  
不相容之勢人人為公懼公直付之義命  
而已會上周山疏有旨詰責分宜因謂  
上怒公凡事悻直自專不惟輔臣之言不  
入雖天語叮嚀猶執意數抗適御史承  
指劾公欺罔公疏自白

先帝察公孤忠降旨但謂院科未復奏即  
肆意辨責又疏內無一字遜避雖曰執法  
終是自尊姑間住勿再用夫以不遜避為  
公罪罪豈止此公竟得生還實出 聖裁  
高厚之恩同乾坤矣公即日疏謝明日辭  
闕遂行營軍京民追送者不啻數萬買舟  
亟南弗造驛六月晦至海鹽拜墓而後抵  
舍即角巾布服携杖隨童獨訪故老與語  
桑麻維織課子弄孫清茗山榘歡馬傾倒  
鄉人喜其相過若堯夫之老洛中也不先  
音問不跡公門衣芟荷濯滄浪殮菊英飲  
蘭露高冠長佩輕舉遠遊將宿王喬而追  
松子寧復望期於黃昏自甲寅春辭家七  
歲而歸家人具進積歲租值即周贍親族  
差及貧乏或為置恒產下及乞丐歲時賑  
之輕財好施勤生節用惠下未嘗不厚致

孝未嘗不豐鵲鷓之在原之情而字子猶  
子關睢仍下堂之戚而外親益親所居斗  
室蒲茵松窓竹几長吟雅步宛爾山僧壬  
戌孤倖登進士分宜尚在位公為書戒曰  
爾對策姚崇在內斯長官清平等語安能  
達聖覽祇取禍耳新進不經躁將自及非  
吾子也又曰秋來多病衰老之態日甚一  
日歲不我與親不爾待當自知之君親皆

年譜卷八

行狀

十三

大倫守身守官無忝所生孝矣孤承命著  
尹和靖論請告歸公疾稍愈浮生父子僅  
此數載相依於今始知向之榮樂終天不  
可復得也癸亥修葺先塋相度封植廬墓  
側輒旬月甲子修祖塋建邈慶橋終身能  
慕永言孝思公實以之二月巡按達泉張  
公科題薦錄用肯下吏部嗣薦者趙公黃  
公龐公皆以原旨勿再用無敢請公笑曰

鳴陽之鳳在林之鶴亦各其致舍此即觸  
籓矣孰為我謝梁公以官榮我知我矣乎  
乙丑秋冬忽命孤等速為考終具棺擲衣  
衾一時盡辦手自檢閱皆務朴素渾堅布  
綿入歛勿加縷絲丙寅夏具畢秋公疾遽  
甚猶日問南夷北虜可無患否中國司馬  
同朝英俊皆無恙否略無一言及家事但  
謂孤等啟子手足予終奉封君教自今再

年譜卷八

行狀

十四

晤慈顏庶無愧耳輯我遺稿俟以傳冷然  
而逝蓋九月十四日也此特此情復何忍  
言公天性忠孝夙勵大節倜儻偉犖簡易  
廉雅敏而能敬和而有禮直如長孺而純  
達如元之而正辨如敬輿而核介如孝肅  
而溫識如曲江而容量如稚圭而察誠心  
自然下乎廝卒隱衷邃行可質鬼神嘗教  
孤云人臣當處國事如家事惜民財如已

財公實身先之每朝堂大議群公相顧未  
一語公獨首倡籌畫精詳文獻著龜滿堂  
贊服筆如奔駟舌若懸河公論昭明善類  
踴躍風裁峻潔標致羽儀干城腹心憲邦  
式辟有懷畢吐無善不揚而尤勤掇幽芳  
作楨社稷所謂忘身徇國休休能容者非  
歟登仕四十餘年立朝僅數歲終始權人  
長圖莫展文明柔順惕勵憂勤在處有聞  
而恒不安其位同朝多愠而能不墮其聲  
蹇蹇孜孜夔夔几几挺秀冰霜之際而復  
完壁豺虎之中雖精神不露心力勞瘁矣  
數承詔獄寵辱不驚湯采克寬文祇慎罰  
君恩天憲咸庶中正詩云夙夜匪懈既明  
且哲兼得之矣寤寐君親而進不踰矩雲  
萍富貴而退匪匏瓜屈伸卷舒光明可則  
皆自適其適而未始適人之適既反初服

年譜卷八

行象

十五

猶振助風教幽貞遜吉介眇三公高俯日  
星潔慚霜雪英爽使人興起遺書數百卷  
學古徵今集各其半文猷武略地守天官  
金匱玉版之藏雲堂石室之製淹貫終始  
會以成家胥臣難為多聞子產難為博物  
誠古之達材不器君子矣公之書未盡其  
學公之用未盡其書然公寓宇宙固非籍  
書與學而成名又豈以用舍為加損第國  
家有若人而使之遽逝雖身後餘榮蒼生  
何賴也永賓之日知與不知翕然悼惜以  
為奪一時俊乂之氣而淚千載英雄之襟  
固非虛語死而不朽反貴於生公何憾焉  
公生弘治己未正月十有二日終嘉靖丙  
寅享年六十有八自營塋所於封君墓側  
孤等不敢改卜以光公達孝公初娶劉氏  
贈安人繼劉氏封安人二嫡母皆曾祖母

年譜卷八

行象

十六

劉夫人族早卒嗣同贈夫人孤兄弟三人皆側室子也孤母沈安人攝內事事公最久四十餘年共起艱辛公嘗指母撫孤曰此子顛覆恐鞠之友竟不獲具慶永年悠悠昊天我辰安在也公自丙申始生孤年已三十有八教愛勤擊為我勞苦匪同世俗覆怙豈意孤之不孝公在不能養俟得承志之期而公竟不我待知我如此不如

年譜卷一

行略

七

無生孤娶於朱弟履準恩生娶沈次履洵國子生娶徐皆母顧安人準開明豁達類公洵質美成章各敦孝友公所顧念特未孫耳女五人長元配劉夫人出室南京吏部主事項年兄篤壽次與孤同母室太學生湯承寵二女兄早卒次繼室劉夫人出室嘉興府學增廣生彭紹賢又次亦孤同母室嘉興縣學生呂性祖又次顧安人出

室鴻臚署丞吳紳三女弟皆甥公猶及見之孫男尚一人公命名心材孤之子聘鍾氏嘉靖己未孤既舉鄉試心材乃襲公蔭奉旨送監讀書孫女三人長許聘蘆泉卜吏部長子曰方次許聘少河沈禮部年兄長子思憲亦孤之子次未聘洵出公不蔭子而蔭孫謂二弟奇資後應遠到且為孤燕翼為家門詒謀深長也子女依懷似亦

年譜卷一

行略

六

當年膝下與夷未達尚無辭以對先君中夜以思令人白首况孤不叩自恤哲人安放嫫嫫柰何仰惟大明中天丕釐耿命首崇褒卹慰顯精忠爰贈官孤易名端簡仍諭塋而諭祭榮哀無備功賞世延富貴文章公應少慰獨恨不一見丁卯陽春豈惟孤父子之私重為慟慟已也長沙惜誓三問問天攬涕陳詞

玄機杳渺衰衷不盡更於年譜詳之

年譜卷之

卷之

七

誥命一道

奉

天承運

皇帝制曰奉職宣猷臣子懋

致身之義褒功錄德

朝廷隆厚下之仁矧貞誠

著

卷九

克著於靖共而彛章宜申

夫顯命尔原任刑部尚書

鄭曉性資明敏德器端方

學該古今早奮庸於甲第

才優經濟恒恪守夫官常

敷歷久而聲績孔昭志節



定而升沉靡易總漕籌計  
國儲賴以裕充開府督師  
夷氛因之蕩息召貳銓選  
允孚冰鑑之稱簡理兵戎  
茂振鷹揚之氣專司讞議  
丕著公平文武成功尔既

誥命

卷九

二

久勞於疏附清修高節朕  
方向意以諮謀胡耆舊之  
不遺乃勲猷之莫報爰申  
恩卹用示眷私茲特贈尔  
太子少保謚端簡錫之誥  
命於乎崇秩用褒式慰宣

勞之志榮名節惠聿彰履  
道之風尔靈有知歆茲殊  
渥

制 誥

隆慶元年三月

日

之 寶

誥命

卷九

三

諭祭文二道

維

隆慶元年歲次丁卯十

月壬午朔越二十四日

乙巳

皇帝遣浙江布政司堂上官



左叅政劉衍祚

諭祭刑部尚書贈太子少

保謚端簡鄭曉

曰卿以端潔之行閱敏

之才發解鄉闈擢秀甲

第職兵曹則飾戎懋績

命

卷九

四

任銓司則典選稱平官

偶左遷名愈奕起久敷

歷於中外茂宣樹乎聲

猷總務漕臺國儲允資

以充裕兼撫淮甸夷氛

實賴以蕩除少宰貳天

曹丕著公清之譽中丞

理戎政益蓄撻伐之威

特晉秋卿克協明允倚

任方切勤勞足嘉乃謝

事以退休猶一德之不

懈向將召用忽報長終

命

卷九

五

式念徃勤之多用頒卹

典顧軫老成之逝爰贈

官階既節惠以易名仍

賜葬而

諭祭爾靈不昧尚克歆承

維

隆慶元年歲次丁卯十月壬午朔越二十八日  
巳酉

皇帝遣浙江布政司堂上官

左叅政劉衍祚

諭祭刑部尚書贈太子少

誥命

卷九

本

保謚端簡鄭曉

曰卿才能敏達學識宏

深績著兩京官歷四紀

尚冀謨猷之畢究忽聞

耆彥之淪亡方切悼傷

倏臨窆窆載申

諭祭用示優恩英爽有知  
祇承渥命

誥命

卷九

七

嘉禾曹公刻

維年月日春晚生南京都察院右都御史孫植  
謹以香帛牲醴之儀遣子成名致奠於

資政大夫刑部尚書澹泉鄭公之靈曰嗚呼豪傑不  
數古稱才難文學功能各於其長矯節脩行蓋  
解其全於惟我公異稟則然高視一世寡其儔  
匹上下古今逖覽博識文獻之微典章沿革舉  
之洪纖包并兼悉辯難質疑天高日白出以濟  
世文經武緯止如山淵動若風雷持法秉正不  
以脂膏其剛屹屹百折不回督撫戎機銓司比  
部奕奕勲名懋揚揆路直道見違翩然解阻進  
退禮義惟時獨步望屬巖廊道高泉石僉謂百  
齡重休累吉還幹樞衡資微計審七十未盈溢  
馬長畢天不憖遺民之無祿嗚呼哀哉宇宙茫  
茫任重道遠如公平生不負所養浩然長存日  
星炳朗東南問氣公乎不棄植末學無聞辱公  
知愛誨接提携視公著蔡公居於家蘭牘時裁  
問訊啟處每馳有懷以公安否占世否泰公乎  
已矣典刑安在聞訃痛傷村膺哽塞涕望几筵

以告哀臆匪哭我私為天下惻邈風妻其明靈  
昭格嗚呼尚饗

維年月日前刑部主事封禮部祠祭司郎中陸  
杲率男前太常寺少卿光祖兵部職方司主事  
光祚謹以清酌庶羞致奠于  
明故資政大夫刑部尚書淡泉先生鄭公之靈曰往  
嘉靖初浙闈舉首策語驚人旁觀束手傳刻四  
方人挾家有公腹藏書富若淵數康濟經綸大  
其所受初官刑曹法問其當議獄以平致異時  
相卧疾久之人失其望  
召居選部驟收廢放竟怒權人以至左降為州司馬  
宦情毛輕稍遷南吏南奉常卿擢之少宰用公  
重名銓綜人才共秉鏡衡使其為長志當大行  
迨晉司寇正已率屬貫城之中不聞冤獄古制  
士刑罪止於戮權人過之乃欲謀族公不為然  
屢勤奏復  
上鑒公心以執法日被放南歸深居自念雖鄰邑庭  
足未嘗闖東園步彙北窓高枕藥裹身宜嗜慾

通家之義亦見於斯尚饗

維年月日南京禮部儀制司主事門壻項薦壽謹以牲醴之儀致奠於

刑部尚書滄翁岳父之靈曰薦壽游翁門墻二十五年餘矣垂髫授經六載于茲曾未有頃刻之違也既而往來南北筆札問遺絡繹如縷文未

至此耶嗟乎兼備百行德莫尚焉登位八座爵莫隆焉年近七旬齒莫尊焉芝蘭玉樹慶莫遠焉况乎遺愛在人懋勳在國聲名在清史不朽之業在著述於翁可無恨矣而縉紳學士父老子弟迺有遺憾焉豈非以仕不適用用不盡長四十年來若遇合矣而憂心悄悄危疑忡忡翁之衷素誰能知之寧可謂無憾耶比歲癸亥痛失先君外有翁可恃也而今將疇依耶早喪室人莫成子姓上有翁可仰也而今將疇倚耶傷哉傷哉孰無甥舅翁思最殷孰無師生翁義最重孰無姻舊翁知最深今也則已嗟乎已矣兩月而還失視含歛悵悵在堂居室如故杳然音容莫可展接終天痛恨言豈能抒有酒一尊有肉一豆靈其不昧尚庶來歆嗚呼哀哉尚饗

維年月日

欽差總督南京糧儲都察院右副都御史門生萬士和

欽差提督操江蕙管巡江南京都察院右僉都御史  
門生盛汝謙謹以牲帛庶饗之儀致祭于

大司寇澹翁尊師老先生之靈曰嗚呼橫目戴髮  
號為人者吾不知其幾何圓冠方履號為士者  
吾不知其幾何然耳目口鼻各由乎已不愧不  
忤充踐人形者則天下其能幾何撐拳住脚擔  
當宇宙不惑不搖卓然士類者則天下其能幾  
何故賢哲之生非為偶然而人之得遇賢哲執  
鞭門下者尤非偶然也若和輩之遇我師其不

卷九

祭文

五

為至幸者與師少歲聰慧絕倫一目數行下日  
記數萬言人驚其神也然其忠信之質謙虛之  
心退然不自滿者其大成之根器也及乎蚤登  
高科聲名籍甚以望以地宜坐授美官矣而師  
以為斯之未信則或受變於俗蓄之不至則無  
充積之光乃閉門養高以靜觀動研窮究究以  
書觀理堅定其德性以為基綜覈乎名物以待  
用如是者有年故其植既深如金之百煉愈試  
而愈見其本色其識既廣如器之橐籥愈出而

愈見其無方語脩身之行則嶙然不滓語當官  
之節則確然不奪語治事之才則恢然有餘至  
於

國家典章編摩紀叙與司馬子長相彷彿者思若  
決河沛然其不可不陳也蓋世之所謂道德節  
義事業文章四者庶幾兼之矣是以進而在  
朝則學士大夫宗之退而在野則兒童走卒信之  
是豈非元氣之聚川嶽之靈天之所生不偶然  
者乎和輩初仰師名而未識師面逮歲辛丑師

卷九

祭文

五

分校場屋誤蒙採拔遂齒於門下士之列凡士  
之得進身者誰無座主而和輩獨得吾師伯樂  
一顧價重千金其亦可謂幸矣彼御李司隸者  
喜托龍門見韓荆州者能輕萬戶伊何人士難  
遇如此和輩之遇我師不更難哉自收錄以來  
幾三十年或同官僚或通書問非法弗言有疑  
必析事不苟隨衷無回曲師或謬許可以傳心  
而和輩但覺其終身效法之而不及雖然號為  
入而耳目口鼻矣號為士而擔當宇宙矣得名

師而價重千金矣於此而不勉自樹立者非夫也嗚呼啓手啓足體受全歸師已返乎天真而我輩猶為人荷一息尚存斃而後已如此志不終於師門有玷其將蓋棺而目不瞑矣乎官職羈縻不能拜師几進臨柩一慟緘詞致奠涕泗交頤言有盡而意無盡師其鑒之於冥冥否耶尚饗

維年月日禮部主客清吏司主事年家眷晚生沈玄華謹以香帛牲醴之儀致祭于

卷九

祭文

七

明故資政大夫刑部尚書潛翁鄭老年伯尊太翁老先生之靈曰維皇純祐聖神聿起五曜垂文三微回社薦生詰人爰作帝使於燦我公降命自天精苞靈耀手抉星躔博綜墳典蚤握真筌理折堅白學探幽玄揮翰霧集揆藻霞鮮聯衡董賈參軌雲淵浮英湛實德備才全黃圖闢啓首冠群英

形墀肇業應運而興權芳景福振翼承明肆踐清華于帝之庭迺佐樞莞迺典銜鈞采疇亮惠水鏡

閱清百揆時叙五位以寧天與貞則操履弗渝茂歆秘蔭厲節懷瑜名重金甌譽徹玉除德業聞望簡在

宸樞翱翔列卿睿命維新貞憲西臺正芴垂紳晉陟大微為國司均持經飾律曲塗條分訊讞參聽幽隱畢仲制刑秋肅實溫以春中外倚屬邦有大臣僉期秉軸以幸兆人公履端嚴事以義制成功罔居守法周易冥冥鴻飛英英鳳視時行時藏惟德惟義公身雖退而名益宣韶光葆和

卷九

祭文

八

聲聞于天毗之望之如潦赴川毗望維何云于東山度曰無疫邪有人焉鈞天該輔巫咸下吟遺世塵滓爰歸太清國菑隆棟士喪法程象緯隱曜海嶽還靈漆汜云及霖雨空情自華先子荷公交孚茲忝世誼復附葭莩隨杖履景切師模公不少留御風遙徃哲人其萎吾將安做惟公懋德苞世作則勳在旂常聲施千億纓夏雲仍其表世爽惟帝念功曩章具秩德福兼隆亦何傷盡乃今之人思公罔極海內咸惜矧于

吾私有化無死神宜格恩酌醑薦藻蹕進陳詞  
尚饗

維年月日少傅兼太子太傅工部尚書雷禮太  
子太保戶部尚書高耀工部左侍郎張守直戶  
部右侍郎劉自強提督四夷館太常少卿羅良  
吏部文選司郎中胡汝桂考功司郎中武金驗  
封司郎中余敬中稽勳司郎中徐濬司務康憲  
汪仲川文選司員外郎胡執禮考功司員外郎  
高察驗封司員外郎劉大遺稽勳司員外郎孫

卷九

祭文

九

光祜文選司主事王象劉大受考功司主事劉  
淳郭諫臣驗封司主事許孚遠稽勳司主事周  
宋謹以香帛之儀致奠于

明故資政大夫刑部尚書淡泉鄭老先生之靈曰嗚  
呼士有神交于百代之上謂其聲光不磨聞之  
足以興起也子輩於公詎神交已耶夫五行雜  
揉真材難得際公平生而品騰之其該博之學  
則江涵海濶其中立之操則松貞栢勁其純懿  
之行則玉潤金精至微於事功如旬宣江淮經

畫漕運與夫理京營而三軍思奮掌邦禁而五  
刑明允已焯然為海內所稱仰至于司銓持正

聞一君子推引惟恐弗及見一小人屏黜惟恐  
弗速知有國是而不知有權焰其所以增重吏  
曹者不如山斗之在望耶夫前有所授則後有  
所承故李文達贊中興大業而德望定于典選  
時王陽明勘江右禍亂而文武全才已共許于  
司功之日公素行無愧於二公雖去位日久而  
予輩私心耿耿未始不慶世道更清冀公再出

卷九

祭文

十

有所取正矣胡乃厭世太早曾莫少延則子輩  
與公同時者何緣再資乎三益繼公而後至者  
又何以抒思齊之衷耶嗚呼泰住之谷大海之  
源限絕東南固公體魄之所藏而神氣則無所  
不之固將駕玄鷲駭白螭與文達陽明遨遊于  
六合之外與列星相炳燦以昭國家之文明也  
豈其隨死而亡耶子輩阻隔山川臨棺盡哀無  
從也因述公所以增重于吏曹者為公慰不知  
冥冥之中肯匡子輩不及使繼公後而無忝耶

嗚呼哀哉尚饗

維年月日刑科右給事中嚴從簡禮部儀制司郎中戚元佐負外馮敏功刑部主事俞南金楊道亨卜相張大忠王錫命工部主事屠元沐中書舍人仲春龍行人司行人張應治光祿寺署丞陸敷錫監事李儒鴻臚寺序班郭柱包祀錦衣衛都指揮僉事陸繹百戶呂熈等謹以香帛之儀致奠于

明故資政大夫刑部尚書淡翁鄭老先生之靈曰瀛

卷九

祭文

主

海森渺鍾靈毓奇篤生括人為邦之瑞

公其間出者耶

公之始也博學宏材掄魁入仕而已為

國之利器及其壯也沉毅端亮策勳抒茂而遂為

世之典刑發為文章則出騷入史閱肆爾雅而

詞林以為宗匠著為政事則秉銓督漕公明練

達而

朝著以為著龜語其操則清介孤高矚出世表而皎

皎不可以緇語其德則溫純惠和藹然近人而

汪汪難測其歷官三十八年不為不久而屢

植屢仆人皆以為未盡其才廡仕已登八座不為不尊而旋進旋黜人皆以為未伸其志其去國也直聲彌著而人皆以為老成人不可不惜其還鄉也齒德俱崇而人皆冀其耆英會此可復覩惜乎願老無幾而奄忽不祿德星隕耀天何奪我宗模之速耶嗚呼晨熹夕黯春卉秋腓此何足計今至蓋棺而論定矣

朝端典慨里閉生悲泰山其頽何從仰止從簡等鄉

卷九

祭文

主

邦末進聞訃凄其執紼無由聊以遺奠蓋不徒

為同鄉痛而重以為海內惜也嗚呼哀哉尚饗

維年月日少保兼太子太保吏部尚書武英殿

大學士郭朴謹以香帛牲果之儀致祭于

誥贈太子少保刑部尚書謚端簡淡泉先生鄭公之

靈曰清淑毓精山川炳靈乃際昌期哲人挺生

異資神啓偉器夙成蒐羅墳籍扶擻菁英發解鄉

闈擢雋

明廷青雲振翮粉署蜚聲或仕或隱允協士程于內



于外獨秉國經其道用光厥位眷升總漕禦  
儲裕氣清銓部掄材戎府詰兵秋卿讞獄惟允  
惟明勳望益峻諛忌斯興謝事以歸辟居柴扃  
仲長樂志龐德躬耕者俊標準邦家儀刑胡期  
一疾遽即幽冥朴仕也後仰公德馨厚陪寮案  
同佐銓衡琅琅誨言朝夕服膺幸免仆蹟獲保  
身名感公雅誼中心是銘兩地相望歲月幾更  
忽聞訃問潛焉涕零敬致菲奠聊達微誠述茲  
誄詞遠寄哀情尚饗

卷九

祭文

十一

維年月日都察院左都御史南充王廷謹以辨  
香段帛寄奠于

明故刑部尚書淡泉鄭公老先生之靈曰惟公乾坤  
間氣海嶽鍾英望重山斗名懸日星宿德懿行  
為國老成雄文博識為士儀刑執義堅確似陸  
贄在唐世議論純粹如仲舒于漢廷清介絕俗  
同東越之清獻雅正不阿類曲江之九齡蚤發  
跡于浙省即首先乎多士繼題名于

北闕遂價重于南金柰何公正不偶屢屈屢伸初仕

銓司即以抑奸相之請而改任留曹晚正槐席  
又欲振紀綱之廢而禡職雲林然下和之王以  
則足稱貴而豐城之劍以塵埋見珍其氣節高  
峻足以震懾乎未母其聲名赫奕足以師表乎  
朝紳蓋所謂古之大臣有其器有其識有其才  
有其節而非若世之淺夫小子徒挾片善眩一  
能以就一時之功名往歲之久朝缺冢卿衆方  
擬公羽儀天廷為士類樹無前之執範為  
皇家建無疆之偉勳而公名未上公訃忽聞凡在同

卷九

祭文

十四

朝孰不吶喏而興嘆疾蹙而撫膺謂明堂方建  
而大材未用宗廟殷薦而瑚璉莫陳士亡看祭  
國之典刑嗚呼哀哉予也蜀產入朝稍後萍踪相  
左伏謁未能雖切登龍之願而詳識荆之因雖  
缺耳提之命而忝神交之誠蓋不相見以跡而  
實相知以心追惟戊午自冬徂春偶緣職事薦  
簡通名遂蒙傾蓋白首靡親爰遣令嗣視余濟  
寧時復嗣音道誼放勳今遽已矣胡能抑情因  
風寄奠淚濕燕雲尚饗

維年月日春晚生錢同文謹具祭于

淡翁鄭老先生之靈而言曰同文自入官以來蓋

無歲不見翁見翁之容一憂

國憂民之容也聞翁之言一憂

可解于其懷者也人徒見翁位高而名完年永

而嗣昌似無可芥蒂於其懷者而抑知翁之所

不可解者固有在耶

聖明御極首舉郵典而優郵惟翁人莫不為翁懯若

卷九

祭文

五

夫獎恬褒節約浮飾盡種種新政意多翁平生

所懷其尤足以懯翁乎使翁尚在則必大慶乎

既往而深冀乎方來吾不知其為容為言者何

如也使翁柄用則匪徒慶其往必有以疑乎其

往匪徒冀其來必有以迓乎其來吾不知其庇

國庇民者何如也而今不可作矣惜哉然翁雖不

可作而翁懷之不可解者則耿耿不滅今之君

子凡懷翁之懷以疑翁之未疑以迓翁之未迓

者莫非翁之作之也吾人不必惜翁之不可作

惟自作其懷以暢翁之懷是翁默默之望也尚

祭 維年月日劣姪婚趙案謹以清酌庶羞致奠於

太子少保刑部尚書端簡公淡泉尊叔翁之靈曰翁

與先君誼契同庠許以兄子共家蒸嘗壬寅來

嬪翁在帝鄉金幣遠寄賜出非常孝順勤謹翁

誨孔彰俸餘歲惠愛我無疆來命偃蹇家道荒

涼尋至甲子破釜絕糧翁聞太息金粟下將夫

婦母子賴以安康更錫布縷俾御冰霜更繼粟

九

祭文

六

肉俾慰糟糠炎風禡暑葺我書堂迅雷驟雨袖

金來房諄諄教我恒產義方富貴貧賤奚啻兩

忘家也受恩罔極負報春陽願享遐福岳固水

長胡天弗弔遽爾云亡陳詞奠翁痛割衷腸翁

乎寧忍予哉有酒盈樽如不飲有敬盈俎如不

嘗魂杳杳兮聲寂寂俾我涕泗徒傍徨祈始終

之不棄神昭格而來翔嗚呼尚饗

祭於 維年月日不肖姪鄭法謹以牲醴庶羞之儀致

太子少保刑部尚書端簡公澹泉叔父大人之靈曰  
嗚呼惟鄭之先克世其德誕發於翁圭璋猗特  
翁生不偶族由以昌族賴我翁惠澤深長憶昔  
倭夷侵掠方窘于父之柩幾惟煨燼翁為構地  
亡親以安復加賙恤脫我艱難產既凌夷厨乏  
饋積老母之養朝不謀夕翁勤授給母子以憚  
念我無成每為感額子尤營宅草昧拮据翁割  
已地以完兄居予業蕩析室廬無所翁為改築  
俾有恒處戴天履地皆翁之惠覆體粒身皆翁  
之濟教誨諄懇顧育切至身勢彌留猶領稠賜  
哀哉翁也分雖叔姪恩實父子翁心無窮翁恩  
無死寧獨厚予合族如茲寧獨宗姓親識以之  
大德獲福仁人必壽宜享永年松喬同茂胡遽  
棄我返素玄冥音容何在虛閣遺經陳詞莫翁  
淚不可止人之無祿文正長已悼逝感時孤懷  
誰論悠悠蒼天叫關無門嗚呼傷哉尚饗

維年月日門生董鯤謹列牲于俎崇酒于卮致  
祭于

太子少保刑部尚書端簡公澹泉尊師老先生之靈  
曰嗚呼天生豪傑蓋為世道計也詎意先生遽  
至是哉夫先生繫海內山斗之仰可以垂不朽  
者謂其文章之富事功之顯德行之純而已三  
者人皆知之亦能言之惟先生則無而有之蓋  
世之稱文章者率多剽掠蕪粵瑣繪浮詞未必  
其有茹古涵今之蘊世之稱事功者率多紛更

制作崇飾靡文未必其有恤民體

國之誠世之稱德行者率多細廉曲謹矯異沽高  
未必其有瓌偉卓犖之節至於利害所關寵辱  
所係則又鳧趨鼠竄泆忍依阿如仲尼所謂色  
厲內荏者滔滔皆是也求如先生簡夷正直挺  
然獨持寧拂

天子以伸法不媚權要以容身者可一二見哉然彼  
則冒襲隆譽位極人臣而先生曾不得久於其  
朝與若人埒焉是遵何說邪鯤自蚤歲廁迹門牆

籍有指南幸登任籍雖偃蹇畏途不能日侍几  
席而惓惓造就之意寓於筆劄每若親承真所  
謂未嘗一日不歆激昂而使之前者容歲北上  
倉卒告別見先生憂世之念耿耿不忘猶冀銀  
青特除東山再起必攄素畜以佐昇平之治鯤  
方自慶得所依歸庶幾一申公議於天下不至  
落莫墮世機阱中而今則已矣慨儀刑之永逝  
嘆山斗之頽移拊膺涕洟聊陳悃悃蓋效子瞻  
之哭歐陽公實為天下慟也豈特哭吾之私而

已耶嗚呼尚饗

維年月日南京刑部尚書舊寅侍生錢邦彥謹  
以辨香束帛敬祭于

資政大夫刑部尚書贈太子少保謚端簡淡泉鄭  
老先生之靈曰於維我

翁人豪天挺道邇淵源學融高迴蜚英青歲天路  
翱翔儒林著蔡清廟珪璋立言紀事軼駕班馬  
博古通今齊驅董賈敷歷中外剛侃弗阿吾秉  
吾直追恤其佗竟也莫容迺憎佞口投斃歸來

明農畝畝蕭然一室右史左圖緩帶角巾雅譚  
投壺問字乞言尸屨恒滿揮塵繩床揚標彤管  
道腴可樂聲勢浮雲衣惟再澣食鮮重葷剖析  
經疑敷陳國是從容片言聞者披靡蒲輪未下  
鵬賦俄成典刑摧喪

朝野悼驚嗚呼傷哉位躋八座譽沅九陔翁身已  
矣誰其後來繫翁悃誠昭如星日蓋棺事定  
詔還舊秩焜煌新

命節惠易名曰簡曰端允矣公評顧余踈庸又汙交

籍誼重金蘭情投莫逆曩官銓部接武聯鑣我  
容我冶匪夕伊朝折簡招携摠衣請質愛好日  
敦辟諸膠漆天作之合宦轍追隨留都叨轉復  
侍光儀忝參九列依依驥附示之式程矻我沉  
痼方同許

國迺先歸田數承飛翰累牘連篇昔我先君壽屆  
七袞厚翁雄文騰華蓬華先君見背乞銘于翁  
琬琰之貽承育玄宮惟是眷私感深存歿消泆  
未伸歲月超忽發亥之秋一登翁堂握手躊躇

有淚沾裳余竊訝翁素抱抗爽胡然悲恫相頽  
愴恍詎知永訣乃寔于斯撫時觸景悠悠我思  
嗚呼痛哉思翁寔殷奠翁良晚有待而遲茲將  
即遠薄陳明水侑之蕪詞嗟嗟彼蒼胡不憖遺  
尚饗

維年月日前太子太保吏部尚書青年春生吳鵬  
率男繼緝紹紳等謹以剛鬣柔毛清酌庶羞之  
儀致祭于

明故資政大夫刑部尚書贈太子少保鄭端簡公之

卷九

五十一

靈而告曰星昴發祥元醇融結天佑我

明篤生才括為龍為光嗣徽前烈松勁蘭芳金精玉  
縈惟公文學強記博聞傍穿直貫括綜典墳腹  
為經筵道亞河汾高視今古超然不群惟公政  
事允文允武秋肅春和迅霆甘雨經綸大猷奠  
茲淮土唐之晉公今之吉甫惟公懿德沉機淵  
邃不有畛減何偏何陂所悲人窮所憂時事皇  
皇之懷鬱焉未試功德與言古稱不朽孔門四  
科賢不多有公兼其長天植者厚胡厚其生而

畜其壽嗚呼哀哉鵬也不肖附驥騰驥公殊愛  
我不責其狂出嘗聯轡寢不異牀締以婚媾要  
以不忘庚申之歲公還林壑我於辛酉亦解塵  
縛梓里相依暮年攸托遽意沉湮公先寘漠嗚  
呼哀哉易名有謚實錄有史渥種璇源施於孫  
子梁木奚摧是日不死敬奠一觴公其監止尚  
饗

維年月日

欽差提督軍務兼巡撫福建地方都察院右僉都御

卷九

史塗澤民謹以牲帛醴粢之儀致祭于

太子少保刑部尚書澹泉鄭老先生之靈曰賢哲  
之肇生兮展曠代之希值固期運之攸鍾兮寔  
襟裳之標式維

先生之炳炳兮亶清時之名德既巍科而膺仕  
兮復崇勳而峻節粵

肅廟之龍飛兮首奮翼於雲路乍蜚英于夏暑兮旋  
雲卧而頤素比銓司之存歷兮唯公已而直道  
顧方枘以遠時兮聊鐵羽而從好廼聲實之日

隆兮數月鄉而展采聯八座以寅恭兮偉亮工  
而熙戴信玉潤而金純兮閱始終而勿改紹絕  
學之淵源兮宗山斗於寰內暨耆年而懿躅兮  
郁鄉邦之儀刑儼蒼生之屬望兮肆薦牘之類  
騰擬蒲輪之再起兮詎鶴馭之遙升悵老成之  
徂謝兮遺

朝野之悲零憶代乏於留曹兮幸蘭親而荆識  
臬味之獲諧兮荷奉勤於獎挹屬梗轍之飄難  
兮遂音徽之久隔忽哀訃之遐傳兮曾惋慟之

卷九

卷九

卷九

能極乃棲遷于務兄兮慙芻絮之莫能聊絨辭  
而寫臆兮殞涕泗之沾纓惟追榮而晉賚兮寔  
昭代之彞經尚隆馳而豐賻兮表烈烈於旂銘嗚呼  
哀哉尚饗

維年月日我

業師端簡公鄭老先生逝于家訃聞中州門生湯

彬為位而哭之以慟明年隆慶改元惟

帝念功還公故秩贈謚而塋祭焉彬繫官不能與執  
紼之後俯首揮涕遺子承字謹將牲帛再拜而

奠之曰嗚呼哲人之名世寔元氣之粹精翔孤鷗  
於渤溟奮遐翥於

彤庭批逆鱗而不避洵好修以馳聲旋入司乎銓  
軸爰底瘞乎獷獍拔茅如於月旦奠淮海於維  
城視京營而振旅掌邦禁而稱平貌容容而晦  
晦樹嶽立之丰稜懷隱憂於南北矢攬轡而澄  
清憤憐邪之亂政每動色而填膺惟社稷之大  
計祇布公以推誠寧拂衣而長往終踽踽以獨  
行亶國家之楨幹羗後學之典刑躬樸素如寒

卷九

卷九

士豈徒戒夫持盈紛顛波之就下支大厦於將  
傾胡昊天之不憖溘夢奠於兩楹仰  
皇上之新御嗟耆老之先零惟文章為不朽抑麟鳳  
之繩繩揚休風於

寵恤昭遺直於汗青彬望門牆而掩袂歌梁木而  
傷情擬屈原之九辯乏宋玉之才名彼築場為  
何人徒延佇於丹旌傲蕪詞而絮酒悵北風而  
怆怆嗚呼尚饗

維年月日少師兼太子太師吏部尚書建極殿  
大學士年生徐階謹以牲帛庶羞之儀致祭于  
刑部尚書贈太子少保謚端簡淡泉先生鄭公曰惟  
交之難難於知心自古則然豈惟斯今我昔與  
公同舉進士獨幸辱公不我鄙棄略其愚陋謂  
頗朴誠諒其迂腐謂少世情爰共講求仍相砥  
礪期於成已推之濟世後我罪謫十年來歸喜  
復與公長善塞違歲月幾何公旋斥逐賴

上仁明不遠而復臺閣之間武接班聯方同籌畫拯

卷九

祭文

二十一

溺扶顛柄臣震怒公則又斥我時孤危朝不保  
夕天日忽開邪伏正崇志切孚彌機苦未逢去  
年之春事且有緒公則不待棄捐以去我心公  
心本若一人我身公身乃每參辰在昔睽攜猶  
冀復合乃茲長往孰回公轍惟天生賢固將用  
之胡既生矣而厄其施天不可知于茲益信嗟  
我誰與以佐

明聖繫官于朝無由憑棺幽明之痛彌摧肺肝絨辭  
奠公因與公誓報公之教罔敢怠棄期于九泉

見無忤容惟公陰翊以成其終嗚呼哀哉尚饗

鄭端簡公祭文卷上

卷九

祭文

二十一

詩二首

辱教下眷晚生馮阜謨

搖落秋風太華傾海大雲物總含情  
辭衣竟屬

東山臥卿月空懸西省明

北極一人勞夢寐中原萬事尚縱橫  
銜恩忍說延

陵劍涕淚乾坤欲灑纓

薤露歌殘獨愴神寒雲慘淡玉樓新  
艱危幾酒

憂民淚世路還憐砥柱人國是去留存  
短疏

主恩日月照孤臣履聲想像尚書省  
忍向西原慟

獲麟

詩

卷一

門下晚眷生馮志仁

執法歸田鬢未華鑿池開圃自生涯  
夢楚諫草

驚時變樂話畊桑畏日斜感德未能圖  
去馬傷

心無復伴煙霞吾翁心鏡清于水執  
紼相將真

一茶

附嚴子陵論

鄭履淳

嘗讀漢書知子陵以布衣友光武及光武御天子陵

獨高不臣之節寄跡漁竿塗泥軒冕希文所云不事

王侯高尚其事先生以之信亦偉矣然愚竊謂此特

槩舉其迹未深知子陵之心子陵志在行道非一偏

獨善之士若荷簣接輿者流至於既出而復去亦豈

其心也夫士脩身學古以樹於時非獨自有餘而已

蓋亦畏天憫人無善博濟俾蒼生被澤而不失望不

幸而不可為斯亦無憾耳子陵當新都僭逆固宜沉

晦免患及炎龍繼照天下嚮風而猶依栖巖水甘老

丘園無乃區區楊子聖人無常行或進或退或潛或

顯與道屈伸而要皆潔已子陵以玩世不群之才知

重於君而來其徵矣尚猶東海避紂時耶故計其篤

於求我將必有以用我我得故人焉相為君臣若伊

呂之遇湯文則懷仁輔義之畧可行輯寧永清之治

可致夫寧徒出也然猶重於自進而羊裘寄釣示之

物色庶幾遇主於巷之義不然洛陽之外處處乾坤

彼復何求於光武潛名混迹依雲在澗孰知其為子

陵



陵亦孰知為天子之故人而致之於漢廷也是其出而宜則終可以無去既不欲仕則始可以無出胡乃就聘而起而復決於去何哉此則光武自絕於子陵非子陵固棄光武也初帝之求之非徒曰吾將與同富貴而已子陵之起若惟為貧而仕為賤而仕則委吏乘田一命之榮足以慰其心屈其志亦不俟夫微而後出矣惟所圖者大故擬迹磻溪以觀漢之君臣尊賢敬士者何如耳君知故人而弓旌之使雖動就見之禮殊缺已非先學後臣熊羆同載之故事况時大臣孰為鮑叔孰為子桑乎先瓊枝於鳳凰遺杜若於下女古之人有是言矣無人於子思之側則子思弗可安况簡傲媚嫉者於君側雖君必我信而蕭蘭共庭鷓鴣比翼終不相容狂奴赴闕之初心非謂有是奚待君房召見而後堅卧不起也君既不以湯文之待伊呂者待賢人而癡諛之相遂以爵祿驕貧賤彼諫議大夫寧尊祭而子陵可以虛拘哉是其釣也東周擊磬之心乎欲行所行而來也其長往也去齊接淅之行乎又見所見而去也卷舒去就順事無情

即此窺抱負於當年想丰神於千載何其道遙卓犖英邁無機高俯日星潔慚霜雪方駕逸步超海凌空焉將狹九州為不足遊茂萬姓為無與友下相揖讓於唐虞而上寄遨遊於軒昊蓋視光武且浮雲也又况雲臺功利諸臣顧可得而相察友耶或曰子陵初友光武終耻事之而去信乎夫稷契唐之元老舜匹夫時雖欲友稷契不可得及為天子稷契遂北面事之臯陶伯益與禹同朝數十年且相揖讓以位禹既受命未聞二老耻臣之也天下安有無君之人哉不屑臣故人而去子陵固非若此小丈夫然矣但聿求元聖惟師尚父天子實皆師之非特不臣耳也使光武以玄德之求孔明者求子陵則其大臣皆以帝師王佐事子陵如是而子陵猶不肯為之臣則固矣子故謂光武自絕於子陵非子陵之棄光武也雖然子陵既心乎濟世何不於群雄角鹿之時倡扶帝室宣力故人與良平媲美而乃於天下既定之後始出以顯夫志節高平聲譽寧非好名之士耶吁是不然汗馬之功惟以力帷幄之替僅以誅馮嚴鄧寇諸公皆

能之子陵不屑此也昔人謂翟璜不能回西鄰之寇  
良平不能正如意之立干木卧而秦師退四皓起而  
戚姬泣皆潛孚默運不假知力惟以德望服人心子  
陵蓋志於此當光武時天下雖平而新莽之遺害未  
盡除四民之生業未盡遂天下之賢才未盡用君德  
之弼養未盡善子陵負世重名特出為賢人倡欲令  
海內知天子誠能下士更有版築飯牛之朋望風而  
起英豪離祉黎獻共臣則中興之治益光非止於恢  
復舊物已也既不得於此而後乃遊神物外返駕初  
服惜美人之永違寶幽芳於罔穢反素完真棲冲業  
簡眇傲卿相狎昵帝王下聳群觀上移天象清風勁  
節標致羽儀赫乎泰山巖巖使天下萬世皆知天王  
宰相崇高極貴之上猶有此等不可相下之人非惟  
立儒廉頑大助名教又使後之人君得如子陵之臣  
當知有介特之操苟一毫致敬盡禮之未備則爵之  
雖榮留之雖至終不能得其心終不可盡其用矣魏  
薨子陵其視嬰鑠諸公依依寵祿隱忍以就功名者  
固不可同日而語他若周王荀薛之徒甘於獨往以

隱為高又惡識子陵之所以為子陵者哉子故曰先  
生聖賢之侶才無不器道協時中伊尹伯仲也

公覽之曰子陵天子故人正欲有為尚以入朝見  
嫉引退嗚呼關門塞路上下殊方介石需郊進退  
異局宜乎逸民相高寧獨子陵之時為爾也

### 尹和靖論

君子立高世之志必有遺世之識志正而大寧衡鼎  
實於小售識明而遠肯喪資斧於包羞守身事親率  
以是也和靖尹先生不對紹聖制策而歸其母說之

謂知子以善養不知子以祿養先生遂不復應制奇  
哉百世之下孰能心是母子之心者夫賢人視君心  
為進退制策見國是之從違尹先生當宣仁既沒摺  
宗初政志於行義冀伸祿養豈意以誅逐元祐黨人  
為問則將是天下之所非而非天下之所是用舍顛  
倒刑賞舛錯故老遺忠邈不見信而招徠讒佞徑從  
中出臨川遺黨復滿朝廷嘗聞君子小人迭為消長  
蹇而欲往睽而求合幸以遇巷終戒嗟如進忤戰龍  
恐殺身不足以益國昵比金夫則降志殊悖其初心

况時推讓風頽明揚典遠舍制舉無能自致先生蓋曰吾為親出而一對誅君子之策縱第一臚傳遂極乎富貴高乎功勳大慰孝顯然是非庶耻所賴以事親者自我喪之虧體甚矣直者未尺而枉者過尋未暇正人而先悲失已吾其如親何固不若直在甯中浩然充塞完其履素反性踐形笑傲乾坤優涵雲水罔榮簪冕寧耻緼袍光明正大以自居則亦以事母不惟曲為承順期得夫心之悅而直能諭之於道亦且輕富貴蔑王侯修志意全道義則親之心即吾心

彼皆以賢稱豈若尹母成子之德全已之養兩不自失寧弗為尤賢竊觀尹先生之孝似曾子皆以魯得之曾子亦云善養而非專祿養在聖門曰參也曾程門亦曰尹焞曾魯者終有守卒之傳孔子之道者曾子得程氏之傳者尹氏因知魯最近道不自失即孝也昔名聰明之士鮮乎智巧千祿僥倖期遁從欲蹈機經營自固計無弗至然盛衰相因倚伏相生利源一啓害漸亦萌菽藪方藪夭夭是仍既豐其屋家節身傾卒罹陷阱戮及其親昔之聰明竟以自刑鼎錯董卓何以異也君子鑒此故明乎吉凶消長之理審乎進退存亡之道恪守以愚機心盡泯剔去剛健同乎大順營營寂寂不眩虛靈所謂天動星而辰極自居其所機旋輪轉而衡軸猶執其中以無用為有用無為而無不為者也魯為世所病而君子恃以守身事親將不愈於聰明雖然尹先生為已為親則得矣惜未大行其志使天下蒙君子之澤嗟夫高才抱憂於戚戚碩人負嘲於俚俚自古所識寧獨一人而已哉賢否混淆英豪遠迹天地否閉聖括潛形石門

守晨沮溺耦耕接輿行歌蘧瑗保生莊生伯子荷蕢  
文人林宗叔度君平子陵是數君子者信皆文明弘  
濟之才金相玉質之器也夫豈無親可養抑不孝忘  
親蓋亦知珮玦可捐慮中閨每阻於遠遠芳杜可遺  
憚下女反嫉乎娥眉及勢與心違則所得奚償所失  
既慚藩羝復愧笥龜雲雨未施而先困秦龍之轡羽  
儀未戢而已制伶倫之籠故寧甘心貧賤忘懷物累  
誦書談道聊以自娛粗飯藜羹聊以自飽斗室蒲茵  
聊以自安茂林清泉聊以自玩無援無羨不伎不求

論

顛沛有常直方弗紊皜皜乎崔嵬之頂忻焉與麋鹿  
同群必不肯俛首自媒承顏順旨仰惠於一眄逐險  
於群車使妻妾怨泣於中庭兄弟嗤笑於夷德以貽  
父母羞也或曰剝復循環盈虛遞運才誠命世人可  
回天諸君子蓋能為而不為非欲為而不得其然豈  
其然與雄畧雖同鼠終非虎林梁在遇鶴肯歆鷺亦  
有事一功殊玄機莫測獨不見渭濱釣叟南陽耕夫  
少年賈生下帷董子均不世天民乃或功著鷹揚聲  
震鼎國位極人臣名光清史使不遇伯樂早歌薤露

遂將湮滅無聞同凋草木畧無一事一藝可樹於後  
已耶兩間固不少此兩人也若賈董則慟哭無啟於  
君心返身卒歸乎素業宏才偉致鬱抑終沉抱璞懷  
珍一長未展天高地厚局而踏之撫景哀時亦自隘  
矣丈夫此身犖犖不可羈以二子之志之才雖不見  
用亦安至困苦徒怨生我不辰而昧自戕非孝此其  
識之不逮尹先生遠甚子獨惜夫漢之文武皆英主  
而二子猶爾矧彼晨門荷簣時耶故曰不患弘道難  
遭時難遭時匪難遇知難嗚呼同一盡於百年而瞬  
息忽已遲暮念修能之難立而美人杳兮未期此騷  
人烈士所以慷慨悲歌感憤激烈籲天長吁而不能  
自己者也夫鯢鵬鼓翼於微風何異鳩鷄麒麟自羈  
於樊梏是亦犬羊故使尚父孔明無遇亦甘沒世不  
稱焉耳未果非孝也然則尹母豈易得哉噫有是子  
斯有是母使母非尹氏必吾事親未及尹先生也此  
君子所以希賢者也

論

九

九章序

鄭履淳

屈子之情真故其言非思後人思效之弗及也曰人命兮有當猶怨而未怒豈惟是其有女則激而不弘然鮮民之生不如死之久矣寧可謂無怒蓋任迫切之真而言奚暇致飾若無病呻吟則聲且不能動人又豈作者不朽東王劉陸諸篇是矣先君壯猷邃學表冠一時諸葛有才希文無命

九章序

雖震來而笑勁節如如而需血剥膚艱危歷備彼蒼不吊復爾殲良白璧淪沙明珠沉海今亦云已讀罷離騷歌殘蓼莪天長地久此情柰何緣訪九章以鳴永感每為援楮日淡風淒涕與詞俱殊難悉意嗚呼百世之下覽者味之先君羽儀標致髣髴可象應知天子有拊髀之思英雄動滿襟之淚也

悼

旻天降割兮丁我躬民莫不穀兮我嫫嫫前秋子病兮翁憂子今歲翁亡兮子哭翁撫摩顧復兮情如昨瞻戀疇昔兮空音容無日無夜兮思悄悄忽忽如夢兮神西東沉吟一到兮從遊處不覺號慟兮呼蒼穹惟見流塵渺渺兮護幽榻悲風淅淅兮穿房櫳琴書冷落兮徒四壁手澤依然兮虛舊宮苔痕滿階兮絕履跡間花泣露兮落殘紅蠶蛸網簷兮織愁縷伊威在室兮聲忡忡白日無光兮雲慘慘浮煙四塞兮天夢夢子猶呼翁兮翁何在翁應念子兮言難通含情撫景兮可復顧欲行不行兮摧淵衷嗚呼君固人傑川流山峙君身不再生君心豈遽死我猶寤寐兮操藥望爾貞疾兮忽起胡乃一旦兮忍子使我終天兮

何倚自然不如彼蒿蔚兮又奚啻餅罍之  
深耻吁嗟行路兮莫難於此昏昏默默兮  
英雄長已千秋萬古兮從茲以始誰能式  
穀兮終身慕爾念此欲絕兮形神交毀知  
哀無益兮莫之可止天無涯兮地無邊日  
君月諸兮相推旋萬物代謝兮往不返此  
情此恨兮何綿綿男兒不解兮向人哭為  
爾年年淚染兮芙蓉鮮

兩牌

三

釋

嗚呼嗟嗟兮我生不辰逢天疾威兮降難  
惟純洪濤震海兮無舟可津浮塵蔽岳兮  
何方可鄰狐狸晝號兮野犬狺狺鷓鴣夜  
鳴兮牝雞多晨宣尼去我兮誰與歌麟傷  
哉儀鳳兮曠世不賓哀彼孤高兮獨為匪  
民危身遂潔兮孰與忘機而保真嘗仰羨  
夫神龍兮謂能隨時而屈伸胡為坐愁拂  
鬱兮於泥中而罹屯縱暫戢鱗秋冬兮寧  
不可復俟乎陽春使果涸死塵沙兮又何  
異蠱魚之終淪已矣哉君不見屈子自沉  
兮湘江自派賈生長逝兮絳灌長侯雖徒  
憤死夫英傑兮宇宙仍爾其悠悠即使高  
風直氣參天地兮亦終隨此身而俱休雉  
反見笑於爰兔兮鴻離魚網而增羞故惟  
君子之明通兮篤為已而無求道遙塵囂

之外兮聊順流以沉浮吾心之是不可改  
兮寧計枉直與顯幽苟不能忘情斯人兮  
又何愁重患而離憂竊悲仁人效志以守  
道兮不能為小人而寡尤斯亦天道之並  
運兮互否泰而相春秋誰能獨悟於窈冥  
之中兮為爾一豁萬古之同愁

釋

五

思

幼閑訓兮詩禮素希崇兮孝弟既博觀兮  
百家愧多才兮多藝慮惟疾兮親憂竊研  
心兮黃帝亦精此兮敦養脫浮名兮如曳  
豈謂爾兮違疾竟莫施兮藥餌渠用術兮  
乖方人子職兮何事屢握粟兮出卜知遭  
命兮多勩爾體受兮歸全我局天兮踏地  
思承慶兮當年但二簋兮羞食嘗布服兮  
幅巾僅累年兮粗緻亦有時兮携童我透  
逸兮行次共笑語兮家人每勤勤兮顧字  
豈復羨兮輕肥永忻忻兮樂志誰奪我兮  
此歡歲忽忽兮奔駟昨自外兮歸來立踟  
躇兮靡至獨慈母兮待門反舍婁兮走避  
凡父母兮生子謂急難兮相倚今爾往兮  
無援與無子兮何異爾永世兮克孝復生  
武兮勞瘁信終身兮長勤竟無能兮爾媚

仰昊天兮罔極悄憂心兮如醉日焚焚兮  
無經夜達旦兮寡寐暫夢來兮承顏不少  
留兮反懟省彷彿兮平生莫思成兮莫遂  
瞻遺像兮綏享杳默默兮何嗜復不言兮  
不笑空感予兮飲淚吁乎柰之何哉歲不  
爾與爾不我待爾往何歸我辰安在魚鳥  
風雲滿前遺愛秋月春花膝下餘態逝者  
如斯盛美可再哀吟不足浩歌慷慨風淒

不思

七

淒兮兩濛濛烟黯黯兮雲澹澹秋光老兮  
江樹空宵將半兮聞歸鴻美人何處兮天  
之際無限傷心兮此夜中

然

考得失兮今古覽英雄兮成敗或名震兮  
功隳或業昌兮名壞信兩美兮難兼計浮  
生兮何賴老冉冉兮速至居戚戚兮無柰  
烈烈兮英豪山淵兮氣高有始兮必終誰  
此兮能逃造物兮無停逝水兮滔滔難久  
兮榮華青霄兮鴻毛何事兮我羈永懷兮  
憂勞念之兮欲狂中夜兮鬱陶禍福兮無  
門惟人兮自召同人兮先號旅人兮先笑  
倚伏兮靡常聖知兮莫料行法兮俟命反  
身兮簡要嗟松柏兮終摧何芝蘭兮易瘞  
彼春蠶兮毒慘惟虺蛇兮壽類皇天無私  
兮明且聰福善禍淫兮云至公夷齊餓死  
兮顏貧夭此理何據兮杳難窮顧宣尼兮  
攸嘆寧太史兮獨悲宜孝標兮詳陳開萬  
世兮羣疑嗤仲舒兮淵明徒憤憤兮怨思



賈知命兮賦鵬竟不免兮慟騅縱使傷身  
而有功兮非聖哲之通致邈賢愚貴賤於  
既往兮今茫茫何異乎假寐將羨屈子獨  
醒兮寧謂劉伶之果醉抑卞和之識所寶  
兮可輕鍾期之非智逝日苦長兮生年幾  
何伯樂既遠兮歲月蹉跎壯志短期兮鬱  
恨良多乾坤有盡兮積怨不磨逆氣憤激  
兮星日回戈或為烈風迅雷兮拔山飛柯  
冰霜凜裂早魁昌兮萬物愆和雄魂泣淚  
何時已兮惟見禹門洪濤震怒無還波

感

憶別君兮正九秋君多懼兮復多憂平危  
傾易兮天宜佑何物膏盲兮竟爾離我素  
善藥兮羞許止寧億良醫兮疾不瘳君心  
皎日兮禱已久誰復要神兮靡不周浮生  
修短兮命有定此情此際兮難為籌天摧  
地裂兮文星隕山頽木壞兮哲人休家人  
哀慟兮徹心髓英靈去去兮寧知否猶勤  
執手兮重永訣從此一別兮長悠悠自別  
君來流光迅催歲聿云暮律管增灰東風  
嫋兮生意回陽和動兮發寒梅桃與李兮  
弄新艷尚記當年兮君自裁悄遠兮家園  
馮欄兮無言茫茫兮幽緒蹇蹇兮煩冤花  
正開兮空玉尊蒼當謝兮扃重門花無主  
兮還歸根春寂寂兮月黃昏春水濶兮波  
浪掀春草萋兮怨王孫春光去兮杳無痕

哀鴻度兮人消魂乃若四月兮維夏六月  
兮徂暑薰風兮畫簾生香兮荷渚花實兮  
交垂綠陰兮如竹蕙枕兮蒲茵黃香兮何  
處燕將子兮新飛鶯引雛兮教語嗟彼物  
兮無知徒感子兮延佇夏之日兮永如年  
人何在兮有啼鶻松窓靜兮不成眠斜陽  
淡兮臨逝川坐徹夜兮星河懸憶共語兮  
此庭前山榴灼兮螢復然心如結兮誰為

感

十一

妍又七月兮流火漸金風兮束木天沈寥  
兮似洗峰巉碧兮如簇寒露戒兮微茫繁  
霜凜兮澄肅悲籬菊兮青青含芳馨兮幽  
獨芷滿汀兮蘭滿屏池荷敗兮芙蓉生蟬  
哀咽兮秋心驚孤歸雁兮聲嚶嚶葉辭條  
兮落丁丁鳥依母兮飛營營蒹葭蒼兮遠  
山橫邈伊人兮水盈盈秋容淨兮月如銀  
踈砧斷兮風鱗鱗一片煙光兮寒氣早誰

同宋玉兮招靈均欲涉兮湘羅斲冰兮邈  
波北風兮發發哀吟兮蓼莪四顧兮蕭條  
木脫兮高柯玄雲兮鬱結短日兮如梭群  
有兮歸盡寂寞兮山阿嗟我兮懷人永傷  
兮柰何密雪飛兮玉宇明登危樓兮望層  
城石泉凝兮松栢冷山中人兮徒硜硜夜  
獨坐兮還獨行天如水兮月三更瑤光映  
兮婁且清萬籟息兮寒無聲對此景兮悟  
空色欲凌天兮橫羽翼宿所思兮華胥國  
永相侍兮離俗忒駕四牡兮路歌側行行  
畏兮多枳棘屯余車兮長太息會無因兮  
幾沾杖

感

十一

慰

悠悠傷心天高地深龍潛虎遊茫茫古今  
 人孰無親兮爾豈猶衆人之父人孰無死  
 兮爾獨淚英雄之襟寧爾忍棄子兮猶勤  
 勤顧撫於夢寐若爾果有知兮胡默默罔  
 接乎德音託晤語於遺編兮緒紛雜而莫  
 展聊承顏於遺像兮思於邑而難禁步空  
 庭以舒情兮日慘慘其將暮愁無端而疊  
 起兮復修夜之沉沉霜凄煙暝兩泣風吟  
 寒蛩震戶歸鳥依林掩此哀而不去驚省  
 想兮空尋念昔日之歡淚涕淫淫其濡衾  
 令劉歆以陳詞兮告百神乎我察惟此情  
 之罔極兮情欲訴而悵悵嗟苦懷人不世  
 奇英盛名翻累擯逐自榮志違伊管年阻  
 容鏗憂勞盡瘁傷哉孔明思君何在太虛  
 之表風烈肅清威儀峻皎靈今何為昌扶

六慰

十一

六慰

十四

大造御氣行空周遊高蹈駕飛龍兮驂鸞  
 鳳烟霞服兮雲霓裳凌天地兮徑度俯日  
 月兮聯光隘九州兮不足步朝崑崙兮夕  
 扶桑宿赤松兮瀛之島白玉室兮明珠堂  
 飲沆瀣兮飡元精完至貴兮侍羲皇免衆  
 患兮隣泰初乾坤毀兮獨不亡庭園如故  
 兮恍先生之燕愁圖書無恙兮宜先生之  
 樂康風雷變態兮赫先生之英爽星漢昭  
 回兮燦先生之文章松桂繁鮮兮擴先生  
 之襟宇冰霜栗烈兮凜先生之清芳春秋  
 闔闢兮顯先生之出處山河流峙兮永先  
 生之甘棠人生嗚呼促於夢惟爾不朽超  
 群方九齡高致貫終古當年楊李何踰踰  
 我因自傷還自感為爾邈風立徬徨男兒  
 有生可虛度不應爾子戚汾陽

招

觀大化之流形兮何徃復之相紛惟此機  
 之不息兮哀此生之長勤本自無而為有  
 兮有終反乎氤氳彼氤氳之何物兮視弗  
 見而聽弗聞托巫陽以下招兮杳不知其  
 所乘念佳人之永都兮志耿特而無朋眇  
 孤雲之靡依兮肅靈鷲之冥升雖遨遊乎  
 六漠兮未必如故居之可仍魂兮歸來何  
 方爾親生存華屋零落誰鄰我望縣縣一  
 日三春嗟茫茫兮霄壤母行行兮苦辛將  
 陟彼兮崔嵬從孤竹兮首陽恐山阿兮峻  
 險熊羆怒兮相戕將汎彼兮栢舟起三閭  
 兮湘羅恐江流兮湯浩蛟龍鬪兮柰何將  
 東邇兮淮汴訪元禮兮漢京恐厲禁兮猶  
 存龍門蕩兮安征將西登兮巴蜀接九齡  
 兮江豬恐劔閣兮橫斷忠魂慄兮次且將

南適兮炎州速萊公兮雷崖恐瘴霧兮毒  
 人虺蛇遍兮山街將北達兮咸陽哭劉蕡  
 兮寢門恐叫關兮無酬孤懷鬱兮誰論將  
 上攀兮箕尾追趙鼎兮天衢恐中道兮無  
 杭阻歷歷兮白榆將下入兮幽都慰朱雲  
 兮重淵恐廣土兮凝晦終俯仰兮難前登  
 高入下淒淒煙景旁觀四荒處處奚騁歸  
 休乎君雖離來哉父子兄弟共笑語只室  
 家歡娛計安處只稚子依懷忻弄叙只愛  
 女來寧樂適所只靈兮歸來忍相去只達  
 人學士析精藝只親知故老述世契只星  
 楮雲箋多問遺只當事名貴謀經濟只靈  
 兮歸來良朋締只顧我尤殷誨愛周只每  
 一密談慷慨籌只浩歌掄懷天日伴只獨  
 我知心無怨尤只靈兮歸來忍予愁只裳  
 衣既設惟工緻只酒斝數薦應宜嗜只圍

書畢陳中玩視只新宮盡飾閒居邃只靈  
 兮歸來安故地只冥兮默兮舍此何之惹  
 哉文子不我少遲弟幼誰撫我愚誰師鰥  
 寡誰恤顛沛誰持君子誰恃小人誰規直  
 道誰寄儻傑誰推行法俟命兮因爾無所  
 勸忠臣孝子兮因爾不敢為嗚呼傷乎傷  
 乎歸來歸來尚圖完兮已而已而行路難  
 兮達如靈均寧自殘兮一豁宇宙長盤桓

招

十一

兮千秋萬古觀興替兮駕風鞭霆覽無際  
 兮日居月諸永相憇兮守道居正佐上帝  
 兮

問

惟出處與死生兮實君子之大籌百里七  
 十而之秦兮太公八十而歸周歷艱難於  
 既老兮終攸濟乎淵謀向使早歌薤露兮  
 安表宏達之致流胡靈修之離愍兮未及  
 此期而長休果不肖之殃咎兮定天命之  
 不可求彼鍾期之鼓琴兮伯牙去而絕彈  
 甯戚之歌牛兮齊桓遇而興嘆子皮逝兮  
 子產泣王公進兮貢公歡意氣默感天人  
 相完居易俟命於茲求端乃若五臣熙載  
 巢父深棲三晉同封介子獨饑奄寺專兮  
 山人遠司徒傲兮冥鴻飛有君有臣無媒  
 無機不參濟濟亦曰巍巍至乃馮道並位  
 伊周兮鄭五嗣官於姚宋孔明弘矩無成  
 兮謝玄奏績於試用遇如子房不老咸陽  
 時如堯夫謝聘河梁奇珍善價豈盡相當

問

十一

鄭衛咸韶各鳴其方為虎為鼠成敗巨量  
道同時協事復低昂一泰一否玄機渺茫  
寂寞英雄天惟蒼蒼屈子嘗賦以問兮劉  
生亦問於太鈞哀此生之無樂兮發幽憤  
於明神庶援命以自解兮予亦感而有陳  
數含詞而欲薦兮愁於咽而莫伸嗟碩人  
之蹇蹇兮信終身以苦辛悲迫阨之難容  
兮竟慷慨而還真生未張乎遠志兮死寧  
與衆而俱湮將浩然以獨存兮將與大化  
而俱新應從文王以侍帝側兮抑依仲尼  
而真於兩楹應追傳說以駕箕尾兮抑同  
申甫而返乎元精應為甘露時霖以澤群  
生兮抑為肅風清霜以滌乎塵袪應為迅  
雷烈電以開聾昧兮抑為祥雲瑞日以廣  
乎照臨應為江為海以揚清波兮抑為龍  
為圖以闡乎文明應聰明正直昭神靈以

鑿下土兮抑翱翔逍遙仍仙子以遊乎玉  
京氣有聚散神無生死數有修短理無終  
始不世之人兮非世而止來固有自兮往  
必有以區區之木兮寧蓋耿光壘壘之士  
兮寧掩文章促促之期兮寧消偉烈紛紛  
之榮瘁兮寧眩是非勝負於無彊嗚呼惟  
公像傑之最名懸日月五福胥會平津拜  
相封侯兮不見重於漢廷黨人聲譽震世  
兮乏明楮以言寧逸民全身名於布衣兮  
非聖知之達經誰能三美之俱得兮又復  
兼乎遐齡傷哉予美兮人之則滔滔宇宙  
兮余馬程

祭

與行略相錯乾坤中惟此種情  
千萬年若丹青也

鳴呼堅哉黃金愈煉愈精瑩哉白壁愈磨  
愈明松栢有性負雪崢嶸江河有常百折  
東傾本由天植萬變奚更赫矣先生振古  
竒英才周不器學懋無名文經山斗武緯  
干城志凌管樂猷壯良平哀懸日月珮燦  
瓊瑛方駕獨步遠迹飛聲從心卷舒與道  
流行一進一退卓犖章程匪家所天實邦  
之楨衮衣雖東西敵猶驚胡遽去我夢遶  
兩楹天乎傷哉爾忍我棄我懷罔極爾生  
多勤越在童年勤苦博識逮既策名危言  
觸忌此時得生已幸非冀復戒睽初側身  
引避兩懼大戚告貸以易急難無親好述  
中離陋巷屢空况猶未字貞疾數仍幾殆

祭

者四母氏恐鞠梁鴻協志每念艱難撫孤  
相視四十署郎不能諂媚再忤權人十年  
閒地開府淮揚日警戎事銓曹震鄰數月  
改置尋掌兵刑群猜虎伺孤忠自靖一官  
如寄蹇蹇夔夔心勞力瘁曲計乞身懼禍  
且至天王聖明以執法賜始得生還險阻  
歷備佚而思初魂飛夢悸赤素莫昭惟天  
鑒庶號咷乃笑恐懼致福宜訪楊寥優游  
初服居室苟完代食可育爾思空乏益勵  
清朴布衣幾浣粗食一簞簾帷弗飾經年  
舊冠敝扇揮暑戎裘當寒口體之養我且  
餘嘆歲次壬戌念我不憚我復念翁求醫  
在客請告南還翁心稍適嗣獲數載忻侍  
朝夕嘗接密談悄焉感額畏天憫人杞憂  
脉脉撫景徘徊孤雲逸翮慷慨歌謠為我  
問易我時有懷欲共籌斯惜兮國子竟不

及知乙丑之秋翁憂子疾丙寅之秋子慟  
翁卒丹桂生香載共笑言籬菊正黃牧  
空軒露泣殘紅月墾長夜亦悼當年依依  
膝下他賢可贖尚百其身哀彼蔚蒿寧報  
陽春賈生賦鵬陶公誌文宏達如翁將無  
可云生不廟堂今將何息生不鍾鼎今將  
何食生不黼黻今將誰織生不倚比今將  
誰即潛見親踈愴怆攸同明明耿命休休

群工特崇褒典慰顯精忠麟臺紀績青史  
流風使翁之才盡展皇室卿晉宮孤寧侯  
今日如翁重望少就和暱身後三公亦應  
可必乃樂考繁義命安安謂古不朽豈盡  
尊官緣茲為教無行不與戒我省身勿忝  
厥祖俯仰乾坤遺愛滿前音容如在神情  
杳然更深夜闌憂爾留連顧我復我默默  
惓惓我生不辰憂患藥石十有五年惡緒

紛炙惟爾之故甘此顛抑天之抗我如不  
我克又奪所怙疾威孔棘此情柰何裂我  
膏臆歸爾新宮固爾新封豈憚改卜達孝  
是從從茲與爾骨肉永離寂寞英雄承歡  
何期百歲之後歸于其居再晤慈顏愁懷  
乃舒嗚呼



小祥三律

王喬松子杳難尋萬古英豪一聚塵未必  
盛名終是福可能天道更無親春閒雷雨  
龍何在秋老乾坤鶴不宿漢水楚雲俱寂  
寂賈生何處哭靈均

滿屋琴書冷不收別時無計更相留腸應  
既斷心還結人可重生淚始休笑語欲親  
神悄悄形容如在夢悠悠沉吟一到從遊

處霜月凄清恐白頭

脩短難將問大鈞花開荅謝與時新清霜  
一夜鳥鳴切落葉數聲猿淚頻嵩嶽有神  
終翰國鳳圖無夢枉傷麟公歸畢竟歸何  
處誰惜人間少一人

憶除夕

去歲依翁此夜中高談密語凌群雄尊前  
宇宙幾興替一笑相與春顏紅今春雪後

亦除夕四坐無言情脉脉總帳空懸對楚  
囚孤鴻天外驚霜翻風景依稀年復年浮  
生如寄水潺湲男兒自古多悲梗誰抱明  
珠身價全感時嘆逝夜將半獨步中庭何  
時旦萬籟消聲舉世眠踈星隱映臨河漢  
指日陽和發眾芳荆榛松桂同春光殷武  
有心期傳說姜公無命俟文王神龍在淵  
愧凡蟄死後餘榮竟何及君不會昨夜風  
狂雨驟時天為靈修重號泣

和養白公韻

煉石無成天柱傾欲題幽憤不勝情空疑  
羽翼留商皓竟使英雄慟孔明讀盡楚詞  
孤月冷歌殘易水暮雲橫茫茫此恨終誰  
會獨倚西風幾灑纓

寥莪蕭索獨傷神一片秋光萬感新惜誓  
有文悲往事招魂欲賦屬何人徒憐干木  
能樊國豈是嚴陵固不臣寂寞英豪天杏

杏那堪爰兔反嘲麟

顯考資政大夫刑部尚書贈太子少保謚端簡淡泉  
府君之靈曰嗚呼翁之生我實惟晚年愛教劬勞顧  
復惓惓悔我不孝少遠膝前未知喜懼或多罪愆稍  
長知學待翁故里我業勤怠係翁憂喜幼嗣老親文  
夫少子相依為命方慶孔邇柰有郡宅命我移家辭  
翁堂上堂外天涯白雲東海長望曲嗚呼每一念翁惡  
緒如麻安有人子數月一省旅次庭闈遊踪萍梗翁  
豈忍予亦憐孤影欲去遲遲誨諭耿耿翁自歸來不  
跡郡城肇基營宅以兄代行丙寅首秋若許我迎胡  
天不吊遽夢兩極愛子他鄉竟不及視昔猶我憐今  
遂我棄憶昔未訣呼我不置既又無言默示以意意  
意云何沒有餘情惜我未子押念無或至七  
使從兄應異爾子無忝所生翁意至七  
我自樹翁去誰悅娛娛集蓼復此臨穴種種幽悽  
能為至七霜冷月玄半悲風蕭條落木怨嘸孤鴻  
明骨肉至七石西東決徹泉扃視天夢夢嗚呼傷哉尚  
餐

鄭端簡公年譜後序

先達鄭端簡公與錦衣巡城使論  
職掌解刑部政歸是在嘉靖三十  
九年

肅皇帝勅法信度公為上持法乃取  
忤其詳不可曉公歸六年朝政更

轍

上嚮意用公乃不起具在今譜中嗟  
乎嗟乎公崛起海上少負穎絕其  
先博士公教曰士綴學當龍蟻於  
世儻蒲伏取容則有暴足而逝耳  
公讀書負郭窮巷則束脩其行日  
誦千百餘言有司裒然首舉登進  
士高第益蒐閱

國朝故實凡軍旅錢穀刑獄邊陲

塞戶口登耗靡不講求其故務欲  
通之以托於世然以不能驩悅權  
貴人顛踣與仆裒田散地者幾三  
十年旋入銓司陟中丞晉司寇比  
與一二同志踔厲一時抗身巖廊  
之上砥柱風會之流海內士有軼  
覽千仞之望然委任之日淺矣大  
者如劾唐御史保三諫臣至却倭  
江淮縮穀其口總之於主持國是  
計安社稷具有功焉假令不坎墮  
於時其所就烈寧董董若是惜也  
才不盡用用不逮時其抑鬱殷憂  
緼結脅臆則宣洩於執若文以見

志今其吾學一編具載

祖宗朝二百年得失之林以貽世鑑  
亦不朽之盛事矣無論立朝即其  
居鄉恂恂治家人產織畷不以一  
介取予人彼謂俗奢而示之儉也  
閭里後進冒殷策華多私而慕謁  
者相誠毋令公聞部使者與郡邑  
大夫望公之廬竦然為恭敬也孰  
不足以贊助風教哉公譜凡十卷  
為姑蘇錢司寇景山公編次公子  
進士叔初與余善屬余校余得濫  
綴數語葺諸末簡進士博雅有執  
大類公次叔平叔允俱有文譽克  
振其家學者也

隆慶屠惟大荒落春季同邑後學馮  
臯謨頓首撰



中

鄭端簡年譜七卷

浙江巡撫  
採進本

明鄭履淳撰履淳字叔初海鹽人嘉靖壬戌進士官至光祿寺少卿事蹟具明史本傳履淳爲鄭曉之子故追述曉事以成此譜凡曉所作奏疏詩文皆一一附載其中如鹽政壞於折色及沿海官軍宜掣回衛所操練諸疏頗足補史志所未備末附祭文誥諭卹典墓志行略之類於譜例已爲複出又以履淳所作思親詩文附鑄於末多至三卷於體裁尤不協矣

濂溪志九卷

〔明〕李楨撰

福建省圖書館藏明萬曆刻本

附《四庫全書總目·濂溪志九

卷》提要

刻濂溪周先生志麓書院藏書

余不敏寤寐見先生久矣

年十三四時頗知志學獲性

理書讀之開卷即讀先生書

于是志學之念益切益惡世

利世色苟終身盤谷焉已矣

既讀先生書益久恍然如遇

其人再徧訪事實得全書讀

之更見先生為政嚴毅清勵

慈祥仁恕心更切切慕焉時

潛弗見已矣見必先生政是

師蓋政以行學政弗正則學

斯弗善。豈曰讀書之士。故不  
必仕。亦不必不仕。有其政。斯  
見其學。然而誠本也。主靜。極  
也。無欲。要也。握其本而極是  
立。惟無欲之要。宰之。則洗心  
于家者。即彌綸參贊之謨。凡  
亘天亘地事業。即浮雲一點  
過太虛。無着礙。無方所也。如  
是方。可以話太極。見先生。先  
生道州人。毓堪與今古之秀  
而曰溪曰巖曰故里。特寄產  
之一。然詢方履跡。亦所不廢。

余既填撫三楚。喜遊先生鄉  
間。先生里新其祠。廣其田。育  
其後裔。建其書院。胥令太守  
發董之成。仍成其志。用告誠  
周氏子孫。而宗子翰博君聯  
官率族姓。而久引承之。  
萬曆二十有一年冬十月十  
有二日壬辰  
賜進士第。嘉議大夫戶部右侍  
郎前都察院協理院事左副  
都御史北地李慎謹序。

濂溪先生志序

蓋嘗讀孔氏世家史遷贊孔子以布衣傳十餘世為學者宗而自天子王侯中國言六藝者折衷於孔子以為至聖夫孔氏之統實祖堯舜而績文周寧第以六藝為功而所稱傳十餘世者則邈獲麟之年以迄龍門之元符固自其世計之而不知其與天地參而四時同也孟軻氏歿斯道幾熄即遷猶能以世家尊孔子而其後俗儒雲興門戶決裂權謀功利訓詁枝葉之習





入於統之內而為道蠹棄倫絕聖悠玄空寂之譚出於統之外而與道敵歷千餘禩而卒未有鱗然一明孔子之道者何恣恣也濂溪先生起宋天禧間其學絕無所繇傳獨湛思微妙著太極一圖以授河南兩程子迄今圖說易通二書學士家尊之與六經等大指以誠為基以一為要以主靜立人極為至其說奧渺精深而其造端雖經生學子循日用而可守於是尼山日月結為大年而叔季漫漫之




長夜昭然如昨。斯豈非再闢  
渾淪千鈞一髮者與。跡生平  
陸沉郡邑。所至澤物省冤。不  
難投手板以明志。迨宦遊既  
倦。遂丐身於匡嶽衡麓之間。  
而吟弄以老。其仕止久速。殆  
壹稟孔氏家法者。故尊孔子  
則必尊先生。而志先生者。乃  
所以志孔子也。今讀志自圖  
書文辭年表世系與夫儒詰  
表章帝王褒崇之典。不啻脈  
列而先生之精神命脉。於是  
焉在。斯以闡繹而折衷之。非  
無具矣。嗟乎。八之之為畫也。

五之之為圖也。圖書文辭年  
表世系之為志也。旦暮遇者  
存聖人之神。而揣籥望燭者  
且不免為畫。為圖為志。則是  
集直家乘門譜與司馬氏世  
家奚異焉。非克菴李公意也。  
後有繹道統者。當得於是志  
之外矣。


賜進士中憲大夫巡撫湖廣提  
督軍務兼制黎平等處地方  
都察院右僉都御史晉江郭  
惟賢謹撰





萬曆庚戌鼎建

周濂溪先生真像



像贊

道喪千載聖遠言湮  
 不有先覺孰開我人  
 書不盡言圖不盡意  
 風月無邊庭草交翠  
 晦菴朱熹題

古今紀述題款姓氏

胡銓 黃庭堅 傅者 任大中 章淮

胡寅 李大臨 郭見義 龔維著 趙柳夫

朱熹 孔文舉 盧方春 歐陽玄 滕巽真

蔡抗 柴中行 陳宗禮 度正 魏嗣孫

趙朴 魏了翁 潘定之 林煥 熊呈

蘇執 潘與龍 黃仲芳 薛綱 韓湯

張栻 何平仲 沈鍾 謝鐸 沈慶

陳獻章 黃芳 趙宗憲 周晉 周昇

李夢陽 歐陽旦 張弼 陸深 何遜

盛祥 方進 蔣忠 姚嵩 徐瑚

王守仁 趙宏 何文俊 陳晶 李敷

唐珙 吳廷舉 曾仁 錢源 游願

邵寶 方良弼 陳鳳梧 呂猷 徐慶

葉盛 曹宏 林山 周綱 蔣天相

顧璘 丁致祥 符鍾 雷復 陳鑑

廖紀 莫英 杜漸 高穀 金潤

趙賢 陳鑑 方瓊 黃俊 方傑

李相 曾昂 王績 陳騏 柳邦傑

郭世賢 顏鯨 張勉學 胡直 侯廷訓

傅楫 戴嘉猷 王會 蕭子鵬 周子恭

張喬松 王宗尹 曾承恩 曹來旬 趙海

盧仲佃 戴科 張守剛 蔡光 蔣春生

吳中傳 閃應陽 李發 王時春 董汝第

曾朝節 丁懋儒 黃廷聘 黃應元 李東方

官大勳 謝既 吳能進 呂繼胤 車然雲

顧憲成 孫成泰 韓子祁 錢達道 周誌

王一之 許宗曾 陳文進 李炯 楊大行


孟養浩 蘓茂相 蔡體仁 曾可立 楊如春

楊載抗 陳之京 廬世科

廬溪志

名

太極圖



周子曰無極而太極太極動而生陽動極而靜靜而生陰靜極復動一動一靜互為其根分陰分陽兩儀立焉陽變陰合而生水火木金土五氣順布四時行焉五行一陰陽也陰陽一太極也太極本無極也五行之生各一其性無極之真二五之精妙合而凝乾道成男坤道成女二氣交感化生萬物萬物生而變化無窮焉惟人也得其秀而最靈形既生矣神發知矣五性感動而善惡分萬事出矣聖人定之以中正仁義而主靜立人極焉故聖人與天地合其德日月合其明四時合其序鬼神合其吉凶君子修之吉小人悖之凶故曰立天之道曰陰與陽立地之道曰柔與剛立人之道曰仁與義又曰原始反終故知死生之說大哉易也

通書

誠上第一

誠者聖人之本大哉乾元萬物資始誠之源也乾道變化各正性命誠斯立焉純粹至善者也故曰一陰一陽之謂道繼之者善也成之者性也元亨誠之通利貞誠之復大哉易也性命之源乎

誠下第二

聖誠而已矣誠五常之本百行之源也靜無而動有至正而明達也五常百行非誠非也邪暗塞也故誠則無事矣至易而行難矣而唯無難焉故曰一日克己復禮天下歸仁焉

誠幾德第三

誠無為幾善惡德愛曰仁宜曰義理曰禮通曰智守曰信性焉安焉之謂聖復焉執焉之謂賢發微不可見充周不可窮之謂神

聖第四

寂然不動者誠也感而遂通者神也動而未形有無之間者幾也誠精故明神應故妙幾微故幽誠神幾曰聖人

慎動第五

動而正曰道用而和曰德匪仁匪義匪禮匪智匪信  
悉邪也邪動辱也甚焉害也故君子慎動

道第六

聖人之道仁義中正而已矣守之貴行之  
天地豈不易簡豈為難知不守不行不廓爾

師第七

或問曰曷為天下善曰師曰何謂也曰性者剛柔善  
惡中而已矣不達曰剛善為義為直為斷為嚴毅為  
幹固惡為猛為隨為疆決柔善為慈為順為巽惡為  
懦弱為無斷為邪佞性中也者中也中節也天下  
達道也聖人之事也故聖人立教俾人自易其惡  
至其中而止矣故充覺覺後覺聞者求於明而師立  
立矣師道立則善人多善人多則朝廷正而天下治  
矣

幸第八

人之生不幸不聞過大不幸無耻必有耻則可教  
過則可賢

思第九

洪範曰思曰睿廉作聖無思本也思通用也幾動  
彼滅動於此無思而無不通為聖人不思則不能通

微不睿則不能無不通是則無不通生於通微通微  
生於思故思者聖功之本而吉凶之機也易曰君子  
見幾而作不俟終日又曰知幾其神乎

志學第十

聖希天賢希聖士希賢伊尹顏淵大賢也伊尹耻其  
君不為堯舜一夫不得其所若赫於市顏淵不遷怒  
不貳過三月不違仁志伊尹之所志學顏子之所學  
過則聖及則賢不及則亦不失於令名

順化第十一

天以陽生萬物以陰成萬物生仁也成義也故聖人  
在上以仁育萬物以義正萬民入道行而萬物順聖  
德修而萬民化大順大化不見其迹莫知其然之謂  
神故天下之衆本在一人道豈遠乎哉術豈多乎哉

治第十二

十室之邑人人提耳而教且不及况天下之廣兆  
之衆哉曰純其心而已矣仁義禮智四者動靜  
視聽無遠之謂純心純則賢才輔賢才輔則天下治  
純心要矣用賢急焉

禮樂第十三

禮理也樂和也陰陽理而後和君君臣臣父父子子

兄兄弟第大夫婦婦萬物各得其理然後和故禮先而樂後

務實第十四

實勝善也名勝耻也故君子進德修業華華不息務實勝也德業有未著則恐恐然畏人知遠耻也小人則偽而已故君子日休小人日憂

愛敬第十五

有善不及曰不及則學焉問口有不善曰不善則告之以不善且勸曰庶幾有改乎斯為君子有善一不善二則學其一而勸其二有語曰斯人存是之不善非大惡也則曰孰無過焉知其不能改改則為君子矣不改為惡惡者天惡之彼豈無畏邪鳥知其不能改故君子悉有象善無弗愛且敬焉

動靜第十六

動而無靜靜而無動物也動而無動靜而無靜神也動而無動靜而無靜非不動不靜也物則不通神妙萬物水陰根陽火陽根陰五行陰陽陰陽太極四時運行萬物終始混兮闢兮其無窮兮

樂上第十七

古者聖王制禮法修教化三綱正九疇叙百姓太和

萬物咸若乃作樂以宣八風之氣以平天下之情樂聲淡而不傷和而不淫入其耳感其心莫不淡且和焉淡則歡心平和則躁心釋優柔平中德之盛也入下化中治之至也是謂道配天地古之極也後世道法不修政刑苛紊縱欲放度下民困苦謂古樂不足聽也代變新聲妖淫愁怨導欲增悲不能自止故有賊君棄父輕生敗倫不可禁者矣嗚呼樂者古以平心今以助歡古以宣化今以長怨不復古禮不變今樂而欲至治者遠矣

樂中第十八章

樂者本乎政也政善民安則天下之心和故聖人作樂以宣暢其和心達于天地天地之氣感而太和焉天地和則萬物順故神祇格鳥獸馴

樂下第十九章

樂聲淡則聽心平樂辭善則歌者慕故風移而俗易矣妖聲豔辭之化也亦然

聖學第二十章

聖可學乎曰可曰有要乎曰有請聞焉曰一為要一者無欲也無欲則靜虛動直靜正則明則通則達則川公公則溥明通公溥然矣

公明第二十一

公於已者公於人未有不公於已而能公於人也明不至則疑生明無疑也謂能疑為明者皆千里

性命第二十二

二氣五行化生萬物五殊二實二本則一晏為萬一實萬分萬一各正小大有定

顏子第二十三

顏子一簞食一瓢飲在陋巷人不堪其憂而不改其樂夫富貴人所愛也顏子不愛不求而樂乎貧者獨何心哉天地間有至貴至愛可求而異乎彼者見其大而忘其小馬爾見其大則心泰心泰則無不足無不足則富貴貧賤處之一也處之一則能化而齊故顏子亞聖

師友上第二十四

天地間至尊者道至貴者德而已矣至難得者人而至難得者道德有於身而已矣求之難得者在於身非師友則不可得也已

師友下第二十五

道義者身有之則貴且尊人生而求長與師友則

道義由師友有之而得貴且尊其義不亦重乎其聚不亦樂乎

過第二十六

仲由喜聞過令名無窮焉今人有過不喜人規如護疾而忌醫寧滅其身而無悔也

勢第二十七

天下勢而已矣勢輕重也輕重不可反識其重而亟反之可也反之力也識不早力不易也力而不競天也不識不力人也天乎人也何尤

文辭第二十八

文所以載道也翰筆飾而人弗庸徒飾也况虛車乎文辭藝也道德實也為其實而藝者書之美則愛愛則傳焉賢者得以學而至之是為教故曰言之無文行之不遠然不賢者雖父兄臨之師保勉之不學也強之不從也不知務道德而第以文辭為能者藝焉而已噫弊也久矣

聖德第二十九

不憤不啓不排不發舉一隅不以三隅反則不復也子曰子欲無言天何言哉四時行焉百物生焉然則聖人之益微顏子殆不可見發聖人之蘊教萬世無



窮者頽下也聖同天不亦深乎常人有一聞知勝天不速知其有也急人知而名也薄亦甚矣

精義第三十

聖人之精蓋卦以示聖人之蘊因卦以發卦不盡聖人之精不可得而見微卦聖人之蘊殆不可悉得而聞易何止五經之源其天地鬼神之奧乎

乾損益動第三十一

君子乾乾不息於誠然必慙念窒慾遷善改過而後至乾之用其善是損益之大莫是過聖人之旨深哉吉凶悔吝生乎動噫吉一而已動可不慎乎

家人 既復無妄第三十二章

治天下有本身之謂也治天下有則家之謂也本必端端本誠心而已矣則必善善則和親而已矣家難而天下易家親而天下睦也家人離必起於婦人故既次家人以二女同居而志不同行也兌所以履降二女子媯納舜可禪乎吾茲試矣是治天下觀于家治家觀身而已矣身端心誠之謂也誠心復其不善之動而已矣不善之動妄也妄復則無妄矣無妄則誠矣故無妄次復而曰先王以茂對時育萬物蒸哉

富貴第三十三

吾子以道克為貴身安為富故常泰無不足而對相制冤塵倪金玉其重無加焉爾

頤第三十四

聖人之道入乎耳存乎心蘊之為德行行之為事業彼以文辭而已者陋矣

巽第三十五

至誠則動動則變變則化故曰擬之而後言議之而後動擬議以成其變化

刑第三十六

天以春生萬物止之以秋物之生也既成矣不止則過焉故得秋以成聖人之法天以政養萬民肅之以刑民之盛也欲動情動利害相攻不止則賊滅無倫焉故得刑以治情偽微曠其變千狀苟非中正明達果斷者不能治也訟卦曰利見大人以剛得中也嗟曰利用獄以動而明也嗚呼天下之廣主刑者民之司命也任用可不慎乎

公第三十七

聖人之道至公而已矣或曰何謂也曰天地至公而已矣

孔子上第三十八

春秋正王道明大法也孔子為後世王者而修也  
臣賊子誅死者於前所以懼生者於後也宜乎萬世  
無窮王祀夫子報德報功之無盡焉

孔子下第三十九

道德高厚教化無窮實與天地參而四時同其惟孔  
子乎

蒙艮第四十

童蒙求我我正果行如蒸焉筮叩神也再三則瀆矣  
瀆則不告也山下出泉靜而清也汨則亂亂不決也  
慎哉其惟時中乎艮其背背非見也靜則止止非為

也為不止矣其道也深乎

元公雜著

文

養心亭說

孟子曰養心莫善於寡欲其為人也寡欲雖有不存  
焉者寡矣其為人也多欲雖有存焉者寡矣予謂養  
心不止於寡焉而有耳蓋寡焉以至於無無則誠立  
明通誠立賢也明通聖之是聖賢非性生必養心而  
至之養之善有大焉如也存乎其人而已張子宗範  
有行有文其居背山而面水山之麓構亭甚清淨予

偶至而愛之因題曰養心既謝且求說故書以勉

愛蓮說

水陸草木之花可愛者甚蕃晉陶淵明獨愛菊自李  
唐來世人甚愛牡丹予獨愛蓮之出淤泥而不染濯  
清漣而不妖中通外直不蔓不枝香遠益清亭亭淨  
植可遠觀而不可褻玩焉予謂菊花之隱逸者也牡  
丹花之富貴者也蓮花之君子者也噫菊之愛陶後  
鮮有聞蓮之愛同予者何人牡丹之愛宜乎衆矣

吉州彭推官詩序

博實慶曆初為洪州分寧縣主簿被外臺徵承乏表  
州宜溪鎮市征之局局無事表之進士多來博學於  
公齊因談及今朝江左律詩之工坐間誦吉州彭推  
官詩者六七其句字信手能觀天巧而贈夫人口矣  
我聞分寧新邑宰上未踰月而才明之譽已飛數百  
里有謂博實曰邑宰太博思永即嚮所誦之詩推官  
之子也吉與袁鄰郡父兄輩皆織推官第為善內案  
殊志官之高卑查之杜老以至於淡其交將發於是  
乎博實故又知推官之德暨還邑局聞推官之詩益  
多亦能記誦不忘十五年而太博為邢部郎中直史  
諱益州路轉運使博實自南昌知縣就移食暑巴川

邵判官履公事益梓鄰路也沂沭赴局過渝州越三舍接巴川境間有溫泉佛寺艦舟遊覽忽親榜詩乃推官之作喜誦讀訖錄本納于轉運公公復書重謝且曰願刻一石若蒙繼以短序尤荷厚意故存於詩後而命工刻石置寺之堂焉實嘉祐二年正月十五日云承奉即守太子中舍僉署合州軍事判官聽公事周惇實撰

邵州遷學釋菜文

惟夫子道高德厚教化無窮實與天地參而四時同自上國都下及州縣通立廟貌州守縣令春秋釋奠雖天子之尊入廟兩簋行禮其重誠與天地參焉儒衣冠學道業者列室於廟朝夕日瞻醉客心言至德幾於顏氏之子者有之得其位施其澤及生民者代有之然夫下之官可忽歟而邵置於惡地掩於樹門左獄石皮穢喧登年惇願攝守州符嘗拜堂下惕汗泥背起而議遷得地東南高明協卜用舊增新不日成就彩章見服儼坐有序諸生既集率僚告成謹以禮幣藻頌式陳明薦以充國公額子配  
維治平五年歲次戊申正月甲戌朔三日丙子朝奉即尚書駕部員外郎通州永州軍州兼管內勸農事

權發遣邵州軍州事上騎都尉賜緋魚袋周惇願敢昭告于先師堯國公顏子爰以遷修廟學成恭簡釋菜于先聖至聖文宣王惟子秉性通微實幾於聖明誠道確夫子稱賢謚以禮幣藻頌式陳明獻從祀配神

賦

批賦

或謂予曰人謂子拙予曰巧竊所耻也且患世多巧者喜而賦之曰巧者言拙者默巧者勞拙者逸巧者賊拙者德巧者凶拙者吉嗚乎入下拙刑改徹上安

下順風清弊絕

詩

題門扉

有風還自捲無事畫常閑開闔從方便乾坤在此間

題瀟溪寺堂

廬山我父愛買田山之陰田間有清水清此出山心山心無塵上白石磷磷沈滌溪來數里到此始澄深有龍不可測岸木寒森森書堂構其上隱几看雲岑倚梧或軟枕風月盈中饋或吟或冥默或酒或鳴琴數十黃卷軸賢聖談無音惚前即嘯而外桑麻林

芋蔬可卒歲。絹布足衣衾。飽暖大富貴。康寧無價金。

書窓夜雨

秋風拂盡熱。半夜雨淋漓。迳屋是芭蕉。一枕高僧圓。恰似釣魚船。蓬底睡覺時。

石塘橋晚釣

漁溪溪上釣。思歸復思歸。釣魚船好睡。龍尋不相隨。肯為爵祿重。白髮猶羈縻。

靜思篇

靜思歸舊隱。日出半山晴。醉榻雲籠潤。吟窓瀑瀉清。

漁溪志卷之二

十五

閑方為達上。忙只是勞生。朝市誰頭白。車輪未曉鳴。

贈譚虞部致仕

清時望。即。有。白。首。故。鄉。歸。有。了。紅。藍。綬。將。孫。着。綠。衣。

松喬新道院。鶴老舊漁磯。知止自高。德寧為適者。肥。

天池

斯須暮雲合。白日無餘輝。金波從地湧。寶殿穿林飛。

僧言自雄誇。俗駭無因依。安知本地靈。發見隨天機。

遊大林

三月山房暖。林花互照明。路盤層頂上。人在半空行。

水色雲含白。禽声谷應清。天風拂襟快。襟紗覺身輕。

宿崇聖

公程無暇。暫得宿清幽。始覺空門客。不生浮世愁。溫泉喧古洞。曉磬度危樓。微曉都忘寐。心疑在沃州。

題浩然閣

劉侯戴武弁。收則心吾儒。士茂先與學。子賢勤讀書。猷為莫不善。才力蓋有餘。西北方求帥。浩然寧父居。

題寇頌之道院壁

一日復一日。一杯復一杯。青山無限好。俗客不曾來。往事一如此。朱顏安在哉。寄語地上客。歷亂竟誰催。

憶江西提刑何仲宏

漁溪志卷之二

二十九

蘭似香馬友。松何枯向春。榮未天澤重。歿去繡衣新。畫作百年好。終歸一客塵。看心雙淚下。無復見賢人。

劍門

劍立漢峯信。險深吾皇大道正。天心百年外。方都無。

閉空有閑名。點貢琛。

春晚

花落柴門掩夕暉。香鴉數點傍林飛。吟餘小立闌干外。遙見橫漁一釣歸。

題太顛壁

退之自謂如夫子。京道深排佛老非。不識人顏何似。

者數書亦重更留衣

牧童

東風放牧出長坡。誰識阿童樂起多。歸路轉經牛背  
上。笛聲吹老太平歌。

經古寺

琳宮金刹接林樾。一徑潛通竹徑寒。是處塵埃皆可  
息。時清終未忍辭官。

同友人遊羅叢

聞有山叢即去尋。亦躋雲外入松陰。雖然未是洞中  
境。且異人間名利心。

題惠州羅浮山

紅塵白日魚閒人。况有魚絲繫此身。閑上羅浮閑送  
目。浩然心意復吾真。

題鄞州仙都觀

山盤江上虬龍活。殿倚雲中洞府深。孰想真風杳何  
在。偃松喬栢共蕭森。

宿山房

久厭塵念業靜元。俸微猶乏買山錢。徘徊真境不能  
去。且寄雲房一榻眠。

遊赤水縣龍多山書山房壁

到官處處須尋勝。惟此合陽最勝。赤水有山仙甚

古。攀躋聊足到官心。

喜同費長官遊

尋山尋水侶尤難。愛利愛名心少閑。此亦有君吾甚  
樂。不辭高遠共躋攀。

和費君崇遊山之什

雲同巖泉景盡奇。登臨深恨訪尋遲。長樓未得於何  
記。猶有君能雅和詩。

江上別石即中

落葉聲。古渡頭。渡頭人擁。行舟別。離情似如江  
水。遠亦隨公。日夜流。

香林別趙清猷

公暇頻陪塵外遊。朝夫仍得送竹軒。車更共入山  
脚。旌旆且從留。渡頭精舍泉聲清。灑灑高林雲色淡。

悠悠談終道。與愁言去。明日瞻思上郡樓。

同石守遊

朝市誰知世外遊。杉松影裏入吟幽。爭名逐利千繩  
縛。度水登山萬事休。野鳥不驚如得伴。白雲無語似

相留。番傍人莫笑。凭欄又為戀林君。作退謀。

任所寄卿閣故舊

子生來骨性寒宦情不改情儒酸停盃賦故音  
味舉筋常餐凌采盤事冗不知筋力倦官清願得憂  
魂安故人歌問吾何况為道春陵只一般

書

二十六叔書

姪男惇順答孟秋猶熱伏惟二十六叔三十一叔諸  
叔母諸兄長專體起居萬福周與未知安樂喜無盡  
惇願守官於外與新婦幸如常不勞憂念來春歸鄉  
即遂拜侍伏望順時倍加保愛不備姪男惇願狀上  
二十六叔三十一叔諸叔母諸兄長應前七月六日

夜 諸弟諸姪安樂好將息好行息

與仲章姪書

仲章夏熱計新婦男女安健我此中與叔母季老通  
老韓姐善二以下並安近適中得先公加贈官誥贈  
諫議大夫家門幸事幸事汝備酒果香茶詰墳前告  
聞先公諫議也未相見千萬好將息不具叔付仲章  
六月十四日 諸處書立使周一父子送去叔母韓  
姐傳語汝與新婦姪兒姪女各計安好將息好將息  
百一百二附兄嫂起居之問善二與新婦安安汝勿  
不得來問夫妻安否周一父子看守遺篋小心否

周幼二安否如何也

與傅秀才書

惇實頓首傳君茂才足下昨日飯會上草草致書不  
識已達否日惟履用休適惇實自春來辦事併多又  
新守將至諸要備辦稍有一日空暇則或或或或  
夜或不時聚會每會即作詩雅則雅矣形亦亦故  
尚未有意思為足下作策問勿訝勿訝亦亦故  
輕細者恐得好皂者告買一疋自要作夏衫亦買極  
蒲綾袴段二箇碎事煩忙愧悚悚急遣人探新守  
次走筆不謹喧喚加愛不宣惇實頓首傳君茂才足

下

慰李才元書

惇實頓首變故不常竊密尊夫人太君奄棄榮養伏  
惟號天永慕難以勝哀罔極奈何孝思奈何敢冀節  
哀以從中制卑情不任苦痛之至謹奉疏以慰不宣  
謹疏四月某日汝南周惇實頓首

元公年表

宋真宗天禧元年丁巳月日先生生于道州營道縣之營樂里諱敦實字茂叔後避英宗諱諱改悖願維周之先自帝營生后授至太子邑下周後遂以為氏漢興封周後於汝南先生蓋其後也世家青州遠祖諱崇昌唐永泰中為藤白二州太守卜居道之寧遠縣大陽村其裔孫雲賀有子十二人中子從遠始徙營道從遠生智強智強五子長識本天聖五年王先臣榜第二甲及第終汀州上杭縣令次鐸次正皆不仕次翰成次伯高本興進士某年特奏名也功即補成即先生父也大中祥符八年蔡齊榜六眾以上特奏名賜進士出身終賀州桂嶺令沒葬之側半里許累贈諫議大夫先娶唐氏生孺孺先生童唐卒左侍禁即繫其先成郁人隨孟氏之制于京師有女先適盧印中盧卒諫議以為繼室先生營樂里者即瀟溪保也東距郡城二十里紫紆如青羅帶是曰瀟溪周氏家其上先生脫卓構書堂前臨溪水亦以瀟溪名之學者宗之為瀟溪先生云

乾興元年壬戌先生年六歲

仁宗天聖元年癸亥先生年七歲

天聖七年己巳先生年十三志趣高遠瀟溪舊有橋橋

有小亭先生常釣遊其上吟弄風月

天聖八年庚午先生年十四瀟溪之西十里有山拔聳

中為數洞門通東西當洞之中虛其頂圓象月之望

離而東西視之則如月上下弦焉故俗呼為月巖先

生好遊其間世傳先生睹此而悟太極理或然也

天聖九年辛未先生年十五先是諫議公已卒是年鄭

侍禁之子乾圖開學上珣令先生同母兄盧悖文挈

之遂偕母憐居縣太君自營道入京師依舅氏龍圖

公知先生遠器愛之如子公以悖名子因以悖名先

生而盧氏子亦名悖文悖文即太君先適盧印中所

生也

明道元年壬申先生年十六

景祐元年甲戌先生年十八

景祐三年丙子先生年二十始冠行誼著聞龍圖公以

叙例應蔭子乃奏補先生試將作監主簿

按先生娶陸夫人當是此年乃職方郎中參之女

也

景祐四年丁丑先生年二十一七月十六日遷居縣太

君鄭氏卒葬於涇州州徒縣龍圖公之墓側

寶元元年己卯先生年二十二

康定元年庚辰先生年二十四除從吏部調洪州分寧

縣主簿

慶曆元年辛巳先生年二十五先生序彭應求詩自言

慶曆初為分寧主簿當是此年時分寧縣有獄久不

決先生至一訊立辨邑人驚詫曰老吏不如也嘗被

臺檄攝東州靈溪鎮市征局縣事表之進士來講學

於公齋者甚衆

漢書卷之三

慶曆四年甲申先生年二十八部使者以為才奏舉南

安軍司理茶軍

慶曆五年乙酉先生年二十九南安獄有囚法不當死

轉運使王逵欲深治之逵苛刻吏無敢相可否先生

獨力爭之不聽則置手版歸取告身委之將去曰如

此尚可仕乎殺人以媚人吾不為也逵感悟因得不

死且賢先生薦之於朝

慶曆六年丙戌先生年三十大理寺寺丞知慶州興國

縣程公珣假倅南安視先生氣貌非常人與語果知

道者因與為友令二子師事之後每遷授當舉代輒

以先生名聞二子即明道伊川也時明道年十五伊

川年十四耳故明道傳云自十五大特與第願聞周

淳實論學遂歷升舉之習慨然有求道之志其後先

生作太極圖獨手授之化莫得聞焉是年冬以轉運

使王逵為攝州州縣令先生至縣首脩學校以教

人有修學記

慶曆八年戊子先生年三十二知州事職方員外郎李

初子知其賢不以爲吏遇之嘗聞先生論學嘆曰吾

欲讀書知河先生曰公老熟及矣某請得為公言之

初子遂曰德先生語二年果有得

漢書卷之三

皇祐元年己卯先生年三十三李初卒子幼先生曰

吾事也為護其喪歸葬之往來經紀其家始終不懈

皇祐二年庚寅先生年三十四改郴州桂陽令

皇祐三年癸巳先生年三十七先生在郴州皆有治績

諸公文薦之

至和元年甲午先生年三十八用薦者言改大理寺丞

知洪州南昌縣南昌人見先生來喜曰是能辨分寧

疑獄者吾屬得所矣於是更相告語矣遠致命蓋

不惟以得罪為憂而又以汗善政為耻嘗得疾更一

日夜始甦友人潘興嗣見其家假御之物止一蔽篋



戲不滿耳

嘉祐元年丙辰先生年四十改太子中舍金書合州判

官事先生性好山水游峽至神歸開龍昌洞之勝與

廬陵蔣繁洪暉彭德純遊焉蔣記之事見移歸集十

一月至合州

嘉祐二年丁酉先生年四十一正月作彭推官宿崇勝

院詩序九月四謁御上牒稱解元才即今不詳其為

誰氏子當是去年御貢今年南省下第而歸者聞先

先講學故來求見耳遂軍傳老伯成少有俊才年十

四薦於鄉先生妻陸氏自小溪解官東歸過合陽

為先生言傳之為人先生致書於傳傳答書云執事

以濟眾為懷神所勞費故得高士與施至術而心朋

遠寓各方豈不盛哉賤子聞之弗勝喜踊書言心朋

意似指二程後言又云遠遠高賢鄙本優前兼接高

論固多餘意行思坐想嘿有所得不遠滿於時皆失

於古道也時傳已來合陽見先生矣後書又謂蒙示

如說意遠而不迂詞簡而有法蓋火山亦謂詞深義

密如軻之文火山必蓋即中族黨之知學者是歲先

生轉殿中丞賜五品服仍判合州

嘉祐三年戊戌先生年四十二傳伯成請策題先生未

暇作因遣人至遂寧探問新合州使君有書寄傳是  
牛縉雲縣君陸氏以疾卒

度氏正曰先生在合州與同事者三人何涉董宗

式李鄭何涉之來在先生前李鄭在四年十月惟

宗式在三年三月此所探新使君為宗式無疑也

嘉祐四年己亥先生年四十三左丞蒲宗孟聞中人太

常丞蒲師道之子也左丞從蜀江道于合見先生相

與款語連三日夜而嘆曰世有斯人歟乃議以其妹

歸之是為先生繼室

嘉祐五年庚子先生年四十四被臺檄按赤水縣藤書

與其縣令費琦遊龍冬山有詩刻石六月十九日先

生解食州職事還京師時呂給事陶為銅梁令有送

先生序并詩先生在合四年人心悅服事不經先生

手吏不敢吹竒下之人亦不從既去相與祠之南禪

先生在合七之從者衆先生尤稱張宗範有文有行

故各其所居之亭曰養心而為之說示以聖學之要

東編時王荆公年三十九為江東提點刑獄已歸通

儒先生遇之與語連日夜荆公退而精思至忘寢食

度氏正曰劔門集有先生詩先生在合陽無因道

劔門或是過關中蒲氏開劔門之勝因也遊耳

嘉祐六年辛丑先生年四十五三月遂寧傅者登第先生賀之刺云從來殿中丞前合州從事周某謁賀新恩先輩傳第遂國子博上通判夔州道出江州酷愛廬山之勝有卜居之志因築書堂於其麓前有溪發源蓮華峯下潔清緝寒下合於瀘江先生濯纓而樂之遂寓名以瀟溪謂友人潘興嗣曰此瀟溪者異時與子相從於其上歌詠先王之道足矣既至處知夔州者趙清猷也先生前在合陽清猷為部使者人或譏先生清猷臨之甚感而先生處之超然清猷疑終不釋至是熟視先生所為執其手嘆曰幾失君矣

瀟溪詩卷之三

今日乃知周茂叔也薦之於朝論之於上大夫終其身

既按潘興嗣作美誌云先生嘗過潯陽愛廬山因築室溪上名曰瀟溪書室且語興嗣曰此瀟溪者異時與子相從於其上歌詠先王之道足矣此君之志也孔文仲祭文云廬山之麓是曰九江皆非上人來寓其邦此頓彼朝然為隣里如何今歸乃非公子觀此則先生卜居廬山實其雅志而築室非末年之事審矣傳譜載之熙寧壬子既未詳考近日先生望人肯傳後之嘉祐庚子亦未為確今

詳加考定當是此年

嘉祐八年癸卯先生年四十七行縣至零都邀餘抗義建侯四明沈幾聖遊羅巖正月七日刻石四月英宗登極遷虞部員外即仍判夔州贈父桂嶺君爵即中五月作愛道說

英宗治平元年甲辰先生年四十八冬夔州民失火焚千餘家朝廷行遣差替遂對移通判永州時程師孟知洪州以詩送行自永水自然勝瀨水沿溪處不讓瀟溪沁頭候使憐旗脚曉上鄉人待馬跡之句

既按潘譜愛氏失火先生移官一事載之去年矣

瀟溪詩卷之三

却費氏更定為今年孟據潘示王春先生詩為證宗孟云乙巳歲除日收武昌惠音知已赴官東陵故知失火移官必在甲辰而蒞永則在乙巳也不然矣知失火移官甲辰在水何以乙巳得遊廬山且經武昌道中平費氏又口舊載愛氏失火事稱先生時出行縣不自辨明籍魏公曾魯公皆知之遂對移通判永州愚以為先生出縣不出縣姑不必論然失火竹遺乃朝廷之公法先生以道自處以民瘼為任凡民有失皆已之辜豈容有自辨併官之理假令先生不出行縣能使愛民之必不替

乎故失火不必為先生諱而出行不辦不足為先生美談也况出行縣乃癸卯年事非甲辰年事也按此論甚正故著之

治平二年乙巳先生年四十九先生之水道經江州三月十四日同宋復古遊廬山大林寺有詩江南西路運使李大臨才元以詩謁先生下瀟溪云營前翠露遍廬山門掩寒流盡日閑李尋丁憂先生以疏慰之經武昌道中以詩一軸寄蒲左丞蒞任當在夏之仲季是年四月趙清猷復成都開先生移永寄詩云君向瀟溪湖畔竹伴蕭仍喜便歸程

瀟溪志卷之二

九二

治平二年丙午先生年五十有書與其叔叔及諸兄云周興來知安樂自無恙來春歸鄉即遂拜侍又有詩寄幽人云故人若問吾何况為道春陵正一觀

治平四年丁未先生年五十一先生素貧初入京師鬻其產以行擇留美田十餘畝畀周興耕之以酒掃其父即中之墓至是自永州移文營道言之因携二子歸展墓三月六日與鄉人蔣璣區有鄰歐陽慶理據陳慶同遊合禪洞洞在營道縣南二里刻石其陰八日營道給吏文付周興從先生之言也神宗登極遷制未即尚書駕部員外郎加贈父諫議大夫六月十一

四日與其兄之子仲章手帖云可具酒果香茶詣贖前告周先公諫議也先生在水州二年嘗作拙賦既去永人思之為立祠題曰康功切寅明仲有詩云千古瀟溪周別駕一篇清獻錦江詩是秋攝邵州事邵之學在牙城中左微右度早臨弗爾先生始至度城東南高明之地遷焉逾月而成是年九月先生自邵陽發迹以政定同人說寄傅伯成傅所知嘉州平羗縣明年傳復先生書云受寄况同人說徐展熟讀較以舊本改易數字皆人忘所不到慶宜承人宗師仰慕之不暇也

瀟溪志卷之三

廿一

神宗熙寧元年戊申先生年五十二荆湖北路轉運使孔延之為先生作荆州建學記先生自作釋菜文俱書治平五年二月時政元詔尚未到故仍稱治平五年耳後人拘尋常便利之說輒徙其學脫所記之呂年知州事切侯始復其舊派故夫詳其事而記之呂止獻公公者在侍從聞先生名力薦之曾清獻公在中書擢陞廣南東路轉運判官有終謝正獻公云在薄宦有四方之遊於高賢無一日之雅熙寧三年庚戌先生年五十四轉虞部郎中推提點廣南東路判獄

熙寧四年辛亥先生年五十五以正月九日領提點刑  
 獄職事行部至湖州有題大顛堂詩時其部郎中杜  
 諤知端州禁百姓采石獨知州占斷人堯杰杜萬石  
 先生惡其奪民之利因請九仕於州者買石視毋得  
 過二枚遂為善令先生盡心職事務在於恕得罪者  
 自以為不寬俄得疾開水齧仙居縣太君鄭氏墓遂  
 乞南康八月朔獲知南康軍十二月十六日改葬鄭  
 大君於江州德化縣慶阜清泉社二妃山葬畢曰殯  
 疾而來為葬耳今猶欲以病汚毫髮耶上南康印分  
 司南京而歸

熙寧五年壬子先生年五十六先生酷愛慶阜向嘗築  
 書室至是遂定居焉先生平日俸祿悉以周宗族奉  
 賓友及分司而歸妻子饑粥不給憤然不以為意  
 熙寧六年癸丑先生年五十七持清獻公再尹成都聞  
 先生去雷拜章乞留朝命以門而先生以疾卒矣時  
 六月七日也二子壽壽皆太廟齋即以十一月二十  
 一日葬先生於仙居縣太君墓左從遺命也先生所  
 著有太極圖易說易通州賦愛遠說養心亭說及詩  
 文數十首易說遺餘並作於世先生後以二子顯累  
 贈宣奉大夫嘉定二年賜諡曰元淳祐元年封汝南

自從化孔子廟延元延祐六年加封道國公  
 累泰七年官其後壽世襲翰林五經博士

瀘溪志卷之四

古今題詠

頌

重修瀘溪書院三君頌 萬曆四年 胡有

方余尋元公樓田舊址屬州大夫維君祠之退伏念  
 今肉食君子續續多便文自管有能履薄牒嚴期約  
 不贏事者卜不一二矣有能急隱瘼別嘉美不贏民  
 者百不一二矣有能崇學術篤風教不贏士者千不  
 一二矣余雖云然疇克如徐情地不知州大夫果遂  
 營廟宇一區既 觀行求 即地官 君來 攝慨然作  
 新會頌 巡撫趙公檄方 檄大 檄具 余所撰家廟  
 碑中二君又置近田若干畝界公家孫博士君道世  
 守供祀崔君又刻公集郡齋中皆出公畫外先是永  
 明邑令何君念永明去道州故里最邇已請廢寺崇  
 構仰瀘書院配用二程先生存國故以與邦人意劬  
 劬殷矣趙公已自為文載碑余故不詳著趙公又檄  
 何君更脩道州城內舊廟亦大壯固咸別有述要此  
 三君者非篤意風教有味乎元公學術著其烏能成  
 世求之下不一二而環百里中邇有其二可不謂幸  
 事况觀哉情上君以書抵余曰崔君名惟植字應德

享年五十七君篤氣義以名節自砥守李初平最  
 知君既薦之又明其所不給初平卒子尚幼君護其  
 喪以歸葬之上大夫聞君之風識與不識皆信君曰  
 是能墜舉者君奉養至庶所得俸祿分給宗族其  
 餘以待賓客不知者以為好名君處之裕如也在南  
 昌時得疾暴卒更一日一夜始蘇視其家服御之物  
 止一敝篋錢不滿百人莫不歎服此予之親見也嘗  
 過潯陽愛嶺山因築室溪上名之曰瀘溪書堂每從  
 客為子言可上可下古人無所必求變為學粹有以  
 設施可譯於斯民者必不待足止也此瀘溪者  
 吳時與子初從於其上歌 王之道是矣此君之  
 志也尤善談名理深於易學作入性圖易說易通數  
 十篇詩十卷今藏于家母鄭氏討仙居縣太君娶陸  
 氏職方印中參之女育娶蒲氏太常丞師道之女子  
 二人曰壽曰憲皆補太廟齋師以其年十一月二十  
 一口寤於德化縣德化卿清泉社母夫人墓左從道  
 命也壽等次列其狀來請銘乃泣而為之銘曰人之  
 不然我獨然之義貫於中貴於自期誦誦日甚風俗  
 之偷乃如伊人吾復何求志固在我壽則有命道之  
 不行斯謂之病

濂溪先生行實

朱熹

先生姓周氏名惇實字茂叔避厚陵藩印名改惇頤  
 世居道州營道父輔成大中祥符八年登蔡齊榜進  
 士第嘗為賓州桂嶺令贈諫議大夫母鄭氏封仙居  
 縣大君先生少孤養外家景祐用舅氏龍圖閣學上  
 鄭公珣奏試將作監生簿授洪州分寧縣主簿先生  
 博學力行遇事剛果有古人風其為政精密嚴恕務  
 盡道理縣有獄久不決先生至一訊立辨衆口交稱  
 之部使者薦其才為南安軍司理獄有囚法不當死  
 轉運使王逵欲深治之逵奇刻吏無敢與相可否者

先生獨與之辯不聽則置手校歸取告身委之而去  
 曰如此尚可仕乎殺人以媚人吾不為也達感悟因  
 得不死且賢先生薦之移郴州桂陽令皆有治績用  
 薦者改大理寺丞知洪州南昌縣南昌人見先生來  
 喜曰是能辦分寧獄者於是更相告語勿違教命而  
 以污善政為耻也改太子中書舍人簽書合州判官  
 事轉殿中丞一郡之事不經先生手吏不敢決民不  
 肯從趙清獻公為使者小人或說先生趙公臨之甚  
 威而先生處之超然也韓國子博士通判夔州趙公  
 求為守熟視先生所為執其干曰今日乃知則度叔

也遷尚書虞部員外郎通判永州權發遣邵州事新  
 學校以教其人熙寧元年川趙公及呂正獻薦為廣  
 南東路轉運使三年轉虞部郎中提點刑獄先生  
 不憚出入之勞瘁以之侵雖荒崖絕島人迹所不至  
 處亦必緩視徐按務以洗冤澤物為己任設措施置  
 未及蓋其所為而先生病矣因請南康軍以歸趙公  
 再拜成都復起先生朝命及門而先生卒矣熙寧六  
 年六月七日也年五十有七葬江州德化縣清泉社  
 娶陸氏封縉雲縣君月娶潘氏封德清縣君子壽熹  
 皆太廟齊即先生所著書有太極圖易說易通數十  
 篇詩十卷藏于家先生在南安時年甚少不為守所  
 知洛人程公洵構通守事視其氣貌非常人與語知  
 其為學知道也因與為友且使其子顥願受學焉及  
 為即故事當舉代每一遷授輒以薦之程公之子皆  
 唱鳴道學以繼孔孟不傳之統世所謂二程先生者  
 其原蓋自先生發之也在柳時其守李公初平知先  
 生論學嘆曰吾欲讀書如何先生曰公老矣無及也  
 惇頤請得與公言之初平遂日聽先生語蓋二年而  
 有得王荆公提點江東刑獄時已歸為通儒先生遇  
 之與語連日夜荆公退而精思至忘寢食先生自少

信古好義以名節自砥礪其奉已甚約俸祿盡以周宗族在南昌時得疾暴卒更一日夜始甦或視其家只一敝篋錢不滿百李初平卒子切不克葬先生護其喪歸葬之分司而歸妻子餐粥不給曠然不以為意也廬山之麓有溪焉築室其上名之曰濂溪因語其友清遠居士潘延之曰可仕可止古人無所必求髮為學博有以設施可澤於斯民必不得已止未晚也此濂溪者吳特與子相從於其上歌咏先王之道足矣此其出處之本意也豫章黃庭堅稱之曰茂叔人品甚高胸中灑落如光風霽月好讀書雅志林壑不卑小官職思其憂論法常欲與民決訟得情而不喜其為使者進退官吏得罪者自以不克濂溪之名雖不足以對其美然茂叔短於取名而樂於求志薄於微福而厚於得民菲於奉身而無及婢媵陋於希世而尚友千古聞茂叔之風猶足律貪則此溪之水配茂叔以永久所得多矣識者亦或有取於其言云

諸儒議論

山谷黃氏曰茂叔人品甚高胸中灑落如光風霽月好讀書雅意林壑初不為人窘束短於取名而樂於求志薄於微福而厚於得民菲於奉身而無及婢媵陋於希世而尚友千古

明道程子曰昔受學於周茂叔每令尋仲尼顏子樂處所樂何事

又曰自再見茂叔後吟風弄月以歸有吾與點也之意

又曰茂叔胸中草不除間之云與自家意思一般

又曰穎年十六七時好田獵既而自謂已無此好茂叔曰何言之易也但此心潛隱未發一日萌動復如初矣後十二年暮歸在田野間見獵者不覺有喜心乃知果未也

又曰王君貺嘗見茂叔為與茂叔世契便受拜及坐間大風起說太畜卦君貺乃起曰適來不知受却公拜今却當請納拜茂叔走避

伊川作明道行狀曰先生自十五六時聞汝南周茂叔論道遂歷科舉之業慨然有求道之志

叔論道遂歷科舉之業慨然有求道之志

又曰荀子言善心莫善於誠茂叔謂荀子元不識誠  
伯淳曰既誠矣心安川養耶

邵伯溫作易學潛感記東節先生事曰伊川同朱光  
庭公挾訪先君先君留之飲酒因以論道伊川指面  
前食卓曰此卓安在天上不知天地安在甚處先君  
為極論天地萬物之理以及六合之外伊川歎曰平  
生惟見周茂叔論至此

呂本中作童蒙訓曰營道何棄仲農父自作營道齋  
詩序曰營道縣出郭二十里而近有村落曰瀟溪周  
氏家焉族衆而繁儒至先生遠宦弛有廢卓力不能

返故居乃結屋臨流寓瀟溪之名志鄉閨在月中也  
蘇黃二公與之同時而所為賦詩皆失本意文字傳  
誤吁可歎已瀟溪之周至今蕃衍云

延平李氏曰黃山谷謂周子洒落如光風霽月此善  
形容有道者氣象

邢恕和叔曰茂叔聞道甚早

朱子曰瀟溪在當時人見其故事精絕則以為宦業  
過人見其有山林之志則以為襟懷洒落有仙風道  
氣無有知其學者惟程太中之宜其生兩程夫子  
也

又曰自周衰孟軻氏沒而此道之傳下屬至宋受命  
五星集奎開文明之運而周子出焉不由師傳默契  
道體建圖易書根極領要當時見而知之有程氏者  
遂橫大而推明之而周公孔子孟氏之傳煥然復明  
於時非天所畀其孰能與於此

又曰先生之學其妙具於太極一圖通書之言亦皆  
此圖之蘊而程先生兄弟語及性命之際亦未嘗不  
因其說觀通書之誠動靜理性命等章及程氏李  
仲通語程邵公志顏子好學論等篇則可見矣滿清  
述誌先生之墓叔所書書特以作太極圖為稱首然

則此圖當為先生書首不疑也濬公所謂易通疑即  
通書而易說獨不可見向見矣人多嘗異書自謂有  
傳本亟取而觀焉則淺陋可笑與圖說通書絕不相  
似不問可知其偽獨不知世復有能得其真者與否  
以圖書推之知其所發實極精要微言湮沒甚可惜  
也又嘗讀宋內翰震遠易說表謂此圖之傳自陳搏  
仲故穆修而來而五峯胡氏作序又以為先生禁止  
為穆修之學者此轉其學之一師耳非其至者也夫  
以先生之學之妙不出此圖以為得之於人則決非  
神穆所及以為非其至者則先生之學又何以加於



此圖哉是以切實疑之及得誌文考之然後知其果  
先生所自作而非有受於人者二公蓋皆未嘗見此  
誌而云云耳然胡公所論通書之指曰人見其書之  
約也而不知其道之大也見其文之質也而不知其  
義之精也見其言之淡也而不知其味之長也人有  
真能立伊尹之志修顏子之學則知此書之言包括  
至大而聖門之事業無窮矣此則不可易之手論讀  
是書者所宜知也

又曰伏羲作易自一畫以下文王演易自乾元以下  
皆未嘗言太極也而孔子言之孔子言易自太極以  
下未嘗言無極也而周子言之先聖後聖其不同條  
而其貫哉

又曰太極圖窮二氣之所根極萬物之所行而明主  
靜之為本以見聖人之所以立人極而君子之所當  
脩為者由泰漢以來蓋未有昧於斯也

又曰熹既為太極圖說嘗錄以寄張敬夫敬夫以書  
來曰二先生所與門人講論問答之言見於書者詳  
矣其於西銘且墨墨言之至此圖則未嘗一言及也謂  
其必有微意是則固然然則所謂微意者果何謂耶  
熹竊以為此圖立象盡意則折而微周子蓋不得已

而作也觀其手授之意蓋以為惟程子為能當之至  
程子而不言則疑其未有能受之者爾夫既未能嘿  
識於言意之表則馳心空妙入耳出口其弊必有不  
勝言者觀其答張閩中論易傳成書深患無受之者  
及東見錄中論橫渠清虛一大之說使人向別處走  
不若且只道敬則其意亦可見矣若西銘則推人以  
之天即近以明遠於學者日用最為親切非若此書  
詳於性命之原而累於進為之目有不可以驟而語  
者也又曰通書夫子所作本號易通與太極圖並出  
程氏以傳於世而其為說寔相表裏大抵推一理二

氣五行之分合以紀綱道體之精微決道義文辭祿  
利之取舍以振起休學之卑陋至論所以入德之方  
經世之具又皆親切簡要不為空言顧其宏綱大用  
既非泰漢以來諸儒所及而其條理之密意味之深  
又非今世學者所能驟而窺也是以程氏既沒而傳  
者鮮焉其知之者不過以為用意高遠而已

又曰濂溪圖書雖簡古淵深未易究測然其大指不  
過語諸學者講學致思以窮天地萬物之理而勝其  
私以優焉其施則善於家而達於天下其具則優占  
禮變今樂改以養民而刑以甫之也是乃所謂伊尹

禮變今樂改以養民而刑以甫之也是乃所謂伊尹

之志顏子之學而程氏博之以覽斯人者  
又曰漁書中數數拈出幾字要當如此着力即自然  
有箇省力處

南軒張氏曰二程先生道學之傳發於濂溪周子而  
太極圖乃濂溪自得之妙蓋以手授二程先生者其  
言約其義微自孟氏以來未之有也通書之說大抵  
皆發明此意故其首章曰誠者聖人之本大哉乾元  
萬物資始誠之源也乾道變化各正性命誠斯立焉  
夫曰聖人之本誠之源者蓋深明萬物之一源也以  
見聖人之精蘊此即易之所謂密中庸之所謂緼聲

濂溪志卷之五

六

無臭者也至於乾道變化各正性命則是本體之流  
行發見者故曰誠斯立焉其篇云五行陰陽太極四  
時運行萬物終始況乎闢兮其無窮兮道學之傳實  
在乎此愚不敏輒舉大端與朋友共識焉

又曰先生誠通誠復之論其至矣乎聖人與天地同  
用通而復復而通中庸以喜怒哀樂未發已發言之  
又就人身上推尋至於見得大本遠道處又深同只  
是此理此理就人身上推尋若不於未發已發處着  
何緣知之蓋就天地之本源與人物上推來不碍不  
異此所以於動而生陽難為以喜怒哀樂已發言之

在天地只是理也今欲作兩節看切恐差了復卦見  
天地之心先儒以為靜見天地之心伊川先生以為  
動乃見此恐便是動而生陽之理然於復卦發出此  
一段示人又於初爻以顏子不遠復為之此只要示  
人無間斷之意人與天地一也就此理上皆收拾來  
與天地合其德與日月合其明與四時合其序與鬼  
神合其吉凶皆其度內爾

又曰自聖學不明語道者不睹夫大全早則割裂而  
無統高則汗漫而不精是以性命之說不參手事物  
之際而經世之務僅出手松意小知之為豈不可歎

濂溪志卷之五

七

哉惟先生生手千有餘載之後超然獨得夫大易之  
傳所謂太極圖乃其綱領也推明動靜之一源以見  
生化之不窮天命流行之體無手不在文理密察本  
末該貫非闢微極幽莫能識其指歸也然而學者若  
之何而可以進於是哉亦曰改而已矣誠能起居食  
息主一而不舍則其德性之知必有卓然不可掩於  
體察之際者而復先生之蘊可得而窮太極可得而  
識矣

五峯胡氏曰通書四十章周子之所述也粵若稽古  
孔子述三五之道立百王經世之法孟軻氏闡揚堯

推明孔子之澤以為萬世不斬人謂孟氏功不在禹  
下今周子啓程氏兄弟以千古不傳之妙其功蓋在  
孔孟之間矣人見其書之約也而不知其道之大也  
見其文之質也而不知其義之精也見其言之淡也  
而不知其味之長也顧愚何足以知然服膺有年矣  
試舉一二語為同志者起予之益乎愚人以發策決  
科榮身肥家希世取寵為事也則曰志伊尹之所志  
患人以知識聞見為得而自畫不待價而自沽也則  
曰學顏子之所學人有真能立伊尹之志脩顏子之  
學者然後知通書之言包括至大而聖門之事業無  
窮矣濂溪志卷之五  
窮矣濂溪志卷之五齋游氏曰易有太極濂溪夫子加無極何也  
人肖天地試即吾心驗之方其寂然無思萬善未發  
是無極也雖云未發而此心昭然靈源不昧是太極  
也欲知太極先識吾心澄神端慮察而見焉始知夫  
子發明造化之蘊悟萬世而最易與音益者或謂  
妄加無極或以訓詁文義名之失夫子之意遠矣  
勉齋黃氏曰周子以誠為本以敬為成此周子健凡  
孟不傳之緒者也至二程子則曰涵養須用敬進學  
則在致知又曰非明則動無所之非動則明無所用  
而為四箴以著克己之義焉此二程得統於周子者

也  
北溪陳氏曰自羲皇作易首開渾淪神農黃帝相  
與繼天立極而宗統之傳有自來矣堯舜禹湯文武  
更相授受中天地為三綱五常之主臯陶伊傅周召  
又相與輔相施諸天下為文明之治孔子不得行道  
之任乃集群聖之法作六經為萬世師而回參假軻  
實傳之上下數千年無二說也軻之後失其傳天下  
驚於俗學蓋千數百年昏冥冥生夢死不自  
覺也及濂溪先生與河南二程先生卓然以先知先  
覺之資相繼而出濂溪不由師傳獨得於天提綱啓  
鑰其妙具在太極一圖而通書四十二章又以發圖之  
所未盡上與羲皇之易相表裏而下以振孔子不傳  
之墜緒所謂再闢渾淪二程親受其旨又從而光大  
之故天理之微人倫之著事物之象鬼神之幽與凡  
求道入德之方修己治人之術莫不秩然有條理備  
見於易傳遺書使斯世之英才志士得以探討服行  
而不失其所歸河南之間斯文洋洋與洙泗並聞而  
知者有朱文公又即其遺言遺旨益精明而瑩白之  
上以達群聖之心下以統百家而會于一蓋所謂集  
群聖之大成而嗣周程之嫡統棲乎洙泗濂洛之淵

源者也

北山陳氏曰昔夫子之道其精微在易而所以語門人者皆日用常道未嘗及易也夫子歿門人各以所聞傳道于四方者其流或少差獨曾子子思之傳得其正子思復以其學授孟軻氏斯時也百氏之說昌矣孟軻氏歿又曠千載而岷不傳濂溪周子出始發明孔子易道之蘊提其要以授哲人既又手為圖筆為書然後孔氏之傳復續凡今之學知有孔氏大易之蘊大學中庸七篇之旨歸者皆自先生發之先生之功在後學深長且遠者以此

濂溪志卷之五

十一

山陽度氏曰或謂先生之學出於陳搏傳種放放傳穆修傳先生今種穆所著存於世者古文而已然亦未純於理觀搏與張忠定語及公事先後有太極動靜分陰陽之意然其所為龍圖記蓋唐末五代偶儻之體與太極圖說絕不相似今觀太極圖說精妙微密與易太極相類蓋非為此圖者不能為此說非為此說者不能為此圖義理渾然出於一人之手決非前人創圖後人從而為之說所謂不由師傳默契道體者是為得之或謂無極二字出於老子先生之學蓋出老子然老子之言無極如莊列之言無窮

無極釋氏之言無量無邊蓋指四旁為義先生之言

無極而太極是指中間極至之理今以其字之同而

不察其旨之異可乎或謂先生與胡文恭公同師潤

州鶴林寺僧壽涯或謂邵康節之父避寇文恭於廬

山從隱者老浮屠遊遂同授易書所謂隱者疑即壽

涯也其後康節者皇極經世書以數為宗文恭立朝

論克遷闕伯於商丘主辰遷實沉於大夏主參商丘為

宋宋火德大夏為井井為水古稱參辰不並火盛則

水衰宜進辰抑參蓋亦星曆之學也先生之學得之

者莫如明道伊川明道伊川嘗云靈山喻下若干人

濂溪志卷之五

十一

皆悟道其敢道無一人悟者若果有一人悟道臨死

時須束一尺帛裹頭蓋謂曾子以士之身死於大夫

之簣為非禮必易之而後卒彼斷髮之人不能全而

歸之本之則無知先生之所不取也人以先生嘗請

問於此二人者即謂其學出於此二人亦失之遠矣

蓋孔子問禮於老聃訪樂於萇弘謂孔子生知未嘗

師問老聃萇弘固不可謂孔子之學本出於老聃萇

弘可乎此不待聖智知其必不然耳

西山真氏曰自荀揚以惡與混為性而不知天命之

本然老莊氏以虛無為道而不知天理之至實佛氏

以刻滅憂倫為教而不知天叙之不可易周子生平  
絕學之後以獨探本源發幽秘二程子見而知之  
朱子又聞而知之述作相承本末具備自是人知性  
不外乎仁義禮智而惡與混非性也道不離乎日用  
事物而虛無非道也教必本乎君臣父子夫婦昆弟  
而刻滅憂倫非教也闡聖學之戶庭祛世人之朦瞶  
千載相傳之正統其在茲乎

鶴山魏氏曰周子奮自南服超然獨得以上承孔孟  
氏垂絕之緒河南二程子神交心契相與馳論闡明  
而聖道復著曰誠曰仁曰太極曰性命曰陰陽曰鬼  
神曰義利綱條形列分限恍然學者始有所準的於  
是知身之貴米可以位天地育萬物果可以為克舜  
為周公仲尼而其求端用力又不出乎楮室屋漏之  
隱躬行日用之近亦非若異端之虛廓百氏之支離  
也

萍鄉胡氏曰先師文公之言曰不言無極則太極同  
於一物而不足為萬化之根本不言太極則無極淪  
於空寂而不能為萬化之根本又曰無極即無形  
太極即是有理今雖多為之辭無以易此言矣  
葉水心曰聖遠言湮俗淪士散求道者罕而不可

知一理二氣之互報言性者離乎氣而不知元亨變  
化之實理知剛柔之為善惡不知剛不一於善柔不  
一於惡也知陽陰之為動靜不知陰不一於靜陽不  
一於動也先生始為圖書買融而劈析之二程親得  
其傳道日以章迨胡子朱張推衍究極亦幾無餘蘊  
矣

歷代褒崇

袁綸

宋謚元公

嘉定十三年六月二十二日賜先生謚曰元先是嘉定七年潼川轉運判官魏了翁上疏曰臣猥以駑駘學誤被東注權司詳刑干蜀之東既服攸司無攝潛就職分所係於教學立師崇化善俗所不當後因雅國朝盛時先正鉅公多在於蜀其生有顯秩沒無卹辜載在史冊者不待贅陳如其間有道德隆重學問王大

為世師表而爵位弗稱至未舉易名之英臣偶職勸

學且先賢故蹟適在所部收輝控陳竊見故實却即

中周願嘗為合州僉書判官州事不經其手吏不敢

決苟下之民不肯從蜀之賢人君子莫不喜稱之流風所漸迄今未泯士統講學民知嚮方春秋奉嘗有永無替臣始到官遣吏即其祠而用幣焉退復惟念是特願所以施諸一方見諸行事之一二耳蓋自周衰孔孟沒更秦漢魏晉隋唐學者無所不主支離泮渙莫適與歸醇質者滯於佔畢訓詁馬夾者溺於記覽詞章言義理則流於清虛寂滅論事功則驚於權謀

智巧誣民世淪於肌髓不可救藥斯民也堯舜三

代之所以治也秦而後千數百年治日常少亂日常

多寧不以此而慎獨奮乎百世之下乃始探造化之

至願達圖著書闡發幽秘即斯人日用常行之際示

學者窮理盡性之歸使誦其遺言者始得以慨然於

洙泗之正傳而知世之所謂學者非滯於俗師則淪

於異端蓋有不足學者於是河南程顥程頤親得其

傳而聖學益以大振雖三人於時皆不及大用而嗣

往聖開來世發天理正人心使孔孟絕學獨盛於本

朝而超出乎百代功用所繫治理所關誠為不小特

指命秩未舉節忠故終與切侍講胡安國常請于朝

先爵程顥兄弟使從食於先聖先師之廟其後乾

道問大學錄魏校之又嘗白宰相請祠程顥兄弟於

學皆不果行如周願則又程頤兄弟親炙而師事之

者安國按之未及以為言則充為闕典也臣愚欲以

聖慈詳臣所陳如以為可采乞下之禮官如先朝那

雍徐積等故事先將周願特賜美謚其於表章風教

誠非小補臣竊欲效使臣勸學之職因遂致蜀人其

棠之恩故出位僞言冒昧及此臣之罪大矣惟陛下

裁幸疏上朝廷下禮官討論了翁再疏曰臣聞論者

行之建首人所以社善而德惠而尊者也  
後世限以品秩濟以請託於是嘗位大官者鮮惡猶  
飾之品秩之所不逮則有碩德茂行而不見稱於  
世者矣夏棟高若訥而謚文臣蔡卡鄭居中而謚文  
臣蔡文忠陸淵明而謚文獻林希而謚文節溫益而  
謚文簡汪伯房而謚文忠蔡楷而謚忠獻此皆名浮  
於行而事在人耳目者自餘此類何可勝數而舉  
世視為當然未嘗以為謚也至於倡明二學於千百  
餘載之後上嗣去世下門未嘗如周顧程願張  
載及一時大徒高弟其有功於先民之類亦不為小  
矣世之相後不為匹夫而卒未有表而出之者亦不  
以為闕也臣身前歲被授東樞樞承漕寄遠因職分  
所聞輒為周顧月陳易名之請又貼黃云近歲如朱  
熹張栻皆已賜謚而熹之學實宗周顧及程願程  
頤今錄其從而遺其先似於褒崇美意猶有未盡已  
荷聖明聖俞命遂以所奏下之有司雖時奉官  
專以程頤先第為請申命所當承學之士聞風興  
蓋學術之標準風俗之樞機所關甚不心也而二  
干茲猶未有以易其名者臣事大體重未敢以

耶抑自適年以來謚之美者曰文曰宣曰成既首以  
用諸周程之裔爵故思所以加諸此者而未能也然  
稽諸謚法亦缺無可以加此者舍曰如文如宣如成  
者既不可得而易則師承之間亦不嫌於同謚也臣  
愚敢望聖慈申飭有司速加考定表而出之庶有以  
風厲四方示學士大夫趨向之的其於崇化善俗之  
道無有急於此者臣出位北分荐瀆聖聰伏俟斧鑕  
之誅疏上上命禮部太常寺同共擬定永議即太常  
丞燕權兵部郎中臧格議曰大哉元乎在易為乾德  
之首在春秋為始年之法天下之理未嘗無其初  
也古者大道脩明人心純一聖賢之功固無自而見  
不幸而渙散殫殫之餘有能復振遺響俾絕者自我  
而續晦者自我而明是故有元之義焉參之大易春  
秋之說又寧有異旨哉自孟氏後異端滋熾重以專  
門於漢清談於晉至唐則文藝益工展轉沉翹以迄  
五季之陋幾於露蝕不存矣宋興鉅公名人鳥雲後  
先其間道亦不為淺大槩更相推激終不離乎文字  
議論之末而挈提宗旨主張是道以淑諸人有濼溪  
先生焉學問淵懿超然自得特出于萬物之表而其  
最深切者太極有圖所以發是理之幽秘易通有書

所以聞是圖之精微圖有無行之義書有不盡之言  
如是可以探二氣五行之理如是可以見中正仁義  
之本如是可以識神物動靜之別聖曰廣大高深究  
其歸則不外乎日用飲食之常斷斷乎其有功於斯  
世也蓋嘗深探其造道之所由來夫或謂得之先天  
先天得之龍紀其說幾於迂誕而無考又云其圖實  
出於穆脩脩之傳出於陳搏搏老子之學也烏能統  
盟斯道要知先生所得之學不徒師傳而已知素神  
交心契固已極其本統不然嗜淡流之緝寒受庭草  
之爨羶體夫子之無言窮顏淵之所以求是果何味  
而獨需齊之邪故能發前聖之所未發覺斯人之所  
不覺使高遠者不墮於荒忽使俯仰者不淪於濫固  
私意小智何所卷尺以施經僻說何所尋其誦如家  
靈宿霧有日斯赫如斷港絕潢有泉斯湧其功用豈  
不偉哉近世朱文公意張宜公杖呂成公祖謙尊敦  
斯學或列之篇端或記于書後或雜于註釋之詳或  
嚴于問對之確先生之名蓋廣大光明於特矣謹按  
謚法主善行德曰元先生傳學力行會通有元脉絡  
貫通上接乎洙泗條理精密下逮乎河洛以元易名  
庶幾百世之下知孟氏之後明聖道者必自濂溪始

皆潘興嗣何人敢誌其墓彼其為說曰善談各理宜  
不免于後人之誚也格具官博士職當議謚茲復妄  
論先生抽閑啓鑰得吾道之正傳自謂無愧於心若  
夫繪畫摹寫以鄰於僭異時或與潘同誚則不敢辭  
既送吏部朝奉即單監考功郎中接觀復議曰理  
學之說隱然於唐虞三代之躬行開端於孔門洙泗  
之設教推廣於子思孟軻之講明駁雜於漢唐諸儒  
之議論而復恢於我宋濂溪先生周公願一濬其源  
而洗之混泥益昌於今故諸百世無疑也先生亦何  
心於易名哉監司有請博上有議謚曰元公追尊也  
然而易有太極是生兩儀乾坤位焉大哉乾元萬物  
資始至哉坤元萬物資生凡曰元者謂其肇于此者  
也故曰元者善之長又曰春秋以一為元先生之於  
理學晦而明之望而通之亦可謂之元乎及觀河汾  
王通嘗遊孔子之廟而歌曰大哉乎君君臣臣父父  
子子凡兄弟夫婦夫婦夫子之力也其與太極合  
德蓋嘗三復斯言無極而太極太極動而生陽靜而  
生陰是又乾坤之元也夫下生於脫周果何與乎太  
極哉春秋之際三綱淪九法教邪誕妖異之說競起  
塗生民之耳目矜天下於汚濁理學亦幾乎息矣夫



子出而開天理明人極扶持而封植之殆猶乾坤之再造謂之合德太極宜矣知夫子與太極合德則闢夫子所謂合德者於剝蝕之餘謚之以元不亦可乎於是賜謚曰元

封汝南伯從祀廟庭詔

嘉祐元年春正月詔追封先生為汝南伯從祀孔子廟庭先是慶元中著作即李通傳請以先生及二程張水四先生從祀未行至是乃詔曰朕惟孔子之道自孟軻後不得其傳至我朝則惇頤張載程顥程頤真見實踐深探聖域千載純學始有指歸中興以來又得朱熹精思明辨衣衷混融使大學中庸論孟之書本末洞徹孔子之道益以大明於世朕每觀五臣論著格沃良多今視學有日其令學官列諸從祀以示崇獎之意

勅賜道源書院額

寶祐五年十月二十日勅南安軍以周程書院改賜道源書院為額先是寶祐三年知軍事吳革備軍學教授趙希格狀上請畧曰恭惟天祐國家篤生濂洛闢千古不傳之秘為萬世斯文之宗家誦其書人祠其象故九江以濂溪曾寓於此而濂溪書院立焉隆

興以濂溪曾宰於此而宗濂書院立焉至如吉之廬陵止以程太中公曾尉下此而鷺州書院又立焉凡數書院皆蒙勅額例拜宸翰天下學者咸謂周程之道周流廣大如此豈知流沁固通天下而淵源實始南安自慶曆四年元公以鄧使者碎本軍司理六年

發州興國令程公均構作本軍知元公非常人令二子師之二子即純公正公也南安之人至今每自負曰吾州雖小大先生父子兄弟師友傳授斯道實始於此觀此則本軍之非他郡比矣今九江隆興廬陵皆賜勅額而本軍書院尚未蒙賜幾於沿流而不

濂溪志卷之六

七

知適其源上心勃鬱誠願朝廷照例賜之旌寵特以道源書院四字為額上以彰公朝尊道源之所自出下以勵後學廣道化之所自行其於世遠實非小補至是知軍事郭延堅又狀請之謂南安一郡德星會聚一賢相逢啓闢道源親相授受闡千聖數千年不傳之秘發後學千萬世大明之端而所創書院未被雲漢昭回之光士民願望賜已久洪惟聖朝恢張文治上自辟雍崇化之宮下至諸賢詩書之室例拜奎畫金壁輝煌而况道學根源之地亦何惜崇恩而不使之昭明於天下哉奏上勅賜如其請

以謝曰臣廷堅言奉勅改賜周程書院為道源書院  
臣即時遵奉施行者伏以昭明理學遵聖朝表法之  
源流褒表儒官示天下士心之標準俞音誕布善類  
交歆臣廷堅惶懼頓首頓首臣竊以冰四而降  
禮首行於南安弼教之堂自吟風弄月以誅歸海其  
博矣至立雪坐春而請益撥而克之敬相字以奉安  
微德儀而知在諸生雲集一境風移荷九重賜號以  
渙恩碑百世因名而求實茲益恭遇

廣漢志卷之六

九

履實守視聽言動之誠俯衡參前備三賢授受以開  
端以四字發揚而疏龍臣敢不仰承綸綍俯勵佩於  
欽慕前脩歸魚躍鸞飛之造更祈全美頌鸞翔鳳  
之書臣無任瞻天仰聖激切屏營之至謹奉表陳謝  
以聞

賜御書道源書院額

景定四年御書道源書院四大字賜南安軍從守臣  
饒應龍之請也應龍上表謝曰臣吾稽載錄慶曆四  
年元公周頤為南安理掾適太中大夫程昞攝通守  
事一見異之責下純公顯正公顯受學焉博道之

實肇於此乾道乙酉教官臣郭見義設詞於先生

肄業之地嘉定己卯守臣劉強舉收闢于學宮之東

而書院之名未立也淳祐壬寅漕臣江萬甲始為守

臣林壽公創置書院而勅額未頒也寶祐乙卯以守

臣吳華有請賜今額而奎書猶未覩也臣以菲才繼

守此邪竊惟天下講學之地如紫陽如白鹿如鸞洲

如稽山如達原之明道鄂渚之南陽江陵之公安俱

蒙宸翰褒表南安為道學發源之地乃獨闕典可乎

輒因士民之情願自以聞適際丞相以道主張於

廟堂之上侍御臣先道贊決於禮度之間乃景定癸

亥七月既望恭拜聖恩以御書道源書院四字仙毫

絢綵輝乎光風霽月之清明天星流香灑然其露祥

雲之霑潤儒宮改觀吾道生輝臣謹率僚屬士民東

望百拜對揚休命過闕高闕是崇是揭迺新傑閣以

實以燕冠帶雲集緝梓膏慶曰我生何幸得置學於

先賢過化之邦後拭目乎聖君風厲之筆其為道德

之歸有日矣下慨念木鐸絕響千有餘歲至我宋始

有周程三君子出焉春陵洛水相望凡幾千里橫浦

之遇乃若合符元公時猶年少人莫知者太中乃備

有孟僖子之識命二子以仲尼之事卒為濂洛之真

廣漢志卷之六

十一

儒繼洙泗之絕學人乎天邪臣又念三先生之講學  
于此邦三尺童子皆知景慕乃越百二十餘年而後  
有祠又七八年而後書院始創又十三年而後勅額  
始頒又八年而後書堂下賁寔崇之典至今日而始備  
人乎天耶天之福此邦者若此其厚君之念此邦者  
若此其勤則仕於斯者蓋曰一命以上皆可於志毋  
徒玩愒而坐糜廩祿也學於斯者亦曰仲尼顏子所  
祭何事毋徒弄筆墨以微利達庶乎無負於天無負  
於君詩云俾彼雲漢為章于天臣敢以此歸美於吾  
君追琢其章金玉其相臣敢與同志者自勉以報吾  
君漢溪志卷之六  
若作人之造云是歲十一月初立朝奉即權知南安  
軍兼管內勸農營田事臣饒應龍上表又表曰臣應  
龍言伏蒙聖恩以御書道源書院四大字賜本軍臣  
謹率闔郡官僚同諸生迎奉望闕謝恩昭揭書院者  
天筆漢頌表道源之自出儒宮壯觀作士氣之維新  
思被此養春生鹿草臣惶惶懼懼頃首頓首臣竊以  
孔孟往而微言絕歷千餘載以無聞臣程生而正學  
明為五百年之名世雖濂溪洛水同出斯脉然江西  
漢浦實開其源觀當時師友之適逢信此地傑靈之  
非偶一圖手授闡魚極太極之具六書心傳發先下

後天之秘文鳳華始流派至今遺書皆口誦以家藏  
故老尚耳濡而日崇又創書堂而教育方祈宸翰以  
表章鳳鸞鸞翔自九天而來下為飛魚躍慶千古之  
幸逢茲益恭遇  
皇帝陛下盛德日新多能天縱行而王行而帝心正身  
脩作之君作之師俗移化美輒輟萬機之暇特頒四  
字之書備八休之端嚴聲辟謔之鼓舞臣敢不嘉興  
青佩期副洪恩臣如淵泉驗川流之不息其追  
琢其金玉仰雲漢之為章臣無任瞻天望聖懇切屏  
營之至謹奉表陳謝以聞  
漢溪志卷之六  
賜九江書院額  
賜御書道州瀘溪書院額  
景定四年二月日御賜道州瀘溪書院額先是道州  
守臣初允恭援九江書院額請于朝臣御書道州瀘  
溪書院六大字賜以重書馳賜之允恭上表謝伏以  
星奎啓運洪儒傑出於瀟源雲漢為章綠字煥新於  
學宇鸞迴鳳翥魚躍鸞飛臣恭惟我宋之右文乃有  
臣願之侶道接孔孟之丕緒闡圖書之正宗瞻是春  
陵實具鄉國田園教畝元豐之書契尚存林壑一丘

治平之題墨猶在兗道郡得名之非偶而濼溪為保  
以至今臣曩織采芹茲叨分竹念書塾之興凡歷幾  
載荷御扁之賜獨一九江顧惟父母之邦未沐 帝  
王之寵闕然鉅典籌若輿情不量遠地之微臣妄覩  
上天之妙筆奏函朝上宸翰夕頒昭回六宇之晶芒  
鼓舞一方之矜佩茲蓋伏遇

皇帝陛下緝熙聖學表章儒先饗前朝之美謚曰元昔  
舉易名之典屈 天子之尊臨下舉肇開通祀之儀  
煥乎麗藻之文貴此維桑之里臣祇承義書如對龍  
顏結霧霏縷未作九疑之輝映光風霽月皆同多士

濼溪志卷之六

十三

之諫歸臣無任瞻天望聖激切屏營之至謹奉表稱  
謝以

聞臣乞恭惶懼懼頓首謹言

元加封道國公

延祐六年追封先生為道國公詔曰蓋聞孟軻既沒  
道夫其傳孔子言渾人自為說諒斯文其未喪有真  
儒之聞生濼溪周惇頤稟元氣之至精紹絕學於獨  
得圖太極而妙幹 化著通書而同歸一誠俾聖學  
粲然復明其休功在垂不泯朕守成維體貴德尊賢  
追念前脩近稽彙典已從廟庭之祀蓋 印國之封

於致霽月光風想清規之如在玄衮赤芾異寵命之  
斯承

國朝褒修祠墓優恤後裔

正統元年七月十七日順天府推官徐郁具題伏觀  
聖朝崇尚聖賢之道推恩及其子孫孔氏宗子承襲  
封爵其餘子孫皆免差役顏孟之後專設教授以司  
訓誨俾習仁義道德無墜先業此希世之盛典也及  
照先賢道國公用惇頤上繼往聖下開來學有功聖  
門後世是賴雖已從祀廟學顧子孫猶雜編民祠墓  
不免夷地伏惟 皇上大興文治將於變斯民如象

濼溪志卷之六

十四

准言乞 勅該部將聖賢子孫體訪 上開照例優  
免令於所在儒學讀書擇其才質可用者量加甄錄  
應有祠墓官為修葺置守庶幾人知君子之澤悠久  
不替感發興起有補世教則比屋可封之美亦可馴  
至矣奏上下六部都察院議如所奏 從之行湖廣  
布政司轉行永州府着落道州將道國周元公祠墓  
如有損壞官為葺理免備仍於本處訪常給田置買  
頃畝給與子孫奉祀戶內一應差役盡行蠲免於附  
近民戶僉點佃場門庫之役常川佃場其墓在九江  
府德化縣原係異省程途遠隔于孫姓被禁謁經過

府州縣巡司驛遞等衙門依禮供給廩食應付船  
人夫其子孫有俊秀堪以教養送赴所在儒學讀書  
撥廩助贍時加訓誨務獲成效若有資質端莊學識  
明裕堪為特用者有司從實具奏取自 上裁所司  
毋得視為泛常不加優待有負

朝廷崇重先賢之意

欽錄元公後裔

景泰七年五月貳拾貳日以先生嫡孫周冕為翰林  
院五經博士世襲先是六年十一月司禮監太監王  
誠傳奉

漢漢誌卷之六

二十五

聖旨周漢漢有功德著禮部取嫡長子孫一人來京  
禮部奉行本州勘取嫡孫周冕到京奏授前職仍回  
原籍以奉祭祀

欽賜崇祀正德丙寅

江西等處提刑按察司提督學校副使邵寶奏臣切  
照九江府德化縣南蓮花峯下有宋儒周惇頤墓其  
東北數里有濂溪書院亦為惇頤建 臣始視學至九  
江考檢誌傳特詣吊謁見得墓雖僅草而書院又荒  
重興慨嘆比者知府劉璣高友璣等因分巡僉事三  
谷等區畫委屬時加修理墓與書院漸次就完文奉

巡視都御史林俊行布政司林泮等衆議於湖廣道  
州取其裔孫周倫前來守奉三四年間臣屢至吊謁  
起敬生慕大非傳比蓋

聖明崇德道化被中外而監司守令奉行惟謹臣竊  
慶之謹按周惇頤生於有宋上契列聖下啓群儒語  
其時貞而後元論其地大而將化開人之功萬世永  
賴無庸贅述乃若九江之地生寓精神沒藏體魄實  
與故里相類顧自年以來墓與書院久廢初復而祀  
不在典誠為未稱惟昔范文正公生於蘇而葬於洛  
二處皆有祠祀崇名也岳武穆王生於湘而葬於  
杭二地皆有祠祀崇名也哉

漢漢誌卷之六

十六

國朝於衷心勲德禮數加隆至於如此識治君子皆以  
為當况遺學大儒如惇頤哉惇頤之後稱大儒者口  
朱熹等於濂溪源於建陽祠祭之典二處兼舉臣愚  
竊謂惇頤之於九江如發如建當比其一今墓與書  
院既各脩理如故蒙

聖明重念周氏之學為世宗師表章曠墜實繫觀望乞  
勅禮部查檢朱熹濂源建陽事例就令書院賜以春秋  
二祭定式擬札行令有司以時行事仍於隣近無  
田內檢給數十畝以為裔孫守墓之贍永持為一

斯文之觀實天下萬世之幸也。臣承乏故事，敢承一  
物論以崇正學，為要惟茲祀事實其一端，雖懼煩瀆，不  
敢不請。臣謹具戰懼之至，奏奉

聖旨是

鈔賜周諫議從祀啟聖祠

周元公諫議大夫輔成從祀啟聖祠緣由始於嘉  
靖中道州鄉宦國子監學錄楊成童呈議元公濟有  
宋道學之源其父當與程珦朱松蔡元芝並祀但又  
盛稱門閥以為承學有功於後而所謂收之程珦朱  
松蔡元芝無愧者僅屬之科第官階呈載濼溪程志

濼溪志卷之六

二十七

至萬曆貳拾壹年道州儒學署學正事舉人謝風脩  
志止存其濼源數語餘削而更之。大畧謂元公績千  
四百年如綫之統教德論烈與孟氏齊而諫議負復  
循績比賢程珦亦無軒輊有子與之備無孟孫之譽  
有程珦之賢無伯淳之報是諫議以抑而所以隆禮  
元公者猶未盡也。語具新志。中明年公裔孫翰林博  
士周繼官於從學道呈請行學查勘該署印訓導劉  
邦國據通學生員吳申州屢經州府司道覈詳該本  
州知州吳能進議樹卓故艾必豐功鈞故報宜敵竊  
觀啟聖一祠我

國家所以秩倫崇功重道垂教者至精且密而獨闕於

周元公之父輔成士有遺議辯焉。至今夫極之義立

此則聖施此則王亘字宙無非此理自元公大開廟

肯而後孟氏以前之關鍵始開程氏以後之源流始

衍此其功直接孟氏為後儒少祖豈不鬼然隆哉而

父胡以不得共珦松頡一室也將求多於其人則

治行操脩重光誌牒豈後珦松頡追祀非其人之謂

也。得諸其子而已矣。以人若此以子若彼又奚擇焉

使毅毅焉齒于鄉之士得諸其身不得諸其子其無

乃隘元公而胡以稱衡功報德稱物平施之義也。請

濼溪志卷之六

八

進輔成從祀如程朱蔡三氏則

聖朝崇儒之典始完而右文之治益光矣。本府知府徐

光華議元公厥考輔成名登甲第行表鄉閭列祀道

州鄉賢又美顏惟祀典本以報功故功者一鄉者祀

於一鄉功者天下者祀於天下如程太中朱熹蔡從

祀啟聖莫非因子及父報功盛典而何獨於輔成新

之在元公再闢渾沌繼孔孟而開程朱烈聖萬世則

輔成篤生之功為尤大豈特普通一鄉之士已哉而

崇祀以報其功又豈可止一鄉之近已哉。諸生所呈

不為無見合無俯允轉達題

請將輔成公牌位躋入啓聖祠與陳太中朱某齊並  
祀則崇德報功人心胥慰而風世表俗儒道大典矣  
署州事本府推官李朝宸議得宋儒周惇頤父輔成  
名重制科行重士論迺嘉靖初年進程朱之父從祀  
啓聖偶遺輔成夫

國家恩典功在一時者恩備得及祖考而敦頤功在萬  
世迺後人崇祀不推及其所生非所以彰我

朝崇儒重道之典且今士民歷數從祀莫不快程朱之  
享報至於敦頤獨不見其親之神位其不扼腕而嗟  
唏者鮮矣此誠天理之在人心不容眠滅者也順人

蘇溪志卷之六

二十九

心之天理舉

國家之

盛典廣推恩之大義報垂世之偉功即使輔成志行  
然無聞猶當崇祀况其懿行已有可稱者乎從祀議  
是本府署印同知張守剛議先儒周敦頤父周輔成  
據起家則名登由第語遊宦則績著專城有至行以  
推重於梓桑肆祀典夙崇報於鄉社是誠先儒之可  
述允為後學之共欽况其為生真儒倡明絕學使天  
下後世得尋孔孟之真傳是功雖不在於其身而實  
寄於其子揆之程朱因子及父之義程朱之父既稱

先儒從祀則周惇頤之父亦稱先儒從祀良非過  
也提學僉事俞士華議程朱為宋室解儒而其源  
則出自周濂溪程子之父向朱子之父俱於嘉  
靖年間以子之故從祀啓聖而尚不及周子之父  
輔成豈非闕典父以子重非甚不肖亦宜從饗况  
向松岡賢而輔成以進士起家宦遊有善政鄉賢  
有明德人品蓋不在珣松之下本本水源程朱之  
父既得從

殊恩於前情同事類濂溪之父亦得陪

蘇溪志卷之六

二十九

政使李得陽按察使詹貞吉會議並道崇儒乃

朝廷取世之大典衣往風後亦有司勿俗之微推矧  
先儒周元公敦頤續千載理學之正傳而其父諫  
議大夫輔成啓百代人文之道脉今嗣其學如程  
朱二先生反得推崇所生祀之啓聖輔成生有惠  
政歿有榮名僅僅組豆於其鄉詎非數百年之闕  
典歟及照案前錄後禮制宜同查得正統年間順  
天府推官徐郁曾奏復其家已荷  
俞允今獨不可追祀其先以風勵後學乎應如議題  
請於是巡撫都御史郭惟賢巡按監察御史徐兆魁

會題為三楚儒先興論有定祀典獨遺懇乞

聖明俯賜一體從祀以重本源以隆文教事看得道

有開先礼隆報本周敦頤起宋天禧間黜契道體

首倡正學于聖遠言湮之後俾孔孟道脉斷而復

續迄今太極圖通書學士家尊之與六經等其有

功于斯道甚大而推邈篤生之自則其父周輔成

也人因道重敦頤父在從祀之列父以子崇輔成

何獨遺啓聖之祠况程朱之學皆本自敦頤真傳

而二氏之父如程珦如朱松先於嘉靖年間伏荷

賜允從祀廟食百世矣輔成歷官有善政居鄉稱御

賢方之珦與松其好脩行誼以表鄉閭同其篤生

哲人以維道脉同論賢宜此有而合席論功當祭

川而先河迺珦松父祀于廟與顏曾諸氏均極而

輔成止祭于鄉未獲同珦松配食此非所以隆報

稱而昭大公也事有崇乎儒先而實闕于世教典

偶闕于往昔而實待于

明時稽之士論僉同非徒光借組豆惟是斯文一體

自當推報淵源切後地方不敢拂輿論之公不

舉限往哲世德之休光不揚既經司道勸諭前來

相應題

請伏乞

勅下禮部再加查議如果臣等所言不謬查照程珦

朱松事例進周敦頤父周輔成從祀啓聖庶海內

人士仰見

皇上崇儒重道之典于前有光而礪世磨鈍之意永

之無窮矣奉

聖旨礼部知道礼部覆疏為照道以人傳父因子重

自古然矣我

國家崇儒重道款以敦化明倫故既以程灝程頤朱

熹從祀于孔子廟庭而又以程灝程頤之父程珦

朱熹之父朱松從補于聖公祠無非推尊道

之源顯示扶世教之意與同甚鴻鉅而義亦

深遠也然故自微言既絕而首倡明斯道者周敦

頤也其篤生賢嗣而俾有功斯道者周輔成也有

輔成為之父而後有敦頤為之子有敦頤倡之先

而後有程朱繼之後道一源流學同子治迨本窮

源宜其重則俱重祀則俱祀也乃程朱二氏既得

因子而推恩於其父而輔成一入獨不得以父而

食報于其子當時議者豈以從祀者在著述而輔

成歟所聞釋歟及查輔臣張孚敬中明程敏政之



說臣竊觀聖學失傳千五百年至程朱出而後孟氏之統始續則程朱之先亦不可缺况程子之父封永年伯程珦朱子之父謚靖獻公朱松其歷官行已俱有稱述臣愚乞將程珦朱松從祀答聖祠此當時珦松從祀之由亦不過論其賢而已初未嘗及於著述何如也今觀水志輔成名高甲第以重卿評善政屢徵于宦避令德累霑乎贈典想其為人固亦闡然自修而有日章之實殆非後世不稱後世無述者耶珦珦較隆比烈何多讓焉

以三子而論則皆之善教者重在父珦有得于其方以三子之父而論則全之從祀者理在子不盡在乎著述若輔成者雖錫之以贈謚允宜而列之于俎豆奚忝今珦松儼然從祀已久而輔成不預並侑之列委為缺典既經湖廣撫按會官詳議具題前來以非出于一人之私臣等博採史傳廣加咨詢深見協乎輿論之公相應將輔成准其從祀答聖祠與珦松一體追崇庶足以慰先儒尊親之坦而對天下好德之心謹據實覆

請恭候

濠溪志卷之三  
古今紀述

濠溪先生祠堂記

春陵太守直問向公抵書其曰紹興之初予嘗游茲土壬子春坐諸司評繁能寓豐城僧舍是秋丈定胡公自給事中免歸亦贈馬得胡夕請益一日謂予濠溪先生春陵人也遺事乎對以未聞後讀河南語錄見程氏淵源自濠溪出乃知先生學極高明因傳通書誠說味於其所不知茲幸復假守事五日謁先聖畢諸儒官生徒先生天下後世望誠具在後學獨不知尊仰是大漏典請建祠講堂後三元閣上皆應曰諾夏四月辛卯繪事僞工闕郡鄉化翁然于其詎之某謂自頃興法於核判郡者悉為吏牘埋沒至有難如素王之嘆吳暇教化公下車首尊賢崇雅且懇以誠為言此盛德事某敢以固為辭况伯氏辱知為舊其又奚辭竊聞韓子曰誠者不欺之名程子曰誠者理之實不誠無物言無實也其說始於易成於禮考之曲禮鬼神以誠考之禮記慎終以誠考之特牲婚禮以誠考之月令工師以誠考之學記教

學以誠考之樂祀禮經以誠考之祭統祀享以誠考之中庸事親以誠考之大學治天下國家以誠八者一不誠焉皆欺夫大哉誠乎誠非難也至誠之誠難也夫婦之愚反身可以為誠及其至也雖堯舜之誠苟卿猶以為偽堯舜豈偽也哉故曰至誠之誠難也禮至誠有五能盡性也能化也前知如神也無息也知天地之化育也是皆實理之極不欺於人故能盡性不欺於物故能化物不欺於神故能如神不欺於己故能無息不欺於天地故能知天地之化育通書之作蓋期學者至於是焉耳其云性者剛柔善惡中而已盡性也云動則變變則化者能化也云寂然不動者誠也感而遂通者神也如神也云君子乾乾於誠者無息也云乾坤交感化生萬物者知天地之化育也知此五者則知禮之所謂誠矣知禮之所謂誠則知易之所謂誠矣易禮通書其致一也或曰通書叙乾損益動云不息於誠叙家人睽復無妄云無妄則誠是卦皆誠也而漢書又以易唯乾言誠誠者天之道也然則通書非乎曰否子獨不見夫一六之說乎天以一生水地以六成之一六合而水可見誠則明明則誠誠明合而道可見古之人蓋以誠配一

也言誠而止於天猶知一而不知六也按誠說乾元誠之源元亨誠之通利貞誠之復夫乾四德為誠坤也臨隨無妄革亦四德也不得為誠乎元亨誠之通大有蠱升鼎非誠之通乎利貞誠之復蒙同人天畜離咸恒遯大壯明夷家人蹇萃漸允渙中孚小過既濟非誠之復乎推此則易非止乾為誠也明矣獨乾言誠者端本之道耳故曰乾元誠之源其言微哉公性歲司風憲湖湘戰吏字民民至今思之以不屈權勢添三十年而所養益剛大今復觀象濼溪務實去偽豈徒角空言而已必其由先生之書以明易以合手曲禮之誠以嚴屏攝合手禮方之誠使民送死無憾合乎特性之誠使民婚姻以禮合乎月合之誠使民言不苦誠合乎學記之誠使民風移俗易合乎樂記之誠使民禮經無偽合乎祭統之誠使民祭思敬合乎中庸之誠使民養思孝合乎大學之誠使吾政術無頗欺無所不用其誠矣由是而充焉吾知公後日登壇贊元致君堯舜上則盡性也能化也前知如神也無息則久也知天地之化育也宜皆昭合通書之旨視濼溪其無愧焉濼溪諱敦願姓周氏紹興二十九年五月日記

宋有天下明聖相繼承平日久元氣胥會至昭陵之世盛矣宗正鉅儒磊落相望於是時濂溪先生寔出於舂陵焉先生姓周字茂叔晚築廬山之下一以濂名其溪故世稱為濂溪先生舂陵之人言曰濂溪吾鄉之里名也先生世家其間及寓於他邦而不忘其所自生於亦以是名溪而世或末之知耳惟先生仕不大顯於時其澤不得究施然世之學者攻論師友淵源以孔孟之遺意復明于千載之下實自先生發其端由是推之則先生之澤其何有窮哉蓋自孔孟沒而其微言僅存於簡編更秦火之餘漢世儒者既為窮經學古不過求於訓詁章句之間其於文義不能無時有所益然大本之不究聖賢之心鬱而不章而又有顯從事於文辭者其去古益以遠經生文士自岐為二途及夫措之當世施於事為則又出於功利之末智力之所嘗若無所與於書者於是其有異端者乘閒而入橫流於中國儒而道德性命者不入于老則入于釋間有希世傑出之賢攘臂振之而其為說復未足以盡吾儒之指歸故不足以仰其闡而或反以激其勢嗟乎言學而莫適其序言治而不本於

濂溪志卷之七

四

學言道德性命而流入於虛誕吾儒之學其果如是乎哉陵夷至此亦云極矣及吾先生起於遠方乃超然有所自得於其心本乎易之太極中庸之誠以極乎天地萬物之變化其教人使之志伊尹之志學顏子之學推之於治先王之禮樂刑政可舉而行如指諸掌於是河南二程先生兄弟從而得其說推明究極之廣大精微殆無餘蘊學者始知夫孔孟之所以教蓋在此而不在于他學可以至於聖治不可以不本於學而道德性命初不外乎日用之實其於致知力行具有條理而該邪滯適之說皆無以自隱可謂

濂溪志卷之七

五之四十六

盛矣然則先生發端之功顧不大哉四月戊寅承務即直寶文閣權發遣靜江府兼管內營田事賜紫金魚袋張栻謹記

永州府學先生祠記

張 栻

零陵守福唐陳公輝下車之明年令信民悅迺思有以發揚前賢遺範貽詔多士他日借通判州事曾公迪詣郡學顧謂諸生曰永維小郡而前輩鉅公名德往往屏居之如本朝范忠宣公范內翰公鄒侍郎公皆既建祠于學宮矣惟濂溪周先生嘉祐中嘗倅此州而獨未有以表出之豈所以為重道崇德示教之

意乎於是教授劉安世率諸生造府請就郡學殿宇  
之東廟闢先生祠前通判武岡方公疇以書走九江  
求先生像于先生諸孫得之陳公命零陵宰高祈董  
其事而成之繪像儼然欄楯周密既成屬杖為記杖  
以晚生屬辭不獲敬誦所聞以廣其意先生諱惇願  
字茂叔春陵人歷官凡九遷至通判永州用呂正獻  
公薦擢廣南東路轉運使判官改提點刑獄所節力  
行其志晚以病丐分司築居廬山下有溪流其旁名  
之曰濂故號濂溪先生杖嘗聞程公太中倅南安先  
生為獄掾太中公視其氣貌非常人與語果知道者  
因與為交故明道自十五六時聞先生論道遂廢科  
舉之業慨然有求道之志伊川年十二三亦受學焉  
惟二程先生倡明道學論仁義忠信之實著天理時  
中之妙述帝王治化之妙以續孟氏千載不傳之道  
其所以自得者雖然師友可傳而論其發端實自先  
生豈不懿乎先生著通書及拙賦皆行於世而又嘗  
俾學者求孔顏所樂何事噫以此示人亦可謂深切  
矣後之登斯祠者視先生之儀容讀先生之書賦求  
先生之心真積力久希聖希賢必有得顏子之所樂  
者矣

記

南康軍新立先生祠記 淳熙五年 張栻

淳熙五年秋詔新安朱侯熹起家為南康守越明年  
三月至官慨然思所以仰稱明天子德音者首以興  
教善俗為務乃立濂溪周先生祠于學宮以河南二  
程先生配貽其書友人張栻曰濂溪先生嘗領是邦  
祠像之立視他州尤不可以緩子盍為我記其意栻  
既不克辭則以平日與侯共講者述之以復焉自秦  
漢以來言治者汨於五伯功利之習求道者淪於異  
端空虛之說而於先生發政施仁之術聖人天理人  
倫之教莫克推尋而講明之故言治者若無預於學  
而求道者反不汲於事孔孟之書僅傳而學者莫得  
其門而入生民不克睹乎三代之盛可勝歎哉惟先  
生崛起於千載之後獨得微旨於殘編斷簡之中惟  
本太極以及乎陰陽五行之流布人物之所以生化  
於是知人之為至靈而性之為至善萬理有其宗萬  
事循其則舉而措之則可見先生之所以為治者皆  
非私智之所出孔孟之意于以復明至于二程先生  
則又推而極之凡聖人之所以教人與學者之所以  
用工本末始終精折該備於是五伯功利之習無以

乳其正異端虛空之說無以申其誣求道者有其序  
而言治者有所本其有功於前聖而派澤於後世顧  
不大矣哉春秋奉嘗編於學校權則宜之而况此邪  
嘗為先生所領之地祠像久為未設誠缺典也今朱  
侯下車未遑他議而首及乎此可謂得為政之本矣  
詩曰高山仰止景行行止朱侯之所以望於來者豈  
不在於斯乎雖然杖又有說焉蓋自近歲以來先生  
之書徧天下士知尊敬講習者寢多而其間未免或  
失其旨妄意高遠不由其序游談相夸不踐其實又  
以病夫真若是者適為吾道之罪人耳夫惟醇厚慨  
惻近思躬履不忽於卑下而審察乎細微是則為不  
負先生之訓其於孔孟之門墻庶幾乎可以循序而  
進也此又豈非朱侯所望於來者之意乎

道州寧遠縣先生祠記

魏了翁

寧遠縣令黃君大明以書來曰吾聞古之鄉先生歿  
而祭于社寧遠雖葉爾邑而先生之流風未墜不可  
以無祠也子也覺先生之道而尊其名麗牲有日將  
以識里人奉嘗之思子為記之了翁嘗聞人道要有  
三曰父曰君曰師無父無君無以生無師猶無  
生也唐虞三代盛時民生於風氣之未漓又得堯舜

八德縣志卷之七下

二十七之四三

秦漢志卷之七下

四十三

禹湯文武周公為之君師今其法度紀綱猶可槩見  
大抵合以井牧聯以比閭教以庠序導以師長雖以  
諒救攻以德藝無一壞一民不相聯屬焉正歲孟月  
之吉黨里社嘗之會無一事一時不相警策焉夫然  
後教行俗成而君師之分蓋迨厲宣幽平已不能如  
成周之舊仁壽邨天民自為之為君師者不及知也  
矧自是以降乎曾子曰上失其道民散久矣當斯時  
而民之散已二三百則雖以孔孟之道而無位亦  
不能聯屬而維持之然猶不忍吾之同體偃然如  
窮人之無所歸也乃屬其徒類而教之近以淑其國  
人子弟遠以垂諸天下後世民之久散者固已不能  
遽返而為士者猶有所屬則斯文不墜以俟後聖猶  
將有望焉而天未欲平治也雖以孔門弟子一再傳  
而失之况秦漢而後學殘文闕師異指殊泮溪滋甚  
董仲舒嘗請諸不在六藝之科孔子之術者皆絕其  
道庶幾統紀可一民知所從而時君不足以行其說  
迨其後也才知之士各挾其所溺以行於世不務記  
此則淪虛無不為權利則銜詞兼至是而不特民散  
上亦散矣不有先生發太極本然之體明二五所乘  
之機而示人以日州常行至近至切之理則異端小

道將誣民或世於所終極又非二程子張子惟而  
大之扶持綿延以開興諸儒則先生之絕學又將  
子然孤立矣猗歟盛哉然而近世朱文公張宣公  
呂成公諸儒死士又各挾其所以溺於人者溺人而  
士之散滋甚記問學之末也今又非聖賢之書而虞  
初稗官矣虛無道之害也今又非佛老之初而梵唄  
吐木矣權利誼之害也今又非管晏之遺而錐刀毫  
末矣詞章枝之小也今又非騷選之文而淫哇淺俚  
矣此且憂世之士所以悼道之湮鬱而慨然有感於  
儒先之教象而祠之尸而祝之也然而民既散矣有  
士以屬之士既散矣終不可復屬邪有書以屬之天  
命流行亘千古如一日先生能見孔孟之心於千五  
百年之久先生之書爛如日星家藏而人誦之豈無  
見先生之心而興起者邪先生初見二程使之求孔  
顏之所樂他日筆之於書曰志伊尹之所志學顏子  
之所學嗚乎得孔顏之所樂則必不以務記覽工詞  
章慕虛寂為能也得伊尹之所以志則雖刀毫末之得  
亦不足以為厥所也吾黨之益相與懋明此理尚  
庶幾二有所歸而不失望焉資政殿大學士前簽  
書樞密院事魏了翁撰

袁州州學三先生祠記 淳熙五年

朱熹

可矣太守廣漢侯侯既斷其祠之學因去濂溪河南  
三先生之祠于講堂之東序而以書來屬熹記之蓋  
自鄒孟氏沒而聖人之道不傳世俗所謂儒者之學  
內則苟於章句文詞之習外則雜於老子釋氏之言  
而其所以脩己治人者遂一出於私智人為之鑿澗  
陋乖離莫適正統使其君之治不得比於三代之隆  
民之俗不得躋於三代之盛若是者蓋已千有餘年  
於今矣濂溪周公先生奮乎百世之下乃始援探聖  
賢之奧疏觀造化之原而獨心得之立象著書闡發  
幽秘詞義維約而天人性命之微脩己治人之要莫  
不畢舉河南程氏先生既親見之而得其傳於是其  
學遂行於世士之講於其說者始得以脫於俗學之  
陋異端之感而之所以脩己治人之意亦往往有能  
卓然不流於世依利害之私而慨然有志於堯舜其  
君民者蓋三先生者其有功於當世於是為不小矣  
然論者既未嘗考於其學又拘於今昔顛晦之不同  
是以其知其本才源流之意若此而或輕議之其有  
畧聞之者則又貪遠慮下窺高而不知即事觀

理以求其切於情已治人之實也嗚呼張侯所以  
作為祠而為之者其意豈不有在於斯  
與抑嘗聞之紹興之初故侍讀南陽胡文定公嘗  
欲有請於朝加程氏以爵列使得從食於先聖先  
師之廟其後嘉之亡友建安魏若栝之為大學官  
又以其事白宰相且欲廢王荆公安石父子從祠  
當時皆不果行識者恨之至於近歲天子乃特下  
詔罷鮑川伯秀者畧如栝之之言然則公卿議臣  
有能條奏前一議者悉施行之且復推而上之以  
及於濂溪其亦無患於不從矣張侯名栝丞相魏

忠獻公之子文學吏治皆有法法觀於此祠又可

見其志之

窮則其美績之可書又不止於此祠而已也故熹  
既為之論著其事而又附此說焉以俟淳熙五年  
冬十月辛卯新安朱熹記

韶州學濂溪先生祠記 淳熙十年

朱熹

秦漢以來道不明於天下而士不知所以為學言天  
者遺人而無用語人者不及天而無本專下學者不

知上達而滯於形器必上達者不務下學而溺於空  
靈優於治已者或不足以及人而隨世以競功名者  
又未必自其本而推之也夫知最是以天理不明而  
人欲熾道學不傳而異端起人挾其私智以馳騁於  
一世者不至於老死則不止而終亦莫悟其非也宋  
興九疑之下春陵之墟有濂溪先生者作然後天理  
明而道學之傳復續蓋有以闡夫大極陰陽五行之  
奧而天下之為中正仁義者得以知其所自來言聖  
學之有要而下學者知勝私復禮之可以馴致於上  
達明天下之有本而言治者知誠心端身之可以舉  
而措之於天下其所以接洙泗千歲之統下啓河  
洛百世之傳者厥緒分明而規模宏遠矣是以人欲  
自是有所制而不得肆異端自是有所避而不得肆  
蓋自孟氏既沒歷選諸儒受授之次以論其興復開  
創泝掃平一之功信未有高焉者也先生熙寧中嘗  
為廣南東路提點刑獄公事而治於韶浚寬澤物其  
兆足以行矣而以病去乾道庚寅知州事周侯舜元  
仰止遺烈慨然永懷始作祠堂於州學講堂之東序  
而以河南二程先生配焉後十有三年教授廖君德  
明至視故祠頗已摧剝而香火之奉亦情弗供乃謀

濂溪志卷之七

三十一

增廣而作新之明年即其故處為屋三楹像設儼然  
列坐有序月日朔望率諸生拜謁歲春秋釋奠之明  
日則以三獻之禮禮焉而猶以為未也則又日取三  
先生之書以授諸生口熟讀精思而力行之則其進  
而登此堂也不異乎親炙之矣又明年以書來告曰  
韶故郡生多愿慙少浮華可與進于善者蓋有張文  
獻余棄公之遺風焉然前賢既遠而未敢忘先生君子  
之教以啓迪於其後雖有名世大賢來官茲地亦未  
聞有能振衣請業而得其學之傳者此周侯之所為  
惓惓焉者而德明所以奉承於後而不敢怠也今既  
訖事而德明亦將終更以去矣夫子幸而記之一言  
庶幾乎有以卒成周侯之志是亦德明之願而諸生  
之幸也廖君嘗以學講于熹者因不復辭而輒為論  
著先生唱明道學之功以視鄙人使因是而知所以  
用力之方又記其作興本末如此使來者有考焉  
熙十年癸卯歲五月丁卯新安朱熹記

濂溪先生祠堂記淳熙丙申

朱熹

道之在天下者未嘗亡惟其托於人者或絕或續故  
其行於世者有明有晦是皆天命之所為非人智力

之所能及也夫天高地下而二氣五行紛紜雜揉升  
降往來於其間其造化發育品物散殊莫不各有同  
然之理而最大者則仁義禮智之性君臣父子昆弟  
夫婦朋友之倫是已是其周流充塞無所虧闕夫豈  
以古今治亂為存亡者哉然氣之運也則有淳漓別合  
之不齊人之稟也則有清濁昏明之或異是以道之  
所托於人而行於世者惟天所昇乃得與焉夫非巧  
智果敢之私所能億度而強探也河圖出而八卦畫  
洛書呈而九疇叙孔子於斯文之興衰亦未嘗不推  
之於天聖人於此其不我欺也審矣若濂溪先生者  
其天之所昇而得乎斯道之傳者歟不然何以絕之  
久而續之易晦之甚而明之也蓋自周衰孟軻氏  
沒而此道之傳不屬更秦及漢歷晉隋唐以至於我  
有宋聖祖受命五星聚奎實開文明之運然後氣之  
漓者淳判者合清明之稟得以全付於人而先生出  
焉不繇師傳點契道体建圖著書根極領要當時見  
而知之有程氏者遂擴大而推明之使夫天理之微  
人倫之著事物之衆鬼神之幽莫不洞然畢貫於一  
而周公孔子孟氏之傳煥然復明於當世有志之士  
得以探討服行而不失其正如出於三代之前者焉



呼盛哉非天所昇其孰能與於此先生姓周氏諱博  
願字茂叔世家春陵而老廬山之下因取故里之號  
以名其川曰濂溪而築室於其上今其遺墟在九江  
郡治之南十里而其荒莽不治則有年矣淳熙丙申  
今太守潘侯恂明與其通守呂侯勝已始復作堂其  
廣揭以舊名以奉先生之祀而呂侯又以書來屬熹  
記之熹愚不肖不足以及此獨幸嘗竊有聞於程氏  
之學者因得伏讀先生之書而親見其為人比年以  
來屏居無事常欲一泛九江入廬阜濯纓此水之上  
以致高山景行之思而病不得往誠不自意乃今幸  
甚獲因文字以記姓名於其間也於是竊原先生之  
道所以得於天而傳諸人者以傳其事如此使後之  
君子有以觀考而作興焉是則庶幾乎兩侯之志云  
爾

婺源縣學三先生祠記

朱熹

淳熙八年春三月婺源大夫周侯始作周程三先  
生祠堂於縣之學中而使人以書來謂熹曰子固  
吾邑之人也蓋嘗有聞於先生之學而既祠之南  
康矣且濂溪故宅豫章宜春之祠又吾子之所記

濂溪志卷之七下

四

濂溪志卷之七下

五

也其亦為成言之熹惟三先之道則高矣美矣然  
此婺源者非其鄉也非其寓也非其所嘗遊宦之  
邦也且國之祀典未有秩焉而祀之於禮何依而  
於義何所當乎則具已告且謝不敢復數月周侯  
與邑之處士李君縉及其學官弟子數十人皆以  
書來曰惟濂溪夫子之學性諸天誠諸已而合乎  
前聖授受之統又得河南二程先生以傳之其流  
遂及於天下非有爵賞之勸刑辟之威而天下學  
士靡然向之十數年來雖非其鄉非其寓非其遊  
宦之國又非有秩祀之文而所在學官爭為祠室  
以致其尊奉之意蓋非敢以是問乎命祀也亦曰  
肖其道德之容使學者日夕瞻仰而興起焉耳且  
吾邑之人所以得聞三先生之言者子之先君子  
與有力焉今祠亦既成矣子安得而不為之言乎  
抑先生之學其始終本末之趣領吾子悉陳之庶  
乎其有發也熹發書愀然曰明府之教諸君之言  
其命熹以記者熹不敢復贅矣乃先生之學則熹  
之愚懼不足以言之也雖然諸君獨不親諸濂溪  
之圖與其書乎雖其簡古澗溪未易窺測然其大  
指不過與學者講學致思以窮天地萬物之理而

勝其私以復焉其施則善始於家而達之天下其具則復古禮樂政以養民而刑以肅之也是乃所謂伊尹之志顏子之學而程氏傳之以覺斯人者而亦豈有以外乎諸君日用之間哉顧獨未之察耳今幸以賢大夫之力既欲得以日見先生之貌象而瞻仰之則曷若遂讀其書求其指以反諸身而力行之乎已而遂書其事與其辭如此以為記以為學者由是用力焉則庶幾乎三先生之心不墜于地而於吾先君子之志賢大夫之意亦可以無負矣諸君其亦勉之哉祠在講堂北壁下

濂溪志卷之七下

六之三十一

濂溪先生南鄉坐明道先生伊川先生東西鄉以伯馬周侯名師清玉僊人好學有文而嘗仕於朝矣其為此邦寬以撫民禮以待士而所以教誨之者又如此非今之為吏者所能及也秋八月癸丑邑人朱熹記

廣東憲司先生祠記

蔡抗

昔先師朱文公作濂溪周夫子祠堂記曰高極乎無極太極之妙而不離乎日用之間幽探乎陰陽五行造化之賾而不離乎仁義禮智剛柔善惡之際大哉

言乎所以開天下精微之旨揭萬世義理之準也蓋天子之學體用一源顯微無間上下與天地同流此其淺近者所能窺而其見之行事則謹刑一節尤為深切著明夫明刑以弼五教制政以教抵德自古聖人輕重毫髮必攷其誥是固陽舒陰慘仁柔義剛以輔教化之不及而好生之心流行不息同胞同體視之如傷子以全人性之天則於無極太極之本體亦豈有間哉夫子辨分寧不決之獄爭南安非辜之囚所至務以洗冤澤物為己任至於詳刑廣東則仁流益遠矣天以春生萬物止之以秋聖人法天以改養萬民肅之以刑此夫子之秋肅夫子之春生也深溪萬初民犯於石為之戒視而著令黃菲張空民死於瘴為之緩轡而徐行鄉人候吏惟恐奔走馬蹄旗脚之或後而黠胥惡少則凜凜然如快刀健斧之將加仁之充廣形著如是夫淳熙間繡使陸公世良因民之德公也祠于丹荔堂之側有年矣近憲司楊君大異改祠于相江書院今周侯弭節是邦思其崇之遺首訪舊祠吏以發告侯坦然曰相江之祠學者之通敬也而所主者教司存之祠官守之常敬也而所主者刑刑教雖一而祠有不同夫豈可廢哉亟命泐掃

濂溪志卷之七下

三十一

舊宇而謁至焉又憲規模湫隘不足以揭虔安靈遂  
闢地於官治之西偏以庶幾羹牆之思且貽書俾抗  
記之抗學於朱子者也酌泉知脉元公於抗有罔極  
之思誼弗敢辭竊謂元公之祠遍天下而司存一祠  
侯獨以為不可廢者何哉廣南十四州生民之命所  
繫也為即使者且而稽是祠退閱未決之獄必思夫  
子之以剛辭中以動而明敢不敬朝夕而瞻是祠退  
決非辜之囚必思夫子之中正明達燭及微賤敢不  
敬朔望瞻是祠退而心行李一路之間必思夫子不  
憚出入之勤雖荒崖絕島而念慮不可不到也敢不

八瀛漢志卷之七下 三十三

敬祠在是則敬在是敬在是則十四州之民命在是  
也祠可不復其舊歟此侯之心也嗚呼侯之心非特  
善一家之學將以開羣心有體有用有微有顯之學  
也非特為曲江之地將以為天下立心立命之地也  
前乎百八十年之既往侯既有績元公之近後乎千  
百世之方來必又有以績侯之心相與引之於無窮  
仁不可勝用矣侯名梅史元公族孫也學行為世推  
重云

重新三先生祠記景泰四年 金潤

日月星辰之懸象於上者天道也山川海岱之成

於下者地道也仁義中正之祭贊乎其間者人道也  
應之為五行配之為五祀賦之為五常稟之全秀之  
萃者其維聖賢乎夫三王繼而五帝三王降而五霸  
為生吾夫子之聖維持天紀煥耀人文襄集大成其  
述六籍道貫天地之始救垂天地之終嗟乎木鐸  
稀微言寢息世道沿忽吾道隨之隱顯一脉微微不  
絕如綠秦楚燔燼靈漢歟燼餘三國鼎分隋唐夷集五  
季之衰壤亂極矣天運好還道不終窮必有言而為  
經行而為法不河而西不洛而書續千載道統之緒  
故六經性命之源者此若周元公是也常上畫本極

八瀛漢志卷之七下 三十五

一圖以授二程示大勿之妙揭二五之精化化生  
而無窮者天道焉地道焉人道焉何也男女一陰陽  
吾心一太極也散之一本而萬殊歛之萬殊而一本  
即吾夫子之一貫弟子之一位可以默契而不可以  
語索可以神領而不可以聲傳此之謂見道之真此  
之謂心與道一自非一程親受道學之傳以興起斯文  
為已任則白晝而長夜者何自而明哉此有功於天  
地有功於生民宜其過化之地有祠而奉之也歲久  
既沒景泰四年癸酉實潤平郡之明年即其故址增  
闢而為之更所以其傳諸賢從祀學宮明時之

通制也嗚呼慨先傳之既遠歎妙指之常新則茲祠之達思其人尊其道庶幾有所感發焉者濶之期望深矣故為之記

重作書院記成化三年

葉盛

嗚呼周先生之道孔子之道也斯道也原於天命具於人心非伏羲神農黃帝堯舜禹湯文武之聖無以行斯道於時以濟生民非孔子之聖無以明斯道於書以俟萬世夫天豈不歆斯道之常行於世以為生民無窮之幸哉顧勢則有不能耳世不恒然而天之心則無時而不然故孔子既往千五百年之久復有

鳳鳴溪志卷之七下

十六

周先生者出而斯道之傳不絕而復續使時君世主動以伏羲神農黃帝堯舜禹湯文武之道為準則為帝為王迭為進退而斯世斯民延頸想望至治之如古昔盛時而不至於糜爛之極蓋亦非偶然之故矣觀夫孔子之言槩在六經蔑以尚矣而鄒孟氏者聞而知之自擬私淑其為言曰性善曰義利而前聖之道為愈明周先生生平孔孟絕學之後乃以卑官辱寓南安當時有程响氏獨能識先生而令二子師之是為河南而程先生父子兄弟師友之問淵源流派耳聞目見以傳手授而其為書則曰太極曰通書曰

易傳諸書發揮天人之蘊開示學者身心用功之所其推明前聖之道為益切所謂天地不悖鬼神無疑考前聖而不謬俟後聖而不惑者至于今人知有孔氏伏羲神農黃帝堯舜禹湯文武之道的然如見可舉而行此天之愛生民其心固如是而必於孟子周程焉屬之詎不然歟南安之有道源書院肇於宋乾道乙酉郭見義所創三先生祠自是以來終宋迄元其間嚮慕之士如江丞相萬里輩皆有興復之盛復久而廢國初更為大庾縣學學有祠後學華而復廢景泰中郡人雖有復祠之舉未備也成化紀元之初南安知府前刑科給事中桐城姚旭大庾縣知縣前歷應城新塗兩縣吳郡夏璣皆以進士高科服官有年而出牧于此曰吾徒先務之大有如邦先賢三先生宜不得而緩乃相與捐俸躬為募率得好義士民若干人協力一心重作道源書院於舊祠之後榜其楹曰景行之堂藏書其中以待來學前鑿巨石為光風霽月亭仍別為一室載植理皇當日親柴賜額之碑而又有周垣之固重闕之嚴也書來圖狀與俱而屬記於盛且曰故縣學弟子員弁入南安學密通書院尤碩開所以教諸生者意盛愚何人而敢有言

鳳鳴溪志卷之七下

二十七

於三先生者乎雖然三先生不作又幾五百年矣而  
三先生之遺書不亡而存諸君有不聞而誦習之手  
志伊尹之所志學顏淵之所學此固周先生之言也  
一命之士苟存心於愛物於人必有所濟此程伯子  
之言是亦叔子之言而已爾士無志則已苟志於道  
必也終其身服膺乎三先生之言以篤行乎三先生  
之道庶幾有以副乎今日興復是舉之盛心而為無  
負乎方今明盛之時

府治後廳東吟風弄月臺記 成化十七年張 弼

周濂溪先生為南安軍司理時適程大中為通判因

濂溪志卷之七下

十一

遺明道伊川二子從學而卒有得焉以絀往聖開來  
學而垂萬世太平之術故南安府有道源書院於學  
宮之傍而足以表著之矣然昔之軍治即今之府治  
三子之冠容與於斯者非一日階堦堂序尚遺舊址  
流風遺韻未盡泯滅後人朝夕於斯寧無感觸而景  
仰乎故因府治內廢臺刊除草木甃砌而屋之而額  
之曰吟風弄月臺蓋以當時所記濂溪志趣高遠  
常自吟風弄月程子亦云自見周茂叔後吟風弄月  
以歸有吾與點也之意可見襟懷同一灑落不可以  
勢利拘也或謂周子政事精絕程子為政上下響應

使過焉則伊周不足多舍此不及而乃表其吟風弄

月將與騷人墨客流連光景者同科耶噫難言也子

路輩咸欲得國而治之孔子獨與浴沂風雩之點將

無意於用世澤物者耶是難言也殆以人欲淨盡天

理流行隨處充滿則隨事順應斯與天地同心而萬

物一體也即吟風弄月者舉一端而全體以著大用

以該所以安百姓育萬物者實不外是其為政精絕

上下響應吟弄之一致耶流連光景者似若彷彿其

致天壤矣噫是誠難言也非淺陋所可窺也姑書成

語揭之於臺天下後世必自有真識者在謹銘之曰

濂溪志卷之七下

十九

周程有臺永鎮茲府登勿乘輿燕勿歌舞先哲之遺

孰敢戲侮圖書左右風月今古曰敬曰誠關我門戶

澤物洗冤昭哉仁武通追仁武斯民父母庶克事天

弗愧守土

復興書院記 弘治十五年

謝 鐸

南安守天台盧君濬既興復道源書院而以書來告

於鐸曰南安故濂溪先生周公之士國實二程先生

所從以受學之地也蓋宋慶曆中先生嘗為南安司

理二程之父大中公適倅于茲知其為知道者因與

之交且使二子往受學焉即所謂每尋仲尼顏子樂

處而吟風弄月以歸者也。自渡以來凡先生宦遊所至若洪若韶若邵若江州皆有祠以尊奉之。况南安所謂道源書院之榜實理宗御書以賜額得而後之哉。惟我

國朝益崇正學先是若姚守旭筆雖嘗更新而歲久寢壞弘治庚申徙祀于水越明年濬移守自黃大懼弗稱又明年乃圖興使因白于提學副使錫山邵公國賢議以克合遂經始于今年甲子之春至仲夏而成祠凡四楹先生南向二程先生左右列以侑焉祠之後為景行堂其前為光風霽月亭亭之前為大門取

瀘溪志卷之七下

二十一

故御榜而揭之。祝學公謂不可無一言以紀成績因屬濬以請嗟夫先生之道高矣美矣豈予末小子之所敢知然竊嘗究觀儒先之說抑不敢謂無志於其梗槩之萬一者蓋先生道本天畀學匪師傳著作圖書闡發精蘊體用一源隱顯無間上接洙泗千載之統下啓河洛百世之傳脉絡分明規模宏遠遂使孔孟之後斯道再明如日中天如水行地所謂歷選諸儒授受之次以論其興復開創汎掃平一之功誠未有高焉者也。由是而觀先生之道實天下之所共仰百世之所當祀者蓋嘗秩之孔廟與天地相終始矣

夫豈區區一方之仕國所得而尊之哉。性觀其去思之蹟仰其過化之神則所以致其尊奉之誠自有不能自己者耳。辟之指日窺天鑿地得水而謂天與水其專在是夫豈可哉。雖然秩在廟祀固天下百世之所共守而仕國之祀則實繫乎守土之人否則先生宦遊所至豈值南安哉。豈直所謂若洪若邵若韶若江州者哉。於是益足以見盧君之賢若乃力取先生之遺言探討服行而不為異端俗學之所疑誤則又祝學公之責而鐸寫亦須有愧焉者也。又豈直一書院之興復稿名文字之末而已哉。

瀘溪志卷之七下

二十一

重脩吟風弄月臺記 正德十六年 黃 芳

南安邵治東有臺曰吟風弄月。志周程授受之地也。周程大賢也。賢者所過有遺思焉。即其地昭其迹。表賢以寓教司牧者之所先也。四字檄程子語。程蓋假物象以狀有道者心境融徹而吾雍容其間。倡醇字洽。若有遇焉。故爾非流連光景之謂也。夫心本澄湛清之乃汗汗則障闔不通。湛則汎然與太虛為體。與太虛為體。故能同於物。同於物。故能隨寓以遂其樂。而無間焉。學而至於樂。學之極也。孔顏所樂何事。惟周程知之。周子曰。見其大則心泰。心泰則不足程

子曰金革百萬與飲水曲肱一也皆身其事而形諸  
言者也匪風其清匪月其明神和意閑天君內際隆  
汚異寓動止咸定非深於造詣而遽語此味則將以  
適然之感而指為耽玩之所安也嗚呼遠哉後人登  
憇斯臺緬懷往躅深行勵標洞啓靈秘無以情撓無  
以慾昏沉潛優游不懈益致則斯樂可幾矣蓋成於  
前即守張弼歲久圯敝今守南海何侯文邦始視事  
輒構材新之是誠知所先者何侯歷官中外以政績  
聞茲試端倪未究底衷既訖工屬芳為記且曰文須  
與政閑予以清心體道為立政之本僭繹其義觀者  
或罪子姦測所不收辭

濠溪志卷之七下

二十三

永明縣仰濂祠記

汝陽趙賢題

周元公濂溪先生道州營道人今永明為道州屬邑  
志稱古營道地云歲甲戌余觀民至道州謁先生祠  
下讀朱文公記先生事郁乎詳哉乃永明令何守拙  
則進而請曰先生里居去邑甚通而邑人又多先生  
族亂邑中又有先生則嘗游覽之處焉得無專祠祀  
先生如州也邑庠之旁有浮屠氏廢宮請即其地建  
仰濂祠以係人之思余曰可哉久之祠成乃問記余  
曰此禮也孔門記之美記曰釋奠必有合有國故則  
否所謂合者釋奠先師合鄰國而祀之也國故者國  
之昔人可以為師有是人則不必遠取合祀也於乎  
先王之制遠人情矣古者仕不出國其政與教皆國  
人耳目所親聞取其等堂睹聞之人以為之師則政  
教之成意未墜揭其所尊信而示之範本其所素習  
而要其成此先王之教所以易行而政易舉也後世  
則不然仕者既遠於其國而所仕之國或有國故可  
師者又不即諸省舉以從祀則博士諸生何所瞻效  
也乃今永明有仰濂祠非即古者祀國故之意邪先  
生挺起春陵紹孟氏之絕學開宋代之文明漢以後  
千五百年儒者所僅見謂之國故誰云不宜夫既以

濠溪志卷之七

四十五

先生為國故則所仰之為師究心先生之學豈徒  
 飾剽獵乎國故之名以為邑庠之先乃于政與教無  
 闕哉然先生嘗令桂陽矣判永州邵州矣三任在某  
 域與古之仕于國者不甚異而其政與教不獨載之  
 往牒為有司與諸生所睹聞也即田疇間姑與僅市  
 販以莫不頌說先生而敬慕焉乃有司與諸生或假  
 設割獵不能究心先生之學而徒以俎豆事先生則  
 不惟無政與教且先生辱矣不將為田疇間婦與陸  
 市販所嘗議乎詩曰高山仰止景行行止太史公述  
 以贊孔子而紺之曰雖不能至心竊嚮往之夫心嚮  
 嚮往而不舉足登焉徒仰耳仰燕者亦在乎勉之而  
 已相經始于萬曆三年三月其年十月落成記作于  
 三年正月

重建濂溪周先生祠堂記萬曆壬辰

北地李慎都御史

道州古管地濂溪周先生產也余撫填思偏楚澤得  
 至其地一展謁迹先生之遺風麓風日之陽慕乃地越  
 在三湘九疑遠解公往竊計款正人心當明道術款  
 明道術當崇真儒即余下郡國徵求古哲近世道德  
 功業士孰如先生者亟下檄問先生祠郡守李發報  
 曰先生舊祠在濂溪溪上代建代燬嘉靖辛卯新之

濂溪志卷之七

三十一

而今火矣道屋數楹雜榛棘中祀事未稱乞新之頌  
 材無所出余手狀瞿然起曰先生祀可火哉明祀不  
 崇世教不立時余之辜此豈余得徵先生靈使得稍  
 效門墻後哉徵所司亟治不則地費滋廣所司欣然  
 成之奉計畫聚方材日勤匠石攻之期月乃成崇二  
 三大夫謂余當記記曰夫大道甚夷窳言無當秦燼  
 後學者爭鶩多狎閭談辯益馳爭益熾鴻儒走上麓  
 為空虛使人蕩而無歸先生崛起千載後超然妙悟  
 著書立言主靜示本無欲示要尋孔顏樂處示程契  
 象月岩濯纓瀟水愛蓮取德喜拙矯俗襟懷光躡心



學伊願實學彰彰卒令伊洛得循遺教延於今高邁  
夫世之談叢辨圓者余謂心教有悟不悟而身教無  
悟無半不悟先生甫二十仕分寧簿分寧久獄不決  
至即立決人驚稱曰老吏不如也今之士有能弱社  
蒞民一遇事即照徹始終立決如先生者乎司南安  
獄有囚法不當死轉運使王達苛治之先生力爭不  
得投手板去曰如此尚可仕乎今之士有能持三尺  
法不依阿如先生者乎嘗令柳柳守李初平知其賢  
薦之初平卒子幼先生曰吾事也遂護喪歸往來經  
理其家今之士有能義不背恩始終如先生者乎嘗  
宦邸一日暴死或檢骸篋無首毀倘死即棄棄無恨  
也今之上有能清脩屬節至不以死生貧寒動心如  
先生者乎由桂陽知南昌其富室大豪賅吏思少不  
獨以得罪令君為憂且以污穢善政為恥今之士有  
能化其民格其心至不忍汚善政如先生者乎凡此  
先生身教也是仁義中正見諸行事者也余以政事  
辨官材故不敢妄言玄遠之理始即先生見諸行者  
願諸大夫與二三有司日取而內度之曰某事當決  
某法當執某義無二心某義窮約不以利汚義某民  
未若訓取先生脩政化民者驗其成此余所為速願

崇祀意乎故性天之奧造化終始之微則在精義入  
神者當自游之非余言所竟嗟夫余少有志於道慕  
先生獨深先生道德承宇宙非以祠存不祠而熄者  
顧吾人在三之義安在古之式里懷崇非私其人也  
出吾不可氓城之真已爾春陵毓秀之卿先生長子  
孫以是後進之現法以是薦紳學士蒞茲土者登先  
生堂思先生道中無名教自振者乎此祠不不後  
也是役也凡因之五凡新之五舊祠中為堂堂五楹  
像先生其上左右為二程先生像與翰傳無居皆不  
燬仍其故稍新之其前為聖學源流坊旁為繼往開  
來坊悉重飾之相望若翼然門內仰濂接俯廡共五  
楹前為應門扁曰恩榮應門外為宋大儒第門規制  
視前稍廣門外甃石為道舟輓相映瑩華章昭輝崇  
勝云經始辛卯十月告成壬辰八月主之者為察政  
吳中傅副使張世科劉大武僉事徐學聚而永州府  
知府葉萬景同知張守剛推官林汝詔道州知州李  
發均有締造勞併記  
重脩濂溪書院碑記 萬曆壬辰 吳中傅 奉 改  
御史大夫北地李公來鎮三楚嚮意風教檄蒐濂溪  
先生故里命所司重飾之會先生書院災用守者議

舉而新之已復捐金以佐崇田費諸所為尊禮之典  
悉稱此屬余記之余惟周襄孔孟沒歷秦漢晉唐以  
及五季之間學士大夫往往各持所見以相勝彼卑  
卑者勿論即高明雋爽者流談各理則淪於清虛課  
事功則驚於術教工詰訓則斬於綴緝脩異同則矜  
於奇淫賢聖之道寢微幾不可攷見獨先生起而維  
之得不傳之秘於遺經而闡圖著書以窮理盡性之  
的昭示學者使有所遵循以適於正惟時二程氏颺  
起景附數傳而閩閩諸公始得修先聖之統茲其功  
用誠不在古之立功者下獨惟夫世儒未開道真喜

濠溪志卷之七

二十五

為異說其始不過一人臆見之私而究則群和競逐  
至舉世若狂然如近世有號大儒者論所樹立豈不  
卓然名世顧持論稍偏而學者遂宗信之不知岐路  
之分若者與素當自有辨之者此何為者也夫先生  
之道如揭日月而行天不為不尊且信于時矣猶然  
以他道雜之者蓋學術淆亂微衰世為然即極明盛  
行之際亦有之此無他意見易惑其勢便也公念先  
生之功如彼而又懼輒近代之人心如此故于先生  
之道力而衛之恐恐然若敵壘之為吾侵凡先生之  
廟院少有不稱崇奉意者悉更而拓焉蓋重其地

則先生尊先先生尊而先生之教益尊俾天下知正學  
有在為萬世斯文之主此固公加志意也顧公于先  
生靡獨尊崇之實允蹈之矣觀先生遺行謂其為政  
精密以洗冤澤物為任官南昌時篋錢不盈百今公  
之在楚也高日時難孜孜治理汰露祛蠹導利起教  
諸所注措未易備指其意直歌規末季於隆古之盛  
楚士民無不欣欣沾聞澤者真儒之效一可見於此  
矣且也躬先節約斥華茹澹即饒掖之士不礙於此  
而又力絕墨吏毋令為郡邑若倘先生所云無歎之  
旨非耶古云教應氣求蓋先生之學與造化為徒而

濠溪志卷之七

二十六

公與先生則心一而道同也不則胡為有契乎先生  
若是之深耶余因論次之以俟夫崇正學者采焉

一月巖亭記

李 發

濠溪周先生故里西十里許有山曰月巖蓋先生學  
靜玩其間者萬曆己丑秋八月分察熊公行部道州  
遊茲巖余與守戎彭君衛使孫君洪君王君翹君序  
士裴萬周四生從焉五君為余歷指其處見奇峰巖  
壁層崖削矗中為岩洞洞門東西通往來望之若城  
闕入其中則弘敞虛朗蒼蒼者出其上蓋巖空也空  
且圓如月之望離而東西視之又如月上下弦其增

咸陽後進退故呼為月岩然而太極陰陽動靜消  
長之理備是矣故世傳先生于茲悟焉而圖所由作  
余且觀且嘆蓋嘆其肖也徘徊久之不覺宵中冷然  
曠然似非在人世尋陟於岩之巔四顧峯巒羅掖下  
鮮雲灑氣之濛濛又飄飄乎意象俱融余復嘆曰佳  
哉若其宇內一靈區乎孫君曰岩固佳若中舊有瀟  
溪讀士亭峭石環壁盛夏無暑亭尤佳也前改遷于  
岩外之東南隅而中岩遂墟余乃購其遺址而諦視  
之感學之復倡懼名蹟之或湮仰止興懷亭焉可  
廢迺復聚材鳩工建四楹于其中仍綴數言以志先  
生之超悟以為有天管焉夫道無乎不有也非待月  
岩而始露也在天成象在地成形仰視俯察何者非  
道之攸寓第特者樛蔽者塞道與我始相間隔于是  
物自物惡能因物以見道乃若聖賢其心湛然無欲  
者也無欲故靜真境內融則機象外朗隨處俱徹則  
觸目皆道即池蓮亭草並發天趣而况月岩之竅焉  
者乎蓋無欲為豐本光風霽月為生機岩為幻相而  
圖為註得之心而洩之岩得之岩而洩之圖心也  
岩也圖也一也卦之於龍馬也疇之於神龜也圖之  
於月岩也亦一也天不愛道垂以象聖賢見道悟以

天瀟溪志卷之七

四十一

心神乎神乎而天因故之矣五君欣然曰若是乎岩  
之果為圖耶然余又有說焉卦卦至今在而龍馬不可  
睹矣疇至今在而神龜不可睹矣圖至今在而岩且  
與並不毀此其靈秀豈直為馬為龜哉假令先生未  
生圖未作遊茲岩者而試潛玩之也有能悟乎悟即  
不盡如圖而且別有解乎則豈槩之探奇選勝云哉  
四生亦欣然曰若是乎遊之益于學也是工也始於  
萬曆己丑秋八月二十日成于冬十月之望

遊月巖記

無錫顧憲成

瀟溪志卷之七

中上之九

予以歲之九月六日至桂陽越五日有永州之行行  
三日徑道州州大夫張四可氏出謁予為問訊瀟溪  
周先生故事大夫曰去州可四十里有岩相傳以為  
先生悟道處此一奇觀也予曰何如大夫曰志言岩  
形如圓廩中可容數萬東西兩門通道當洞之中而  
虛其頂自東望之如月上弦自西望之如月下弦自  
其中望之如月之望先生則之以畫太極圖云已悟  
彭將軍折菴氏語及之亦曰信予曰有是哉明日遂  
偕往既至歷岩而登下而就几少息焉徙倚四顧奇  
石森列滿壁而是眉睫之間變幻紛沓應接不暇即  
王子猷山陰道中不知有此否哲菴氏曰吾聞諸志

矣如走猓如伏犀如龜躡如鳳翔如龍蛇統統  
可謂筆端有畫予曰未盡也擬為之名卒不得其似  
而止遂與二君徐步而前就其中望之既圓且朗果  
如所言不謬予因笑謂曰今日望日也故因有此已  
轉而兩尋却而東所至輒佇立凝視遊相嗟賞已復  
登其巔忽見白雲數點冉冉從東而來望之可數里  
內外張君異之指其處呼予而謂曰是瀟溪先生故  
里也予聞之翩翩神王爾時覺得兩腋風生便欲乘  
雲而往攬崔纒之亭飲其泉一斛洗滌塵勞徐而從  
先生乞太極圖也為之徘徊者久之既而還坐其下  
左右存鴈鴈到輒盡主亦不勸客亦不辭清言疊出  
爾我俱失薄雨既收斜陽散下陶然相對細細漏懷  
與人竊竊從旁言暮矣弗問也從容謂二君樂乎張  
君曰當此之際不知胸中何物亦不知天地間更  
有何事彭君首肯曰如是如是二君還問予予曰亦  
復如是起而嘆曰美哉茲游也無物內礙忘矣無事  
外碍忘矣內外而忘瀟溪先生之所謂靜也昭昭乎  
進于太極矣吾儕偶爾寄適俯仰之頃意象欲如輒  
自有會心處何況先生乎其所得于茲若之助豈必  
哉雖謂則之以畫太極圖未為迂也昔子朱子疏大

學格物之義謂一草一水亦不可不理會王文成非  
之曰柰何舍內而徇外由今觀之何內何外何之為  
可以畫卦浴之龜可以叙疇天高地下萬物散殊若  
腐啖奇練歸神理人自為間隔耳文成殆激於世之  
舍內而徇外者發發吾于茲巖乎有悟也雖然悟之  
非難實有之為難今夫先生之稱主靜何也主者譬  
如家之有長國之有公侯天下之有君王不得一日  
而無非若羈旅之候來候去也吾儕幸徵頃史之概  
標奇討勝回視膠膠擾擾之鄉迥若仙凡以故情暢  
神怡灑然自適退而與膠膠擾擾者交卒亦歸于膠  
膠擾擾而已夫焉得而有之不惟是也吾與張君故  
生長吳越間去此四千里而餘彭君即楚產乎家故  
赤壁下去此亦二千里而餘生乎傾蓋先生如飢如  
渴一旦得游其處以故目君為之加明耳君為之加  
聰心若為之加爽假令朝於斯夕於斯取諸衣帶間  
而足且將狎焉故常漫不加省歎一幾希於灑然弗  
可得已雖日居其中與其膠膠擾擾之鄉何異然則  
向之所云靜者恐不特如吾三人之居之去茲若僅  
降二千里或四千里已也何謂悟於二君稱善誌  
索主靜之訣下而壁不香有頃曰其試問諸月岩遂

各盡一觴別去越七日還自永州籍其語而存之  
自省焉兼以遺二君是歲萬曆於伍年也

光霽亭記

是亭也在學宮之西右為濂溪先生祠蓋自學宮而  
上數武有樓樓之前有巨石登障高可三丈許廣倍  
之再轉而西古木輪菌森然林立逶迤而下一址為  
諫議祠先生父也祠不數武有亭翼如亭之中有石  
刻太極圖而頽其上曰味道余不知所自始然以余  
朔望視學瞻拜先生必郵是亭而博士諸生時時追  
隨相與講明太極載及拙賦愛蓮說低回留之幾不

濂溪志

世

能去庶幾羨嗚先生也者因憶黃山谷嘗言先生襟  
懷灑落如光風霽月有味我其言之也後於先生矣  
請庚而頽之則何若博士諸生進曰昔葉文莊重作  
先生書院于江州亦有是亭亦有是名乃當吾里而  
闕名亭也則惟大夫庶類之余小子辟席唯唯既而  
曰嘻有是我夫風與月天地間之不盡藏而人我之  
所共適者也何適非我何我非道是真儒之大見解  
而適得吾體者也先生之學以主靜為宗以無欲為  
入門欲淨理還歸曰天機夫惡知風月之在心乎夫  
惡知光霽之在風月乎我忘物而物忘適總之在先

生會心處耳學閔不敏叨守是邦日治程書不皇於  
吟弄乎何有然以俎豆事先生而不能挹其光霽者  
非夫也小子何敢諫焉既又進博士諸生而為之說  
曰若知先生之光霽乎先生居恒志尹學顏志即是學  
學即是志体用合一者也世儒耳視撰云光霽屢屢  
灑落在襟懷已耳不吊詭而離則鑿空而禪于先生  
有用之學槩乎未聞夫心何以光霽政何以非光霽  
則小子竊有以窺先生之學用不離體矣先生簿分  
宰理南安令桂陽判永州已遷尚書虞部即浮沈世  
跡是不一政而獄可立訊也手板可投道也洗冤澤  
物可為已任也富室大豪黠吏惡少可使更相告戒  
勿汗令君政也浸假而究先生之用志尹之志不虛  
矣余恐不知先生者岐心政而二之則晦翁狀先生  
為政精密有古人風者謂何學閔州守吏也在吏言  
吏政更端以為博士諸生告庶於先生之光霽觀其  
全云諸生樵然曰命之矣請書之光霽亭小子又辟  
席唯唯

銘

濂溪祠堂銘

郡丞臧宰伯

太極混成萬象包括通書簡明言行有法貫天地人  
獨見昭微成已成物大巧若拙學窮本原文字仰末  
吏隱州縣一意全活澤澤可入民究難達天生能模  
伊洛講切胡不假年禮樂諸葛嗚呼濂溪道無生滅  
卷前倚衡光風霽月

月巖辨

張喬松

道州月巖之勝甲于天下予聞而慕之久矣戊戌之  
之冬行部至州事竣遂往觀之遙望向東一巖空墜

儼覆高澗可二丈許白石璀璨謂之月巖形果肖矣

五十四

比入洞行數武見石壁峭立周遭圍窠上透天光宛  
如既望之月而西之一巖其穹窿儼覆與東岩埒同  
游諸彦指中空者謂予曰此月之望也指東西二岩  
謂予曰此月之上下弦也予亦信以為奇君身游廣  
寒清虛之府矣已而徘徊諦視清然悟曰此非月之  
望也亦非日之上下弦也蓋中之圓虛通天者非太  
極乎由東西二巖觀之非太極之動而生陽靜而生  
陰乎若畔溪流縈紆如帶而群峯轟轟森布於若之  
左右如屏如戟如甍如笏皆具五行之象非太極之

水火水金土乎此天地之太極不必假借不必點綴  
昭然在心目間可一覽而竟者州之聲名為道或者  
其原於此惟其含靈蒿粹秘而不洩積至有宋奎聚  
之朝周元公應運而生靜養是若之測超然神解作  
為太極一圖以續孔孟之緒是天地兆其象而元公  
啟其秘也寧非羲蓋禹疇觀河圖洛書而成文乎世  
之游者往往以月巖目之治未察乎若之真體矣子  
一因衣之為太極若後之連觀君子玩太極之象悟太  
極之理點會元公心法於千載之下未必不以予言  
為然也謹書之以俟

濂溪志卷之七下

五十五

粵稽至德之世政闕爾民醉、爾上如標枝下  
 如野鹿氣澤以敦俗養以樸何其拙也逮德下衰  
 從龐漸斲智故橫生辨騁于雕龍伎淫于身保上  
 以詞務文罔龍下下以變幻捷俗邀上何其巧也  
 巧與拙易孰而世道之污隆升降從之矣有道君  
 子所為高目隱伺云宋澧溪周先生判永州嘗作  
 拙賦後人懷德為建拙堂尸而祝之迄于今無敢  
 雲龍不佞備員茲土仗喻三載無一善狀高山仰  
 止竊有味乎斯言因區座右而申俾其說夫今天  
 下巧已極矣拙意漸滅我無餘矣一切吏治官履  
 士習民風何者不教于巧而待教于拙拙者真也  
 天也巧者偽也人也先正云人無巧不至惟天不  
 容偽是以國風罕駢于鳩鵲漢陰厲色于桔槔木  
 種后介志士甘之黃鼓脂韋識者鄙焉賦以德賊  
 吉凶定品校其旨嚴乎故嘗伏而思之藉令吏治  
 一拙則有悃愾無偽增官履拙則有恬雅無速化士  
 習拙則有開備無競進民風拙則有耕鑿無器訟  
 凡天下之父若子而拙則有孺慕無相夷兄若弟  
 而拙則有友愛與交瘳夫若婦而拙則有好合無

澧溪志卷之下

五十六

澧溪志卷之下

五十七

此離師若友而拙則有忠告與市交又推而廣之  
 以學術鳴而拙則有真詮與異教以事功鳴而拙  
 則有實際無虛偽以氣節鳴而拙則有慷慨無買  
 譽以文章鳴而拙則有體要無贅牙卑之至于賢  
 匪之輩胥吏之倫而拙則小道可觀掌故足據而  
 不承蓋不舞文嗚呼此正元公所謂天下拙百弊  
 絕者也休哉不可觀已永隸楚南傲蕪蠻尚鬼柳  
 司馬至概之八愚固多自託僮猶有古拙風乎而  
 元公則又鄉之大賢先達所為百世師也者雲龍  
 至愚極陋巧非質矣尤懼夫似拙而非也請得其  
 義以自警謹并論于有衆寧拙毋巧以無忘爾先  
 賢與繁提醒之意庶子日有改月有化賢見太  
 上之淳懿即夷齊夷魯不出一字中矣是為說  
 韓子邪曰嘗見世之巧者求名而名求利而利  
 投罔不合行罔不得心竊慕之至效焉而不得  
 其術則自恚其拙甚及觀元公拙賦則喜因托  
 以自解乃今復讀仰拙堂說益信夫巧不必慕  
 拙不必恚矣夫拙何足恚哉說云拙者天也巧  
 若人也任天而不任人所謂不失其赤子之心  
 也者拙之則大人矣元公通書曰誠神歟曰聖

人拙固近於誠也其聖切之本乎璞未雕也而  
瑚璉具焉絲未染也而文章出焉請堅守吾拙  
以從事兩夫子之教 道州知州韓子祁跋

仰拙堂跋

徐之孟 本府同知

夫拙難言也有性拙而移於習者有始拙而墮於  
終者有名拙而失其實者端凝者秉正儼通者病  
之木樸者率真寧望者拙焉簡靜者不快於任事  
恬夷者不聞於當途故夫拙之難也古執子則子  
白天下拙百弊絕昔人刺永作拙堂志美堦之思  
堂址今莫可考而餘風猶在哉長漢哇公題視

仰拙堂跋

五十八

事堂之後曰仰拙因為之說謂天下事非拙無所  
用之守吾一拙可了師帥事而尤拳拳望我士民  
修屬希一稟於拙有如然一切化巧諸調豈其天  
者而惟介介端樸恬簡是用典刑變誠無不可純  
風可移俗可易比屋即成化境永固周南國也追  
古化行俗美民淳事簡辨何從生晚季漸滅本末  
滋偽滋奸拙之賦其大有繫于中也凡我同心毋  
務近習失實而始終佩緹仰拙之說寧無負今日  
師帥之意不庶幾先正追古之道教乎願謂僚友  
何公肖竹劉公濟銘曰跋有遺指訪補之二公曰

兩公以言鳴拙我二人以無言守拙要於無失  
我亦桑庸何言

濂溪集序 嘉靖甲辰

漳浦王會 道州

會官大學時嘗得濂溪先生年譜一書為友人借  
去竟失之猶記題引者為張元禎氏云曾得周子  
大成書於其處缺其中年表一帙欲檢中秘書抄  
補之以史事嚴不及其所謂大成書者會迄未之  
見也癸卯歲拜道州之命意欲里家塾當必有之  
幸當獲觀其全既抵任拜先生祠下退而訪其嗣  
孫翰博緒麟求家傳遺書出濂溪遺芳集一冊相

濂溪集序

五十九

示荒雜不倫并年譜及先生述作亦備闕道因嘆  
公獻凋落當圖改刻乃復出年譜校本及搜錄諸  
文允若干會受歸而讀之其間又多訛脫乃謬以  
已意畧加考定而編次焉曰遺書曰事狀曰年譜  
曰歷代褒崇而賢士大夫先後表彰著在紀述者  
亦附錄之使後之人有考并圖其山川書院於卷  
首雖未能萃先生之大成然學者邇是而求焉亦  
可以得先生之大致矣因題曰濂溪集刻置書院  
以終文邦文獻之闕若乃先生之學則屬說通書  
固與論孟並行於世無待於斯而後傳矣



濂溪志卷之二

濂溪先生墓誌銘

南豐潘興嗣

吾友周茂叔博博願其先營道人曾祖諱從遠祖諱  
 智強皆不仕考諱輔成任賀州桂嶺縣令贈諫議大  
 夫君幼孤依舅氏龍圖閣學士卿珣以君有遠器愛  
 之如子龍圖公名子皆用博字因以博名君景祐中  
 奏補試博作監主簿授洪州分年縣簿君博學力行  
 遇事剛果有古人風衆口交稱之部使者以君為有  
 才奏舉君為軍司理參軍博連使以益一蒞下  
 吏無敢不君之講事不為屈因首手取諸  
 勅納之投効而遠為之改容復薦之移都令改桂  
 陽令皆有治績用薦者遷大理寺丞知洪州南昌縣  
 其為治精密嚴恕務盡道理民至今思之改太子中  
 書簽判覃恩改其部員外郎通判永州今上即位恩  
 改駕部趙公朴入參大政奏君為廣南東路轉運判  
 官稱其職遷度支部中提點本路刑獄君盡心職事  
 務在矜恕雖遠徭僻遠無不憚勞竟以此得疾懇請  
 郡符知南康軍未幾分司南京趙公朴復奏起君而  
 君疾已篤熙寧六年六月七日卒于九江郡之佐第

太平人羅君名斗字汝南家銅仁其先高安人何君  
 名守拙字子工簡州人三君者于風教同殷其不疏

事與民莫不稱良云余既謝病治農不與聞激揚事

乃為作頌頌曰道國甫南春泰陵顯顯月岩濂水樓田

之宮五星奠隕左身右龍縮結九疑羽翼祝融是曰

嶽降篤生元公逃邇精一近嗣中席炳幾握要無欲

為功施之公濤中實明通至理溢焉奚必外窮三綱

九法以叙以從既殊政戒亦異玄同關天開地如夜

斯賸啓程夫子如日斯中公鷹帝右汝里攸空後幾

百祀化為荆蓬孤承佛靈靈脫故最肉食者鄙時哉

是崇顯顯三君既為揚靈公既唱三君同風五峯

之栢三浴之松是斷是度是作是封荒忽奮對命朝

空落枚枚寢廟神罔時恫皇皇講堂趨者雍容春祀

秋嘗子孫撥振士者之來迺繹地宗斯文之起餘繁

餘隆匪自二君疇哉是功外無竄政內為道仲倬倬

礪礪頌辭匪匪且

賦

吟風弄月臺賦 成化十七年

蕭子鵬

緊斯理之沕穆兮賦我日天維斯道之顯晦兮  
 孰先與宣父之繼聖兮有願其質微濂溪之

殆泯厥傳慨餘緒之不續兮千五百年信授受之不  
偶兮維時適然彼道有川秀連衡據文運斯尚雄公  
有作淑德美以自潤兮純也無駭發精秘以示人兮  
恃也斯約匪光風霽月之迥潔兮曷擬襟度之灑落  
司理是州厥蘊孰覺匪太中之卓識兮將二子其烏  
託顧兩程之速肖兮真有得夫孔顏之所樂欣吟風  
弄月以式歸兮興有溢乎康廓邇厥源兮沫泗振洪  
波兮滙洛道有擴於前聖教允淑於來學茲按故治  
遺址既蕪搜餘蹟以存誌考格言而示謨載墨厥土  
載崇厥廬嗚呼江山如故風月不渝東至理兮孰與

瀟溪志卷之八

三

覺舍先哲兮吾誰徒覓林林而飲水試浴沂而風雩  
揆茲趣之各適蓋異世而同符光風霽月湛乎大虛  
吟風弄月樂其與俱本体斯具無外虧也隨處而充  
行以舒也以清以和一氣嘯也以明以澈纖翳祛也  
儕造物以共游藐勢利而不拘困與萬物而俱寂達  
與萬物而咸蘇庶乎特立以無我不知真樂之在吾  
卓有賢守率懷至德想過化以存神異漸民而有澤  
顧小子以式游獲登臺而再謁論誠立以明通斯  
虛而動直維俗無陋維賢是則安知斯土而非賢域  
命有景仰於風流不意心領而訣哉

辭

瀟溪辭

豫章黃庭堅

溪毛秀兮水清可飯羹兮濯纓不漁民利兮又何有  
於各絃琴兮觴酒為溪聲兮延五老以為壽蟬蛻塵  
埃兮玉雲自清德潺湲兮鑿澄明教介兮敦薄非青  
蘋白鷗兮誰與同樂津有舟兮池有蓮勝日兮與客  
就閑人聞擊音兮不知何處散髮醉高荷為蓋兮倚  
芙蓉以當妓霜清水冷兮舟着平沙八方同字兮雲  
月為家懷連城兮佩明月魚鳥親人兮野老同社而  
爭席白雲象頭兮與南山為伍非夫人攘臂兮誰予

瀟溪志卷之八

四

敢侮

度管川之修梁兮通其瀕而走西路平原之瀟也兮  
容飛蓋而並馳行將半於一舍兮折而涉于荒蹊林  
漸開而阜斷兮隱隱聞乎犬鷄亟引鞭而前望兮率  
或危而或茨逢翁問之奚所兮翁告予以瀟溪閩民  
氏而皆周兮本其系之為誰伊茂叔之故家兮自鼻  
祖而占茲後昆出於兵燹兮逢桓淪於牛衣詎先生  
之所復兮已乎莫之知也從先生之已遠兮曷慰乎  
我之思也雲山崑崙而崇崇兮豈范塵之安乎泉不激

原缺第五至八葉

詩

莫部

李大臨

簷前山門掩寒流  
日閒我亦忘機  
淡榮利喜為高  
淵松閣

范叔先生燕溪詩呈次元仁第

蘇軾

世俗嗔名實  
至人疑有無  
怒移水中蟹  
愛及屋上烏  
坐令此水  
先生俱先生  
本全德  
退乃一隅

因拋

因拋  
西山夫  
遂即世所知  
以為溪之呼

先生豈我輩  
造化乃其徒  
應同柳州柳  
聊使愚溪愚

山北紀行二首

予以辛巳閏三月二十七日罷南康郡四月

六日拜瀟溪先生書堂遺像子澄請為諸人

說大極圖義先生之曾孫正卿彥卿玄孫濤

為設席于光風霽月之亭 朱熹

北度石塘橋  
西訪瀟溪宅  
喬木無遺株  
虛堂唯四壁

法階德容  
睥睨薦寒流  
碧峯幸矣有斯人  
渾淪再

平生勞仰止  
今日登此堂  
願以圖象  
存賢之中凡

先生叙無言  
賦子涉泗滂  
神聽儻不遺  
惠我思

愛蓮

朱熹

聞道孩根玉  
非傍開花十丈  
是尋常月明  
露冷無人見  
獨為先生引  
此長

留題瀟溪書堂

度正

千載斯文儻  
可求暮春春  
服共行遊  
向人魚鳥都  
和樂滿眼  
溪山只恁幽

留題瀟溪書堂

度正

維莫之春  
萬象都望  
花尋柳過  
溪居一源  
流水元清  
絮幾片浮  
雲自卷舒  
獨對高山  
吟景行細  
看芳草訂

遺書可憐  
魚鳥渾無  
意相向欣  
欣總自如

瀟溪議行

睢陽魏嗣孫

分得蘆山水  
一溪瀟名萬  
古合照垂  
光風霽月  
依然

在肯與人  
間較盛衰

瀟溪雜詠二首

潘之定

當年太極  
揭為圖萬  
有皆生於  
一無動靜  
互根誰是  
主試於靜  
處下工夫

濯纓潭上  
少徜徉手  
把通書四  
十章除却  
誠通真誠  
復更無一  
事可商量

題瀟溪

天台林煥

我來濂溪拜夫子馬  
濂化詩草木皆清潔  
夫子德行萬古師  
坡云廉退乃  
一尚存室既樂賦  
以拙有溪何減名  
之愚水性本清  
江滿人心本善  
失則惡安得此  
泉變作天下雨  
飲者猶如夢之覺

題濂溪先生善堂二首

崇中行

有生同宇宙所欠好江山  
因自春陵上留居廬阜間  
斯文傳繫緒太極妙術環  
希聖誠何意懷哉伊顏  
出城三四里為首快遐觀  
頓覺市聲絕新從天宇寬  
康山書几淨溢清視泓寒  
一語愛蓮說庶埃百不干

謁元公祠

豫章熊昱 別集金事

菊天員南宮華祠官  
旃旆雲集碧琳堂  
構營演崇廟貌道傳伊洛  
宗師也蓮屋後青猶在  
庭草窓前翠木移不是先生  
心自得何由千載續歌斯

愛蓮亭

熊昱

淨有亭亭日媚人  
水生花草發天真  
圓圖翠葉團團  
象大極味方類類  
勻蕓蕾花開紅似  
綺於泥藕白如銀  
元公探贖心先得  
妙契除陽萬物春

愛蓮亭

建安黃仲芳 別集

園千十二俯清流  
霽月光風景趣  
為濂動水出銀  
泉

濕香浮書幌  
藕花秋圖傳  
太極探義書  
學究天人繼  
孔丘景行高  
山懷仰止  
斯文三復賴  
餘休

愛蓮亭

京口盛祥 道州

為愛軒亭瞰碧流  
花開香遠益清幽  
銀潢冷浸三更  
月翠蓋涼生九  
夏秋玩物適情  
探太極臨流體  
道英  
危丘高情雅况  
誰能識百世斯  
文仰未休

送周翰博學歸

淮南高毅 大學

齋書遠詔來京國  
內翰恭除拜

御筵太極一圖明  
至理仍孫千載紹  
前賢詩書繼業  
連  
昭代冠冕榮鄉  
屬妙年歸讀遺  
書思祖訓寸心  
應在

五雲邊

濂溪志卷之八

十三

贈周翰博學歸

豐城黃俊 檢討

濂溪有神烈祖  
挺生不由師傳  
默契道疑太極  
圖說  
手授二程通書  
文約道大義精  
誠立明通名宗  
範亭  
洪南令尹九江  
道鳴先風霽月  
庭草交青從祀  
孔廟  
道貫六經

聖朝崇德象賢  
嗣興勅封博士  
衣錦歸榮在朝  
卿士都  
門餞竹風飄衣  
袂御香馨馨光  
野樹嶽嶽耀洞  
庭輝  
和瞻美鳳凰景  
星箕承祖武勿  
失其誠爵位萬  
世炳

耀鏗詞

郡判官德公事訪梓鄰路也沂流赴局過渝州越三  
舍接巴川境自有泚泉佛寺儀舟進覽忽規榜詩乃  
推官之作喜誦讀訖本納于轉運公公復書重謝  
且曰頽刻一石若篆繼以短序尤荷厚意故存於詩  
後而命工刻石置寺之堂焉實嘉祐二年正月十五  
日云承奉即守太子中舍僉署合州軍事判官廳公  
事周惇實撰

仰州遷學釋菜文

惟夫子道高德厚教化無窮貫天地參而四時同  
上自國都下及州縣通立廟貌州守縣令春秋釋奠  
雖天子之尊入廟所祭行禮其重誠與天地參焉儒  
衣冠學道業者列室於廟朝夕瞻瞻春心言恭至德  
幾於顏氏之子者有之得其位施其澤及生民者代  
有之然夫子之宮可忽歟而郡守於惡地掩於衙門  
左獄右成獄喧整年悖順攝守州符嘗拜堂下楊汗  
沅管起而議遂得地東南高明協卜用舊增新不日  
成就彩章冕服儼坐有序諸生既集率僚告成謹以  
禮幣藻頌式陳明薦以充國公顏子配

維治平五年歲次戊申正月甲戌朔三日丙子朝奉  
即尚書駕部員外郎通判永州軍州兼管內勸農事

會稽韓陽湖使

欲知先哲川上夫都在通書太極圖道學源流宗孔  
孟師儒傳授賴程朱庭存芳草新生意像設光風舊  
範模天相斯文如彼起樞趨便擬作門徒

讀濂溪考亭二先生年譜二首

新會陳獻章

千年幾見南康老嘆息人間兩譜開但使乾坤留一  
緒聖賢去後聖賢來一語不遺無極老千言無倦考  
亭翁語道則同門路別教君何處竟高踪

謁元公

金陵沈鍾

此州故以道為名天降斯文乃誕生百里山環鍾間  
氣五星奎聚舉文明挽回有宋追三代合配宣尼奠  
兩楹志學伊顏真妙語迂疎頗解繁真情

東溪沈慶

觀風來謁廟獨上愛蓮亭池潔荷逾綠庭幽草自青  
道傳由默契圖著寓流形千載斯文章披雲觀紫星

咏濂溪圖學二首

餘姚王守仁

一竅誰將混沌開千年撲子道州來須知太極原  
極始信心非明鏡臺  
始信心非明鏡臺須知明鏡亦塵埃人人有個同心  
在莫向蒲團坐死灰

過萍鄉謁瀟溪祠二首

王守仁

木偶相沿恐未真  
清輝亦復禦衣襟  
簿書何屑乘田吏  
俎豆猶存畏墨民  
碧水蒼山俱過化  
光風霽月自傳神  
千年私淑心喪後  
下拜春祠薦渚蘋

曾向圖書識而真  
半生常自愧儒襟  
斯文久矣無先覺  
聖世今應有逸民  
一自支離乖學術  
競將雕剝費精神  
瞻依多少高山意  
水漫蓮池長綠蘋

題瀟溪

金華戚昂

一派瀟溪日夜流  
滔滔東逝幾時休  
須知此水同天地  
天地窮時是盡頭

瀟溪志卷之六

十五

瀟溪祠

郡人孟春教諭

我愛瀟溪水  
祠前晝夜流  
散分泉下眼  
聚向海東頭  
潦盡天光發  
煙消日色浮  
箇中含至理  
會得始無憂

謁周夫下

大籍言湮道失傳  
先生開道性諸天  
圖開太極追前聖  
教闡通書啓後賢  
庭草近慈春有色  
池蓮入味思無邊  
自從伊洛相承後  
文運亨嘉不計年

憶元公

郡人周縉 推官

荆楚何人獨禮名  
春陵周子應時生  
淵源道學由心得  
灑落襟懷共月明  
庭草翠深涵几席  
池蓮香逸

軒楹斯文仰德頌

一酌椒漿萬古情  
嗣孫周克 翰林

度越諸儒擅大名  
五星奎聚應期生  
遺容百世起瞻仰  
絕學千年賴闡明  
元宋褒封崇上爵  
孔顏從祀備東楹  
圖書包括天人蘊  
誰謂言詞不盡情

題月巖

周冕

宋家天子受周禪  
歷數相承逾百年  
乾德雍熙迨天聖  
端拱無為統緒傳  
五星奎聚文明兆  
我祖應期生  
營道求歌來遊於斯  
巖仰觀造化生成妙  
闡圖書書授二程  
千載絕學復發明

瀟溪志卷之六

十六

聖朝崇重恩  
禹後錫爵詞林  
奕世承我今幸  
接冥鴻翼登臨此境  
長興噴造際想像宛如昔  
百拜謹刊巖石誌

月巖  
郡人時忠舉人

一竅通大月  
出初除陽動靜  
兩椽糊元公  
契得於中理  
寫作先天太極圖

謁元公

金陵姚昂 水州府

衣冠整肅謁元公  
儼接光風巖月中  
庭草尚輔當日綠  
池蓮不改舊時紅  
斯文脈續無先覺  
見太極圖傳有大功  
聖代只今隆祀典  
春秋血食永無窮

愛蓮亭

元公亭上此登臨風月無遺亘古今讀罷先生愛蓮說方知當日愛蓮心

漁溪

漁溪人去遠溪水自常流飽滿來泉眼濛濛迴轉石頭烟開雲影見波靜日光浮真趣先生樂能忘身世憂

月岩

豪傑天生不等閑濂溪生近月巖山分明識破天理盡教歸太極間

斯文氣脉久湮沉幸有先生契道溪又泝月巖來感觸遂成千載不傳心

詞元公

昨日尋芳書院坡無邊風月景如何  
郡人趙宏慶東  
草依舊年來生意多

月巖

幾度來遊不厭頻洞天深處迥無塵  
郡人黃廷聘浙江  
河水片片花飛玉洞春自是六時懸萬象  
載御雙輪青青又遍元公草披拂東風見道真

又

並馬悠悠破紫烟千峰如隊級陰鞭崖前斷碣紛相向石上殘棋故宛然不是有光凝片月那從無始會先天苔花藉處頻搔首醞酒臨風憶昔賢

愛蓮亭

三山陳 品

說罷先生太極圖曲欄頻倚詠芙蓉翠雲美影秋波溢羅幃生香霽月初色借瓊瑤侵几淨光臨玉液瑩窓虛高風勝跡傳千載景仰令人思有餘

詞元公

先生號濂溪溪在先生前上源接洙泗下流及伊川  
寧遠李 敷進士  
藹藹不除草亭亭淨植蓮圖書意不盡風月永無邊

詞元公祠

蒼梧吳庭舉進士

三千里外想儀刑此日夜冠進廟庭剗道日孤餘寸綫聖言天遠袍遺絰光風霽月悠悠境芳草池蓮色色馨夜入先生尋樂處闌干十二夢魂清

和

弋陽方 瓊 州

一代元公萬代刑二程親炙得趨庭降生不是承天

意賴治安能契聖經風月當時無限趣圖書千古有餘馨  
濂溪溪上徘徊久真見源流徹底清

遊濂溪故里

漳浦王會道州太守

炎業道山峯嶙峋嘆絕下有洙水源伏行此蕩滌

三冬浮紫煙六月翻素雪冷冷滿洛川閑閑洒餘洲

我來遊其源千馬聊一榻坐石懼塵纓曠言懷往昔

又太極洞二首

四壁峻增一鑑圓盈虧異象總天然玄圖不自濂溪

老誰識園前有此園

其二

濂溪志卷之八

十九

弦分上下却能圓造化機緘不偶然坐到會心忘象

虞山花山鳥我同園

此故太守 王一川公題咏也公守道州在

世廟時值州有兵興之變公不肯殺降以媚備兵使者

自請投劾有南安軍置手版風州人至今德之尸祝

不絕云

題光霽亭

郡人李東芳

曲詩

先生襟度當年事亭構溪頭始自今地故虛明來

秀色池開芳潔映人心八窓風月無俱往一際

書自可尋前結儀刑渾不遠子明

愛蓮亭

慈溪錢源詩四首

昔見愛蓮說今登愛蓮亭愛蓮人已去池蓮有餘馨

濂溪

上流有洙泗下流有伊洛天不生此溪何由通脉絡

元公祠

元公祠宇接吾門一瓣心香日夜焚霽月光風趣無  
限吾生願得二平分

和程學沈公韻

一世文章百世名後生誰不仰先生圖推太極陰陽  
判道寓通書日月明流澤至今遺後嗣光風依舊滿

濂溪志卷之八

二十一

前楹使君經此祠堂下希聖希賢重有情

和學憲沈公韻

江華蔣灝舉人

宋室真儒獨擅名斯文後覺賴先生道宗孔孟源未

遠學啟程朱理自明一沼蓮香浮几席滿庭草色映

憲檀曾襟風月無窮趣企仰高山百世情

愛蓮亭

樟墩方良弼

自古花中有君子花中君子真清致玉井移來歲月

深獨得先生心所契先生端坐池亭上風月無邊有

餘味高情幸有二程知一笑香生傳萬世

謁元公

熊鋤印寶江西提



一脉瀟溪水中極天契符三聖後道冠四儒前  
庭謁初除草峯尋幾問遠略諧光霽在育筆未能傳

謁元公

廬陵陳鳳梧學憲

平生寤寐元公宅今日瞻依願始償千古圖書開鏡  
鑰兩楹俎豆近宮牆春風庭草悠悠綠秋月池蓮浹  
浹香一勾瀟溪溪上水敢將蘋藻薦芬芳

其二

愛蓮池下濯塵纓端拜儀形啓後生霽月光風平日  
夢高山流水此時情心傳正印還三古口授遺書有  
二程脩食一堂真不偶東南從此際文明

題月巖

瀟溪志卷之六

二十一

層崖峭直倚穹蒼洞口虛明月影藏兩畫陰陽分左  
右一閣太極奠中央天生勝境兼人迹地入瀟源是  
道鄉鳥韻花香三十里塵懷到此自能忘

又

月巖形勝聞天下五載南巡始一臨羸馬不辭山路  
險涼風還委午雲陰洞中掃石羅罇俎澗下流泉鼓  
瑟琴醉讀殘碑剔苔蘚瀟源圖象有遺音

又

春陵山水郡心賞獨悠然磴險疑無路巖虛更有天

團圓中似望上下兩如絃我欲尋源去風光正滿前

遊月巖

廬陵劉魁

好風為我啓行媒勝地登臨眼界開天地鑄成渾太  
極元公發秘淑漸來凌雲怪跡真奇絕列席豪華  
與陪鎮日徘徊光霽裏一團生意覺春回

遊月巖

餘姚徐愛

拔奇殊未厭澗谷披蕪莽擲崖陔穹洞中秋魄孤朗  
長消隨朔晦東西窺偃仰分明示太極陰陽始析兩  
哲人固先天肇物亦有象字畫魚鳥因圖書馬做  
元公自淡易證茲彌不問可以春陵壺仰配河洛壤

遊月巖

曹宏學王

混元無象亦無方鬼斧何年鑿六荒中宵分明環太  
極兩門彷彿辨陰陽人歸洞裏乾坤大天在山中歲  
月長坐玩玄機歸去晚滿林風葉濕衣裳

遊月巖次陳宗師韻

副孫綉麟翰林五

陳公乘暇遊佳境幸得追陪共一船澗谷春深花草  
茂洞巖秋冷霧煙陰馬蹄行跡供吟興鳥韻調歌奏  
瑟琴吾祖舊遊芳蹟在吟風弄月有餘音

斯巖名勝景至理出天然洞邃開雙戶虛明自一天  
仰觀圓似月側視宛如弦道妙乾坤象招招在目前

遊月巖次韻

使節尋遊自有媒，望中晴色片時開。  
兩弦窈窕月東西，掛一段光風。上下來石室，  
重輝斯道合人豪。再出吾陪徘徊未盡，  
賡吟興收拾詩囊滿載回。

詠瀟溪

郡人蔣天相

寒玉泠泠漾碧溪，天光雲影兩相宜。  
源頭一脉宗泚泗，派派千年塔洛伊。  
今古無窮明道體，往來端可沁詩脾。  
化機妙處誰能契，留與吾人仔細窺。

謁元公

毗陵丁致祥

天將啓文運，千彼五季衰。元公茲挺生，允矣開世奇。

瀟溪志卷之八

三十三

妙契羲畫前，作圖闢微辭。萬有天地間，範圍靡或遺。  
上續千聖傳，下為百世師。象牖刪述餘，瞻能分醇疵。

春陵故桑梓，祠廟江之消。意思自庭草，風韻亦連池。

載拜瞻儀容，光輝相見之。食報永來葉，端與斯文期。

謁瀟溪書院

顧璘

道喪餘千載，天南得異人。玄圖開太極，絕學指迷津。  
庭草長交翠，池蓮不斷春。詠歌風月下，瀟灑挹公神。

題月巖

顧璘

靈巖象唯月，盈昃巧為妍。正視圓影旁，分上下。龍開厓畔石，日轉殿中天。雕琢須神力，伊誰測帝先。

謁瀟溪祠

東第王紳

自從沫水分支遠，便到瀟溪接派流。欲向眼前尋樂處，  
直於山頂看源頭。一川風月誰當管，四面庭除草自幽。  
今日瓣香祠下拜，斯文天地共悠悠。

謁瀟溪祠

潯陽王汝賓

瀟溪去後圖書在天啓，斯文績正傳。溪水有靈還泣，  
翠山峯如待獨名。蓮古祠自真，郊原外精爽猶存草。  
色前千古人未裡，瘞玉徘徊溪上月光圓。

謁瀟溪草

上海陸深

元公祠裏碧溪深，故里新阡一逕陰。世有圖書傳正學，  
天將風月寄微音。山中佳氣為晴雨，草際浮光無古今。  
江漢自隨蘆嶽抱，高山燕起望洋心。

瀟溪志卷之八

三十四

題瀟溪交翠亭

徐城柳邦傑

瑤草階前翠色舒，四時春意盡吾廬。吟渠蹊徑多茅塞，  
也學先生不剪除。

謁元公

餘姚陳堯

勿魯徵言後，瀟溪正脉存。江山仍廟貌，風月自乾坤。  
強作門墻拜幾馬，刊欵僭號銘有拙。賦此意風能汝。

謁濂溪先生祠漫述所見

鄧雲霄

無極還居太極先  
濂溪妙義更誰傳  
閒中到處堪尋樂  
象外忘機豈隨禪  
霖月臨窓生綠草  
光風吹沼放紅蓮  
君看吟弄綠何事  
吾欲求之未發前

遊月岩次錢培垣太守韻

族孫進士周淑永明人

星聚奎垣屬卯丁  
儒先曾此闢文明  
一園虛敞乾坤影  
雙闕高懸上下星  
劃出圖書低二酉  
謀求風雨壓層城  
標題更有名篇在  
谷口千秋紫氣橫

謁濂溪祠

慈縣顏鯨

先生崛起十年後  
我後先生五百年  
風月人間幾光霽  
濂溪流漾碧涵虛  
妍春庭瑞草滿前  
綠玉淵金井生瑞  
蓮分明天地有至  
教仁體流行無間  
然萬物本來倫於  
我聖學玄微誰的  
傳人心靜履妙元  
化太空孤月澄百  
川有無之間是真  
覺鐘臺郭猶塵塗  
春陵先生包羲氏  
作聖一要開先天  
浮生已踰五十載  
忘緒忽忽真堪憐  
偶過祠下存明藻  
愧汗流如泉不觀  
斷臂面壁者異氏  
苦行何獨堅身亦  
傑冠號男下靈臺  
又曠其拘纏後今  
一洗欲根淨邪宇  
澄明希昔賢

遊故里

溪流曲曲抱平村  
父老猶傳故里門  
四面佳山如立壁  
一川霽月尚盈軒  
野橋烟樹曾遊釣  
鄒嶂昌平共俎尊  
為叩道源來特地  
石基芳草兩忘言

遊月巖

混沌一發自天來  
參兩分明此地開  
天亦久知人世固  
直幾端有化工  
鼓盈虛弦望猶  
斤服則靜空明  
聖胎獨有春陵神  
解後乾坤無處不  
春堂

愛蓮亭

靈陵

蓮有花紅白池無水淺深何人千載下獨契元公心

謁瀟溪先生故里祠

長洲張勉學

溪上懸明月年年草色深山川鄒魯脉姐豆歲時心

水絮纓誰濯亭虛風自唫拜瞻猶未已瀟灑襲塵襟

題月巖

胡來月巖遊恍疑到城關天門一竅通洞口雙峯揭

足時值秋半高天桂明月巖虛因月勝月白為巖發

明晦分西東虛實異凸凹乾坤俯仰間萬象聯毫髮

圖書開端倪天然謝剞劂獨對合子心忘言坐超忽

題瀟溪

揭陽吳繼喬

瀟溪志卷之八

三十九

江縣

蚤向圖書歎望洋崇更寒暑費消詳如今天假瀟湘

便直邇瀟源日未央

題月巖

巖裏清光總舊時高風千載動遐思焚香百拜心無

限陟降猶疑公在茲

遊月巖

莆田戴科

月巖迥在道山隈象月成形亦異哉上下如弦雙闕

曜中心似望一輪回拳拳有樹長生色皎潔無雲更

絕埃歸騎清宵穿桂影分明身向廣寒來

又題月巖

吾道包涵天地外真踐滿世此山隅巖形彷彿先天

象月影依稀太極圖定靜絕無塵俗累虛明時與道

心符發輝此聖周夫子繼往開來萬古儒

大極巖

章

直機盡道洩圖書地闢誰知此與俱不得元公天授

力疇將操子構宏區

遊月巖同黃侍御二首

汝陽趙

賢

連日愁陰雨乍晴亦喜人山中春色好巖上月華新

座有同門客各高侍從臣聊為俯揆會從席覺情親

到裏尋佳勝無如此地偏蒼崖騎作兩白書月生天

瀟溪志卷之八

三十九

洞口重門敞山腰一徑懸瀟溪書屋在圖說至今傳

故里二首

營道多幽林月巖最奇特行行十里許中有瀟溪宅

暮春風月佳彷彿臨光霽牙嶺間龍山徘徊復忘去

遊月巖

婺源盧仲佃

瀟湘景深處月陰洞門偏青剗三山竅虛開半壁天

圖書言外落魚鳥鏡中懸未詳庭前草千年道不傳

故里二首

巖煙九朵青月影半巖白窓草覆池蓮不是談玄宅

風月滿空巖孔頗真樂處有懷無極翁微徇不能去

懷元公四首

一去瀟溪五百年先生此日在先天  
苦從底冊尋形影終是批糠洗不乾

四十年來夢道州瀟湘深處一相求  
眼中尋見周濂叔窓草池邊萬古悠

草在空庭蓬在池風清月白兩相知  
眼前都是尋常事看得清時真仲尼

蓮未生時風未吟草無青色月無陰  
此中自有周夫子分付吾人仔細尋

謝故里詞

泗明管大勳 李憲

瀟溪志卷之八

三十一

詩

春陵千載毓真儒一泓清溪接泗洙  
誰道炎荒無聖脉九疑山畔有皇虞

儒先宅里道山阿碧嶂重重淑氣多  
池上玉蓮香不斷庭前青翠故交加

肅肅祠堂赫兩山五星羅列繞田間  
邀尋風月依然在更有何人樂孔顏

米顛溪上薦元公頃刻如從光霽中  
無欲一言真秘訣慚予偏為利名籠

詠聖脉泉二首

瀟溪水清且激混混發泉潺湲出白石  
飛洒元白

聖受來淵停還向靜中得一從伊洛分支流至今海

宇叔餘澤任教世俗蕩塵氛惟有此溪長不息  
瀟溪水清且深一鑑渾無滓徹底空人心千年俗學

誰為洗泓泓嫡派流古今顧予淵俗茫茫者竭米踪  
跡傷帶露幾從山下迷津問安得此水清煩襟

月巖

兩儀至理泐先天巖實中虛元  
象洪濛初啓總無傳分明劃出  
漫擬斜看上下弦欲向元公問消息  
光風

遊月巖

李昌閔應靈 本所

瀟溪志卷之八

三十一

詩

中天太極遠還見兩竅陰陽空復明天造地設此奇

境月形弦望誰擬評理窟百年淑後學道源千載仰  
前英洞府山靈欲招隱雲軒風騰趨去程

出月巖途中口占

朱應辰 本所

天不離乎地地不離乎天天地不相離日星亦相連  
月巖太陰精弦望皆週全象阜列星宿雲霞障其

造物露天巧不知幻何年聚奎兆文明復推曲刃  
篤生周夫子悟道月巖巔太極洩玄秘斯道類之傳

二程自北來風月故無違吟弄一以歸閑閑遂翻然  
孟氏千載後瀟溪功無虧嗟予生也晚來此徘徊

徘徊不能六比意良港港

出元公故里直風月

瞻拜元公故里途中風月無邊愧無弄吟佳興也有  
登眺風緣

宿光祿樓見新月

春陵見初月光霽一番新雖是瀛溪里慚非弄月人  
春陵詩贈元公宗齊翰博賢齋君歸道州

臨武節朝節

明正不復想東日周家學脉山之東六經刪述香壇  
上萬世可以開群蒙已知迷肖見羽翼七篇矯矯真

鳳嶺山志卷之六

三十二

豪雄從前治運有消歇要人海岱恢儒風一源洙泗  
忽斷絕日月晦蝕長夜同諸家橫議作鬼語漢儒訓  
詰徒能工更求詞藝闕濼縉往往窺入儒林中其間

一二亦超卓頗窺正緒收微功非學見解只影響于  
年那許真詮融中州以南說吾楚洞庭雲夢涵虛空  
元氣磅礴五峯頂瀟溪直與瀟湘通襄初神物久高

闕天豈終遠斯文墜五星奎聚有徵兆春陵一日生

人龍圖行太極揭宇宙三才萬象宣鴻濛六經以後  
談著述通書妙義天人窮文章簡勁存渾噩寥寥家泉

足該幽崇大儒未用發浩歎誰從載籍瞻儀容嗟予

生晚數百載鄉人尚愧尋且伺頻年學道恥知識異  
時何以酬蒼寧先生後裔雅馴者延賞

新命君恩洪都門遠見儼舊德理把贈情偏漫月最  
風月無邊在他年會訪春陵翁

遊月巖

涇州李發

勝地千年始縱遊元公道岸望中收一圓窸月書空  
湧兩洞光風接露浮真境舍心非外得山靈呈象若  
天留徘徊不盡無邊景坐對清壺興轉悠

再遊月巖

大道元從太極甄分明混開洩天真兩巖進退窺弦  
望一竅虛明渾化鈞河洛未開原萬象魯鄒沒後絕

鳳嶺山志卷之六

三十三

無循悠悠千古不傳秘賴有先生獨指津

味道亭

曾慨言渾學晦時道中真味幾人知一腔真趣獨能  
會千古心源續有期溪畔風聲吟不盡江門月色照  
還奇孔顏樂處今何覓靜玩亭中意迥夷

謁瀟溪先生書院祠

憶昔當時慶裡真采芳茲幸薦青蘋古今上下三千  
載瀟洛閑閑四五人有道乾坤仍不老無邊風月自  
常新我來款一闌書秘直探直儒默契因

月到月巖

黃文升

月巖巖上月團團對照人間玉宇寒如會一機攷上  
下滿天光景屬誰看

月巖

邢應文

峭壁何年巖巖中虛一竅通虧盈呈月象仰止見天工  
石乳垂陰洞嵐光散晴銜為尋千古迹巖草自尤兀

濯纓亭

趙海

何方尋勝景此地有幽潺濯纓憑誰共軒開盡日閒  
寫魚俱自適風月覺相閑坐久塵襟淨陶然忘性還

月巖

謝賦

瀟溪志卷之

三十六

月巖之月何太奇洞門雙關白雲垂巖虛乍見潭幾  
望礫轉迴看倏已虧疑是靈鏡蹲惟石實多僂怪鬱  
寒枝塵襟到此都忘却猶有光風似舊時

謁元公祠

廖朝高

遺象森森孔廟同我未瞻拜每從客蓮開池畔自生  
意圖關先天妙化工無款一言呈秘訣吉函兩路啓  
滕隴先生指點千年後都在光風霽月中

遊月巖

內江吳能進

謾傳月窟杳重玄此地尋游恍洞天正視頂虛光似  
鏡側看影轉巧如孩一九秘透洪濛殿幾書圖成太

極篇識得當年吟弄處自家刺有滿腔圓

鍾灑

內江吳能進

文獻名居傍聖泉、泓清孤鶴雲烟消消噴玉饒庭  
草細細飛甍簷畫遠山直聳翠微階有木亭閒風月樂  
無邊元公逸趣源頭遠幾度豪華遊茂愛蓮

天開太極

吳平張喬松

太極陰陽其本體如何認作月岩遊予今識得乾坤  
意混此初開為道謀

光霽亭

周官

平生希慕濂溪子今日何緣得及門風月無邊圖  
已頭乾坤有象道逾尊故岳主靜立人極識破支

瀟溪志卷之

三十七

雜華聖言幾看蓮池發長綠漫從童冠說淵源

愛蓮

王湛

一味清香自太華滿池綠水映明霞惟公獨得蓮中  
趣不減峰頭十大花

又

世間畫愛牡丹花籬菊陶潛隱若家獨有清蓮似君  
子先生垂愛意偏奢

味道亭

大道貞明麗太空祇緣多特克塵蒙先生默契鳴猿

始至理潭歸太極中  
春陵懸露月人文楚漢際  
光風何當末學沾私淑  
統應推第一功

遊月巖

千古月巖潭是道何人  
向此間求先生烈於巖中  
意因有先天太極圖

又

月巖又畔構斯亭瞻仰於  
今具典刑不是圖書覺來  
學古今長夜幾時醒

次張憲副韻

昔面圖書窺象體今登巖  
月壯神遊乾坤萬古無他

漁溪志卷之六

道只在人心一竅謀

讀月巖辨

湖湖韓子祁進州刺史

偶探月窟見天根造設

十鬼斧痕一極虧盈分

動靜五星攢布自乾坤伏

名久失山靈意卓悟如

登茂以門千古廣寒宮重

夢却如長夜登朝啟

題太極巖

圖開混沌漏先天太極陰

陽五氣全道本無形昭

有象人從假號失真詮已

先河洛呈靈秘不用職

衡測運旋欲問元公心得

虛想於個裏會義玄

謁周元公

海虞魏遠道  
通州  
大年

溪上官牆異代詩每因風月憶前脩千年絕學開河

洛萬古斯文接魯鄒草色尚餘庭下綠蓮香如向座

中浮于今始遂龍門頌不是當年紙上求

癸卯春日借君守功賢程王二僚友同游月巖

即景

帝子何年遺六丁鑿開混沌自空明上清宮闕依稀

見太極儀形次第呈飄忽乳泉晴作雨瓊瓏石竇鐵

為城酒酣兩部笙歌沸洞口蒼茫落照橫

初夏同劉寶慶再游月岩仍用前韻

忽報兩郊雨乍晴可人時節又朱明虧盈月向園中

照上下弦定春口是狂興幸追劉禹錫驚人誰挾謝

宣城名若不厭煩登眺醉倚蒼蒼劔氣橫

謁周元公祠次鐵五卿韻

呂維樞通州

霽月光風此處帝聖泉深處事潛脩誰云一派傳神

穆直是千年後靈巖太極岩前春草碧五星亭畔紫

烟浮登堂若睹先生面好把圖書仔細求

故里

董汝第

茂叔祠堂垂令名五星環聚自天成一園收盡乾坤

趣千載猶餘風月情廟貌嵯峨崇祀典圖書世澤衍

家殷靜中生息在馥馥蓮香庭草菁



遊月巖 五言

瀛洲希曾王之一

為謁元公里因探月窟奇虛靈涵象數俯仰識盈虧  
混沌誰開竅淵源自泝師一從圖太極曠世見包羲

又七言

一竅空明如鏡圓哲人曾此契先天玲瓏彷彿圍  
團象偃仰依稀晦朔弦也結雲根穿石壁天將月窟  
嵌峰巔登臨擬傍清虛闕兩腋風生爽氣偏

遊月巖 五言古風一首

河內許宗曾

緩轡春陵西迢巡瀟水渡翼趨茂叔堂宛挹光風趣  
爰披太極圖誰授先天數咄彼蒼崖嶙峋風雨妬中涵  
一竅靈至寶神訶護如缺復如盈光寒瑩練素是鑿混  
沌精乾坤此陶鑄烟烟洞天冥與哲人悟俯仰游太虛  
掛狗起遐慕對茲崑月奇幸有德星聚雲岑掛夕陽  
好鳥鳴高樹安得曾陽戈一揮使日駐遲遲歌詠歸  
漫踏蒼苔路

又七言

誰鑿靈巖一竅通分明千古破鴻濛哲人自悟羲  
皇訣大塊偏呈造化工青壁遠卸銀漢關紫烟深鎖  
玉虛宮到來身際蓬壺境縹緲天香兩腋風

咏光霽亭

咸寧孟養浩 體科 中

鴻濛竅剖抉先天象罔珠探理學淵吹累千年風  
自拂無雲萬里月長圓看未留草窓前忘絕似拈  
花教外傳光景遍陳湏認取淤泥何處不生蓮

又

光風霽月兩悠悠溪畔潺湲萬古流悟後陰陽收  
郭几靜時花草是羲疇氤氳元氣虛中合掩映中  
襟物外浮我亦楚人思存止景行無據愧先猷

咏光霽亭

楊載植 中

幾年夢掉瀟溪上今到春陵際美人禍地雨滋窓  
草綠照天燭映池蓮新無欲境裏一腔靜太極圍  
中萬象春振衣隨拜先生廟風月依稀似有神

咏光霽亭

陳之京 中

萬山深處若為佛誰啟先生味道真一鏡乾坤延  
絕學雙懸日月照迷津圖書想像先天上祖互輝  
煌洞水瀆自入春陵頻景慕清溪碧藻薦明裡

咏光霽亭

應世科 中

淑氣偏鍾自舜源春陵兀自挺高賢機從一線天  
光悟學把千年聖訣傳瑤輝碧霧漫滿壺草清拂香  
鞞半壁蓮不是大夫憐綆脉溪頭女得共亭懸

遊月巖 五言

溫陵陳文進

賢里瞻星聚翠岩  
襟月奇空明一片境  
弦望兩分時岩壑  
晚爭秀盤樽兩更移  
幸陪玄度後難和  
右軍詩

和王郡尊七言一首

溫陵

伊誰鑿破這圓月  
在岩頭影在天今古  
一輪渾是望盈虛半瞬  
又似弦廣寒帶雨探  
深處蓬島依雲躡  
峻巖可羨右軍修  
袂事追陪那計燭  
花偏

咏光霽亭

溫陵蘇茂相 晉學

宋學稱理窟瀟溪  
挾其闕根極主靜言  
昭晰太極義中懷  
謝禱縹緲外象溢和  
粹霽月映光風爽然  
豁忘憊程子深服膺  
趙公竟臭味侯生待  
三日識者適驚異千  
載想靈襟令人猶融  
泄明收挹道淵典刑  
勤寤寐祠亭煥舊顏  
庭草滋新翠簿領此  
何煩弦歌古所貴

林志孝年太守道州以昇建光霽亭記見示  
賦此奉答

讀瀟溪志用陽明先生韻一首

晉江林學曾 文選

為愛瀟溪洩道真  
却從主靜覺迷津  
因參太極元無極  
正是先民覺後民  
巖月至今遺朗照  
池蓮自昔陪精神  
千年仰止高山意  
聊託蓮枝一薦蘋

學曾

予告里中適第學閑守道州脩

先生志索詩於余余不能詩然誦法

先生自束髮時矣因寄小言于余李勿論其詩

之工拙可也

次兄仲韻一首

瞻拜先生挹道真  
依依光霽是前津  
學顏樂處在陋巷  
志尹達可為天民  
象呈太極原非偶  
星虛奎文自有神  
忝竊官牆閣下士  
今來幾度薦溪蘋

咏光靈亭

曾可立水明

星聚奎驪宋德新真儒崛起首春陵一腔生意隨  
窓草千古斯文屬後身太極悟來渾是我益魚觀  
處莫非真鶴心深吟美襟懷豁會得神情寫在亭

咏光靈亭

揚如春

宋代斯文啟奎光瑞氣浮瀛溪開道脉太極演玄  
修蓮愛香千古巖崖月萬秋令人思懿範私叔邈  
源流

謁瀛漢

車登雲

道州自昔產名賢敬謁祠傍寐正傳舊日蓮花疑  
泮月新春梅蓋映寒鐘人誕夫子吾應愧脉杖其  
儒爾勉神少壯勸君各努力登壇馳騁著先鞭

謁瀛漢

周誌

森森古柏當年舊脉脉清瀛一泓長義孔微言歸  
太極程朱後學關荒唐孤亭月落花碑半峻石雲  
深草篆芒光霽無邊千古景穩將吾道向南行

謁瀛漢祠咏愛蓮一律

楊大行

夙仰先生獨愛蓮登臨瞻拜釋真傳光風霽月照  
枝幹主靜存誠裕本根樂向孔顏尋自得聞天若  
月識先天卷舒妙微陰陽理淨剖新經道味綿

古今祭謁

瀛溪祠春秋二仲次丁祝文

惟公闡圖著書發明道學上繼魯鄒下開伊洛卓矣  
大儒允稱先覺某等嚮往實殷敢忘教澤茲脩常祀  
用昭虔恪以明道程先生伊川程先生配尚饗

九江墓祭

惟公闡明道學上稽古先指授圖書下開統緒功紹  
六籍名垂兩間體魄攸藏光霽如在茲維仲秋屬事  
有期國典肇稱司存是寄駁奔敢後嚮牲彌深

墓祭文

孔文仲

嗚呼童蒙之歲隨宦于洪論父之執駭登公年  
壯盛玉色金聲從容和熟一府皆傾公二永州嘗以  
族見公貌雖衰不以憂患主薄江西公使于南視公  
如得豈進之貪二十年間再覩長者雖云不屢意則  
輸篤廬山之麓是曰九江皆非土人來寓其邦此頭  
彼期終為鄰里如何今歸乃吊公子嗚呼公之平生  
耻不明時壘培沒濯厥聞大馳有文與學又敏政事  
絕今無比伊傳自視出其毫纖以惠百城千里之足  
尋尺于征民瘼以瘳自病易州謂且復騁遠捨一丘

公之於世悼篤久長有志無年孰聞不傷况如不肖  
辱公知厚通家之密中外之舊再拜墓下矢哀以辭  
情長韻短續以漣瀾

奉安漁溪先生祠文南車

朱熹

惟先生道學淵懿得傳于天上繼孔顏下啟程氏使  
當世學者得見聖賢於千載之上如聞其聲如睹其  
容授受服行措諸事業傳諸永久而不失其止其功  
烈之盛蓋自孟子以來未始有也熹敬誦遺編獲啟  
蒙吝茲焉試郡又得嗣守條教於百有餘年之後是  
用式嚴貌像作廟學宮并以明道先生程公伊川先

漁溪志卷之九

生程公配神從享惟先生之靈實臨鑒之謹告

漳州遠祭

朱熹

維紹熙五年歲次甲寅八月己丑朔二十有八日丙  
辰朝散即秘閣修撰權發遣漳州軍州兼管内勸農  
營田事主管荆湖南路安撫司公事馬步軍都總管  
賜紫魚袋朱熹謹遣學生迪功郎道州寧遠縣尉馮  
允中致祭于漁溪先生周公於皇道體物穆無窮義  
農既遠孔子血為宗秦漢以還名崇實否文字所傳糟  
粕而已大賢起之千載一逢兩程之緒自我周翁清  
滿之原有嚴貌像欲觀無因徒有悵望更以鈔告聞

然丁表出金少府佐其功爰俾諸生敬陳一酌先  
生臨之有赫無咎尚饗

漁溪祠祭

王啓

洙泗迹逝大義乖違賢哲篤生文明應奎漁水之源  
一倡月巖之光遂輝意思發泄於庭草道體灼見乎  
精微闢百代圖書之秘啓千載人心之迷二程從游  
道學復恢偉哉有功於聖門來今不獲乎依歸有祠  
翼翼享祀維時光霽如在庶以慰吾人仰止之私

九江書院開講祝文

趙崇憲

漁溪志卷之九

孔子既歿天其將喪斯文乎斯文之木喪則我先生  
發揮講明之功也虛泉之麓漁溪之淵先生之書堂  
有焉像塑僅設室宇湫隘無以興起士心先生之道  
殆猶鬱而未宣也崇憲奉

天子訓辭米守此邦用敢度其室宇之左備廣築為學  
舍二十六區益將選邦人之俊秀者朝斯夕斯以香  
明先生之業惟先生除惠我多士相協厥尼克昌斯  
文豈惟予末學不遂後忘異時人材輩出將越我國  
家萬年實嘉賴之

白鹿洞祭文

維弘治十有六年歲次癸亥十一月甲子朔越二十

五日戊子按察副使後學無錫邵賢啟昭告于濂溪先生周公明道先生程公伊川先生程公惟我周先生衛人也兩程先生洛人也地之相去數千餘里而乃授受於此天作之會中興斯文夫豈偶然之故哉嗚呼仲尼之道天地也否孰泰之仲尼之道日月也晦孰明之三先生之功於是為大矣故凡過化之地莫不慕而祠之况授受伊始如南安者而可後乎某也愚陋初學壯仕風仰止焉今者承之視學再至茲郡適當陽復之候謹率諸生於萊祠下嗚呼獨復之難久矣惟三先生尚矜其志而惠相之謹告

九江致祭

周冕新修

惟我鼻祖宋儒先覺克承鄒魯以啓河洛壯則宦遊南康終則安厝廬岳歷代加增有功道學逾至

聖明崇德承賢子孫襲爵是等今承檄召來自御國社

守先隴孝思維則遠其脯醢肅將牲帛聲謁柔旒

陳幽宅神若永存庶知款格以昇祖妣陸氏縉雲縣

君蕭氏德清縣君竹食尚嚮

白鹿洞祭文

李夢陽江西

嗚呼孔亡孟列言湮聖述六經僅存異端為敵天降夫子起自南夷繼絕開米文乎任茲圖書啟秘我明

我聰警晦而旦江河也中嗚呼夫子貞履坦坦道光跡幽自彼魯鄒匪我獨遺我我廬山公遊而棲爰墓爰祠有世是師夢陽沐馨研粕年逾三紀志銳質劣無成內悔文釋黍竊言邁江邦過公里阡汗顏傍徨式脩厥明以奠以祀品豐于丘我酒伊旨誰其醑之二程夫子濬深貫真敢忘本始神格相于造化髦士尚饗

謁九江墓

寧遠雷復新修

生先生之鄉瞻望乎百世之下履先生之墓慨乎百世之前前乎百世絕學賴先生以繼後乎百世斯文賴先生以傳生意猶存諸篇擬交之草春風尚在亭亭手植之蓮嗚呼廬山蒼蒼九江湯湯先生之風山高水長

謁元公祭文

安福歐陽旦湖廣

斯文之喪千有餘年先生將起乃嗣其傳太極之圖易通之書淵源理學實啓程朱欽承

朝命職司學校顧德弗頌黍茲遺教明山秀水霽月光

風載瞻載廟萬派之宗

安福王爵永州府

堯舜湯文之為君臯夔伊周之為臣孔思曾孟之為

知府

知府

師斯道之傳如日中天後此子載抱遺經而尋蹤  
繼往聖而開來學至於今日而無窮者謂非先生之  
功而誰歟爵承之先生舊邦景仰先生賢範私淑方  
殷敢忘所自謹陳楸祀用表衷忱

瓊山方進  
道州知

引牛精光扶輿清淑上接魯鄒下啓閩洛圖書畫憲  
卜聖一作忝守過化之鄉仰止降神之嶽謹以菲儀  
式陳微恪

新建符鍾  
道州知

嗚呼夫子之學誠立明通夫子之政私教從容以學

濬溪志卷之九

下

以政教萬世無窮者夫子之德之功下生千載爲仰

高風不圖忝守茲土獲登夫子之堂拜夫子之貌而

親夫子後嗣之雍雍嗚呼乃知

聖脉千古做鍾子生不敏叨此官守恒切衡衡尚賴夫

子大啓我聰俾弗迷于政以免夫鯨病

嚴陵魯承恩  
東州知

天地之道具于吾心先生先覺覺我後人三代以還

道喪文弊或矯矯以立名或栖栖爲祿仕或規規手

註疏或置賢於罔世空言濫觴真道之棄一節雖高

于世無濟先生遺傷究極振領博學力行自我立命

道苟可仕不辭蔭補官可濟民其心書簿久連仁止  
步趨 先師園範曲成不識不知或者以先生之道

在乎太極不知先生道大光明不在二圖而在于躬  
行有素也不然未能孚于時何以垂于後未能行于

人何以質諸天地乎或以先生之學由靜入門嗚

呼先生終日行之未見一語于及門之徒天何言哉

先生真獨得孔氏之傳也夫承恩愚陋竊祿茲土幸

啓故里實切瞻依夔壻寤寐寐寐特牲醴酒聊

表仰思

山陰金椿  
永州通

於呼慨自孔孟之道不尚揚墨申韓之異端日熾迄

濬溪志卷之九

七

于有宋天啓文明我

公挺生于千五百年之後能自得師潛心道妙圖太

極以探天地之秘藏演易通以發聖賢之精蘊上繼

往古之墜緒下開來學於無窮功在當時澤垂永世

愚生也晚頌學有年茲判水陽獲視遺像欣堂拜謁

浩氣若存霽月光風萬代瞻仰爰備牲牢式陳明薦

庶昭靈貺鑒此微誠

吉水周子泰  
永州知

仰惟先生遜世之聖不由師傳粹然全正仕苟爲貧

雖小官有不辭學苟爲道雖人不知而無悶道德性

命之蘊僅見於圖書而其無言不盡之教卒莫窺其  
兆朕從容和緩之色僅覩夫光霽而其行藏屈伸之  
妙卒莫測其淵深當時在門惟有二程先生不強人  
以求到惟開其說而不竟既而二程有得自稱體貼  
尚不歸功於先生之門而况於脩飾之上章句之儒  
又焉足以知其真乎予恭自幼學道既壯無聞虛負  
歲月良愧此生幸而不死之良耿耿猶存數年以來  
究先生之歷履探先生之為人而希慕一念若有枚  
而授之者恭亦不自知其所因也今者拜官在永得  
踐先生之位巡歷在道復造先生之庭情切瞻仰特  
致醮薦嗟夫蓮草俱在風月傳神先生之教苟其有  
馨于恭而苟不惰於向往之志焉往而非先生之所  
陰佑而默成者哉先生有靈尚鑒斯文

武進唐珩

永州府知府

惟斯文之興衰實與世以汗隆慨微言之既絕紛千  
載而塵蒙諒有開其必先迺豫徵於呈聚繫夫子之  
挺生蓋早成而默契樞精蘊之沉郁肇啓鑰於圖書  
言有至而弗盡意獨得而有餘若大明之始升夜冥  
晦而復旦若多途之迷方指大道而群御昔仲尼之  
真樂惟頌其庶幾乃夫子之光靈歷異代而同歸

也蚤服膺於聖教肆假守於茲邦觀河洛而思結  
入魯阜而升堂嗟夷草之已宿覽風月而慨然聊寄  
辭於一奠邈景行於前賢

太和王宗尹

永州府通判

公之學以無欲為功以無極而太極為宗自修自誠  
自明自信蓋有聖人之德開然而不欲以自見也昔  
孔子贊乾之初九曰潛龍勿用龍德而隱者也不易  
乎世不成乎名避世無悶不見是而無悶樂則行之  
憂則違之確乎其不可拔潛龍也公寔有焉宗尹修  
行矯名淺中揚已不足以議於公之學也然一念不  
死嚮往有期神固有知啟我荒迷

廣陵陳鳳梧

永州府通判

道在天地太和元氣公得其全中正純粹體用一源  
隱顯無二上探羲農以承洙泗二程授受寔大其傳  
斯文再闡如日中天睠維春陵公之闕里祠像儼然  
雲仍伊邇某幼讀圖書長而無以幸叨公鄉領諸教  
事瞻望光霽五年于茲展謁云始如寐斯蘇愛蓮有  
亭濼溪有水維公此心千古如是敬采泮芹奠于祠  
下公其臨之佑茲文化

維萬曆四十二年歲次甲寅九月庚戌朔越祭  
 日壬申湖廣等處承宣布政使司分守上湖南  
 道右奉議錄雲雲謹以羊豕清酤之儀致祭于  
 康大儒元公濂溪周先生之神曰坦坦聖道異  
 端弗之侏儒詭惑日與昔馳車坐夫子振鐸提  
 撕上繼洙泗下開閩洛之極一圖先天獨覺誠  
 一為基孔顏與樂有禮有焉可仕可止主靜立  
 極不隨禪理宜師百世為道嚆夫雲宵分守茲  
 主密通賢鄉洗心滌慮披馨沐芳展祠瞻拜實  
 獲周行執親公顏光風霽月孰則公心溪澄蓮  
 蒙執知公趣吟美不輟我生雖晚式學庶幾良  
 知良能是鉢是衣雁鷗陳榻虛往實歸尚饗

濂溪志卷之九

二九二

長洲張勉學

於維先生曾產此拜秀鍾九疑期應九星豈偶然哉  
 其所以蘊之為道德發之為圖書者固已上繼孔孟  
 妙契六經矣自宋迄今五百餘年凡海內有志之士  
 孰不欲一入其鄉又孰不欲一睹其遺容以慰仰止  
 之思也顧茲春陵介楚西南二千里外山川遼遠宦  
 轍罕經則夫慕蓮池纓亭之勝改月岩春水之奇者  
 吾不知其幾何人矣勉學不敏自結髮即知誦習先  
 生之書三十年間每思一闢其門而不可得乃今承  
 乏中土觀風名邦遂得奉謁祠宇而肅拜焉夫海內  
 人士入其鄉者鮮矣况得睹其遺容乎即睹遺容者  
 亦鮮矣而况既睹其容又得窺其宗廟之美乎洋洋  
 乎灑灑乎光霽如見其骨襟襟若開於俎豆此殆  
 縉紳之罕遇而實為勉學生平之至幸也但念莖仕  
 以來習氣欲除而尚存希賢有志而未逮以故致前  
 蹟後坎珂無成懲創之餘動輒愧悔則夫箴之愚蒙  
 之功黜啓心源之妙誠不能不於先生是賴矣爰酌  
 道尊式酌庭草而且述其自幸之私與夫頌學之意  
 如此惟先生其降鑒之尚饗

永新尹襄

斯道又墜至宋後明伊洛之學實木先生性與天道



圖書則備惟幾惟深抑開啓秘學聖有要一以養心  
克辨以來理無古今問我後人恩同罔極尸而祝之  
崇功報德袞袞寡昧誦讀有年使經仁見仰止益虔  
採徒溪毛祗奠祠下恍如風月以昭以迺

慈谿顏鯨湖廣學

皇帝即位之二年是為隆慶戊辰慈谿顏鯨提學楚藩  
以六月庚辰行部至于湖南由永郡蛟事趨郴州道  
出春陵謹齋被用牲釋奠于

宋大儒周元公濂溪先生之祠曰於乎先生生千載  
絕學之後而能超然劫劫聖人不傳之秘主靜而言

濂溪志卷之九

無欲一愛直截易簡昭如日星於乎小子乃甘以形  
骸尔伐之私勞勞焉終身戰於煩惱醉夢之場真先  
生之罪人也修之則吉悖之則凶心為太極汝將焉  
從聖凡平等天地同宗敬述斯言用告群家而以質  
夫先生尚饗

光山蔡光江華縣

維天子秀孕衡嶽應期挺生五星聚奎一文明明師  
授匪求太極點契有圖有書孰窺其秘開闢啓鑰手  
示二程河洛既衍流滋闕闕昔在有宋後學揚航爰  
及我明斯道益昌光汝南木邑竊慕先哲切衷下邑

庶幸稟謁庶草平昔風月融融迺挹餘輝迺際塵佇  
時日之良教仰陳辭神英如在尚其鑒茲

汝陽趙賢巡撫

先生生三湘九疑之間當聖誕言誕之後乃于斯道  
不由師授獨竚本原圖說易通關幽發秘函義文孔  
頽千百年心法之傳也蓋其入所謂彙傑之士無待  
而興而其言雖聖人復起不能易者也賢蚤歲讀其  
書玩其旨而想見其人餘二十年矣頃有天幸過其  
故里湖瀟瀟營水之源覽龍山秀嶺之勝池蓮庭草  
霽月光風差親炙之崇非生平希奇之觀哉碩賢後

濂溪志卷之九

後焉日從事于口耳之末簿書之煩茫乎此心靡有  
得也謁先生之祠帶先生之像猛然深省能無愧乎  
能無懼乎以先生之靈而鑒于賢一念嚮往之誠亦  
將有以默效之而俾不終自棄已也敬奠先生不勝  
景仰

寧波管大勳湖南

於戲道在天地流而不息待人則行匪師弗得義皇  
以來下迄孔氏見知開知厥唯有自夫以孟夫子負  
亞聖之才猶不能不私淑下子思乃先生則不由師  
傳道休炳如孟夫子近聖人之居故能獨得乎周孔

之秘乃先生則雖起南服寔云荒裔蓋其人誠所謂  
豪傑之士雖無文王猶與其生則所謂人傑也靈獨  
超乎風氣之表者也大勳生也晚恨不及吟風弄月  
于先生之門牆而切按茲土又未嘗不自謂千百年  
之奇違今者觀風入境仰止益虔祇奠祠下遺像儼  
然尚惟先生運茲聖脉佑我文明萬年一日

東郡丁懋儒本府知府

儒生也晚幼承家學周公而上孔子而下布在方冊  
者靡不殫究問入曲阜詣闕里周封孔室如克見聖  
經鄒嶧山拜孟祠下而巖巖氣象若酬酢焉先生生

於春陵去中土數千里恨不能至其地以見君曲阜

十一

鄒嶧各山大川考斯文之肇起也客歲補永郡訪故  
里讀遺集景嚮滋甚積誠既久敢中爰告儒向有知  
弱冠後博求佛老之書兀然靜坐窮日夜之力謂庶  
幾有所悟然空長生符未免有意則求之先生  
之言而有悟質之六經孔孟無弗合焉不外人倫日  
用而通手性與天道不落言語文字而非遺脫世市  
不必求諸外物而在我無所不有但當隨處體認而  
功効自然斷不可訛則先生之誨我已非一日深愧  
夫未之有得也僑係乎學先生者高明多求速實

潛不免牽滯則所以印先生之心欽先生之醇紹先  
生之統世豈無若人乎儒不能無感於斯惟先生鑒

尺

祭瀟溪周元公先生文

北地李楨巡撫

道深下載夫子挺生剛明果斷博學力行政嚴以恕  
事整以清風月光霽圖書會成道立教遠傳正習弘  
師表後學如明道先生發揮聖經如伊川先生斯道  
不墜斯文中興之後洙泗下竹閩閩讀佩造編撫  
茲全楚楚闕有宮道實其卑仰止幸深明薦式舉臚  
我後人未睹至理尚饗

祭瀟溪先生

甘江郭惟賢巡撫

於惟先生千載崛起瓜分港思邈源窮委太極一圖  
獨契奧旨絕學以繩訓詁為鄙伊洛見知考亭嗣美  
斯道重明云誰肇始春陵之功鄒魯可擬遺澤迄今  
川流嶽峙覺我後人淑爾儀軌有化其風况遊其里  
賢承乏于茲婢黎是救遙瞻道祠景行遺趾庭草芳  
菲光霽在邇先後一心有為則是逐月爰修神其未  
喜

平湖孫成泰通州

於惟元公千載一人豈探道妙不由師承上繼周孔

下開二程太極一圖開秘傳心惟茲道即定古春陵  
山川靈秀毓我先生魏魏廟貌繁明神泰生也朕恨  
弗及門卒承

命采極斯氏仰瞻瞻範是訓是行我豈維何濂溪之  
清我挹維何霽月之明恍焉夙夜敢弗兢兢今茲承  
之遠遠儀刑吳山楚水夢寐惟勤爰酌我醴爰薦我  
鼎先生有冀來格來歆

祭濂溪先生文

涇州李致通州知

嗟夫聖道相傳如日月江河流行宇宙庶斯可息苟  
非其人則不明不行自孟氏沒學術多岐道統不絕

濂溪志卷之九

十一

如綫而真儒之效遂幽晦幸大啓斯文先生崛起超  
然自得妙契真詮太極一圖探造化之原通書四十  
帝揭脩為之要聖不傳之秘燦然復明於世河洛  
闕闕諸儒始有所憑藉以張其緒而道統於焉大  
振先生之功何其偉與亦不敏竊有志於學其景  
仰先生接於夢寐者精有年矣願日淵覽此心道  
然未有印證今忝守茲郡乃先生誕育之鄉得瞻  
先生之祠登陔對越光霽如承嚮慕之懷此然有思  
茲非生平一大快哉所冀先生在天之靈憫其愚  
陰為啓右階之大道以不迷于歧大豈惟某一人

幸抑亦邦人之休

謁元公祭文

德安何 遣

嗚呼先生之學妙契先天圖書之著大道彰焉以繼  
往聖以開後賢渾淪再闢永衍正傳廬山之麓祠墓  
森然春秋祇薦儀典相沿遺風志聖學仰慕有年茲  
倅是郡益激倦倦卜吉展拜薄陳豆籩誰其配之明  
道伊川嗚呼先生往矣神弗具湮異牖我明冀鑒我  
虔尚饗

祭周諫議文

思南張守剛

尼山誕聖自鄴叔禱有聞必先吾魯其報聚奎之應

肇自

先生儲靈毓秀龍峯崢嶸篤生元公超悟絕世默契  
真詮大埽群穢三才之奧千聖之根玄而非秘一為  
入門遂令魯鄒昭於日月統緒所垂永存輝棐功在  
斯道允矣豐隆得于其子即如其好譬彼有源洪流  
溢溢生平善政孰與茲匹昔在永嘉請闢專祠並崇  
所生胡乃獨遺論定于今登從啓聖闕始完文明  
之慶剛仰懷光霽幸遊其鄉恭逢懿輿遠邇前芳郡  
廟有嚴敬安新主言念發祥相森遺宇復即其地奇  
菴溪毛克昌之靈尚佑舉

議春秋丁特祀諫議公祠

河江瀟瀟源出崑崙樹陰霽霜瞻彼鄧林於惟我

公宋室諫議篤生瀟溪於道默契圖書左右風月

今古下衍開闢上承鄒魯別歷中外無間勞動洗

克澤物體立川行是父是子有功於世今茲特祀

禮起以義言念發祥啟我斯文廟貌有赫俎豆維

新

濂溪志九卷

兩淮馬裕家藏本

明李楨撰楨字維卿安化人隆慶辛未進士官至

南京刑部尚書事迹具明史本傳是編雖以濂溪

為名似乎地志實則述周子之事實首載太極圖

說通書次墓誌及諸儒議論歷代褒崇之典次古

今紀述次古今題詠並祭告之文